


8.51 B 117





8

Cy¹ S¹ 2
Thomas Peckham

8. 51-B-17
D. CAECILII
CYPRIANI EPISCOPI
CARTHAGINEN.

SIS ET MARTY
RIS OPERA.

Quibus nuper adiecinus eiusdem carmina
quædam de cruce Redemptoris atq;
ad Crucifixum elegantissi-
ma, nec usquã antea
impressa.

*

spes eius : & non respexit

beatus uir, cuius est dominus



in uanitates, & infanias fallas.

Venetiis ad signum Spei.

M D XLVII.

1547-

VITA B. CAECILII CYPRIANI

per D. Eusebium Hieronymum.



YPRIANVS Afer primum gloriose
rhetoricam docuit, exinde suadente presby-
tero Cæcilio, à quo & cognomen tum sor-
titus est, Christianus factus, omnem substā-
tiam suam pauperibus erogauit: ac post nō
multum temporis, electus in presbyterum,
etiam episcopus Carthaginensis constitutus est. Huius ingenij
superfluum est indicem texere, cum sole clariora sint eius ope-
ra. Passus est sub Valeriano & Galieno principibus, persecu-
tione octaua: eodem die, quo Romæ Cornelius, sed non eodem
anno.

257,

vel 258.

R. P. AC D. D. LAVRENTIO
PVCCIO, TITVLI SAN=

ctorum quatuor Cardinali

Erasmi

.a. D.

*



N tam uasta rei literariæ clade, quæ non so-
lum tot egregia ueterum monumenta, uel
deprauauit, uel detruncauit, ueruetiam in-
numeros scriptores ïmortali memoria di-
gnos totos absorbuit, fortassis ineptius ui-
deatur R. pater, unius aut alterius interitũ
deplorare, ni Cyprianus unus esset multorum instar habẽdus,
siue spectes eloquentiam, siue doctrinam, siue pastoris digni-
tatem, siue pectus apostolici spiritus uigorem ubiq; fragrans,
siue martyrij gloriam. Hanc autem iacturam haud scio an hoc
moderatus ferremus, si totus nobis interisset. Nunc quoniã ex
his fragmentis quæ nobis, nescio quis casus, superesse uoluit,
conijcimus qualia fuerint illa, quæ perierunt, grauius etiã ani-
mo discruciamur, quicunq; thesaurorum huiusmodi sumus aua-
ri. Porro ut nunc in obscuro sit, quæ et quàm multa uir ille scri-
pserit, operum claritas in causa fuit, quæ et Hieronymo per-
suasit, ut non duceret operæpretium lucubrationum illius indi-
cem texere, cum ipsius ætate et sole clariores haberentur, et
publicitus omnium manibus tererentur, haudquaquam existi-
mans fieri posse, ut tantam lucem ac celebritatem ullus casus
obliuionis tenebris obscuraret: quod idem malum nobis usu ue-
nit in Tertulliano: nam alius quispiam casus Origenicorũ ope-
rum catalogum nobis ademit, quem Hieronymus sese testatur
attexuisse in quadam ad Paulam epistola, in qua huius Adama-
tij libros cum libris Varronis confert, quem et ipsum constat
ῥολυγαφóτατον fuisse. Cæterum cum Lactantius testetur,

à Cypriano admodum multa fuisse conscripta, rectius perspiciet quanta fuerit ea calamitas, quæ cætera nobis ademit: qui reliquias quas habemus, notha ac pseudepigrapha detraxerit. Et enim ut Cypriano cum cæteris scriptoribus est cõmune, quod ipsius lucubrationibus multa sunt aliorum admixta: ita hoc fuit Hieronymo felicior, quod huius uoluminibus multa sunt interspersa, prorsus indigna lectu: Cypriano nihil adscriptum est, nisi doctum, et à magnis uiris profectum. Proinde nos adeò nihil semouimus etiam huius generis, ut nonnulla ex uetustis codicibus adiecerimus: neque enim protinus reiiciendum, quod Cypriani non est. Iam nequis in hac censura putet nos nihil aliud secutos quàm somnium animi nostri: symbolum fidei, quod in euulgatis pariter ac descriptis uoluminibus, Cypriani titulum hæcenus possidet, inter opera diui Hieronymi, fertur Ruffini nomine. Liber de singularitate clericorũ habetur inter Augustini lucubrationes, quanquàm is an Cypriani sit, dubito: certè Augustini non esse, præter phrasim arguunt ipsæ sacrarum uoluminum citationes. De cæteris coniecturam nostram suis locis annotabimus. Vitam apparet ex eo libro decerptam, quem, ut testatur Hieronymus, conscripsit Pontius Cypriani diaconus, in ipso etiam exilio comes indiuiduus usque ad ultimi supplicij diem. Nec enim mihi uerisimile fit, hoc esse uolumen illud egregium, cuius in uita Põtij meminit Hieronymus: cum quod extat apud nos, ne libelli quidem uocabulum mereatur. Certè coronidem de translatione corporis eius, ab alio quopiam adiectam esse, clarius est, quàm ut sit admonendum, præsertim cum in ea Caroli imperatoris fiat mentio. Iam quod diuus Hieronymus memorat, octo tantum epistolas Cypriani ad Cornelium Romanæ urbis episcopum extitisse, cum in nostris codicibus undecim, ni fallor, habeantur, fieri potest, ut non omnes peruenierint in manus Hieronymi: aut quoniam sit aliquoties, ut in iisdem diuersa tractentur argumenta, singulæ quæpiam in bis

nas dissectæ sint, id quod nos in una certè factum & deprehen-
dimus & indicauimus. Porro cum olim Africa per multos edi-
derit eloquentia doctrinæq; celebres, inter quos sunt in primis
Tertullianus & Augustinus, tamen uix ulli contigit Romanæ
dictionis germana puritas, præterquam Cypriano. De scripto-
ribus ecclesiasticis loquor, alioqui Lactantius in primis erat ex-
cipiendus. Nam Tertullianus licet densus & argutus sit in sen-
tentijs, sermo tamen difficilis est & obscurus, atq; etiam incō-
ptior: quemadmodum indicat Hieronymus in epistola ad Pauli-
num, uidelicet Lactantij iudicio subscribens. Iam in Augusti-
no subinde lectorem offendit perplexum nescio quid & impe-
ditum atq; obscurum, quod in epistolis illi obijcit & Hierony-
mus: at uterq; Cypriano summas eloquentiæ dotes tribuit: sic
enim scribit Hieronymus in epistola ad Paulinum: Beatus Cy-
prianus instar fontis purissimi dulcis incedit & placidus La-
ctantius autem in præfatione libri quinti de Institutione reli-
gionis christiane, non solum illi tribuit facilitatem, iucundita-
tem, perspicuitatem, copiam ac nitorem, uerū etiam uim ac ner-
uos in persuadendo. Erat enim, inquiens, ingenio facili, copio-
so, suauis, & quæ sermonis maxima est uirtus, apertor ut discer-
nere nequeas, utrum ornatio in loquendo, an faciliior in expli-
cando, an potentior in persuadendo quisquam fuerit. Atq; uti-
nam diuus Augustinus, ut Afer Afrum, episcopus episcopum
numero uoluminum præcurrit, ita dictionis elegantia potuisset
assequi: utinamq; linguam huius tam feliciter esset æmulatus,
quàm candidè miratur ac prædicat. Siquidem is lib. De doctri-
na Christiana. 4. ex huius uoluminibus potissimū petit exem-
pla, quibus demonstret, nullam eloquentiæ partem in Christia-
nis scriptoribus desiderari, hunc cum Ambrosio subinde con-
ferens, quemadmodum Fabius Marcum Tullium cum Demo-
sthenē committit. Idem in consulationibus cum Pelagianis ac
Donatistis, multa cum reuerentia citat huius sententias. Non

possum equidem inficias ire, quin olim inter orthodoxos scriptores primas tribuerim Hieronymo: uerum ubi Cyprianum, quem prius & carpiam & oscitans legeram, propius suam contemplatus, prorsus animi dubius reddor, utrū utri præferam, adeo suis uterque uirtutibus summus occurrit. Quod si hoc nomine iure præfertur Demosthenes, quod propius accesserit ad uerum illud ac naturale dicendi genus: & longius absit ab umbra declamatoria, longe præcellit hac parte Cyprianus Hieronymum: magis ubique serius ac minus affectans, cum hic, quemadmodum & Tertullianus, in risu penè sit immodicus, subinde desidens in expiationibus, plurimum admiscens ex profana literatura: quæ dotes, si laudi dantur, non tam desuere Cypriano, quàm uel sprete sunt, uel neglectæ. Nihil in hoc reperies, quod ad ostentationem ingenij uideri possit ascitum, aut quod ullo pacto uasfruiem sapiat, quæ non abest Hieronymo. Talis ubique sermonis habitus est, ut loqui sentias uerè Christianum episcopum, ac martyrio destinatum. Pectus ardet Euangelica pietate, & pectori respondet oratio: loquitur disertus, sed magis fortis, quàm disertus: neque tam loquitur fortis, quàm uiuit, ut ipse meminit alicubi. Huic nimirum personæ magis congruebat dignitas, quàm lepos, etiam si locis aliquot declarat sibi non desuisse nasum, sicubi res ita postulasset: uelut ubi falsissimè ridet hæreticam quendam qui negabat Cyprianum habendum pro episcopo: deinde cum refellit eos, qui non immersos, sed aspersione aquæ baptizatos in periculosis morbis, non Christianos, sed Clinicos censebāt appellandos. Nam hic præter perpetuam illam iucunditatem, sanguinis in morem per omne corpus sparsam, iocis etiam ac dictis utitur. In una duntaxat epistola, cuius initium est. Bene admones Donate, nonnihil ludit apparatu pompaq; sermonis: unde & Augustinus comptæ, iucundæ, splendideq; dictionis depromit exemplum. Talem ecclesiæ doctorem, talem Christianæ pie-

tatis athletam nobis dedit rhetorum schola, nequis sibi stolidè placeat, quòd nihil rhetorices attigerit. Effèrant alij quantum libet eos, quos nobis ediderunt dialecticorum ac peripateticorum scholæ, quos nec nos sanè improbamus, certè primas inter orthodoxos partes Cypriano tribuit Papa Gelasius, in decretis. 15. dist. cap. Sæcta Romana. Iam fortassis non abs re fuerit, nōnihil attingere de dogmatis huius, à quibus hodie dissentire uidetur ecclesia, inter quæ cum primis iactatum est illud, quod existimaret hæreticos ab ecclesiæ consortio semotos ac schismaticos nihil agere baptizando: atqui hæc sententia non uni placuit Cypriano, uerum plerisque omnibus Africæ, Numidicæ, Mauritanicæq; episcopis: qd' abudè perspicuum est ex actis synodi Carthaginensis, quæ nos adiecimus in hac editione. Error erat simplex, nō ex ambitione malitiæ ue, sed ex hæreseon odio & ecclesiasticæ unitatis amore profectus. Dum enim secundò uitat lacus hæreticorum cōtritos, horretq; bibere aquam de cisterna aliena, incautiore mali fuga, in eum errorem incidit. Nec ille repertor fuit eius erroris, sed à maioribus acceptum tuebatur, haud dubiè mutaturus sententiam, si melioribus argumentis ueritatem fuisset edoctus, quemadmodum post, episcopi ceteri priorem opinionem meliore sententiâ mutarunt. Nam testimonia scripturarum & rationes, quibus illi fuerunt in eum errorem inducti, eleganter refellit Augustinus in libris De baptismo contra Donatianos, præsertim libris tertio, sexto, septimo. Sunt & alia quedam, sed hinc firmè profecta, quæ suis locis attingemus. Iam q, quidam (ut refert Lactantius) homo disertus, sed impius, Caprianum, pro Cypriano, uocari: hoc magis nobis placere debet uir optimus, quòd uiro pessimo displicuerit, immo cui nihil in Cypriano displicuerit præter Christianam pietatem. Satis enim declarat quid ille de Christo senserit, qui doctrinam eius aniles fabulas iudicari. Ad hæc quòd huic Hieronymus in epistola quadam ad Paulinum uidetur

Dogma Cypriani de hæreticis.

Lactantius lib. 5 cap. 1.

absolutam sacrę scripturę scientiam detrahere, nihil aliud sensit, opinor, quàm persecutionum procellis, quibus tum agitata batur ecclesia, martyrioq; præpeditum, non absoluisse in explanandis diuinis uoluminibus, quod egregie præstaturus uidebatur, si licuisset. Nam quę scripsit, frē uersantur in locis communibus: unde non pauca decerpit Hieronymus: quoties in ipsa dem uersatur: quemadmodum, ut est uerisimile, ē Tertulliani libris multa mutuatus est Cyprianus, quibus adeò delectatus delectatusq; legitur, ut quoties ab amanuensi codicem posceret, dicere solitus sit: da magistrū, nihilo minus ob id ingenio tribuens, q̄ ab ecclesia sese submouisset, nimirum gnarus uel ē sterquilinio legere aurum, & intelligens ubiq; bonum esse quod bonū est, ac uitans prophetica imprecationem aduersus eos, qui pro personarum uarietate, uel pro suo magis affectu, de rebus iudicium uariantes: quod bonum est, dicūt malum: quod dulce est, faciūt amarum. Sed ne celsitudinem tuam pluribus morer,

Cypriani opē
ra emendata.

reuerende pater, prodit Cyprianus et emendatior multo, sublati opera nostra mendis: et aliquāto purior, sennotis ijs quę illi falsò tribuebantur: & auctior, adiectis aliquot ex uetustissimis exemplaribus, quę hactenus desiderata sunt. Postremo prodit opera Frobenij nitidior simul et augustior: prodibit autem & feliciter, si tua autoritas nostrę fauebit industrię simul & consilio, qui laborem hunc tuo nomini dicatum esse uoluimus, non ignari quātum ea laboret instaurandę religioni Christianę. Quorum enim auspicijs magis conueniebat restitui prius eos ecclesię doctores, quàm uestris, qui nunc illorum præcipuas uices geritis? per quos potius oportuit asseri, scriptorem apostolis proximum, quàm per eos qui nobis summates Apostolos repræsentant? Quin & illud mihi probē uisum est congruere: ut Cyprianus, cui primum locum tribuit sedis apostolicę censura, tuis prodiret auspicijs, cui meritisimo inter tot ordinis cardinalitij lumina primas tribuit Leo pontifex, non

minus cordatissimi, q̄ maximi titulo clarus. Celebris est apud Romanos Annibal Pœnus, qui cū Italis de Romano certauit imperio: hunc æquum est haberi celebriorē, qui cum Romanis orthodoxis feliciter quā Annibal, de Romana certauit eloquentia. Ille cum Scipione confligit armis, hic cū Cornelio Romano Pontifice sic suscepisse pietatis certamen uidetur, ut ambo uirtutibus pares, eodem die, licet anno nō eodem, similis martirij palma decorarit, eloquentiæ gloria uicerit Cyprianus. Mihi uerō peculiaris etiā quædā causa fuit, ut hoc quicquid est operæ, amplitudini tuæ dedicarem: quandoquidem non licuit alia ratione testari animum memorem officiorum baidquaquā uulgarium, quæ primū R. D. Antonius Puccius nepos tuus, id temporis legatum agens summi Pontificis apud Heluetios, mox tua celsitudo Romæ mihi largiter impedit: quan precor ut Christus Opt. Max. dignitati Romanæ sedis, & reipublice Christiane iuuandæ, diu seruet incolumem. Louanij, Anno M D X I X. pridie Calendas Augusti.

ANNOTATIVN CVLAE DES.

ERASMI ROTER. IN CYPRIANVM.

Ex libro primo, folio primo.



Ognouimus frater charissime.) Videtur sentire non esse fas Christianis, armis ac uicturi se aduersus impetū psecutorū. Quin addit: cum innocentibus nec nocentes occidere liceat. Consentit sibi in tractatu cuius

initium: Oblatram te.

Folio 9.

Legi literas tuas frater charissime.) Si male, inquit, locutus sum, exprobra de malo. Videtur Cyprianus, aut certē is quem secutus est, Græcè legisse pro μαρτύριον, ἐπίτιμον.

Ex eadem, folio 9.

Acoluthum misisti, &c.) Acoluthum scriptum in huius li-

bris inuenio: ἀκάλυτος, significat eū qui nō prohibetur: ἀκάλυτος ministerium sonat. Videntur Latini hic accepisse accensum Græcorum, quemadmodum fecerunt in paracletus.

folio. 28.

Cum in unum cōuenissemus.) Sentire uidetur sacrificio sacerdotis impij nihil effici, imo magis inquinari populum. Verum intelligit, opinor, de episcopo per Hereticos constituto, qui non sit uerus episcopus: huius sacra non prosunt ijs, qui fauent huius impietati.

folio. 38.

Pro tua religiosa diligentia.) Sentire uidetur non baptizare neq; absoluerē, qui spūm sanctum non habet. Verū hæc opinio data est. Eadem differit in epistola. 12. cuius initium: Cum simul in concilio. Item in tractatu, cuius initium: Cum moneat Dominus & dicat. Item in actis synodi Carthagenensis.

Ex lib. 2. folio. 68.

Bene admones Donate.) Huius epistolæ phrasis nitidior ac florulentior est, quàm cæterarū: & redolet adhuc scholasticam eloquentiā. Ex hac citauit Augustinus exemplū splendide ac iucundæ dictionis, libro de doctrina Christiana quarto, capite decimo quarto, adducens hunc locum: Petamus hanc sedē, &c.

Ex eadem, fol. 71.

Et homicidium cum admittūt singuli, crimen est: uirtus uocatur, cum publice geritur.) Videtur nullum facere discrimen inter homicidium & bellum, nisi quod hic publice occiduntur plures: uerum hoc intelligendū de bello iniusto, cuiusmodi sunt pleraq;: & haud scio an omnia, ut nunc quidem geruntur.

folio. 73.

Audacia prorsus cōuicijs faciens, & impudentia cōgruens impudicis.) Pro, faciens, nonnulli codices habebant, fauēs. Cōiicio legendum: Audacia pro conuicijs faciens, &c. ut sit sensus, audaciam conuenire conuicianti.

fol. 78.

Quanquā sciam frater charissime.) Ex hac colligitur olim

quosdam pura aqua consecrasset sanguinem Christi, non admixto uino. folio. 83.

Non bibam amodo ex ista creatura uitis.) quod Græcis est *ἐξ ὕλης*, creaturam uertit. fol. 86.

Sic uero calix Dñi non est aqua sola, &c.) Sentire uidetur non cōsecrare eū, qui uinum cōsecret absq; aqua: sed sensit, opinor, non rite consecrare, licet non consecretur aqua sola.

folio. 87.

An illa sibi aliquis contemplatione blanditur, &c.) Videatur olim fuisse mos, ut mane consecrarent aquam, sub coenam uinum aqua dilutum. fol. 89.

Tingentes eos, &c.) Latine dixit, quod nos Græcè malimus: unde et alibi quos nos baptizatos dicimus, ille tinctos uocat. Ex hac epistola August. lib. de doctri. christ. 4. cap. 21. adducit exemplū submissæ dictionis. Admonitos aut nos scias, ut in calice offerendo, &c. Ex lib. 3. fol. 118.

Lectis literis.) In hac excutiendum quid sentiat, cum negat cuiquam nisi soli Christo datā potestatem uirga ferrea confringendi uasa fictilia, & exustis zizanijs purgare triticum: nam ecclesia etiam tum eiciebat improbos & intractabiles. Si de eijciendo sensit: & afficiuntur capitis supplicijs, qui cōmerentur, sed per magistratus profanos. Vnde sensisse uidetur, ecclesiastica censura neminē sic perdi, ut intreat: quæ non in aliud adhibetur, quàm ut sanet. Similia tradit lib. 4. epistola. 2. Accipimus primas. fol. 159.

Gloria quidem uestra, &c. Squallent sine balneis mēbra.) Hunc locum uidetur emulatus Hieronymus in epistola prima, quam adolescens scripsit ad Heliodorum, sicut & alijs multa huius est imitatus. Ex lib. 4. fol. 165.

Accipimus primas literas tuas.) Excutiendum cur in hac Cornelium pontificem Romanum collegam suū appellet: neq; enim id semel facit, ut casus uideri possit, sed iterum atque ite-

rum. Sic & Innocentium Augustinus fratrem uocat. Resederant in illa etiam uetustigia simplicitatis apostolicæ, nec requirebatur ista titularum ambitio. Sic Paulus Apostolorum principem Cepham & Petrum. Par erat autoritas, sed maior caritas & arrogantia nulla. Et tamen Cyprianus alicubi plurimum de fidei Romane, deque dignitate Petri magnifice sentit. Proinde suspicor hic fratris cognomen non arguere dignitatis æqualitatem, sed societatem communionis. Ex eadem, fol. 166.

Item: Quod ne uel apud te, uel apud quenquam, &c.) Hinc apparet ecclesiæ decreta pro tempore recte mutari. Primum Cyprianus acerrime inuehebatur in eos, qui sine poenitentiae satisfactio ne recipiebant in ecclesiæ consortiū eos, qui metu suppliciorum defecissent à Christi professione: mox mutata in diuersum sententia, idem fecit, quod illos indigne & impie facere clamitabat.

Ex eodem, fol. 171.

Sic tamen admissus est Trophimus, ut laicus communicet.) Ex hoc loco apparet presbyteros à perfecta poenitentia non recipi solere, nisi inter laicos: quod aiunt & hodie fieri apud Græcos.

Folio 190.

Agnoscentia & complectenda.) Videtur olim ecclesiæ pro martyribus orasse, sic enim ait: Sacrificia pro eis semper, ut meministis, offerimus, quoties martyrum passiones anniuersaria commemoratione celebramus, nisi forte pro eis dictum est, pro eo quod erat, in honorem eorum. Folio 201.

Quæstisti etiam frater.) Hanc non esse epistolam integram, uel ex ipso statim initio liquet. Quis enim sic exordiretur epistolam? quæstisti etiam: uerum pars est epistolæ, cuius initium: Pro tua religiosa diligentia, quod palam arguit codex uetustissimus è duobus minor, quem nobis exhibuit uenerabile monasterium Iemblacense. Ex eadem.

In hac disputatur, an qui instante morte, sacra aqua suffusi essent, quod ob morbum tingi non possent, pro baptizati

tis essent habendi: & an retinendi, si reualuissent. Hęc rem ita tractat, ut liberum relinquat, siue quis putet eiusmodi retinendos, siue non.

Folio 207. & 211.

Ego te frater.) Ait: Loquitur illhic Petrus, super quę a discanda erat ecclesia. Ab hac sn̄a multū abhorret Augustinus, qui non uult hominem esse fundamētum ecclesię, certē hoc loco. Et tū non semel Cyprianus facit Petrum ecclesię fundamētum: nisi fortē nomine Petri sensit populum hoc profitentem, quod Petrus fuerat professus. Huius enim personam gerebat tum Petrus. Christus unicum & uerum est fundamentum & caput ecclesię, nihil tamen uetat Apostolos aliquo modo dici fundamenta aut capita ecclesię.

Folio 214.

Oblatratem te.) Demiror cur hęc aliquis maluerit tractatus appellare, quā epistolas. In hac Cyprianus sentire uidetur mundum hunc senio reddi deteriore.

Ex eodem, folio 224.

Nemo nostrū qū apprehenditur reluctatur, &c.) Hic sentit Christianos potuisse resistere persecutionibus, sed noluisse, ne ultionem quam Deus sibi reseruata uoluit, sibi usurparēt. Conuenit autem cum eo quod annotauimus in prima epistola. Nunc ultro inuadimus, & opibus inhiamus potius, quā saluti illorum studemus.

Folio 231.

Disciplina custos, &c.) Hic quod scribit nullam esse ueniā peccanti post cognitam Domini uiam, sic arbitror intelligendum, non esse ueniā, quę pręstet, ut non imputetur delictū.

Folio 240.

Ex hoc libello locos aliquot adducit Augustinus lib. de doctrina Christiana 4. cap. 21. ex quo mendas aliquot submouimus: adducit autem hunc locum: Siquis pingendi artifex uultū alicuius, &c. ut exemplum grandis figurę dictionis.

Folio 246. 248.

Cum moneat Dominus, &c.) Hic æquare uidetur auctorita-

tem omnium Apostolorum, cum ait: Hoc erant utiq; cæteri apostoli quod fuit Petrus, pari cōsortio præditi, & honoris & potestatis: sed exordium ab unitate proficiscitur, ut ecclesia una monstretur. Incertum autem, an, quod dicit ecclesiā ab uno profectā, ad Christum referendum sit, an ad Petrum: nisi q; orationis tenor magis in Petrum congruit: par erat autoritas prædicandi, baptizandi, & absoluedi, penes unū tamen erat principatus, ad declarandam unitatem ecclesiæ.

Folio 264.

Quòd idola dii non sint.) Huius tractatus titulus habebatur uarius, In uetustissimis codicibus reperi: Deos non esse quos uulgus colit, hinc notum est. In alijs doctus aliquis auxit titulum: & rursum aliquis coniunxit titulum ipsi operi. Quoniam autem incipit ex abrupto, suspicor esse fragmentum prolixioris operis. Quandoquidem Lactantius testatur, Cyprianum plurima uolumina conscripsisse. Hoc opusculum Hieronymus laudat in epistola ad oratorem Magnum.

Ex eodem, circa finem, fol. 270.

Iam uenturus è cælo ad pœnam diaboli, & ad censuram generis humani.) Non sic accipiendum est, ut quidam putarunt, diabolum et animas impiorum nō cruciandas ante extremi iudicii diem, sed ex iudicio pœnam accessuram diabolo.

Folio 271. & 276.

Multa & magna.) Quod est apud Matt. cap. 6. ὁ πονηρὸς καὶ ὁ σπυδαῖος. hic uertit, tinea & comestura. Ex eod. fo. 283.

Quibus possent peccata tergeri.) Tergeri pronūtiavit iuxta secundam inflexionem: atq; ita positum uidetur apud Terentium in Eunuchis: Qui abstergere uulnera.

Folio 300. & 303.

De patientia locuturus.) Hic locus est commodè intelligendus, quales sunt complures etiam in alijs libris orthodoxorum. Immortalitate, inquit, interim posita, fieri se & mor-

talē patitur. Neq. n. filius Dei desijt esse immortalis, posteaquā
assumpsit humanū naturam. Ex eodem, fol. 329.

Pax ecce dilectissimi fratres.) In hoc sic differit de remissio
ne peccatorum, ut uideatur adimere hominibus autoritatē ab-
soluēdi. Verum ex toto sermone satis liquet, illum sentire de nō
absoluendis absq. satisfactione. Agit enim aduersus eos, qui sta-
tim admittendos arbitrabantur in ecclesiæ consortium, eos qui
metu tormentorum Christi nomen abnegassent. Diuus Hiero-
nimus testatur Cornelium Romanæ urbis episcopum edidisse
uolumen de lapsis: uerum nihil uetat idem argumentum à duo-
bus fuisse tractatum. fol. 363.

Euangelica præcepta: Et remitte nobis debita nostra, &c.)
Vbi sunt qdam cicunforanei rabulæ, qui apud populum indo-
ctum coelum terræ miscebāt, qd' in precatione dominica, pro,
dimitte, mutarim remitte: nō damnās oīno quod nos legimus,
sed qd' elegantius est, præferens? Atqui Cyprianus tot ante nos
seculis ausus est sic precari Deū. Remitte nobis. Et hi uolūt ha-
beri christiana religionis columnina, qui ob nēnias hmōi proxi-
mum criminantur apud indoctā plebeculam. Porro nequis im-
pudens cauilletur locum à me corruptum, consulat uel descri-
ptos, uel excusos typis codices. fol. 396.

Obtemperādum fuit fili charissime.) De hoc uix licuit cer-
tum pronuntiare, qd' præter præfationem autor nusquā suum
stylum exerat. Probabilius mihi qdem est, non esse Cypriani.
In uulgatis codicibus non habebantur nisi duo libri, nos certitiū
adiiecimus ex bibliotheca Iemblacensi.

Cap. 5. fol. 401.

Locus qui citatur ex Abacuc, iuxta Græcorum lectionem
citatur in uetustissimis codicibus scriptis.

Ex eodem, cap. 12. fol. 404.

Quod est apud Matthæum cap. 1. cuius non sum dignus,
hic citat: Cuius non sum idoneus: quod Græcæ sit ἰκανός.

Capite 13. folio 404.

Quod est apud Matthæum cap. 11. Iugum enim meum suauē est, & onus meum leue. Iugum enim meum bonum est, & sarcina mea leuis: quod Græcè ἡ ψυχὴ est, bonum uertit.

Libri 2. cap. 18. fol. 429.

Quod est apud Ioannem 1. Medius autem uestrum stetit, hic ita refert: In medio autem uestri stat, sentiens ἐσθλόν, & huiusmodi uerba sic usurpari frequenter, ut sub uoce præteriti præsens indicent.

Capite 28. fol. 435.

Omnes patrie gētium.) Græcā uocem reliquit πατριαι, id est, familiæ.

Fol. 488.

Scripsisti mihi frater.) Ad lubaianum, hoc opus non habebatur in his codicibus, quos habemus excusos typis. in uno tantum codice reperi peruetusto, cuius copiam mihi fecit collegium Iemblacense, unde quædam non quiuimus emendare.

In eodem, folio 492.

Quod nunc quoq; apud nos geritur.) Hic nonnihil attingit de ritu prisco baptizandi.

Ex eodem, fol. 494.

Proinde frustra quidā.) Hic sentit absurdū non esse, siquid in ecclesia receptū uertatur in melius, aut etiam corrigatur, si deprehensus fuerit error.

Ex eodem, fol. 502.

Hæc tibi breuiter.) Cum uersetur in re fidei, tamen collegas episcopos suo relinquit arbitrio. Et haud scio an inter hos fuerint suffraganei: nam Carthago metropolis est Africæ. Tanta erat unitatis cura prisca, & ad damnandum contatio.

Folio 502.

Quamquam plene ea.) Nec hoc opus habebatur inter excusa typis, sed adiecimus e codice Iemblacensi.

Fol. 510.

Retulit ad me frater.) Et hoc ex eodem adiecimus.

Folio 513.

Cum in unum Carthagini conuenissemus.) Ipsa res indicat hoc opus non esse compositum à Cypriano, sed acta esse synodi, notarijs

di, notarijs excipientibus, quæ gerebatur, aut dicebantur. Nec enim est eadem omnium dictio, sed satis apparet omnes episcopos illius temporis eruditos fuisse, præsertim in sacris literis. Est autem elegans cernere, quibus modis olim episcoporum concilium solitum sit celebrari. Quin & illud animadvertendum, opinionem de iterum rebaptizandis ijs, qui fuissent ab hæreticis baptizati, non unius fuisse Cypriani, sed omnium ferme episcoporum Africæ, Numidiæ, ac Mauritanie. Annotandum & illud, non probari ab his iteratum baptismum, sed arbitrari, nihil actum baptismi hæreticorum. Et hunc librum adiecimus ex uetusto codice.

Ex eodem, fol. 513.

Supereſt, ut de hac ipsa re singuli.) Rursus hic cum sacramenti res tractetur ac fidei, tamen unumquæq; suo relinquit arbitrio: nec putat quem terrore cogendam, ut mutet sententiam, videlicet ne scinderetur concordia ecclesiastica.

Ex eodem, fol. 514.

Magirpa in suffragio suo, hoc baptismum dixit, quæadmodum & Augustinus aliquoties in commentarijs in Ioannem.

Ex eodem, fol. 517.

Monnulus in suffragio suo, cancer, usurpat neutro genere. pro morbo, quod & aliàs apud Cyprianum reperies.

QVÆ VIDEBANTVR FALSO

ad scripta Cypriano.

folio. 529.

Probatio capitulorum.) Phrasis immo genius huius operis totus abest ac dissidet à Cypriani stylo, siue spectes elegantiam orationis, siue eruditionem sacram, siue ardorem animi. Mihi uidetur esse fragmentum alicuius commentarij. Iam ut nihil aliud, uel illud unum mihi persuaserit opus non esse Cypriani, quod serio recenset hic, quisquis est, frigidissimum commentum de quatuor elementis, quibus apud Hebræos compo-

nitur Adam: & quatuor mundi plagis, quas is, nescio quo consilio stellas appellat, quarum singule apud Græcos incipiant à singulis Hebraici nominis elementis. Deinde alterum multò frigidius, de numero quem constituunt apud Græcos eadem elementa, α, δ, α, μ. Quod tamen Augustinus refert aliquoties in commentarijs in Ioannem.

Folio. 546.

Narrat Iosephus.) Nec hic quidem quicquam est Cypriani, meminit autem Pipini regis Aquitanorum, qui si is est in quem Stephanus pontifex transtulit imperij titulos, immensum est intervallum annorum.

Folio. 547.

Mihi quidem fidelissimè Laurenti.) Stylus satis arguit, hoc opus non esse Cypriani: & inter opera Hieronymi fertur inscriptum Rufino. Nec abhorret phrasis à phrasi Rufini: & inter huius opera magnifice de symbolo meminit Gennadius, quod adeò præclare dicit esse disertum, ut cæteri ad hunc nihil dixisse videantur.

Folio. 591.

Promiseram quidem vobis.) Libellus hic eruditi sacundiq; hominis esse negari nec debet, nec potest. Et consentiunt quedam schemata, in quibus tamen hic magis immodicus, quàm Cyprianus: verum aspersa sunt verba quedam, non referentia puritatem Cyprianicæ dictionis: uelut illa: Quoties inordinaliter credimus, ac contubernalitas. Item coniugalitas, & uulgaritas. Item absenteare, pro separare. Item constitutionarij, & repulsorium: pullulat uitia, pro producit: & naufragalis, & corpus ancillat, pro effœminat. Item frequentatiuum, aliaq; his consimilia. Quâquâ uidetur episcopus, aut alioquin auctoritate præditus fuisse: nam sic inquit alicubi: Vos autè filij charissimi non tantum persuasione, sed etiam potestate conuenio. An hoc libello citatur locus Pauli iuxta ueram ac Græcorum lectionem:

Non ergo blasphemetur bonum uestrum: atq; ita legatur in uetustissimis codicibus, ad quos hæc contulimus.

Folio. 614.

Solent matres.) Nec hoc opus esse Cypriani stylus arguit, licet hominis sit eruditi, quales etas illa complures habebat. Præterea nec habebatur in exemplaribus manu descriptis, quibus usus sum: & in editione Badiana separatim habebatur à reliquo uolumine. Vita Cypriani interiecta, in prioribus editionibus omnino non habebatur, sed tamen habenda gratia quæ in causa fuerunt, ut hæc nobis supersint, idq; debemus nomini Cypriano, quod huius commendatione seruata sint, fortassis alioqui peritura.

Folio. 735.

Etsi incongruens.) Opinor neminem fore tam obese naris, quin illico sensurus sit, stylum huius operis longe lateq; discrepare à dictione Cyprianica: est enim elaboratus & inæqualis, identidem intumescens, sed parum feliciter. Affectat argutiam, ne id quidem ubiq; feliciter, & omnino plus est curæ quàm ingenij, plus affectationis quàm facultatis. Apparet opus fuisse meditantis & exercentis calanum. Non habebatur in eodiceb; excusis, reperi in codice bibliothecæ Iembæensis, sed mirum quàm mendose descriptum, proinde dedimus quale potuimus.

Folio. 752.

Aliquas officiorum meorum.) Hunc in uetere quadam editione excusum reperi, sed mendosum locis compluribus, nec licuit mederi eunctis erratis, quod non succurreret ullum aliud exemplar. Stylus palam arguit non esse Cypriani. Nam fluat ille, ac lectorem ducit. Hic argutè ac breuiter sententijs & enthymematis pingit. Fieri potest ut sit Tertullianus, nisi quod se declarat episcopum fuisse, unde suspicor nonnihil, esse Cornelij. Doctus fuit autor, quisquis fuit: & liber indignus, qui intercidat.

IN CYPR. ANNOT. I
QVAEDAM EMENDATA
EX CONIECTURA.

Ex eodem, fol. 752.

Adimplenda quæq; cognoscimus tribuat.) Legendum arbitror, quæ cognoscimus: nisi legas, quæq; pro quacunq;

fol. 753.

Nihil iam carni debentes qua renatos &c.) Fortè pro, qua, legendum, quasi: quanquam mihi uidetur & aliàs locus: non uacare mendo. Ibidem.

Quæ à Christo consecrata sit.) Vide nùm rectius sit, Christo consecrata. Quanquam si legas à Christo, sensus est Christum ipsum fuisse uirginem. Ibidem.

Modulo decore inuicem, &c.) Legendum suspicor, tuo decore. Folio. 754.

Exhauriens rem tuam pudore.) Lege, cum pudore.

Ibidem.

Eo uiris per uiros monstra.) Legendum arbitror, ex uiris per uiros. Folio. 759.

Aut redintegrandos dolos lenocinantium.) Opinor legendum, lenocinatum. Ibidem.

Oculorum extremitates suffocantur.) Legendum arbitror, suffuscantur: quod stibio solet addi nigror oculis. Et mox pro, actibus, suspicor legendum, artibus.

Ibidem.

Quorum pretia etiam sine artibus calendariū cuiusuis excedunt.) Fortè sic legendum: quorum pretia, etiam sine artibus, cylindrorum onus excedunt. Fol. 761.

Cogitanti mihi & intolerabiliter.) Quando stylus non patitur, ut Cypriani credatur hæc epistola: uero proximum est, esse Cornelij Romanæ urbis episcopi. Siquidem Hieronymus operum huius catalogum texens, meminit hisce uerbis: Et alium & de Nouatiano & ijs qui lapsi sunt. Apparet autem

esse imperfectam, sic enim desinit: *Præ manu sit nobis oratio illa, exomologeseos plena: nisi forte continenter subsequi debebat oratio, quam in una reperi editione: sed interiecto sermone Augustini diuulsam, eam subijciam: licet mihi non fiat uerisimile hanc esse quam sensit: uel hoc argumento quod de poenitentia, aut relaxatione peccatorum nulla hic fiat mentio: at nihil aliud agitur in epistola.*

Ex eadem, fol. 770.

At nunc ex quo caninam illam hæresim.) *Pro, caninam, lege, Cainam. Sic enim et Hieronymus appellat eam que adimit spem remittendi peccati. Cætera facile lector ipse deprehendet.*

Subiecimus et Augustini orationem, prorsus ipsius piam iuxta ac doctam: deinde duas preces non aspernandas me sententia, an Cypriani incertum. Porro quod in toto opere nescio quis dissecuit libros, distinxit tractatus ab epistolis, tametsi sciebam inepte factum, tamen dissimulaui, quod non admodum referat. Sic aliquis et tomos, quos Origenes scripsit in Mattheum, disceidit in homilias.

VERBA PECULIARIA CYPRIANO.

Folio. 122. et. 170.

Ex ambire, pro ambitu assequi sine emitti: sicut eblandiri, libro. 3. epistola. 5. Quonia comperi fratres. item lib. 4. epist. 2. Accepi. Episcopatum non ex ambitum, nec extortum.

Folio. 143.

Remissa, pro remissione lib. 3. epistola. 13. Diu patientiam meam. Ita quidam dicunt, recompensam, pro pensatione. Sic et, missa est, dictum est à priscis, pro missio est, cum populo sit potestas abeundi domum.

Folio. 172.

Sacrificati dicebantur ea ætate, qui metu malorum eo pertraherentur, ut idolis etiam sacra facerent. epistola. 4. libri. 2.

Accepi. Hos eosdem alicubi uocat thurificatos. Qui uerò non incendissent thura idólis, sed per libello's tantum dedissent nomina, libellatici uocabantur.

Folio 202.

Clinici tum uulgò dicebantur, qui ob morbum lecto decumbentes, aqua sacra aspergebantur, non tingebantur. Nam $\chi\lambda\iota\nu\kappa$ Græce, lectus est. Vox à medicis, ludibrij causa, deflexa est ad sic baptizatos.

Folio 239. & 240.

Impugnare & impugnatio, sic enim scriptum habetur in codicibus, pro sucatione & sucare, ponit in epistola De habitu uirginum. Sed haud scio an dicendum sit, impignatio, unde pigmenta dicta uidentur.

Folio 288. & 296.

Magnanimitatem uocat, quod est subinde in literis apostolicis $\mu\alpha\kappa\rho\theta\upsilon\mu\iota\alpha$, quod alij uertunt, longanimitatem: ut in tractatu De eleemosyna: Hæc indefinentium operum magnanimitate redimantur. Item in proximo: Charitas magnanima est, alijsq; locis pluribus, quam ut refrat citare singulos.

Folio 48. & 156.

Mortalis. Apud hunc ex ueteribus unum reperio positum, mortale, pro eo quod mortē adfert: ut in tractatu De bono patientiæ, cuius initium, De patientia locutus.

Folio 347.

Confundi, pro erubescere, usurpat tractatu De lapsis.

Folio 143. & 144.

Dare pacem, pro admittere in consortium ecclesiæ, aut absolueret. Facere literas, pro scribere epistolas.

Folio 59.

Abstinerere pro separare.

Folio. 13.

Et abstentus pro separatus.

Dñicum, pro coena dominica, seu cōmunionē eucharistiae.

Quādo, pro cum, toties occurrit, ut nūtrum si casu fictum est. Frequenter abutitur isthic, pro hic, & illhic, pro isthic.

Promereri, usurpat aliquoties pro, conciliare: quod nos, demerere, dicimus.

Pronominibus, se & sui, nonnunquam durius utitur pro ipsum, & ipsius.

Quandiu, utitur pro, donec, lib. 4. cap. 4. Quandiu torquet. quandiu deiciant. pro, donec deiciant.

Tractatu primo, autumnum dixit neutro genere.

Immo nonnunquam, durius abutitur pro, potius.

Deprehenditur in huius scriptis aliquoties soloeicismus, qui nonnunquam obrepere solet doctis, dum magis attendunt sententiae, quam uerbis. Talis est in libello ad Demetrianum, Pestem & luem criminariis, cum peste & lue uel detecta sint, uel aucta crimina singulorum, dum nec infirmis exhibetur misericordia, & defunctis auaritia inhiat & rapina: iidem ad pietatis obsequium timidi, ad impia lucra temerarii. Nam hi nominatiui non habent quod referantur. Huic similis est in sermone de spiritu sancto, Hi omnes dum Hebraea lingua apostoli praedicarent: locutio iudaica, enuntiationis suae articulos cursu consueti euoluens, nullo exponebatur interprete.

In hoc opere sumus usi praesidio trium editionum, Romanae, qua nihil uidi deprauatius, & tamen haec alicubi profuit. Cuiusdam alterius, cuius titulus excidit, & Badianae. Praeterea uetustissimorum codicum, qui tamen non ubique succurrebant. Vbi succurrebant, non est dormitatum: ijs qui plus ualent prestare, per nos sane non est praecclusa uia.

T O M A S A R Y O N I
INDEX SEV ORDO OPERVM DI
VI CAECILII CYPRIANI.



- Ognouimus frater ad Cornelium, de perse
uerantia fidei, seu confessione. fol. 1
Statueramus quidem, ad eundem, de ijs qui
ob tormentorū metū à fide defecerūt. 5
Legi literas tuas frater, ad eundem episto
la confortatoria. 9
Cum in unum cōuenissemus, ad Felicem & Paulum, de Mar
tiali, & Basilide hæresiarchis. 28
Et iam pridem uobis, ad Rogatianum & cæteros, de obserua
tione disciplinæ. 34
Pro tua religiosa diligentia, ad Magnum de ijs qui in lecto gra
tiam consequuntur. 37
Grauiter & dolenter motus, ad Epitectum & plebem Assiri
tanorum, de Fortunatiano episcopo. 46
Quamquam fratres charissimi Briccius, ad plebem, de quinque
presbyteris schismaticis. 49
Grauiter cōmoti sumus, ad plebem & clerum Furnitanorū, de
Victore qui Faustinū presbyterū tutorē nominauit. 54
Pro dilectione tua, ad Eucratium, de histrione. 56
Legimus literas tuas frater, ad Pomponiu, de uirginibus. 57
Cum simul in concilio essemus, ad Ianuarium et cæteros, de ijs
qui apud hæreticos baptizantur. 62
Ad quædam disponenda, ad Stephanum, de concilio. 65
Bñ admones Donate, ad Donatū Cypr, de sua cōuersiōe. 68
Quanq̃ sciā frater, ad Cæciliū, de sacro dominici calicis. 70
Et cunctos uos pariter, ad Moysen, & Maximum, &c. de con
fessione eorum. 90
In ordinandis clericis, ad clerum & plebem, de Aurelio lecto
re ordinato. 93
Exulto letus & gratulor, ad martyres, de martyrio. 95

- Quamquā dñi sibi cōfessus. presb̄i et diaconi ad Cyprianū. 98
 Et cum diligentia. ad Cornelium, de Novatiano et Novato
 schismaticis. 104
 Et religiosum nobis. ad eundem, de Ethippo. 107
 Quod seruis Dei et maxime. ad eundē, de unitate ecclesie. 108
 Venerunt ad nos. ad eundem, de hereticis. 111
 Et egisse nos et agere. ad eundē epistola congratulatoria. 113
 Et nuper quidem. ad Lucium papam de exilio reuersum. 114
 Cū frequēter charissimi. ad Maximū et Nicost. de unitate. 117
 Lectis literis uestris. ad Maximum et Urbanum, etc. ad eccle-
 siam reuersos. 118
 Quales literas. ad clerū, ac presb̄os Romę cōsistentes. 120
 Quoniam comperi fratres. ad eosdem epistola, in qua se a ma-
 ledicis expurgat. 121
 Quamquā sciam uos fratres. ad eosdem, ut ijs fratribus qui
 in carcere sunt, omnis humanitas exhibeatur. 123
 Exultantibus nobis. ad Lucium, etc. epistola, in qua de acce-
 ptis literis gratias agit. 125
 Legimus literas tuas. ad Fidū, de infantibus baptizandis. 128
 Grauit̄ et dolent̄ commoti sumus. ad Rogatianum, de dia-
 cono qui contra episcopum contendit. 130
 Optaueram quidem fratres. ad presb̄os et diaconos, ut dili-
 gentiores sint circa religionis administrationem. 132
 Quantam sollicitudinem. ad Cornelium, de nonnullis ad eccle-
 siam reuersis. 134
 Neqd minus ad p̄cē. ad eundem, de quibsdā schismaticis. 137
 Faustinus collega n̄r. ad Stephanū, de Martino Arelatēsi. 138
 Certi sumus frater. Maximus, Urbanus, etc. ad D. Cyp̄. 141
 Diu patientiam meam. ad clerum, de quibusdam presb̄is qui
 temere pacem lapsis dederunt. 142
 Sollicitudo loci nostri ad martyres et confessores, qui lapsis pe-
 tierunt pacem dari. 144

Ingeniscere uos & dolere. significatio ad plebem de petitione super lapsis facta per martyres.	147
Miror uos fratres. ad clerum, propter lapsos & catechume- nos ne uacui exirent.	149
Legi literas uestras ad clerū, de ijs qui ad pacē festinant.	150
Domini loquitur & dicit. ad clerum, non esse temere pacem lapis dandam.	151
Accepimus literas tuas. ad Calydonium episcopum, quid su- per lapsis egerit.	152
Cum de excessu boni uiri. ad clerum Romæ consistentem.	153
Nequid cōscientiam uestram. ad clerum, de lectore Saturo & hypodiacono Optato.	154
Scripsistis fratres. ad Fortunatum et ceteros, de ijs qui per tor- menta superantur.	154
Saluto uos fratres. ad clerum, de cura populi.	156
Gloria quidem uestra. ad martyres & confessores epistola, in quā uirtutum laudem extollit.	157
Saluto uos fratres. ad Seagriū & Rogatianum in carcere cō- stitutos epistola consolatoria.	162
Accepimus prias lras. ad Antonianū, de Cornel. et Nouat.	165
Gloriam fidei. ad Moysen & Maximum, &c. qui in persecu- tione fidem seruauerunt.	183
Quāq̃ sentiā. ad clerū, de deprecādo Deū. p̃ pctis nris.	185
Agnosceda & complectenda. ad clerum et plebem, & de Ce- lerino confessore lectore ordinato.	190
Cogitauerā q̃dem ad Thibaritanos epistola exhortatoria.	193
Quæsisit et, etc. ad magnū, de ijs q̃ lecto grām cōsequunt.	261
Legi lras tuas. ad Corneliū epistola, ī qua d̃ lris se purgat.	206
Ego te frater ad Florentiū Pupianum epistola, in qua se pur- gat quod obtreſtatoribus crediderit.	207
Nuntiandum uobis. ad clerum, de Numidico confessore presby- tero ordinato.	213

INDEX

Oblatratē te. cōtra Demetrianū tractatus, ī quo demonstrat au-	
tor mala multiplicari, q̄ ab idololatrīs deus nō coleret.	214
Disciplina custōs. tractatus de habitu uirginum.	231
Cum moneat dominus. aduersus Nouatianū schismaticū,	
de ecclesię unitate.	246
Quōd idōla dij non sint. tractatus, quōd unū Deus sit.	264
Multa & magna. sermo de pietatis opere et elemosyna.	271
Zelare quod bonum uideas. sermo de zelo & liuore.	289
De patientiā locuturus. sermo de bono patientiæ.	299
Etsi apud plurimos. sermo de mortalitate.	315
Pax ecce dilectissimi. sermo de lapsis.	329
Euangelica pręcepta. sermo de oratione dominica.	351
Desiderasti Fortunate. ad Fortunatum, de exhortatione mar-	
tyrij.	372
Obtemperandū fili. ad Quirinum, aduersus Iudeos.	396
Christum primogenitū esse. ad eundem, aduersus Iudeos.	413
Pro fide ac deuotione tua. ad eundem, de pręceptis dñicis.	438
OPERA D. CYPR. QVÆ RECENS	
addita ex uetustis codicibus per	
Scriptisti mihi frater. ad Iubaianū, de hēticis baptizandis.	488
Quāq̄ planē ea. ad Pōpetū, contra epistolam Stephani.	502
Retulit ad me frater. ad Quintinum, de hēreticis & schisma-	
ticis baptizandis.	510
Cū in unū Carthagini. Sñe epōrū cōcilij carthaginēsis.	513
Liber unus de duplici martyrio. ad Fortunatum, quem in uetu-	
stissimā bibliotheca repertum adiecimus: utinam liceat &	
cetera huius uiri salutifera scripta peruestigare.	783
OPERA QVÆ FALSO VI-	
dentur adscripta Cypriano.	
Probatio capitulorum. de montibus Syna, & Sion aduersus	
Iudeos.	829
Narrat Iosephus. de reuelatione capitis Ioānis Baptistę.	840

INDEX

Mibi quidem fidelissimi. expositio in symbolum, quod uocat, apostolorum.	547
Promiseram quidem uobis. de singularitate clericorum.	591
Solent matres. ad Cornelium papam, de cardinalibus Christi operibus.	634
De natiuitate Christi sermo.	643
De ratione circūcisionis sermo.	652
De stella & Magis & Innocentium nece.	657
De baptismo Christi & manifestatione trinitatis sermo.	662
De baptismo Christi sermo alter.	667
De ieiunio & tentationibus Christi sermo.	670
De coena Domini & prima institutione cōsummantis omnia sacramenta sermo.	682
De ablutione pedum sermo.	694
De unctione chrismatis & alijs sacramentis sermo.	700
De passione Christi sermo.	705
De resurrectione Christi sermo.	713
De ascensione Christi sermo.	719
De sancto spiritu sermo.	726
OPERA ADDITA EX DESCRIP-	
ptis calamo libris, notha tamen.	
Etsi incongruens est ad Moysen, Maximū, & ceteros de lau- de martyrij.	735
Aliquas officiorum meorum. de disciplina & bono pudici- tie.	752
Cogitanti mihi. ad Nouatianum hæreticum, quod lapsis spes ueniæ non est deneganda.	761
Hagios hagros. oratio beati Cypriani martyris.	775
Domine sancte pater. oratio eiusdem.	776
Sermonem à nobis. sermo beati Augustini de sancto Cypria- no martyre.	780

ANNO TATI VNCVLARDES.

ERASMI Rot. in passionem.

D. Cypriani.

Temporibus Valeriani. Hic appendicem ab alio quopiam recentiore additam, clarius est, quam ut sit adnotandum: ea est: Nos ergo fratres oremus omnipotentem Deum; Et Hieronymus in Catalogo scriptorum illustrium testatur, Cypriani vitam ac mortem à Pontio diacono, qui fuerit illi comes indiuulsus, fuisse descriptam; è cuius libro suspicor hoc esse excerptum. Nam cum Hieronymus egregium uolumentum appellet, quod reliquisset Pontius: non est uerisimile, hunc esse librum de quo senserit Hieronymus: qui adeò non meretur elegans dicti, ut ne libri quidem uocabulum mereatur.

PASSIO B. CYPRIANI

EPISCOPI CARTHAGINENSIS

per Pontium eius dia-

conum edita.



TEMPORIBVS Valeriani iniquissimi imperatoris, fuit in Carthagine, quæ est in Africa, gloriosissimus uir, nòie Cyprianus: qui primò quidem rhetoricam docuit: deinde à quodam presbytero nomine Cecilio conuersus ad fidem Christi, nomẽ quoque

sortitus est Cecilius: qui omne culmen gestiens assequi Christianæ religionis, perfectionem (quam Christus cõsulenti iuueni de uita æterna deprompserat) secutus, omnem substantiam suam pauperibus erogauit, ut nudum mater ecclesiæ susceperet, quem nudum mater carnea terræ edidisset: ueraciter perspiciciens, non posse perfectè in inenarrabili Dei sapientia philosophari, terrenis cupiditatibus inmixtum. Namque ita Dei ineffabili sapientiæ contemplandæ se tradidit, ut toto orbe prænotissimus, sole clarius extet eius innumera uolumina, quæ

D. CAECILII CYPRIANI

in Euangelij & alijs. solaninibus optime perorauit: chronica quoq; ualde utilia composuit, & exhortatorias ad multos sanctorum epistolas, in quibus ardorem fidei uelut bonus demonstrauit: ualde. Post multum uero temporis, ut non abdita maneret lucerna sub modio, sed ut luceret instar stelle spiritualis solis posita est super candelabrum; ut praesentes & secuturi agnoscerent, non debere doloribus momentaneis cedere, quibus perpetua beatitudo fixa maneret. Deniq; comprehensus a ministris Paterni proconsulis Carthaginensis, ante eum in quoddam secretarium adductus est; cui ita dixit: Sacratissimi imperatores Galienus & Valerianus ad me literas dirigere dignati sunt, in quibus sancierunt, ut omnes homines, Deos, quos Romani adorant, debeant adorare: & qui contempserint hoc praecipium, gladio feriuntur. Audiui uero, quod tu Deorum cultum pro nihilo ducas: unde hortor consulas tibi, & Deos honores. Cyprianus respondit: Christianus ego sum, & nullos alios Deos noui, nisi unum & uerum Deum, qui creauit caelum & terram, mare & omnia quae in eis sunt. Huic Deo Christiani seruimus: hunc nocte q; die q; deprecamur pro omnibus, etiam pro imperatoribus. Paternus proconsul dixit: Si in hac uoluntate perseueraueris, pessima morte peribis. Sanctus Cyprianus episcopus respondit: Bona uoluntas est, quae Deum timet: & ideo non potest immutari. Paternus proconsul dixit: Quia in hac uoluntate permanes, secundum praecipia principum exilio deputandus es. Sanctus Cyprianus respondit: Exul non erit, qui Deum in mente habebit; quoniam domini est terra & plenitudo eius. Paternus proconsul dixit ad eum: Antequam profisciscaris, dic ubi sint presbyteri, qui in hac ciuitate esse dicuntur, uel similes tui. Sanctus Cyprianus respondit: Bene atq; utiliter legibus uestris sanxistis, nullos delatores fore debere: idcirco a me prodi non debent, sed a uobis inueniantur: quia & hoc censuistis, ut nullus se ultro offerret. Proconsul dixit:

Ego à te cum tormentis eos exquiram. Sanctus Dei respondit: Per me non perdentur. Proconsul dixit: Præceptum principum est, nequi Christiani conciliabula faciant, uel cœmiteria ingrediantur: & si quis hoc uiolauerit, gladio animaduertatur. Sanctus Dei respondit: Fac quod tibi præceptum est. Cum ergo uideret animum eius immutabilem in religione diuina, se-
cit eum in ciuitate. Furabiltas exulati, ubi aliquandiu ex-
plo boni operis multis profuit, nemini obsuit. Cumq; ibi do-
mino in sanctitate deserviret, mortuus est Paternus proconsul.
Et ipse de exilio regressus, in quodam hortulo commanebat.
Cumq; de eo perlatum esset ad Galerium Maximum, qui Pa-
terno successerat, misit duos ministros, & iussit eum ad se ad-
duci. Qui cum uenissent ad eum, leuauerunt eum in curru suo,
& ad Galerium Maximum perduxerunt. Qui cum uidisset
eum, ait: Tu es Statius Cyprianus? Sanctus Cyprianus re-
spondit: Ego. Galerius proconsul dixit. Tu es quem Chris-
tiani papam suum nominant? Sanctus Dei respondit. Ego.
Proconsul dixit. Iusserunt tibi principes nostri adorare Deos.
Sanctus Dei respondit. Non faciam. Proconsul dixit. Melius
facies si salutis tue consulas, & Deos non contempnas. Sanctus
Dei respondit. Salus mea, & uirtus mea Christus dominus
est, cui sine fine seruire desidero. Proconsul dicit. Vitæ tue
doleo, & uellem consulere tibi. Sanctus Cyprianus respondit.
Consultum mihi melius non esse quero, quam ut Deum meum
adorans, ad ipsam tota mentis aueritate festinem: quoniam non
sunt condignæ passionis huius temporis ad superuenturam
gloriam quæ reuelabitur in nobis. Iratus Galerius proconsul
ait: Diu sacrilega mente uixisti, & nefarie conspirationis
homines aggregasti tibi, & inimicum te dijs & sacris religio-
nibus eorum præbuisi, & non æquissimis consilijs principum
assensum unquam præbuisi, sed semper autor iniqui nomi-
nis & signifer extitisti, & propterea ceteris quos sceleri tuo

Birrum episco
pale.
Dalmatica.
linea.

aggregasti exemplum eris, et in sanguine tuo discent discipli-
nam. Tunc ergo dictavit sententiam, dicens : Statim Cypria-
num dijs libamina offerre renuentem, gladio animaduerti pla-
cet. Cuiusq; duceretur ad decollandū, sequebatur eum multitu-
do populi, et alij clamabant: Moriamur simul cum sancto epi-
scopo. Et cum peruenisset in locum qui dicitur Sextus, quarto
ab urbe milliario, expoliavit se birro, et tradidit carnificibus.
Dalmaticam uero tradidit diaconibus, et stetit in lineis, expe-
ctans spiculatorem. Et cum ille appropinquasset, insit suis illi
dari uiginti aureos. Cumq; prostrauisset sese in terram, orauit
cum lacrymis, et a fratribus lintamina offerebatur, unde oeu-
los sibi tergebat. Et cum surrexisset ab oratione, sententia ex
tabella recitata est, ita : Statim Cyprianus gladio feriat. Et
statim respondit sanctus Dei: Amen. Et ceruicem obtulit gla-
dio, temporalemq; uitā finiuit, recepturus a Deo sine fine per-
petuam. Sic ergo beatus Cyprianus subsecutus est fide glorio-
sa sanctum Cornelium eodem martyrij genere, eodem passio-
nis die, licet non eodem anno, deuicto diabolo, triumphator mi-
grauit ad cœlum. Et sicut scriptum est : Quomodo in uita sua
dilexerunt se, ita et in morte non sunt separati. Ambo fide cla-
ri, ambo constantia inuicti, ambo martyrio gloriosi. Nos ergo
fratres oremus omnipotentem Deum pro serenissimo impera-
tore Carolo, quatenus qui beatum Cornelium papam et mar-
tyrem de Romanis partibus ob munimen sui, cunctorumq; fi-
delium sibi proximari fecit, ac nos de tam magno patrono ho-
norauit: per suffragia huius inelyti martyris beatitudine peren-
nis uitæ sibi concessa, sanctorum omnium quos uenerabiliter
excoluit, consortia adipisci mereamur perpetuo obtinenda,
prestante domino nostro IESU Christo, qui cum patre ui-
uit et regnat Deus, in unitate spiritus sancti, Per omnia secula
seculorum. Amen.

F I N I S .

DIVI CAECILII CYPRIANI
 EPISCOPI CARTHAGINENSIS EPISTOLARVM
 LIBER PRIMVS.

ARG. EPIST. SEQ.

Cæcilij Cypriani epistola ad Cornelium papā, de fidei Christi confessione congratulantis, & hortantis, ut constanter & firmiter ad omnem patientiam perseueret.

EPISTOLA I.

CYPRIANVS CORNELIO FRATRI SAL.



OGNOVIMVS, frater charissime, fidei ac uirtutis uestre testimonia gloriosa, & confessionis uestre honorem sic exultanter accepimus, ut in meritis ac laudibus uestris nos quoque participes ac socios computemus. Nam cum nobis & ec-

clesia una sit, & mens iuncta, & indiuidua concordia, quis non sacerdos in consacerdotis sui laudibus, tanquam in suis proprijs gratuletur? Aut quæ fraternitas in fratrum gaudio non ubique letetur? Exprimi satis non potest, quanta ista exultatio fuerit, & quanta letitia, cum de uobis prospera & fortia comperissemus, ducem te illhic confessionis fratribus extitisse, sed & confessionē ducis de fratrum consensione creuisse, ut dum præcedis ad gloriam, multos feceris gloriæ comites, & confessorem populum suaseris fieri, dum primus paratus es pro omnibus confiteri: ut non inueniamus quid prius prædicare in uobis debeamus, utrum ne tuam promptam & stabi-

Fidei unitas
 congratulatio
 nis causa.

Ducis confes-
 sio subditorū
 est conuersio.

Episcopi uir-
tus adunatio
fraternitatis.

Roma. 1.

Concordia in
uicta.

Aduersarius
singulos ag-
greditur.

Exercitus uni-
tus dispo for-
tor.

Christi mili-
tes mortis con-
emptores.

lè fidē, an īseparabilē fratrum charitatem. Virtus illhic episcopi
præcedētis publicè cōprobata est, adunatio sequētis fraternita-
tis ostēsa est dum apud uos unus animus & una uox est, ecclesia
oīs Ro. cōfessa est. Claruit fratres charissimī fides, quā de uo-
bis beatus Apostolus prædicauit. Hanc laudem uirtutis &
roboris firmitatem, iam tunc in spiritu præuidebat, & præco-
nio futurorum merita uestra contestans, dum parentes laudat,
filios prouocat: dum sic unanimes, dum sic fortes estis, ma-
gna & ceteris fratribus unanimitatis & fortitudinis exem-
pla tribuistis. Docuistis granditer Deum timere, Christo fir-
miter adherere, plebem sacerdotibus in periculo iungi, in per-
secutione fratres à fratribus non separari, concordiam simul
iunctam uinci omnino nō posse, quicquid simul petitur à cun-
ctis, Deum pacis pacificis exhibere. Prosilierat aduersarius
terrore uiolento Christi castra turbare, sed quo impetu uene-
rat, eodem impetu pulsus est, & quantum formidinis & ter-
roris attulit, tantum fortitudinis inuenit & roboris: supplan-
tare se iterū crediderat posse Dei seruos, & uelut tyrones &
rudes, quasi minus paratos & minus cautos, solito suo more
concutere. Vnum primò aggressus, ut lupus ouem secernere à
singulos ag- grege, ut accipiter columbam ab agmine uolantium separare
greditur. tentauerat. Nam cui non est aduersus omnes satis uirium,
circumuenire querit solitudinem singulorum. Sed retusus
adunati exercitus fide pariter & uigore, intellexit milites
Christi uigilare iam sobrios, & armatos ad prælium stare,
uinci non posse, mori posse, & hoc ipso inuictos esse, quia nec
mori timent, nec repugnare contra impugnantes, cum occide-
re innocentibus nec nocentem liceat, sed promptè & animas
& sanguinem tradere, ut cum tanta in seculo malitiæ seuitia
grassetur, à malis & seuis uelocius recedatur. Quale illud
fuit sub oculis Dei spectaculum gloriosum? quale in conspe-
ctu Christi & eius ecclesiæ gaudium? Ad pugnam quam tenta-

uerat hostis inferre, non singulos milites, sed semel tota castra
 prodijſſe. Omnes enim conſtat uenturos fuiſſe, ſi audire po-
 tuiſſent, cum accurrerit properanter, & uenerit quiquis au-
 diuit. Quot illi ipſi, glorioſa conſeſſione ſunt reſtituti? Ste-
 terunt fortes, & ipſo dolore pœnitentiæ facti ad præliam for-
 tiores, ut appareat nuper * ſubitatos eſſe, & nouæ atq; inſue-
 tæ rei pauore trepidaiſſe. Rediſſe ad ſe poſtmodum, fidem ue-
 ram & uires ſuas de Dei timore collectas, ad omnem patien-
 tiam conſtanter & firmiter roboraiſſe, nec iam ſtare ad crimi-
 nis ueniam, ſed ad paſſionis coronam. Quid ad hæc Nouatia-
 nus frater, utrum ne iam deponit errorem, an uerò (qui de-
 mentiū mos eſt) ipſis bonis & proſperis noſtris plus adactus
 eſt ad furorem? & quò magis ac magis dilectionis ac fidei
 creſcit hic gloria, illhic diſſenſionis & zeli crudeſcit inſania?
 nec uulnus ſuum miſer curat, ſed adhuc grauius & ſe & ſuos
 uulnerat? in perniciem fratrum lingua ſua perſtrepens, & ſa-
 cundia uenenata iacula contorquens, magis durus ſecularis
 philoſophie prauitate, quàm philoſophie Dominicæ lenitate
 pacificus: deſertor eccleſiæ, miſericordiæ hoſtis, interſector
 pœnitentiæ, doct̃or ſuperbiæ, ueritatis corruptor, proditor
 charitatis? Agnoſcit ne iam qui ſit ſacerdos Dei? quæ ſit eccle-
 ſia & domus Chriſti? qui ſint Dei ſerui, quos diabolus infe-
 ſtet? qui ſint Chriſtiani, quos Antichriſtus impugnet? Neque
 enim querit illos, quos iam ſubegit, aut geſtit euertere, quos
 iam ſuos fecit. Inimicus & hoſtis eccleſiæ quos alienauit ab
 eccleſia & foras duxit, ut captiuos & uictos contemnit, &
 præterit: eos pergit laceſſere, in quibus Chriſtum cernit habi-
 tare. Quanquam & ſi aliquis ex talibus fuerit apprehenſus,
 non eſt quod ſibi quaſi in conſeſſione nominis blandiatur,
 cum conſtet ſi occiſi eiufmodi extra eccleſiam fuerint, fidei
 coronam non eſſe, ſed pœnam potius eſſe perfidiæ, nec in do-
 mo Dei inter unanimes habitaturos eſſe, quos uidemus de pa-

* alias dubi-
 taſſe.

Nouatianus fr
 dei hoſtis.

Nouatiani ue-
 nenata ſacra-
 dia.

3. piscopi uir-
tus adunatio
fraternitatis.

Roma. 11.

Concordia in
uicta.

Aduersarius
singulos ag-
greditur.

Exercitus uni-
tus dispo for-
tor.

Christi mili-
tes mortis con-
sempiternos.

lè fidē, an īseparabilē fratrū charitatem. Virtus illhic episcopi
præcedētis publicè cōprobata est, adunatio sequētis fraternita-
tis ostēsa est dum apud uos unus aīus & una uox est, ecclesia
oīs Ro. cōfessa est. Claruit fratres charissimi fides, quā de uo-
bis beatus Apostolus prædicauit. Hanc laudem uirtutis &
roboris firmitatem, iam tunc in spiritu præuidebat, & præco-
nio futurorum merita uestra contestans, dum parentes laudat,
filios prouocat: dum sic unanimes, dum sic sortes estis, ma-
gna & cæteris fratribus unanimitatis & fortitudinis exem-
pla tribuistis. Docuistis granditer Deum timere, Christo fir-
miter adherere, plebem sacerdotibus in periculo iungi, in per-
secutione fratres à fratribus non separari, concordiam simul
iunctam uinci omnino nō posse, quicquid simul petitur à cun-
ctis, Deum pacis pacificis exhibere. Pr osilierat aduersarius
terrore uiolento Christi castra turbare, sed quo impetu uene-
rat, eodem impetu pulsus est, & quantum formidinis & ter-
roris attulit, tantum fortitudinis inuenit & roboris: supplan-
tare se iterū crediderat posse Dei seruos, & uelut tyrones &
rudes, quasi minus paratos & minus cautos, solito suo more
concutere. Vnum primò aggressus, ut lupus ouem secernere à
grege, ut accipiter columbam ab agmine uolantium separare
tentauerat. Nam cui non est aduersus omnes satis uirium,
circumuenire querit solitudinem singulorum. Sed retusus
adunati exercitus fide pariter & uigore, intellexit milites
Christi uigilare iam sobrios, & armatos ad prælium stare,
uinci non posse, mori posse, & hoc ipso inuictos esse, quia nec
mori timent, nec repugnare contra impugnantes, cum occide-
re innocentibus nec nocentem liceat, sed promptè & animas
& sanguinem tradere, ut cum tanta in seculo malitiæ sæuitia
grassetur, à malis & sæuis uelocius recedatur. Quale illud
fuit sub oculis Dei spectaculum gloriosum? quale in conspe-
ctu Christi & eius ecclesiæ gaudium? Ad pugnam quam tenta-

uerat hostis inferre, non singulos milites, sed semel tota castra
 prodijſſe. Omnes enim conſtat uenturos fuiſſe, ſi audire po-
 tuiffent, cum accurrerit properanter, & uenerit quiſquis au-
 diuit. Quot illi lapſi, glorioſa conſeſſione ſunt reſtituti? Ste-
 terunt fortes, & ipſo dolore pœnitentiæ facti ad prælium for-
 tiores, ut appareat nuper * ſubitatos eſſe, & nouæ atq; inſue-
 tæ rei pauore trepidafſe. Rediſſe ad ſe poſtmodum, fidem ue-
 ran & uires ſuas de Dei timore collectas, ad omnem patien-
 tiam conſtanter & firmiter roborafſe, nec iam ſtare ad crimi-
 nis ueniam, ſed ad paſſionis coronam. Quid ad hæc Nouatia-
 nus frater, utrum ne iam deponit errorem, an uerò (qui de-
 mentiū mos eſt) ipſis bonis & proſperis noſtris plus adactus
 eſt ad furorem? & quò magis ac magis dilectionis ac fidei
 creſcit hic gloria, illhic diſſenſionis & zeli crudeſcit inſania?
 nec uulnus ſuum miſer curat, ſed adhuc grauius & ſe & ſuos
 uulnerat: in perniciem fratrum lingua ſua perſtrepens, & ſa-
 cundię uenenatę iacula contorquens, magis durus ſecularis
 philoſophię prauitate, quàm philoſophię Dominicę lenitate
 pacificus: deſertor eccleſię, miſericordię hoſtis, interſector
 pœnitentię, doct̃or ſuperbię, ueritatis corruptor, proditor
 charitatis? Agnoſcit ne iam qui ſit ſacerdos Dei? quę ſit eccle-
 ſia & domus Chriſti? qui ſint Dei ſerui, quos diabolus infe-
 ſtet? qui ſint Chriſtiani, quos Antichriſtus impugnet? Neque
 enim querit illos, quos iam ſubegit, aut geſtit euertere, quos
 iam ſuos fecit. Inimicus & hoſtis eccleſię quos alienauit ab
 eccleſia & foras duxit, ut captiuos & uictos contemnit, &
 præterit: eos pergit laceſſere, in quibus Chriſtum cernit habi-
 tare. Quanquam & ſi aliquis ex talibus fuerit apprehenſus,
 non eſt quod ſibi quaſi in conſeſſione nominis blandiatur,
 cum conſtet ſi occiſi eiufmodi extra eccleſiam fuerint, fidei
 coronam non eſſe, ſed pœnam potius eſſe perfidię, nec in do-
 mo Dei inter unanimes habitaturos eſſe, quos uidemus de pa-

* alias dubi-
 taſſe.

Nouatianus fr-
 dei hoſtis.

Nouatiani ue-
 nenata ſacra-
 dia.

cifica & diuina domo furore discordiæ recessisse. Hortamur planè quantum possumus pro charitate mutua, qua nobis inuicem cohaeremus, ut (quoniam prouidentia Domini monentis instruimur, & diuinæ misericordiæ consilijs salubribus ad monemur, appropinquare iam certaminis & agonis nostri diem) ieiunijs, uigilijs, orationibus insistere cum omni plebe non desinamus. Incumbamus gemitibus assiduis, & deprecationibus crebris. Hæc sunt enim nobis arma cœlestia, quæ stare & perseuerare fortiter faciunt. Hæc sunt munimenta spiritalia & tela diuina, quæ protegent. Memiores nostri inuicem simus, concordēs atq; unanimes, utrobique pro nobis semper oremus, pressuras & angustias mutua charitate releuemus. Et si quis hinc nostrū prior diuinæ dignationis celeritate præcesserit, perseueret apud deū nostra dilectio, pro fratribus & sororibus nostris apud misericordiam patris nō cesset oratio. Opto te frater charissime semper bene ualere.

Etiam defun-
cti orant pro
uiuis.

ARG. EPISTOLAE SEQ.

Epistola beati Cypriani, nonnullorūq; ep̄orum ad Cornelium papā, in qua docent, eos ecclesiæ cōmunioni q; admitti debere, qui prioribus p̄secutionibus ob tormentorum metum à fide defecerunt, & dolenter ac iugiter diuina postmodum solatia implorantes, pro domini sui nomine, ac pro sua salute fortiter stare & repugnare profiterentur.

EPISTOLA II.

Cypr. Liberalis, Calydonius, Nicomedes, Cæcilius, Iunius, Marutius, Felix, Successus, Faustinus, Fortunatus, Victor, Saturninus, alius Saturninus, Rogatianus, Satius, Secūdinus, alius Satiurninus, Eutyches, alius Saturnin. Aurelius, Priscus, Herculanus, Victoricus, Quintus, Honoratus Manthaneus, Hortēsius, Gerianus, Iābus, Donatus, Pōponius, Polymaracus, Demetrius, alius Donatus, Priuatianus, Fortunatus, Rogatus, & Monulus.



Tatueramus quidem iam pridē, frater charissime, participato inuicē nobiscū consilio, ut qui in persecutionis infestatione supplantati ab aduersario & lapsi fuissent, ac sacrificijs se illicitis maculassent, agerent diu poenitentiam plenam, & si periculum infirmitatis urgeret, pacē subiectu mortis acciperēt. Nec enim fas erat, aut permittebat paterna pietas & diuina clementia, ecclesiam pulsanibus claudi, & dolentibus & deprecantibus spei salutaris subsidium denegari, ut de seculo recedentes sine cōmunicatione, aut pace domini dimitterētur, cū permiserit ipse, qui legē dedit, ut ligata in terris, etiā in coelis ligata essent: solui autē possent illhic, quæ hic prius in ecclesia soluerētur. Sed cū uideamus diem rursus alterius infestationis appropinquare cœpisse, & crebris atq; assiduis ostensionibus admonemur, ut ad certanē, quod nobis hostis indicit, armati & parati simus, plebem etiam nobis diuina dignatione cōmissam exhortationibus nostris præparemus, & oēs omnino milites Christi, qui arma desiderant, & prælium flagitant, intra castra domini colligamus: necessitate cogēte, cēsuimus, eis, qui de ecclesia domini nō recesserunt, sed poenitentiā agere, & lanētari, ac dñm deprecari à primo lapsus sui die non destiterunt, pacem dandam esse, & eos ad præliū, quod imminet, armari & instrui oportere. Obtemperantis est namq; ostensionibus atq; admonitionibus iustis, ut à pastoribus oues in periculo non deferantur, sed grex omnis in unum congregetur, & exercitus Domini ad certamen militiæ coelestis armetur. Meritō enim trahebatur dolentium poenitentia tēpore longiore, ut infirmis, siqui essent, in exitu subueniretur, quandiu quies & tranquillitas aderat, quæ differre diu plangentium lacrymas, & subuenire serò morientibus in infirmitate pateretur. At uerò nunc nō

Pax poenitēti
bus morte da
tur.

Ecclesia pul
santibus ape
rienda.

*Pax fortibus
necessaria.*

*Eucharistia
accipientibus
tutela.*

*Pax uigilan-
tibus datur.*

infirmis, sed fortibus pax necessaria est, nec morientibus, sed uiuentibus communicatio à nobis danda est, ut quos excita-
mus & exhortamur ad prælium, non inermes & nudos re-
linquamus, sed protectione sanguinis & corporis Christi
muniamus: & cum ad hoc fiat Eucharistia, ut possit accipien-
tibus esse tutela, quos tutos esse contra aduersarium uolumus,
munimento Dominicæ saturitatis armemus. Nam quomodo
docemus aut prouocamus eos in confessione nominis sangui-
nem suum fundere, si eis militaturis Christi sanguinem dene-
gamus? Aut quomodo ad martyrij poculum idoneos facimus,
si non eos ad bibendum prius in ecclesia poculum Domini iu-
re communicationis admittimus? Interesse debet frater cha-
riissime inter eos qui uel apostatauerunt, & ad seculum, cui re-
nuntiauerant, reuersi, gentiliter uiuunt, uel ad hæreticos
transfugæ facti, contra ecclesiam parricidalia quotidie arma
suscipiunt: & inter eos qui ab ecclesiæ limine non receden-
tes & implorantes iugiter ac dolenter diuina & paterna
solatia, nunc se ad pugnam paratos esse, & pro Domini sui
nomine, ac pro sua salute stare fortiter, & pugnare profiten-
tur. Hoc in tempore pacem nos non dormientibus, sed uigi-
lantibus damus: pacem non delicijs, sed armis damus: pacem
non ad quietem, sed ad aciem damus. Si secundum quod eos
audimus, fortiter steterint, & aduersarium nobiscum in con-
gressione prostrauerint, non pœnitet pacem concessisse tam
fortibus, immo episcopatus nostri honor grandis & gloria
est, pacem dedisse martyribus, ut sacerdotes qui sacrificia
Dei quotidie celebramus, hostias Deo & uictimas præpare-
mus. Si autem, quod dominus auertat, à fratribus nostris ali-
quis lapsorum fefellerit, ut pacem subdole petat, & impen-
dentis prælij tempore communicationem non præliaturus
accipiat, seipsum fallit & decipit, qui aliud corde occultat
& aliud uoce denunciat. Nos inquantum nobis & uidere

Et iudicare conceditur, faciem singulorum uidemus, cor scru- Faciem uide-
 tari et mentem perspicere non possumus. De his iudicat oc- mus, cor uero
 cultorum scrutator et cognitor citò uenturus, et de arca non.
 nis cordis atque abditis iudicaturus. Obesse autem mali bo- Scrutator cor
 nis non debent, sed magis mali à bonis adiuuari. Nec ideo dium deus.
 martyrium facturis pax neganda est, quia sunt quidam
 negaturi, cum propter hoc pax sit danda omnibus milita-
 turis, ne per ignorantiam nostram ille incipiat præteriri,
 qui habet in prælio coronari. Nec quisquam dicat, qui mar-
 tyrium tulit, sanguine suo baptizatur: nec pax illi ab episco-
 po necessaria est habituro gloriæ suæ pacem, et accepturo
 maiorem de Domini dignatione mercedem. Primò idoneus
 esse non potest ad martyrium, qui ab ecclesia non armatur
 ad prælium: et mens deficit, quam non recepta eucharistia Eucharistia
 erigit, et accendit. Dominus enim in Euangelio suo ait: sumpta erigit.
 Cum autem uos tradiderint, nolite cogitare quid loquami- Matth. 10.
 ni: dabitur enim uobis illa hora quid loquamini: non enim
 uos estis qui loquimini, sed spiritus patris uestri, qui loqui-
 tur in uobis. Cum autem dicat in traditis, atque in confessio-
 ne nominis constitutis loqui spiritum patris, quomodo po-
 test ad confessionem paratus aut idoneus inueniri, qui non
 prius pace accepta receperit spiritum patris, qui corrobo-
 rans seruos suos, ipse loquitur et confitetur in nobis? Tunc Mar. 10.
 deinde si relictis omnibus rebus suis fugerit, et in latebris
 atque in solitudine constitutus in latrones fortè incurrerit,
 aut in febribus et in languore decesserit: non ne nobis im-
 putabitur quòd tam bonus miles, qui omnia sua dereliquit,
 et contempta domo, et parentibus, ac liberis, sequi domi-
 num suum maluit, sine pace et sine communicatione de-
 cessit? Non ne nobis uel negligentia segnis, uel duritia cru-
 delis adscribetur in die iudicij, quòd pastores creditas et cõ-
 missas nobis oues, nec curare in pace, nec in acie uoluerimus

Exch. 14 armare? Nōne nobis ingeretur à Domino, quod per prophetam suum clamat & dicit: Ecce lac cōsumitis, & lanis uos tegitis, & quod crassum est interficitis: & oues meas non pascitis: quod infirmatum est, non confortastis: & quod male habuit, non corroborastis: & quod contribulatum est, non consolati estis: & quod errabat, non reuocastis: & quod periit, non inquisistis: & quod forte fuit, consecistis labore: & disperse sunt oues meæ: cō quod non sunt pastores: & facta sunt in comesturam omnibus bestiis agri: & non fuit qui inquireret, neq; qui reuocaret. Propterea hæc dicit dominus: Ecce ego super pastores, & inquiram oues meas de manibus eorum, & auertam eos ne pascant oues meas; & iam non pascant eas: & extraham oues meas de ore eorum, & pascam eas cum iudicio. Ne igitur quod ore nostro pacem negamus, quod duritiam magis humane crudelitatis, quàm diuine & paternæ pietatis dulcedinē apponimus, oues nobis cōmissæ à domino reposcantur, placuit nobis sancto spiritu suggerente, & domino per uisiones multas & manifestas admonente (quia hostis nobis imminere prænuntiatur & ostenditur) colligere intra castra milites Christi: & examinatis singulorum causis, pacē lapsis dare, immo pugnaturis arma suggerere: quod credimus uobis quoque paternæ misericordie contemplatione placiturum. Quod si de collegis aliquis extiterit, qui urgente certamine pacem fratribus & sororibus non putat dandam; reddet ille rationem in die iudicij Domino, uel importune censure, uel inhumane duritiæ suæ. Nos quod fidei, & charitati, & solitudini congruebat, quæ erant in conscientia nostra protulimus, diem certaminis appropinquasse, hostem uiolentum citò contra nos exurgere, pugnam non talem qualis fuit, sed grauiorem multò & acriorem uenire: hoc nobis diuinitus frequenter ostenditur, de hoc nos prouidentia & misericordia domini sæpius admonere digna

tur, de cuius ope & pietate, qui in eum confidimus, possumus esse securi, quia qui in pace militibus suis futuram prænuntiat pugnam, dabit militantibus in congressione victoriam.

A R G. E P I S T. S E Q V.

Eiusdē ad eundē epistola hortatoria contra heresiarchas, qui facturi sunt cū minantur ex necessitate nostra uirtutē, quatenus nobis semel moriendū sit. Ostendit præterea qualiter sacerdotalis autoritas, & potestas, diuina dignatione firmetur: & inde obortas hereses, & nata esse schismata, quòd Dei sacerdotibus obtemperare noluerint.

E P I S T O L A I I I.

C Y P R. CORNELIO FRATRI SAL.



Egi literas tuas, frater charissime, quas per Saturū fratrem nostrū acoluthum misisti, & dilectionis fraternæ, & ecclesiasticæ disciplinæ, & sacerdotalis censure satis plenas, quibus significasti Felicissimū hostē Christi, non nouū, sed iampridē ob crimina sua plurima & grauissima ostēsum, & nō tantū mea, sed & plurimorū coepiscoporū sententia condemnatū & reiectū, & à te illhic esse ab ecclesia prohibitū, & cū uenisset stipatus caterua & factione desperatorū, uigore pleno (quo episcopum agere oportet) pulsum de ecclesia esse, de qua iampridē cū suis similibus, dei maiestate & Christi dñi iudicis nostri seueritate depulsus est, ne schismatis & disidij autor, ne pecuniæ cōmissæ fraudator, ne stuprator uirginū, ne matrimoniorū multorū depopulator, atq; corruptor, ultra adhuc sponsam Christi incorruptam, sanctā, pudicā, præsentie suæ dedecore, & ipudica, atq; incesta cōtagione uiolaret. Sed enim lecta alia tua epistola frater, quam primis literis subiunxisti, satis miratus sum, cum animaduertissem te minis atq; terroribus eorum qui uenerant,

Novatianum
intellige.

Christiana
fortitudo.

Virtus incon-
cussa contra
incurfus.

Ioan. 13. &
Marci. 14.

Matth. 10.

aliquantulum esse cōmotum, cum te (secundū quod scripsisti) aggressi essent cum summa desperatione comminantes, quod si literas quas attulerant non accepiſſes, publicē eas recitarent, & multa turpia & probrosa, & ore suo digna proſterrent. Quod si ita res est frater, ut nequiſſimorum timeatur audacia, ut quod mali iure, atq; æquitate non poſſunt, temeritate atq; desperatione perficiant, actum est de epiſcopatus uigore, & de eccleſiæ gubernandæ ſublimi ac diuina poteſtate, nec Chriſtiani ultra aut durare, aut eſſe poſſumus, ſi ad hoc uentum eſt, ut perditorum minas atque inſidias pertimeſcamus. Nam & gentiles & Iudæi minantur, & hæretici atq; omnes, quorum pectora & mentes diabolus obſidet, uenenatam rabiem ſuam quotidie furioſa uoce teſtantur: non tamen idcirco ceden- dum eſt, quia minantur: aut ideo aduerſarius & inimicus maior eſt Chriſto, quia tantum ſibi uendicat & aſſumit in ſeculo. Ma- nere debet apud nos, frater, fidei robur immobile, & ſtabilis atq; incōcuſſa uirtus contra omnes incurſus, atq; impetus oblatantium fluctuū, uelut petreæ obiacentis fortitudine & mole debet obſiſtere. Nec intereſt unde epiſcopo aut terror, aut periculum ueniat, qui terroribus & periculis uiuit obnoxius, & tamen fit de ipſis terroribus ac periculis glorioſus. Neque enim ſolas gentilium uel Iudæorum minas cogitare & ſpectare debemus, cum uideamus ipſum dominū à fratribus eſſe deſtentum, & ab eo, quem inter apoſtolos ipſe delegerat, prodi- tum: Inter initia quoq; mundi Abel iuſtum non niſi frater oc- ciderit: Iacob fugientem perſecutus ſit frater infeſtus: & Io- ſeph puer uenierit uendentibus fratribus. In Euangelio etiam legimus, eſſe prædictum magis domeſticos inimicos futuros, & qui prius copulati ſacramento unanimiſſimè fuerint, ipſos inuicem tradituros. Nihil intereſt quis tradat aut ſeuſiat, cum Deus tradi permittat, quos diſponit coronari. Neq; nobis igno- minia eſt pati à fratribus, quod paſſus eſt Chriſtus: nec illis

gloria est facere, quod fecerit Iudas. Quæ autem sui elatio est, quæ comminantium tumens & inflata ac uana iactatio, illi hic absenti minari, cum hic me habeant in potestate præsentem? Conuicia eorum quibus se & uitam suam quotidie lacerant non timemus, fustes & lapides, & gladios, quos uerbis parricidalibus iactitant, nõ perhorrescimus, quod in illis est, homicide sunt apud Deum tales, necare tamen non possunt, nisi eis Dominus permiserit. Et cum semel nobis moriendum Moriendum sit, illi tamen & odio, & uerbis, & delictis suis quotidie perimunt. cuiq; semel. Sed non idcirco frater relinquenda est nobis ecclesiastica ea disciplina, aut sacerdotalis soluenda censura, quoniam conuicijs infestamur, aut terroribus quatimur, cum occurrat & scriptura diuina, dicens: Ille uerò qui præsumit & contumax Esaie. 14. est uir sui iactans, nihil omnino proficiet, qui dilatauit tantum Esa. 5. & quam inferus animam suam. Et iterum: Verba uiri peccatoris Abacuc. 2. ne timueritis, quia gloria eius in stercore erit & in uermes. Hodie extollitur, & cras non inuenietur, quoniam conuersus est in terram suam, & cogitatio eius peribit. Et iterum: Vidi Psal. 36. impium exaltatum, & extolli super cedros Libani, & transiui, & ecce non erat, & quæsiui eum, & non est inuentus locus eius. Exaltatio & inflatio, & arrogans ac superba iactatio non de Christi magisterio, qui humilitatem docet, sed de Antichristi spiritu nascitur, cui exprobrat per prophetam Dominus & dicit: Tu autẽ dixisti in animo tuo, in cælũ ascendam, super stellas Dei ponam sedem meam. Sedebo in monte alto super montes altos in aquilonem, ascendam super nubes, & similis ero altissimo. Et addidit dicens: Tu uerò ad inferos 1. Malac. 2. descendes in fundamenta terræ, & qui uidebunt te, super te mirabuntur. Vnde & parem talibus pœnam scriptura diuina loco alio cõminatur, & dicit: Dies enim Domini saboth super omnem iniuriosum & superbum, & super omnem elatũ & excelsũ. De ore itaq; et de uerbis suis unusquisq; sta

tim proditur, & utrum Christum in corde suo, an uerò Anti-
 christum habeat, loquendo detegitur: secundum quòd domi-
 nus in Euangelio suo: Progenies uiperarum, quomodo pote-
 stis bona loqui, cum sitis nequam? de abundantia enim cordis,
 os emittit. Bonus homo de bono thesauro emittit bonum, &
 nequam homo de nequam thesauro emittit nequam. Vnde &
 diues ille precator, qui de Lazaro in sinu Abrahæ posito,
 atque in refrigerio constituto implorat auxilium, cum in tor-
 mentis cruciabundus flammæ cremantis ardoribus aduratur,
 inter omnes corporis partes magis os eius & lingua dat pœ-
 nas: quia plus scilicet lingua sua & ore peccauerat. Nam cum
 scriptum sit: Neq; maledici regnum dei consequentur. Et ite-
 rum in Euangelio suo dominus dicat: Qui dixerit fratri suo,
 fatue: qui dixerit racha, reus erit gehennæ ignis: quomodo pos-
 sunt censuram dei ultoris euadere, qui talia ingerunt non so-
 lum fratribus, sed & sacerdotibus, quibus honor tantus de dei
 dignatione conceditur, ut quisquis sacerdoti eius & ad tem-
 pus hic iudicanti non obtemperaret, statim necaretur? In Deu-
 teronomio dominus deus loquitur, dicens: Et homo quicumq;
 fecerit in superbia, ut non exaudiat sacerdotem aut iudicem,
 quicumque fuerit in diebus illis, morietur homo ille: & omnis
 populus cum audierit, timebit: & non agent impiè etiam
 nunc. Item ad Samuelem, cum à Iudæis sperneretur, deus di-
 cit: Non te spreuerunt, sed me spreuerunt. Et dominus quoq;
 in Euangelio: Qui audit, inquit, uos, me audit, & eum qui me
 misit: & qui reijcit uos, me reijcit: qui me reijcit, reijcit eum
 qui me misit. Et cum leprosum mundasset: Vade, inquit, &
 demonstra te sacerdoti. Et cum postea tempore passionis ala-
 pam accepisset à seruo sacerdotis: cumq; ei dixisset, Sic re-
 spondes pontifici? aduersus pontificem dominus contumelio-
 se nihil dixit, nec quicquam de sacerdotis honore detraxit,
 sed innocentiam suam magis asserens & ostendens: Si male,

Matth. 3.

Luc. 6.

Maledici.

Matth. 5.

Deut. 17.

1. Regum. 8.

Luc. 10.

Matth. 8.

Ioan. 17.

inquit, locutus sum, exprobra de malo: si atuem bene, quid me cedis? Item in Actibus Apostolorum. Postmodum beatus Paulus cum ei dictum esset: Sic insimulas in sacerdotem Dei maledicendo? quamvis domino iam crucifixo, sacrilegi & impij, & cruenti illi esse cœpissent, nec iam quicquam de sacerdotali honore & autoritate retinerent: tamen ipsum quamvis inane nomen & umbram quandam sacerdotis cogitans expauit: Nesciebam, fratres, inquit, quia pontifex est. Scriptum est enim: Principi plebis tuæ non maledices. Cum hæc tanta ac talia & multa alia exempla præcedant, quibus sacerdotalis auctoritas & potestas diuina dignatione firmatur, quales putas eos, qui sacerdotum hostes, & contra ecclesiam catholicam rebelles, nec præmonentis domini cōminatione, nec futuri iudicij ultione terrentur? Neque enim aliunde hæreses obortæ sunt, aut nata sunt schismata, quàm inde quòd sacerdoti Dei non obtemperatur. Nec unus in ecclesia ad tempus sacerdos, & ad tempus iudex uice Christi cogitatur: cui si secundum magistreria diuina obtēperaret fraternitas uniuersa, nemo aduersum sacerdotum collegium quicquam moueret: nemo post diuinum iudicium, post populi suffragium, post coepiscoporum consensum iudicem se non iam episcopi, sed dei faceret. Nemo dissidio unitatis Christi ecclesiam scinderet: nemo sibi placens ac tumens seorsum foris nouam hæresim conderet, nisi si ita est aliquis sacrilegæ temeritatis ac perditæ mentis, ut putet sine dei iudicio fieri sacerdotem, cum dominus in Euangelio suo dicat: Nonne duo passeret asse ueneunt, & neuter eorum cadit in terram sine patris uestri uoluntate? Cum ille nec minima fieri sine uoluntate Dei dicat, existimat aliquis summa & magna, aut non sciente, aut non permittente deo in ecclesia Dei fieri, & sacerdotes, id est, dispensatores eius, non de eius sententia ordinari? Hoc est fidem non habere, quam uimus, hoc est Deo honorem non dare, cuius nutu & arbitrio

Actuum 23.

Exod. 22. d

Hæreses unde
ortæ.

Matth. 10.

Dei nutu cum
eius reguntur.

Osee 3.

Esa. 30.

Christus sacer
dotum prote-
ctor.

regi & gubernari omnia scimus & credimus. Planè episcopi non de uoluntate Dei fiunt, qui extra ecclesiam fiunt, sed contra dispositionem & traditionem Euangelij fiunt: sicut ipse Dominus in duodecim prophetis ponit & dicit: Sibimetipsi regem constituerunt, & non per me. Et iterum: Sacrificia eorum tanquam panis luctus, omnes qui manducant ea, contaminabuntur. Et per Esaiam quoque spiritus sanctus clamat & dicit: Vae uobis filij desertores, hæc dicit Dominus: Habuistis consilium, & non per me: & fecistis conuentionem, & non per spiritum meum, adijcere peccata super peccata. Cæterum dico, dico enim prouocatus, dico dolens, dico compulsus, quando episcopus in locum defuncti substituitur, quando populi uniuersi suffragio in pace deligitur, quando Dei auxilio in persecutione protegitur, collegis omnibus fide liter iunctis, plebi suæ in episcopatu quadriennio iam probatus, in quiete seruiens discipline, in tempestate proscriptus, applicato & adiuncto episcopatus sui nomine, toties ad leonem petitus, in circo, in amphitheatro dominicæ dignationis testimonio honoratus: his ipsis etiam diebus, quibus hæc ad te literas feci, ob sacrificia quæ de edicto proposito celebrare populus iuebatur, clamore popularium ad leonem denuo postulatus in circo: cum talis frater à quibusdam desperatis & perditis, & extra ecclesiam constitutis impugnari uidetur, apparet quis impugnet: non scilicet Christus, qui sacerdotes aut constituit, aut protegit: sed ille qui Christi aduersarius, & ecclesiæ eius inimicus: ob hoc ecclesiæ præpositam suam infestatione persequitur, ut gubernatore sublato, atrocius atque uiolentius circa ecclesiæ naufragia grassetur. Nec quenquam fidelem & Euangelij memorem, atque Apostoli præmonitis mandata retinentem mouere debet frater, si quidam in extremis temporibus superbi & contumaces, & sacerdotum Dei hostes, aut de ecclesia Dei recedunt, aut contra ecclesiam sa-

ciunt, quando tales nunc futuros & dominus, & apostoli eius
 ante prædixerint. Nec præpositum seruum deserere à quibus-
 dam miretur aliquis, quando ipsum Dominum magnalia &
 mirabilia summa facientem, & uirtutes factorum suorum Dei
 patris testimonio comprobantem, discipuli sui reliquerint, &
 tamen ille non increpuit recedentes, ut grauius comminatus
 est, sed magis conuersus ad apostolos suos dixit: Nunquid &
 uos uultis ire? seruans scilicet legem, qua homo libertati sue
 relictus, & in arbitrio proprio constitutus, sibi metipsi uel
 mortem appetit, uel salutem. Petrus tamen, super quem ædifi-
 cata ab eodem Domino fuerat ecclesia, unus pro omnibus lo-
 quens & ecclesie uoce respondens, ait: Domine, ad quem ibi-
 mus? uerba uitæ æternæ habes. & nos credimus & cognoui-
 mus, quoniam tu es filius Dei uiui, significans & ostendens
 eos qui à Christo recesserint, culpa sua perire: ecclesiam tamē
 quæ in Christum credat, & quæ semel id quod cognouerit te-
 neat, nunquam ab eo discedere, & eos esse ecclesiam, qui in
 domo Dei permanēt. Plantationem uerò plantatam à Deo pa-
 tre non esse uidemus, non frumenti stabilitate solidari, sed tan-
 quam paleas dissipantis inimici spiritu uentilari, de quibus
 & Ioannes in epistola sua dicit: Ex nobis exierunt, sed non
 fuerunt ex nobis: si enim fuissent ex nobis, mansissent uti-
 que nobiscum. Item Paulus monet nos, cum mali de ecclesia
 pereunt, non moueri, nec recedentibus perfidis, fidem minui.
 Quid enim, inquit, si exciderunt à fide quidam eorum, nun-
 quid infidelitas illorum fidem Dei euacuauit? absit: est enim
 Deus uerax, omnis autem homo mendax. Quod ad nos at-
 tinet, conscientie nostræ conuenit, frater, dare operam, ne
 quis culpa nostra de ecclesia pereat. Si autem quis ultro,
 & crimine suo perierit, & poenitentiam agere, atque ad ec-
 clesiam redire noluerit, nos in die iudicij inculpatos futuros,
 qui consulimus sanitati: illos solos in poenis remansuros, qui

Liberum arbi-
 trium.

Ioan. 6.

1. Ioan. 2.

Roma. 3.

Psal. 115.

Conuicijs ce-
dendum.
Gal. 1.

Fortunatus
pseudepiscopus

Maximus
presbyter.

noluerint consilij nostri salubritate sanari. Nec mouere nos debent conuicia perditorum, quò minus à uia recta, & à certa regula non recedamus, quando & Apostolus instruit, diceus: Si hominibus placere, Christi seruus non essem. Interest utrum quis homines promereri an Deum cupiat. Si hominibus placetur, dominus offenditur. Si uerò illud enitimur & laboramus ut possimus Deo placere, & conuicia & maledicta debemus humana contemnere. Quòd autem tibi de Fortunato isto pseudepiscopo, à paucis & inueteratis hæreticis constituto, non statim scripsi, frater non ea res erat, quæ in notitiam tuam deberet festinatò statim, quasi magna aut metugenda perferri, maxime quando & Fortunati nomen iam satis nosses, qui est unus de quinque presbyteris iam pridem de ecclesia profugis, & sententia coepiscoporum nostrorum multorum, & grauissimorum uirorum nuper absentis, qui super hac re priore anno ad te literas fecerunt: Item Felicissimum signiferum seditionis recognosceres, qui & ipse in iisdem coepiscoporum nostrorum factis ad te priorem literis continetur: qui non tantum ab ijs isthic abstinens, sed abs te illhic nuper de ecclesia pulsus est. Cum hæc in notitia tua esse considerem, & pro certo haberem, memorie & discipline tue scirem necessariam, non putauì celeriter & urgenter hæreticorum tibi ineptias nuntiandas. Neque enim ad catholicæ ecclesiæ maiestatem pariter ac dignitatem pertinere debet, quid apud se hæreticorum & schismaticorum moliatur audacia. Nam & pars Nouatiani Maximus presbyterum, nuper ad nos à Nouatiano legatum missum, atque à nostra communicatione reiectum, nunc isthic pseudepiscopum sibi fecisse dicitur. Nec tamen de hoc tibi scripseram, quando hæc omnia contemnantur à nobis, & miserim tibi proximè nomina episcoporum isthic constitutorum, qui integri & sani in ecclesia catholica fratribus

bus præsunt. Quod utiq; ideo de omnium nostrorum consilio tibi placuit scribere, ut erroris diluendi ac perspicuendæ ueritatis compendium fieret, et scires tu, et collegæ nostri, quibus scribere, et literas mutuo à quibus uos accipere oportet. Siquis autem præter hos, quos epistola nostra complexi sumus scribere uobis auderet, sciretis eum uel sacrificio uel libello esse maculatum, uel unum de hæreticis peruersum scilicet et profanum: Nactus tamen occasionem familiarissimi hominis et clerici, sed et per Felicianum acoluthum, quem cum Perseo collega nostro miserat, inter cætera quæ in notitiam tuam perstrenda hinc fuerant, etiam de Fortunato isto tibi scripsi. Sed dum isthic Felicianus frater noster uel uento retardetur, uel accipiendis alijs epistolis à nobis detinetur, Felicissimo ad uos properante præuentus est. Ita enim scelera festinant, quasi contra innocentiam festinatione præualeant. Per Felicianum autem significavi tibi frater uenisse Carthaginem Priuatum ueterem hæreticum in Panbesitana colonia, ante multos scilicet annos ob multa et graua delicta nonaginta episcoporum sententia condemnatum, antecessorum etiam nostrorum (quod et uestram conscientiam non latet) Fabiani et Donati literis seuerissime notatum, qui cum causam suam apud nos in concilio, quod habuimus idibus Maijs, quæ proximè fuerunt, uelle se agere diceret, nec admissus esset, Fortunatum istum pseudepiscopum dignum collegio suo fecit. Venerat etiam cum illo et Felix quidam, quem ipse extra ecclesiam in hæresi, pseudepiscopum olim constituerat. Sed et Iouinus et Maximus comites cum Priato hæretico affuerunt, ob nefanda sacrificia et crimina in se probata, sententia nouem collegarum nostrorum condemnati, et iteratò quoque à pluribus nobis anno priore in concilio abstenti. Cum his autem quatuor iunctus est, et præpositus * Saturni

Libellati et sacrificati.

Pseudepiscopi.
Felix.
Iouinus.
Maximus.
Priatus.

* alias Quiriacensis.

Qualis re-
tor, talis sub-
ditus.

Mendacia nō
diu fallunt.

Considerandū
quid scriba-
mus.

maximam partem plebis suæ sacrilega persuasione deiecit.
Hi quinque cum paucis uel sacrificantibus, uel male sibi con-
scijs, Fortunatum sibi pseudepiscopum cooptauerunt, ut cri-
minibus in unum conuenientibus, talis esset scilicet rector,
ter charissimè potes agnoscere, quæ illhic homines desperati
et perditū uentilauerunt, ut cum de sacrificatis uel hæreticis
amplius quàm quinque pseudepiscopi non fuerint, qui Cara-
thazinem uenerint, et Fortunatum sibi dementiæ suæ so-
cium constituerint: illi tamen quasi filij diaboli et mendacio
pleni, ausi sunt, ut scribis, iactare uigintiquinque episcopos
affuisse: quod mendacium et isthic prius apud fratres nostros
iactitabant, dicentes uigintiquinque episcopos de Numidia
esse uenturos, qui sibi episcopum facerent: quo in mendacio
suo posteaquam quinque solis conuenientibus naufragis, et à
nobis abstentis detecti sunt atque confusi, Roman cum men-
daciōrum suorum merce nauigauerunt, quasi ueritas post
eos nauigare non posset, quæ mendaces linguas rei certæ pro-
batione conuinceret. Atque hæc est frater uerè dementia, non
cogitare nec scire quòd mendacia non diu fallant, noctem tan-
diu esse, quandiu illucescat dies, clarificato autem die et so-
le oborto, luci tenebras et caliginem cedere, et quæ grassa-
bantur per noctem latrocinia cessare. Denique si nomina ab
eis quererēs, non haberent uel quos falsò nominarent, tanta
apud illos etiam malorum penuria est, ut ad eos nec de sacrifi-
catis, nec de hæreticis uigintiquinq; colligi possint. Et tamen
ad decipiendas aures simplicium et absentium mendacio nu-
merus inflatur, quasi et si uerus esset hic numerus, aut ab
hæreticis ecclesia, aut iniustis iustitia uincatur. Nec me opor-
tet frater paria nunc cum illis facere, et ea quæ commiserunt
atque hucusque committunt meo sermone decurrere, cum con-
siderandum sit nobis, quid proferre et scribere sacerdotes

Dei oporteat, nec tam dolor apud nos debeat, quàm pudor lo-
 qui: & ne uidear prouocatus maledicta potius, quàm crimi-
 na & peccata congerere. Taceo itaq; de fraudibus ecclesie
 factis: coniurationes, & adulteria, & uaria delictorum gene-
 ra prætereo. Vnū illud, in quo non mea, nec hominum, sed
 Dei causa est, de eorum facinore non puto esse reticendum,
 quod à primo statim persecutionis die, cum recentia delin-
 quentium facinora seruerent, & sacrificijs nefandis non tan-
 tum diaboli altaria, sed adhuc manus ipse lapsorum atq; ora
 maderent, communicare cum lapsis & poenitentiae agende
 intercedere non desiterunt. Clamat Deus: Sacrificās dijs et-
 dicabitur, nisi Domino soli. Et Dominus in Euangelio dicit:
 Qui me negauerit, & ego eū negabo. Et alio loco indigna-
 tio & ira diuina non tacet, dicens: Illis iudistis libamina, &
 illis imposuistis sacrificia. Super hæc nō indignabor? dicit Do-
 minus. Et intercedunt ne rogetur Deus, qui indignari seipse
 testatur. Intercedunt ne exoretur precibus & satisfactioni-
 bus Christus, qui negantem se negare profitetur. Nos in ipso
 persecutionis tempore de hoc ipso literas misimus, nec auditi
 sumus, consilio frequenter acto, non consensione tantum no-
 stra: sed & comminatione decreuimus, ut poenitentiam fra-
 tres agerent, ut poenitentiam non agentibus nemo temere pa-
 cem daret: illi contra Deum sacrilegi, contra sacerdotes Dei
 impio furore temerarij, de Ecclesia recedentes & contra eccle-
 siam parricidalia arma tollentes, elaborant (ut opus suum
 Diaboli malitia consumant) ne uulneratos diuina clementia
 in Ecclesia sua curet, miserorum poenitentiam mendaciorum
 suorum fraude corrumpunt, ne Deo indignanti satisfiat, ne
 Christum Dominum suum, qui Christianus esse uel erubuit,
 uel timuit, postmodum quærat, ne ad ecclesiam qui de eccle-
 sia recesserat, redeat. Datur opera, ne satisfactionibus & la-
 mentationibus iustis delicta redimantur, ne uulnera lacry-

Exod. 22.
 Matth. 10.

Delicta red-
 menda


mis abluantur. Pax uera falsæ pacis mendacio tollitur, salutæ ris sinus matris, nouerca intercedente præcluditur, ne de pe= ctore atq; ore lapsorum fletus & gemitus audiat. Compel= luntur adhuc insuper lapsi, ut linguis atque ore, quo in Capi= tolio antè deliquerant, sacerdotibus conuicium faciant, con= fessores & uirgines, & iustos quosque fidei laude præcipuos atque in ecclesia gloriosos, contumelijs & maledicis uocibus prosequuntur. A quibus quidem non tam nostrorum mode= stia, & humilitas & pudor cæditur, quàm illorum lapsorum spes & uita laceratur. Neq; enim qui audit, sed qui facit con= uicium miser est: nec qui a fratre uapulat, sed qui fratrem cæ dit, in lege peccator est. Et cum nocentes innocentibus iniu= riam faciunt, illi patiuntur iniuriam, qui facere se credūt. De= niq; hinc illis pertusa mens, & hebes animus, & sensus alie= nus est. Ira est Dei non intelligere delicta, ne sequatur pœni= tentia, sicut scriptū est: Et dedit illis Deus spiritum transpun= ctionis, ne reuertantur scilicet & curentur, & deprecationi= bus & satisfactionibus iustis peccata sanentur. Paulus aposto= lus in epistola sua ponit & dicit: Dilectionem ueritatis non habuerunt, ut salui fierent, ac propterea mittet illis Deus ope= rationem erroris, ut credant mendacio, ut iudicentur omnes, qui non crediderunt ueritati, sed sibi placent iniustitia. Pri= mus felicitatis gradus est, non delinquere: secundus, delicta cognoscere. Illhic currit innocentia integra & illibata quæ seruet: hic succedit medela, quæ sanet: quod utrunq; isti offen= so Deo perdiderunt, ut & amissa sit gratia, quæ de baptismi sanctificatione percipitur, & non subueniat pœnitentia, per quam culpa curatur. An putas, frater, leuia esse apud Deum facinora, parua & modica delicta, quod per illos non roga= tur maiestas indignantis Dei? quod non timeatur ira & ignis, & dies Domini? quod imminente Antichristo, exarmatur fi= des militantis populi, dum tollitur timor & uigor Christi?

Gradus feli= citatis.

Viderint laici hoc quomodo curent, sacerdotalibus labor maior incumbit in asserenda, propitianda, & procuranda Dei maiestate, nequid uideamur in hac parte negligere, cum admoneatur Dominus & dicat: Et nunc præceptum hoc ad uos est, ô sacerdotes: Si non audieritis, & si nõ posueritis in corde uestro, ut detis honorem nomini meo, dicit Dominus: immittam in uos maledictionem, & maledicam benedictionem uestram. Honor ergo datur Deo, quando sic Dei maiestas & censura contemnitur, ut cum indignari se ille & irasci sacrificantibus dicat, & cum poenas æternas & supplicia perpetua comminetur, proponatur sacrilegis atque dicatur, ne iracogitetur Dei, non timeatur iudicium Domini, ne pulsetur ad ecclesiam Christi, sed sublata poenitentia, nec ulla exomologesi criminis facta, despectis episcopis atque calcatis, pax à non ueris presbyteris uerbis fallacibus prædicetur, & ne lapsi surgant, aut foris ad ecclesiam redeant, communicatio non communicantibus offeratur? Quibus etiam non satis fuit ab Euangelio recessisse, spem lapsis satisfactionibus & poenitentiae sustulisse, fraudibus inuolutos, uel adulterijs commaculatos, uel sacrificiorum funesta contagione pollutos, ne Deum rogarent, ne in ecclesia exomologesin criminum facerent, ab omni sensu & fructu poenitentiae remouisse, foris sibi extra ecclesiam & contra ecclesiam constituisse conuenticulum perditionis, cum male sibi consciorum & Deum rogare ac satisfacere nolentium caterua conflueret. Post ista adhuc insuper pseudopiscopo sibi ab hæreticis constituto, nauigare audent, & ad Petri cathedram atque ecclesiam principalem, unde unitas sacerdotalis exorta est, à schismaticis & profanis literas ferre, nec cogitare eos esse Romanos, quorum fides, Apostolo prædicante, laudata est, ad quos perfidia habere non possit accessum. Quæ autem causa ueniendi & pseudopiscopum contra episcopos factum nuntiandi? Aut

Mala. 2.

Roma. 1.



Statutum.

alias, inuolu-
tam

Matth. 7.

Rō reddenda.

enim placet illis, quod fecerunt, & in suo scelere perseverant, aut si displicet & recedunt, sciunt quò reuertantur. Nam cum statutum sit omnibus nobis, & æquum sit pariter ac iustum, ut uniuscuiusq; causa illhic audiatur, ubi est crimen admissum, & singulis pastoribus portio gregis sit adscripta, quam rogat unusquisq; & gubernet, rationem sui actus Domino redditurus, oportet utiq; eos quibus præsumus non circumcursare, nec episcoporum concordiam coherentem sua subdola & fallaci temeritate collidere, sed agere illhic causam suam, ubi & accusatores habere & testes sui criminis possint: nisi paucis desperatis & perditis, minor uidetur esse auctoritas episcoporum in Africa constitutorum, qui iam de illis iudicauerunt, & eorum conscientiam multis delictorum laqueis & uinctam iudicij sui nuper grauitate damnarunt. Iam causa eorum cognita est: iam de eis dicta sententia est, nec censuræ congruit sacerdotum mobilis atq; inconstantis animi leuitate reprehēdi, cum Dominus dicat: Sit sermo uester, est est, non non. Si eorum qui de illis priore anno iudicauerunt, numerus cum presbyteris & diaconis computetur, plures tunc affuerunt in iudicio & cognitione, quàm sunt iidem isti, qui cum Fortunato uidentur nunc esse coniuncti: Scire enim debet frater charissime, eum posteaquā pseudepiscopus ab hæreticis factus est, iam penè ab omnibus esse desertum. Nanque ij, quibus in præteritum præstigiæ obtendebantur, & uerba fallacia, quòd simul ad ecclesiā regressuri dicerentur, posteaquàm uiderunt illhic pseudepiscopum factum, frustratos & deceptos se esse didicerunt, & remeant quotidie atque ecclesiam pulsant: nobis tamen à quibus ratio Domino reddenda est, anxie ponderantibus, & sollicitè examinantibus, qui recipi & admitti ad Ecclesiam debeant. Quibusdam enim ita aut crimina sua obsistunt, aut fratres obstinatè & firmiter reniuntur, ut recipi omnino non possint sine scandalo atque

periculo plurimorum. Neque enim sic putamina quædam colligenda sunt, ut quæ integra & sana sunt uulnerentur, nec utilis atque consultus est pastor, qui ita morbidas & contactas oues gregi admiscet, ut gregem totum mali coherentis afflictatione contaminet. Non attendas numerum illorum: melior est enim unus timens, quàm nulle filij impij, sicut locus
 tus est Dominus per Prophetam, dicens: Fili, ne iocunderis in
 filijs impijs si multiplicentur tibi, cum non fuerit timor Dei
 in ipsis. O si posses frater charissime isthic interesse nobiscū,
 cum prauī isthic & peruersi de schismate reuertuntur, uide-
 res quis mihi labor sit persuadere patientiam fratribus no-
 stris, ut animi dolore sopito, recipiendis malis curandisq; con-
 sentiant. Nanq; ut gaudent & letantur, cum tolerabiles &
 minus culpabiles redeunt: ita contrā fremunt & reluctantur,
 quoties inemendabiles & proterui, & uel adulterijs, uel sa-
 crificijs contaminati, & post hoc adhuc insuper & super-
 bi, sic ad ecclesiam remeant, ut bona intus ingenia corrumpant.
 Vix plebi persuadeo, imo extorqueo, ut tales patientur
 admitti, & iustior factus est fraternitatis dolor, ex eo quòd
 unus atque alius, obnitente plebe, & contradicente, mea ta-
 men facilitate suscepti, peiores extiterunt, quàm prius fue-
 rant, nec fidem pœnitentiæ seruare potuerunt, quia nec cum
 uera pœnitentia uenerant. De istis uerò quid dicam, qui nunc
 ad te cum Felicissimo omnium criminum reo nauigauerunt
 legati à Fortunato pseudepiscopo missi, tam falsas ad te lite-
 ras afferentes, quàm est & ipse (cuius literas ferunt) falsus,
 quàm est & eius peccatorum multiplex conscientia, quàm
 execrabilis uita, quàm turpis, ut & si in ecclesia essent, eijci
 tales de ecclesia debuissent? Denique quia conscientiam suam
 norunt, nec nos audent adire, aut ad ecclesiæ limen accede-
 re, sed foris per prouinciam circumueniendis fratribus, & spo-
 liandis pererrant, & omnibus iam satis noti, atq; undiq; pro

Melius ē unus
 timens Deum
 quàm mille
 impij.

Felicissimo
 pseudepisco-
 po insultas.

*Ecclesia nulli
claudenda.*

suis facinoribus exclusi, illhuc etiam ad uos nauigant. Neque enim potest illis esse frons ad nos accedendi, aut apud nos consistendi, cum sint acerbissima et grauissima crimina, quæ eis a fratribus ingerantur. Si iudicium nostrum uolunt experiri, ueniant. Denique siqua illis ex. usatio et defensio potest esse, uideamus quem habeant satisfactionis suæ sensum, quem

Matth. 23. *a. Paral. 13.* offerant poenitentiae fructum, nec ecclesia isthic alicui claudatur, nec episcopus alicui denegatur, patientia et facilitas et humanitas nostra uenientibus præsto est. Opto omnes in ecclesiam regredi, opto uniuersos commilitones nostros intra Christi castra, et Dei patris domicilia concludi. Remitto omnia, multa dissimulo, studio et uoto colligendæ fraternitatis etiam quæ in Deum commissæ sunt non pleno iudicio religionis examino, delictis plus, quàm oportet, remittendis pene ipse delinquo. Amplector prompta et plena dilectione cum poenitentia reuertentes, peccatum suum satisfactione humili et simplici confitentes. Siqui autem sunt, qui putant se ad ecclesiam non precibus, sed minis regredi posse, aut existimant aditum sibi non lamentationibus et satisfactionibus, sed terroribus facere, pro certo habeant contra tales stare ecclesiam domini, nec castra Christi inuicta et fortia, et domino tuente munita minis cedere. Sacerdos Dei Euangelium tenens, et Christi præcepta custodiens occidi potest, uinci non potest. Suggest et subministrat nobis exempla uirtutis ac fidei Zacharias antistes domini, qui cum terreri minis et lapidatione non posset, in templo Dei occisus est, clamans et identidem dicens, quod nos quoque contra hæreticos clamamus et dicimus: Hæc dicit dominus: dereliquistis uias Domini, et Dominus derelinquet uos. Neque enim, quia pauci temerarij et improbi, coelestes et salutare uias Domini derelinquunt, et sancta non a gentes, à sancto spiritu deferuntur, ideo et nos diuinæ traditionis non memores esse debemus, ut maiora esse furentium sce-

lera, quàm sacerdotum iudicia censeamus, aut plus existime-
mus ad impugnandum posse humana conamina, quàm quòd ad
protegendum præualeat diuina tutela. An ad hoc frater cha-
rissime deponenda est ecclesiæ catholicæ dignitas, & plebis
intus positæ fidelis atq; incorrupta maiestas, & sacerdotalis
quoque autoritas ac potestas, ut iudicare uelle se dicant de ec-
clesiæ præposito extra ecclesiam constituti? de Christiano hæ-
retici? de sano saucij? de integro uulnerati? de stante lapsi?
de iudice rei? de sacerdote sacrilegi? Quid superest, nisi ut ec-
clesia Capitolio cedat, & recedentibus sacerdotibus ac de al-
tari se remouentibus, in cleri nostri sacrum uenerandumq; con-
sessum, simulachra atq; idola cum aris suis transeant, & No-
uatiano declamandi aduersum nos atq; increpandi largior &
plenior materia præstetur: si mihi qui sacrificauerunt, &
Christum publicè negauerunt, non tantum & sine acta pœni-
tentia admitti, sed adhuc insuper cœperint terroris sui potesta-
te dominari? Si pacē postulant, arma deponant: si satisfaciunt,
quid minantur? Aut si comminantur, sciant quia à sacerdoti-
bus Dei non timentur. Neq; enim & Antichristus cum uenire
cœperit, introibit in ecclesiam, quia minaturus est, aut armis
eius & uolentiæ cedetur, quia resistentes perempturum se esse
profitebitur. Armant nos hæretici, dum nos putant sua cōmi-
natione terreri, nec in pace nos deiiciunt, sed magis erigunt
atq; accendunt, dum ipsam pacem persecutione peiorem fra-
tribus faciunt. Et optamus quidem, ne quod loquūtur furore,
impleant crimine, ne qui uerbis perfidis & crudelibus peccāt,
factis quoq; delinquant. Oramus ac deprecamur deum (quem
prouocare illi & exacerbare non desinunt) ut eorum corda
mitescant, ut furore deposito ad sanitatem mentis redeant, ut
peccatores à delictorum tenebris pœnitentiam agnoscant, &
magis petant fundi pro se preces atque orationes antistitis,
quàm ipsi fundant sanguinem sacerdotis. Si autem in suo su-

Orandū pro
inimicis.

rore permanserint, atq; in istis insidijs ac minis suis parricidalibus crudeliter perseuerauerint, nullus Dei sacerdos sic infirmus, sic iacens & abiectus sit, imbecillitate humane medietatis ita inualidus, qui non contra hostes & impugnatores Dei diuinitus erigatur, cuius non humilitas & infirmitas uigore & robore Domini protegentis animetur. Nostra nihil interest, aut à quo, aut quando perimamur, mortis & sanguinis præmium à Domino recepturi. Illorum flenda & lamentanda conditio est, quos sic diabolus excæcat, ut æterna gehennæ supplicia non cogitantes Antichristi iam propinquantis aduentum contentur imitari. Et quanquam sciam frater charissime pro mutua dilectione quã debemus, & exhibemus inuicem nobis, florentissimo illhic clero tecum præsideti, & sanctissime atque amplissime plebi legere te semper literas nostras: tamen nunc admoneo & peto, ut quod alijs sponte atq; honorifice facis, etiam petente me facias, ut hac epistola mea lecta, siqd' illi contagiũ uenenati sermonis, & pestiferæ & seminationis irrepserrat, id omne de fratrum auribus & pectoribus exuatur, & bonorum integra ac sincera dilectio ab omnibus hæreticæ detractionis sordibus repurgetur. Declinent autem de cætero fortiter, & euitet dilectissimi fratres nostri uerba & colloquia eorum quorum sermo ut cancer serpit: Sicut Apostolus ait: Corrumpunt ingenia bona cõfabulationes pessimæ. Et iterum: Hæreticum hominem post unam & secundã correptionẽ euita, sciens quia peruersus est huiusmodi & peccat, & est à semetipso damnatus. Et per Salomonem Spiritus sanctus loquitur: Peruersus, inquit, in ore suo portat perditionem, & in labijs suis ignem condit. Item denuo monet, dicens: Sepi aures tuas spinis, & noli audire linguam nequam. Et iterum: Malus obaudit lingue iniquorum, iustus autem nõ intendit labijs mendacibus. Quanquam sciam illhic fraternitatẽ nostram, uestra scilicet prouidentia numitam, sed & sua uigia

Flēdi gehēna
immemores.

Cōtagium ue
nenati sermo
nis exuēdum.
* alias conta
minationis.

1. Cor. 15.

Titum. 3.

Prouerb. 16.

Eccle. 18.

Prouerb. 17.

luntia satis cautam, nec capi hæreticorum uenenis posse, nec decipi, tantumq; apud illos præualere & magisteria & præcepta diuina, quantus illis in Deum timor est: tamen ex abundantia uel sollicitudo nostra, uel charitas scribere ad uos ista persuasit, ut nulla cum talibus commercia copulentur, nulla cum malis conuiuia uel colloquia misceantur, simusq; ab eis tam separati, quam sunt illi de ecclesia profugi, quia scriptum est: Si autem & ecclesiam contempserit, sit tibi tanquam ethnicus & publicanus. Et beatus Apostolus non monet tantum, sed iubet à talibus ut recedatur. Præcipimus, inquit, uobis in nomine Domini nostri IESU Christi, ut recedatis ab oïbus fratribus ambulanti-^{bus} inordinate, & non secundum traditionem, quam acceperunt à nobis. Nulla societas fidei & perfidie potest esse. Qui cum Christo non est, aduersarius Christi est: qui unitati & paci eius inimicus est, nobiscum non potest coherere: Si cum precibus & satisfactionibus ueniunt, audiantur: Si maledicta & minas ingerunt, respuantur. Opto te frater semper bene ualere.

Nulla cum malis commercia.

Matth. 18.

2. Thessa. 3.

Fidei & perfidia nulla societas.

ARG. EPIST. SEQV.

Beati Cypriani quorundamq; coepiscoporum epistola ad Felicē p̄sbyterū, & Paulū diaconū, & plebē ipsi commissam, cōsiliū petentiū de Martiale & Basilide hæresiarchis, ī qua docent Deum iussisse nō nisi īmaculatos & integros antistites eligi debere: ideoq; plena diligētia & exploratiōe syncera oportere eos ad sacerdotiū deligi, quos Deo cōstet fore acceptos.

EPISTOLA III. de Martiale & Basilide.

CYPR. CAECILIVS, PRIMVS, Polycarpus, Nicomedes, Lucianus, Successus, Sedatus, Fortunatus, Ianuarius, Secūdinus, Pomponius, Honoratus, Victor, Aurelius, Satius, Petrus, alius Ianuarius, Saturninus, alius Aurelius, Venantius, Quietus, Rogatianus, Tenax, Felix, Fau-

stus, Quintus, alius Saturninus, Lucius, Vincentius, Libosus, Geminius, Marcellus, Ianbus, Adelphius, Victoricus, et Paulus Felici presbytero & plebibus consistentibus ad Legionem & Asturicæ, item Aelio diacono & plebi Emeritæ cōsistentibus fratribus in domino SALVTEM.



Um in unum cōuenissemus, legimus literas uestras fratres dilectissimi, quas ad nos per Felicē & Sabinū coepiscopos nostros pro fidei uestre integritate, & pro Dei timore fecistis: Significātes Basilidē & Martialē libellis idololatriæ cōmaculatos, & nesan-

dorū facinorū cōscientia uinctos, episcopatū gerere, & sacerdotiū Dei administrare non oportere. Et desiderastis rescribi ad hæc uobis, & iustā pariter ac necessariā sollicitudinē uestrā uel solatio, uel auxilio nostræ sententiæ subleuari. Sed enim desiderio huic uestro nō tam nostra cōsilia, quā diuina præcepta respōdent, quibus iampridē mādatur uoce coelesti, & Dei lege præscribitur, quos, & quales oporteat deseruire altari, & sacrificia diuina celebrare. In Exodo namq; ad Moysen Deus loquitur & monet, dicens: Sacerdotes qui accedunt ad Dominū Deum, sanctificentur, ne fortē derelinquat illos Dñs. Et iterū: Et cū accedunt ministrare ad altare sancti, non adducent in se delictū, ne moriantur. Item in Leuitico præcipit Dominus & dicit: Homo, in quo fuerit macula & uitium, nō accedet offerre dona Deo. Quæ cū prædicta uel mandata & manifesta sint nobis, præceptis diuinis necesse est obsequia nostra deseruiant, nec personam in eiusmodi accipere, aut aliud cuiquam largiri potest humana indulgentia, ubi intercedit, & legem tribuit diuina præscriptio. Neq; enim immemores esse debemus, quid ad Iudeos per Esaiam prophetam locutus sit Dominus increpans & indignans, quod contēptis diuinis præceptis, humanas doctrinas sequerentur: Populus iste, inquit, labijs suis ho-

Exodi. 19.
Sacerdotum
puritas.

Leuitici. 21.

Esa. 29.
Mar. 7.

norificat me, cor uerò eorum longè separatum est à me. Sine
 causa autem colunt me, mandata & doctrinas hominum do-
 centes. Quod idem Dominus in Euāgelio repetit & dicit: Re Matth. 23.
 ijcitis mandatum Dei, ut traditionem uestram statuatis: quæ
 ante oculos habentes, & sollicitè ac religiosè considerantes in
 ordinationibus sacerdotum non nisi immaculatos & integros
 antislites eligere debemus, qui dignè & sanctè sacrificia Deo
 offerentes, audiri in precibus possint, quas faciunt pro plebis
 Dominicæ incolumitate, cum scriptum sit: Deus peccatorem nō Ecccl. 12.
 audit: sed si quis Deum coluerit, & uoluntatem eius fecerit, Isa. 9.
 illum audit. Propter quod plena diligentia & exploratione
 sincera oportet eos ad sacerdotium Dei deligi, quos à Deo
 constet audiri. Nec sibi plebs blandiatur, quasi immunis à cō-
 tagione esse delicti possit, cum sacerdote peccatore communi-
 cans, & ad iniustum atq; illicitum præpositi sui episcopatum
 conseruium suum commodans, cum per Oseam prophetam cō-
 minetur & dicat censura diuina: Sacrificia eorum tanquam Osee 9.
 panis luctus, omnes qui manducant ea, contaminabuntur: Do-
 cens scilicet & ostendens omnes omnino ad peccatum con-
 stringi, qui fuerint profani & iniusti sacerdotis sacrificio
 contaminati. Quod idem in Numeris manifestari inuenimus,
 quando Chore & Dathan & Abiron contra Aaron sacerdo Num. 20.
 tem sacrificandi sibi licentiam uendicauerunt. Illhic quoq; per
 Moysen præcepit dominus, ut ab eis populus separetur, ne fa-
 cinorosis coniunctus, eodem facinore & ipse perstringatur.
 Separamini, inquit, à tabernaculis hominum istorum durissi- Num. 16.
 morum, & nolite tangere ab omnibus quæ sunt eis, ne simul
 pereatis in peccato eorū. Propter quod plebs obsequens præ-
 ceptis Dominicis, & Deum metuens, à peccatore præposito
 separare se debet, nec se ad sacrilegi sacerdotis sacrificia misce-
 re, cum ipsa maximè habeat potestatem uel eligendi dignos Sacerdos di-
gnus eligen-
dus.
 sacerdotes, uel indignos recusandi. Quod & ipsum uidemus

Num. 20.

Actuum 1.

Digni ordinā
do.

Osae 1.

de diuina autoritate descendere, ut sacerdos plebe præsente, sub omnium oculis deligatur, & dignus atque idoneus publico iudicio ac testimonio cōprobetur, sicut in Numeris Moyse præcepit Dominus, dicens: Prehende Aaron fratrem tuū & Eleazarum filium eius, & impones eos in montem corā omni synagoga, & exue Aaron stolam eius, & indue Eleazarum filium eius, & Aaron appositus moriatur illhic. Corā omni synagoga iubet Deus constitui sacerdotem, id est, instruit & ostendit ordinationes sacerdotales non nisi sub populi assisētis conscientia fieri oportere, ut plebe præsente uel detegantur malorum crimina, uel bonorum merita prædicetur, & sit ordinatio iusta & legitima, quæ omnium suffragio & iudicio fuerit examinata, quod postea secundū diuina magisteria obseruatur in Actis Apostolorum quādo de ordinando in locum Iudæ episcopo Petrus ad plebem loquitur: Surrexit, inquit, Petrus in medio discipulorum, fuit autem turba in uno. Nec hoc in episcoporum tantum & sacerdotum, sed in diaconorum ordinationibus obseruasse Apostolos animaduertimus, de quo & ipso in Actis Apostolorum scriptū est: Et conuocauerunt, inquit, illi duodecim totam plebem discipulorum, & dixerunt eis: Quod utiq; idcirco tam diligenter & cautē cōuocata plebe tota gerebatur, nequis ad altaris ministerium, uel ad sacerdotalem locum indignus obreperet. Ordinari enim nonnunq̃ indignos non secundum Dei uoluntatem, sed secundum humanam præsumptionem, & hæc Deo displicere, quæ nō ueniant ex legitima & iusta ordinatione, Deus ipse manifestat per Oseam prophetam, dicens: Sibimetipsi regem constituerunt, & non per me. Propter quod diligenter de traditione diuina & apostolica obseruatione seruandū est & tenendū, quod apud nos quoque, & fr̃es per prouincias uniuersas, tenetur ut ad ordinationes ritē celebrandas ad eam plebem, cui præpositus ordinatur, episcopi eiusdem prouinciæ proximi quiq; conue-

niant, & episcopus deligatur plebe præsente, quæ singulo- ^{Episcopus ple}
 rum uitam plenissimè nouit, & uniuscuiusq; actum de eius cõ- ^{be præsente &}
 uersatione perspexit. Quod & apud uos factum uidemus in ^{legendus.}
 Sabini collegæ nostri ordinatione, ut de uniuersæ fraternitatis
 suffragio, & de episcoporum qui in præsentia conuenerant,
 quiq; de eo ad uos literas fecerant iudicio, episcopatus ei de-
 ferretur, & manus ei in locum Basilidis imponeretur. Neque ^{Basilides epi-}
 rescindere ordinationem iure perfectam potest, quòd Basili- ^{scopatu extur-}
 des post crimina sua detecta, & conscientiam etiam propria ^{batus.}
 confessione nudatam, Romam pergens, Stephanum collegam
 nostrum longe positum, & gestæ rei ac ueritatis ignarum fe-
 fellit, ut ambiret reponi se iniuste in episcopatum, de quo fue-
 rat iuste depositus. Hæc eò pertinent, ut Basilidis nō tam abo-
 lita sint, quàm cumulatæ delicta, ut ad superiora peccata eius
 etiam fallaciæ & circumuentionis crimen accesserit. Neque ^{Gal. 6.}
 enim tam culpandus est ille, cui negligenter obreptum, quàm
 hic execrandus, qui fraudulenter obrepfit. Obrepere autem si
 hominibus Basilides potuit, Deo non potest, cum scriptum sit:
 Deus non irridetur. Sed nec Martiali potest profuisse falla-
 cia, quò minus ipse quoque delictis grauib; inuolutus, epi-
 scopatum tenere non debeat, cum & Apostolus moneat, & ^{Titum 2.}
 dicat: Episcopum oportet esse sine crimine, quasi Dei dispen-
 satorem. Quapropter (cum sicut scripsistis fratres dilectissi-
 mi, & ut Felix & Sabinus collegæ nostri asseuerāt, utq; alius
 Felix de Cæsar Augusta fidei cultor ac defensor ueritatis, lite-
 ris suis significat) Basilides & Martialis nefando idolola-
 triæ libello contaminati sint: Basilides insuper adhuc præter
 libelli maculā cum in infirmitate decumberet, in Deū blasphemau-
 erit, & se blasphemasse confessus sit, & episcopatum pro
 conscientie suæ uulnere sponte deponens, ad agendam pœ- ^{Martialis he}
 nitentiam conuersus sit, Deum deprecans, & satis gratulans ^{reticus & ido}
 sibi, si uel laico communicare contingeret: Martialis quoque ^{lolatra.}

præter gentilium turpia & lutulenta conuiuia, in collegio diu frequentata, & filios in eodem collegio exterarum gentium more apud profana sepulchra depositos, & alienigenis confepultos, actis publicè habitis apud procuratorem Ducenarium obtemperasse idololatriæ, & Christum negasse contestatus sit: cumq; alia multa sint & grauius delicta, quibus Basilides & Martialis implicati tenentur, frustra tales episcopatum sibi usurpare conantur, cum manifestum sit eiusmodi homines nec ecclesiæ Christi posse præesse, nec Deo sacrificia offerre debere: maxime cum iam pridem nobiscum & cum omnibus omnino episcopis in toto mundo constitutis, etiam Cornelius collega noster sacerdos pacificus ac iustus, & martyrio quoq; dignatione domini honoratus, decreuit huiusmodi homines ad poenitentiam quidem agendam posse admitti: ab ordinatione autem cleri atq; sacerdotali honore prohiberi. Nec moueat uos fratres dilectissimi, si apud quosdam in nouissimis temporibus aut lubrica fides iuat, aut Dei timor apud inreligiosos uacillat, aut pacifica concordia non perseverat. Prænuntiata sunt hæc futura in seculi fine, & domini uoce, atq; apostolorum contestatione prædictum est, deficiente iam mundo, atq; appropinquante antichristo, bona quæq; deficere, mala uerò ac aduersa proficere: non sic tamen, quamuis nouissimis temporibus, in ecclesia Dei aut Euangelicus uigor cecidit, aut Christianæ uirtutis & fidei robur elanguit, ut non supersit portio sacerdotum, quæ minime ad has rerum ruinas, & fidei naufragia succumbat: Sed fortis & stabilis honorem diuinæ maiestatis & sacerdotalem dignitatem plena timoris obseruatione tueatur. Meminimus & tenemus, succumbentibus licet & cedentibus cæteris, Mathathiam legem Dei uindicasse fortiter: Heliam, Iudeis deficientibus atq; à religione diuina recedentibus, stetisse & certasse sublimiter: Daniele, nec solitudine religionis alienæ, nec persecutionis assidue infestatione

1. Timot. 4.

2. Pet. 3.

Vindices legis
diuinæ, Ma-
thathias He-
lias, Daniel.

festatione deterritum, frequenter ac fortiter gloriose dedisse
 martyria: tres item pueros nec armis, nec minis fractos, con-
 tra ignes Babylonios fideliter obstitisse, et uictorem regem
 in ipsa sua captiuitate uicisse. Viderit uel prædicatorium nu-
 merus, uel proditorium, qui nunc in ecclesia contra ecclesiam
 surgere, et fidem pariter ac ueritatem labefactare cœperunt.
 Permanet apud plurimos sincera mens, et religio integra,
 et non nisi domino et Deo suo anima deuota, nec Christiana
 fidem aliena perfidia deprimit ad ruinam, sed magis excitat et
 exaltat ad gloriam, secundum quod beatus Apostolus hortat-
 ur et dicit: Quid enim si exciderunt à fide quidam eorum, Roma. 9.
 nunquid infidelitas illorum, fidem Dei euacuauit? absit. Est enim
 Deus uerax, omnis autem homo mendax. Si autem omnis ho-
 mo mendax est, et solus Deus uerax est: quid aliud serui, et
 maxime sacerdotes Dei facere debemus, nisi ut humanos er-
 rores et mendacia relinquamus, et præcepta dominica cu-
 stodientes, in Dei ueritate maneamus? Quare et si aliqui de
 collegis nostris extiterint fratres dilectissimi, qui deificam di-
 sciplinam negligendam putant, et cum Basilide et Martia-
 le temere communicant, conturbare fidem nostram res ista
 non debet, cum spiritus sanctus in psalmis talibus comminetur,
 dicens: Tu autem odisti disciplinam, et proiecisti sermones Psalm. 49.
 meos post te. Si uidebas furem, simul currebas cum eo, et cum
 adulteris portionem tuam ponebas. Confortes et participes
 ostendit eos alienorum delictorum fieri, qui fuerint delinquen-
 tibus copulati. Sed et hoc idem Paulus apostolus scribit, di-
 cens: Susurratores, detractores, Deo abhorrentes, iniuriosi,
 superbi iactantes sui, adiuuatores malorum, qui cum iustitiam
 Dei cognouissent, non intellexerunt, quoniam qui talia agunt,
 morte sunt digni, non tantum qui faciunt ea, sed et qui con-
 sentiunt eas, qui hæc agunt: quoniam qui talia, inquit, agunt,
 morte sunt digni. Manifestat et comprobat morte dignos esse.

alias tenore.

Et ad poenā uenire, nō tantū illos, qui mala faciunt, sed etiam eos, qui talia agētibus cōsentiunt, qui dum malis et peccatoribus, et poenitentia nō agētibus illicita cōmunicatione miscentur, nocentiū cōtactibus polluūtur, et dum iungūtur in culpa, sic nec in poena separātur, pp qd' itegritatis et fidei uestre religiosā solitudinē fratres dilectissimi et laudamus pariter et p̄bamus, et quantum possumus adhortamur literis nostris, ne uos cū p̄sanis et maculatis sacerdotib. cōicatione sacrilega misceatis, sed integrā et sinceram fidei uestre firmitatē religioso timore seruetis. Optamus uos fratres chariss. semp bñ ualere.

A R G. EPIST. SEQ.

Beati Cypriani epistola ad Rogatianum & ceteros confessores, de obseruatione disciplinę & fidei Christianę: in qua hortatur, ut sicut prima congregatione aduersarium uicerunt, ita gloriam suam forti & perseveranti uirtute teneant.

EPISTOLA V.

CYPR. ROGATIANO PRESBYTERO

ro et ceteris confessoribus fratribus salutem.



LT iam pridē uobis fratres chariss. ac fortissimi literas misera, quibus fidei et uirtuti uestre uerbis exultantib. cōgratularer, et nūc nō aliud in primis uox nostra complectitur, q̄ ut leto aīo frequēter ac semp gloriā uestri nominis prędicemus. Quid enim uel maius in uotis meis potest esse, uel melius, q̄ cū uideo cōfessionis uestre honore illuminatū gregē Christi? Nā cū gaudere in hoc oēs fratres oporteat, tñ in gaudio cōmuni maior est episcopi portio. Ecclesię enim gloria, prępositi gloria est. Quantū dolemus ex illis, quos potestas inimica prostrauit, tā tū letamur ex uobis, quos diabolus superare nō potuit. Horatamur autem per communē fidem, per pectoris nostri ueram

circa uos & simplicem charitatem, ut qui aduersarium prima hac cengressione uicistis, gloriam uestram forti & perseueranti uirtute teneatis. Adhuc in seculo sumus, adhuc in acie constituti, de uita nostra quotidie dimicamus, danda opera est, ut post hæc initia ad incrementa quoque ueniatur, & confiamur in uobis, quod iam rudimentis felicibus esse cœpistis.

Parum est adipisci aliquid potuisse, plus est quod adeptum est, posse seruare. Sicut & fides ipsa & natiuitas salutaris non accepta, sed custodita uiuificat. Nec statim consecutio, sed consummatio hominem Deo seruat. Dominus hoc magisterio docuit, dicens: Ecce sanus factus es, iam noli peccare, ne quid tibi deterius fiat. Puta autem illum & confessori suo dicere:

Ecce confessor factus es, iam noli peccare, nequid tibi deterius fiat. Salomon denique & Saul, & cæteri multi, quādiu in uis domini ambulauerunt, datam sibi gratiam tenere potuerunt, recedente ab his disciplina dominica, recessit & gratia. Perseuerandum nobis est in arcto & in angusto itinere laudis & gloriæ, & cum quies & humilitas, & bonorum morum tranquillitas Christianis omnibus congruat secundum domini uocem, qui neminem aliū respicit, nisi humile et quietū, & tremementem sermones suos, tamen magis hoc obseruare & implere confessores oportet, qui exemplum facti estis cæteris fratribus, ad quorū mores omniū uita & actus debeat prouocari. Nam sicut Iudei à Deo alienati sunt, propter quos nomen Dei blasphematur in gentibus: ita contra Deo chari sunt, per quorū disciplinam nomen domini laudabili testimonio prædicatur, sicut scriptum est domino præmonente & dicente: Lu-

Nō minor est
uirtus, quam
querere, par-
ta tueri.

Ioan. 5.

ceat lumen uestram eorū hominibus, ut uideant opera uestra bona, & clarificent patrem uestrū, qui est in cœlis. Et Paulus apostolus dicit: Lucete sicut luminaria in mundo. Et Petrus similiter hortatur: Sicut hospites, inquit, & peregrini abstinete uos à carnalibus desiderijs, quæ militant aduersus animā.

Matth. 5.

Philip. 2.

1. Petri. 2.

conuersationem habentes inter gentes bonam, ut dum detra-
 ctant de uobis, quasi de malignis, bona opera uestra aspicien-
 tes magnificent Dominum. Quod quidem maxima pars ue-
 strum, cum meo gaudio curat, & confessionis ipsius hono-
 re melior facta, tranquillis & bonis moribus gloriam suam cu-
 stodit & seruat: sed quosdam audio inficere numerum ue-
 strum, & laudem præcipui nominis praua sua conuersatione
 destruere, quos etiam uos ipsi (utpote amatores, & conserua-
 tores laudis uestræ) obiurgare & comprimere & emendare
 debetis. Cum quanto enim nominis uestri pudore delinquitur,
 quando alius aliquis temulentus & lasciuiens demoratur:
 alius in eam patriam unde extorris factus est, regreditur, ut
 deprehensus non iam quasi Christianus, sed quasi nocens per-
 eat? Inflari audio aliquos, & non timere audio, cum scriptum
 sit: Noli altum sapere, sed time. Si enim Deus naturalibus ra-
 tione non pepercit, ne forte nec tibi parcat. Dominus noster si-
 cut ouis ad uictima ductus est, & sicut agnus coram tondente
 se sine uoce, sic non aperuit os suum. Non sum, inquit, contu-
 max, neq; contradico. Dorsum meum posui ad flagella, & ma-
 xillas meas ad palmas. Faciem autem meam non auerti a foedi-
 tate sputorū. Et quisquam per ipsum nunc, atq; in ipso uiuēs,
 extollere se audet & superbire: immemor & factorum quæ
 ille gessit, & mandatorum quæ nobis uel per se, uel per apo-
 stolos suos tradidit. Quod si non est maior domino suo seruius,
 qui dominum sequuntur, humiles & quieti, & taciturni uesti-
 gia eius imitentur. Quanto quisque inferior fuerit, sublimior
 fiat, dicite domino: Qui minimus fuerit in uobis, hic erit ma-
 gnus. Quid deinde illud quàm uobis, execrādum debet uide-
 ri, quod cum summo animi nostri gemitu & dolore cognoui-
 mus? Non deesse, qui Dei templa, & post confessionem san-
 ctificata & illustrata membra, turpi & infami concubitu suo
 maculent, cubilia cum foeminis promiscua iungentes, quando

Romæ. 12.

Esaia 53.

Ioan. 13.

et si stuprum conscientiae eorum desit, hoc ipsum grande crimē est, q̄ illorum scandalo in aliorum ruinas exēpla nascantur. Cōtentiones quoq; emulationes inter uos nullas esse oportet, cū pacē suā nobis dimiserit dominus, & scriptū sit: Diliges proximum tuum tanquam te. Si autē mordetis & incusatis inuicē, uidete ne consumamini ab inuicē. Conuicijs etiā et maledictis quæso uos abstinete, quia neq; maledici regnū Dei consequuntur Gal. 5. et lingua quæ Christum cōfessa est, incolumis & pura cū suo honore seruanda est. Nā qui pacifica, & bona, et iusta secundum Christi præceptum loquitur, Christum quotidie confitetur. Seculo renuntiauimus cū baptizati sumus, sed et nūc uerē renūtiamus seculo, quādo tentati & probati à Deo, nostra omnia relinquentes, dominum secuti sumus, & fide ac timore eius stamus & uiuimus. Corroboremus nos exhortationibus mutuis, & magis ac magis proficiamus in Domino, ut cū pro sua misericordia pacem ficerit, quā se facturum repromittit, noui & penē mutati ad ecclesiam reuertamur, & excipiant nos siue fratres nostri, siue gentiles circa omnia correctos atque in melius reformatos, & qui admirati fuerant prius in uirtutibus gloriam, nūc admirentur in moribus disciplinā. Opto te frater charissime semper bene ualere.

A R G. E P I S T. S E Q.

Beati Cypriani epistola ad Magnum, de his qui in lecto gratiam consequuntur, in qua ostendit, nisi quis in ecclesia & ab ecclesia catholica ordinatus fuerit, ius uitalis aquæ habere non posse.

E P I S T O L A VI.

CYPR. MAGNO FILIOSAL.

RO tua religiosa diligētia cōsuluisti mediocritatem nostram fili charissime, an inter cæteros hæreticos eos quoq; qui à Nouatiano ueniant, post profanum eius lauacrum baptizari & san-

stificari in ecclesia catholica legitimo & uero & unico ec-
 clesie baptismo oporteat. De qua re quantum fidei nostre ca-
 pacitas, & scripturarū diuinarum sanctitas ac ueritas sugge-
 rit, dicimus omnes hereticos omnino & schismaticos nihil
 habere potestatis ac iuris. Propter hoc Nouatianus nec de-
 bet, nec potest excipi, quò minus ipse quoque extra ecclesiam
 consistens, & cōtra pacē ac dilectionem Christi faciens, inter
 aduersarios & Antichristos computetur: neq; enim Dominus
 Math. 12. noster IESVS Christus cū in Euāgelio suo testaretur, ad-
 uersarios suos esse eos qui secum nō essent, & secum nō colli-
 gentes gregem suum spargerēt, aliquam hereticorū speciem
 designauit, sed omnes omnino qui secum non essent, aduersa-
 rios suos ostendit, dicens: Qui non est mecum, aduersum me
 Luc. 11. est. Et qui non mecum colligit, spargit. Item beatus Ioānes
 1. Ioan. 1. Apostolus, nec ipse ullam heresim, aut schisma discreuit, aut
 aliquos speciatim separatos posuit, sed uniuersos qui de ec-
 clesia exissent, quiq; contra ecclesiam facerent, Antichristos
 appellauit, dicens: Audistis, inquit, quia Antichristus uenit,
 nunc autem Antichristi multi facti sunt. Vnde cognoscimus
 quia nouissima hora est, ex nobis exierunt, sed non fuerunt ex
 nobis. Si enim fuissent ex nobis, mansissent utique nobiscum.
 Vnde apparet aduersarios Christi Antichristos omnes esse,
 quos constet à charitate atq; ab unitate ecclesie catholice re-
 cessisse. Adhuc quoq; Dominus in Euangelio suo ponit, & di-
 cit: Si uerò ecclesiam contempserit, sit tibi tanquam ethnicus
 Math. 18. & publicanus. Si autem qui ecclesiam cōtemnunt, ethnici &
 publicani habentur, multò magis utiq; rebelles & hostes fal-
 sa altaria, & illicita sacerdotia, & sacrificia sacrilega, & no-
 mina adulterata fingentes inter ethnicos necesse est cōputen-
 tur, quando minora peccantes, & tantum ecclesie cōtemp-
 tes, ethnici & publicani sententia Domini iudicentur. Quòd
 autem ecclesia una sit, declarat in Cantico canticorum spiritus

sanctus ex persona Christi, dicens: Vna est columba mea, perfecta mea, una est matris sue, electa est genitrici sue: de qua item denuo dicit: Hortus cōclusus, soror mea, sponsa, fons signatus, puteus aquæ uiuæ. Si autem hortus cōclusus est sponsa Christi, quæ est ecclesia, patere res clausa alienis et profanis non potest. Et si fons signatus est, neque bibere inde, neque consignari potest, cui foris posito ad fontem accessus non est. Puteus quoque aquæ uiuæ si unus est, idem qui intus est, uiuificari et sanctificari foris positus ex illa aqua non potest, ex qua solis eis, qui intus sunt, usus omnis et potus cōcessus est. Quod et Petrus ostendens unam ecclesiam esse, et solos eos qui in ecclesia sint, baptizari posse, posuit et dixit: In arca Noe pauci, id est, octo animæ hominum saluæ factæ sunt per aquam, quod et uos similiter saluos faciet baptisma. probans et contestans unam arcam Noe typum fuisse unius ecclesiæ. Si potuit tunc in illo expiati et purificati mundi baptismo saluus per aquam fieri qui in arca Noe non fuit, potest et nunc uiuificari per baptisma, qui in ecclesia nō est, cui soli baptismus cōcessus est. Sed et Paulus apostolus hoc idem adhuc apertius et clarius manifestans ad Ephesios scribit, et dicit: Christus dilexit ecclesiā, et seipsum tradidit pro ea, ut eā sanctificaret purgans eā lauacro aquæ. Quod si una est ecclesia, quæ à Christo diligitur, et lauacro eius sola purgatur, quomodo qui in ecclesia nō est, aut diligi à Christo, aut ablui et purgari lauacro eius potest? Propter quod cum sola ecclesia habeat aquā uitālē, et baptizandi atque abluendi hominis potestatem, qui dicit apud Nouatianū baptizari et sanctificari aliquem posse, prius ostēdat et doceat Nouatianum in ecclesia esse, aut ecclesiæ præsidere. Ecclesia enim una est, quæ una et intus esse et foris non potest. Si enim apud Nouatianum est, apud Corneliū nō fuit. Si uerò apud Corneliū fuit, qui episcopo Fabiano legitima ordinatione successit, et quem præter sa-

Episcopus se-
ipsum ordina-
re non potest.

Vnitas eccle-
siæ figuris de-
signata.

Interpretatio.

Titum 30

Ioan. 10.

Ibidem.

cerdotij honorem martyrio quoque dominus glorificauit, No-
uatiuus in ecclesia non est, nec episcopus computari potest,
qui Euangelica & apostolica traditione contempta nemini
succedens, à seipso ordinatus est: habere namque aut tenere eccle-
siam nullo modo potest, qui ordinatus in ecclesia non est.
Foris enim non esse ecclesiam, nec scindi aduersum se aut diui-
di posse, sed inseparabilis atque indiuiduæ domus unitatem te-
nere, manifestat scripturæ diuinæ fides, cum de sacramento
paschæ & agni, qui agnus Christum designabat, scriptum sit:
In domo una comedetur; non eijcietis de domo carnem foras.
Quod item circa Raab, quæ ipsa quoque typum portabat eccle-
siæ, expressum uidemus, cui mandatur & dicitur: Patrem
tuum & matrem tuam, & fratres tuos, & totam domum pa-
tris tui colliges ad teipsam in domum tuam, & omnis qui exi-
erit ostium domus tuæ foras, reus sibi erit. Quo sacramen-
to declaratur, in unâ domum solam, id est, in ecclesiam uictu-
ros, & ab interitu mûdi euasuros colligi oportere. Quisquis
autem de collectis foras eiecerit, id est, si quisquam in ecclesia
gratiam consecutus recesserit, et ab ecclesia exierit, reum si-
bi futurum, id est, ipsam sibi quod pereat imputaturum. Quod
apostolus Paulus explanat docens, & præcipiens hæreticum
uitandum esse, ut peruersum & peccatorem, & à semetipso
damnatum. Hic enim qui reus sibi erit, non ab episcopo eie-
ctus, sed sponte de ecclesia profugus, & hæretica præsumptio-
ne à semetipso damnatus. Et ideo Dominus insinuans no-
bis unitatem de diuina autoritate uenientem ponit & dicit:
Ego & pater unum sumus: ad quam unitatem redigens eccle-
siam suam denuo dicit: Et erunt unus grex & unus pastor. Si
autem grex unus est, quomodo potest gregi annumerari, qui
in numero gregis non est? aut pastor haberi quomodo po-
test, qui moriente uero pastore, & in ecclesia Dei ordinatione
succedanea præsidente, nemini succedens & à seipso incipiens,

alienus sit & profanus, dominicæ pacis ac diuinæ unitatis inimicus non habitans in domo Dei, id est, in ecclesia Dei, in qua non nisi concordēs atq; unanimes habitant, loquente in psalms spiritu sancto & dicente: Deus qui habitare facit unanimes in domo. Denique unanimi-^{Psalm. 67.} tatem Christianam firma sibi atq; inseparabili charitate connexam, etiam ipsa dominica sacrificia declarant. Nam quando dominus corpus suum panem uocat de multorum granorum adunatione congestum, populum nostrum quem portabat, indicat adunatum. Et quando sanguinem suum uinum appellat, de botris atque acinis plurimis expressum atq; in uinum coactum, gregem item nostrum significat, commistione adunatæ multitudinis copulatum. Si Nouatianus huic pani dominico adunatus est, si Christi * po-^{alias, poculo} pulo & ipse commistus est, poterit uideri, & unici ecclesiastici baptismi habere gratiam posse, si eum constiterit ecclesiæ unitatem tenere. Deniq; quàm sit inseparabile unitatis sacramentum, & quàm sine spe sint, & perditionem sibi maximā de indignatione dei acquirant, qui schisma faciunt, & relicto episcopo, alium sibi foris pseudepiscopum constituunt, declarat in libris Regnorum scriptura diuina, ubi à tribu Iuda & 3. Reg. 12. Benianin decem tribus scissæ sunt, & relicto rege, alterum sibi foris instituerunt, & indignatus est, inquit, Dominus in omne semen Israel, et dimouit eos, & dedit eos in direptionem donec abijceret eos à facie sua, quia dissipatus est Israel à domo Dauid, & constituerunt sibi regem Hieroboam filium * Naboth. Indignatum esse dominum dicit, & eos in perditio-^{alias, Iobath} nem dedisse, quod ab unitate dissipati essent, atque alterum sibi regem constituissent. Et tanta indignatio domini extitit aduersus illos, qui schisma fecerant, ut etiam cum homo Dei ad Hieroboam missus esset, qui ei peccata sua exprobraret, atque ultionem futuram prædiceret, panem quoq; apud illos edere, ^{Contagia ma-} & aquam bibere uetaretur. Quod cum non custodisset, & ^{lorum.}

Matth. 10.

contra præceptum Dei prandisset, statim diuinæ censura maledictus percussus est, ut inde regrediens impetu ac morsu leoninus in itinere necaretur. Et audet quisquam dicere aquam baptismi saluare, et gratiam cœlestem communem cum schismaticis esse posse, cum quibus nec terrestris, nec secularis potus debeat esse communis? Satiat adhuc in Euangelio suo Dominus, et maiorem intelligentiæ lucem manifestat, quod iidem qui se nunc à tribu Iuda et Benjamin sciderant, et Hierosolymis derelictis, Samariam secesserant, inter profanos et gentiles computarentur. Nam cum primum discipulos suos in ministerium salutis mitteret, mandauit et dixit: In uiam nationum ne ieritis, et in ciuitatem Samaritanorum ne introieritis. Ad Iudeos primum mittens, gentiles adhuc præteriri iubet. Addendo autem, et ciuitatem Samaritanorum debere omitti, ubi erant schismatici, ostendit schismaticos gentilibus adæquari. Quod si aliquis illud opponit, ut dicat eandem No uatianum legem tenere, quam catholica ecclesia teneat, eodem symbolo quo et nos baptizare, eundem nosse Deum patrem, eundem filium Christum, eundem spiritum sanctum, ac propter hoc usurpare eum potestatem baptizandi posse, quod uideatur in interrogatione baptismi à nobis non discrepare, sciat quisquis et hoc opponenudum putat, primum non esse uiam nobis et schismaticis symboli legem, neque eandem in interrogationem. Nam cum dicunt: Credis remissionem peccatorum, et uitam æternam per sanctam ecclesiam? mentiuntur in interrogatione, cum non habeant ecclesiam. Tunc deinde uoce sua ipsi confitentur remissionem peccatorum non dari, nisi per sanctam ecclesiam, quam non habentes ostendunt remitti illis peccata non posse. Quod uerò eundem quem et nos Deum patrem, eundem filium Christum, eundem spiritum sanctum nosse dicuntur, nec hoc adiungere tales potest. Nam et Chore et Dathan et Abiron cum sacerdote Aaron et Moy

Num. 16.

se eundem Deum nouerant, pari lege & religione uiuentes, unum & uerum Deum, qui colendus atq; inuocandus fuerat, inuocabant. Tamen quia loci sui ministerium transgressi contra Aaron sacerdotem, qui sacerdotium legitimum dignatione Dei atq; ordinatione perceperat, sacrificandi licentiam uendicarunt, diuinitus percussi poenas statim pro illicitis conatibus penderunt, nec potuerunt rata esse, & proficere sacrificia, irreligiose & illicitè contra ius diuinæ dispositionis oblata. Thuribula quoque ipsa, in quibus incensum illicitè fuerat oblatum, ne in usu de cætero essent sacerdotibus, sed potius indignationis & ultionis diuinæ memoriam corrigendis posteris exhiberent, iussu Domini conflata atque igne purgata, in laminas ductiles producuntur, & affiguntur altari, secundum quod loquitur scriptura diuina: Memoriale, inquit, filiis Israel, ut non accedat quisquam alienigena, qui nō est ex semine Aaron, imponere incensum ante Dominum, ut non sit sicut Chore. Et tamen illi schisma non fecerant, nec foras egressi contra Dei sacerdotes impudenter atq; hostiliter rebellauerunt: quod nunc ecclesiam scindentes, & contra pacem atq; unitatem Christi rebelles, cathedram sibi cōstituere, & primatum assumere, & baptizandi atque offerendi licentiam uendicare conantur. Quomodo perficere quod agunt, aut impetrare aliis quid illicitis conatibus de Deo possunt, qui cōtra Deum, quod eis non licet, moliuntur? Quare qui Nouatiano, siue cæteris eiusmodi schismaticis patrocinantur, frustra contendunt baptizari & sanctificari illhic aliquem saluari baptismo posse, ubi constat baptizantem baptizandi licentiam non habere. Atque ut magis intelligi posset contra eiusmodi licentiam & audaciam, quæ sit censura diuina, inuenimus in tali facinore non solum duces & autores, sed & participes poenis destituti, nisi se à communione malorum separauerint, præcipiente Domino & dicente: Separamini à tabernaculis hominū isto-

Exod. 28.

Baptismus nō
nisi ab habena
ta potestatem
percipitur.

Num. 16.

rum durissimorum, & nolite tangere ab omnibus quæ sunt eis, ne simul pereatis in peccato eorum, & quod comminatus per Moysen dominus fuerat, impleuit, ut quisquis à Chorese & Dathan, & Abiron non separasset, poenas statim pro impia communione persolueret. Quo exemplo ostenditur & probatur obnoxios se Deo & culpæ & poenæ facturos, qui se schismaticis contra præpositos & sacerdotes irreligiosa temeritate miscuerint: sicut etiam per Oseam prophetam spiritus sanctus contestatur & dicit: Sacrificia eorum tanquam panis luctus, omnes qui manducant ea, contaminabuntur. Docens scilicet & ostendens omnes omnino cum autoribus supplicio coniungi, qui fuerint eorum peccato communicati. Quæ ergo apud eos merita esse circa Deum possunt, quibus supplicia diuinitus irrogantur? Aut quomodo tales iustificare & sanctificare baptizatos possunt, qui hostias sacerdotum aliena & illicita, & nullo sibi iure concessa usurpare conantur? Quos tamen ipsos non miramur pro sua prauitate contendere. Afferant necesse est singuli quique, quod faciunt, nec uolunt uicti facile succumbere, quanuis sciant id quod faciant non licere. Illud mirandum est, imo indignandum potius & dolendum, Christianos Antichristis assistere, & præuarcatores fidei atque proditores ecclesiæ intus in ipsa ecclesia contra ecclesiam stare. Qui quoniam pertinaces aliàs & indociles, uel hoc tamen confitentur, quod uniuersi siue hæretici, siue schismatici non habeant spiritum sanctum, & ideo baptizare quidem possunt, dare autem spiritum sanctum non possunt, in hoc ipso à nobis tenentur, ut ostendamus nec baptizare omnino eos posse, qui non habeant spiritum sanctum. Nam cum in baptismo unicuique peccata sua remittantur, probat & declarat in Euangelio suo dominus, per eos solos peccata posse remitti, qui habeant spiritum sanctum. Post resurrectionem enim discipulos suos mittens loquitur ad eos, & dicit: Sicut misit

Osee 9.

Pertinaces
Nouatianisti

me pater, & ego mitto uos. Hoc cū dixisset, insufflauit, & ait illis: Accipite spiritum sanctum. Et cuius remiseritis peccata, remittentur illi: & si cuius retinueritis, tenebuntur. Quo in loco ostēdit, eum solum posse baptizare, & remissionē peccatorū dare, qui habeat Spiritū sanctum. Deniq; ipsum dñm nostrum IESVM Christum baptizaturus Ioannes, accepit antē spiritum sanctum, cū adhuc esset in utero matris constitutus, ut certum esset atque manifestum, baptizare nō posse, nisi eos qui habeant spiritū sanctū. Itaque qui hæreticis siue schismaticis patrocinantur, respondeant nobis an habeant spiritū sanctum, an non habeant. Si habent, cur illhic baptizatis quādo ad nos ueniunt manus imponitur ad accipiendum spiritum sanctum, cum iam utique illhic acceptus sit, ubi si fuit, quī dari potuit? Si autem foris cuncti hæretici & schismatici nō habēt spiritum sanctum, & ideo apud nos manus imponitur, ut hic accipiantur, quod illhic nec esse, nec dari potest, manifestum est nec remissionem peccatorū dari per eos, quos constat spiritū sanctum non habere. Et idcirco secundum diuinam dispositionem atque euangelicam ueritatem, ut peccatorum remissionē consequi & sanctificari, ac templa Dei fieri possint, ecclesie baptismo baptizandi sunt omnes omnino, qui ab aduersarijs & Antichristis ad Christi ecclesiam ueniunt.

ARG. EPISTOLAE SEQ.

Eiusdem epistola ad Epictetum & plebem Assuritanorum de Fortunatiano episcopo, docentis qui sacrilega sacrificia fecerunt, sacerdotium sibi uendicare non posse.

EPISTOLA VII.

CYPR. EPICTETO FRATRI

tri & plebi Assuris consistentibus

SALVTEM.

Fortunatianus.



Rauiter & dolenter motus sum, fratres chariss. quòd cognouerim Fortunatianum quondam apud uos episcopum post grauē lapsum ruinae suae, pro integro nunc agere uelle, & episcopatum sibi uendicare coepisse: quae res contristauit me: primo pro-

pter ipsum qui miser, uel diaboli tenebris in totum excæcatus, uel quorundam sacrilega persuasione deceptus (cum debeat satisfacere, & ad Dominū exorandū, diebus ac noctibus, lacrymis et orationibus, et precib. incumbere) audet sibi adhuc sacerdotium quod prodidit uendicare, quasi post aras diaboli accedere ad altare Dei fas sit: aut non maiorem in se iram & indignationem Domini in die iudicii prouocet, qui cū uirtutis et fidei dux fratribus esse non potuerit, perfidiae, et audaciae, & temeritatis magister existat, & qui non docuit fratres in praelio fortiter stare, doceat eos qui uicti & prostrati sunt, nec rogare, cum Dominus dicat: Illis sudistis libamina, & illis imposuistis sacrificia, super hæc non indignabor? dicit Dominus. Et

Esai. 57.

alio loco: Sacrificans dijs eradicabitur, nisi Domino soli. Item

Esai. 2.

Dominus denuo loquitur, & dicit: Adorauerunt eos, quos fecerunt digiti eorū, et curuatus est homo, et humiliatus est uir,

Apoc. 13.

& non relaxabo illis. In Apocalypsi quoq; legimus irā Domini cōminantis & dicentis: Siquis adorat bestiam et imaginem eius, accipiet notam in fronte sua & in manu, bibet & ipse de uino iræ Dei, misto in poculo iræ eius, & punietur igne et sulphure sub oculis sanctorum angelorum, & sub oculis agni, & fumus de tormētis eorum in secula seculorum ascendit, nec habebunt requiem die & nocte, qui adorauerunt bestiā & imaginem eius. Cum ergo hæc tormenta, hæc supplicia in die iræ Dominus comminetur ijs, qui diabolo obtemperant, & idolis sacrificant, quomodo se putat posse agere pro Dei sacerdote, qui obtemperauit, & seruiuit diaboli sacerdotibus? aut quo-

modo putat manum suam transferri posse ad Dei sacrificiū & precē Domini, quæ captiua fuerit sacrilegio & crimini, cum in scripturis diuinis Deus ad sacrificium prohibeat accedere sacerdotes etiam in leuiori crimine constitutos, & in Leuitico dicat: Homo in quo fuerit uitium & macula, non accedat offerre dona Deo. Idem in Exodo: Et sacerdotes, & qui accedunt ad Dominū Deum sanctificentur, ne sortē derelinquat illos Dominus. Et iterū: Et qui accedunt ministrare ad altare sanctum, non adducent in se delictum, ne moriantur. Qui ergo grauiā in se delicta adduxerunt, id est, qui idolis sacrificando sacrilega sacrificia fecerunt, sacerdotium Dei sibi uendicare non possunt, nec ullam in conspectu eius precem pro fratribus facere, cum in Euangelio scriptum sit: Deus peccatorem nō audit, sed si quis Deum coluerit, & uoluntatem eius fecerit, illum audit. Quamuis sic quorundam pectora tenebrarum ingruentium profunda caligo cæcauerit, ut de præceptis salubribus nihil lucis admittat, semel à recto limite ueritineris auersi per præceptum & abruptum criminum suorum nocte atque errore capiantur. Nec mirum si consilia nostra, aut Domini precepta nunc abnuunt, qui Dominum negauerunt. Stipes & oblationes & lucra desiderant, quibus prius insatiabiles incubabant, & cœnis atq; epulis etiā nunc inhiant, quarum crapulam superstitie in dies cruditate ructabant, nunc manifestissimè comprobantes nec antè se religioni, sed uētri potius & quæstui profana cupiditate seruisse. Vnde & ipsam uenisse perspicimus, & credimus de Dei exploratione censuram, ne apud altare consistere & contrectare sancta ulterius perseuerarent, pudorem incesti, fidem perfidi, religionem profani, diuina terreni, sancta sacrilegi. Quod ne tales ad altaris impiamenta & cōtagia fratrum denuo redeant, omnibus uiribus excubandum & omni uigore nitendum, ut quantum possumus ab hac eos sui sceleris audacia retunda-

Leuitici 21.

Exodi 29.

Ioan. 9.

mus, ne adhuc agere pro sacerdote contentur, qui ad mortis extrema deiectioni, ultra lapsos laicos ruinæ suæ pondere prouenerunt. Si uero apud insanos furor insanibilis perseverauerit, & recedente spiritu sancto, profunda cæcitas in sua nocte permanserit, consilium uobis erit singulos fratres ab eorum fallacia sepearare, & nequis in laqueo erroris incurrat, ab eorum contagione secernere, cum nec oblatio sanctificari illuc possit, ubi spiritus sanctus non sit, nec cuiquam dominus per eius oblationes & preces prosit, qui dominum ipse uiolauit. Quod si Fortunatianus, aut immemor criminis sui per diaboli cæcitatem, aut minister & seruus diaboli factus ad decipiendam fraternitatem in hoc suo furore permanserit, uos quantum potestis elaborate, & in hac caligine diaboli sæuientis fratrum mentes ab errore reuocate, ne alienæ demetiæ facile consentiant, ne se desperatorum delictis participes faciât, sed teneant integræ salutis suæ tenorem, & integritatis conseruata à se & custoditæ perpetuum uigorem. Lapsi uero magnitudinem delicti sui cognoscētes à deprecando domino non recedant, nec ecclesiam catholicam quæ una & sola est à domino cõstitutâ, derelinquant, sed satisfactionibus immorantes, & domini misericordiam deprecantes ad ecclesiam pulsent, ut recipi illuc possint, ubi fuerunt, & ad Christum redeât, à quo recesserunt. Nec audiant eos qui se fallaci & mortali circumuentione decipiūt, cum scriptum sit: Nemo uos decipiat inanibus uerbis: propter à enim uenit ira Dei super filios cõtumaciæ: Nolite ergo esse participes eorum. Ergo contumaces, & Deum non timētes, & ab ecclesia in totū recedentes, nemo comitetur. Quod si quis impatiens fuerit ad deprecandum dominum, qui offensus est, & nobis obtemperare noluerit, sed desperatos & perditos secutus fuerit, sibi imputabit cum iudicij dies uenerit. Quomodo enim deprecari in die illo dominum poterit, qui & ante hoc Christum, & nunc quoq; ecclesiam

ecclesiā Christi negauit, et episcopis sanis et integris et uiuētib.
nō obtēperans, comitem se et participem morientib. præbuit?
Opto uos fratres chariss. ac desideratissimi semp bene ualere.

ARG. EPIST. SEQ.

Eiusdem epistola ad plebem, de quinque presbyteris schismaticis: in qua diuersarū pericula animarū enarrans admonet, ut qui mandatum Dei reſciunt, & traditionem suam statuere conantur, fortiter ab ipsis & firmiter respuantur.

EPISTOLA VIII.

CYPR. PLEBI VNIVERSAE SAL.



Vanquā fratres chariss. Briccius fidelissimus, atq; integerrimus presbyter, item Rogatianus & Numidicus, presbyteri, confessores, & gloria diuinæ dignationis illustres, sed & diaconi boni uiri, & ecclesiæ sticæ administrationis per omnia obsequia deuoti, cum ceteris ministerijs, plenam uobis præsentiae suæ diligentia præbeāt, et exhortationibus assiduis singulos corroborare, sed & lapsorū mentes consilijs salubribus regere & reformare nō desināt: tñ ego quantū possum admono, et quō possum uisito uos literis meis, literis, inquam, fratres chariss. Hoc enim quorundā presbyterorū malignitas & perfidia pſecit, ne ad uos ante diem paschæ uenire licuisset, dum cōiurationis suæ memores, et antiqua illa cōtra episcopatū meū, immo cōtra suffragium uestrū & Dei iudiciū uenena retinentes, instaurant ueterem cōtra nos impugnationem suā, & sacrilegas machinationes insidijs solitis denuo renouant. Et quidē de Dei Apostata.

prouidentia nobis hæc nec uolentibus, nec optantibus, immo & ignoscentibus & tacentibus, pœnas quas meruerant perderunt, ut à nobis non eiectione ultro se eijcerent, ipsi in se pro consciētia sua sentētiā darent, secundum uestra diuina suffra-

Feliciſſimi ſa
Elio.

Longa ſatisfa
Elio.

gia coniurati & ſclerati de eccleſia ſponte ſe pellerēt. Nunc
apparet Feliciſſimi factio unde ueniſſet, quibus radicibus ſta-
ret, & quibus uiribus hi fomenta olim quibuſdam confeſſoria-
bus & hortamenta tribuebant, ne cōcordarent cum epiſcopo
ſuo, nec eccleſiaſticam diſciplinam cum fide & quiete iuxta
præcepta dominica continerēt, ne cōfeſſionis ſuæ gloriam in-
corrupta & immaculata cōuerſatione ſeruarēt. Ac ne parum
 fuiſſet corrupiſſe quorundam confeſſorum mentes, & ſacerdo-
tium Dei portionem ruptæ fraternitatis armare uoluiſſe, nunc
ſe ad lapſorum perniciem uenenata ſua deceptione uerterunt,
ut egros & ſaucios ad capienda fortia conſilia per calamita-
tem ruina ſuæ minus idoneos & minus ſolidos, à medela
uulneris ſui auocent, & intermiſſis precibus & orationibus,
quibus dominus longa & cōtinua ſatiſſactione placandus eſt,
ad exitioſam temeritatem mendacio captioſæ pacis inuitent.
Sed oro uos fratres uigilate contra inſidias diaboli, & pro ue-
ſtra ſalute ſoliciti contra mortiferam fallaciam diligentius ex-
cubate. Perſecutio eſt hic, alia atq; alia tentatio. Et quinq; iſti
preſbyteri nihil aliud ſunt, quàm quinq; primores illi, qui edi-
cto nuper magiſtratibus fuerant copulati, ut fidem noſtram
obruerent, & gracilia fratrum corda ad letales laqueos præ-
uaticatione ueritatis auerterent. Eadem nunc ratio, eadē rursus
euerſio per quinq; preſbyteros Feliciſſimo copulatos ad
ruinam ſalutis inducitur, ut non rogetur dominus, nec qui ne-
gauit Chriſtum, eundem Chriſtum quem negauerat, deprece-
tur, poſt culpam criminis tollatur & pœnitentia, nec per epi-
ſcopos & ſacerdotes Domino ſatiſſiat, ſed relictis domini ſa-
cerdotibus contra Euangelicam diſciplinam noua traditio ſa-
cilegæ inſtitutionis exiargat, cumq; ſemel placuerit tam no-
bis, quàm confeſſoribus & clericis urbicis, itē uniuerſis epiſco-
pis uel in noſtra prouincia, uel trans mare conſtitutis, ut nihil
innouetur circa lapſorum cauſam, niſi omnes in unum conue-

niremus, & collatis consilijs cum disciplina pariter & misericordia temperatam sententiam figeremus, cōtra hoc consilium nostrū rebelletur, & omnis sacerdotalis autoritas & potestas factiosis cōspirationibus destruat. Quas nunc poenas patior fratres charissimī, quod ipse ad uos impræsentiarū uenire nō possum, ipse singulos aggredi, ipse uos secundum Domini & Euāgelij eius magisterium cohortari? Non suffecerat exilium iam biennio & à uultibus atq; ab oculis uestris lugubris separatio? dolor iugis & gemitus, qui me solū sine uobis continua lamentatione discruciat? lacrymæ diebus ac noctibus profluētes, quod sacerdoti, quem tanto amore & ardore fecistis, necdum uos salutare, & necdum complexibus uestris inherere cōtingat? Accessit hinc tabescenti animo nostro dolor maior, quod in tanta solitudine ac necessitate excurrere ad uos ipse non possum, dum per minas & per insidias perfidorum cauemus, ne aduenientibus nobis tumultus illic maior oriatur: & cum paci & tranquillitati episcopus providere in omnibus debeat, ipse materiam seditioni dedisse, & persecutionem denuo exacerbasse uideatur. Hinc tamen fratres dilectissimi, hinc admoneo pariter & cōsulo, ne perniciosis uocibus temere credatis, ne fallacibus uerbis consensum & fallaciæ alias, facile cōmodetis, ne pro luce tenebras, pro die noctem, pro cibo famem, pro potu sitim, uenenū pro remedio, mortem pro salute sumatis. Nec ætas uos eorū nec autoritas fallat, qui ad duorū presbyterorum ueterem nequitiam respōdentes, sicut illi Susannam pudicam corrumpere & uiolare conati sunt, sic & hi adulterinis doctrinis ecclesiæ pudicitiam corrūpere, & ueritatem Euangelicam uiolare conantur. Clamat & dicit Dominus: Nolite audire sermones pseudoprophetarū, quoniam uisiones cordis eorū frustrantur eos. Loquūtur, sed non ab ore Domini. Dicūt eis qui abiiciunt uerbū Domini: Pax erit uobis. Pacem nunc offerunt, qui ipsi non habent pacem. In ecclesia

alias, facile

Daniel. 13.

lappos reducere & reuocare promittunt, qui de ecclesia recesserunt. Deus unus est, & Christus unus, & una Ecclesia, & cathedra una super petram Domini uoce fundata. Aliud altare constitui aut sacerdotium nouum fieri, præter unū altare & unum sacerdotium non potest. Quisquis alibi collegerit, spargit. Adulterū est, impium est, sacrilegū est, quodcunq; humano furore instituitur, ut dispositio diuina uioletur. Procul ab huiusmodi hominū contagione discedite, & sermones eorū ueluti cancer & pestem fugiendo uitate, præmonente do-

Matth. 15. mino & dicente: Cæci sunt & duces cæcorum: cæcus autem cæcum ducens, simul in foueam cadent. Intercedunt precibus uestris, quas nobiscū diebus ac noctibus Domino funditis, ut eum iusta satisfactione placetis. Intercedunt lacrymis uestris, quibus cōmissi delicti crimen abluitis. Intercedunt paci, quam uere & fideliter de Domini misericordia postulatis, nec sciūt

Deut. 13. scriptum esse: Et propheta ille aut somnium somnians, ille qui locutus est, ut errare te faceret à Domino Deo tuo, interficietur. Nemo uos fratres errare à Domini uia facit. Nemo uos Christianos ab Euāgelio Christi rapiat. Nemo filios ecclesiæ de ecclesia tollat. Pereant sibi soli, qui perire uoluerūt. Extra ecclesiam soli remaneant qui de ecclesia recesserunt. Soli cum episcopis non sint, qui cōtra episcopos rebellauerunt. Coniurationis suæ poenas soli subeant, qui olium secundum Dei iudicia sententiā coniurationis & malignitatis suæ subire meruerunt.

Execratio in
dei detractores

Matth. 15. Monet nos Dominus in Euāgelio suo, dicēs: Reijcitis mādātū Dei ut traditionē uestrā statuatis. Qui mādātū Dei reijciūt, & traditionem suam statuere conantur, fortiter à uobis & firmiter respuantur. Sufficiat lapsis ruina sua. Nemo uolētes surgere sua circumuentione præcipitet. Nemo iacentes, pro quibus nos rogamus, ut Dei manu & brachio subleuentur, prosternat grauius & deprimat. Nemo semianimes, ut salutem suam pristinam recipiant deprecantes, ab omni spe saluæ

tis auertat. Nemo nutantibus lapsus sui caligine omne itineris
 salutaris lumē extinguat. Instruit Apostolus, dicens: Siquis ali
 ter docet, & non acquiescit sanis uerbis Domini nostri Iesu
 Christi, & doctrinæ eius stupore elatus, discedat ab huiusmo-
 di. Et iterum dicit ipse: Nemo uos decipiat inanibus uerbis. 1. Timoth. 6.
 Propterea enim uenit ira Dei super filios contumaciæ. Noli-
 te ergo esse participes eorum. Non est quod decepti inanibus
 uerbis, prauitatis eorum incipiat esse participes. Discedite à
 talibus quæso uos, & acquiescite consilijs nostris, qui pro uo-
 bis quotidie cōtinuas Domino preces fundimus, qui uos ad ec-
 clesiam reuocare per Domini clemētiam cupimus, qui de Deo
 pacem plenissimam prius matri, tum & filijs eius oramus.
 Cum precibus atq; orationibus nostris uestras quoq; oratio-
 nes & preces iungite, cum fletibus nostris uestras lacrymas
 copulate. Vitate lupos, qui oues à pastore secernunt: uitate
 linguam diaboli uenenatam, qui ab initio mundi fallax sem-
 per & mendax mentitur ut fallat: blanditur, ut noceat: bona Diaboli insi-
 promittit, ut malum tribuat: uitam pollicetur, ut perimat. Lu- diæ.
 cent nunc quoq; uerba eius, & uenena manifesta sunt: pacem
 pollicetur, ne perueniri possit ad pacem: salutem promittit, ne
 cui promittit, ueniat ad salutem: ecclesiam spondet, cū id agat,
 ut qui illi credit, in totum ab ecclesia pereat. Nunc curandum
 est fratres dilectissimi, ut qui statis fortiter perseueretis, &
 stabilitatem uestram gloriosam, quam in persecutione tenui-
 stis, perpetua firmitate seruetis. Et si circūueniente aduersa-
 rio lapsi estis, in secunda hac tentatione spei & paci uestre fi-
 deliter consulatis, & ut uobis Dominus ignoscat, à sacerdoti-
 bus Domini non recedatis: cum scriptum sit: Et homo quicūq;
 fecerit in superbia, ut non exaudiat sacerdotem, aut iudicem,
 quicunq; fuerit in diebus illis, morietur homo ille. Persecutio-
 nis istius nouissima hæc est tentatio, quæ & ipsa citò Domi-
 no protegente transibit, ut representet uobis post paschæ

*Forte legen
dū Felicissimi

diem cum collegis meis, quibus presentibus secundum arbitrium quoque uestrum, et omnium nostrum commune consilium (sicut semel placuit) ea quae agenda sunt, disponere pariter et limare poterimus. Siquis autem poenitentiam agere, et Deo satisfacere detrectans, ad infelicissimi et satellitum eius partes concesserit, et se haereticae factioni coniunxerit, sciat se postea ad ecclesiam redire, et cum episcopis et plebe Christi communicare non posse. Opto uos fratres charissimi semper bene ualere, et circa Domini misericordiam exorandam continuis nobiscum precibus insistere.

A R G. S E Q. E P I S T.

Eiusdem epistola ad clerum & plebem Furnitanorum, commonentis nulli presbytero licere tutorem testamento constituere.

EPISTOLA IX.

CYPR. PRESBYTERIS ET DIACONIS et plebi Furnis consistentibus SAL.



Rauiter commoti sumus ego et collegae mei, qui praesentes aderant, et compresbyteri nostri qui nobis assistebant, fratres charissimi, cum cognouissemus quod Geminus Victor frater noster de seculo excedens, Geminum Faustinum presbyterum tuto-

*aliās, de ec-
clesia Dei.

rem testamento suo nominauerit, cum iam pridem in concilio episcoporum statutum sit, ne quis de clericis et Dei ministris tutorem uel curatorem testamento suo constituat, cum singuli diuino sacerdotio honorati, et cuncti in clericali ministerio constituti, non nisi altari et sacrificijs deservire, et precibus, atque orationibus uacare debeant. Scriptum est enim: Nemo militans Deo, implicat se molestijs secularibus, ut possit placere ei cui se probauit. Quod cum de omnibus dictum sit, quanto magis molestijs et laqueis secularibus obligari non

1. Timot. 2.

πρὸς μαρ-
τίνον.

debent, qui diuinis rebus & spiritualibus occupati, ab ecclesia recedere, & ad terrenos & seculares actus uacare non possunt? Cuius ordinationis & religionis formā Leuita prius in lege tenuerunt, ut cum terram diuiderent, & possessiones partirentur undecim tribus, Leuitica tribus, quæ templo & altari, & ministerijs diuinis uacabat, nihil de illa diuisionis portione percipere, sed alijs terram colentibus, illa tantum Deum coleret, & ad uictum, atq; alimentū suum ab undecim tribubus de fructibus qui nascebantur, decimas perciperet. Quod totum fiebat de autoritate & dispositione diuina, ut qui operationibus diuinis insistebant, in nulla re auocarentur, nec cogitare aut agere secularia cogerentur. Quæ nunc ratio & forma in clero tenetur, ut qui in Ecclesia domini ad ordinationem clericalem promouentur, nullo modo ab administratione diuina auocentur, ne molestijs & negotijs secularibus alligentur, sed in honore sportulantium fratrum, tantam decimas ex fructibus accipientes, ab altari & sacrificijs non recedant, & die ac nocte coelestibus rebus & spiritualibus seruiant. Quod episcopi antecessores nostri religiose considerantes, & salubriter providentes, censuerunt ne quis frater excedens, ad tutelam uel curam clericum nominaret, ac si quis hoc fecisset, non offerretur pro eo, nec sacrificium pro dormitione eius celebraretur. Neque enim ad altare Dei meretur nominari in sacerdotum prece, qui ab altari sacerdotibus & ministros suos Leuitas auocare uoluit. Et ideo Victor cum contra formam nuper in concilio à sacerdotibus datam Geminium Faustinum presbyterum ausus sit actorem constituere, non est quò pro dormitione eius apud uos fiat oblatio, aut deprecatio aliqua nomine eius in ecclesia frequentetur, ut sacerdotum decretū religiose & necessariè factum seruetur à nobis. Simul & cæteris fratribus detur exemplum, ne quis sacerdotes et ministros Dei altari eius et ecclesiæ uacan-

Leuita diuinis tantum non cent.

Sportula.

Sacerdos ab altari non recedat.

Nunc maxime uocantur.

Oblatio pro defunctis.

tes ad seculares molestias deuocet. Obseruari enim de cætero poterit, ne ultra hoc fiat circa personam clericorum, si quod nunc factum est, fuerit uindicatum. Opto uos fratres charissimi semper bene ualere.

ARG. SEQ. EPIST.

Ad Eucratium epistola de histrione, quem suadet ne sinat histrionem artem suam docere, sed ab ea ad uiam innocentie deducat.

EPISTOLA X.

CYPR. EVCRATIO FRATRI SAL.



Ro dilectione tua & uerecundia mutua cõsulendum me existimaſti frater chariſſime, qd mihi uideatur de hiſtrione quodam, qui apud uos conſtitutus in eiufdem adhuc artis ſuæ dedecore perſeuerat, & magiſter et doctõr non erudiendorum, ſed per dendorũ

Nunc florent
iſt.

puerorũ, id qd male didicit, cæteris quoq; inſinuat, an talis de beat cõmunicare nobiſcum. Quod puto ego nec maiſtati diuinae, nec Euangelicæ diſciplinæ cõgruere, ut pudor et honor eccleſiæ tam turpi & inſani cõtagione ſœdetur. Nam cũ in lege phibeantur uiri induere muliebrẽ ueſtem, et maledicti eiufmodi iudicentur, quantõ maioris eſt criminis, nõ tantũ muliebria indumenta accipere, ſed & geſtus quoq; turpes & molles, & muliebres magiſterio impudicæ artis exprimere? Nec excuſet ſe qſpian, ſi à theatro ipſe ceſſauerit, cum tñ hoc cæteros doceat. Non põt. n. uideri ceſſaſſe, qui uicarios ſubſtituit, & qui pro ſe uno plures ſuccedaneos ſuggerit cõtra inſtitutionẽ Dei, erudiens & docens quemadmodum maſculus frangatur in ſœminã, & ſexu arte mutetur, & diabolo diuinum plaſma maculanti per corrupti atq; eneruati corporis delicta placeatur. Quòd ſi penuriam talis & neceſſitatem paupertatis obtẽdit, poteſt inter cæteros, qui alimentis eccleſiæ ſuſtinentur, huius

Necceſſitas præ
textitur turpi-
tudini.

quoq; necessitas adiuuari, si tñ cōtentus sit frugalioribus & in nocentibus cibis. Nec putet salario se esse redimendū, ut à pec catis cesset, qñ hoc nō nobis, sed sibi præstet. Cæterū quantum uult inde quærat. Qualis quæstus est qui de cōuiuio Abrahæ, Isaac, et Iacob & hoīes rapuit, et male ac pnciose in seculo su ginatos, ad æternæ famis ac sitis supplicia deducit? Et ideo quā tū potes, eū à prauitate et dedecore ad uiā innocentie, atq; ad spem uitæ suæ reuoca, ut sit cōtentus ecclesiæ sumptibus, par cioribus qdē, sed salutaribus. Quòd si illhic ecclesia nō suffi cit, ut laborātibus præstetur alimēta, poterit se ad nos trāsfer re, et hic qd' sibi ad uictū, atq; uestitū necessarium fuerit, acci pere, nec alios extra ecclesiā mortalia docere, sed ipse salutaria in ecclesia discere. Opto te frater charissime semp bene ualere.

A R G. S E Q. E P I S T.

Beati Cypriani epistola, nonnullorumq; coëpi scoporum ad Pomponium de uirginibus: in qua as serunt uirgines Deo dicatas ac detectas dormisse cū uiris, per manus obstetricum debere inspicī, & quæ uirgines iuentę fuerint, ecclesię admitti, quæ uerò cor ruptę, ad pœnitentiam plenam duci oportere.

E P I S T O L A X I.

CYPR. CAECILIUS, VICTOR, SE= dulus, Tertullus, cum presbyteris qui præsentes ade= rant, Pomponio fratri SALVTEM.



Egimus literas tuas frater charissime, quæ per Pacionium fratrem nostrum misisti, po stulans & desiderans ut tibi rescriberemus quid nobis de ijs uirginibus uideatur, quæ cum semel statum suum continenter & fir= miter tenere decreuerint, detectæ sint postea in eodem lecto pariter mansisse cum masculis, ex quibus unum diaconum esse dicis. Planè easdem quæ se cum uiris dor

misſe confeſſæ ſunt, aſſeuerare non decet ſe integras eſſe. Circa quam rem, quoniam conſilium noſtrum deſideraſti, ſcias nos ab Euangelicis & apoſtolicis traditionibus non recedere, quò minus fratribus & ſororibus noſtris cōſtanter & fortiter conſulatur, & per omnes utilitatis & ſalutis vias eccleſiaſtica diſciplina ſeruetur, cum Dominus loquatur, & dicat:

Hiere. 3. Et dabo uobis paſtores ſecundum cor meum, & paſcent uos

Sapient. 3. paſcentes cum diſciplina: & iterum cum ſcriptum ſit: Diſciplinam qui abiicit, infelix eſt: & in Pſalmo quoque ſpiritus

Pſal. 2. ſanctus admoneat, & inſtruat, dicens: Continete diſciplinam, ne fortè irascatur dominus, & pereatis à uia recta, cum exaſerit citò ira eius ſuper uos. Primo igitur in loco frater chariſſimè, & præpoſitis, & plebi nihil aliud elaborandum eſt, quàm ut qui Deum timemus, cum omni obſeruatione diſciplinæ diuina præcepta teneamus, nec patiamur errare fratres noſtros, & pro arbitrio, & fructu ſuo uiuere: ſed ad uitam ſingulis fideliter conſulere, nec pati uirgines cum masculis habitare, non dico ſimul dormire, ſed nec ſimul uiuere, cum &

Virginum & ſexus infirmus, & ætas adhuc lubrica per omnia frænari & regi debeat, ne diabolo inſidianti & ſeuire cupienti ad nocendum detur occaſio: cum & Apoſtolus dicat: Nolite locum dare diabolo. Liberanda eſt uigilanter de periculoſis locis na-

Ephes. 4. uis, ne inter ſcopulos & ſaxa frangatur. Exuenda eſt uelociter de incendio ſarcina, priuſquàm flammis ſuperuenientibus concremetur. Nemo diu tutus eſt periculo proximus. Nec eua dere diabolus Dei ſeruus poterit, qui ſe diaboli laqueis implicauit. Intercedendum eſt citò talibus, ut ſeparentur dum adhuc ſeparari innocentes poſſunt, quia diuidi poſtmodum noſtra interceſſione non poterunt, poſteaquàm conſcientia grauiffima cohaſerint. Denique quàm graues multorum ruinas hinc fieri uidemus, & per huiusmodi illicitas & periculoſas coniunctiones corrumpi plurimas uirgines cum ſummo

animi nostri dolore conspiciamus. Quòd si se ex fide Christo dicauerūt, pudicè & castè sine ulla fabula perseuerent, ita fortes & stabiles præmium uirginitatis expectent. Si autem perseuerare nolunt, uel non possunt, melius est ut nubant, quam in ignem delicijs suis cadant. Certè nullum fratribus aut sororibus scandalum faciant, cum scriptum sit: Si cibus scandalizat fratrem, non manducabo carnem in seculum, ne fratrem scandalizem. Nec aliqua putet se posse hac excusatione defendi, quòd & inspicì & probari possit, an uirgo sit, cum & manus obstetricum & oculi sæpe fallantur. Et si incorrupta inuenta fuerit uirgo ex ea parte sui, qua mulier potest esse, poterit tamen ex alia corporis parte peccasse, quæ corrupti potest, & tamen inspicì non potest. Certè ipse concubitus, ipse complexus, ipsa confabulatio et inosculatio, & coniacentium duorum turpis & fœda dormitio, quantum dedecoris & criminis confitetur? Si superueniens maritus sponsam suam iacentem cū altero uideat, nōne indignatur & fremit? & per zeli dolorem fortassis & gladium in manum sumit? Quia Christus Dominus & iudex noster, cum uirginem suam sibi dicatam, & sanctitati suæ destinatā iacere cū altero cernat, quā indignatur & irascitur? Et quas poenas incestis eiusmodi coniunctionibus comminatur? Cuius ut gladium spiritualem, & uenturum iudicij diem unusquisq; fratrum possit euadere, omni consilio prouidere & elaborare debemus. Et cum omnes omnino disciplinam tenere oporteat, multò magis præpositos & diaconos curare hoc fas est, qui exemplum & documentum cæteris de conuersatione & moribus suis præbeant. Quomodo enim possunt integritati & continentie præesse, si ex ipsis incipiant corruptelæ, & uitiorum magisteria procedere? Et idcirco consulti & cum uigore secisti frater charissime, abstinendo diaconum, qui cum uirgine sæpe mansit, sed & cæteros qui cum uirginibus dormire consueuerant. Quòd

Etiam uirginibus sacris permittit nubere

Mysterium.

Virgo Deo dicata.

1. Ti. 2. & 3.

Abstineret, pro amore.

si poenitentiam huius illiciti cōcubitus sui egerint, & à se inuicem recesserint, inspiciantur interim uirgines ab obstetricibus diligenter, & si uirgines inuentæ fuerint; accepta cōmunicatione ad ecclesiam admittantur, hac interminatione, ut si ad eosdem masculos postmodum reuersæ fuerint, aut si cū eisdem in una domo & sub eodem tecto simul habitauerint, grauiore censura eijciatur, nec in ecclesiam postmodum tales facile recipiantur. Si autem de eis aliquæ corruptæ fuerint deprehensæ, agant poenitentiam plenam, quia quæ hoc crimē admisit, non mariti, sed Christi adultera est. Et ideo æstimato iusto tēpore, postea exomologesi facta ad ecclesiam redeant. Quod si obstinatē perseuerāt, nec se ab inuicē separant, sciant se cum hac sua impudica obstinatione nūquam à nobis admitti in ecclesiam posse, ne exēplum cæteris ad ruinas delictis suis facere incipiant. Nec putent sibi uitæ aut salutis constare rationē, si episcopis & sacerdotibus obtēperare noluerint, cū in Deo-

Deuter. 17.

teronomio Dominus Deus dicat: Et homo quicumq; fecerit in superbia, ut nō exaudiat sacerdotē, aut iudicem, quicumq; fuerit in diebus illis, morietur homo ille, & omnis populus cum audierit, timebit, & nō aget impiē etiam nunc. Interfici Deus iussit sacerdotibus suis nō obtemperantes, iudicibus à se ad tē-

Gladus spiri
tualis.

pus constitutis non obediētes: & tunc quidem gladio occidebantur, quando adhuc & circumcisio carnalis manebat, nunc autē quia circumcisio spiritualis esse ad fideles seruos Dei cœpit, spiritali gladio superbi & contumaces necātur, dū de ecclesia eijciūtur. Neq; enim uiuere foris possunt, cū domus Dei una sit, & nemini salus esse nisi in ecclesia possit. Indisciplinatos autē perire, dum nō audiunt, nec obtemperāt consilijs salubribus, testatur diuina scriptura, quæ dicit: Non diligit indisciplinatus castigantem se. Qui autem oderunt correptiones, consumentur turpiter. Ergo ne indisciplinati consumantur & percant, da operam frater charissime, ut quantum potes con-

filijs salubribus fraternitatem regas, et singulis ad salutē suam cōsulas. Arcta & angusta est uia, per quam ingredimur ad uitam, sed summus & magnus est fructus cū peruenimus ad gloriam. Qui se semel castrauerūt propter regnum cōclorū, Deo per omnia placeāt, nec sacerdotes Dei aut ecclesiā Domini cōtemnētes, scandalo se fratribus offerāt. Et si ad præsens à nobis contristari uidentur, nos tamen in salubri persuasione moneamus. sciētes & Apostolū dixisse: Ergo ego inimicus factus sum uobis, uerum dicēs uobis? Quod si obtēperauerint, nobis gratissimum est. Stantes eos ad salutem pariter dignatione nostri sermonis firmabimus. Si autē quidam de peruersis obtēperare noluerint, secundum eūdem Apostolum dicētem: Si hominibus placere, Christi seruus non essem: si quibusdā suadere nō possumus, ut eos uero Christo placere faciamus, nos certē (quod nostrū est) Christi Domini & Dei nostri praecepta seruantes placeamus. Opto te frater charissime semp bene ualere.

Gal. 4.

ARG. EPISTOLAE SEQ.

Beati Cypriani epistola, quorundamq; episcoporum ad Ianuarium, nonnullosq; alios, de his qui ab hereticis baptizari uidentur, in qua probat neminem baptizari foris extra ecclesiam posse, cum unū baptisma in una catholica ecclesia sit.

EPISTOLA XII.

Cypr. Liberalis, Calyd. Iunius, Primus, Cæcil. Polycarp. Nicomedes, Felix, Marutius, Successus, Lucianus, Honoratus, Fortunatus, Victor, Donatus, Lucius, Herculanus, Pomponius, Demetrius, Quintus, Saturnin. Ianuarius, Marcus, alius Saturninus, alius Donatus, Rogatianus, Sedatus, Tertullus, Hortensianus: item alius Saturninus, Satius: Ianuario, Saturnino, Maximo, Victori, alio Victori, Cassio, Proculo, Modiano, Cirino, Gargilio, Eutyciano, alio Gargilio, alio Saturnino, Vemesiano, Nāpulo, Antoniano, Rogatiano. Honorato, fratribus. SAL.



Vm simul in cōcilio essemus frates charif. legimus literas uestras, quas ad nos fecistis de his qui apud hæreticos et schismaticos baptizati uidentur, an ad ecclesiā catholicā (quæ una est) ueniētes baptizari debeāt.

De qua re quāquā et ipsi illhic ueritatē

et firmitatē catholicæ regulæ teneatis, tamē quoniā cōsulēdos nos pro cōmuni dilectione existimastis, sententiā nostrā nō nouā promimus, sed iā pridem ab antecessoribus nostris statutā

alias, cōsen-
sione

Nemo extra
ecclesiam ba-
ptizandus.

Hiere. 2.

et a nobis obseruatā, uobiscum parī cōfessione cōiungimus: censentes scilicet et pro certo tenentes, neminem foris baptizari extra ecclesiam posse, cum sit baptisma unū intra sanctā ecclesiā constitutū, et scriptū sit Domino dicēte: Me dereli- querūt fontē aquæ uiuæ gratis, et effoderūt sibi lacus detri- tos, qui nō possunt aquā portare. Et iterū diuina scriptura præmoneat et dicat: Ab aqua aliena abstine te, et à fonte aquæ alienæ ne biberis. Oportet uerō mūdari et sanctificari aquam prius à sacerdote, ut possit baptismo suo peccata hominis qui

Ezech. 36. baptizatur, abluere, quia per Ezechiēlē prophetam Domini- nus dicit: Et aspergam super uos aquam mundā, et munda- biminī ab omnibus immunditijs uestris, et ab omnibus sinu- lachris uestris, et mundabo uos, et dabo uobis cor nouum, et spiritum nouum dabo uobis: Quomodo autem mundare et sanctificare aquam potest, qui ipse immundus est, et apud quem spiritus sanctus non est? cum Dominus dicat in Nume- ris: Omnia quæcūq; tetigerit immundus, immunda erunt. Aut

Num. 19.
Nemo dat
quod non ha-
bet.

quomodo baptizans dare alteri remissionem peccatorum po- test, qui ipse sua peccata deponere extra ecclesiam non po- test? Sed et ipsa interrogatio quæ fit in baptismo, testis est ue- ritatis. Nam cum dicimus: credis in uitam æternam, et remis- sionem peccatorum per sanctam ecclesiam? intelligimus remis- sionē peccatorum non nisi in ecclesia dari: apud hæreticos au-

tem ubi ecclesia non sit, non posse peccata dimitti. Itaque qui hæreticos asserunt, aut interrogationem mutant, aut uindicent ueritatem, nisi si eis & ecclesiam tribuunt, quos baptisma habere contendunt, ungi quoque necesse est eum qui baptizatus sit, ut accepto chrismate, id est, unctione esse unctus Dei, & habere in se Christi gratiam possit. Porro autem eucharistia, & unde baptizati unguntur oleum in altari sanctificatur. Sanctificare autem non potuit olei creaturam, qui nec altare habuit, nec ecclesiam. Vnde nec unctio spiritualis apud hæreticos potest esse, cum constat oleum sanctificari, & eucharistiam fieri apud illos omnino non posse. Scire autem & meminisse debemus scriptum esse: Oleum peccatoris non ungat caput meum: quod antè in psalmis præmonuit spiritus sanctus, ne quis exorbitans, & à uia ueritatis exerrans, apud hæreticos & Christi aduersarios ungeretur. Sed & baptizādo quam facere precem potest sacerdos sacrilegus & peccator? cum scriptum sit: Deus peccatorem nō audit: sed qui eum coluerit, & uoluntatem eius fecerit, illum audit. Quis autem potest dare quod ipse non habeat? Aut quomodo potest spiritualia agere, qui ipse amiserit spiritum sanctum? Et idcirco baptizandus est & innouandus qui ad ecclesiam * rudis uenit, ut intus per sanctos sanctificetur, quia scriptum est: Sancti estote, quia et ego sanctus sum, dicit Dominus: ut qui in errorem seductus est, & foris tinctus, in baptismo uero & ecclesiastico etiā hoc ipsum deponat, quod homo ad Deū ueniēs, dū sacerdotē querit in sacrilegū fraude erroris incurrit. Ceterū probare est hæreticorum & schismaticorum baptisma, consentire in id quod illi baptizauerint. Neq; enim potest pars illhic inanis esse, & pars præualere. Si baptizare potuit, & spiritum sanctum dare poterit. Si autem spiritum sanctum dare nō potest, quia foris cōstitutus cum sancto spiritu non est, nec baptizare uenientem potest, quando & baptisma unum sit, & spiritus sanctus

Ioan. 9.

alias, nudus

Leuit. 19.

& 20.

Luce II.

unus, & una ecclesia à Christo Domino nostro super petram origine unitatis & ratione fundata. Ita fit, ut cum omnia apud illos inania & falsa sint, nihil eorum, quæ illi gesserint, probari à nobis debeat. Quid enim potest ratum & firmum esse apud Deum, quod illi faciunt? quos Dominus hostes & aduersarios suos dicit, in Euangelio suo ponens: Qui non est mecum, aduersum me est: & qui non mecum colligit, spargit. Et beatus quoque apostolus Ioannes mandata Domini & præcepta custodiens in epistola sua posuerit: Audistis quia Antichristus uenit, nunc autem multi antichristi facti sunt, unde cognoscimus quia nouissima hora est. Ex nobis exierunt, sed non fuerunt ex nobis: si enim fuissent ex nobis, nobiscum mansissent. Unde nos quoque colligere & considerare debemus, an qui aduersarii sunt Domini, & appellati sunt antichristi, possint dare gratiam Christi. Quare qui cum Domino sumus, & unitatem Domini tenemus, & secundum eius dignationem sacerdotium eius in ecclesia administramus, quæcunque aduersarii eius & antichristi faciunt, repudiare & reijcere, & pro profanis habere debemus, & eis qui de errore & prauitate uenientes agnoscunt unius ecclesiæ ueram fidem, dare illis per omnia diuinæ gratiæ sacramenta, & fidei ueritatem. Opto uos fratres charissimi semper bene ualere.

DIVI CYPRI. LIBRI PRIMI
EPISTOLARVM
FINIS.

DIVI

DIVI CAECILII CYPRIANI
 EPISCOPI CARTHAGINENSIS EPISTOLARVM LIBER II.

ARG. SEQ. EPIST.

Ad Stephanum epistola de concilio, quod habitum est super ijs qui apud hereticos baptizabantur, ac de presbyteris qui non debent amplius sacerdotio admitti, si semel ad sacrilega sacrificia accesserunt.

EPISTOLA I.

CYPR. ET CAETERI STE-

phano fratri salutem.



D QVAEDAM disponenda ac communis concilij examinatione limanda, necesse habuimus frater charissime, conuenientibus in unū pluribus sacerdotibus cogere & celebrare concilium, in quo quidem multa prolata atq; translata sunt.

Sed de eo uel maximè tibi scribendum & cum tua grauitate ac sapientia conferendum fuit, quod magis pertineat ad sacerdotalē autoritatē & ad ecclesiæ catholicæ unitatē, pariter & dignitatē, de diuinæ dispositionis ordinatione uenientē, eos qui sunt foris extra ecclesiā tincti, et apud hereticos et schismaticos, p̄sanæ aquæ labe maculati, quādo ad nos atq; ad ecclesiā, q̄ una est, uenerint, baptizari oportere, eò q̄ parū sit eis magnum imponere ad accipiendum spiritum sanctū, nisi & ecclesiæ accipiant baptismū. Tunc enim demū planè sanctificari,

Et esse filij Dei possunt, si sacramento utroque nascantur, cum
 Ioan. 3. scriptum sit: Nisi quis natus fuerit ex aqua et spiritu sancto,
 Act. 10. non potest introire in regnum Dei. Inuenimus etiam in Actis
 apostolorum hoc esse ab apostolis custoditum, et salutaris fidei
 ueritate seruatum, ut cum in domo Cornelij Centurionis super
 Ethnicos qui ibi aderant, fidei calore feruentes, et in Dominum
 toto corde credentes, descendisset Spiritus sanctus, quo adimple
 ti uarijs linguis Deum benediceret, nihilo minus tamen beatum
 apostolum Petrum diuini precepti atque Euangelij memorem
 precepisse, ut baptizarentur illi iidem, qui iam fuerant sancto
 spiritu pleni, ut nihil pretermissum uideretur, quod minus per
 omnia diuini precepti atque Euangelij lege apostolica magiste
 ria seruarent. Baptismum autem non esse quo heretici utuntur,
 nec quenquam apud eos qui Christo aduersantur, per gratiam
 Christi posse proficere, diligenter nuper expressum est in epi
 stola quae ad Quintum collegam nostrum in Mauritania consti
 tutum, super ea re scripta est: Item in literis quas collega no
 stri ad episcopos in Numidia praesidentes ante fecerunt, cuius
 utriusque epistolae exempla subdidi. Addimus plane et adiun
 gimus frater charissime, consensu et autoritate communi, ut
 etiam si qui presbyteri aut diaconi, qui uel in ecclesia catho
 lica prius ordinati fuerint, et postmodum perfidi aut rebelles
 contra ecclesiam steterint, uel apud hereticos a pseudopisco
 pis et antichristis contra Christi dispositionem profana ordi
 natione promoti sint, et contra altare unum atque diuinum sacri
 ficia foris falsa ac sacrilega offerre conati sint, eos quoque hac
 conditione suscipi cum reuertuntur, ut communicent laici, et sa
 tis habeant quod admittuntur ad pacem, qui hostes pacis ex
 titerint, nec debere eos reuertentes ea apud nos ordinationis
 et honoris arma retinere, quibus contra nos rebellauerint.
 Oportet enim sacerdotes et ministros qui altari et sacrifici
 is deseruiunt, integros atque immaculatos esse, cum dominus in

Leuitico loquatur: Homo in quo fuerit macula & uitium, non accedat offerre dona Deo. Item in Exodo hæc eadē præcipiat & dicat: Sacerdotes qui accedūt ad Dominū Deū sanctificentur, ne forte derelinquat illos Dominus. Et iterū: Et cum accedunt ministrare ad altare sancti, nō adducent in se delictum, ne moriantur. Quod autem maius potest esse delictū, aut quæ macula deformior, quā aduersus Christum stetisse, quā ecclesiam eius, quā ille sanguine suo parauit & condidit, dissipasse? quā Euangelicæ pacis ac dilectionis oblitum, contra unitatem & concordem Dei populum hostilis discordiæ furore pugnasse? Qui & ipsi postmodū ad ecclesiā redeunt, restituere tamen eos & secum reuocare nō possunt, qui ab eis seducti & foris morte præuienti extra ecclesiā sine cōmunicatione & pace perierunt, quorum animæ in die iudicij de ipsorum manibus expetentur, qui perditionis autores & duces extiterunt. Et idcirco satis est talibus reuertentibus ueniam dari, non tamē debent in domo fidei perfidia promoueri. Nam quid bonis & innocentibus, atq; ab ecclesia non recedentibus reseruamus, si eos qui à nobis recesserint, & contra ecclesiam stiterint, honoramus? Hæc ad conscientiā tuam frater charissime, & pro honore communi, & pro simplici dilectione pertulimus, credentes etiam tibi pro religionis tuæ & fidei ueritate placere, quæ & religiosa pariter & uera sunt. Cæterum scimus quosdam quod semel imbiberint nolle deponere, nec propositum suū facile mutare, sed saluo inter collegas pacis & concordie uinculo quedam propria, quæ apud se semel sint usurpata retinere. Quod semel imbibimus difficulter deponimus.

Qua in re nec nos uim cuiquam facimus, aut legem damus, cū habeat in ecclesiæ administratione uoluntatis suæ arbitriū liberum unusquisq; præpositus rationem actus sui Domino redditurus. Vnusquisque rationem sui actus redditurus.

Opto te frater charissime semper bene ualere.

ARG. EPISTOLAE SEQ.

Ceciliij Cyp. epist. ad Donatū in qua qualiter sua

conuersio fuerit enarrat, & sancti spiritus uires commemorans, mundiꝑ laqueos declarans ac damna. Hortatur ad placidam fidem & quietam.

EPISTOLA II.

CAECILIUS CYPR. DONATO SAL.

*Epistola scho-
lastico stylo
elaboratior.*



*Secessus stu-
diosus aptus.*

*Vitea porti-
cus.*

Ene admones Donate charissime: Nam & promississe me memini, & reddendi tempestiuū prorsus hoc tempus est, quo indulgente uindemiā solutus animus in quietem solēnes ac statas anni fatigantis inducias sortitur. Locus etiā cū die conuenit, & mulcendis sensib. ac fouendis ad lenes auras blandientis autumnī, hortorū facies amœna cōsentit. Hic iucūdam sermonib. diem ducere, & studentibus fabulis in diuina præcepta conscientiā peccatoris crudire, ac ne eloquium nostrū arbititer profanus impediatur, aut clamor intemperans familiæ strepentis obtundatur, petamus hanc sedē. Dant secessum uicina secreta, ubi dum erratici palmitū lapsus nexibus pendulis per arundines baiulas reperiunt, uiteam porticū frondea tecta ficerant. Bene hic studia in aures damus, & dum in arbores & uites, quas uidemus, oblectante prospectu, oculos amœnatus, animā simul & auditus instruit, & pascit obtutus. Quaiquā tibi sola nūc gratia, sola cura sermonis est. Cōtemptis uoluptariæ uisionis illecebris in me oculus tuus fixus est, tam ore, quā mente totus auditor es, & hoc amore quo diligis. Cæterū quale uel quantū est, quod in pectus tuum ueniat ex nobis? Exilis ingenij angusta medietas tenues admodum fruges parit, nullis ad copiam fecunditatis cespitis culminibus ingrauescit. Aggrediar tamen facultate qua ualeo. Nam & materia dicendi facit mecum. In iudicii contentione pro rostris opulenta facundia uolubili ambitione iactetur, cum de Domino & de Deo uox est, uocis pura synce-ritas, nō eloquentiæ uiribus nititur ad fidei argumenta, sed re-

Simplex de
Deo sermo, nō
fucatus.

bus. Deniq; accipe non diserta, sed fortia: nec ad audientie po-
pularis illecebram culto sermone fucata, sed ad diuinam indul-
gentiam prædicandam rudi ueritate simplicia. Accipe quod
sentitur antequam discitur. Nec per moras temporum longa
agnitione colligitur, sed compendio gratie maturantis hauri-
tur. Ego cum in tenebris atq; in nocte cæca iacerem, cumq;
in salo iactantis seculi nutabundus ac dubius uestigijs ober-
rantibus fluctuarem, uitæ meæ nescius, ueritatis ac lucis alie-
nus, difficile prorsus ac durum pro illis tunc moribus opina-
bar, quod in salutem mihi diuina indulgentia pollicebatur, ut
quis renasci denuo posset, utq; in nouam uitam lauacro aque
salutaris animatus, quod prius fuerat exponeret: corporis li-
cet manente cōpage, hominem animo ac mente mutaret. **Quin** Renasci posse
impossibilis, aiebam, tanta cōuersio est, ut repente ac pernicio-
sus miratus Cy-
ter exuatur, quod uel genuinum, situ materie naturalis obdu-
prius.
ruit, uel usurpatum diu senio uetustatis inoleuit. Alta hæc &
profunda penitus radice federunt. **Quando** parsimoni- an di- Natura nis et
cōsuetudinis.
scit, qui epularibus cœnis, & largis dapibus assueuit? Et qui
pretiosa ueste conspicuus in auro atque in purpura fulsit, ad
plebeium se ac simplicem cultum quādo deponit? Fascibus ille
oblectatus & honoribus, esse priuatus & inglorius non po-
test. Hic stipatus clientum cuneis, & frequētiore comitatu offi-
ciosi agminis honestatus, poenam putat esse cum solus est. Te-
nacibus semper illecebris necesse est (ut solebat) uiolentia in-
uitet, inflat superbia, iracundia inflāmet, rapacitas inquietet,
crudelitas stimulet, ambitio delectet, libido præcipitet. Hæc
egomet sepe mecum. Nam ut ipse quā plurimis uitæ prio-
ris horroribus implicatus tenebar, quibus exui me posse non
crederem, sic uitijs adhærentibus obsecundans eram, despera-
tione meliorum malis meis uelut iam proprijs ac uernaculis Renatus Cy-
affluebam. Sed postquā undæ genitalis auxilio superioris prius nubo
exiit.
æui labe deterfa, in expiatum pectus ac purum desuper se lu-

men infudit, postquam coelitus spiritu hausto in nouam me hominem natiuitas secunda reparauit, mirum in modum protinus confirmare se dubia, patere clausa, lucere tenebrosa, facultatē dare, quod prius difficile uidebatur: geri posse, quod impossibile putabatur: ut esset agnoscere terrenum fuisse, quod prius carnaliter natum delictis obnoxium uixisset: Dei esse coepisse, quod iam spiritus sanctus animaret. Scis ipse profecto et mecum pariter recognoscis, quid detraxerit nobis, quid uel contulerit mors ista criminum, uita uirtutum. Scis ipse, nec praedico in proprias laudes. Otiosa iactatio est, quamuis non iactatum possit esse, sed gratum, quicquid non uirtuti hominis adscribitur, sed Dei manere praedicatur, ut iam non peccare, esse coeperit fidei, quod ante peccatum est, fuerit erroris humani.

Dei est quod
possumus.

Dei est, inquam, Dei est omne quod possumus: inde uiuimus, inde pollemus, inde sumpto et concepto uigore, hic adhuc positi futurorum indicia praenoscimus. Sit tantum timor in nobis innocentiae custos, ut quod in mentes nostras indulgentiae coelestis allapsu clementer Dominus influxit, in animi oblectantis hospitio iusta operatione teneatur, nec accepta securitas indiligentiam pariat, et uetus denuo hostis obrepāt. Ceterum si tu innocentiae, si iustitiae uiam teneas illapsa firmitate uestigij tui: si autem in Deum uiribus totis ac toto corde suspensus, hoc sis tantum quod esse coepisti, tantum tibi ad licentiam datur, quantum gratiae spiritualis augetur. Non enim (qui beneficiorum terrestrium mos est) in capeffendo munere coelestis mensura ulla uel modus est, profluens largiter spiritus nullis finibus premitur, nec coercentibus claustris intra certa metarum spatia refranatur. Manat iugiter, exuberat affluenter, nostrum tantum sitiāt pectus et pateat. Quantum illuc fidei capacis asserimus, tantum inde gratiae inundantis haurimus, Inde iam facultas datur castitate sobria, mente integra, uirtute sincera, uoce pura, in medulla adolescentium posse ueneno-

Coelestis mun-
neris nulla
mensura.

rum uirus extinguere, animorum desipientium labes reddita
 sanitate purgare, infestis iubere pacem, uiolentis quietem, fe-
 rocientibus lenitatem, immundos & erraticos spiritus qui se
 expugnandis hominibus immerferint, ad confessionem minus
 increpantibus cogere ut recedant, duris uerberibus urgere,
 confluentes, eiulantes, gementes, incremento poenae propa-
 gantis extendere, flagris cedere, igne torrere: res illhic geri-
 tur, nec uidetur: occulta plaga, sed poena manifesta. Ita quod
 esse iam coepimus, acceptus spiritus licentia sua potitur, sed
 quod necdum corpus ac membra mutauimus, adhuc carnalis
 aspectus seculi nube cecatur. *Animi expia-
 ti potentia.* Quantus hic animi potentatus est, quanta uis est, non tantum ipsum esse subtractum pernici-
 ciosis contractibus mundi, ut quis expiatus & purus nulla in-
 cursantis inimici labe capiatur, sed adhuc maiorem & for-
 tiorem uiribus fieri, ut in omnem aduersarii grassantis exer-
 citum, imperioso iure dominetur? Atque ut illustrius ueritate
 patefacta diuini muneris indicia clarescant, lucem tibi ad co-
 gnitionem dabo, & malorum blandientium caligine abster-
 sa, operti seculi tenebras reuelabo, paulisper te crede subduci
 in montis ardui uerticem celsiorem. Speculare inde rerum in-
 fra te iacentium facies, & oculis in diuersa porrectis, ipse à
 terrenis contactibus liber fluctuantis mundi turbines intueri.
 Iam seculi & ipse misereberis, tuiq; admonitus et plus in Deū
 gratus maiore letitia, quod euaseris, gratulaberis. Cerne tu
 itinera latronibus clausa, maria obsessa prædonibus, cruento
 horrore castrorum bella ubiq; diuisa. Madet orbis mutuo san-
 guine, & homicidium cum admittunt singuli crimen est, uir-
 tus uocatur cum publice geritur. Impunitatem sceleribus ac-
 quirunt non innocentie ratio, sed seuitie magnitudo. Iam si ad
 urbes ipsas oculos tuos atq; ora conuertas, celebritatem offen-
 das omni solitudine tristiore. Paratur gladiatorius ludus, ut
 libidinem crudelium luminum sanguis oblectet. Impletur in

*Bellū, multo-
 rū homicidiū.*

* Ali. et arui
ne totis mem
brorum mo-
les robusta.

Cothurni tra
gici mala.

Epiphonema.

Histrionicis
gestibus inqui
nātur omnia.

succum cibus fortioribus corpus et aruina assidui nidoris me
brorum moles robusta pinguescit, ut saginatus in poenam cha
rius pereat. Homo occiditur in hominis uoluptatem, et ut
quis possit occidere peritia est, usus est, ars est. Scelus non tan
tum geritur, sed docetur. Quid potest inhumanius, quid acera
bius dici? disciplina est, ut perimere quis possit: et gloria est,
quod peremit. Quid illud oro te, quale est, ubi se feris obijci
unt, quos nemo damnauit? Aetate integra, honesta satis for
ma, ueste pretiosa uiuentes in ultroneum funus ornantur, ma
lis suis miseri gloriantur: pugnant ad bestias, non crimine, sed
furore. Spectant filios suos patres. Frater in cauea, et soror
praesto est, et spectaculi licet pretium largior muneris appa
ratus amplificet, ut mœroribus suis mater intersit. Hoc prob
dolor mater et redimit in tā impijs spectaculis, tamq; diris sce
leribus esse se nō putant oculis parricidas. Conuerte hinc uul
tus ad diuersi spectaculi nō minus poenitenda cōtagia, in thea
tris quoque conspicias, quod tibi et dolori sit et pudori. Co
thurnus est tragicus prisca facinora carmine recensere, de par
ricidis et incestis horror antiquus, expressa ad imaginem ue
ritatis actione replicatur, ne seculis transeuntibus exolescat
quod aliquando commissum est. Admonetur omnis aetas audi
tu fieri posse, quod aliquando factum est. Nunquam æui senio
delicta moriuntur, nūquam crimen temporibus obruitur, nun
quam scelus obliuione sepelitur. Exempla fiunt, quæ iam esse
facinora destiterunt. Tūc delectat in minimis turpitudinum ma
gisterio uel quid domi gesserit, recognoscere, uel quid gerere
possit, audire. Adulterium discitur dum uidetur, et lenocinan
te ad uitia publicæ autoritatis malo, quæ pudica fortasse ad
spectaculum matrona processerat, de spectaculo reuertitur im
pudica. Adhuc deinde moriam quāta labes, quæ probrorum so
menta, quæ alimenta uitiorum, histrionicis gestibus inquina
ri uidere contra foedus iusq; nascendi patientiam incestæ turæ

pitudinis elaboratam? Euirantur mares, omnis honor & uigor sexus eneruati corporis dedecore emollitur, plusq; illhic placet quisquis uirum in facinoram magis fregerit. In laudem crescit ex crimine, & eò peritior quò turpior iudicatur. Spectatur hic proh nefas, & libenter. Quid non potest suadere qui talis est? Mouet sensus, mulcet affectus, expugnat boni pectoris conscientiam fortiozem, nec deest probri blanditijs auctoritas, ut auditu molliore perniciēs hominibus obrepāt. Exprimunt impudicam Venerem, adulterum Martem, Iouem illum suum, non magis regno quàm uitij principem, in terrenos amores cum ipsis suis fulminibus ardentem: nunc in pluius oloris * flauescere, nunc aureo imbre defluere, nunc in *alias albesce-* puerorum pubescentium raptus ministris auihus proflire. *re.*

Quere iam nunc an possit esse, qui spectat, integer uel pudicus, cum deos suos quos uenerantur, imitantur. Fiunt miseri & delicta religiosa. O si & possis in illa sublimi specula constitutus oculos tuos inferere secretis, recludere cubiculorum obductas fores, & ad conscientiam luminum penetralia culata referare, aspicias ab impudicis geri, quod nec aspicere possit frons pudica. Videas quod crimē sit & uidere: uideas quod uitiorum furore gementes gessisse se negant, & gerere festinant: libidinibus insanis in uiros uiri proruant. Fiunt quæ nec ipsis, nec illis possunt placere, qui faciunt. Mentior nisi alios, qui talis est, increpat, turpis turpes insanat, & euasisse se conscium credit, quasi conscientia satis non sit. Idem in publico accusatores, in occulto rei, in semetipsos censores pariter & nocentes. Damnant foris, quod intus operantur. Admittunt libenter, quod cum admiserint, criminantur. Audacia prorsus conuiuijs * faciens, & impudentia congruens impudicis. Nolo *alias fauoris.* mireris quæ loquuntur huiusmodi ore illo polluto. Quicquid iam uoce delinquitur, minus est. Sed tibi post insidiosas uias, post dispersos orbe toto multiplices pugnas, post spectacula

uel cruenta, uel turpia, post libidinum probra, uel lupanaribus prostituta, uel domesticis parietibus obsepta, quorum quò se-
 cretior culpa, maior audacia est. forum fortasse uideatur immu-
 ne, quòd ab iniurijs laceffentibus liberum nullis malorum con-
 tactibus polluat. Illhuc aciem tuam flecte. Plura illhic quæ
 detesteris inuenies, magis oculos tuos inde diuerter. Incise sint
 licet leges duodecim tabulis, et publico ære præfixo iura præ-
 scripta sint, inter leges ipsas delinquitur, inter iura peccatur:
 innocetia nec illhic ubi defenditur, reseruatur. Sæuit inuicem
 discordantium rabies, & inter togas pace rupta forum litibus
 mugit insanum, hasta illhic & gladius, et carnifex præstò est,
 ungula effodiens, equuleus extendens, ignis exurens, ad homi-
 nis corpus unum supplicia plura quàm membra sunt. Quis in-
 ter hæc uero subueniat? Patronus? sed præuaricatur & deci-
 pit. Iudex? sed sententiam uendit. Qui sedet crimina uindica-
 turus admittit, & ut reus innocens pereat, fit nocens iudex.
 Flagrant ubiq; delicta, & passim multiformi genere peccandi
 per improbas mentes nocens uirus operatur. Hic testanetiam
 subiicit: ille falsum capitali fraude conscribit: hic arcentur hæ-
 reditatibus liberi: illhic bonis donantur alieni. Inimicus insinus
 lat, calumniator impugnat, testis infamat, utrobq; grassatur
 in mēdacium criminum prostitutæ uocis uenalis audacia, cum
 interim nocentes, nec cum innocentibus pereunt. Nullus de le-
 gibus metus est: de quæsitore, de iudice pavor nullus. Quod
 potest redimi, non timetur: esse iam inter nocentes innoxium,
 crimen est: malos quisquis non imitatur, offendit. Consensere
 iura peccatis, & cœpit esse licitum quod publicum est. Quis
 illhic rerum pudor? quæ esse possit integritas? ubi qui dannent
 improbos desunt? Soli ibi qui dannentur occurrunt. Sed ne
 nos uideamur eligere fortasse peiora, & studio destruendi per
 ea oculos tuos ducere, quorum tristis atque auersandus aspe-
 ctus ora & uultus conscientie melioris offēdat, iam tibi illa

Fori mala.

Incise leges
 negliguntur.
 alias, præfixa

Patronus præ-
 uaricator.
 Iudex uenalis

Legibus nul-
 lus honor.

Ignorantia bona
na opinata.

que ignorantia secularis bona opinatur, ostendam. Illuc etiam
fugienda conspicias. Quos honores putas esse? quos fasces?
quam affluentiam in diuitijs? quam potentiam in castris? in
magistratu purpure speciem? in principatu licentie potesta-
tem? Malorum blandientium u rus occultum est, & arridentis
nequitiæ facies quidem leta, sed calamitatis abstruse illecebro-
sa fallacia, instar quoddam ueneni, ubi in letales succos dulce-
dine aspersa calliditate fallendi, sapore medicato poculum ui-
detur esse quod sumitur: ubi epota res est, perniciēs hausta
grassatur. Quippe illum uides, qui amictu clariore cōspicius
fulgere sibi uidetur in purpura. Quibus hoc sordibus emit, ut
fulgeat? quos arrogantium fastus prius pertulit? quas super-
bas fores matutinus saluator obsedit? quot tumentium conta-
meliosa uestigia stipatus clientium cuneis antè præcessit, ut
ipsum etiam salutantum comes postmodum pompa præcederet,
obnoxia non homini, sed potestati? Neq; enim moribus coli
meruit ille, sed fascibus. Horū deniq; uideas exitus turpes: cum
anceps temporum palpator abscesserit, cum priuati latus nu-
dum desertor affecla scœdaucrit, tunc laceratæ domus plagæ
conscientiam feriunt, tunc rei familiaris exhausta damna co-
gnoscuntur, quibus redemptus fauor uulgi, & caducis atque
inanibus uotis popularis aura quesita est. Stulta prorsus &
uana iactura frustrantis spectaculi uoluptatem, id parare uo-
luisse, quod nec populus acciperet, & perderet magistratus.
Sed & quos diuites opinari continuantes saltibus saltus, &
de confinio pauperibus exclusis infinita ac sine termino rura
latius porrigentes, quibus argenti & auri maximum pondus
& pecuniarum ingentium uel extructi aggeres, uel defossæ
strues, hos etiam inter diuitias suas trepidos cogitationis in-
certæ sollicitudo discruciat, ne prædo uastet, ne percussior inse-
stet, ne inimica cuiusque locupletioris inuidia calumniosis li-
tibus inquietet. Non cibus securus somnus ue cōtingit. Suspi-

Anceps tempo-
rū palpator.

Aura popula-
ris.

Diuites discru-
ciat sollicitudo

Auro alligan-
tur diuites.
Cecitas diui-
tum.

Querit et in-
uentus miser
abstinet et si
met uti.

alias, honorū
insulas
Regibus an-
xietas et me-
tus.
Timere cogi-
tur qui time-
tur.

Deo proximus
nihil terrenū
appetit.

rat ille in conuiuio, bibit licet gemma, & cum epulis marci-
dum corpus torus mollior alto sinu condiderit, uigilat in plu-
ma. Nec intelligit miser speciosa esse sibi supplicia: auro se alli-
gatum teneri, & possideri magis, q̄ possidere diuitias. Atq; ô
detestabilis cecitas mentium, & cupiditatis insanæ profunda ca-
ligo, cum exonerare se possit & releuare ponderibus, pergit
magis fortunis aurentibus incubare, pergit poenalibus cumu-
lis pertinaciter adherere. Nulla in clientes inde largitio est,
cum indigentibus sit nulla partitio, & pecuniam suam dicunt,
quam uelut alienam domi clausam solcito labore custodiunt.
Ex qua non amicis, non liberis quicquam, non sibi denique
ipsis impartiunt. Possident ad hoc tantum, ne possidere alteri
liceat. Et ô nominum quanta diuersitas: bona appellant, ex
quibus nullus illis, nisi ad res malas, usus est. An putas uel illos
tutos saltem inter * bonorum insulas & opes largas stabili fir-
mitate securos, quos regalis aule splendore fulgentes armorū
excubantium tutela circumstat? Maior illis, quam cæteris me-
tus est: tam ille timere cogitur, quam timeatur. Exigit poenas
pariter de potentiore sublimitas. Sū licet satellitum manu se-
ptus, & clausum ac protectum latus numerofo stipatore tuc-
tur, quā securos nō sinit esse subiectos, tam necesse est ut non
sit & ipse securus. Antē ipsos terret potestas sua, quos facit
esse terribiles. Arridet, ut seuiat: blanditur, ut fallat: illicit, ut
occidat: extollit, ut deprimat. Fœnore quodam nocendi q̄ fue-
rit amplior summa dignitas & honorum, tam maior exigi-
tur & usura poenarum. Vna igitur placida & fida tranquil-
litas. Vna solida, & firma, & perpetua securitas, si quis ab
his inquietantis seculi turbinibus extractus, salutaris portus
statione fundatus, ad cœlum oculos tollit à terris, & ad Domi-
ni munus admissus, ac Deo suo mente iam proximus, quicquid
apud cæteros in rebus humanis sublime ac magnum uidetur,
intra suam conscientiam iacere gloriatur. Nihil appetere iam.

nihil desiderare de seculo potest, qui seculo maior est. Quam
 stabilis, quam incōcussa tutela est, quam perennibus bonis cō-
 leste præsidium implicantis mundi laqueis solui, in lucem im-
 mortalitatis æternæ de terrena fece purgari, uiderit quæ in
 nos prius infestantis inimici pernicies insidiosa grassata sit,
 plus amare compellimur, quod futuri sumus, dum & scire con-
 ceditur, et damnare quod eramus. Nec ad hoc pretijs, aut an-
 bitu, aut manu opus est, ut hominis summa uel dignitas uel po-
 testas elaborata mole pariat, sed gratuitum de Deo munus,
 religiosa mente concipitur, & facile est, & ut sponte sol ra-
 diat, dies illuminat, fons rigat, imber irrorat, ita se spiritus
 coelestis infundit, postquàm autorem suum cœlum intuens di-
 uina cognouit, sole altior est, ac omni terrena potestate sub-
 limior, id esse incipit quod esse se credit. Tu tantum quentiam
 spiritualibus castris coelestis militia signauit, tene incorru-
 ptam, tene sobriam religiosis uirtutibus disciplinam. Sit tibi
 uel oratio assidua, uel lectio: nunc cum Deo loquere, nūc Deus
 tecum: ille te præceptis suis instruat, ille disponat: quem ille
 diuitem fecerit, nemo pauperem faciet. Penuria esse nullā iam
 poterit, cum semel pectus coelestis sagina saturauerit. Iam tibi
 auro distincta laquearia, & pretiosi marmoris crustis uestita
 domicilia sordebunt. Cum scieris te esse excolendum magis,
 te potius ornandum, domum tibi hanc esse potiore, quam
 Dominus insedit templi uice, in qua spiritus sanctus coepit ha-
 bitare. Pingamus hanc domum, pingamus innocentia, lumine-
 mus luce iustitiæ. Non hæc unquam procumbet in lapsum se-
 nio uetustatis, nec pigmento parietis aut auro exolescente foe-
 dabitur. Caduca sunt, quæcunq; fucata sunt, nec fiduciam præ-
 bent possidentibus stabilem, quæ possessionis non habent ue-
 ritatem. Hoc manet cultu iugiter uiuido, honore integro, splē-
 dore diuturno, aboleri non potest nec extinguī, potest tantum
 in melius corpore redeunte formari. * Hoc interim breuibus

Assidua le-
ctio uel ora-
tio.

Caduca om-
nia fucata.

alias, Hæc

Donate charissime, nam et si facile de bonitate patientiā, mentē in Deum solidam, fidem tutā salutaris auditus oblectat, nihilq; tam tuis aurib. gratum est, quā quod in Deo gratum est, moderari tñ dicēda debemus simul iuncti, et sepius locuturi. Et quoniā feriata nūc quies ac tēpus est otiosum, quicquid inclināte iā sole in uestperā diei superest, ducamus hunc diē leti, nec sit uel hora conuiuij gratiæ coelestis immunis. Sonet Psalmus conuiuium sobriū, ut tibi tenax memoria est, uox canora, aggredere hoc munus ex more. Magis charissimos pascas, si sit nobis spiritalis auditio, proleſtet aureis religiosa mulcedo.

A R G. EPIST. SEQ.

Epistola beati Cypriani ad Cæciliū de sacramento dominici calicis, docens per multas patrum ueteris testamenti similitudines & prophetarum testimonia hoc antē fuisse significatum. Nec calicem cū aqua sine uino rectē offerri, nec ninū absq; aqua iuxta Christi traditionem consecrari posse.

EPISTOLA III.

CYPR. CAECILIO FRATRI SAL.



Vanq̄ sciam frater chariss. episcopos plurimos ecclesijs dominicis i toto mūdo diuina dignatione prap̄ositos, Euangelicæ ueritatis, ac dñicæ traditionis tenere rationē, nec ab eo quod Christus magister & prap̄cepit et gessit, humana et nouella institutione decedere: tñ quoniā quidā uel ignorāter, uel simpliciter in calice dñico sanctificādo, et plebi ministrādo nō hoc faciūt, qđ Iesus Christus Dñs et Deus noster sacrificij huius autor et doctor fecit et docuit: religiosum pariter ac necessariū duxi de hoc ad te literas facere, ut siq; in isto errore adhuc tenebatur, ueritatis luce perspecta ad radicē atq; originē traditionis dñicæ reuertatur. Nec hoc putes frater charissime nostra & humana men-

te conscribere, aut ultronea uoluntate hoc nobis audaciter assumere, cum mediocritatem nostram semper humili & ueracunda moderatione teneamus: sed quando aliquid Deo inspirante & mandante precipitur, necesse est Domino seruius fidelis obtemperet, excusatus apud omnes quòd nihil sibi arroganter assumat, qui offensam Domini timere compellitur, nisi faciat quod iubetur. Admonitos autem nos scias, ut in calice offerendo dominica traditio seruetur, neq; aliud fiat à nobis, quàm quod pro nobis Dominus prior fecit. Vt calix qui in cōmemorationem eius offertur, mistus uino offeratur. Nam cū dicat Christus, ego sum uitis uera, sanguis Christi non aqua est utique, sed uinū. Nec potest uideri sanguis eius, quo redempti & uiuificati sumus, esse in calice, quando uinū desit calici, quo Christi sanguis ostenditur, qui scripturarum omnium sacramento ac testimonio prædicatur. Inuenimus enim & in Genesi sacramētum circa Noe hoc idem præcucurrisse, & figuram Dominicæ passionis illhic extitisse, quòd uinum bibit, quòd inebriatus est, quòd in domo sua nudatus est, quòd fuit recubans nudis & patentibus femoribus, quòd nuditas illa patris à medio filio denotata est, & foras nuntiata, à duobus uerò maiore & minore contecta. Et cætera quæ necesse non est exequi, cum satis sit hoc solum complecti, quòd Noe typū futuræ ueritatis ostendens, non aquam, sed uinum biberit, & sic imaginem dominicæ passionis expresse. Item in sacerdote Melchisedech sacrificij dominici sacramētum præfigurati uidemus, secundum quod scriptura diuina testatur & dicit, Et Melchisedech rex Salem protulit panem & uinum. Fuit autem sacerdos Dei summi, & benedixit Abraham. Quòd autem Melchisedech typum Christi portaret, declarat spiritus sanctus in psalmis ex persona patris ad filium dicens: Ante luciferum generaui te. Iurauit Dominus et non poenitebit eum, tu es sacerdos in æternum secundum ordinem Melchisedech.

Gene. 9.
Figura dominicæ passionis.

Melchisedech
typus dominici sacramenti.
Gene. 14.

Psal. 109.

Qui ordo utiq; hic est de sacrificio illo ueniens & inde de-
 scendens quòd Melchisedech sacerdos Dei summi fuit, quòd
 panem & uinum obtulit, quòd Abraham benedixit. Nam qui
 magis sacerdos Dei summi, quàm Dominus noster Iesus Chri-
 stus, qui sacrificiũ Deo patri obtulit? Et obtulit hoc idẽ quod
 Melchisedech obtulerat, id est, panẽ & uinum, suũ scilicet cor-
 pus & sanguinem. Et circa Abraham benedictio illa præce-
 dens, ad nostrum populum pertinebat. Nam si Abrahã Deo
 credidit, & deputatum est ei ad iustitiam: utiq; quisquis Deo
 credit & fide uiuit, iustus inuenitur, & iampridem in Abra-
 ham fideli benedictus & iustificatus ostenditur, sicut beatus
 Paulus apostolus probat, dicens: Credidit Abraham Deo, &
 deputatum est ei ad iustitiam. Cognoscitis ergo quia qui ex fi-
 de sunt, hi sunt filij Abrahæ. Præuidens autem scriptura, quia
 ex fide iustificat Deus gentes, pronuntiavit Abrahæ, quia be-
 nedicentur in illo omnes gentes. Igitur qui ex fide sunt, bene-
 dicentur cum fideli Abraham: unde in Euãgelio inuenimus de
 lapidibus excitari, id est, de gentibus colligi filios Abrahæ. Et
 cum Zachæum laudaret Dominus, respõdit & dixit: Salus ho-
 die domui huic facta est: quia & hic filius est Abrahæ. Vt er-
 go in Genesi per Melchisedech sacerdotem benedictio circa
 Abraham possit rite celebrari, præcedit antè imago sacrificij
 in pane & uino scilicet constituta. Quam rem perficiens &
 adimplens Dominus panem & calicem mysticũ uino obtulit,
 & qui est plenitudo ueritatem præfiguratæ imaginis adim-
 pleuit. Sed & per Salomonem spiritus sanctus typum domi-
 nici sacrificij præmonstrat immolatæ hostiæ panis & uini,
 sed & altaris & apostolorum faciens mentionem: Sapientia,
 inquit, edificauit sibi domum, & subdidit columnas septem.
 Mactauit suas hostias, miscuit in cratere uinum suum, & pa-
 rauit mensam suam. Et misit seruos conuocans cum excelsa
 prædicatione ad craterem, dicens: Qui est insipiens, declinet
 ad me

ad me: & indigentibus sensu dixit: Venite & edite de meis panibus, & bibite uinum quod miscui uobis. Vinum mistum declarat, id est, calicem Domini aqua & uino mistum prophetica uoce denuntiat, ut appareat in passione dominica id esse gestum, quod fuerat prædictum. In benedictione quoque Iude hoc idem significatur, ubi & illhic Christi figura exprimitur, quod à fratribus suis laudari & adorari haberet, quod inimicorum dorfa cedentiū atque fugientiū manibus, quibus crucem pertulit & mortem uicit, compressurus fuisset, quodque ipse sit leo de tribu Iuda, & recubet dormiens in passione, & surgat, & sit ipse spes gentium, quibus scriptura diuina adiungit & dicit: Lauabit in uino stolam suam, & in sanguine uuæ amictum suum. Quando autem sanguis uuæ dicitur, quid aliud quam uinum calicis dominici sanguinis ostenditur? Necnon & apud Esaiam hoc idem & spiritus sanctus de Domini passione testatur, dicens: Quare rubicunda sunt uestimenta tua, & indumenta tua uelut à calcatione torcularis pleni & percalcati? Nunquid rubicunda uestimenta aqua potest facere? aut in torculari aqua est, quæ pedibus calcatur uel prælo exprimitur? Vini utique mentio est, & ideo ponitur ut Domini sanguis uino intelligatur. Et quod in calice dominico postea manifestatum est, prophetis annuntiantibus prædicatur. Torcularis quoque calcatio & pressura taxatur, quia quomodo ad potandum uinū ueniri non potest, nisi botrus calcetur antè & prematur: sic nec nos sanguinem Christi possemus bibere, nisi Christus calcatus prius fuisset & pressus, & calicem prior biberet, quem credentibus propinaret. Quotiescunque autem aqua sola in scripturis sanctis nominatur, baptisma prædicatur, ut apud Esaiam significari uidemus: Nolite, inquit, prius meminiſſe, & antiqua nolite reputare. Ecce ego facio noua, quæ nunc orientur, & cognoscetis, & faciam in deserto uiam, & flumina in loco inaquoso adaquare genius meum ele-

Gen 49.

Esaia 61.

Esaia 41.

Figura sacramenti baptismalis.

- etiam, plebem meam quam acquisiui, ut uirtutes meas annuntiet. Prænuñtiavit illi per prophetam Deus, quod apud gētes in locis, quæ in aquosa prius fuissent, flumina postmodum redundarent, & electum genus Dei, id est, per regenerationem baptismi filios Dei factos adaquarent. Item denuo præcarnitur, & antè prædicitur, Iudeos si sitierint, & Dominum Christum quæsierint, apud nos esse potaturos, id est, baptismi gratiam consecuturos. Si sitierint, inquit, per deserta adducet illis aquam, de petra producet illis. Findetur petra, & fluet aqua, & bibet plebs mea. Quod in Euangelio adimpletur, quando Christus qui est petra, finditur ictu lanceæ in passione. Qui & admonens quid per prophetam sit antè prædictum, Ioan. 6. clamat & dicit: Siquis sitit, ueniat & bibat. Qui credit in me, sicut dicit scriptura, flumina de uentre eius fluent aquæ uiuæ. Atque ut magis possit esse manifestum, quia non de calice, sed de baptismo illi loquitur Dominus, addidit scriptura, dicens: Hoc autem dixit de spiritu, quem accepturi erant, qui in eum credebant. Per baptismum enim spiritus sanctus accipitur, & sic à baptizatis, & spiritum sanctum consecutis ad bibendum Domini calicem peruenitur. Neminem autem moueat, quod cum de baptismo loquatur scriptura diuina, sitire nos dicit & bibere, quando & Dominus in Euangelio dicat: Luc. 6. Beati esurientes & sitientes iustitiam, quia quod auida & sitienti cupiditate suspicatur, plenius & uberius hauritur. Sicut & alio loco ad Samaritanam mulierem Dominus Christus loquitur, docens: Omnis qui biberit ex aqua ista, sitiet iterum: Ioan. 4. qui autem biberit ex aqua quam ego dederò, non sitiet in æternum. Quo & ipso baptisma salutaris aquæ significatur, quod semel scilicet sumitur, nec rursus iteratur. Caterum in ecclesia calix Domini semper & sititur & bibitur. Nec argumentis plurimis opus est frater charissime, ut probemus appellatione aquæ baptismi significatum semper esse, & sic nos intellige-

re debere, cum Dominus adueniens baptismi & calicis mani-
festauerit ueritatē, qui aquam illam fidelem, aquam uitæ eter-
næ præceperit in baptismo dari, calicem uerò docuerit exem-
plo magisterij sui uini & aquæ cōiunctione misceri. Calicem
etenim sub die passionis accipiens, benedixit, & dedit disci-
pulis suis, dicens: Bibite ex hoc omnes, hoc est enim sanguis Matth. 26.
noui testamenti, qui pro multis effundetur in remissionem pec-
catorum. Dico uobis, non bibam amodo ex ista creatura uitæ
usq; in diem illam, quo uobiscum bibam nouum uinū in regno
patris mei. Qua in parte inuenimus calicē mistum fuisse quem
Dominus obtulit, & uinū fuisse, quod sanguinem suum dixit.
Vnde apparet sanguinē Christi non offerri, si desit uinum ca-
lici: nec sacrificium dominicum legi in sanctificatione cele-
brari, nisi oblatio & sacrificium nostrum responderit passio-
ni. Quomodo autem de creatura uitæ nouū uinū cum Christo
in regno patris bibemus, si in sacrificio Dei patris & Christi
uinum nō offerimus, nec calicem Domini dominica traditione
miscemus? Beatus quoque apostolus Paulus à Domino electus
& missus, & prædicator Euangelicæ ueritatis cōstitutus, hæc
eadē in epistola sua ponit, dicēs: Dominus IESVS in qua 1. Corin. 11.
nocte tradebatur, accepit panem & gratias egit, & fregit, &
dixit: Hoc est corpus meū quod pro uobis tradetur, hoc facite
& uos in meam cōmemorationē. Simili modo & calicē post-
quā cœnatū est accepit, dicens: Hic calix nouū testamentum
est in meo sanguine. Hoc facite quotiescūq; biberitis in meam
cōmemorationem. Quotiescūq; enim ederitis panē istum,
& calicem biberitis, mortē Domini annuntiabitis quoadusque
ueniat. Quod si & à Domino præcipitur, & ab Apostolo
eius hoc idem cōfirmatur & traditur, ut quotiescūq; biberi-
mus, in cōmemorationem Domini hoc faciamus, quod fecit et
Dominus, inuenimur nō obseruari à nobis quod mandatū est,
nisi eadē quæ Dominus fecit, nos quoq; faciamus, & calicem.

pari ratione miscentes à diuino magisterio non recedamus.
 Ab euangelicis autem præceptis omnino recedendum non esse,
 et eadem quæ magister docuit et fecit, discipulos quoque ob-
 seruare et facere debere constantius et fortius, alio in loco
 beatus Apostolus docet, dicens: Miror quod sic tam citò de-
 mutamini ab eo qui uos uocauit in gratiam, ad aliud Euange-
 lium, quod non est aliud, nisi sunt aliqui qui uos turbant, et uo-
 lunt conuertere Euangelium Christi. Sed licet nos, aut Angelus
 de cælo aliter annuntiet, præter quàm quod annuntiauius uo-
 bis, anathema sit. Sicut prædiximus, et nunc iterum dico: Si
 quis uobis annuntiauerit præter quàm quod accepistis, ana-
 thema sit. Cum ergo neque ipse Apostolus, neque Angelus de
 cælo annuntiare posset aliter aut docere, præter quàm quod
 semel Christus docuit, et Apostoli eius annuntiauerunt, miror
 satis unde hoc usurpatum sit, ut contra Euangelicam et Apo-
 stolicam disciplinam quibusdam in locis aqua offeratur in do-
 minico calice, quæ sola Christi sanguinem non possit exprime-
 re. Cuius rei sacramentum nec in psalmis tacet spiritus sanctus,
 faciens mentionem dominici calicis, et dicens: Calix tuus ine-
 brians per quàm optimus. Calix autem qui inebriat, utique ui-
 no mistus est. Neque enim aqua inebriare quenquam potest.
 Sic autem calix dominicus inebriat, ut et Noe in Genesi ui-
 num bibens inebriatus est. Sed quia ebrietas dominici calicis
 et sanguinis non est talis, qualis est ebrietas uini secularis, cum
 diceret spiritus sanctus in psalmo: Calix tuus inebrians, addi-
 dit per quàm optimus, quod scilicet calix dominicus sic biben-
 tes inebriat, ut sobrios faciat, ut mentes ad spirituales sapien-
 tiam redigat, ut à sopore isto seculari ad intellectum Dei unus-
 quisque resipiscat, et quemadmodum uino isto communi mens
 soluitur, et anima relaxatur, et tristitia omnis exponitur:
 ita et potato sanguine Domini et poculo salutari, expona-
 tur memoria ueteris hominis, et fiat obliuio conuersationis

Galat. 1.

Psal. 22.

pristinæ secularis, & mœstū pectus ac triste, quod prius peccatis argentibus premebatur, diuinæ indulgentiæ letitia resoluitur. Quod tunc demum potest letificare in ecclesia Domini bibentem, si quod bibitur dominicam teneat ueritatem.

Quam uerò peruersam est, quanq; contrariū, ut cum Domini in nuptijs de aqua uinum fecerit, nos de uino aquam faciamus, cum sacramentum quoque rei illius admonere & instruere nos debeat, ut in sacrificijs dominicis uinum potius offeramus. Nam quia apud Iudæos defecerat gratia spiritalis, defecit & uinum. Vineam enim Domini sabaoth domus erat Israël, Christus autem docēs & ostendens gentium populum succedere, & in locum quem Iudei perdiderant, nos postmodum merito fidei peruenire, de aqua uinum fecit, id est, quod ad nuptias Christi & ecclesiæ Iudæis cessantibus plebs magis gentium conflueret & conueniret, ostendit. Aquas nanq; populos significare in Apocalypsi scriptura diuina declarat, dicens: Aquæ quas uidisti, super quas sedet meretrix illa, populi, & turbæ, & gentes ethnicorum sunt & linguæ. Quod scilicet perspicimus & in sacramento dominici calicis contineri. Nam quia nos omnes portabat Christus, qui & peccata nostra portabat, uidemus in aqua populum intelligi, in uino ostendi sanguinem Christi. Quando autem in calice uino aqua miscetur, Christo populus adiunatur, & credentium plebs ei, in quem credidit, copulatur & iungitur. Quæ copulatio & coniunctio aquæ & uini sic miscetur in calice Domini, ut cōmixtio illa non possit ab inuicem separari. Vnde ecclesiam, id est, plebem in ecclesia constitutam fideliter & firmiter in eo, quod credidit, perseverantem, nulla res separare poterit à Christo quò minus hæreat semper & maneat * in diuina di-

Ioan. 2.

Apoc. 17.

alias, indiuidua.

nobis. Si uerò aqua sit sola, plebs incipit esse sine Christo. Quando autem utrumque miscetur, & adunatione confusa sit, bi inuicem copulatur, tunc sacramentum spirituale & cœleste perficitur. Sic uerò calix Domini non est aqua sola, aut uinum solum, nisi utrumque sibi misceatur, quomodo nec corpus Domini potest esse farina sola, aut aqua sola, nisi utrumque adunatum fuerit & copulatum, & panis unius compage solidatum. Quo & ipso sacramento populus noster ostenditur adunatus, ut quemadmodum grana multa in unum collecta, & commolita, & commista, panem unum faciunt: sic in Christo qui est panis cœlestis, unum sciamus esse corpus, cui coniunctus sit noster numerus & adunatus. Non est ergo frat

Am brosius
hoc fecit. ter charissime quòd aliquis existimet sequendam esse quorundam consuetudinem, siqui in præteritum in calice dominico aquam solam offerendam putauerunt. Quærendum est enim, ipsi quem sint secuti. Nam si in sacrificio quod Christus est, non nisi Christus sequendus est, utique id nos obaudire & facere oportet, quod Christus fecit, & quod faciendum esse mandauit, cum ipse in Euangelio suo dicat: Si feceritis quod mando uobis, iam non dico uos seruos, sed amicos. Et quòd Christus debeat solus audiri, pater etiam de cœlo contestatur, dicens: Hic est filius dilectissimus in quo bene sensi, ipsum audite. Quare si solus Christus audiendus est, non debemus attendere quid aliquis ante nos faciendum putauerit, sed quid, qui ante omnes est, Christus prior fecerit. Neque enim hominis consuetudinem sequi oportet, sed Dei ueritatem, cum per Esaïam prophetam Deus loquatur & dicat: Sine causa autem colunt me, mandata & doctrinas hominum docentes. Et iterum Dominus in Euangelio hoc idem repetat, dicens, Reijcitis mandatum Dei, ut traditionem uestram statuatis.

Matth. 5. Sed & alio in loco ponit, & dicit: Qui soluerit unum ex mandatis istis minimis, & sic docuerit homines, minimus uocabi-

tur in regno cælorum. Quod si nec minima de mandatis dominicis licet soluere, quanto magis tam magna, tam grandia, tam ad ipsum dominicæ passionis & nostræ redemptionis sacramentum pertinentia fas non est infringere, aut in aliud, quàm quod diuinitus institutum sit, humana traditione mutare? Nam si IESVS Christus Dominus & Deus noster ipse est summus sacerdos Dei patris, & sacrificium Deo patri ipse primus obtulit, & hoc fieri in sui commemoracionem præcepit, utique ille sacerdos uice Christi uerè fungitur, qui id quod Christus fecit, imitatur. Et sacrificium uerum & plenum tunc offert in ecclesia Deo patri, si sic incipiat offerre secundum quod ipsum Christum uideat obtulisse. Cæterum omnis religionis & ueritatis disciplina subuertitur, nisi id quod spiritualiter præcipitur, fideliter reseruetur, nisi si in sacrificijs matutinis hoc quis uereatur, nec per saporem uini redoleat sanguinem Christi. Sic ergo incipit & à passione Christi in persecutionibus fraternitas retardari, dum in oblationibus discit de sanguine eius & cruore confundi. Porro autem Dominus in Euangelio suo dicit: Qui confusus me fuerit, confundetur eum filius hominis. Et Apostolus quoque loquitur dicens: Si hominibus placerem, Christi seruus non essem. Quomodo autem possumus propter Christum sanguinem fundere, qui sanguinem Christi erubescimus bibere? An illa sibi aliquis contemplatione blanditur, quod & si mane aqua sola offerri uidetur, tamen cum ad cœnandum uenimus, mistum calicem offerimus? Sed cum cœnamus, ad conuiuium nostrum plebem conuocare non possumus, ut sacramenti ueritatem fraternitate omni præsentem celebremus. At enim non mane, sed post cœnā mistum calicem obtulit Dominus. Nunquid ergo dominicum post cœnam celebrare debemus, ut sic mistum calicem frequentandis dominicis offeramus? Christū offerre oportebat circa uesperam dici, ut hora ipsa sacrificij

Confundi ponit pro erubescere.

Galat. 1.

An uespe, an mane sic celebrandum.

ostenderet occasum & uesperam mundi, sicut in Exodo scriptum est: Et occident illum omne uulgus synagogæ filiorum
 Psal. 114. Israël ad uesperam. Et iterum in psalmis: Elevatione manuum
 mearum sacrificium uespertinum. Nos autem resurrectionem
 Domini mane celebramus. Et quia passionis eius mentionem
 in sacrificijs omnibus facimus (passio est enim Domini, sacrificium
 quod offerimus) nihil aliud quam quod ille fecit, facere
 1. Cor. 11. debemus. Scriptura enim dicit: Quotiescunque enim ederitis
 panem istum, & calicem istum biberitis, mortem Domini
 annuntiabitis quoadusque ueniat. Quotiescunque ergo calicem
 in commemorationem Domini & passionis eius offerimus, id quod constat
 Dominum fecisse, faciamus. Et ideo frater charissime, si quis de
 antecessoribus nostris, uel ignorater, uel simpliciter non hoc
 obseruauit & tenuit, quod nos Dominus facere exemplo &
 magisterio suo docuit, potest simplicitati eius de indulgentia
 Domini uenia concedi, nobis uero non poterit ignosci, qui nunc
 à domino admoniti et instructi sumus, ut calicem dominicum
 uino mistum, secundum quod Dominus obtulit, offeramus.
 Et de hoc quoque ad collegas nostros literas dirigamus, ut ubique
 lex Euangelica & traditio dominica seruetur, & ab eo quod
 Christus & docuit & fecit, non recedatur. Quæ ultra iam
 contemnere, & in errore pristino perseverare, quid aliud est
 quam incurrere in obiurgationem
 Psal. 49. Domini increpantis in psalmo, & dicentis: Ad quid
 exponis iustificationes meas, & assumis testamentum meum per
 os tuum? Tu autem odisti disciplinam, & abiicisti sermones
 meos retro. Si uidebas furem, concurrebas, & inter mæchos
 partem tuam ponebas. Exponere enim iustificationes & testamentum
 Domini, et non hoc idem facere quod fecit Dominus, quid aliud
 est, quam sermones eius abiicere, & disciplinam dominicam
 contemnere? nec terrena, sed spiritualia furtim & adulteria
 committere, dum quis de Euangelica ueritate furatur.

tur Domini nostri uerba & facta, & corrumpit atque adulterat præcepta diuina? sicut apud Hieremiam scriptum est: Hierem. 23. Quid est, inquit, paleis ad triticum? propter hoc ecce ego ad prophetas, dicit Dominus, qui furantur uerba mea unusquisque à proximo suo, et seducunt populum meum in mendacijs suis, & in erroribus suis. Item apud eundem alio loco: Et mœchata est, inquit, lignum & lapidem, et in his omnibus non est reuersa ad me, Quod factum & adulterium ne in nos etiam cadat, cauere sollicitè & timide, ac religiosè obseruare debemus. Nam si sacerdotes Dei & Christi sumus, non inuenio quem magis sequi, quàm Deum & Christum debeamus, cum ipse in Euāgelio maximè dicat: Ego sum lumen mundi. Ioan. 8. Qui me secutus fuerit, non ambulabit in tenebris, sed habebit lumen uitæ. Ne ergo in tenebris ambulemus, Christum sequi & præcepta eius obseruare debemus, quia & ipse alio in loco mittens Apostolos, dixit: Data est mihi omnis potestas in cœlo & in Matth. 28. terra. Ite ergo & docete gentes omnes, tingentes eos, in nomine patris & filij & spiritus sancti. Docete eos obseruare omnia quæcunque præcepi uobis. Quare si in lumine Christi ambulare uolumus, à præceptis eius & monitis non recedamus, agentes gratias, quòd dum instruit in futurum quid facere debeamus, de præterito ignoscit quod simpliciter errauimus. Et quia iam secundus aduentus nobis appropinquat, magis ac magis benigna eius & larga dignatio corda nostra luce ueritatis illuminat. Religioni igitur nostræ congruit & timori, & ipsi loco atque officio sacerdotij nostri frater charissime, in dominico calice miscendo & offerendo custodire traditionis dominicæ ueritatem, & quod prius apud quosdam uidetur erratum, domino monente corrigere, ut cum in claritate sua et maiestate cœlesti uenire cœperit, inueniat nos tenere quod monuit, obseruare quod docuit, facere quod fecit. Opto te frater charissime semper bene ualere.

Ad Moysen & Maximum epistola, ac ceteros confessores de confessione eorum, in qua docet quemadmodum per unius anni circulum cuncta ducuntur ad frugem, sic per annum quo carcerem perpessi fuerant, ad eternam illos messem uenisse.

EPISTOLA IIII.

CYPRIANVS MOYSI ET MAXI-

mo presbyteris, & cæteris confessoribus dilectissimis fratribus Salutem.

T cunctos uos pariter & singulos representauit affectibus nostris fratres charissimi, Celerinus adueniens fidei ac uirtutis uestre comes & gloriosis congressoribus Dei miles.

Vniuersos uos in illo ueniente cõspeximus,

& cum de charitate circa me uestra dulciter ac sæpe loqueretur, in eius sermonibus uos audiebamus. Satis ac plurimū gaudeo, quando nobis per tales talia proferuntur. Vobiscū illhic in carcere quodammodo & nos sumus, diuine dignationis horatamēta uobiscū sentire nos credimus, qui sic uestris cordibus inhaeremus. Honori nos uestro charitas indiuidua connectit.

Charitas. Separari dilectionem spiritus non sinit. Vos illhic cõfessio, me affectio cõcludit. Et nos quidem uestri diebus ac noctibus memores, et quando in sacrificijs precem cum pluribus facimus, & cum in secessu priuatis precibus oramus, coronis ac laudibus uestris plenā domini fauentiā postulamus. Sed ad reddendam uobis uicem minor est nostra mediocritas. Plus uos datis quando nostri in oratione meministis, qui sperantes iam sola coelestia & tantum diuina meditantēs, ad fastigia celsiora mora ipsa passionis ascēditis, longoq; temporū ductu glorias uestras non subtrahitis, sed augetis. Beatū facit prima & una cõfessio. Vos toties confitemini, quoties rogati, ut de carcere receda-

Confessio beatos facit.

tis, carcerem fide & uirtute præeligitis. Tot uestre laudes, quot dies: quot mensium curricula, tot incrementa meritorum. Semel uincit, qui statim patitur. At qui manens semper in pœnis congreditur cum dolore nec uincitur, quotidie coronatur. Eant nunc magistratus & consules siue proconsules, annuæ dignitatis insignibus & duodecim fascibus glorientur. Ecce dignitas cœlestis in uobis honoris annui claritate signata est. Et iam reuertentis anni uolubilem circulum uictoris gloriæ diuturnitate transgressa est. Illuminabat mundum sol oriens & luna decurrens, sed uobis idem, qui solem fecit & lunam, maius in carcere lumen fuit, & in corde de mentibus uestris Christi claritudo resplendens, horribiles carceris atque sinestas pœnalis loci tenebras æterna illa & candida luce radiauit. Per uicissitudines mensium transmeauit hybernum, sed uos inclusi tempora hyemis persecutionis hyeme pensabatis. Successit hyemi una temperies rosis leta, & floribus coronata: sed uobis rosæ & flores de paradisi delitijs aderant, & caput uestrum ferta cœlestia coronabant. Aestas ecce mensium fertilitate fecunda est, & area frugibus plena est, sed uos qui gloriam seminastis, frugem gloriæ metitis. Atque in Domini area constituti, exuri paleas inextinguibili igne conspicitis, ipsi ut tritici grana purgata & frumenta pretiosa, iam probati & conditi, hospitium carceris horreum computatis. Nec deest autumnus ad munera fungenda temporis gratia spiritalis. Vindemia foris premitur, & profutura poculis in torcularibus una calcatur. Vos de Domini uinea pingues racemi, & iam maturis fructibus botri, pressuræ secularis infestatione calcati, torcular nostrum carcere torquente sentitis. Vini uice sanguinem funditis, ad passionis tolerantiam fortes martyrij poculum libenter hauritis. Sic apud seruos Dei annus euolutur. Sic spiritalibus meritis, & cœlestibus præmijs temporum uicissitudo celebratur. Beati satis qui ex uobis per hæc gloriae

Cōsolatur in
carceratos.
alias, fudit.

Exhortatur
ad patientiā.

rian uestigia commeantes, iam de seculo recesserunt, confectoq; itinere uirtutis ac fidei ad complexum & osculum Domini, Domino ipso gaudente uenerunt. Sed & uestra non minor gloria, qui adhuc in certamine constituti, & comitum glorias secuturi, pugnam diu geritis, immotaq; & inconcussa fide stabiles quotidie spectaculum Deo de uestris uirtutibus exhibetis. Quò longior uestra pugna, hòc corona sublimior. Agon unus, sed multiplici praeliorum numerositate congestus. Famem uincitis, & sitim spernitis, & squallorem carceris ac receptaculi poenalis horrorem roboris uigore calcatis. Poena illhic subijcitur, cruciatus obteritur, nec mors metuitur, sed optatur. Quæ scilicet immortalitatis præmio uincitur, ut uitæ æternitate qui uicerit, honoretur. Quis nunc in uobis animus, quàm sublime, quàm capax pectus, ubi talia ac tanta uoluuntur? Vbi non nisi Dei præcepta & Christi præmia cogitantur, uoluntas est illhic tantum Dei, & in carne adhuc licet uobis positus, uita iam uiuitur nò præsentis seculi, sed futuri. Nunc est fratres charissimi, ut memores mei sitis, ut inter magnas atque diuinas cogitationes uestras nos quoque animo ac mente uoluatis, simq; in precibus & orationibus uestris, cum uox illa purificatione confessionis illustris, & iugi honoris sui tenore laudabilis, ad Dei aures penetrat, & aperto sibi coelo de subactis mundi partibus ad superna transmissa, impetrat de Domini bonitate quod postulat. Quid enim petitis de indulgentia Domini, quod non impetrare mereamini, qui sic Domini mandata seruatis, qui Euangelicam uiam sincero fidei uigore tenuistis, qui incorrupto honore uirtutis cum præceptis Domini, & cū Apostolis eius fortiter stantes nutantem multorum fidem martyrij uestri ueritate solidatis? Verè Euangelij testes, & uerè martyres Christi radicibus eius innixi, super petram robusta mole fundati, discipuli nam cum uirtute iunxistis, ad timorem Dei cæteros prouo-

*Pugna lōgior
coronam dat
sublimiorem.*

castis, martyria uestra exempla fecistis. Opto uos fortissimi ac beatissimi fratres semper bene ualere.

ARG. EPIST. SEQ.

Ad clerum & plebē epistola de quodā Aurelio ordinato lectore, in qua asserit nō fuisse necessarium iuxta morem quid ab eis de meritis eius querere, quoniam expectanda humana iudicia non sunt, ubi diuina suffragia præcedunt.

EPISTOLA V.

CYPR. PRESBYTERIS ET DIA-

conis, & plebi uniuersæ Salutem.



IN ordinandis clericis fratres charissimi, solemus uos antè consulere, et mores ac merita singulorum communi consilio ponderare. Sed expectanda non sunt testimonia humana, cum præcedant diuina suffragia.

Aurelius frater noster illustris adolescens, à Dño iam probatus & Deo charus, est in annis adhuc nouel-
lus, sed in uirtutis ac fidei laude puectus. Minor in ætatis suæ indole, sed maior in honore. Gemino hic agone certauit, bis cō-
fessus, et bis cōfessionis suæ uictoria gloriosus, et quādo uicit in cursu factus extorris, et cum denuo certamine fortiore pugna-
uit, triūphator et uictor in prælio passionis. Quoties aduersa-
rius prouocare seruos Dei uoluit, toties fortissimus ac prōptis-
simus miles & pugnauit et uicit. Parum fuerat sub oculis antè paucorū, qñ extorris fiebat, congressum fuisse, meruit & in fo-
ro cōgredi clariore uirtute, ut pōst magistratus & proconsulē uinceret, & pōst exiliū tormenta superaret. Nec inuenio quid in eo prædicare plus debeam, gloriā uulnerū, an uerecundiam morū, quòd honore uirtutis insignis est, an quòd pudoris ad-
miratione laudabilis. Ita et dignitate excelsus est, et humilitate submissus, ut appareat illum diuinitus reseruatum, qui ad eccle-

Aurelij com-
mendatio.

Aurelij Agō.

Aurelius ex-
plar ecclesia-
stica discipli-
nae.

alias, Vt quo
modo in pas-
sione uirtuti-
bus uicerat,
ita post confes-
sionem morti-
bus emineret.

sasticam disciplinam cæteris esset exemplo, * quomodo serui
Dei in confessione uirtutibus uincerent, post confessionem mo-
ribus eminerent. Merebatur talis clericæ ordinationis ulterio-
res gradus & incrementa maiora, nō de annis suis, sed de meri-
tis æstimandus, sed interim placuit, ut ab officio lectionis inci-
piat, quia & nihil magis cōgruit uoci, quæ Dñm gloriosa præ-
dicatione cōfessa est, quā celebrādis diuinis lectionib. persona-
re post uerba sublimia, quæ Christi martyriū prolocuta sunt:
Euangelium Christi legere, unde martyres sunt: Ad pulpitum
post catastam uenire: Illic fuisse conspicuum gentiliū multi-
tudi, hic à fratribus conspici: Illic auditum esse cū miraculo
circūstantis populi, hic cū gaudio fraternitatis audiri. Hūc igitur
fratres dilectissimi à me & à collegis, qui præsentibus ade-
rant, ordinatū sciatis, quòd uos scio & libenter amplecti, &
optare tales in ecclesia nostra quā plurimos ordinari. Et quo-
niam semper gaudiū properat, nec potest moras ferre letitia,
dominico legit. Interim uobis hoc die auspiciatus est pacē, dum
dedicat lectionem. Vos orationi frequenter insistite, & præces
nostras uestris precibus adiuuate, ut Domini misericordia * sa-
uens nobis citò plebi suæ, & sacerdotem reddat incolumē, &
martyrem cum sacerdote lectorē. Opto uos in Deo patre &
Christo IESV semper bene ualere.

Catasta, id
est, compes li-
gnea qua uin-
ciuntur serui.

Gaudium pro
perat.

alias, parcens

ARG. SEQ. EPIST.

Ad martyres epistola, in qua eos ad amorē mar-
tyrii inuitans, docet Dominum non tantum seruos
in certamine spectare, sed & ipsum unā luctari, & co-
ronare pariter & coronari.

EPISTOLA VI.

CYPR. MARTYRIBVS ET CONFES-
soribus IESV Christi, & Domini nostri
perpetuam SALVTEM.



Xulto letus et gratulor fortiss. ac beatiss. mi fratres cognita fide ac uirtute uestra, in quibus mater ecclesia gloriatur, gloriata et nuper quidem cum confessione * praestante suscepit poena est, quae confessores Christi fecit extorres. Confessio tamen praesens quanto in passione fortior, tanto clavior et maior in honore. Creuit pugna, creuit et pugnantium gloria. Nec retardati estis ab acie tormentorum metu, sed ipsis tormentis magis estis ad aciem pro uocati, fortes et stabiles ad maximi certaminis pretium prompta deuotione prodistis. Ex quibus quosdam iam cumperi coronatos, quosdam uero ad coronam uictoriae proximos: uniuersos uero, quos agmine glorioso carcer inclusit, pari ac simili calore uirtutis ad gerendum certamen animatos, sicut esse oportuit in diuinis castris milites Christi, ut incorruptam fidei firmitatem non blanditiae decipiant, non minae terreant, non cruciatus ac tormenta deuincant, quia maior est qui praest in nobis, quam qui in hoc mundo est. Nec plus ad deiciendum potest terrena * poena, quam ad erigendam tutela diuina. Probata res est certamine fratrum glorioso, qui ad tormenta uincenda ceteris duces facti, exemplum uirtutis ac fidei praebuerunt, congressi in acie donec acies succumberet uicta. Quibus ego uos laudibus fortissimi praedicem fratres: robur pectoris uestri, et perseverantiam fidei quo praconio uocis exornem? Tolerastis usque ad consummationem gloriae durissimam questionem, nec cessistis supplicijs, sed uobis potius supplicia cesserunt. Finem doloribus quem tormenta non dabant, coronae dederunt. * Quae stio grauior ad hoc diu perseverauit, non ut stantem fidem deiceret, sed ut homines Dei ad Deum uelocius mitteret. Vidit admirata praesentium multitudo coeleste certamen, certamen Dei, certamen spirituale, praelium Christi, stetisse seruos eius uoce libera, mente incorrupta, uirtute diuina, telis quidem seculi-

alias, per tantos.

Milites Christi nullo uincuntur tormento.

alias, potentia

Commendatio martyrum.

alias, Euan-

ribus nudos, sed armis fidei credentibus armatos. Steterunt tor-
 ti torquentibus sortiores, & pulsantes ac laniantes ungulas,
 pulsata ac laniata membra uicerunt. Inexpugnabilem fidem
 superare non potuit seuiens diu plaga repetita, quamuis rupta
 compage uiscerum torqueretur in seruis Dei. non membra
 sed uulnera. Fluebat sanguis, qui incendium persecutionis ex-
 tingueret, qui flammam & ignes gehennæ glorioso cruore
 fopiret. O quale illud fuit spectaculum Deo, quam sublime,
 quam magnum, quam Dei oculis sacramento ac deuotione mi-
 litis eius acceptum. Sicut scriptum est in psalmis spiritu loquen-
 te ad nos: Pretiosa in conspectu Domini mors iustorum eius:
 pretiosa mors hæc est, quæ emit immortalitatem pretio sui
 sanguinis, quæ accepit coronam de consummatione uirtutis.
 Quam letus in illis Christus fuit, quam libens in talibus ser-
 uis suis & pugnavit & uicit protector fidei, dans credenti-
 bus tantum, quantum se credit capere, qui sumit. Certamini
 suo affuit, præliatores atque assertores sui nominis erexit, cor-
 roborauit, animauit. Et qui pro nobis mortem semel uicit,
 semper uincit in nobis. Cum uos, inquit, tradiderint, nolite co-
 gitare quid loquamini. Dabitur enim uobis in illa hora quid
 loquamini. Non enim uos estis qui loquimini, sed spiritus pa-
 tris uestri qui loquitur in uobis. Documentum rei præsens præ-
 lium exhibuit. Vox plena spiritu sancto de martyris ore pro-
 rupit, cum Mappalicus beatissimus inter cruciatus suos pro-
 consuli diceret: Videbis cras agonem. Et quod ille cum uirtu-
 tis atque fidei testimonio dixit, Dominus impleuit. Agon coele-
 stis exhibitus est. Dei seruus in agonis promissi certamine co-
 ronatus est. Hic est agon quem propheta Esaias ante promisit,
 dicens: Non pusillum uobis certamen cum hominibus, quoniam
 Deus præstat agonem. Et ut ostenderet quis hic agon esset futu-
 rus, addidit, dicens: Ecce uirgo in utero accipiet & pariet
 filium, & uocabitis nomen eius Emmanuel. Hic est agon fidei
 nostræ

Mors sancto-
 rum pretiosa.
 Psal. 115.

Matth. 10.

Mappalicus
 martyr.

Esa. 7.

nostræ qua congregamur, qua vincimus, qua coronamur. Hic est agôn quem nobis ostendit beatus apostolus Paulus, in quo oportet nos currere, & ad coronam gloriæ peruenire. Nescitis, inquit, quia qui in stadio currunt, omnes quidem currunt, 1. Cor. 9. unus tamen accipit palmam? Sic currite, ut omnes occupetis. Omnis enim qui agonizatur, in omnibus continens est, & illi quidem ut corruptibilem coronam accipiant, nos autem incorruptam. Item suum ostendens certamen, & hostiam se domino citò futurum esse promittens ait: Ego iam delibor, & 2. Timot. 4. tempus instat assumptionis meæ. Bonum agonem certavi, cursum perfecti, fidem seruari. Iam superest mihi corona iustitiæ, quam mihi reddet Dominus in illum diem. Iustus iudex: nō solum autem mihi, sed & omnibus qui dilexerunt aduentum eius. Hunc igitur agonem per prophetas antè prædictum, per Dominum commissum, per apostolos gestum, Mappalicus suo & collegarum suorum nomine proconsuli repromisit, nec fefellit in promisso suo uox fidelis, pugnam, quam spondidit, exhibuit, & palmam, quam meruit accepit. Istum hunc beatissimum martyrem & alios participes eiusdem congressionis, & comites, in fide stabiles, in dolore patientes, in quæstione uictores, ut cæteri quoque sectemini & opto pariter & hortor, ut quos uinculum confessionis & hospitium carceris simul iunxit, iungat etiam & consummatio uirtutis, & corona cœlestis, ut lacrymas matris ecclesiæ, quæ plangunt ruinas & funera plurimorū, uos uestra lætitia tergeatis, & cæterorum quoq; stantium firmitatem uestri exempli prouocatione solidetis. Si uos acies uocauerit, si certaminis uestri dies Certantibus præstet dominus. uenerit, militate fortiter, dimiccate constanter, scientes uos sub ipsius gloriam peruenire. Qui non sic est, ut seruos suos tantum spectet, sed & ipse luctatur in nobis, ipse congregitur, ipse in certamine agonis nostri & coronat pariter & coroa

Hortatur ad
martyrium.

natur. Quòd si ante diem certaminis nostri de indulgètia Dei pax superuenerit, nobis tanè manet uolūtas integra & consciètia gloriosa. Ne cōtristetur aliquis ex uobis quasi illis minor, qui ante uos tormēta perpeffi uictō & calcato seculo ad Dominū glorioso itinere uenerunt. Dominus scrutator est re= nis, & cordis arcana perspicit, & intuetur occulta. Ad coronā Dei promerēdam sufficit ipsius testimoniū solū, qui iudicatus est. Ergo utraq; res fratres dilectissimi, sublimis est pariter & illustris. Illa securior, ad Dominum nostrum uictorie con= summatorē properare; hæc letior, accepto post gloriam com= meatu, in ecclesia laude florere. O beatam ecclesiam nostram, quam sic honor diuinæ dignationis illuminat, quam tēporibus nostris gloriosus martyrum sanguis illustrat. Erat ante in ope= ribus fratrum candida, nunc facta est in martyrum cruore purpurea. Floribus enim nec rose nec lilia desunt. Certet nūc singuli ad utriusq; honoris amplissimā dignitatē. Accipiant coronas uel de operibus cādidas, uel de sanguine purpureas. In cœlestibus castris & pax & acies habēt flores suos, quibus milites Christi ob gloriā coronantur. Opto nos fortissimi ac beatissimi fratres semp in Domino bene ualere, et nostri meminisse.

Dominus cor
dis scrutator.

ARG. EPISTOLÆ SEQ.

Epistola prsbyterorum & diaconorum Romæ consistentium ad beatum Cyprianū, in qua illi gratias agunt, quòd ipsos consiliorum suorum & laudis participes esse uoluerit.

EPISTOLA VII.

CYPR. PAPAE PRESBYTERI ET

diaconi Romæ consistentes salutem.

q Vanquā bene sibi conscius animus, & Euangeli= cæ disciplinæ uigore subnixus, & uerus sibi in decretis cœlestib. testis effectus soleat se solo Deo iudice esse cōtentus, nec alterius aut lau=

des petere, aut accusationes pertimescere, tamen geminata sunt laude cōdigni, qui cum conscientia sciant Deo soli debere se iudici, actus tamen suos desiderant & ab ipsis suis fratribus comprobari. Quod te frater Cypriane facere non mirum est, qui pro tua uerecundia & ingenita industria consiliorum tuorum nos nō tam iudices uoluisti, quā participes inueniri, ut in tuis rebus gestis laudē tecum, dum illas probamus, inueniremus, & tuorum consiliorū coheredes, quia & affirmatores esse possemus. Idem enim omnes crederemur operati, in quo deprehenderemur eadē oēs censuræ & disciplinæ consensio ne sociati. Quid enim magis, aut in pace tam aptum, aut in bellis persecutionis tam necessarium, quā debitam seueritatē diuini uigoris tenere? quam qui remiserit, instabili rerū cursu erret necesse est, & huc atq; illuc uarijs & incertis negotiorum tēpestatibus dissipetur, & quasi extorto de manibus consiliorū gubernaculo, namē ecclesiasticæ salutis illidat in scopulos, ut appareat nō aliter saluti ecclesiasticæ cōsuli posse, nisi si qui & cōtra ipsam faciunt, quasi quidā aduersi fluctus repellātur, & disciplinæ ipsius semper custodita ratio, quasi salutare aliquod gubernaculū in tēpestate seruetur. Nec hoc nobis nunc nuper cōsiliū cogitatū est, nec hæc apud nos aduersus improbos modò superuenerūt repentina subsidia, sed antiqua fides disciplina legitur antiqua, quoniā nec tantas de nobis laudes Apostolus protulisset, dicēdo: Quia fides uestra prædicatur in toto mundo, nisi iam exinde uigor iste radices fidei de tēporibus illis mutuatus fuisset, quarum laudū & gloriæ degenerem fuisse, maximum crimen est. Minus est enim dedecoris, nunquā ad præconium laudis accessisse, quā de fastigio laudis ruisse. Minus est criminis, honoratum bono testimonio non fuisse, quā honorem bonorum testimoniorum perdidisse. Minus est, sine prædicatione uirtutum ignobilem sine laude iacuisse, quā exheredem fidei factum laudes

Disciplina gubernaculū in-
tempestate.

Honoris iacturam facere dedecoratum,

proprias perdidisse. Ea enim quæ in alicuius gloriam profecturuntur, nisi anxio & sollicito labore seruantur, in inuidiam maximi criminis intumescunt. Hoc nos non falsò dicere superiores nostræ literæ probauerunt, in quibus uobis sententiam nostram dilucidæ expositione protulimus, & aduersus eos qui seipsos infideles illicita nefariorum libellorum professione prodiderunt, quasi hoc euasuri irretientes illos diaboli laqueos uiderentur, quo non minus quàm si ad nefarias aras accessissent, hoc ipso quod ipsam contestati fuerant, tenerentur, sed etiam aduersus illos qui acta fecissent, licet præsentibus cum fierent non affuissent, cum præsentiam suam utique ut sic scriberentur mandando fecissent. Non est enim immunis à scelere, qui ut faceret impetrauit: nec alienus à crimine, cuius consensu, licet non à se admissum crimen, tamen publice legitur, & cum totum fidei sacramentum in confessione CHRISTI nominis intelligatur esse digestum, qui salaces in excusatione præstigijs quæri negauit, & qui uult uideri paruissse, negasse uoluit, necnon etiam contra illos quoque qui illicitis sacrificijs manus suas atque ora polluerant, pollutis antè mentibus proprijs, unde etiam sunt ipsæ manus atque ora polluta, fidem nostram consensumq; monstrauimus. Absit enim ab ecclesia Romana uigorem suum tam profana facilitate dimittere, & nisi uos seueritatis euersa fidei maiestate dissoluere, ut cum adhuc non tantum iaceant, sed & cadant euersorum fratrum ruinæ, properata nimis remedia communicationum utique non profutura testentur, & noua per misericordiam falsam, uulnera ueteribus transgressionis uulneribus imprimantur, ut miseris ad euersiorem maiorem eripiat & poenitentia. Vbi enim indulgentiæ poterit medicina proficere, si etiam ipse medicus inter præcepta poenientiæ indulget periculis, si tantummodo perit uulnus, nec finit necessaria temporis remedia conducere cicatricem?

Libellati.

Criminis par
ticeps est qui
consentit.

Sacrificati.

Hoc non est curare, sed si dicere uerum uolumus, occidere. Quanquam confessorum quoque, quos hic adhuc in carcerem dignitas suae confessionis inclusit, et ad certamen Euangelicum sua fides in confessione iam gloriosa semel coronauit, literas habere conspirantes cum literis nostris, quibus seueritatem Euangelicae disciplinae protulerunt, et illicitas petitiones ab ecclesiae pudore reuocarunt. Nisi hoc fecissent disciplinae Euangelicae, ruina non facile sarciretur, praesertim cum nulli magis tam congruens esset tenorem Euangelici uigoris illibatum dignitatemque seruare, quam qui se excruciantes et excarnificandos pro Euangelio furentibus tradidissent, ne martyrii honorem merito perdidissent, si in occasione martyrii praearicatores Euangelij esse uoluissent. Nam qui quid habet, non custodit in eo ex quo illud possidet, dum id ex quo possidet, uiolat, amittit illud quod possidebat. In quo loco maximas tibi atque uberes gratias referre debemus et reddimus, quod illorum carceris tenebras literis tuis illuminasti, quod ad illos uenisti, quomodo introire potuisti, quod illorum animos sua fide et confessione robustos, tuis allocutionibus literisque recreasti, quod felicitates eorum condignis laudibus prosecutus, accessisti ad multo ardentioris celestis gloriae cupiditatem, quod pronos impulisti, quod ut credimus et optamus uictores futuros uiribus tui sermonis animasti, quanquam hoc totum de fide confitentium et de diuina indulgentia uenire uideatur, tamen in martyrio suo tibi ex aliquo debitores facti esse uideantur. Sed ut ad id, unde digressus sermo uidebatur esse, rursus reuertatur, quales literas in Siciliam quoque miserimus, subiectas habebis. Quanquam nobis differentiae huius rei necessitas maior incumbat, quibus (post excessum nobilissimae memoriae uiri Fabiani) nondum est episcopus propter rerum et temporum difficultates constitutus, qui omnia ista moderetur, et eorum qui lapsi sunt, possit cum autoritate et cum consilio habere ratio-

Gratias agunt
Cypriano.

nem. Quanquàm nobis in tam ingenti negotio placeat, quod & tu ipse tractasti prius, ecclesiæ pacem sustinendam, deinde sic collatione consiliorum cum episcopis, presbyteris, diaconis, confessoribus, pariter astantibus laicis, facta, lapsorum tractare rationem. Perquàm enim nobis & inuidiosum & onerosum uideatur non per multos examinare, quod per multos commissum uideatur fuisse, & unam sententiam dicere, cum tam grande crimen per multos diffusum notetur exisse, quoniam nec firmum decretum potest esse, quod non plurimorum uidebitur habuisse consensum. Aspice totum orbem penè uastatum, & ubiq; iacere deiectorum reliquias, & idcirco tam grande expeti consilium, quàm latè propagatum uidetur esse malum. Non sit minor medicina quàm uulnus est, non sint minora remedia quàm funera, ut quomodo qui ruerunt, ob hoc ruerunt, quòd cæca temeritate nimis incauti fuerunt: ita qui hoc disponere nituntur, omni consiliorum moderamine utantur, ne quod nō oportet factum, tanquam irritum ab omnibus iudicetur. Vno igitur eodemq; consilio, iisdem precibus & fletibus tam nos qui usque adhuc uidemur temporis istius ruinas subtersugisse, quàm illi qui in has temporis uidentur clades incidisse, diuinam maiestatem deprecantes, pacem ecclesiastico nomine postulemus. Mutuis uotis nos inuicem foueamus, custodiamus, armemus: oremus pro lapsis, ut erigantur: oremus pro stantibus, ut non ad ruinas usq; tententur: oremus ut qui cecidisse refruntur, delicti sui magnitudinem agnoscentes, intelligant non momentaneam neq; præproperam desiderare medicinam. Oremus ut effectus indulgentiæ lapsorum subsequatur pœnitentiam, ut intellecto suo crimine uelint nobis interim præstare patientiam, nec adhuc fluctuantem turbare ecclesiæ statū, ne interiorē nobis persecutionem ipsi incendiisse uideantur, & accedat ad criminum cumulum, quòd etiā inquieti fuerunt. Maxime enim illis con-

Orationi instans
stapdū monet

gruit uerecundia, quorum in delictis dannatur mens inuerecunda. Pulsent sane fores, sed non utique confringant. A deant ad limen Ecclesiae, sed non utique ut transiliant. Castrorum coelestium excubent portis, sed armati modestia, qua intelligant se desertores fuisse. Resumant precum suarum tubam, sed qua non bellicum clangant. Arment se quidem modestiae Modestia te- telis, & quem negando mortis metu, fidei dimiserant clypeum, resumant, sed ut contra hostem diabolum uel nunc armati, non contra ecclesiam, quae illorum dolet casus, armatos esse se credant. Multum illis proficiet petitio modesta, postulatio uerecunda, humilitas necessaria, patientia non otiosa. Mittat legatos pro suis doloribus lacrymas. Aduocatione Lacryma le- fungantur ex intimo pectore prolati gemitus, dolorem probantes commisi criminis & pudorem. Immo si dedecoris admissi magnitudinem perhorrescunt, si pectoris & conscientiae suae letalem plagam & sinuosi uulneris altos recessus uerè medica manu tractant, erubescant & petere, nisi quia maioris est rursus & periculi & pudoris, auxilium pacis non petisse. Sed hoc totum in sacramento, sed in ipsius postulationis lege temporis facto temperamento, sed postulatione demissa, sed prece subdita, quoniam & qui petitur flecti debet, non incitari, & sicut respici debet diuina clementia, sic respici debet & diuina censura, & sicut scriptum est: Matth. 18. Do Matth. 10. naui tibi omne debitum, quia me rogasti: sic scriptum est: Qui me negauerit coram hominibus, negabo & ego eum coram patre meo, & coram angelis eius. Deus enim ut est indulgens, ita est praeceptorum suorum exactor, & quidem diligens, & sicut ad conuiuia uocat, sic habitum nuptiarum non habentem ligatis manibus & pedibus extra sanctorum coetum foras iactat. Parauit coelum, sed parauit & tartarum. Parauit refrigeria, sed parauit etiam aeterna supplicia. Parauit inaccessibilem lucem, sed parauit etiam perpetuae noctis uastam aeternam

namq; caliginem. Cuius temperamenti moderamen nos hic tenere quærentes diu, & quidem multi, & quidem cum quibusdā episcopis uicinis nobis & appropinquantibus, & quos ex alijs prouincijs longè positis persecutionis istius ardor eiecerat, ante constitutionem episcopi nihil innouandum putauimus, sed lapsorum curam mediocriter temperandam esse credidimus, ut interim dum episcopus dari à Deo nobis sustinetur, in suspēdio eorum qui foris possunt dilatione sustineri, causa teneatur: eorum autem, quorum uitæ suæ fine urgens exitus dilationem non potest ferre, acta poenitentia & professæ frequenter suorum detestatione factorum, si lacrymis, si gemitibus, si fletibus dolentis ac uerè poenitentis animi signa prodiderint, cum spes uiuendi secundum hominem nulla substiterit, ita demum cautè & sollicitè subueniri, Deo ipso sciēte quid de talibus faciat, qualiter iudicij sui examinet pondera, nobis tamen anxie curantibus, ut nec pronam nostram improbi homines laudent facilitatem, nec uerè poenitentes accusent nostram quasi duram crudelitatem. Optamus te beatissime ac gloriosissime papa semper in domino bene ualere.

A R G. S E Q. EPIST.

Epistola beati Cypriani ad Cornelium papam Romanum, de quibusdam, Nouatiano & Nouato schismaticis, ubi illorum probra commemorat.

EPISTOLA VIII.

CYPRIANVS CORNELIO FRATRI



E cum diligentia & dilectione fecisti frater charissime festinatò ad nos mittēdo Nicephorum acoluthum, qui nobis & de cōfessoribus regressis gloriosam letitiam nuntiaret, & aduersus Nouatiani & Nouatiani nouas et perniciosas ad impugnandū Christi ecclesiam machinas plenissime instrueret. Nam cum pridie

isthuc uenisset hæreticæ prauitatis nocens factio, ipsa iam perditæ, & alios qui sibi consenserint perditura, postero die Nicephorus cum uestris literis superuenit, quibus & didicimus, & docere atque instruere cæteros cœpinus, Euaristum de episcopo iam nec laicum remansisse cathedræ & plebis ex torrem, & de ecclesia Christi exulem, per alias longè prouincias oberrare, & ipsum ueritatis ac fidei naufragum factum, circa quosdam sui similes paria naufragia concitare: Nicestratum uerò diacono sanctæ administrationis amisso, ecclesiasticis pecunijs sacrilega fraude subtractis, & uiduarum ac populorum depositis denegatis, non tam in Africam uenire uoluisse, quàm conscientia rapinarum & criminum nefandorum illhinc ab urbe fugisse: & nunc ecclesiæ desertor ac prosugus, quasi mutasse sit hominem, mutare regionem: cōfessorem se ultro iactat & prædicat, cum Christi confessor nec dici, nec esse iam possit, qui ecclesiam Christi negauit. Nam cum Paulus apostolus dicat: Propter hoc relinquet homo patrem & matrem, & erunt duo in unam carnem: Sacramentum istud magnum est, ego autem dico in Christum & in ecclesiam: Cum hoc, inquā, beatus apostolus dicat, & Christum pariter atq; ecclesiæ unitatem indiuiduis nexibus coherentem, sancta sua uoce testetur, quomodo potest esse cum Christo, qui cum sponsa Christi atque in eius ecclesia non est? Aut quomodo assumit sibi regendæ aut gubernandæ ecclesiæ curam, qui spoliavit & fraudauit ecclesiam Christi? Nam de Nouato nihil inde ad nos fuerat nuntiandum, cum magis per nos uobis debeat Nouatus ostendi rerum nouarum semper cupidus, auaritiæ inexplebilis, rapacitate furibundus, arrogantia & stupore superbi tumoris inflatus, semper isthic episcopis male cognitus, quasi hæreticus semper & perfidus omnium sacerdotum uoce damnatus, curiosus semper ut prodat, ad hoc adulatur ut fallat, nunquam fidelis ut diligat, sax & ignis ad con-

Euaristus reli-
cto episcopatu
uagus.

Nicestratus
desertor ec-
clesiæ.

Ephef. 5.

Nouatus no-
uarum rerum
cupidus.

*Novati cura
in circumue-
niendo.*

flanda seditionis incendia, turbo & tempestas ad fidei facien-
da naufragia, tranquillitatis aduersarius, pacis inimicus. De-
nique Nouato illhinc à nobis recedente, id est, procella &
turbine recedente, ex parte illhic quies facta est, & gloriosi ac
boni cōfessores, qui de ecclesia illo incitante discesserant, post-
eaquā ab urbe ille discessit, ad ecclesiam reuerterunt. Idem
est Nouatus qui apud nos primum discordiæ & schismatis in-
cendium seminavit, qui quosdā isthic ex fratribus ab episcopo
segregauit, qui in ipsa persecutione ad auertendas fratrum
mentes alia quædam persecutio nostris fuit. Ipse est, qui Fe-
licissimum satellitem suum diaconum nec permittente me, nec
sciente, sua factione & ambitione constituit, & cum sua tem-
pestate Romæ quoque ad euertendam ecclesiam, nauigans si-
milis illhic & paria molitus est, à clero portionē plebis auel-
lens, fraternitatis bene sibi coherentis & se inuicem diligen-
tis concordiam scindens. Planè quoniam pro magnitudine sua
debeat Carthaginem Roma præcedere, illhic maiora & gra-
uiora commisit. Qui isthic aduersus ecclesiam diaconum fece-
rat, illhic episcopum fecit. Nec hoc quisquam miretur in tali-
bus. Feruntur semp mali suo furore dementes, & posteaquam
scelera fecerint, conscientia ipsa sceleratæ mentis agitantur.
Nec remanere in ecclesia Dei possunt, qui deificam & eccle-
siasticam disciplinam nec actus sui conuersatione, nec morum
pace tenuerunt. Spoliati ab illo pupilli, fraudatæ uiduæ, pecu-
niæ quoq; ecclesiæ denegatæ, has de illo exigunt pœnas, quas
in eius furore conspiciamus. Pater etiam eius in uico fame mor-
tuus, & ab eo in morte postmodū nec sepultus. Vterus uxoris
calce percussus, & partione properatē in parricidium partus
expressus. Et dannare nunc audet sacrificantium manus, cum
sit ipse nocentior pedibus, quibus filius qui nascebatur, occi-
sus est. Hanc conscientiam criminum iam pridem tinebat, pro-
pter hoc se non de presbyterio excitari tantum, sed & cōnu-

*Mali suo fem-
per feruntur
malo.*

*Novati parri-
cidium.*

nicatione prohiberi pro certo tenebat. Et urgentibus fratri-
 bus imminebat cognitionis dies, quo apud nos causa eius age-
 retur, nisi persecutio antè uenisset, quàm iste uoto quodam
 euadende & lucrande damnationis excipiens, hæc omnia cõ-
 misit & miscuit, ut qui eijci de ecclesia & excludi habebat,
 iudicium sacerdotum uoluntaria discessione præcederet, quasi
 euasisse sit poenam, præuenisse sententiam. Circa cæteros au-
 tem fratres elaboramus, quos ab eo circumuentos dolemus, ut
 ueteratoris perniciosum latus fugiant, ut letales laqueos solici
 tantis euadant, ut de qua ille pelli diuinitus meruit, ecclesiam
 repetant. Quos quidem, Domino adiuuante, per eius miseri-
 cordiam regredi posse confidimus. Neque enim potest perire,
 nisi quæ constat esse periturum, cum Dñs in euangelio suo dicat:
 Omnis plantatio, quã nō plantauit pater meus cœlestis, eradi- Matth. 17.
 cabitur. Qui plātatus nō est præceptis Dei patris et monitis,
 solus poterit de ecclesia ille discedere, solus episcopis derelictis
 cū schismaticis et hæreticis in furore manere. Cæteros uerò no-
 biscū adunabit Dei p̄ris misericordia, et Christi dñi n̄ri indulgē-
 tia, et n̄ra patiētia. Opto te frater charissime semp bñ ualere.

A R G. E P I S T. S E Q.

Eiusdem ad eundem Cornelium epistola.

E P I S T O L A IX.

CYPR. CORNELIO FRATRI SAL.



T religiosum nobis & necessarium existi-
 maui frater charissime ad confessores, qui
 illhic sunt & Nouatiani & Nouati obsti-
 natione & prauitate seducti, de ecclesia re-
 cesserunt, literas breues facere, quibus eos
 pro affectione mutua cōuenirem, ut ad ma-
 trem, id est, ecclesiam catholicam reuertantur, quas literas tibi
 ab Ethippo diacono legi prius mādauī, nequis aliud me scri-
 psisse fingeret, quàm quod meis literis continetur. Mandauī

tamen eidē Ethippo à me ad uos misso, ut de tuo arbitrio remgerat, et si easdē literas cōfessoribus putaueris esse credendas, ut eas tradat. Opto te frater charissime semper bene ualere.

A R G. EPIST. SE Q.

Eiusdem ad eundem epistola, in qua cum nequiuert Christianæ charitatis uinculo uagātes copulare, ait eos neglexisse, & nihil temere à maledicis audire, ac ordinationem suam per se & collegas stabilire.

EPISTOLA X.

CYPR. CORNELIO FRATRI SAL.



Vod seruis Dei & maxime sacerdotibus iustis & pacificis congruebat frater charissime, miseramus nup collegas nostros Calidonium & Fortunatum, ut non tantum persuasione literarum nostrarum, sed præsentia sua & consilio omnium uestrum enterentur quantum possent, & elaborarent, ut ad catholicæ ecclesiæ unitatem scissi corporis membra componerent, et Christianæ charitatis uinculo copularent. Sed quoniam diuersæ partis obstinata & inflexibilis pertinacia non tantum radice & matris sinum atq; complexum recusauit, sed etiam gliscente, & in peius recrudescente discordia episcopum sibi constituit, & contra sacramentum semel traditum diuinæ dispositionis & catholicæ unitatis, adulterum & contrarium caput extra ecclesiam fecit, acceptis literis tam tuis, quàm collegarū nostrorum, item aduentantibus bonis uiris & nobis charissimis collegis nostris Pompeio & Stephano, à quibus hæc omnia nobis cum letitia communi asseuerata sunt firmiter & probata, secundum quod diuinæ traditionis & ecclesiasticæ institutionis sanctitas ac pariter ueritas exigebat, literas nostras ad te direximus. Sed & per prouinciā nostram hæc eadē collegis nostris singulis in notitiam perferentes, ab his quoq;

fratres nostros cum literis dirigendos esse mandauimus. Quamquam mens nostra & propositum iam tunc fratribus & plebi isthic uniuersae manifestum fuisset, quando literis nuper ab utraq; parte susceptis tuas literas legimus, & episcopatus tui ordinationem singulorum auribus intimauius. Honoris etiam communis memores, & * grauitatis sacerdotalis, ac sanctitatis respectum tenentes, ea quae ex diuerso in librum missum congesta fuerant, aceruationibus criminosis respuimus, considerantes pariter & ponderantes, quod in tanto fratrum religioso coetu confidentibus Dei sacerdotibus & altari posito nec legi debeant, nec audiri. Neq; enim facile promenda sunt, & incaute ac temere publicanda, quae discordioso stylo audientibus scandalum moueant, & fratres longe positos ac trans mare constitutos incerta opinione confundant. Viderint qui uel furori suo, uel libidini seruientes, & diuinae legis ac sanctitatis inmemores, iactitare interim gestiunt quae probare non possunt: & cum innocentiam destruere atque expugnare non ualeant, satis habent fama mendacij, & falsorum ore maculas inspergere. Certè quod praepositis & sacerdotibus congruit, danda opera est, ut talia cum à quibusdā scribuntur, per nos respuantur. Vbi enim erit quod discimus, ac docemus scriptum esse: Contine linguam tuam à malo, et labia tua ne loquantur insidiosè. Item alibi: Os tuum abundauit malitia, & lingua tua complectebatur insidias: sedens aduersus fratrem tuum detrahebas, & aduersus filium matris tuae ponebas scandalū. Item quod Apostolus dicit: Omnis sermo malus de ore uestro non procedat, sed bonus ad aedificationem fidei, ut det gratiam audientibus. Porro hæc fieri debere ostendimus, si quando talia quorundam calumniosa temeritate conscripta sunt, legi apud nos non patimur, & idcirco frater charissime cum ad me talia aduersum te & compresbyteros tecum confidentes scripta uenissent, clero & plebi legi præcepi, quae religiosam sim

alias, gratia

Psal. 33 &
49.

Ephes. 4.

placitatem sonabant, nec ullis maledicorum & conuiciorum
 latratibus perstrepebant. Quod autem scripta collegarum no-
 strorum qui illhic ordinationi tuæ affuerunt desiderauimus, non
 ueteres mores obliti, nouum aliquid querebamus. Nam satis
 erat, ut tu te episcopum factis literis nuntiares, nisi esset ex di-
 uerso discrepans factio, quæ criminosis & calumniosis com-
 mentis suis collegarum pariter ac fratrum plurimorum tur-
 baret mentes, & corda confunderet. Cui rei sopiendæ neces-
 sarium duximus, ut scribentium nobis inde collegarum no-
 strorum firma & solida autoritas pareretur. Qui moribus
 ac uitæ & disciplinæ tuæ condigna literarum suarum testi-
 monia prædicantes, æmulis quoque & rerum uel nouitate, uel
 prauitate gaudentibus, omnem ambigendi & discrepandi scrupu-
 lum sustulerunt, & secundum consilium nostrum salubri ra-
 tione liberatas in hoc fluctu æstuantium fratrum mentes, syn-
 cerè ac firmiter tuum sacerdotium probauerunt. Hoc enim uel
 maxime frater & laboramus, & laborare debemus, ut unita-
 tem à Domino, & per apostolos nobis successoribus traditam
 quantum possumus, obtinere curemus, & quod in nobis est
 palabundas & errantes oues, quas quorundam peruicax fa-
 ctio, & hæretica tentatio à matre secernit, in ecclesiâ colliga-
 mus, illis solis foris remanentibus, qui in obstinatione sua uel
 furore perseuerarunt, & ad nos redire noluerunt, discretionis
 & separationis à se factæ, & ecclesiæ derelictæ ipsi rationem
 domino reddituri. Quantum uero hic ad presbyterium quo-
 rundam & Felicissimi causam pertinet, quid hic actum sit, ut
 scire posses, literas ad te collegæ nostri manu sua subscriptas
 miserunt. Qui auditis eis quid senserint, & quid pronuntiaue-
 rint, ex eorum literis disces. Melius autem frater facies, si etiã
 exemplaria literarum, quæ ad te legenda pro dilectione com-
 muni per Calydonium & Fortunatum collegas nostros pro-
 xime miserã, quæ de eodẽ Felicissimo & de presbyterio eius-

Unitas à Deo
 et apostolis da-
 ta successoribus
 seruanda.

dem* ad clerum isthic, nō ad plebem scripserā, legi illhic frā= alias, ad eccle
tribus inbeas, quæ & ordinationem & rationem rei geste lo= siam nostram
quantur, ut tam isthic, quā illhic circa omnia per nos fra= & ad plebē.
ternitas instruat. Exemplaria autem eadem nunc quoq; per
Messium hypodiamonum à me missum & Nicephorum aco=
luthū trāsinisi. Opto te frater charissime semper bene ualere.

ARG. EPIST. SEQ.

Ad eundem epistola de supradictis hereticis, qui
Cornelium male papam creatum asserbant, uolen
tes alium constituere.

EPISTOLA XI.

CYPR. CORNELIO FRATRI SAL.



Enerūt ad nos frater charissime missi à No
uatiano Maximus presbyter, et Augendus
diaconus, & Mecheus quidā, et Lōginus.
Sed enim cum ex literis quas secū ferebāt,
& ex eorū sermone atque asseueratione
Nouatianum episcopum factum comperis=
semus illicitē, & contra ecclesiam catholicam factæ ordina=
tionis prauitate commoti, à communicatione eos nostra statim
cohibēdos esse censuimus, refutatis interim ac retusis, quæ ob
stinatē ac pertinaciter asserere tentabant: nam ego & collegæ
mei plurimi, qui ad me conuenerant, expectauimus aduentum
collegarum nostrorum Calydonij & Fortunati, quos ad te nu
per & coepiscopos nostros, qui ordinationi tuæ affuerant, le=
gatos miseramus, ut eis aduentantibus, & rei geste ueritatem
reportantibus, maiore autoritate & elucidata per eos proba=
tione partis aduersæ improbitas frangeretur. Superuenerūt
uerò Pompeius & Stephanus collegæ nostri, qui & ipsi quo
que ad instruendos isthic nos manifesta secundum grauitatem
ac fidem suam indicia ac testimonia protulerunt, ut nec neces=
se fuerit audiri ultrā eos qui à Nouatiano uenerant missi.

Qui cum statione inuidiosis quoque conulicijs & clamoribus turbulentis proruerent & flagitarent, ut crimina quæ se afferre ac probare dicebant publicè à nobis, & à plebe cognoscere tur, grauitati nostræ negauimus conuenire, ut collegæ nostri ià delecti & ordinati, & laudabili multorum sententia comprobati, uentilari ultra sanam ore maledico, & æmulantiū uoce pateremur, & qui à quibus refutati & compressi sunt, & illi citis conatibus hæresim fecisse nudati sunt, in epistolam cōgere longum fuit, ex Primitiuo compressbytero nostro plenissimè singula, cum ad uos uenerit, audietis. Ac ne eorū furens audacia unquam desisteret, hic quoque in schismatis partes Christi membra distrahere, & catholicæ ecclesiæ corpus unum scindere ac laniare nituntur, ut ostiatim per multorū domos, uel opipidatim per quasdam ciuitates discurrentes obstinationis suæ, & erroris scissi sibi quærant comites. Quibus semel responsum dedimus, nec mandare desistimus, ut perniciofa dissensione & concertatione deposita, impietatem esse sciant, matrem deferere: & agnoscant atque intelligant, episcopo semel facta, & collegarum ac plebis testimonio & iudicio comprobato, alium constitui nullo modo posse: proinde pacificè sibi ac fideliter consuluisse, ut si se assertores Euangelij & Christi esse cōfitentur, prius ad ecclesiā reuertantur. Opto te frater semper bene ualere.

A R G. S E Q. E P I S T.

Ad eundem epistola, in qua cōgratulatur de quibusdam ad ecclesię unitatem reuersis, qui à schismatibus deprauati fuerant.

E P I S T O L A XII.

CYPRIANVS CORNELIO

FRATRI SALVTEM.

Et egisse

Tegisse nos & agere fratres charissime maxi-
mas gratias sine cessatione profitemur Deo pa-
tri omnipotēti & Christo eius Domino et Deo
nostro salutari, quòd sic ecclesia diuinitus pro-

Vnitatem ec-
clesiæ seruati
gaudet.

tegatur, ut unitas eius & sanctitas non iugiter, nec in totum
perfidie & hæreticæ prauitatis obstinatione uitiatur. Legi-
mus enim literas uestras, & uoti communis amplissimum, gau-
dium exultanter excepimus, Maximum presbyterum & Vr-
banum confessores cum Sidonio & Macario ad ecclesiam ac-
atholicam regressos esse, id est, errore deposito, & schisma-
tico, imò hæretico furore deserto, unitatis ac ueritatis domici-
lium fidei sanitate repetisse, ut unde ad gloriam processerant,
illhuc gloriosi redirent, ne qui Christum confessi essent, Chri-
sti postmodū castra desererent, nec tentarent charitatis, atq;
unitatis fidē, qui uicti robore & uirtute non fuerant. Ecce in-
columis & immaculata laudis integritas, ecce incorrupta &
solida consentientium dignitas, à desertoribus & profugis re-
cessisse, proditores fidei & ecclesiæ catholice impugnatores
reliquisse. Meritò illos reuertētes summo, ut scribitis, gaudio
& clerus & plebs fraternitas omnis excepit: quoniā in con-
fessoribus gloriam suam cōseruantibus & ad unitatem reuer-
tentibus nemo nō socium se & participem eorum gloriæ com-
putat. Huius rei letitiam de nostris possumus sensibus aestima-
re: nam cum isthic ad literas, uestras quas de eorum cōfessione
misistis, letus sit omnis fratrum numerus, & summa alacrita-
te hunc nuntium cōmunis gratulationis exceperit, quid illhic
ubi res ipsa & præsens letitia sub oculis omnium gerebatur?
Cum enim Dominus in Euangelio suo dicat esse summum gau-
dium in cælo super peccatore pœnitentiam agente, quanto
magis est gaudium & in terris pariter, & in cælo super con-
fessoribus ad ecclesiam Dei cum gloria sua & cum laude re-
deuntibus, & redeundi uiam cæteris exēplo sui fide & pro-

Luc. 15.

batione facientibus? Hic enim quosdam fratres nostros error induxerat, quod sibi communicationem confessorum sequi uiderentur. Quo errore sublato, lux omnium pectoribus infusa est, et ecclesia catholica una esse, nec scindi, nec diuidi posse, monstrata est. Nec quisquam iam facile poterit schismatici fuerentis uerbis loquacibus decipi, cum probatum sit, bonos et gloriosos Christi milites non potuisse diu aliena fallacia et perfidia extra ecclesiam detineri.

EPIST. LIB. SECVNDI FINIS.

DIVI CAECILII CYPRIANI

EPISCOPI CARTHAGINENSIS

SIS EPISTOLARVM

LIB. III.

ARG. EPIST. SEQ.

Ad Lucium papam Romanum ab exilio reuersum epistola, ubi de reditu ipsius congaudens, mirificas ei laudes commemorat,

EPISTOLA I.

CYPR. CVM COLLEGIS LV-

CIO FRATRI SAL.



T nuper quidē tibi frater chariss. gratulati sumus, cū te honore geminato in ecclesie sue administratione confessorē pariter et sacerdotē cōstituit diuina dignatio, sed et nūc nō minus tibi et comitib. tuis atq; uniuersae fraternitati gratulamur, q. cū eadē gloria et laudib. uestris reduces uos denuo ad suos fecerit benigna dñi et largā protectio, ut pascendo gregi pastor, et gu-

Lucius episcopus
patui resistimus.

Tēpestas ostēdit
probatos.

bernande naui gubernator, & plebi regendæ rector redderetur, ut apparet relegationē uestram sic diuinitus esse dispositam, non ut episcopus relegatus & pulsus ecclesiæ deesset, sed ut ad ecclesiam maior rediret. Neque enim in tribus pueris minor fuit martyrij dignitas, quia morte frustrata de camino ignis incolumes exierunt: aut non consummatus Daniel exiit in suis laudibus, quia qui leonibus missus fuerat ad prædā, protectus à Domino, uixit ad gloriam. In cōfessoribus Christi dilata martyria non meritum cōfessionis minuunt, sed magnalia diuinæ protectionis ostendunt. Representatum in uobis uidemus, quod apud regem fortes, atque illustres pueri prædicauerunt. Ipsos quidem paratos ardere flammis, ne dijs eius seruirent, aut imaginem quam scierat, adorarent, Deum tamē quem colebant, quemque & nos colimus, potentem esse ut eos de camino ignis eximeret, & de regis manibus ac de pœnis presentibus liberaret. Quod inuenimus in confessionis uestre fide, & in Domini circa uos protectione nunc gestum, ut cum uos parati fueritis & prompti omne subire supplicium, Dominus tamen uos pœnæ subtraheret, & ecclesiæ reseruaret. Regredientibus uobis breuitata non est in episcopo confessionis sue dignitas, sed magis creuit sacerdotalis autoritas, ut altari Dei assistat antistes, qui ad confessionis arma sumenda & faciēda martyria, non uerbis plebē, sed factis cohortetur, & imminēte Antichristo paret ad prælium milites nō solū sermonis & uocis incitamento, sed fidei & uirtutis exēplo. Intellegimus frater charissime, & tota cordis nostri luce perspicimus diuinæ maiestatis salutaria et sancta cōsilia, unde illhic repentina persecutio nuper exorta sit, inde cōtra ecclesiā Christi & episcopū Cornelium beatum martyrem, uosque omnes, secularis potestas subito proruperit, ut ad cōfundendos hæreticos et retūdendos ostenderet Dominus, quæ esset ecclesia, quæ episcopus eius unus diuina ordinatione delectus, qui cū episco

po presbyteri sacerdotali honore coniuncti, quis adunatus & uerus Christi populus dominici gregis charitate connexus, qui essent quos inimicus lacefferet: qui e contra, quibus diabolus ut suis parceret. Neque enim persequitur & impugnat Christi aduersarius, nisi castra & milites Christi, hæreticos prostratos semel & suos factos contemnit & præterit. Eos querit deijcere, quos uidet stare. Atque utinam nunc facultas daretur frater charissime, ut interesse illhic uobis regredientibus possemus, qui uos mutua charitate diligimus, ut aduentus uestri letissimum fructum præsentis cum cæteris ipsi quoque caperemus. Quæ illhic exultatio omnium fratrum? qui concursus atq; complexus occurrentium singulorum? Vix oculis adhærentiam potest satisfieri, uix uultus ipsi atque oculi plebis possunt uidendo satiari de aduentus uestri gaudio. Cognoscere illhic fraternitas cepit qualis & quanta sit secutura Christo ueniente letitia: cuius quia citò appropinquabit aduentus, imago iam quædam præcessit in uobis, ut quomodo Ioannes præcursor eius & præuius ueniens prædicauit Christum uenisse, sic nunc episcopo confessore Domini & sacerdote redeunte, appareat & Dominum iam redire. Vicarius uero pro nobis ego & collega & fraternitas omnis has ad uos literas mittimus frater charissime, & representantes uobis per epistolam gaudium nostrum, fida obsequia charitatis exprimimus, hic quoque in sacrificijs, atque in orationibus nostris non cessantes Deo patri & Christo filio eius Domino nostro gratias agere, & orare pariter ac petere, ut qui perfectus est, atq; perficiens custodiat & perficiat in uobis confessionis uestre gloriosam coronam, qui & ad hoc uos fortasse reuocauit, ne gloria esset occulta, si foris essent confessionis uestre consummata martyria. Nam uictima quæ fraternitati præbet exemplum uirtutis & fidei, præsentibus debet fratribus immolari. Optamus te frater charissime semper bene ualere.

Iam tam expe-
 labatur ad-
 uentus Chri-
 sti.

ARG. EPIST. SE Q.

Ad Maximum & Nicostratū epistola & de unitate, petens & rogans, ut ad ecclesię redeant unitatē,

EPISTOLA II.

CYPR. MAXIMO ET NICOSTRA

to & cæteris confessoribus SAL.



Vin frequenter charissimi cognoueritis ex literis meis, quem & cōfessionis uestre honorē, & fraternitati cōnexę dilectionem meo sermone seruauerim, credatis quæso, & acquiescatis his literis meis, qbus uos & actui ac laudibus uestris & scribo, & simpliciter et fideliter cōsulo. Grauat enim me atq; contristat intolerabilis percussus et penē prostrati pectoris mœstitia et pstringit, cum uos illhic cōperissem cōtra ecclesiasticā dispositionē, contra Euangelicā legem, contra institutionis catholice unitatē episcopū aliam fieri censuisse. i. qd' nec fas est, nec licet fieri, ecclesiam alterā institui, Christi membra discerpi, diuici gregis animū & corpus unū discissa emulatione lacerari. Qd' quæso ut in uobis saltem illicitū istud fraternitatis nostre dissidium non pseuerat, sed & confessionis uestre & diuine traditionis memores ad matrē reuertimini unde prodistis, unde ad confessionis gloriā cū eiusdē matris exultatione uenistis. Nec putetis sic uos Euangelium Christi asserere, dum uosmetipsos à Christi grege et ab eius pace et cōcordia separastis, cum magis militibus gloriosis et bonis cōgruat intra domestica castra cōsistere, et intus positos ea quæ in cōmune tractāda sunt, agere ac prouidere. Nam cū unanimitas et concordia nostra scindi omnino nō debeat, qā nos ecclesia derelicta et foras exire, et ad uos uenire nō possumus, ut uos magis ad ecclesiā matrē et ad nostrā fraternitatē reuertamini. qbus possumus hortamentis petimus et rogamus. Opto uos fratres charissimi semper bene ualere.

Ecclesię unitatem seruari suadet.

Ad Maximum presbyterum & urbanum & Sidonium & Macarium ad ecclesiam reuersos epistola mirifice gratulans, ad eorum laudem referens quicquid in confessione gesserant.

EPITOLA III.

CYPR. MAXIMO PRESBYTERO,

Item Urbano & Sidonio & Macario fratribus SAVLVTEM.

Ectis literis uestris fratres charissimi, quas ad me de uestra regressione, & de ecclesiastica pace, ac fraterna redintegratione fecistis, in tantum me letatum esse confiteor, in quantum fuerat & ante letatus, quoniam confessionis uestre gloriam comperi, et militiae uestre coelestem ad spiritualem laudem letabundus excepi. Nam & haec fidei et laudis uestre alia confessio est, unam esse ecclesiam confiteri, nec alieni erroris uel potius prauitatis participem fieri, repetere eadem castra unde prodistis, unde ad gerendum praelium & aduersarium subigendum fortissimis uiribus profulistis. Illuc enim erant de acie trophaea refrenda, unde ad aciem fuerant arma susceptrae, ne quos ad gloriam Christi ecclesia parasset, eosdem gloriosos Christi ecclesia non haberet. Nunc uero & uos congruentem fidei uestre tenorem, atque indiuiduam charitatis et concordiae legem dominica pace tenuistis, et exemplum ceteris dilectionis et pacis uestro itinere fecistis, ut ecclesiae ueritas & Evangelici sacramenti unitas, quae a nobis tenebatur, uestro etiam consensu ac uinculo necteretur: nec confessores Christi erroris duces fierent, qui uirtutis & honoris autores laudabiles exiitissent.

Viderint quantum uobis ceteri gratuletur, uel quantum apud se ipsos singuli glorientur, ego me & gratulari satis uobis, & plus ceteris in hac uestra pacifica regressione & charitate confiteor: simpliciter enim quid in meo corde fuerit, debetis

Gratulatur
Cyprianus, re
uersis ad fide.

audire. Dolebam uehementer, & grauiter angebar, quòd eis cōmunicare non possem, quos semel diligere cōpisseni. Postquam uos de carcere prodeuntes schismaticus, & hæreticus error excepit, sic res erat, quasi uestra gloria in carcere remansisset. Illhic enim resedisse uestri nominis dignitas uidebatur, quādo milites Christi nō ad ecclesiam de carcere redirent, in quem prius cum ecclesiæ laude & gratulatione uenissent. Nam etsi uidentur in ecclesia esse zizania, nō tamen impediri debet aut fides aut charitas nostra, ut quoniam zizania esse in ecclesia cernimus, ipsi de ecclesia recedamus. Nobis tantū modo laborandū ut frumētum esse possimus, ut cum cōperit frumentum dominicis horreis condi, fructū pro opere nostro & labore capiamus. Apostolus in epistola sua dicit: In domo autem magna non solum uasa sunt aurea & argentea, sed & ligneae & fictilia, & quædam quidem honorata, quædam uerò inhonorata. Nos operam demus, & quantum possumus laboremus, ut uas aureum uel argenteum simus. Ceterarū fictilia uasa cōfringere Domino soli cōcessum est, cui & uirga ferrea data est. Esse non pōt maior domino suo seruus. Nec quisquam sibi quod soli filio pater tribuit, uendicare se putet, ut ad aream uentilandam & purgandam paleam iam ferre se posse, aut à frumento uniuersa zizania humano iudicio segregare. Superba est ista obstinatio, & sacrilega præsumptio, quam sibi furor prauus assumit. Et dum dominum sibi semper quidem plusquam mitis iustitia deposcit, assumunt, de ecclesia pereunt: & dum se insolenter extollunt, ipso suo tumore excæcati, ueritatis lumen amittunt. Propter quod & nos temperamentum tenentes, & libram Domini contemplantes, & Dei patris pietatem ac misericordiam Domini cogitantes, diu multumq; tractatu inter nos habito iusta moderatione agenda librauimus, quæ omnia penitus potestis inspicere lectis libellis, quos hic nuper legeram, & ad uos quoque legendos

Suspicio fui
se scriptū mo-
do, quod aliq
uerterint in
imò.
2. Timo. 2.

Ioan. 13.

pro communi dilectione transmiseram, ubi lapsis nec censura deest quæ increpet, nec medicina quæ sanet. Sed & catholicæ ecclesiæ unitatem quantum potuit, expressit nostra mediocritas. Quem libellum magis ac magis nunc uobis placere confido, quando eum iam sic legitis, ut & probetis, & ametis. Si quidem quod nos uerbis conscripsimus, uos factis impletis, quâdo ad ecclesiam charitatis ac pacis unitate remeatis. Opto uos fratres charissimi & desideratissimi semper bene ualere.

A R G. EPIST. SE Q.

Ad presbyteros Romæ consistentes epistola, ut curent quædam ipsius scripta plebi nota fieri.

EPISTOLA IIII.

CYP R. PRESBYTERIS ET DIA-

conis Romæ consistentibus fratribus S A L.

Vales literas ad clerum Romæ agentem fecerim, quidquid illi mihi rescripserint, quid etiam Moyses et presbyteri, et Nicosstratus, et Rufinus diaconi, & cæteri cum eis cōfessores in custodia cōstituti, quæ ad literas meas rescri-

pserint, ut scire possetis fratres charissimi, exēpla uobis legenda transmisi. Vos curate quantum potestis pro diligentia uestra, ut scripta nostra, & illorū rescripta fratribus uestris innotescant. Sed et si qui de peregrinis episcopi cōlegæ mei, uel presbyteri, uel diaconi præsentes fuerint, uel superuenerint, hæc omnia de uobis audiāt. Et si exempla epistolarū transcribere, et ad uos perferre uoluerint, facultatē transcriptionis accipiāt. Quāuis & Satyro lectori fratri nostro mandauī, ut singulis desiderantibus scribendi faciat potestatem, ut in ecclesiarū statu quoquo modo interim componendo seruetur ab omnibus una fidei consensus. De cæteris uerò quæ agenda erunt, sicut et collegis meis plurimis scripsi, plenius consilio tractabimus, quando conuenire in unum, permittente Domino cœperimus.

* alias, innotescatis.

Opto uos fratres charissimi ac desideratissimi semper bene ualere. Fraternitatem salutate. Valete.

A R G. E P I S T. S E Q.

Ad eosdem epistola, in qua commemorat quicquid tempore persecutionis gesserit, & à maledicis se expurgat.

E P I S T O L A V.

CYPR. PRESBYTERIS ET DIACONIS Romæ consistentibus fratribus Salutem.



Quoniam comperi fratres charissimi minus simpliciter & minus fideliter uobis renuntiari, quæ hic à nobis gesta sunt, & geruntur, necessarium duxi has ad uos literas facere, quibus actus nostri, et disciplina, & diligentiae ratio redderetur. Nam sicut

Populus designabat episcopum.

Domini mandata instruunt, statim turbationis impetu primo cum me clamore uiolento frequenter populus flagitasset, non tam meam salutem, quam quietem fratrum publicam cogitans interim secessi, ne per inuerecundam praesentiam nostram seditio quæ coeperat, plus prouocaretur. Absens tamen corpore, nec spiritu, nec actu, nec monitis meis defui, quò minus secundum Dñi praecepta fratribus nostris in quibus possem, mea mediocritate consulerem. Et quid egerim, loquuntur uobis epistole pro scriptis missæ numero tredecim, quas ad uos transmissi, in quibus nec clero consiliū meū, nec cōfessoribus exhortatio, nec extorribus, quæ oportuit, obiurgatio, nec uniuersæ fraternitati ad deprecandā Dei misericordiam, allocutio & persuasio nostra defuit, quātū secundū legem fidei et timorem Dei Dño suggerente, nostra mediocritas potuit niti. Postea uerò quā et tormenta uenerunt, siue iam tortis fratribus nostris, siue adhuc ut torquerentur inclusis, ad corroborandos & confortandos eos noster sermo penetravit. Item cū comperissem eos

Tredecim epistole.

qui sacrilegis contactibus manus suas, atque ora maculassent, uel nefandis libellis, nihilo minus conscientiam polluissent, ex-
 Adpro apud. ambire ad martyres passim, confessores quoque importuna, et
 Libellati. exanixe singulorum darentur quotidie libellorum millia contra Euangelij legem, literas feci, quibus martyres et confesso-
 res consilio meo, quantum possem, ad dominica precepta reuocarem. Item presbyteris et diaconis non defuit sacerdotij uigor, ut quidam minus discipline memores et temeraria festinatione precipites, qui cum lapsis communicare iam coeperant, comprimerentur. Intercedentibus nobis plebi ipsi quodque quantum potuimus, composuimus, et ut in ecclesiastica disciplina seruarentur, instruximus. Postmodum uero cum quidam de lapsis, siue sua sponte, siue aliquo incitatore audaci flagitatione proruerent, ut pacem sibi a martyribus et confessoribus promissam extorquere uiolento impetu niterentur, de hoc etiam bis ad clerum literas feci: et legi eis mandauimus, ut ad illorum uiolentiam interim quoquo genere mitigandam, siqui libello a martyribus accepto de seculo excederent, exomologesi facta et manu eius in poenitentiam imposita, cum pace sibi a martyribus promissa ad Dominum remitterentur. Nec in hoc legem dedi, aut me autorem temere constitui. Sed cum uideretur et honor martyribus habendus, et eorum qui omnia turbare cupiebant, impetus comprimendus, et praeterea uestra scripta legissem, quae ad clerum nostrum per Cremen- tum hypodiconum nuper feceratis, ut ijs qui post lapsum infirmitate apprehensi essent, et poenitentes communicationem desiderarent, subueniretur, standum putauimus et cum uestra sententia, ne actus noster qui adunatus esse et consentire circa omnia debet, in aliquo discreparet, plane ceterorum causas quamuis libello a martyribus accepto differri mandauimus, et in nostram praesentiam referuari, ut cum pace a Domino no-

bis data plures præpositi cōuenire in unum cœperimus, cōmunicato etiam nobiscum consilio disponere singula & formare possimus. Opto uos fratres charissimi semper bene ualere.

ARG. EPIST. SEQ.

Ad eisdem epistola, rogans ut his fratribus qui in carcere erant constituti, oīs humanitas præbeatur, ac tempus eorū annotetur qui diem suum obeunt.

EPISTOLA VI.

CYPR. PRESBYTERIS ET DIA-

conis fratribus SALVTEM.



Vanq̃ sciam uos fratres charissimi literis meis frequenter admonitos esse, ut gloriosa uoce domino confessis, & in carcere cōstitutis omnis diligentia præbeatur, tamen identidem uobis incumbo, nequid ad curā defit ijs, quibus ad gloriam nihil deest. Atque utinam loci & gradus mei conditio permitteret, ut ipse nunc præsens esse possem, promptus & libens solenni ministro cuncta circa fortissimos fratres nostros dilectionis obsequia complerem. Sed officium meum uestra diligentia præsentet, & faciat omnia quæ fieri oportet circa eos, quos in talibus meritis fidei ac uirtutis suæ illustrauit diuina dignatio. Corporibus etiam omnium (qui etsi torti non sunt, in carcere tamen glorioso exitu mortis excedunt) impartiatur & uigilantia & cura propensior. Neq; enim uirtus eorum aut honor minor est, quò minus ipsi quoque inter beatos martyres aggregentur. Quod in illis est, tolerauerunt quicquid tolerare parati & prompti fuerant. Qui se tormentis & morti sub oculis Dei obtulit, passus est quicquid pati uoluit. Non enim ipse tormētis, sed tormenta ipsi defuerunt. Sicut scriptum est: Qui in me confessus fuerit corā hominibus, & ego in illo Marci. 8. confitebor corā patre meo qui in cœlis est. Confessi sunt. Di Luca. 12.

Matth. 10.

cit Dominus: Qui tolerauerit usq; in finem hic saluus erit. Tolerauerunt, & ad finem usq; incorrupta & immaculata uirtutum suarum merita pertulerunt. Et iterum scriptum est: Esto fidelis usq; ad mortem, & dabo tibi coronam uitæ. Vsq; ad mortem fideles & stabiles, & inexpugnabiles peruenerunt.

* alias, accedit
martyrum
cōmemoratio.

Cū uoluntati nostræ & cōfessionī in carcere & uinculis * accidit moriendi terminus, consummata martyris gloria est. Deniq; & dies eorum quibus excedunt annotatæ, ut cōmemorations eorum inter memorias martyrum celebrare possimus.

Pauperes com-
mendat.

Quamquam Tertullus fidelissimus & deuotissimus frater noster inter cætera sollicitudinem et curam suam cum fratribus in omni obsequio operationis impartit, qui nec illhic circa curā corporum deest, scripserit ac scribat, ac significet mihi dies quibus in carcere beati fratres nostri ad immortalitatem gloriose mortis exitu transeunt, & celebrentur hic à nobis oblationes & sacrificia ob commemorationes eorum, quæ citò uobiscum Domino prosperante celebrabimus. Pauperibus quoq; (ut sæpe iam scripsi) cura ac diligentia uestra nō desit, ijs tamen qui in fide stantes, & nobiscum fortiter militantes, Christi castra non reliquerunt: quibus quidem nunc maior à nobis dilectio et cura præstanda est, quòd nec paupertate adacti, nec persecutionis tempestate prostrati, dum Domino fideliter seruiunt, cæteris quoq; pauperibus exemplum fidei præbuerunt. Opto uos fratres charissimi, ac desideratissimi semper bene ualere, et nostri meminisse. Fraternitatem meo nomine salutate.

ARG. EPIST. SEQ.

Ad Lucium & qui cum eo sunt epistola, de acceptis literis non mediocres gratias referens.

EPISTOLA VII.

CYPR. FRATRI ET COLLEGE

Lucio, & qui cum eo sunt fratres omnes

in Deo SALVTEM.

Xultantibus nobis & letantibus in Deo,
 quòd nos in congregione armauerit, & in
 praelio uictores sua dignatione fecerit, super
 uenerunt literæ tuæ frater charissime, quas
 per Herennianum hypodiamonem, & Lu-
 canum, & Maximum, & Amantium acoluthos misisti no-
 bis, quibus lectis recepimus in uinculis laxamentum, in pressu-
 ra solatium, & in necessitate præsidium, & excitati simus &
 robustius animati ad siquid amplius fuerit poenarum. Nam
 ante passionem à te sumus ad gloriam prouocati, qui prior no-
 bis ducatum ad confessionem nominis Christi præbuiisti. Nos
 uerò secuti uestigia confessionis tuæ parem gratiam tecum spe-
 ramus. Nam qui prior est in cursu, prior est & ad præmium,
 & qui prior occupasti, de quo coepisti, inde hoc nobis com-
 municasti, demonstrationem scilicet & indiuiduam charitatē,
 qua semper nos dilexisti, ut quibus unus fuit spiritus in coniun-
 ctione pacis, esset precum tuarum gratia & una corona con-
 fessionis. Accessit autem tibi frater charissime ad confessionis
 coronam retributio operum abundans mensura, quam acci-
 pies à Domino in die remunerationis, qui te nobis literis tuis
 representasti, ut pectus illud tuum candidum & beatum, quod
 semper nouimus, manifestares, & secundum latitudinem eius
 nobiscum laudes Deo diceres, non quantum nos meremur au-
 dire, sed quantum tu potes dicere. Tuis enim uocibus & quæ
 minus in nobis instructa erant & ornasti, & confirmasti ad su-
 stentationem earundem passionum, quas patienter ferimus, se-
 curi de præmio celesti & de corona martyrii, & de regno
 Dei ad prophetiam quam literis tuis spiritu sancto plenus spo-
 pondisti. Hoc totum fiet dilectissime, si nos orationibus tuis in
 mente habueris. Quod & te facere confido, sicut & nos uti-
 que facimus. Accepimus itaque frater desideratissime, id quod
 à Quirino, & à te ipso misisti sacrificium ex omni opere mun-

do, sicut & Noe obtulit Deo, et delectatus est Deus in odore suauitatis, & respexit in sacrificium eius: Ita & in uestro respiciat, & delectetur reddere uobis huius tã boni operis mercedem. Peto autem ut literas quas ad Quirinũ fecimus, transmitti pręcipias. Opto te frater charissime ac desideratissime semper bene ualere, & nostri meminisse. Saluta omnes qui tecum sunt.

A R G. E P I S T. S E Q.

Ad Fidũ presbyterũ epist. de infantib. baptizãdis

EPISTOLA VIII.

CYPR. ET CAETERI COLLE-

ge qui in concilio affuerunt numero 66.

Fido fratri Salutem.



Egimus literas tuas frater charissime, quibus significasti de Victore quodam presbytero, quod ei antequam penitentiam plenã egisset, & Domino Deo in quem deliquerat, satisfecisset, temere Therapius collega noster immaturo tempore & prępropere

Therapius de festinatione pacem dederit. Quę res nos satis mouit, recessereti transgressum esse à decreti nostri autoritate, ut ante legitimum, & for. plenum tempus satisfactionis, & sine petitu & conscientia plebis nulla uis firmitate urgente, ac necessitate cogente pax ei concederetur. Sed librato apud nos diu consilio, satis fuit

obiurgare Therapium collegam nostrum, quod temere hoc fecerit, & instruxisse nequid tale de cætero faciat. Pacem tamen quomodocunq; à sacerdote Dei semel datam non putauimus auferendam, ac per hoc Victori communicationẽ sibi traditam usurpare permisimus. Quantum uerò ad causam infantium pertinet, quos dixisti intra secundum uel tertium diem quo nati sunt constitutos baptizari non oportere, & considerandam legem esse circumcisionis antiquę, ut intra octauam

Baptizãdi in
stitutio.

diem eum qui natus est, baptizandum & sanctificandum non putares, longe aliud in concilio nostro omnibus uisum est. In hoc enim quod tu putabas esse faciendum, nemo consensit, sed uniuersi potius iudicauimus, nulli hominum nato misericordiam Dei & gratiam denegandam. Nam cū Dominus in Euāgelio suo dicat: Filius hominis non uenit animas hominū perdere, sed saluare: quantum in nobis est, si fieri potest, nulla anima perdenda est. Quid enim ei deest, qui semel in utero, Dei manibus formatus est? Nobis enim atque oculis nostris secundum dierum secularium cursum accipere qui nati sunt incrementum uidentur, ceterum quæcunq; à Deo fiunt, Dei factōris maiestate & opere perfectā sunt. Esse deniq; apud omnes siue infantes, siue maiores natū unam diuini muneris æqualitatem, declarat nobis scripturæ diuinæ fides, cum Heliseus super infantem uiduæ filium qui mortuus iacebat, ita se Deum deprecans superstrauit, ut capiti caput, & faciei facies applicaretur, & supersusi Helisei mēbra singulis paruuli membris & pedes pedibus iungerentur. Quæ res si secundū natiuitatis nostræ & corporis qualitatem cogitetur, adulto & prouecto infans non posset æquari, nec cohærere & sufficere possent parua membra maioribus. Sed illic æqualitas diuina & spiritalis exprimitur, quod pares, atq; æquales sint omnes homines, quādo à Deo semel facti sunt, et possit ætatis nostræ incrementis corporū secundum seculū, nō secundum Deum habere discriminē, nisi & gratia ipsa, quæ & baptizatis datur, pro ætate accipientiū uel minor, uel maior tribuitur, cum spiritus sanctus non de mensura, sed de pietate, atq; indulgentia paterna, æqualis omnibus præbeatur. Nā Deus ut personā nō accipit, sic nec ætatem, tūc se omnibus ad cœlestis gratiæ consecutionem æqualitate librata præbeat patrem. Nam & quod uestigium infantis in primis partus sui diebus constituti, mundum nō esse dixisti, quod unusquisq; nostrū adhuc horreat exoscu-

Luc. 9.

Opera dei perfectā.

4. Reg. 4.

Homines pares.

Coloss. 3.

lari, nec hoc putamus ad cœlestem gloriam dandam impedi-
 Titum 1. mento esse oportere. Scriptum est enim: Omnia sunt munda
 mundi. Nec aliquis nostrum id debet horrere, quod Deus
 dignatus est facere. Nam etsi adhuc infans à partu nouus
 est, non ita est tamen ut quisquam illum in gratia danda, atque
 in pace facienda horrere debeat osculari, quādo in osculo in-
 fantis unusquisque nostrum pro sua religione ipsas adhuc re-
 centes Dei manus debeat cogitare, quas in homine modò for-
 mato & recens nato quodammodo exosculamur, quando id
 quod Deus fecit amplectimur. Nam quod in Iudaica circun-
 Circumcisio- cisione carnali octauus dies obseruabatur, sacramentum est in
 uis dies. umbra, atque imagine antè præmissum, sed ueniente Christo in
 ueritate completum. Nam quia octauus dies idē post sabbatū
 alias, id est primus dies futurus erat, quo Dominus resurgeret & nos
 uiuificaret, & circumcisionem nobis spiritualem daret, hic
 dies octauus, id est, post sabbatum primus & dominicus præ-
 cēssit in imagine. Quæ imago cessauit postmodū superuenien-
 te ueritate, & data nobis spiritali circūcissione. Propter quod
 neminem putamus à gratia consequenda impediendum esse ea
 lege, quæ iam statuta est, nec spirituales circūcissionem im-
 Gratiā nulli pediri carnali circūcissione debere. Sed omnem omnino ho-
 deneganda. minem admittēdum esse ad gratiam Christi, cum & Petrus in
 Act. 10. Actibus apostolorum loquatur & dicat: Dominus mihi dixit
 neminem hominem cōmunem dicēdum & immundum. Cete-
 rum, si homines impedire aliud ad cōsecutionē gratiæ posset,
 magis adultos & prouectos, & maiores natu possent impe-
 dire peccata grauiora. Porro autem si etiam grauissimis deli-
 ctis & in Deum multum antè peccantibus, cum postea
 crediderint, remissio peccatorum datur, & à baptismo, atque
 gratia nemo prohibetur, quāto magis prohiberi non debet
 infans, qui recens natus nil peccauit, nisi quod secundum Adam
 carnaliter natus contagium mortis antiquæ primæ natiuitate
 contraxit.

Baptismus ne
 nulli denegan-
 dus.

cōtraxit? Qui ad remissam peccatorū accipiendā hoc ipso faci-
lius accedit, quòd illi remittuntur nō propria, sed aliena peccata.
Et idcirco frater chariss. hæc fuit in cōcilio nostra sentētia à
baptismo atq; à gratia Dei (qui omnibus misericors & beni-
gnus & pius est) neminē per nos debere prohiberi. Quod cū
circa uniuersos obseruandum sit atq; retinendū, tū magis circa
infantes ipsos & recens natos obseruādū putamus, qui hoc ip-
so de ope nostra ac de diuina misericordia plus merētur, q. in
primo statim natiuitatis suæ ortu plorātes ac flētes nil aliud sa-
ciūt, q̄ deprecātur. Optamus te frater chariss. semp bñ ualere.

ARG. SEQ. EPIST.

Ad Rogatianum episcopum epistola de diacono
qui contra episcopum contendit, in qua docet quē
sit sacerdotalis potestas, debereq; diaconum audacię
suę pœnitentiā agere.

EPISTOLA IX.

CYPR. ROGATIANO FRATRI SAL.



Rauiter & dolenter commoti sumus, ego
& collegæ mei, q. præsentes aderant, frater
chariss. lectis lris tuis, qbus de diacono tuo
conquestus es, quòd immemor sacerdotalis
loci tui, ac ministerij sui oblitus, contumelijs
& iniurijs suis te exacebauerit, & tu qui-
dem honorificē circa nos et pro solita tua humilitate fecisti, ut
malles de eo cōqueri, cū pro episcopatus uigore & cathedræ
autoritate haberes potestātē, qua posses de illo statim uindica-
ri: certus q. collegæ tui oēs ratū haberemus quodcūq; circa dia-
conū tuū cōtumeliosum sacerdotali potestate fecisses, habēs cir-
ca huiusmodi homines præcepta diuina, cū Dñs Deus in Deu-
teronomio dicat: Et homo quicunq; fuerit in superbia, ut non
exaudiat sacerdotē aut iudicem, quicunq; fuerit in diebus illis,
morietur homo ille, & omnis populus cum audierit, timebit:

Dent. 17.

- et non agent impie etiam nunc, et ut sciamus hanc Dei uocem cum uera et summa maiestate eius processisse ad honorandos ac uindicandos sacerdotes suos, cum aduersus Aaron sacerdotem tres de ministris Chore, Dathan, et Abiron ausi sunt superbisse, et ceruicem suam extollere, et sacerdoti preposito se adaequare, hiati terrae absorpti ac deuorati, poenas statim sacrilegae audaciae persoluerunt. Nec soli illi, sed et ceteri ducenti quinquaginta, qui eis comites ad audaciam fuerunt, prorumpente à Domino igne consumpti sunt, ut probarentur sacerdotes Dei ab eo qui sacerdotes facit uindicari. In libro quoque Regum, cum Samuel sacerdos à Iudeorum populo ob senectutem (sicut tu modo) contemneretur, exclamauit iratus Dominus et dixit: Non te spreuerunt, sed me spreuerunt. Et ut hoc ulcisceretur excitauit eis Saul regem, qui eos iniurijs grauib. affligeret, et per omnes contumelias et poenas superbum populum calcaret et premeret, ut contemptus sacerdos de superbo populo ultione diuina uindicaretur. Sed et Salomon in spiritu sancto constitutus, testatur et docet, quae sit sacerdotalis auctoritas et potestas, dicens:
- Ecles. 7.** Ex tota anima tua time Deum, et sacerdotes eius sanctifica. Et iterum: Honora Deum ex tota anima tua, et honorifica sacerdotes eius. Quorum praecipuum memor beatus apostolus Paulus, secundum quod in Actis Apostolorum legimus, cum ei diceretur: Sic insilis in sacerdotem Dei maledicendo? Respondit et dixit: Nesciebam fratres quia pontifex: est scriptum est enim: Principem populi tui non maledices. Dominus etiam noster ipse IESVS Christus rex et iudex et Deus noster usque ad passionis diem seruauit honorem pontificibus et sacerdotibus, quamuis illi nec timorem Dei, nec agnitionem Christi seruassent. Nam cum leprosum emundasset, dixit illi: Vade et monstra te sacerdoti, et offer donum. Humilitate ea qua nos quoque esse humiles docuit, sacerdotem adhuc ap-
- Numeri 16.**
- 1. Reg. 3.**
- Actuum 23.**
- Exodi 22.**
- Luc. 5.**

pellabat, quem sciebat esse sacrilegum. Item sub ictu passionis cum alapam accepisset, & ei diceretur: Sic respondes pontifici? nihil ille contumeliose locutus est in personam pontificis, sed magis innocentiam suam tuitus est, dicens: Si malè locutus sum, exprobra de malo: si autem bene, quid me cedis? Quæ omnia ab eo ideo facta sunt humiliter & patienter, ut nos humilitatis ac patientiæ haberemus exemplum. Docuit enim sacerdotes ueros legitimè & plenè honorare, dum circa falsos sacerdotes ipse talis exitit. Meminisse autem diaconi debent, quoniam Apostolos, id est, episcopos & præpositos Dominus elegit: Diaconos autem post ascensum Domini in cælos Apostoli sibi constituerunt episcopatus sui & ecclesiæ ministros. Quòd si nos aliquid audere contra Deum possumus, qui episcopos facit, possunt & ij contra nos audere, à quibus diaconi fiant, & ideo oportet diaconum de quo scribis, agere audaciæ suæ poenitentiam, ut honorem sacerdotis agnoscat, & episcopo præposito suo plena humilitate satisfacere. Hæc sunt enim initia hæreticorum, & ortus atque conatus schismaticorum malè cogitantium, ut sibi placeant, ut præpositum superbo tumore contemnant. Sic de ecclesia receditur, sic altare profanum foris collocatur, sic contra pacem Christi & ordinationem atque unitatem Dei rebellatur. Quòd si ultra te contumelijs suis exacerbauerit & prouocauerit, fungaris circa eum potestate honoris tui, ut cum uel deponas uel abstineas. Nam si Apostolus Paulus ad Timotheum scribens dixit: Iuuentutem tuam nemo despiciat: quanto magis tibi à collegis tuis dicendum est: Senectutem tuam nemo despiciat. Et quoniam scripsisti quendam cum eodem diacono tuo se miscuisse, & superbiæ eius atque audaciæ participem esse, hunc quoque, & si qui alij tales extiterint, & contra sacerdotem Dei fecerint, uel coercere poteris, uel abstinere. Nisi quod hortamur & monemus, ut peccasse se

Ioan. 18.

Ordinis ecclesiastici series.

1. Timot. 4.

Votum sacer-
dote dignum.

potius intelligāt & satisfaciāt, et nos propositū nostrū tenere patiantur. Magis enim optamus et cupimus cōtumelias et iniuriā singulorū clementi patientia uincere; quā sacerdotali licentia uindicare. Opto te frater chariss. semper bene ualere.

ARG. EPIST. SE Q.

Ad presbyteros & diaconos epistola, ut diligentiores sint circa ea gerenda, quę administratio religiosa deposcit.

EPISTOLA X.

CYP. PRESBYTERIS

& Diaconis fratribus SAL.



Quia ueram quidē fratres chariss. ut uniuersum clerū nostrū integrū et incolumē meis literis salutarē. Sed quoniā infesta tēpestas, quę plebē nostram ex maxima parte prostrauit, hinc quoq; addit nostris dolorib. cum multū, ut etiā cleri portione sua strage perstringeret, oramus Dñm, ut uos, quos in cōstantia & fidei uirtute scire cognouimus, tuos quoq; in posterū per diuinā misericordiā salutemus, & quāquā causa cōpelleret, ut ipse ad uos properare & uenire deberem, primò cupiditate & desiderio uestri, quę res in uotis meis sīmma est, tum deinde ut ea quę circa ecclesię gubernaculū utilitas cōmunis exposcit, tractare simul & plurimorū cōsilio examinata delimare possimus: tamē potius uisum est adhuc interim latebrā & quietē tenere respectu utilitatū aliarū, quę ad pacē omnīū nostrorū pertinent alias, quorum & salutem, & quarum uobis à Tertullo fratre nostro charissīmo ratio reddetur, qui pro cetera sua cura, quam impensē diuinis operibus impartit, etiam huius cōsiliij autor fuit, ut cautus & moderatus existerē, nec eis locis in quibus toties flagitatus & quę situs fuisset, me temere committerem. Fretus ergo dilectione & religione uestra, quam satis noui, his lite-

ris & hortor & mando, ut uos quorū minime illhic inuidio=
 sa & non adeò periculosa præsentiā est, uice mea fungamini
 circa gerenda ea, quæ administratio religiosa deposcit. Ha= Nō cuius pau
 beatur interim quantū potest pauperū cura, sed qui tamen in= peri subuenien
 concussa fide stantes gregem Christi nō reliquerunt, ut his ad dum.
 tolerandam penuriam sumptus per uestram diligentia sugger=
 ratur, ne quod circa fidentes tempestas nō fecit, circa laboran=
 tes necessitas faciat. Confessoribus etiam gloriosis impartia=
 tur cura propensior. Et quanquā sciam plurimos ex his fra=
 trum uoto & dilectione susceptos, tanē si qui sunt, qui uel ue=
 stitu, uel sumptu indigeant, sicut etiā pridem uobis scripserā,
 cum adhuc essent in carcere cōstituti, subministrētur eis quæ=
 cunq; necessaria sunt, ut sciant ex nobis, & instruantur & di=
 ficiant, quid secundū scripturarum magisterium ecclesiastica
 disciplina deponat, humiles & modestos & quietos esse de=
 bere, ut honorem sui nominis seruent, ut qui gloriosi uoce sue
 runt, sint & moribus gloriosi. Faciant se dignos, ut in omni=
 bus Dominum promerentes, ad coelestem coronam laudis suæ
 consummatione perueniant. Plus enim superest, quā quod
 transactum uidetur, cum scriptum sit: Ante mortem ne laudes Eccles. 11.
 hominem quenquam. Et iterum: Esto fidelis usq; ad mortem, Apoc. 2.
 & dabo tibi coronā uitæ. Et Dominus quoq; dicat: Qui to=
 lerauerit usq; ad finem, hic saluabitur. Imitentur Dominū, qui Matth. 10.
 sub ipso tempore passionis non superbior, sed humilior fuit.
 Tunc enim discipulorū suorum pedes lauit, dicens: Si ego la=
 ui pedes uestros magister & Dominus, & uos debetis aliorū
 pedes lauare. Exemplum enim dedi uobis, ut sicut ego feci,
 & uos alijs faciatis. Item Pauli apostoli documenta testantur,
 qui post carcerem sepe repetitum, post flagella, post bestias,
 circa omnia mitis & humilis perseverauit, nec post tertium
 cælum & paradysum quicquam sibi insolenter assumpsit, di=
 cens: Neq; enim gratis panem manducauimus ab aliquo, sed 2. Thess. 3.

in labore & fatigatione nocte et die operantes, ut nequem uestrum grauaremus. Hæc singula oro uos insinuate fratribus nostris. Et quia is exaltabitur, qui se humiliauerit, nunc est ut magis insidiantem aduersariū metuant, qui fortiorē quenq; magis aggreditur, & acrior factus hoc ipso, quia uictus est, superantē superare conatur. Dñs faciat, ut & ego iterū illos uidere & salutari exhortatione cōponere mentes eorū ad seruādū gloriam suā possim. Doleo enim qñ audio quosdam improbē & insolenter discurrere ad ineptias, uel ad discordias uacare, Christi membra etiā Christū confessa per cōcubitus illicitos inquinari, nec à diaconis, aut presbyteris regi posse: sed id agere, ut per paucorum prauos & malos mores, multorum & bonorum confessorū gloria honesta maculetur: quos uereri debent, ne ipsorum testimonio & iudicio cōdemnati ab eorū societate priuentur. Is enim demum confessor illustris & uerus est, de quo postmodum nō erubescit ecclesia, sed gloriatur. Ad id uerō qđ scripserunt mihi conpresbyteri nostri Donatus & Nouatus, et Curdius, solus rescribere nil potui, cum à primordio episcopus mei statuerim nihil sine consilio uestro, & sine consensu plebis mea priuatim sententia gerere. Sed cum ad uos per Dei gratiam uenero, tunc de ijs quæ uel gesta sunt, uel gerenda, sicut honor mutuus poscit, in commune tractabimus.

Paucorū malitia ceteros inficit.

ARG. EPIST. SE Q.

Ad Cornelium papam epistola, de nonnullis ad ecclesiam reuersis, qui schismaticorū uenenata astutia circumuenti fuerant.

EPISTOLA XI.

CYPR. CORNELIO FRATRI SAL.

q Vant. an sollicitudinem & anxietatem sustinui-
mus de his cōfessoribus, qui dolo & malitia hominis & callidi & ueteratoris fuerant circumuenti & penē decepti, & ab ecclesia alie-

nati, tantum letitiam adepti sumus, & Deo omnipotenti, Christo Domino nostro gratias agimus, cum eos cognito suo errore intelligamus hominis maligni uelut serpētis astutia uenena-
 ta derelicta, ad ecclesiam unde exierant: sicut ipsi ex suo corde profitentur, simplici uoluntate uenisse. Et primò quidē fratres nostri probatæ fidei, amantes pacem, unitatem optantes, tumorem illorum, horum mollitiem nuntiabant. Fides tamen non idonea, ut facile nobis credere daretur, illos penitus esse mutatos. Postea uerò quā Urbanus et Sidonius confessores ad presbyteros nostros uenerunt, affirmātes Maximum confessorem & presbyterum secum pariter cupere in ecclesiam redire, sed quoniam multa præcesserant ab eis designata, quæ tu quoq; episcoporum nostrorum et meis literis cognouisti, ne temere eis fides haberetur, ex ipsorum ore et confessione ista quæ per legationem mandauerant, placuit audiri. Qui cum uenissent, et à presbyteris quæ gesserant exigere-
 tur, nouissime quod per omnes ecclesias literæ calumnijs et maledictis plenæ eorum nomine frequenter missæ fuissent, et penè omnes ecclesias perturbassent, circumuētos se esse affirmauerunt, neque in istis literis quid inesset, scisse, tantummodo circumductos se commississe quoque schismata, et hæresis auctores fuisse, ut paterentur et manus quasi episcopatum imponi, *qui cum et cæteris fuissent exprobrarentur, aut abolerentur, et de memoria tollerentur, deprecati sunt. Omni actu ad me perlato placuit contrahi presbyterium. Affuerunt etiam episcopi quinque, qui et hodie præsentēs fuerunt, ut firmato consilio, quid circa personam eorū obseruari deberet consensu omnium statueretur. Et ut motum omnium et consilium singulorum dignosceres, etiam sententias nostras placuit in notitias uestras perferri, quas et subiectas leges. His ita gestis in presbyterium uenerunt Maximus, Urbanus, Sidonius, et plerique fratres qui eis se adiunxerunt, summis precibus deside-

Fortē sic legē
 dū, qui cū &
 in cæteris fuis-
 se exprobratē
 tur, ut abole-
 retur et de me-
 moria, &c.

Reuersi ad si-
 dem.

Solacismus.

rantes, ut ea quæ antè fuerant gesta, in obliuionem cederent, nullaq; eorum mentio haberetur, perinde atque si nihil esset uel commissum, uel dictum inuicem, omnibus remissis cor mûdum & purum, sequentes Euangelicâ uocem, beatos esse pueros corde, quod iam sperent Dominum. Quod erat confesquens omnis hic actus populo fuerat insinuandus, ut & ipsos uiderent in ecclesia constitutos, quos errantes & palabundos iam uiderant & dolebant: quorum uoluntate cognita, magnus fraternitatis concursus factus est. Vna uox erat omnium gratias Deo agentium, gaudium pectoris lacrymis exprimentes, complectentes eos quasi hodie poena carceris fuissent liberati. Et ut ipsorum propria uerba designem: Nos, inquit, Cornelium episcopum sanctissimæ catholicæ ecclesiæ erectum à Deo omnipotente & Christo Domino nostro scimus. Nos errorem nostrum confitemur. Circumuenti sumus perfidiæ loquacitate factiosa antentes. Videbamur quasi quandam communicationem cum schismatico homine habuisse. Syncera tamen mens nostra semper in ecclesia fuit, nec ignoramus unum Deum esse, & unum Christum esse Dominum, quem confessi sumus, unum spiritum sanctum, unum episcopum in catholica ecclesia esse debere. Ista eorum professione non moueremur, ut quod apud potestatem seculi erant confessi, in ecclesia constituti comprobarent. Quapropter Maximum presbyterum locum suum agnoscere iussimus. Ceteros cum ingenti populi suffragio recepimus. Omnia autem remisimus Deo omnipotenti, in cuius potestate sunt omnia reſeruata. Hæc igitur frater eadem hora, eodem momento ad te perscripta transmisiſimus, & Nicephorum acholutum descendere ad nauigandum festinantem, ad uos statim dimisi, ut nulla procrastinatione habita, uelut præſens in isto clero, & in isto populi cœtu Deo omnipotenti & Christo domino nostro gratias ageres. Credimus autem fore, quinimo iam pro certo confidimus, ceteros quo-

que qui in hoc errore sunt constituti, in ecclesiam breui reuer-
suros, cum autores suos uiderint nobiscum agere. Has literas
puto te debere frater et ad ceteras ecclesias mittere, ut omnes
sciant schismatici huius & hæretici dolū & præuarcationem
de die in diem euacuari.

A R G. E P I S T. S E Q.

Ad eundem de quibusdam schismaticis epistola.

E P I S T O L A XII.

CYPR. CORNELIO FRATRI SAL.

Eqd minus ad poenā futurā huius scelerati hoīs
deesset, prostratus uirtutibus Dei (cū Maximus
et Lōginus, et Macheus inde fuissent expulsi) de
nuo resurrexit, et sicut prioribus līs tibi, quas
p Augendū confessorē nisi, significauerā Nicostratū et Noua
tū, & Euaristū, & Primum, & Dionysium illō iam puenisse.
Inuigiletur ergo ut oībus coēpiscopis nostris & fratribus in-
notescat, Nicostratū multorū criminū reū, et nō solū patrone
sue carnali, cuius rōnes gessit, fraudes et rapinas fecisse, uerū
etiā, qd' est illi ad perpetuā poenā reseruātū, ecclesiæ deposita
nō modica abstulisse: Euaristū uerō autorem schismatis fuisse,
& successorem plebi, cui antea præfuerat, in locū eius episco-
pum esse constitutum. Maiora uerō & grauiora hic designa-
uit malitia & inexplebili prauitate sua, quā quæ illhic apud
suos semper exercuit, ut scias quales duces et protectores schis-
maticus & hæreticus lateri suo semper iunctos habeat.

Nicostratus
reus criminū.

Euaristus
schismatis au-
tor.

A R G. E P I S T. S E Q.

Ad Stephanum epistola de Martiano Arelatensi
episcopo heresiarcha, ut eo abstento, alius loco eius
substituatur, & in refouendis Christi ouibus diligen-
tia plena exhibeatur.

E P I S T O L A XIII.

CYPR. STEPHANO FRATRI SAL.



Austinus collega noster Lugduni cōsistens frater charissime semel atq; iterū mihi scripsit, signans ea quæ etiā uobis scio utiq; nūtiata tan ab eo, quā cæteris coepiscopis nostris in provincia consitutis, q; Martianus

Arelate cōsistens, Nouatiano se coniunxe-

rit, & à catholice ecclesiæ ueritate atq; à corporis nostri et sacerdotij cōsensione disiunxerit, tenens hæreticæ præsumptionis durissimā prauitatem, ut seruis Dei pro eo dolentibus, & ad ecclesiā lacrymis & gemitu, & dolore pulsantibus diuinæ pietatis et lenitatis paternæ solatia et subsidia cludātur, nec ad fouenda uulnera admittantur uulnerati, sed sine spe pacis et cōmunicationis relictī ad luporū rapinā et prædā diaboli proieciantur. Cui rei nostrum est consulere et subuenire frater charissime, qui diuinam clementiam cogitantes, et gubernandæ ecclesiæ librari tenentes, sic censuram uigoris peccatoribus exhibemus, ut tamen lapsis erigendis, et curandis uulneratis, boni-

Lapsis medici
na danda.

tatis et misericordiæ diuinæ medicinā nō denegemus. Quapropter facere te oportet plenissimas literas ad cōepiscopos nostros in Gallijs constitutos, ne ultrā Martiānū peruicacē et superbum, et diuinæ pietatis ac fraternæ salutis inimicum collegio nostro insultare patiantur, quod necdum à nobis uidetur abstentus, qui iam pridem iactat et prædicat quod Nouatiano

Nouatianus
ecclesiæ hostis.

studens, et eius peruicaciam sequens, à communicatione se nostra segregauerit, cum Nouatianus ipse quē sequitur, olim abstentus et hostis ecclesiæ iudicatus sit, et cum ad nos in Africā legatum misisset, optans ad cōmunicationem nostram admitti, hinc à concilio plurimorum sacerdotum qui præsentibus eramus, sententiam retulerit se foris esse cœpisse, nec posse à quo-

Antipapa.

quam nostrum sibi cōmunicari, qui episcopo Cornelio in catholica ecclesia de Dei iudicio & cleri ac plebis suffragio ordinato profanum altare erigere, & adulteram cathedram col-

locare, & sacrilega cōtra uerum sacerdotem sacrificia offerre
tentauerit. Proinde si resipiscere, & ad sanæ mentis consilium
redire uellet, ageret pœnitentiam, & ad ecclesiam supplex
rediret. Quàm uanum est frater charissime, ut Nouatiano nu-
per retuso & refutato, & per totum orbem à sacerdotibus
Dei abſtento, nunc adulatoribus adhuc nobis patiamur illude-
re, & de maiestate ac dignitate ecclesiæ iudicare. Dirigantur
in prouinciam & ad plebem Arelate consistentem à te literæ,
quibus abſtēto Martiano, alius in locum eius substituatur, &
grex Christi qui in hodiernum ab illo dissipatus & uulnera-
tus contemnitur, colligatur. Sufficiat multos illhic ex fratri-
bus nostris annis istis superioribus exceſſiſſe sine pace, uel cæ-
teris subueniatur qui supersunt, & diebus ac noctibus inge-
munt, & diuinam ac paternam misericordiā deprecantes,
solatium nostræ opitulationis exposcunt. Idcirco enim frater
charissime copiosum corpus est sacerdotum cōcordiæ mutue
glutine atq; unitatis uinculo copulatum, ut si quis ex collegio
nostro hæresim facere, & gregem Christi lacerare & uastare
tentauerit, subueniant cæteri, & quasi pastores utiles & mi-
sericordes, oues dominicas in gregem colligant. Quid enim si
in mari portus aliquis munitionibus suis ruptis infestus &
periculosus esse nauibus cœperit, non ne nauigantes ad pro-
ximos portus naues suas dirigunt, ubi sit tutus & salutaris in-
troitus, & statio segura? Aut si in uia stabulum aliquod obsi-
deri & teneri à latronibus cœperit, ut quisquis ingressus fue-
rit, insidiantium illhic infestatione capiatur, non ne commean-
tes, hac opinione comperta, stabula alia in itinere appetunt
tutiora, ubi sint fida hospitia & receptacula commeantibus
tuta? Quod neceſſe est: apud nos esse frater charissime debet,
ut fratres nostros, qui iactati Martiani scopulis petunt eccle-
siæ portus salutes, suscipiamus ad nos prompta & benigna
humanitate, & stabulum cōmeantibus præbeamus tale, quale

Sacerdotum
corpus cō-
copiosum.

Stabulū pro
dinerſorio.

- LUC. 10.** est in euangelio, quo à latronibus sauciati & uulnerati susci-
pi, et foueri, & tutari ab stabulario possint. Quæ est enim ma-
ior, aut melior cura præpositorum, quam diligenti sollicitu-
dine & medela salubri fouendis & conseruandis ouibus pro-
- Ex ec. 34.** uidere? cum Dominus loquatur & dicat: Quod infirmatū est,
non confortastis: & quod male habuit, non corroborastis: &
quod contribulatum est, non consolidastis: quod errauit, non
reuocastis: & quod periit, non inquisistis: & dispersæ sunt
oues meæ, eò quòd non sint pastores, & factæ sunt in come-
sturam omnibus bestiis agri, & non fuit qui inquireret, neque
qui reuocaret, propterea hæc dicit Dominus: Ecce ego super
pastores, & inquiram oues meas de manibus eorum, & auer-
tam eos, ut non pascant oues meas, & iam non pascent eas,
& extraham eas de ore eorum, & pascam eas cum iudicio.
Cum ergo pastoribus talibus per quos dominicæ oues negli-
guntur & pereunt, sic comminetur, quid nos aliud facere o-
portet frater charissime, quàm colligendis & resouendis Chri-
sti ouibus exhibere diligentiam plenam, & curandis lapso-
rum uulneribus paternæ pietatis adhibere medicinā, cū etiam
- Math. 9.** Dominus in Euangelio moneat & dicat: Non est opus sanis
medicus, sed male habentibus? Nam etsi pastores multi su-
mus, unum tamen gregem pascimus, & oues uniuersas quas
Christus sanguine suo & passione quæsiuit, colligere & fo-
uere debemus, nec pati supplices & dolentes fratres nostros
crudeliter despici, & superba quorundam præsumptione cal-
cari, cum scriptum sit: Ille autem qui contumax est uir sui ia-
ctans, nihil omnino proficiet, qui dilatauit tanquam infernus
animam suam: & eiusmodi omnes Dominus in Euangelio cul-
- LUC. 16.** pet & damnet, dicens: Vos estis qui iustificatis uos in cõspe-
ctu hominum, Deus autē dignoscit corda uestra, quoniā quod
excelsum est in hominibus, execratio est in cõspectu Dei. Exe-
crabiles & detestabiles dicit esse, qui sibi placeant, qui tumi-

di & inflati aliquid sibi arroganter assumant. Ex quibus cum Martianus esse coeperit, & se Nouatiano coniungens aduersarius misericordiae & pietatis extiterit, sententiam nō dicat, sed accipiat, nec sic agat quasi ipse iudicauerit de collegio sacerdotum, cum ipse sit ab uniuersis sacerdotibus iudicatus. Seruandus est enim antecessorum nostrorum beatorum martyrum Cornelij et Lucij honor gloriosus, quorum memoriam cum nos honoremus, multò magis tu frater charissime honorificare & seruare grauitate & autoritate tua debes, qui uicarius & successor eorū factus es. Illi enim pleni spiritu Domini & in glorioso martyrio cōstituti dandam esse lapsis pacem censuerunt, & poenitentia acta fructum communicationis & pacis negandum non esse literis suis signauerunt, quam rem omnes omnino ubique censuimus. Neque enim poterat esse apud nos sensus diuersus, in quibus unus esset spiritus, & ideo manifestum est eum spiritus sancti ueritatem cum cæteris non tenere, quem uidemus diuersa sentire. Significa planè nobis quis in locum Martiani Arclatae fuerit substitutus, ut sciamus ad quem fratres nostros dirigere & cui scribere debeamus. Opto te frater charissime semper bene ualere.

A R G. S E Q. E P I S T.

Maximi, Urbani, Sidonij, Macarij epist. ad Cyprianum fratrem Maximus, Urbanus, Sidonius, & Macarius SAL.

Erti sumus frater chariss. te quoque nobiscum pari uoto congaudere, quod nos habito consilio, utilitatibus ecclesiae et paci magis cōsules, omnibus rebus praeiudicatis, & iudicio Dei seruatis, cum Cornelio episcopo nostro pariter & cum uniuerso clero pacē fecisse, cū gaudio etiā uniuersae ecclesiae, prona etiam omnium charitate hoc factū his literis nostris scire certissimè debuisti. Oramus te frater charissime multis annis bene ualere.

Ad clerum de quibusdam presbyteris epistola,
qui temere pacē lapsis dederūt, necdum sedata perse-
cutione, & citra conscientiam episcoporum.

EPISTOLA XIII.

CYP. PRESBYTERIS ET DIA-

conis fratribus Salutem.



In patientiā meā tenui fratres chariss. quasi
uerendum silentiū nostrū proficeret ad ge-
tē. Sed cū quorundā imoderata et abrupta
presumptio temeritate sua & honorē mar-
tyrū, & cōfessorū pudorē, & plebis uniuersę
trāquillitatē turbare conetur, tacere ul-

Taciturnitas
nimia nocet.

trā non oportet, ne ad periculū & plebis pariter & nostrorū
taciturnitas nimia procedat. Quod enim nō periculum metue-
re debemus de offensa Domini, cum aliqui de presbyteris, nec
Euāgelij nec loci sui memores, sed neq; futurum Domini iudi-
cium, neq; nunc sibi prępositum episcopum cogitantes, quod
nunquā omnino sub antecessorib. factum est, cū contumelia &
contemptu prępositi totum sibi uindicent? atq; utinā nō pro-
strata fratrum nostrorū salute sibi omnia uindicarēt. Contume-
lias episcopatus nostri dissimulare & ferre possum, sicut dissi-
mulaui semper & pertuli. Sed dissimulandi nunc locus nō est,
quando decipitur fraternitas nostra à quibusdam uestrum, qui
dum sine ratione restituendę salutis plausibiles esse cupiunt,
magis lapsis obsunt. Summum enim delictum esse quod perse-
cutio committi coegit, sciunt ipsi etiam qui commiserūt, cum
dixerit Dominus & iudex noster: Qui in me confessus fue-
rit corā hominibus, confitebor & ego in illo corā patre meo
qui in coelis est. Qui autem me negauerit, & ego illum nega-
bo. Et iterum dicit: Omnia peccata remittentur filiis hominū
& blasphemię. Qui autē blasphemauerit in spiriū sanctum,

Dissimulan-
dum nonnun-
quam.

Luc. 12.

Mat. 3.

non habet remissionem, sed reus est æterni peccati. Item beatus
 Apostolus dixit: Non potestis calicem Domini bibere, & ca- 1. Cor. 10.
 licem demoniorum. Non potestis mensæ Domini communicare,
 & mensæ demoniorum. Hæc qui subtrahit fratribus nostris,
 decipit miseros, ut qui possunt agentes pœnitentiam ueram
 Deo patri ad misericordiã precibus & operibus suis satisfacere,
 seducantur, ut magis pereant: & qui erigere se possunt,
 plus cadant. Nam cum in minoribus peccatis agant peccato-
 res pœnitentiam iusto tempore, & secundum disciplinæ ordi-
 nem ad exomologesim ueniant, & per manus impositionem
 episcopi & cleri, ius communicationis accipiant, nunc crudo
 tempore persecutione adhuc perseverante, nondum restituta
 ecclesiæ ipsius pace, ad communicationem admittuntur, &
 offertur nomen eorum, & nondum pœnitentia facta, nondum
 exomologesi finita, nondum manu eis ab episcopo, aut clero
 imposita, eucharistia illis datur, cum scriptum sit: Qui ederit 1. Cor. 11.
 panem, aut biberit calicem Domini indigne, reus erit corporis
 & sanguinis Domini. Sed nunc illi rei nō sunt, qui minus scri-
 pturæ legem nouerunt. Erunt autem rei, qui præsumunt, & hæc
 fratribus non suggerunt, ut instructi à præpositis faciant om-
 nia cum Dei timore, & cum data ab eo & præscripta ob-
 seruatione. Exponunt deinde inuidiæ beatos martyres, &
 gloriosos seruos Dei, cum Dei sacerdote committunt, ut cum
 illi memores legis nostræ ad me literas direxerint, & petie-
 rint, tunc desideria singulorum examinari, & pacem dari,
 cum ipsa autem mater nostra pacem de misericordia Domini
 prior sumpserit, & uos diuina protectio reduces ad ecclesiam
 suam fecerit, hi sublato honore, quem nobis beati martyres
 cum confessoribus seruant, contempta Domini lege & obser-
 uatione, quam iidem martyres & confessores tenendam man-
 dant, ante extinctum persecutionis metum, ante reditū nostrū,
 ante ipsum penè martyrum excessum communicent cum lapsis

Puerorum ore
nonnunquam
Deus loqui-
tur.

et offerant, et eucharistiā tradāt. quando etiā si martyres p
calorem glorię minus scripturam contēplantes contra legem
Domini plus aliquid cuperent, à presbyteris et diaconis sug-
gerentibus admoneri deberent, sicut semper in pręteritis factū
est. Castigare nos itaque diuina censura nec noctibus desinit,
nec diebus. Pręter nocturnas enim uisiones, per dies quoq; im-
pletur apud nos spiritu sancto puerorū innocens ætas, quę in
extasi uidet in oculis, et audit, et loquitur ea quibus nos Do-
minus monere et instruere dignatur. Et audietis omnia quādo
me ad uos reducē fecerit Dominus, qui ut sederem iussit. Inte-
rim temerarij et incauti et tumidi quidam inter uos, qui ho-
minē non cogitant, uel Dominū timēt, sciētes quoniā si ultrā in
ijsdem persecrauerint utar ea admonitione, quā Dominus iu-
bet, ut iterim prohibeātur offerre, acturi et apud nos, et apud
confessores ipsos, et apud plebem uniuersam causam suā Do-
mino permittente, cū in sinuan matris ecclesię recolligi cōperi-
mus. De hoc et ad martyres, et cōfessores ipsos, et apud ple-
bē literas feci, quas utraq; legi uobis mādauī. Opto uos fra-
tres charissimi ac desideratissimi in Domino semper bene uale-
re, et nostri meminisse.

ARG. EPISTOLAE SEQ.

Ad martyres & confessores epistola, qui lapsis
petierunt pacem dari, ut eos nominatim libello assi-
gnent, & cauti desideria petentium ponderent.

EPISTOLA XV.

CYP R. MARTYRBVS ET

confessoribus charissimis fratribus SAL.

Olicitudo loci nostri, et timor Domini cōpellit,
s fortissimi ac beatissimi martyres, admonere uos
literis nostris, ut à quibus tā deuote et fortiter
seruatur fides Domini, ab ijsdem quoque lex et
disciplina Domini reſeruetur. Nam cum omnes milites Christi
custo

custodire oporteat præcepta imperatoris sui, tum uos magis præceptis eius obtemperare plus conuenit, qui exemplum cæteris facti estis & uirtutis, & timoris Dei. Et crediderā quidam presbyteros & diaconos, qui illhic præsentēs sunt, mone re uos & instruere plenissime circa Euāgelij legē, sicut & in præteritum semper sub antecessoribus nostris factū est, ut diaconi ad carcerem cōmeantes martyrum desyderia cōsilijs suis & scripturarum præceptis gubenarent, sed nunc cū maximo animi dolore cognosco, non tantum illhic non suggeri diuina præcepta, sed adhuc potius impediri, ut & ea quæ à uobis ipsis & circa Deum cautē, & circa sacerdotem Dei honorifice fiunt, à quibusdam presbyteris resoluātur, qui nec timorem Dei, nec episcopi honorē cogitantes, cum uos ad me literas direxeritis, quibus examinari desideria uestra & quibusdam lapsis pacem dari postulastis, cū persecutione finita conuenire in unum cum clero & recolligi cœperimus: Illi cōtra Euāgelij legem, uestram quoq; honorificam petitionem ante actam poenitentiam, ante exomologosim grauissimi atq; extremi delicti factam, ante manum ab episcopo & clero in poenitentiam impositam, offerre pro illis & eucharistiam dare: id est, sanctum Domini corpus profanare audeant, cū scriptum sit: Qui ederit panē, aut biberit calicem Domini indignē, reus erit corporis & sanguinis Domini. Et lapsis quidem potest in hoc uenia concedi. Quis non mortuus uiuificari properet? Quis nō ad salutem suā uenire festinet? Sed prapositorū est præceptum tenere, & uel properantes, uel ignorantes instruere, ne qui ouium pastores esse debēt, lanij fiant. Ea enim concedere, quæ in perniciem uertant, decipere est: nec erigitur sic lapsus, sed per Dei offensam magis impellitur ad ruinam. Vel ex uobis itaq; discant, quod docere debuerāt. Petitiones & desideria uestra episcopo seruent, & ad pacem uobis petentibus dandā maturum & pacatū tempus expectent. Ante est ut à Domino pa

1. Cor. II.

Matth. 7.

affectum, for
te.

1. Cor. 11.

cem mater prior sumat, tunc secundum uestra desideria de filiorum pace tractetur. Et quoniam audio fortissimi & charissimi fratres impudentia uos quorundam premi, & uerecundiam uestram uim pati, oro uos quibus possum precibus, uel Euangelij memores & considerantes, quæ & qualia in præteritum antecessores uestri martyres concesserint, quàm solliciti in omnibus fuerint, uos quoq; solliciti & cauti petentium desideria ponderetis, utpote amici Domini, & cum illo postmodum iudicaturi inspiciatis & actum, & opera, & merita singulorum, ipsorum quoq; delictorum genera & qualitates cogitetis, ne siquid abruptè & indigne uel à uobis promissum, uel à nobis factum fuerit, apud gentiles quoque ipsos ecclesia nostra erubescere incipiat. Visitanur & castigamur frequenter, & ut in nobis Domini mandata incorrupta & inuiolata permaneant, admonemur. Quod quidem nec illhic apud uos cessare cognosco, quò minus plurimos quoque ex uobis instruat ad ecclesiæ disciplinam diuina censura. Hoc autem totum potest fieri, si ea quæ à uobis petuntur, ne faciliè tribuantur, religiosa contemplatione moderemini, intelligentes & comprimentes, easq; personas accipientes in beneficijs uestris, ut aut gratificentur, aut illicitæ cogitationis nundinas aucupentur. De hoc ad clerum & ad plebem literas feci, quas utraq; uobis legi mandauit. Sed & illud ad diligentiam uestram redigere & emendare debetis, ut nominatim designetis eos quibus pacè dari desideratis. Audio enim quosdam sic libello inferi, ut dicatur: Cōmunicet ille cum suis. Quod nunquam omnino à martyribus factum est, ut cæca petitio inuidiam nobis postmodum cumulet. Latè enim patet quando dicitur, ille cum suis, & possunt nobis uiceni, & triceni, & amplius offerri, qui propinqui & affines, & liberti ac domestici esse asseuerentur eius qui accipit libellum, & ideo peto ut eos, quos ipsi uideatis & nostis, quorum poenitentiā satisfactioni proximam

cōspicitis, designetis nominatim libello, & sic ad nos fidei ac discipline cōgruētes literas dirigatis. Opto uos fortissimi ac dilecti. fratres in Dño semp bñ ualere, & nostri meminisse.

A R G. E P I S T. S E Q.

Significatio ad plebem, insinuans petitionem factam per martyres super lapsis, quæ priori epistola continetur.

E P I S T. X V I.

CYPR. FRATRIBVS IN PLE-

be consistentibus S A L.



Ngemiscere uos & dolere ruinas fratrum nostrorum ex me scio pariter & doleo, & patior ac sentio, quod beatus Apostolus dicit: Quis infirmatur, inquit, & ego non infirmor? Quis scādālizatur, et ego nō uror? Et iterum posuit in epistola sua, dicens: Si

2. Cor. 11.

patitur membrū unum, cōpatiuntur & cætera membra. Et si letatur membrum unū, & collatantur cætera membra. Conpatior ergo & condoleo fratribus nostris, qui lapsi, & persecutionis infestatione prostrati, & partem nostrorum uiscerū secum trahentes, acrem dolorem nobis suis uulneribus intulerunt. Quibus potens est diuina misericordia medelam dare, dū tamen non putent propere nec incaute aliquid & festinanter gerendum, ne si temere pax usurpetur, diuinæ indignationis offensa grauius pronocetur. Fecerunt ad nos de quibusdam beati martyres literas, petentes examinari desideria sua, cū pace nobis omnibus à Domino prius data, ad ecclesiam regredi cœperimus, examinabuntur singula præsentibus & iudicantibus uobis. Audio quosdā tñ de presbyteris, nec Euangelij memores, nec qd ad nos martyres scripserint cogitātes, nec episcopo honorem sacerdotij sui & cathedræ seruantes, iam cum lapsis communicare cœpisse, offerre pro illis, & Eucharistiam

1. Cor 12.

Oblatio pro
alijs.

dare, cum oporteat ad hæc per ordinem peruenire: Nam cum in minoribus delictis, quæ non in Deum committuntur, poenitentia agatur iusto tempore, & exomologesis fiat inspecta uita eius, qui agit poenitentiam, nec ad communicationem uenire quis possit, nisi prius illi ab episcopo & clero manus fuerit imposita, quanto magis in his grauissimis & extremis delictis cautè omnia & moderatè secundum disciplinam Domini obseruari oportet? Quos quidem nostri presbyteri & diaconi monere debuerant, ut commendatas sibi oues fouerent, & diuino magisterio ad uiam deprecandæ salutis instruerent. Ego plebis nostræ & quietem noui pariter & timorem in satisfactione Dei & deprecatione uigilare, nisi illos quidam de presbyteris gratificantes decepissent. Vel uos itaque singulos regite, & consilio ac moderatione uestra secundum diuina præcepta lapsorum animos tēperate. Nemo adhuc impotuno tempore acerba poma decerpit. Nemo nauem suam quasi satam & perforatam fluctibus prius quàm diligenter eam rescerit, in altum denuo committat. Nemo tunicam scissam accipere & induere potest, nisi eam ab artifice perito sartam uiderit, & à fullone curatam receperit. Audiant queso patiēter consilium nostrū, expectent nostrā regressionē, ut cum ad uos per Dei misericordiā uenerimus, conuocati coepiscopi plures secundum Domini disciplinam & confessorum præsentia beatorum martyrum literas, & desideria examinare possimus. De hoc ad clerum, & ad martyres, & ad confessores literas feci, quas utraq; legi uobis mandauī. Opto uos fratres charissimi ac desideratissimi in Domino semper bene ualere.

ARG. EPIST. SEQ.

Ad clerū epistola propter lapsos & catechumenos, ne uacui exirent.

EPISTOLA XVII.

Cyp. Presbyteris & diaconis fratribus salutem.



Iror uos fratres charissimi ad multas epistolas meas, quas uobis frequenter misi, nihil rescripsisse, cum fraternitatis nostræ uel utilitas uel necessitas sic utiq; gubernetur, si à uobis instructi rerū gerendarū consiliū linare possimus. Quoniam tñ uideo facultatem ueniendi ad uos nondum esse, & iam æstatem cœpisse, qd' tempus infirmitatibus assiduis et grauibus infestat, occurrēdū puto fratribus nostris, ut qui libellos à martyribus acceperunt, si incōmodo aliquo & infirmitatis periculo occupati fuerint, non expectent præsentiā nostrā, quin apud presbyteriam quemcunq; præsentem, uel si presbyter repertus nō fuerit, et urgere exitus cœperit, apud diaconū quoq; exomologesin facere delicti sui possint, ut manu eis in pœnitentiam imposita, ueniant ad Dñm cum pace, quam dari martyres literis ad nos factis desiderauerunt. Ceteram quoq; partem plebis quæ lapsa est, præsentiā uestra fouetote: & ut à fide & misericordia Domini non deficiant, uestro solatio focillate. Neque enim deferentur ab ope & auxilio Domini, qui mites & humiles, & pœnitentiam uerè agentes in bonis opinioneibus perseuerauerint, quò minus illis quoq; diuino remedio cōsuletur. Audientibus etiam si qui fuerint periculo præuenti, & in exitu constituti uigilantia uestra nō desit, implorantibus diuinam gratiam misericordia Domini non denegetur. Opto uos fratres charissimi semper bene ualere, & nostri meminisse. Fraternitatem uniuersam meo nomine salutate, & ut nostri meminerit rogate. Valet.

Et diaconus
accipit confessionem in
necessitate.

ARG. EPIST. SEQ.

Ad clerū epistola de his qui ad Eucharistiā festināt.

EPISTOLA XVIII.

CYPR. PRESBYTERIS ET DIACONIS
fratribus SALVTEM.



Egi literas uestras fratres charissimi, quibus scripsistis salubre consilium uestrum non deesse fratribus nostris, ut temeraria festinatione deposita, religiosam patientiam Deo præbeant: ut cum in unum per eius misericordiam uenerimus, de omnibus speciebus se-

Apoc. 2. cundum ecclesiasticam disciplinam tractare possimus: maxime cum scriptum sit: Memento unde excideris, et age penitentiam. Penitentiam agitur seruando ille autem agit, qui diuinis præceptis mitis et patiens, et sacer Dei mandata. dotibus Dei obtemperans, obsequijs suis et operibus iustis Do-

minum promeretur. Quoniam tamen significastis quosdam immoderatos esse, et ad communicationem accipiendam festinatè urgere: et desiderastis in hanc rem formam uobis à me dari, sciatis plenè scripsisse me ad hanc rem proximis literis ad uos factis. Credo ut qui libellum à martyribus acceperunt, et auxilio eorum adiuuari apud Deum in delictis suis possunt, si premi infirmitate aliqua et periculo cœperint, exomologesi facta, et manu eis à uobis in penitentiam imposita, cum pace à martyribus sibi promissa ad Dominum remittantur. Ceteri uerò qui nullo libello à martyribus accepto inuidiam faciunt: quoniam non paucorum, nec ecclesie unius, aut unius prouinciæ, sed totius orbis hæc causa est, expectent antè Domini protectione ecclesie ipsius publicam pacem: hoc enim et uerecun-

*Opinor legendum, omnium nostrum conueniet, ut presente, etc.

diæ et discipline et uitæ ipsi omnium nostrum conuenientes presente et stantium plebe, quibus et ipsis pro fide et timore suo honor habendus est, disponere omnia consilij communis religione possimus. Ceterum quam irreligiosum est, et ipsis quoque festinantibus perniciosum, ut cum extorres facti, et patria pulsi, ac bonis suis omnibus spoliati nondum ad ecclesiam redierint: quidam de lapsis confessores ipsos præuenire, et antè ad ecclesiam introire festinent. Qui si numium properant, habent in sua potestate quod postulant. Largiter acies adhuc ge-

ritur, & agon quotidie celebratur. Si cōmissi uerē & firmiter
pœnitent, & fidei calor prœualeat: qui disjēri non potest, potest
coronari. Opto uos fratres charissimi semper bene ualere, &
nostri meminisse. Fraternitatem uniuersam meo nomine saluta
te, & ut nostri memores sint, admonete. Valete.

A R G. E P I S T. S E Q.

Ad clerum epistola, non esse temere pacem dan
dam lapsis, & se solum idoneum ad dandū non esse.

E P I S T O L A XIX.

CYPR. PRESBYTERIS ET DIA
conis fratribus SALVTEM.



Ominus loquitur & dicit: Sup quē respiciā, Esa. 66.
nisi sup humilem et quietū, et tremētē ser
mones meos? Hoc cum debemus oēs esse,
tum huiū illi esse debent, qbus laborandū
est, ut post grauem lapsum uera pñia &
humilitate tota promereri Dñm possint.

Legi autē & uniuersorum confessorum literas, quas uoluerunt
per me collegis omnibus innotescere, & ad eos pacem à se da
tam peruenire. De qbus dum apud nos ratio consiterit, quid
post admissum egerint, quæ res cum omniū nostrum consiliū
& sniam spectet, præiudicare ego & solum mihi rem cōmu
nem uendicare non audeo. Et ideo instetur epistolis, quas pro
xime feceram: quarum exemplum collegis quoq; iam misi, qui
perscripserunt placere sibi qd statuimus: nec ad uos receden
dum esse, donec pace nobis à Dño reddita in unum conuenire,
& singulorum causas examinare possimus. Sed qd mihi Caly
donius collega meus scripserit, quidq; ei rescripserim, ut scire
tis, utriusq; epistolæ exemplum literis meis iunxi: quod totum
peto fratribus legatis, ut magis ac magis ad pœnitentiam com
ponantur: nec delicto priori adijciant adhuc aliud delictum,
dum nobis nec Euangelio seruire: nec secundum uniuersorum

confessorum literas causas suas examinare permittunt. Opto uos fratres charissimi semper bene ualere, & nostri meminisse. Fraternitatem uniuersam salutate.

A R G. EPIST. SE Q.

Ad Calydonium episcopum epistola, insinuans quid super lapsis egerit.

EPISTOLA XX.

CYPR. CALYDONIO FRATRI .S.



Ccepimus lras tuas frater charissime satis sobrias et integritatis ac fidei plenas. Nec miramur si exercitatus et in scripturis dñi cis peritus caute oia et consulte geras. Re ste aut sensisti circa impertitam fratribus nostris pacē, quā sibi ipsi uera pñia et dñi cæ cōfessionis gloria reddiderūt sermonibus suis iustificati, quibus se antē danauerant. Cū ergo abluerint omne delictū, et maculā primā assistente sibi Dño posteriore uirtute deleuerint, iacere ultra sub diabolo quasi pstrati nō debēt, q̄ extorres facti, et bonis suis oibus spoliati crexerunt se, et cū Christo stare cœperūt. Atq; utinā sic et ceteri post lapsum pœnitētes in statum pristinū reformētur: quos nūc urgētes et pacē temere atq; īportunē extorquētes, quō disposuerimus ut scires, librū tibi cū epistolis numero qnq; misi: quas ad clerū, et ad plebem, et ad martyres quoq; et cōfessores feci. Quæ epistolæ etiā plurimis collegis nostris missæ placuerūt, et rescripserūt se quoq; nobiscū in eodē consilio secundum catholicam fidem stare. Quod ipsum etiā tu ad collegas nostros, quos potueris, trāsmittes, ut apud omnes unus actus & una consensio secūdum Domini præcepta teneatur. Opto te frater charissime semper bene ualere.

A R G. EPIST. SE Q.

Ad clerum Romę consistentem epistola insinuās se ab eo de morte collegę sui certio rem redditum.

EPISTOLA XXI.

CYPR. PRESBYTERIS ET DIACO

nis Romæ consistentibus fratribus SAL.



Vm de excessu boni uiri collegæ mei ru-
 mor apud nos incertus esset fratres charis-
 simi, & opinio dubia nutaret, accepi à uo-
 bis literas ad me missas per * Clementē hy-
 podiaconū: quibus plenissime de glorioso
 eius exitu instruerer. Et exultauī satis, q̃
 pro integritate administrationis eius consummatio quoq; ho-
 nestā processerit. In quo uobis quoq; plurimum gratulor, q̃
 eius memoriam tam celebri & illustri testimonio prosequami-
 ni: ut per uos innotesceret nobis, quod et uobis esset circa præ-
 positi memoriam gloriosum, & nobis quoq; fidei ac uirtutis
 præberet exemplum. Nam quantum perniciosa est ad sequen-
 tium lapsum ruina præpositi, in tantum contra utile est & salu-
 tare, cum se episcopus per firmitatē fidei fratribus præbet
 imitandum. Legi etiam alias literas, in quibus nec quis scripse-
 rit, nec ad quos scriptum sit, significatē expressum est: Et quo-
 niam me in iisdem literis & scriptura, & sensus, & chartæ ip-
 se quoq; mouerunt, nequid ex uero uel subtractum sit uel im-
 mutatum, eandem ad uos epistolam autenticam remisi, ut reco-
 gnoscatis an ipsa sit quam * Clementi hypodiacono perferen-
 dam dedistis: per quam etenim graue est, si epistolæ clericæ ue-
 ritas mendacio aliquo & fraude corrupta est. Hoc igitur ut sci-
 re possimus & scripturam & subscriptionem, an uestra sit re-
 cognoscite, & nobis quid sit in uero rescribite. Opto uos fra-
 tres charissimi semper bene ualere.

* alias Cre-
mentium.

Præpositi' ni-
ta, subditorū
regula.

* alias, Cre-
mentio.

A R G. EPIST. SE Q.

Ad clerum EPISTOLA XXII.

CYPR. PRESBYTERIS ET DIA-

conis fratribus SALVTEM.



Equid cōscientiam uestram lateret fratres charissimi, quid mihi scriptum sit, utriusq; epistolæ exemplū uobis misi: & credo uobis id qd' rescripsi, non displicere. Sed & illud ad uos perferre literis meis debui, urgente causa clero in urbe cōsistenti literas me misisse: et quoniā oportuit me per clericos scribere: scio autē nostros plurimos absentes esse: paucos uerō, qui illhic sunt, uix ad ministeriū quotidianū opis sufficere: necesse fuit nouos aliquos cōstituere, q̄ mitterētur. Fecisse autē me sciatis lectorem Saturnū, & hypodiaconū Optatum cōfessorem: quos iam pridem cōmuni consilio clero proximo feceramus, qñ aut Saturno die paschæ semel atq; iterū lectionē dedimus: aut Optato cū presbyteris doctorib; lectoribus doctorē audiētū cōstituimus, examinantes an cōgruerent illis oīa: quæ esse deberent in his, qui ad clerum parabantur. Nihil ergo à me absentibus uobis nouum factum est: sed quod iam pridem communi consilio omnium nostrum cōperat, necessitate urgente promotum est.

ARG. EPIST. SEQ.

Ad Fortunatū & ceteros epistola, de his qui per tormenta superantur.

EPITOLA XXIII.

CYPR. FORTVNATO, HAYMO, OPTATO, Priuatiano, Donatulo & Felici fratribus SAL.

Scripsistis fratres charissimi, q̄ cum in Capsente ciuitate propter ordinationem episcopi essetis, pertulerit ad uos nuper frater & collega noster, Ninum, Clementianum, Florum fratres nostros, qui in persecutione apprehensi prius fuerant, & nomen Domini confessi uiolētiam magistratus & populi fremen-
tis impetum uicerant: postmodum cum apud proconsulē pœnis grauib; excruciantur, ui tormentorum subactos esse,

Et de gradu gloriæ, ad quam plena fidei uirtute tendebant, diu
 turnis cruciatibus excidisse, nec tamen post hunc grauem la-
 psus non uoluntate, sed necessitate susceptum à pœnitentiâ
 agenda per hoc triennium deslitisse: de quibus consulendum
 putastis an eos ad communicationem iam fas esset admittere.
 Et quidem quantum ad mei animi sententiam pertinet, putô
 his indulgentiam Domini non defuturam, quos constat stetitisse
 in acie, nomē Domini cōfessos esse, uiolentiam magistratum,
 Et populi furentis incursum immobilis fidei obstinatione uis-
 cisse, passos esse carcerem diu, inter minas præconsulis Et fre-
 mitum populi circumstantis, tormentis laniantibus ac longa
 iteratione cruciantibus repugnasse: ut quod in nouissima in-
 firmitate carnis subactum uidetur, meritorum præcedentium
 defensione releuetur: Et sit satis talibus gloriam perdidisse, nō
 tamen debere nos eis Et ueniæ locum claudere, atq; eos à pa-
 terna pietate, Et à nōstra cōmunicatione priuare, quibus exi-
 stimamus ad deprecandam clemētiā Domini posse sufficere,
 quod triēnio iugiter ac dolenter, ut scribitis, cum summa pœ-
 nitentiæ lamentatione planxerunt. Certē non puto incautē Et
 temere his pacem committi, quos uidemus militiæ suæ fortitu-
 dine nec prius pugnæ defuisse: Et si acies etiam denuo uene-
 rit, gloriam suam posse reparare. Nam cum in cōsilio placue-
 rit pœnitentiā agentibus infirmitatis periculo subueniri Et
 pacem dari, debent utiq; in accipienda pace præcedere, quos
 uidemus non animi infirmitate cecidisse, sed in prælio cōgres-
 sos Et uulneratos per imbecillitatem carnis confessionis suæ
 coronam non potuisse perferre, maxime cum cupientibus mo-
 ri non permetteretur occidi, sed tādū fessos tormēta laniarent,
 quādiu non fidem, quæ inuicta est, uincerent, sed carnem, quæ
 infirma est, fatigarent. Quoniā tamen scripsistis, ut cum plu-
 ribus collegis de hoc ipso plenissimo tractem, Et res tanta exi-
 git maius Et impensius de multorum collatione consilium, Et

Veniæ uia o-
 mnibus patet

55
 1551

nunc omnes serè inter paschæ prima solennia apud se cum fratribus demoratur, cum solennitati celebrande apud suos satisfecerint, & ad me uenire coeperint, tractabo cū singulis plenius, ut de eo quod consuluistis, figatur apud nos, & rescribatur uobis firma sententia, à multorum sacerdotum cōsilio ponderata. Opto uos fratres charissimi semper bene ualere.

A R G. EPIST. SEQ.

Ad clerum, ut curam pauperum & peregrinorū diligentiores habeant.

EPISTOLA XXIII.

CYPR. PRESBYTERIS ET DIA-

conis fratribus charissimis SAL.



Saluto uos fratres charissimi per Dei grām incolumis optās citò ad uos uenire, ut desiderio tām meo q̄ uestro oīum fratrum satisfiat. Oportet uos tū paci cōmuni cōsulare, et interdū quis cū tēdio animi nr̄i deesse uobis, ne p̄ntia nr̄i inuidiā et uiolentiā gentiliū p̄uocet: et simus auctores rūpēdæ pacis, q̄ magis geti oīum cōsulere debemus. Cū ergo uos scripseritis rebus cōpositis me uenire debere: aut si antē Dñs dignatus fuerit ostēdere, tunc ad uos ueniā. Vbi. n. mihi aut melius possit esse? Infirmoriam et oīum pauperū curā peto diligenter habeatis: sed et peregrinis, si qui indigētes fuerint, sumptus suggeratis de quātitate mea p̄pria, quā apud Rogatianum cōpresbyterū nostrū dimisi, quæ quantitas, ne fortē iam uniuersa erogata sit, nisi eidē p̄ Naricū acoluthū aliā portionē, ut largus et p̄optius circa laborātes fiat operatio. Opto uos fratres charissimi semper bene ualere.

A R G. EPIST. SEQ.

Ad martyres & cōfessores ep̄la, in qua uirtutū suarum laudem miris p̄conijs attollens: quęcunq; patiantur, mystice ad futuram gloriam interpretatur.

Pauperum cōmendatio.

EPISTOLA XXV.

CYPR. NEMESIANO, FELICI, LV-
cio, & alteri Felici, Litteo, Polyano, Victori, Laderi, &
Datiuo coepiscopis: item compresbyteris, & diaconis in
metallo constitutis martyribus Dei patris omnipotentis, &
IESV Christi Domini & Dei conseruatoris nostri, eter-
nam SALVTEM.

g Loria quidem uestra poscebat beatissimi ac dile-
ctissimi fratres, ut ad conspectū atq; ad comple-
xum uestrū uenire ipse deberē, nisi me quoq; ob
confessionem nominis Christi relegatum præfi-
niti loci termini coercerent. Sed quomodo possum represento
me uobis, & ad uos etiam si corpore & gressu uenire nō da-
tur, dilectione tamen & spiritu uenio, exprimens literis ani-
mum meum, quo in istis uirtutibus & laudibus uestris letus
exulto, participem me computans uobis, etsi non passione cor-
poris, tamen cōsortio charitatis. An ego possum tacere, & uo-
cem meam silētio premere, cum de charissimis meis tam multa
& gloriosa cognoscam, quibus uos diuina dignatio honora-
uit, ut ex uobis pars iam martyrij sui consummatione præces-
serit meritorum suorum coronam de Domino receptura, pars
adhuc in carceris claustris, siue in metallis & uinculis demo-
retur, exhibens per ipsas suppliciorum moras corroborandis
fratribus & armandis maiora documenta, ad meritorum titu-
los ampliores tormentorum tarditate proficiens, habitura tot
mercedes in coelestibus præmijs, quot nunc dies numerantur
in pœnis? Quæ quidem uobis fortissimi ac beatissimi fratres
pro merito religionis ac fidei uestre accidisse non miror, ut
uos sic Dominus ad gloriosum & sublime fastigium clarifica-
tionis suo honore prouexerit, qui semper in ecclesia eius cu-
stodito fidei tenore uigistis, conseruantes firmiter domina-
ta mandata. In simplicitate innocentiam, in charitate concordia,

Dilectione &
spiritu absen-
tes coniungun-
tur.

Tormētis præ-
mia crescunt.

Martyrū laus

modestiam in humilitate, diligentiam in administratione, uigilantiam in adiuuandis laborantibus, misericordiam in fouendis pauperibus, in defendenda ueritate constantiam, in discipline seueritate censuram. Ac ne aliud ad exemplum bonorum factorum deesset in uobis, etiam nunc in confessione uocis et passione corporis fratrum mentes ad diuina martyria prouocatis, duces uos exhibendo uirtutis, ut dum grex pastores suos sequitur, et quod fieri a praepositis cernit, imitatur, paribus obsequiorum meritis a Domino coronetur. Quod autem suis sibus cæsi prius grauitur et afflicti per eiusmodi poenas iniustis confessionis uestrae religiosa primordia, execranda nobis ista res non est. Neque enim ad sustinens Christianum corpus expauit, cuius est spes omnis in ligno. Sacramentum salutis suae Christi seruus agnouit, redemptus ligno ad uitam aeternam, ligno profectus est ad coronam. Quid uero mirum si uasa aurea et argentea in metallum, id est, auri et argenti domicilium dati estis, nisi quod nunc metallorum natura conuersa est, locaque quae aurum et argentum dare ante consueuerat, accipere ceperunt: imposuerunt quoque compedes pedibus uestris, et membra felicia ac Dei templa infamibus uinculis ligauerunt, quasi cum corpore ligetur et spiritus, aut aurum uestrum ferri contagione maculetur. Dicatis Deo hominibus et fidem suam religiosa uirtute testantibus, ornamenta sunt ista, non uincula: nec Christianorum pedes ad insaniam copulant, sed clarificant ad coronam. O pedes feliciter uincti, qui non a fabro, sed a Christo soluuntur. O pedes feliciter uincti, qui itinere salutari ad paradysum diriguntur. O pedes in seculo ad praesens ligati, ut sint semper apud Dominum liberi. O pedes compedibus et ira aduersarii interim contabundi, sed celeriter ad Christum glorioso itinere cursuri. Quantum uidet hic uel inuida crudelitas uel maligna, nexibus uos suis et uinculis teneat, cito a terris et poenis istis ad caelorum regna perue-

Christianorum
spes in ligno.

Vincula martyrum
ornamenta apud deum.

Consolatio.

nietis. Non fouetur in metallis lecto & culcitris corpus, sed
 refrigerio & solatio Christi fouetur. Humi iacent fessa labo-
 ribus uiscera, sed poena non est cum Christo iacere. Squalent
 sine balneis membra situ & sorde deformia, sed spiritualiter
 intus abluuntur, quod foris carnaliter sordidatur. Panis illhic
 exiguus: At non in pane solo uiuit homo, sed in sermone Dei.
 Vestis argentibus deest: Sed qui Christum induit, & uestitus
 abundanter & cultus est. Semitonfi capitis capillus horrescit,
 sed cum sit caput uiri Christus, qualecunq; caput illud deceat
 necesse est, quod ob Domini nomen insigne est. Omnis ista de-
 formitas detestabilis & * tetra gentilibus quali splendore pen-
 sabitur? Secularis hæc & breuis poena, quam clara & ater-
 ni honoris mercede mutabitur, cum secundum beati Apostoli
 uocem transformauerit Dominus corpus humilitatis nostræ
 confirmatum corpori claritatis suæ: Sed nec in illo fratres di-
 lectissimi aliqua potest aut religionis, aut fidei iactura sen-
 tiri, quod illis nunc sacerdotibus Dei facultas non datur offe-
 rendi & celebrandi sacrificia diuina. Celebratis modò atque
 offerentis sacrificium Deo & pretiosum pariter & gloriosum,
 & plurimum uobis ad retributionem præmiorum celestium
 profuturum, cum scriptura diuina loquatur & dicat: Sa-
 crificium Deo spiritus contribulatus, cor contritum & humi-
 liatum Deus non despicit. Hoc uos sacrificium Deo offeren-
 tis, hoc sacrificium sine intermissione die ac nocte celebratis,
 hostiæ facti Dei & uosmetipsos sanctas atque immaculatas
 uictimas exhibentes, sicut Apostolus adhortatur & dicit:
 Oro ergo uos fratres per misericordiam Dei, ut constitu-
 tis corpora uestra hostiam uiuam, sanctam, Deo placen-
 tem, nec configuremini seculo huic, sed transformemini
 in renouatione sensus, ad probandum quæ sit uoluntas Dei
 bona & placens, & perfecta. Hoc est enim, quod præcipue
 Deo placeat, hoc est, in quo maioribus meritis ad prome-

Deut. 3.

Luc. 4.

alias, facta
 Poena breuis,
 quam manet
 merces ater-
 na.

Oblatio.

Psal. 50.

Roma. 12.

rendam Dei uoluntatem opera nostra proueniant, hoc est quod solum Domino de beneficijs eius grandibus & salutari-
 bus fidei ac deuotionis nostræ obsequia retribuunt, prædican-
 te in Psalmis & contestante spiritu sancto : Quid retribuam,
 Psal. 115. inquit, Domino pro omnibus quæ retribuit mihi? Calicem sa-
 lutaris accipiam, & nomen Domini inuocabo. Pretiosa in cō-
 spectu Domini mors iustorum eius. Quis nō libetè & prom-
 ptè calicem salutis accipiat? quis non appetat gaudebundus
 & letus in quo aliquid & ipse Domino suo retribuatur? quis
 non pretiosam in conspectu Dei & fortiter & cōstanter mor-
 tem excipiat, compliciturus eius oculis, qui nos in congressio-
 ne nominis sui desuper spectans uolentes comprobatur, adiuuat
 dimicantes, uincentes coronatur, retributione pietatis paternæ
 remunerans in nobis quicquid ipse præstitit, & honorans
 quod ipse perficit? ipsius enim esse quod uincimus, & quod
 ad maximi certaminis palmam subacto aduersario perueni-
 mus, declarat & docet Dominus in Euangelio suo, dicēs: Cum
 autem uos traiderint, nolite cogitare quomodo aut quid lo-
 quamini: dabitur enim uobis in illa hora quid loquamini.
 Non enim uos estis qui loquimini, sed spiritus patris uestri
 qui loquitur in uobis. Et iterum: Ponite in cordibus uestris
 non præmeditari excusare. Ego enim dabo uobis & os &
 Luc. 21. αὐτολογίαί-
 σθησεται. sapientiam, cui non poterunt resistere aduersarij uestri. In
 quo quidem & credentium magna fiducia est, & culpa gra-
 uissima perfidorum, nec credere ei qui se opem suam daturum
 confitentibus pollicetur, nec rursus eum timere qui æternam
 poenam negantibus comminatur. Quæ uos tanta omnia for-
 tissimi ac fidelissimi milites Christi insinuastis fratribus no-
 stris, implentes factis quod uerbis antè docuistis, futuri maxi-
 mi in regno cælorum pollicente Domino & dicente: Qui se-
 cerit & sic docuerit, maximus uocabitur in regno cælorum,
 Denique exemplum uestrum secuta multiplex plebis portio
 confessā

Sua dona co-
 ronatur in po-
 nis.

Matth. 23.

Luc. 21.
 αὐτολογίαί-
 σθησεται.

Matth. 5.

confessa est uobiscum pariter, & * pariter coronata est, con-
 nexa uobis uinculo fortissimæ charitatis, & à præpositis suis
 nec carcere, nec metallis separata. Cuius numero nec uirgines
 defunt, quibus ad sexagenarium fructus centenus accessit,
 quasq; ad cœlestem coronâ gloria geminata prouexit. In pue-
 ris quoque uirtus maior ætate annos suos confessionis laude
 transcendit, ut martyrij uestri beatum gregem & sexus &
 ætas omnis ornaret. Qui nunc nobis dilectissimi fratres con-
 scientiæ uictoris uigor? quæ sublimitas animi? quæ in sensu
 exultantia? qui triumphus in pectore, unumquëq; uestrum sta-
 re ad promissum Dei præmium, de Iudicij die esse securum?
 ambulare in metallo, captiuo quidē corpore, sed corde regnan-
 te? scire Christum secum esse præsentem, gaudentem toleran-
 tia seruorum suorum per uestigia & uias suas ad regna æter-
 na gradientium? Expectatis quotidie læti professionis uestre
 salutarem diem, & iam, iamq; de seculo recessuri ad martyru
 munerâ & domicilia diuina properatis, post has mundi te-
 nebras uisuri candidissimam lucem, & accepturi maiorem
 passionibus omnibus & conflictationibus claritatem, Aposto-
 lo contestante & dicente: Non sunt condignæ passionibus hu-
 ius temporis ad superuenturam claritatem quæ reuelabitur in
 nobis. Planè quia nunc uobis in precibus efficacior sermo
 est, & ad impetrandum quod in pressuris petitur facilius ora-
 tio est: petite impensius, & rogate ut confessionem omnium
 nostrum dignatio diuina consummet, ut de istis tenebris &
 laqueis mundi nos quoque uobiscum integros & gloriosos
 Deus liberet, ut qui hic charitatis & pacis uinculo copulati,
 contra hæreticorum iniurias & pressuras gentilium simul ste-
 timus, pariter in regnis cœlestibus gaudeamus. Opto uos fra-
 tres charissimi ac dilectissimi in Domino bene ualere, & no-
 stri semper & ubiq; meminisse.

Rom. 8.

Tertij libri epistolarum finis.

DIVI CAECILII CYPRIANI EPI-
SCOPI CARTHAGINENSIS
EPISTOLARVM LI-
BER IIII.

ARG. SEQ. EPIST.

Epistola beati Cypriani ad Seagrium & Rogatianum in carcere constitutos consolatoria, ut charitatis futurę gloriam cogitantes, pressuras omnes uiriliter calcent.

EPISTOLA I.

CYPRIANVS SEAGRIO ET ROGATIANO iuniori, & cæteris confessoribus in Domino perpetuam Salutem.



ALVTO uos fratres chariss. optans ipse quoq; conspectu uestro frui, si me ad uos peruenire loci conditio permetteret. Quid enim mihi optatius & letius possit accidere, quā nūc uobis inherere, ut cōplecteremini me manibus illis, quę purę & innocētes et dominicā fidē seruātes, sacrilega obsequia respuerūt? Quid iucūdius & sublimius quā osculari nūc ora uestra, quę gloriosa uoce Dñm confessa sunt, cōspici etiam præsenti oculis uestris, qui despecto seculo, conspiciendo Deo digni extiterunt? Sed quoniam huic lætitię interesse facultas nō datur, has pro me ad aures & ad oculos uestros uicarias literas mitto, quibus gratulor & exhortor pariter, ut in confessione cœlestis glorię fortes & stabiles perseueretis, & ingressi uiam dominicę dignationis ad accipiendam coronam spiritali uirtute pergatis, habētes Dominū protectorem & ducē, qui dixit: Et ecce ego uobiscum sum omnibus diebus, usq; ad consumma

tionem mundi. O beatum carcerem, quem illustrauit uestra
 presentia, O beatū carcerem, qui homines Dei mittit ad cœ-
 lum. O tenebras lucidiores sole ipso, & luce hac mūdi clario-
 res, ubi modo constituta sunt Dei templa, & sanctificata diui-
 nis cōfessionibus membra uestra. Nec quicquam nunc uersa-
 tur in cordibus & mentibus uestris, nisi diuina praecepta &
 mandata cœlestia, quibus uos ad tolerantiam passionis spiri-
 tus sanctus semper animauit. Nemo mortem cogitat, sed im-
 mortalitatem: nec temporariam pœnam, sed gloriam sempi-
 ternam, cum scriptum sit: Pretiosa est in conspectu Dei mors *Psal. 115.*
 iustorum eius. Et iterum: Sacrificium Deo spiritus cōtribula-
 tus, cor contritum & humilitatum Deus non despicit. Et ite-
 rum ubi loquitur scriptura diuina de tormentis quæ marty-
 res Dei consecrant, & in ipsa passionis probatione sanctifi-
 cant: Etsi coram hominibus tormenta passi sunt, spes illorum
 immortalitate plena est. Et in paucis uexati, in multis bene
 disponentur, quoniam Deus tentauit illos, & inuenit illos di-
 gnos se. Tanquam aurum in fornace probauit illos, & quasi
 holocausti hostiam accepit illos, & in tempore erit respectus *Sap. 3.*
 illorum. Fulgebunt iusti, & tanquam scintillæ in arundinetis
 discurrent, iudicabunt nationes & dominabuntur populis, &
 regnabit Dominus eorū in perpetuum. Quando ergo iudicatu-
 ros uos et regnaturos cū Christo Domino cogitatis, exultetis
 necesse est, & futurorum gaudio præsentia supplicia calcetis,
 scientes ab initio mundi sic institutū, ut laboret isthic in secu-
 lari conflictatione iustitia, quando in origine statim prima
 Abel iustus occiditur: & exinde iusti quique & prophetae, & *Gene. 4.*
 Apostoli missi, quibus omnibus Dominus quoque in se ipso cō-
 stituit exemplum, docens ad suum regnum non nisi eos qui
 se per suam uiam secuti sint, peruenire, dicens: Qui amat ani-
 mam suam in hoc seculo, perdet illam. Et qui odit animā suam
 in isto seculo, in uitam æternam conseruabit illam. Iterum:

Matth. 10. Nolite timere eos qui occidunt corpus, animam uerò nō possunt occidere. Magis autē metuite eum qui potest & animam & corpus occidere in gehenna. Paulus etiam nos adhortatur, ut qui ad Domini promissa uenire cupimus, imitari Dominum.

Rom. 8. in omnibus debeamus. Sumus, inquit, filij Dei: si autem filij, & heredes: heredes quidē Dei, coheredes autē Christi, si quidē cōpati mur, ut sic cōmagnificemur. Addit etiam cōparationem præsētis tēporis, & futuræ claritatis, dicens: Non sunt condignæ pāsiones huius tēporis ad superuenturā claritatem, quæ reuelabitur in nobis. Cuius claritatis gloriam cogitantes, pressuras omnes & persecutiones tolerare nos conuenit, quia etsi sunt multæ pressuræ iustorum, ex omnibus tamen liberantur, qui in Domino cōfidunt. Beatas autē scēminas saluto quæ uobiscum sunt in eadē cōfessionis gloria constitutæ, quæ dominicam fidem tenētes, & sexu suo fortiores, non solum ipsæ ad coronā proximæ sunt, sed & cæteris quoq; scēminis exemplum de sua cōstantia præbuerunt. Ac nequid deesset ad gloriam numeri uestri, ut omnis uobiscum sexus & ætas esset in honore, pueros etiam uobis gloriosa cōfessione sociauit di-

Ananias. gnatio diuina, repræsētans nobis tale aliquid, quale Ananias,

Azarias. Azarias & Misahel illustres pueri aliquādo fecerunt, quibus

Misahel. inclusis in camino cesserunt ignes, & refrigerium flammæ dederunt, præsente cū illis Domino, & probante quòd in cōfessores & martyres eius nihil posset gehennæ ardor operari, sed qui in Deum crederent, incolumes semper in omnibus perseuerarent. Et ut consideretis diligentius peto pro uestra religione, quæ apud illos pueros fides fuerit, quæ promereri Dominū plenius potuit. Ad omnia enim parati; sicut nos esse debemus, aiunt regi Nabuchodonosor: Rex, non opus est nobis de hoc uerbo respondere tibi. Est enim Deus, cui nos seruimus, potens eripere nos de camino ignis ardentis, & de manibus tuis rex, liberabit nos, et si non, notum sit tibi quoniam

Dan. 3.

dijs tuis non seruimus, & imaginem auream quam statuisti, non adoramus. Cum se & crederent; & pro fide sua scirent posse etiam de presenti supplicio liberari, iactare hoc tamen & uindicare sibi noluerūt, docentes quòd non eis minor esset confessionis uirtus sine testimonio passionis, addiderunt posse omnia Deum facere. se tamen non in hoc fidere, ut liberari in presenti uellent, sed illam libertatis, & securitatis æternæ gloriam cogitarent. Quam fidem nos quoq; retinentes, & die ac nocte meditantes toto corde ad Deum prompti cōtemptu præsentium futura tantummodo cogitemus, fructum regni æterni, complexum & osculum & conspectum Dei, ut sequamini in omnibus Rogatianū presbyterum gloriosum senem, uia nobis ad gloriam temporis nostri gloriosa uirtute & diuina dignatione faciētem, qui cum Felicissimo fratre nostro quieto corde semper & sobrio excipiēs furentis populi impetū, primū hospitium uobis in carcere præparauit, & metator quodammodo uester, nunc quoq; uos antecedit. Quod ut cōsummetur in uobis assiduīs orationibus Dñm deprecamur: ut initijs ad summa pergentibus quos confiteri fecit, faciat & coronari. Opto uos fratres charissimi ac beatissimi in Domino semper bene ualere, & ad coronam cœlestis gloriæ peruenire.

A R G. E P I S T. S E Q.

Ad Antonianum de Nouatiano schismatico epistola, in qua declarat qd erga lapsos egerit, ac docet neminem à pœnitentia agenda debere prohiberi.

E P I S T O L A II.

CYPR. ANTONIANO FRATRI SAL.

Ccepimus primas literas tuas frater charissime, concordia collegij sacerdotalis firmiter obstringentes, & catholicæ ecclesiæ coherentes, quibus significasti cum Nouatiano te non cōmunicare, sed sequi cōsiliū nostrum, & cum Cornelio cōepisco-

po nostro unum tenere consensum. Scripsisti etiam, ut exemplum earundem literarum ad Cornelium collegam nostrum transmitterem, ut deposita omni solitudine iam sciret te secum, hoc est, cum catholica Ecclesia communicare. Sed enim superuenerunt postmodum aliæ literæ tuæ per Quintum compresbyterum missæ, in quibus animaduerti animum tuum Nouatiani literis motum nutare coepisse. Nam cum & consilium & consensum firmiter tuum antè fixisses, desiderasti in his literis, ut rescriberem tibi quam hæresim Nouatianus introduxisset, uel Cornelius qua ratione Trophimo & thurificatis communicet. Quòd quidem si pro solitudine fidei anxie curas, & rei dubiæ ueritatem sollicitus exploras, reprehendenda non est in timore diuino æstuantis animi solitudo suspensa. Quoniam tamen uideo post primam sententiam epistolæ tuæ Nouatiani literis postmodum te esse commotum: illud frater charissime primo in loco pono, graues uires, & semel super petram robustam solida stabilitate fundatos, non dico aura leui, sed nec uento aut turbine commoueri, ne animus dubius & incertus uarijs opinionibus, uelut quibusdam uentorum incursantium flatibus, frequenter agitur, & à proposito quoque suo quadam leuitatis reprehensione ne mutetur. Quod ne apud te uel apud quenquam Nouatiani literæ faciant, ut desiderasti frater, rationem rei tibi breuiter exponam, & quidem primum (quoniam de meo quoque actu motus uideris) mea apud te & persona, & causa purganda est, ne me aliquis existimet à proposito meo leuiter recessisse. Et cum Euangelij primò uigorem & inter initia defenderim, postmodum uidear animum meum à disciplina & censura priore flexisse, ut his, qui libellis conscientiam suam maculauerint, uel nefanda sacrificia commiserint, laxandam pacem putauerim. Quod utrumque non sine librata diu & ponderata ratione à me factum est. Nam cum acies adhuc

Cyprianus se
purgat.

Motati consi-
lij ratio.

inter manus esset, & prælium gloriosi certaminis in persecutione firueret, toto hortatu, & pleno impetu militum uires fuerunt excitandæ, & maximè lapsorum mentes classico quodam nostræ uocis animandæ, ut poenitentiae uiam non solum precibus, sed & lamentationibus sequerentur, sed (quoniam repetendi certaminis & reparandæ salutis datur occasio) ad confessionis potius ardorem, & martyrij gloriam nostris increpiti uocibus prouocarentur. Denique cum de quibusdam ad me presbyteri & diaconi scripsissent, eos immoderatos esse, & ad communicationem accipiendam festinanter urgere, rescribens eis in epistola mea quæ hic extat, & hoc addidi: Qui si nimium properant, habent in sua potestate quod postulant. tempore ipso sibi plus, quam postulant largiente. Acies adhuc geritur, & agon quotidie celebratur. Si commissi uere & firmiter poenitet, et fidei calor præualeat, qui differri non potest, potest coronari: de eo tamen quod statuendum esset circa causam lapsorum distuli, ut cum quies & tranquillitas data esset, & episcopis in unum conuenire indulgentia diuina permetteret, tunc communicato & librato de omnium collatione consilio, statueremus quid fieri oporteret. Siquis uerò ante consilium nostrum, et ante sententiam de omnium consilio statutam lapsis temere communicare uoluisset, ipse à communicatione abstineretur. Quod etiam ad Romanum clerum tunc adhuc sine episcopo agentem, & ad confessores Maximum presbyterum, & ceteros in custodia constitutos, nunc in ecclesia cum Cornelio iunctos, plenissimè scripsi. Quod me scripsisse de eorum rescriptis poteris noscere. Nam in epistola sua ita posuerunt: Quanquam nobis in tam ingenti negotio placeat, quod tu ipse tractasti prius sanctæ ecclesiæ pacem sustentandam, deinde sic collatione consiliorum cum episcopis, presbyteris, diaconis, confessoribus pariter ac stantibus laicis facta,

*Hæc uerba, tempore ipso sibi plus, quam postulant largiente, nō habentur in epistola unde citantur. Ea est lib. 3. epist. 18.

lapsorum tractare rationem. Additum est etiam Nouatiano tunc scribente, & quod scripserat sua uoce recitante, & presbytero Moyse, tunc adhuc confessore, nunc iam martyre subscribente, ut lapsis, infirmis, & in exitu constitutis pax daretur. Quæ literæ per totum mundum missæ, & in notitiam ecclesiarum omnibus & uniuersis fratribus perlatæ sunt. Secundum quod tamen antè fuerat destinatum persecutione sopita, cum data esset facultas in unum cõueniendi, copiosus episcoporum numerus, quos integros & incolumes fides sua & Domini tutela protexit, in unum conuenimus, & scripturis diu ex utraque parte prolatis, temperamentum salubri moderatione librauimus, ut nec in totum spes communicationis & pacis lapsis negaretur, ne plus desperatione deficerent, & eò quòd sibi ecclesia abdicaretur, secuti seculum gentiliter uiuerent: nec tamen rursus censura Euangelica solueretur, ut ad communicationem temere prosilirent, sed traheretur diu poenitentia, & rogaretur dolenter paterna clementia, examinarentur causæ & uoluntates, et necessitates singulorum, secundum quod libello continetur, quem ad te uenisse confido, ubi singula placitorum capita conscripta sunt. Ac si minus sufficiens episcoporum in Africa numerus uidebitur, etiam Romæ super hac re scripsimus ad Cornelium collegam nostrum, qui & ipse cum plurimis coëpiscopis habito cõsilio, in eandem nobiscum sententiam pari grauitate & salubri moderatione consensit, de quo tibi necesse fuit tunc scribere, ut scias me nihil leuiter egisse, sed secundum quod literis meis fueram antè complexus, omnia ad commune concilij nostri consilium distulisse, & nemini quidem prius me de lapsis communicasse, quando adhuc erat: unde non tantum indulgentiam, sed & coronam lapsis acciperet, postea tamen sicut collegij concordia, & colligendæ fraternitatis, ac medendi uulneris utilitas exigebat, necessitati temporum succubuisse, & saluti multorum prouidendum

Lapsis cõmunica
anda pax.

putasse, & nunc ab his non recedere, quæ semel in consilio nostro de communi collatione placuerunt, quamuis multa multorum uocibus uentilentur, & mendacia aduersus sacerdotes Dei, diaboli ore prolata, ad rumpendæ catholicæ unitatis concordiam ubique tacentur. Sed te oportet ut bonum fratrem atq; unanimè sacerdotem, non quid maligni atq; apostatæ dicant facile suscipere, sed quid collegæ nostri modesti & graues uiri faciant, de uitæ & disciplinæ nostræ exemplo perpensere. Venio iamiam nunc frater charissime & ad personam Cornelij collegæ nostri, ut Cornelium nobiscum uerius noueris, non de malignorum & detrahentium mēdacio, sed de Dei iudicio, qui eum episcopum fecit, & cōepiscoporum testimonio, quorum numerus uniuersus per totum mundum concordie unanimitate consensit. Nam quod Cornelium charissimum nostrum Deo, & Christo et ecclesiæ eius, item cōsacerdotibus cunctis laudabili prædicatione cōmendat, nō iste ad episcopatum subito peruenit, sed per omnia ecclesiastica officia promotus, & in diuinis administrationibus Dominum sæpe promeritus, ad sacerdotij sublime fastigium cunctis religionis gradibus ascendit. Tum deinde episcopatum ipsum nec postulauit, nec uoluit, nec ui, ut cæteri quos arrogantia & superbiæ suæ tumor inflat, inuasit, sed quietus & modestus, & quales esse cōsueuerant, qui ad hunc locum diuinitus eliguntur, pro pudore uirginalis conscientiæ suæ, & pro humilitate ingenitæ sibi & custoditæ uerecundiæ, nō ut quidam uim fecit ut episcopus fieret, sed ipse uim passus est ut episcopatum coactus exciperet. Et factus est episcopus à plurimis collegis nostris, qui tunc in urbe Roma aderant, & qui ad nos literas honorificas, & laudabiles, et testimonio suæ prædicationis illustres de eius ordinatione miserunt. Factus est aut Cornelius episcopus de Dei & Christi eius iudicio, de clericorum penè omnium testimonio, de plebis, quæ tunc affuit, suffragio, & de sacerdotū an-

Cornelius gratum ad episcopatum euectus.

alias, continētia.

Praefatus est,
qui ecclesie
unitati dero-
gat.
Confirmatio
episcopi.

tiquorum & bonorum uirorum collegio, cum nemo ante se factus esset, cum Fabiani locus, id est, cum locus Petri & gradus cathedrae sacerdotalis uacaret, quo occupato de Dei uoluntate atque omnium nostrum consensione firmato, quisquis iam episcopus fieri uoluerit, foris fiat necesse est, nec habeat ecclesiae ordinationem, quia ecclesiae non tenet unitatem, quisquis ille fuerit, multum licet de se iactans, & sibi plurimum uendicans, profanus est, alienus est, foris est. Et cum post primum secundus esse non possit, quisquis post unum, qui solus esse debeat, factus est, non iam secundus ille, sed nullus est. Tum deinde post episcopatum non ex ambitum nec extortum, sed de Dei, qui sacerdotes facit, uoluntate susceptum, quanta in ipso suscepto episcopatu suo uirtus? quantum robur animi? qualis firmitas fidei? quod nos simplici corde & perspicere penitus, & laudare debemus: sedisse intrepidum Romae in sacerdotali cathedra eo tempore, quo tyrannus infestus sacerdotibus Dei fanda atque infanda comminaretur, cum multo patientius & tolerabilius audiret leuari aduersus se aemulum principem, quam constitui Romae Dei sacerdotem. Nonne hic frater summo uirtutis & fidei testimonio praedicandus est? Nonne inter gloriosos confissores & martyres deputandus, qui tantis temporibus sedit expectans corporis sui carnifices, & tyranni ferocientis ultores? qui Cornelium aduersus edicta feralia resistentem, & minas, & cruciatus, & tormenta fidei uigore calcantem, uel gladio inuaderent, uel crucifigeret, uel igne torrerent, uel quolibet inaudito genere poenarum uiscera eius & membra laniarent? Etiam si maiestas Domini protegentis & bonitas sacerdotem quem fieri uoluit, factum quoque protexit, tamen Cornelius quantum ad eius deuotionem pertinet & timorem, passus est quicquid pati potuit, & tyrannum armis, & bello postmodum uictum prior sacerdotio suo uicit. Quod autem quaedam de illo inhonesta & maligna iactantur,

nolo mireris, cum scias hoc esse opus semper diaboli, ut seruos Dei mēdacio laceret, et opumionibus falsis gloriosum nomē infamet, ut qui cōscientiæ suæ luce clarescunt, alienis rumoribus sordidentur. Explorasse autem collegas nostros scias, & uerissime comperisse nulla illum libelli, ut quidam iactitant, labe maculatum esse, sed neque cum episcopis qui sacrificauerunt, communionem sacrilegam miscuisse, sed eos demum quorum causa audita & innocentia probata sit, coniunxisse nobiscum. Nam & de Trophimo, & de quo tibi scribi desiderasti, non ita res est, ut ad te pertulit rumor & mendacium malignorū. Nam sicut & antecessores nostri sæpe ficerunt, colligendis fratribus nostris charissimus frater noster Cornelius necessitate succubuit, & quoniam cum Trophimo pars maxima plebis abscesserat, redeunte & nunc ad ecclesiam Trophimo & satisfaciente, & pœnitentia deprecationis errorem pristinum confitente, & fraternitatem quam nuper abstraxerat cum plebena humilitate & satisfactione reuocante, audite sunt eius preces, & in ecclesiam Domini non tam Trophimus, quàm maximus fratrum numerus qui cū Trophimo fuerat, admissus est. Qui omnes regressuri ad ecclesiam non essent, nisi cum Trophimo comitante uenissent. Tractatu ergo illo cum collegis plurimis habito susceptus est Trophimus, pro quo satisfaciebat fratrum reditus, & restituta multorū salus, sic tamen admissus est Trophimus, ut laicus communicet, non secundum quòd ad te malignorum literæ pertulerūt, quasi locum & sacerdotis usurpet: sed & quòd passim communicare sacrificatis Cornelius tibi nuntiatus est, hoc etiam de apostatarum fœtis rumoribus nascitur. Neq; enim possunt laudare nos, qui recedunt à nobis: aut expectare debemus ut placeamus illis, qui nobis displicentes contra ecclesiam rebelles sollicitandis de ecclesia fratribus uiolenter insistant. Quare & de Cornelio, & de nobis quæcunque iactantur nec audies facile, nec

Mendaciū bonis infidatū

Trophimus ecclesie restitutus.

Ex sacerdote laicus.

Non eniq; sp̃i ritui credendū

credes frater. Siqui enim infirmitatibus occupantur, illis, sicut placuit, in periculo subuenitur, postea tamen quam subuentum est, & periclitantibus pax data est, suffocari à nobis non possunt, aut opprimi, aut ui de manu nostra in exitum mortis urgeri, ut quoniam morientibus pax datur, necesse sit mori eos qui acceperint pacem. Cum magis in hoc iudicium diuinæ pietatis, & paternæ lenitatis appareat, quòd qui pignus uitæ in data pace percipiunt, hoc quoque ad uitam percepta pace teneantur. Et idcirco si accepta pace conuocatus à Deo datur, nemo hoc debet in sacerdotalibus criminari, cum semel placuerit fratribus in periculo subuenire. Nec tu existimes frater charissime, sicut quibusdam uidetur, libellaticos cū sacrificatis æquari oportere, quando inter ipsos etiam qui sacrificauerint, & conditio frequenter & causa diuersa sit. Neque enim æquandi sunt, ille qui ad sacrificium nefandum statim uoluntate prosiluit, & qui luctatus & congressus diu ad hoc funestum opus necessitate peruenit: Ille qui & se & omnes suos prodidit, & qui ipse pro cunctis ad discrimen accedens, uxorem, & liberos, & domū totam periculi sui perfunctione protexit: Ille qui inquilinos uel amicos suos ad facinus cōpulit, & qui inquilinis & colonis pepercit: frater etiam plurimos qui extorres & profugi recedebant, in sua tecta & hospitia recepit, ostendens & offerens Deo multas saluatas & incolumes animas, quæ pro una saucia deprecentur. Cum ergo inter ipsos qui sacrificauerūt, multa sit diuersitas, quæ in clementia esset, & quæ acerba duritia libellaticos cum ijs qui sacrificauerint iungere? quando is cui libellus acceptus est, dicat: Ego prius legeram, & episcopo tractante cognoueram non sacrificandum idolis, nec simulachra seruum Dei adorare debere, & idcirco ne hoc facerem quod non licebat, cum occasio libelli fuisset oblata, quæ nec ipsum acciperem, nisi ostensa fuisset occasio, ad magistratum ueni uel alio eunte manda-

Libellaticus.

ui Christianū me esse, sacrificare mihi non licere, ad aras diaboli me uenire non posse, dare me ob hoc præmium, ne quod non licet faciam. Nunc tamen etiam iste qui libello maculatus est, postquam nobis admonētibz didicit nec hoc facere debuisse, etsi manus pura sit, & os eius feralis cibi contagia nulla polluerint, conscientiam tamen eius esse pollutam, slet auditis nobis & lamentatur, & quod deliquerit nunc admonetur, & non tam crimine quā errore deceptus, quod iam de cætero instructus & paratus sit contestatur. Quorū si poenitentia respiciamus habentium aliquā fiduciam tolerabilis conscientie, statim cum uxoribus, cum liberis, quos incolumes reseruauerant, in hæresim uel schisma diabolo inuitante rapiantur. Et adscribetur nobis in die iudicij, nec ouem sauciam curasse, & propter unam sauciam multas integras perdidisse. Et cum Dominus relictis sanis unam errantem & lapsam quæsierit, & inuentam in humeris suis ipse portauerit, nos in tantum non querimus lapsos, sed & uenientes arcemus, & cum pseudoprophete gregem Christi nunc uastare & lacerare nō desinant, occasionem canibus & lupis damus, & quos persecutio infesta non perdidit, eos nos duritia nostra & inhumanitate perdimus. Et ubi erit frater charissime quod Apostolus dicit: Omnibus per omnia placeo, non querens quod mihi utile est, sed quod multis, ut saluetur. Imitatores mei estote, sicut & ego Christi. Et iterum: Factus sum infirmus, ut infirmos lucrarer. Et iterum: Si patitur unum membrum, compatiuntur & cætera membra: & si letatur unum membrum, collætantur & cætera membra. Alia est philosophorū & Stoicorum ratio frater charissime, qui dicunt omnia peccata paria esse, & uirū grauem non facile flecti oportere. Inter Christianos autem & philosophos plurimum distat. Et cum Apostolus dicat: Videte nequis uos deprædetur per philosophiam & inanem fallaciā, uitanda sunt quæ nō de Dei clementia ue-

Temperanda seueritas ne ueniat ad deteriora.

*Luce 15.
Math. 18.*

*1. Corinth. 9.
1. Cor. 4.
1. Cor. 9.*

Philosophorū rationes Christianorū rationibus dissimiles.

Num. 12.
Luc. 8.
Matth. 9.

niunt, sed de philosophiæ duriori præsumptione descendant.
De Moyse autem legis in scripturis dictum: Et fuit Moyses
homo lenis nimis. Et Dominus in Euangelio suo dicit: Estote
misericordes, quomodo & pater uester misertus est uestri. Et
iterum: Non est opus sanis medicus, sed male habētibus. Quā
potest exercere medicinam, qui dicit: eos solos curo, quibus
medicus necessarius nō est? Opē nostrā, medelam nostrā uulne
ratis exhibere debemus. Nec putemus mortuos esse, sed magis
semianimes iacere, quos persecutione funesta sauciatos uide-
mus. qui si in totum mortui essent, nunq̄ de eisdem postmodum
confessores & martyres fierent. Sed quoniam est in illis quod
pœnitentia sequente reuale scat ad fidem, ad uirtutem pœni-
tentie robur, armetur, quod armari non poterit, si quis despe-
ratione deficiat, si ab ecclesia durè & crudeliter segregatus
ad gentiles se uias & secularia desideria conuertat, uel ad hæ-
reticos & schismaticos reiectus ab ecclesia transeat. Vbi &
si occisus propter nomen Christi postmodum fuerit extra ec-
clesiam cōstitutus, & ab unitate atq; à charitate diuisus, coro-
nari in morte non poterit. Et ideo placuit frater charissime
examinatis causis singulorum libellaticos interim admitti, sa-
crificatis in exitu subuenire, quoniam exomologesis apud in-
fimos non est, nec ad pœnitentiam quis à nobis compelli po-
test, si fructus pœnitentie subtrahatur. Si prælium prius ue-
nerit, corroboratus à nobis inuenietur ad prælium. Si uerò
ante prælium infirmitas urserit, consolatio pacis & commu-
nicationis abscedit. Neque enim præiudicamus Domino iu-
dicaturo, quò minus si pœnitentiam plenam & iustam pec-
catoris inuenierit, tunc ratum faciat quod à nobis fuerit hic
statutum. Si uerò nos aliquis pœnitentie simulatione delu-
serit, Deus qui non deridetur, & qui cor hominis intuetur,
de his quæ nos minus perpeximus, iudicet, & seruorum sen-
tentiam Dominus emendet, dum tamen nos meminisse frater

debeamus scriptum esse: Frater fratrem adiuvans exaltabitur. Proverb. 13.
 Et Apostolum quoque dixisse: In contemplatione habete unusquisque, ne & uos tentemini, alterutrorum onera sustine- Galat. 6.
 ne, & sic adimplebitis legem Christi. Item quod super-
 bos redarguens & arrogantiam frangens in epistola sua po-
 nat: Et qui se putat stare, uideat ne cadat. Et alio in loco dicat: 1. Cor. 10.
 Tu quis es qui iudicas alienum seruum? Domino suo stat aut Roma. 14.
 cadit: stabit autem: potens est enim Deus stabilire illum. Ioan-
 nes quoque Iesum Christum Dominum aduocatum & depre-
 catorem pro peccatis nostris probat, dicens: Filioli mei ista 1. Ioan. 2.
 scribo uobis ne delinquantis, & si quis deliquerit, aduocatum
 habemus apud patrem, Iesum Christum iustum, & ipse est de-
 precatio pro delictis nostris. Et Paulus quoque Apostolus in Rom. 7.
 epistola sua posuit: Si cum adhuc peccatores essemus, Christus
 pro nobis mortuus est, multo magis nunc iustificati in sangui-
 ne illius liberabimur per illum ab ira: cuius pietatem & cle-
 mentiam cogitantes, non acerbi adeo, nec duri, nec in fuen-
 dis fratribus inhumani esse debemus, sed dolere cum dolenti-
 bus, & cum flentibus flere, & eos quantum possumus auxi-
 lio & solatio nostræ dilectionis erigere, nec adeo immites &
 pertinaces ad eorum poenitentiam retundendam, nec iterum
 soluti & faciles ad communicationem temere laxandam. Iac-
 cet enim saucius frater ab aduersario in acie uulneratus. Inde
 diabolus conatur occidere quem uulnerauit, hinc Christus hor-
 tatur ne in totum pereat, quem redemit. Cui de duobus assisti-
 mus, in cuius parte stamus? utrum ne diabolo fauemus ut
 perimat, & semianimem fratrem iacentem, sicut in Euange-
 lio sacerdos & leuitæ præterimus? an uerò ut sacerdotes Dei
 & Christi, quod & Christus docuit & fecit imitantes, uulne-
 ratum de aduersarij faucibus rapimus, ut curatū Deo iudici re-
 seruemus? Nec putes frater charissime hinc aut uirtutem fra-
 trum minui, aut martyria deficere, quod lapsis laxata sit poeni-

Virginitas
flos eccl. si.

alias, deponit

Apocal. 2.

Tob. 4.

tentia, & quod poenitentibus spes pacis oblata. Manet uero
fidentium robur immobile, & apud tinentes ac diligentes cor=
de toto Deum stabilis & fortis perseverat integritas. Nam &
mœchis à nobis poenitentiae tempus conceditur, & pax datur,
non tamen idcirco uirginitas in ecclesia deficit, aut continen=
tie propositum gloriosum per aliena peccata languescit. Flo=
ret ecclesia tot uirginibus coronata, & castitas ac pudicitia
tenorem gloriae suae seruat, nec quia adultero poenitentia ac
uenia laxatur, continentiae uigor frangitur. Aliud est, ad ue=
niam stare, aliud ad gloriam peruenire: aliud missum in carce=
re non exire inde, donec soluat nouissimum quadrantem, aliud
statim fidei & uirtutis accipere mercedem: aliud pro pecca=
tis longo dolore cruciatum emendarri & purgari diu igne,
aliud peccata omnia passione purgasse: aliud deniq; pendere
in die iudicij ad sententiã Domini, aliud statim à Domino co=
ronari. Et quidem apud antecessores nostros, quidam de epi=
scopis isthinc in prouincia nostra dandam pacem mœchis non
putauerunt, & in totum poenitentiae locum contra adulteria
clauferunt, non tamen à coepiscoporum suorum collegio re=
ceßerunt, aut catholicae ecclesiae unitatem uel duritiæ, uel cen=
suræ suæ obstinatione ruperunt, ut quia apud alios adulteris
pax dabatur, qui non dabat, de ecclesia separaretur, manente
concordiæ uinculo, & perseverante catholicae ecclesiae indi=
uiduo sacramento, actũ suum & disponit & dirigit unusquisq;
episcopus, rationem propositi sui Domino redditurus. Miror
autem quosdã sic obstinatos esse, ut dandam lapsis non putent
poenitentiam, aut poenitentibus existimēt ueniam denegadam,
cum scriptum sit: Memento unde cecideris, & age poeniten=
tiam, & fac priora opera. Quod utiq; ei dicitur, quem con=
stat cecidisse, & quem Dominus hortatur per opera rursus
exurgere, quia scriptum est: Eleemosyna à morte liberat. &
nō utiq; ab illa morte, quã semel Christi sanguis extinxit, &
à qua

à qua nos salutaris baptismi & redemptoris nostri gratia li-
 berauit, sed ab ea, quæ per delicta postmodum serpit. Alio
 item loco pœnitentiæ tēpus datur, & pœnitentiam non agen-
 ti Dominus cōminatur: Habeo, inquit, aduersus te multa, quòd Apo. 2.
 uxorem Iezabel, quæ se dicit propheten, sinis docere & jedu-
 cere seruos meos, fornicari & māducare de sacrificio, & de-
 di illi tempus, ut pœnitentiam ageret, & pœnitere noluit à for-
 nicatione. Ecce mitto eam in lectum, & qui cum ea fornicæ-
 ti sunt, in maximam tribulationem, nisi pœnitentiam egerit
 ab operibus suis. Quos utique ad pœnitentiam Dominus non
 hortaretur, nisi quia pœnitentibus indulgentiam pollicetur.
 Et in Euangelio: Dico, inquit, uobis, sic erit gaudium in cœlo Luc. 15.
 super unum peccatorem pœnitentiam agentem, quàm super
 nonaginta nouē iustos, quibus non est opus pœnitentia. Nam Sap. 11.
 cum scriptum sit: Deus non fecit mortem, nec delectatur in
 perditione uiuorum: utiq; qui neminem uult perire, cupit pec-
 catores pœnitentiam agere, & per pœnitentiam denuo ad ui-
 tæm redire. Ideo & per Iohel prophetam clamat & dicit: Et Iohel. 2.
 nunc hæc dicit Dominus Deus noster: Reuertimini ad me ex
 toto corde uestro, simulq; & ieiunio, & fletu, & planctu, &
 discindite corda uestra, & non uestimenta uestra, & reuertiti-
 mini ad Dominū Deum uestrum, quia misericors & pius est,
 & patiens, & multæ miserationis, & qui sententiam flectat
 aduersus malitiam irrogatam. In psalmis etiam legimus cen-
 suram pariter & clementiam Dei comminantis simul ac par-
 centis, punientis ut corrigat, & cum correxerit reseruantis:
 Visitabo, inquit, in uirga facinora eorum, & in flagellis deli-
 cta eorum. Misericordiam autem meam non dispergam ab
 eis. Dominus quoq; in Euangelio pietatem Dei patris osten-
 dens ait: Quis est ex uobis homo, quem si petierit filius eius
 panem, lapidem porrigat illi: aut si piscem postulauerit, ser-
 pentem illi porrigat? Si ergo uos, cum sitis nequam, scitis bo-

na data dare filiis uestris, quanto magis pater uester coelestis dabit bona poscentibus se? Comparat hoc Dominus carnalem patrem & Dei patris aeternam largiamq; pietatem, quod si iste in terris nequam pater offensus grauiter à filio peccatore & malo, si tamen eundem postmodum uiderit reformatum, & depositis prioris uitæ delictis ad sobrios & bonos mores, & ad innocentie disciplinam poenitentiae dolore correctum, gaudeat & gratulatur, & susceptū quem antè proiecerat cum uoto paternæ exultationis complectitur, quanto magis unus ille uerus pater bonus, misericors & pius, immo ipsa bonitas & misericordia, & pietas letatur in poenitentia filiorum suorum, nec iram poenitentibus, aut plangentibus & lamentantibus poenam cōminatur, sed ueniam magis & indulgentiam pollicetur? Vnde Dominus in Euangelio beatos dicit plangentes, quia qui plangit, misericordiam prouocat: qui peruiçax est & superbus, iram sibi & poenam iudicij uenientis exaggetat. Et idcirco frater charissime poenitentiam non agentes, nec dolorem delictorum suorum toto corde & manifesta lamentationis suæ professione testantes, prohibendos omnino censuimus ab spe communicationis & pacis, si in infirmitate atq; in periculo cœperint deprecari, quia rogare illos non delicti poenitentia, sed mortis urgentis admonitio compellit: nec dignus est in morte accipere solatium, qui se non cogitauit esse moriturū. Quod uerò ad Nouatianum pertinet frater charissime, de quo desiderasti tibi scribi quam hæresim introduxisset, scias nos primo in loco nec curiosos esse debere quid ille doceat, cum foris doceat. Quisquis ille est, & qualiscunq; est, Christianus nō est, qui in Christi ecclesia non est. Iacet se, & philosophiam uel eloquentiam suam superbis uocibus prædicet, qui nec fraternam charitatem, nec ecclesiasticam unitatem tenuit, etiā quod prius fuerat amisit: nisi si episcopus tibi uidetur, qui episcopo in ecclesia à sedecim coepi-

Matth. 5.

1. Pax negatur
morienti-

Christianus
nō est qui in
Christi eccle-
sia non est.
Nouatiano in-
sultat Cypria-
nus.

scopis facto, adulter atq; extraneus episcopus fieri à deserto-
 ribus per ambitum nititur, & cum sit à Christo una ecclesia Ecclesia una.
 per totum mundum in multa membra diuisam episcopa- Episcopatus
 tus unus episcoporum multorum concordie numerositate dis- unus.
 fusus, ille post Dei traditionem, post connexam & ubicunque
 coniunctam catholicæ ecclesiæ unitatem, humanam conetur
 ecclesiam facere, & per plurimas ciuitates novos Apostolos
 suos mittat, ut quædam recentia institutionis suæ fundamen-
 ta constituat, cumq; iam pridem per omnes prouincias &
 per urbes singulas ordinati sint episcopi in ætate antiqui, in
 fide integri, in pressura probati, in persecutione proscripti,
 ille super eos creare alios pseudepiscopos audeat, quasi pos-
 sit, aut totum orbem noui conatus obstinatione peragrarè,
 aut ecclesiastici corporis compaginem discordiæ suæ semi-
 natione rescindere: nesciens schismaticos semper inter initia
 sua feruere, incrementa uerò habere non posse, nec augere
 quod illicitè cœperint, sed statim cum praua sua emulatio- Non durant
 ne deficere. Episcopatum autem tenere non posset, etiam si schismatica
 episcopus prius factus à coepiscoporum suorum corpore & molimina.
 ab ecclesiæ unitate descisceret, cum Apostolus admoneat, ut
 inuicem nosmetipsos sustineamus, nec ab unitate quam Deus
 constituit, recedamus, & dicat: Sustinentes inuicem in dile- Ephes. 4.
 ctione, satis agentes seruare unitatem spiritus in coniunctio-
 ne pacis. Qui ergo nec unitatem spiritus, nec coniunctionem
 pacis obseruat, & se ab ecclesiæ uinculo atque à sacerdotum
 collegio separat, episcopi nec potestatem potest habere, nec
 honorem, qui episcopatus nec unitatem uoluit tenere, nec
 pacem. Tum deinde quantus arrogantiae tumor est, quanta
 humilitatis & lenitatis obliuio; arrogantiae suæ quanta iacta-
 tio, ut quis aut audeat, aut facere posse se credat, quod nec
 Apostolis concessit Dominus, ut zizania à frumento putet se Matth. 13.
 posse discernere, aut quasi ipsi paleam ferre & aream pur-

gare concessum sit, paleas à tritico conetur separare, cumq;
 2. Timoth. 2. Apostolus dicat: In domo autem magna non solum uasa aurea
 sunt & argentea, sed & lignea & fictilia, aurea & argen-
 tea uasa uideatur eligere, lignea uerò & fictilia contemnere,
 abijcere, cum non nisi die Domini uasa lignea diuini ardoris
 incēdio cōcrementur, & fictilia ab eo, cui data est ferrea uir-
 ga, frangantur. Aut si se renis & cordis scrutatorē constituit
 & iudicē, per omnia equaliter iudicet, & cum sciat scriptum
 esse: Ecce sanus factus es, iam noli peccare, nequid tibi dete-
 rius fiat, fraudatores & mōchos à latere atq; à comitatu suo
 separet, cū multò & grauior, & peior sit mōchi quàm libel-
 latici causa cū hic necessitate, ille uoluntate peccauerit: hic
 existimans sibi satis esse quòd non sacrificauerit, errore dece-
 ptus sit, ille matrimonij expugnator alieni, uel lupanar in-
 gressus ad cloacam & cœnosam uoraginem uulgi, sanctifica-
 tum corpus & Dei tēplum detestabili colluione uiolauerit,
 1. Cor. 6. sicut Apostolus dicit: Omne peccatum quodcūq; fecerit ho-
 mo, extra corpus est, qui autem mōchatur, in corpus suū pec-
 cat. Quibus tamē & ipsis pœnitentia cōceditur, & lamētan-
 di ac satisfaciendi spes relinquitur, secundum ipsum Aposto-
 lum dicentem. Timeo ne fortē ueniens ad uos lugeam multos
 2. Cor. 12. ex ijs qui antē peccauerunt, & non egerunt pœnitentiam de-
 immunditijs quas fecerunt, & fornicationibus & libidinibus.
 Nec sibi in hoc noui hœretici blandiantur, quòd se dicāt ido-
 lolatris nō communicare, cum sint apud illos & adulteri &
 fraudatores, qui teneātur idololatriæ crimine, secūdum Apo-
 Ephes. 5. stolum dicentē: Hoc enim scitote intelligentes quia omnis for-
 nicator, aut immundus, aut fraudator, quod est idololatria,
 nō habet hœreditatem in regno Christi & Dei. Et iterū: Mor-
 Coloss. 3. tificate itaq; membra uestra quæ in terra sunt, exponentes for-
 Galat. 5. nicationem, immunditiam, & concupiscentiā malam, & cupi-
 ditatem, quæ sunt idolorum seruitus, propter quæ uenit ira

1. Cor. 5.

Adulter peior
libellatico.

Dei. Nam cum corpora nostra membra sint Christi, et singuli sinus templum Dei, quisquis adulterio templum Dei uiolat, Deum uiolat, et qui in peccatis committendis uoluntatem diaboli facit, demonijs et idolis seruit. Neque enim mala facta de sancto spiritu ueniunt, sed de aduersarij instinctu, et de im-mundo spiritu natæ concupiscentiæ contra Deum facere, et diabolo seruire compellunt. Ita fit ut si peccato alterius inquiri alterum dicunt, et idololatriam delinquentis ad non delinquentem transire suâ asseueratione contendunt, excusari secundum suam uocem non possint ab idololatriæ crimine, cum constet de apostolica probatione mœchos et fraudatores, quibus illi communicant idololatrias esse. Nobis autem secundum fidem nostram, et diuinæ prædicationis datam formam competit ratio ueritatis, unumquemque in peccato suo reum teneri, nec posse alterum pro altero reum fieri, cum Deus præmoneat et dicat: Iustitia iusti super eum erit, et scelus scelerati super eum erit. Et iterum: Non morientur patres pro filijs, et filij non morientur pro patribus. Vnusquisque in peccato suo morietur. Quod legentes scilicet et tenentes neminem putamus à fructu satisfactionis et spe pacis arcendum, cum sciamus iuxta scripturarum fidem, autore et hortatore ipso Deo, et ad agenda poenitentiam peccatores redigi, et ueniam atq; indulgentiam poenitentibus nō denegari. Atq; ô frustrandæ fratemitatis irrissio, ô miseroriam lamentantium caduca deceptio, ô hæreticæ institutionis inefficax et uana traditio, hortari ad satisfactionis poenitentiã, et subtrahere de satisfactione medicinam, dicere fratribus nostris, plange et lacrymas funde, et diebus ac noctibus ingemisce, et pro ablundo et purgando delicto tuo largiter et frequenter operare, sed extra ecclesiam post omnia ista morieris. Quæcūq; ad pacem pertinent, facies, sed nullam pacem quā queris, accipies. Quis nō statim pereat? q̄s nō ipsa desperatione deficiat? Quis non animū suum à propo-

Mala à diabolo.

1. Corin. 10.

Exec. 18.

4. Reg. 14.

Pœnitentiæ agenda.

Similitudinibus ostēdit ueniam pœnitētibz nō denegandam.

sito lamentationis auertat? Operari tu putas rusticiam posse, si dixeris, agrum peritia omni rusticitatis exerce, cultoris diligenter insijle, sed nullam messem metes, nullam uindemiam premes, nullos oliueti tui fructus capies, nulla de arboribus poma decerpes? Vel si cuiusdemum usum nauium suadens dicas: Materiam de excellentibus syluis mercare frater: carinam praeualidis & electis roboribus intexe clauo, funibus, uelis, ut fabricetur atq; armetur nauis, operare: sed cū hoc feceris, fructum de actibus eius & cursibus non uidebis? Præcludere est atq; abscindere iter doloris ad poenitendi uiam, ut cū scripturis Dominus Deus reuertentibus ad se et poenitentibus blandiatur, nostra duritia et crudelitate dum fructus poenitentiae intercipitur, poenitentia ipsa tollatur. Quod si inuenimus à poenitentia agenda neminem debere prohiberi, & deprecantibus atque exorantibus Domini misericordiam secundum quod ille misericors & pius est, per sacerdotes eius pacem posse concedi, admittendus est plangentium gemitus, & poenitentiae fructus dolentibus non negandus. Et quia apud inferos diuinæ confessionis non est, nec exomologesis illhic fieri potest: qui ex toto corde poenituerint & rogauerint, in ecclesiam debent interius suscipi, & in ipsa Domino reseruari, qui ad ecclesiam suam uenturus de illis utique, quos in ea intus inuenerit, iudicabit. Apostatae uerò & desertores, uel aduersarij & hostes & Christi ecclesiam dissipantes, nec si occisi pro nomine eius foris fuerint, admitti secundum apostolum possunt ad ecclesie pacem, quando nec spiritus, nec ecclesie tenuerunt unitatē. Hæc interim frater charissime pauca de multis quantum potui breuiter decucurri, quibus & desiderio tuo satisfacerem, & te magis ac magis collegij & corporis nostri societati coniungerem. Si autem tibi ueniendi ad nos opportunitas et facultas fuerit, plura in cōmunionē conferre, et uberius ac plenius quæ in salutarem concordiam faciant tractare poterimus.

Exomologe
sis, id est, con-
fessio à uerbo
ἐξομολο-
γῆσαι, id
est, confiteor.

ARG. EPIST. SEQ.

Ad Moysen & Maximum presbyteros & ceteros confessores epistola, qui in persecutionibus fidem integram seruauerunt.

EPISTOLA III.

CYPR. MOYSI ET MAXIMO PRESBYTERIS ET CETERIS CONFESSORIBUS DILECTISSIMIS FRATRIBUS SAL.



Gloriam fidei & uirtutis uestre fortissimi ac beatissimi fratres, iam pridem de opatione cognoueram, letatus satis & plurimum gratulatus, quod uos confessione sui nominis parauerit ad coronam Domini nostri precipua dignatio.

Martyrū commendatio.

Vos enim priores & duces ad nostri temporis praelium facti coelestis militie signa mouistis. Vos spirituale certamen, quod nunc geri Deus uoluit, uestris uirtutibus imbuistis. Vos surgentis belli impetus primos immobili robore atque inconcussa stabilitate fregistis. Inde initia felicia pugnandi orta sunt, unde uincendi auspicia coeperunt. Contigit hic per tormenta consummari martyria, sed qui in congressione precedens exemplum uirtutis fratribus factus est, cum martyribus in honore communis est. Coronas uestras manus fertas inde huc tradidistis, & de poculo salutari fratribus propinastis. Accessit ad confessionis exordia gloriosa & militie uictricis auspicia, disciplina tenor, quem de epistole uestrae uigore perspeximus, quam modo ad collegas uestros in confessione uobiscum Domino copulatos, sollicita admonitione misistis, ut Euangelij sancta precepta, et tradita nobis semel mandata uitalia, forti et stabili obseruatione teneantur. Ecce alius glorie uestrae sublimis gradus, ecce iterum cum confessione geminatus promerendi Dei titulus. Stare firmo gradu, et in hac acie que in Euangelio coronatur irrumperere, et preceptis Domini subruendis, manus impias inferentes fidei

robore submouere, præbuisse antè initia uirtutum, nunc et morum magisteria præbere. Dominus post resurrectionē mittens apostolos mādāt et dicit: Data est mihi omnis potestas in cælo et in terra. Ite ergo & docete gentes omnes, tingentes eos in nomine patris & filij & spiritus sancti, docentes eos obseruare quæcunq; præcepi uobis. Et Ioannes apostolus huius mandati memor in epistola sua postmodum ponit: In hoc, inquit, intelligimus quia cognouimus eum, si præcepta eius custodiamus: Qui dicit quoniam cognouit eum, & mandata eius non seruat, mendax est, & ueritas in illo nō est. Hæc præcepta cum custodiēda suggeritis, diuina et cœlestia mādata seruastis. Hoc est esse confessorum Dñi, hoc est esse martyrem Christi, seruare uocis suæ inuiolatam circa omnia et solidam firmitatem, nec propter Dñm martyrem fieri, & præcepta Dñi destruere conari, uti aduersus illum dignatione, quam tibi dederit armis ab illo acceptis rebellem quodāmodo fieri, hoc est Christum confiteri uelle, & Euangelium Christi negare. Lætor igitur ex uobis fortissimi ac fidelissimi fratres, & quantum gratulor martyribus isthic coronatis ob uirium gloriam, tātum gratulor pariter et uobis ob dominicæ etiam discipline coronam. Dignationem suam Dominus multiplici genere largitatis infudit, bonorum militum laudes et gloriæ spirituales copiosa uarietate distribuit, honoris uestri participes et nos sumus, gloriam uestram nostram gloriam computamus, quorū tempora illustrauit tanta felicitas, ut ætate nostra uidere contingeret probatos seruos Dei, & Christi milites coronatos. Opto uos fortissimi ac beatissimi fratres semper bene ualere, et nostri meminisse.

A R G. EPIST. SEQ.

Epistola ad clerum, quem docet aduersa tunc imminetia, ppter nimia peccata uenisse, ideoq; instanter orādum, quoniam Deus quem corripit, diligit: & cum corripit, ad hoc corripit ut emendet.

LIBER IIII.
EPISTOLA IIII.
CYPR. PRESBYTERIS ET DIA-
conis fratribus SALVTEM.

185



Vanquam sentiam fratres charissimi pro ti-
more, quē singuli debemus Deo, nos quo-
que illhic assiduis orationibus et enixis pre-
cibus instanter incumbere, admoneo tñ re-
ligiosam sollicitudinem uestram, ut ad pla-
candum atque exorandum Dñm non uoce
sola, sed et ieiunijs, et lacrymis, et omni genere deprecationis
ingemuscamus. Intelligendum est. n. et confitendum pressuræ
istius tam turbidam uasitatem, quæ gregem nostrum maxima
ex parte populata est adhuc, et usq; populatur. secundum pec-
cata nostra uenisse, dum uiam Dñi non tenemus, nec data no-
bis ad salutem cœlestia mādāta seruamus. Fecit Dñs noster uo-
luntatem patris, et nos non facimus Dñi uoluntatem, patrimo-
nio et lucro studentes, superbiam sectantes, æmulationi ac dis-
fensionī uacantes, simplicitatis et fidei negligentes, seculo uer-
bis solis et non factis renuntiantes, unusquisq; sibi placentes,
et omnibus displicentes. Vapulamus itaq; ut meremur, cū scri-
ptum sit: Seruus aut ille qui cognoscit uoluntatem domini sui,
et non paruerit uoluntati eius, uapulabit multis. Quas autem
plagas, quæ uerba non meremur, quādo nec confessores qui
exemplo cæteris ad bonos mores esse debuerant, teneant disci-
plinam? Itaq; dum quosdam insolenter extollit confessionis suæ
tumida et inuerecunda iactatio, tormenta uenerunt, et tormen-
ta sine fine tortoris, sine exitu damnationis, sine solatio mor-
tis, tormenta quæ ad coronam non facile dimittant, sed tandiu
torqueant, quandiu deiiciant: nisi si aliquis diuina dignatione
subtractus inter ipsa cruciamenta proficerit, adeptus gloriam
non termino supplicij, sed celeritate moriendi. Hæc patimur
delicto & merito nostro, sicut præmonuit diuina censura, di-

Deus placan-
dus non uoce
tantum, sed la-
crymis, ieiun-
ijs, &c.

Quicquid pa-
timur, pecca-
ta nostra mo-
tuere.

Luc. 20.

- Psal. 33.** cens: Si dereliquerint legem meam, et in iudicijs meis non ambulauerint, si iustificationes meas profanauerint, & precepta mea non obseruauerint, uisitabo in uirga facinora eorum, & in flagellis delicta eorum. Virgas igitur & flagella sentimus, qui Deo nec bonis factis placemus, nec pro peccatis satisfacimus. Rogemus de intimo corde & de tota mente misericordiam Dei, quia & ipse addidit, dicens: Misericordiam autem meam non dispergam ab eis. Petamus & accipiemus, & si in accipiendo mora & tarditas fuerit, quoniam grauius offendimus, pulsemus, quia & pulsanti aperitur, si modo pulsent ostium preces & gemitus & lacrymæ nostræ, quibus insistere & immorari oportet, & si sit unanimes oratio. Nam quod magis suasisit & compulit, ut has ad uos literas scriberem, scire debetis (sicut Dominus ostendere et reuelare dignatus est) dictum esse in uisione: Petite & impetrabitis: tunc deinde præceptum plebi assistenti, ut pro quibusdam personis designatis sibi peterent: In petendo autem fuisse dissonas uoces, & dispares uoluntates, et uehementer hoc displicuisse illi qui dixerat: Petite & impetrabitis, quod plebis inæqualitas discreparet, nec esset fratrum consensio una & simplex & iuncta concordia, cum scriptum sit: Deus qui inhabitare facit unanimes in domo. Et in actis Apostolorum legamus: Turba autem eorum qui crediderant, animo ac mente unā agebant: et Dominus sua uoce mandauerit, dicens: Hoc est mandatum meum, ut diligatis inuicem. Et iterum: Dico autem uobis, quoniam si duobus ex uobis cōuenerit in terrā de omni re quancunque petieritis, continget uobis à patre meo qui in cælis est. Quod si duo unanimes tantum possunt, quid si unanimitas apud omnes esset? Quid si secundum pacem quam nobis Dominus dedit, uniuersis fratribus conueniret? Iampridem de diuina misericordia impetrassemus quod petimus, non tandiu in hoc salutis & fidei nostræ periculo fluctuaremus, imo uerò
- Oratio unanimes.**
- Matth. 7.**
- Luc. 11.**
- Psal. 67.**
- Actu. 2.**
- Matth. 18.**

nec uenissent fratribus hæc mala, si in unum fraternitas fuisset animata. Nam & illud ostensum est, quòd sederet paterfamilias sedente sibi ad dexteram iuvene, qui iuuenis anxius & cum quadam indignatione subristis, maxillam manu tenens, mæsto uultu sedebat. Alius uerò in sinistra parte consistens rete portabat, quod se mittere, ut circumstantem populum caperet, minabatur, & cum miraretur quid hoc esset ille qui uidit, dictum est ei: Iuuenem qui ad dexteram sic sederet, contristari et dolere, quòd præcepta sua non seruarentur: Illum uerò in sinistra exultare, quòd sibi daretur occasio, ut à patrefamilias potestatem sumeret sæuendi. Hoc prius longe ostensum est, quàm tempestas uasitatis huius oriretur. Et uidemus impletum quod fuerat ostensum, ut dum Domini præcepta contemnimus, dum datæ legis mandata salutaria non tenemus, facultatem nocendi inimicus acciperet, & minus armatos, & ad repugnandum minus cautos ictu retis operiret. Oremus Oratio. instanter, & assiduus precibus ingemiscamus. Nam & hoc nobis iam olim per uisionem fratres charissimi exprobratū sciat, quòd dormitemus in precibus, nec uigilanter oremus, & Deus utique qui quem corripit, diligit, quando corripit, ad hoc corripit ut emendat, ad hoc emendat ut seruet. Excutiamus itaque et abrumpamus somni uincula, et instanter ac uigilanter oremus: sicut Paulus Apostolus præcipit, dicens: Coloss. 4. Instante orationi uigilantes in ea. Nam & Apostoli orare diebus ac noctibus non destiterunt, et Dominus quoque ipse discipline magister et exempli nostri uia frequenter et uigilanter orauit, sicut in Euangelio legimus: Exijt in montem orare, et fuit pernoctans in oratione Dei. & utique quod orabat, orabat ille pro nobis, cum peccator ipse non esset, sed nostra peccata portaret. Adeo autem pro nobis ille deprecabatur, ut legamus in alio loco: Dixit autem Dominus ad Petrum: Ecce Satanas postulat ut uos uexaret, quomodo triticum, ego autem roga-

Luc. 6.

Luc. 22.

ui pro te, ne deficiat fides tua. Quòd si pro nobis ac pro delictis nostris ille laborat et uigilat et precatur, quantò nos magis insistere precibus et orare, et primò ipsum Dominum rogare, tum deinde per ipsum Deo patri satisfacere debemus? Habemus aduocatam et deprecatorem pro peccatis nostris Iesum Christum dominum nostrum, si modò nos in præteritum peccasse pœniteat, et confitentes atq; intelligentes delicta nostra, quibus nunc Deum offendimus, uel de cætero nos ambulare in uis eius, et præcepta eius metuere spondeamus. Pater nos et corrigit et tuetur, stantes tamen in fide et in pressuris atq; in angustiis licet Christo eius firmiter adherentes, sicut **Roma. 3.** scriptum est: Quis nos separabit à charitate Christi? pressura, an angustia, an persecutio, an fames, an nuditas, an periculum, an gladius? Nihil horum potest separare credentes, nihil potest auellere corpori eius et sanguini coherentes. Persecutio ista examinatio est atq; exploratio peccati nostri, excuti nos Deus uoluit et probari, sicut suos semper probauit: nec tamen in probationibus eius aliquando auxilium credentibus defuit. Deniq; ad minimum famulam suam, et in delictis licet plurimis constitutum, et dignatione eius indignum, tamen pro sua circa nos bonitate mandare dignatus est. Dic illi, inquit, securus sit, quia pax uentura est. Sed quod interim morula est, supersunt aliqui qui probentur. Sed et de uictu parco, et sobrio potu diuinis dignationibus admonemur, scilicet ne uigore cœlesti sublime iam pectus * illecebra secularis eneruet, uel ne largioribus epulis mens grauata minus ad preces orationis euigilet. Dissimulare hæc singula et apud cōscientiam meam solus occultare non debui, quibus unusquisque uestrum et instrui et regi possit. Ne ipsi utique apud uos hanc epistolam teneatis occultam, sed legendam fratribus suggeratis. Intercipere enim quibus nos Dominus admonere et instruere dignatur, eius est qui admoneri et instrui dedignatur, eius

* alias, illecebroso poculo
se.

est qui admoneri & instrui fratrem suum nolit. Probari nos à Domino nostro sciant, nec à fide, in qua in eum semel credidimus, præsentis pressuræ conflictatione deficiant. Delicta sua singuli recognoscens, uel modo conuersationem ueteris hominis exponant. Nemo enim retro attendens, & superponens manum suam super aratrum, aptus est regno Dei. Denique uxor Loth, quæ liberata contra præceptum retro respexit, quod euaserat perdidit. Attendamus non posteriora, quò diabolus reuocat, sed priora, quò Christus uocat. Oculos erigamus ad cælum, ne oblectamentis & illecebris nos suis terra decipiat. Vnusquisque oret Dominum non pro se tantum, sed & pro omnibus fratribus, sicut Dominus IESVS orare nos docuit ubi non singulis priuatam precem mandauit, sed communi & concordæ prece orare pro omnibus iussit. Si nos Dominus humiles & quietos, si nos inuicem copulatos, si circa iram suam timidos, si præsentis tribulatione correctos emendatosque conspexerit, tutos ab inimici infestationibus exhibebit. Præcessit disciplina, sequetur & uenia. Nos tantum sine cessatione poscendi, & cum fide accipiendi simplices & unanimes Dominum deprecemur cum gemitu pariter & fletu deprecantes, sicut deprecari oportet eos, qui sint positi inter plangentium ruinas, & timentium reliquias, inter numerosam languentium stragem, & exiguantium paucitatem. Rogemus pacem maturius reddi, cito latebris nostris & periculis subueniri. In plerisque famulis suis Dominus dignatur ostendere redintegrationem ecclesiæ suæ, securitatem salutis nostræ, post pluias serenitatem, post tenebras lucem, post procellas & turbines placidam lenitatem. Pia paternæ dilectionis auxilia, diuine maiestatis solita magnalia, quibus & persequentium blasphemia retundatur, & lapsorum poenitentia reformetur, & fortis & stabilis perseverantium fiducia gloriatur. Opto uos fratres charissimi semper bene ualere.

Luc. 9.
Gene. 19.

Orandum pro
omnibus.

alias, illece-
bris.

Sæpe fit expul-
sa nube sere-
na dies.

includentibus maior, iacens stantibus celsior, uincientibus fir-
 mior uinctus, sublimior iudicantibus iudicatus. Et quamuis li-
 gati neruo pedes essent, calcatus serpens & obtritatus & ui-
 ctus est. Lucent in corpore glorioso clara uulnerum signa,
 eminent & apparent in membris longa tabe consumptis ex-
 pressa uestigia. Sunt magna, sunt mira, quæ de uirtutibus eius
 ac laudibus fraternitas audiat. Et si aliquis Thomæ similis *Thomæ simi-
les increduli.*
 extiterit, qui minus auribus credat, nec oculorum fides deest,
 ut quisquis quod audit & uidet. In seruo Dei uictoriam glo-
 ria uulnerum fecit, gloriam cicatricum memoria custodit. Nec
 rudis iste aut nouus est in Celerino charissimo nostro titulus
 gloriarum, per uestigia cognationis suæ graditur, parentia-
 bus, ac propinquis suis honore consimili diuinæ dignationis
 æquatur. Auia eius Celerina iam pridem martyrio coronata *Celerina auia
Celerini.*
 est. Item patruus eius & auunculus Laurentius & Ignatius *Laurentius.
Ignatius.*
 in castris & ipsi quondam secularibus militantes, sed ueri &
 spirituales Dei milites, dum diabolum Christi professione pro-
 sternunt, palmas à Domino & coronas illustri passione me-
 ruerunt. Sacrificia pro eis semper, ut meministis, offerimus, *Sacrificia pro
martyribus.*
 quoties martyrum passiones & dies anniuersaria commemo-
 ratione celebramus. Nec degener ergo esse, nec minor pote-
 rat, quem sic domesticis exemplis uirtutis ac fidei prouocabat
 familiæ dignitas & generosa nobilitas. Quod si in familia
 seculari prædicationis & laudis est esse patricium, quan-
 to maioris laudis & honoris est fieri in cœlesti prædicatio-
 ne generosum? Non inuenio quem beatiorem magis dicam,
 utrum ne illos de posteritate tam clara, an hunc de origine
 gloriosa. Ita æqualiter apud eos recurrit & com meat diuina
 dignatio, ut & illorum coronam dignitas sobolis illustret, &
 huius gloriæ sublimitas generis illuminet. Hunc ad nos fratres
 dilectissimi cum tanta Domini dignatione uenientem testimo-
 nio & miraculo eius ipsius, qui se persecutus fuerat illustrem,

quid aliud q̄ super pulpitu, id est super tribunal ecclesie oportebat imponi, ut loci altioris celsitate subnixus, & plebi uniuersae pro honoris sui claritate cōspicius, legat praecepta euāgelij Domini, quae fortiter ac fideliter sequitur? uox Domini cōfessa in his quotidie, quae dominus locutus est, audiat? Viderit an sit ulterior gradus ad quē proficisci in ecclesia possit. Nihil est in quo magis confessor fratribus profit, quā ut dum euāgelica lectio de ore eius auditur, lectoris fidē quisquis audierit, imitetur. Iungendus in oratione Aurelio fuerat, cum quo & diuini honoris societate cōiunctus est, cum quo omnibus uirtutis & laudis insignibus copulatus est. Pares ambo, & uterq; cōsimiles. In quantū gloria sublimes, in tantū uerecundia humiles. Quantum diuina dignatione promoti, tantum sua quiete & tranquillitate summissi, et uirtutū pariter & morum & singulis exempla praebeantes, & cōgressioni & paci congruentes. Illic robore, hic pudore laudabiles. In talibus seruis letatur dominus. In eiusmodi cōfessoribus gloriatur, quorū se et cōuersatio sic proficit ad praeconium gloriae, ut magisteriū ceteris praebeat discipline. Ad hoc eos Christus esse in ecclesia diu uoluit, ad hoc de media nocte subtractos, quadam dixerim resurrectione circa eos facta, incolumes reseruauit, ut dum nihil in honore sublimius, nihil in humilitate submissius à fratribus cernitur, hos eosdē fraternitas sectata comitetur. Hos & tanē lectores interim constitutos sciatis, quia oportebat lucernā super candelabru pōni, unde omnibus luceat, & gloriosus uultus in loco altiore cōstitui, ubi ab omni fraternitate circūstante cōspecti incitamentū gloriae uidētibus praebeant. Ceterū presbyterij honorē designasse nos illis iam sciatis, ut & sportulis ijdē cum presbyteris honorētur, & diuisiones mensurarū aequatis quantitatibus partiantur, se suri nobiscū prouectis & corroboratis annis suis, quamuis in nullo minor possit uideri aetatis indole, qui consummavit aetatem gloriae dignate.

A R G.

Celerini cum
Aurelio colla
tio.

alias, singula
ria.

alias, autem
Eccles. 26.

Sportula.

ARG. EPIST. SE Q.

Ad plebem Thibari consistentem epistola hor-
ratoria, ut mēte incorrupta, fide integra, uirtute de-
uota Christi confelsionem seruet.

EPISTOLA VI.

Cypr. Plebi Thibari Consistenti SALVTEM.

Ogitaueram quidem fratres dilectiss., atq; in uo-
tis habebam, si rerum ratio ac tēporis conditio
permitteret, secundum quod frequenter desidea-
ratis, ipse ad uos uenire, & quantulacunq; me-
diocritas nostra praeualeret exhortationis nostrae praesens il-
lhic fraternitatē corroborare. Sed quoniā sic rebus urgentibus
detinemur, ut longe isthinc excurrere, et diu à plebe, cui de di-
uina indulgentia praesumus, abesse nō datur facultas, has inte-
rim pro me ad uos uicarias literas misi. Nam cū Dñi instruē-
tis dignatione instigemur saepius & admoneamur, ad uestram
quoq; conscientia admonitionis nostrae sollicitudinem perferre
debemus. Scire enim debetis & pro certo credere ac tenere, 1. Ioan. 2.
pressuræ diem super caput esse coepisse, & occasum seculi, atq;
Antichristi tempus appropinquasse, ut parati oēs ad praelium
stemus, nec quicquā nisi gloria uitæ æternæ, et coronā cōfessio-
nis dominicæ cogitemus, nec putemus talia esse, quæ ueniunt,
qualia fuerunt illa quæ transierunt. Grauior nunc & ferocior
pugna imminet, ad quā fide incorrupta, et uirtute robusta pa-
rare se debent milites Christi, cōsiderantes idcirco se quotidie
calicē sanguinis Christi bibere, ut possint et ipsi propter Chri-
stum sanguinē fundere. Hoc est enim uelle cū Christo inueniri,
id quod Christus & docuit & fecit imitari secundū Ioā. Apo-
stolum dicentem: Qui dicit se in Christo manere, debet quō il-
le ambulauit & ipse ambulare. Item beatus Paulus apostolus
exhortatur & docet, dicens: Sumus filij Dei. Si autem filij, & 1. Ioan. 2.
Roma. 8.

heredes, heredes quidem Dei, coheredes autē Christi, siquidem compatiamur ut & commagnificemur. Quæ nūc omnia consideranda sunt nobis, ut nemo quicquam de seculo iam moriente desideret, sed sequatur Christum, qui & uiuit in æternum, & uiuificat seruos suos in fide sui nominis constitutos. Venit enim tempus fratres dilectissimi, quod iam pridem Dominus noster prænuntiavit, & docuit aduenire, dicens: Ve-
niet hora, ut omnis qui uos occiderit, putet se officium Deo facere. Sed hæc facient, quoniam nō cognouerunt patrem neq; me. Hæc autem locutus sum uobis, ut cum uenerit hora eorū, memores sitis quia ego dixi uobis. Nec quisquam miretur persecutionibus nos assiduus fatigari, & pressuris agentibus frequenter urgeri, cum hæc futura in nouissimis temporibus Dominus antè prædixerit, & militiam nostram magisterio et hortamento sui sermonis instruxerit: Petrus quoq; apostolus eius docuerit, ideo persecutiones fieri, ut probemur, & ut dilectioni Dei iustorum præcedentium exemplo, nos etiam morte & passionibus copulemur. posuit enim in epistola sua,
1. Pet. 4. dicens: Charissimi, nolite mirari ardorem accidentem uobis, qui ad tentationem uestram fit, nec excidatis tanquam nouum uobis contingat, sed quoties communicatis Christi passionibus, per omnia gaudete, ut & in reuelatione facta claritatis eius gaudentes exultetis. Si improperatur uobis in nomine Christi, beati estis, quia maiestatis & uirtutis Domini nomen in uobis requiescit. Quod quidem secundum illos blasphemat
Luc. 18. tur, secundum nos autem honoratur. Docuerunt autem nos Apostoli ea, quæ de præceptis dominicis & cœlestibus mandatis ipsi quoq; didicerunt, Domino ipso scilicet corroborante nos & dicente: Nemo est, inquit, qui relinquat domum,
Matth. 19. aut agrum, aut parentes, aut fratres, aut sorores, aut uxorem, aut filios propter regnum Dei, & non recipiat septies tantum in isto tempore, in seculo autem uenturo uitam æternam. Et

iterum: Beati, inquit, eritis, cum odio uos habuerint homines, & separauerint uos, & expulerint, & maledixerint nomini uestro, quasi nequam, propter filium hominis: gaudete in illa die & exultate, ecce enim merces uestra multa est in caelo. *Persecutio fidelium cor-*
 Gaudere nos & exultare uoluit in persecutionibus Dominus, *delium cor-*
 quia quando persecutiones fiunt, tunc dantur coronae fidei, *natio.*
 tunc probantur milites Dei, tunc martyribus patent caeli. Neque enim sic nomen militiae dedimus, ut pacem tantummodo cogitare, & detrectare, ac recusare militiam debeamus, cum in ipsa *Christi exem-*
 militia primus ambulauerit Dominus, humilitatis & tolerantiae & passionis magister, ut quod fieri docuit, prior faceret, *plo primū fa-*
 & quod pati hortatur, prior pro nobis ipse pateretur. Sit *cere, postea*
 ante oculos fratres dilectissimi, quod qui omne iudicium a patre solus accepit, & qui uenturus est iudicaturus, iam iudicij *docere oportet*
 sui & cognitionis futurae sententiam praetulerit, praenuntians
 & cōtestans confessurum se coram patre suo confitentes, & negaturum negantes. Si mortem possemus euadere, merito mori timere-
 mus. Porro autem cum mortalem mori necesse sit, amplectamur occasionem de diuina promissione & dignatione uenientem, & fungamur exitu mortis cum premio immortalitatis,
 nec uereamur occidi, quos constat quando occidimur, coronari: nec quisquam fratres dilectissimi, cum populum nostrum
 fugari conspexerit metu persecutionis & spargi, conturbetur, quod collectam fraternitatem non uideat, nec tractantes
 episcopos audiat. Simul tunc omnes esse non possumus, quibus occidere non licet, sed occidi necesse est. Vbiq; in illis diebus unusquisque fratrum fuerit a grege interim hac necessitate
 temporis corpore non spiritu separatus, non moueatur ad fugae illius horrorem, nec recedens & latens solitudine deserti loci terreatur. Solus non est, cui Christus in fuga comes
 est. Solus non est, qui templum Dei seruans ubicunq; fuerit, sine Deo non est. Et si fugientem in solitudine ac montibus latro

*Mors omnib.
 aqua, tardior,
 or, aut citior.*

oppresserit, sra inuaserit, fames ac sitis, aut frigus affligerit, uel per maria præcipiti nauigatione properantem tempestas, aut procella submerferit, expectat militem suum Christus ubi cunque pugnantem, & persecutionis causa pro nominis sui honore morienti præmium reddit, quod daturum se in * sur-
 rectione promissit. Nec minor est martyrij gloria, non publicè & inter multos periisse, cū pereundi causa sit propter Christum perire. Sufficit ad testimonium martyrij sui testis ille qui probat martyres & coronat. Imitemur fratres dilectissimi Abel iustum, qui initiauit martyria, dum propter iustitiam pri-
 mus occiditur. Imitemur Abraham Dei amicū, qui nō est cō-
 tatus ut filium uictimam suis manibus offerret, dum Deo fide deuotionis obsequitur. Imitemur tres pueros, Ananiam, Azarias, & Misahalem, qui nec ætate territi, nec captiuitate fra-
 cti, Iudæa deuicta & Hierosolymis captis, in ipso regno suo regem fidei uirtute uicerūt, qui adorare statuam, quam Nabuchodonosor rex fecerat, iussi, & minis regis & flammis fortiores extiterūt proclamantes, & fidem suam per hæc uerba testantes: Nabuchodonosor rex, nō opus est nobis de hoc uerbo spondere tibi. Est enim Deus cui nos seruimus potens eripere nos de camino ignis ardentis, & de manibus tuis rex, liberabit nos, et si non, notū sit tibi, quia dijs tuis non deseruimus, & imaginem auream quā statuissti nō adorabimus. Credebant se illi secundū fidem posse euadere, sed addiderunt, et si non, ut sciret rex illos propter Deum quem colebāt & mori posse. Hoc est enim robur uirtutis & fidei, credere & scire quod Deus à morte præsentis liberare possit, & tamē mortem non timere nec cedere, ut probari potius fides possit. Erupit per os eorū spiritus sancti incorruptus & inuictus uigor, ut appareat, uera esse quæ in Euangelio suo Dominus edixit, dicens: Cum autem uos apprehēderint, nolite cogitare quid loquamini. Dabitur enim uobis in illa hora quid loquamini.

alias, persequi-
 tione.

Abel primus
 martyrij au-
 tor.
 Abrahami o-
 bedientia.

Ananias.

Azarias.

Misahel.

Daniel.

Deus à morte
 liberare pōt.

Matth. 10.

Non enim uos estis qui loquimini, sed spiritus patris uestri qui loquitur in uobis. Dixit, quid loqui & respondere possimus dari nobis in illa hora diuinitus & offerri, nec nos tunc esse qui loquimur, sed spiritum Dei patris, qui cum à confitentibus non discedit, neq; diuiditur, ipse in nobis & loquitur, & coronatur. Sic & Daniel cum compelleretur adorare idolum *Daniel. 14.* Bel, quem tunc & rex & populus colebant, in asserendo Dei sui honorem plena fidei libertate prorupit, dicens: Nihil colo ego nisi Dominū Deum meum, qui cōdidit cœlum & terram. Quid in Maccabæis beatorum martyrum graua tormenta, *Maccabæi.* & multiformes septē fratrum pœnæ, & cōfortans liberos suos mater in pœnis, & moriens ipsa quoq; cum liberis? Non ne magnæ uirtutis & fidei documenta testantur, & nos ad martyrij triūphum suis passionibus adhortātur? Quid propheta *Propheta.* quos ad præscientiam futurorū spiritus animauit? Quid Apo *Apostoli.* stoli, quos Dominus elegit? Non ne cum iusti occiduntur propter iustitiam, mori nos quoque docuerunt? Christi natiuitas à *Christi natiuitas.* martyrijs infantū statim cœpit, ut ob nomen eius à bimatu & infra qui fuerant, necarētur. Aetas necdum habilis ad pugnam, idonea exiit ad coronam, ut * apparerent innocentes esse ** alias, apparet.* qui propter Christum necantur, infantia innocens ob nomen eius occisa est. Ostensum est neminem esse à periculo persecutionis immunē, quando & tales martyria fecerūt. Quam uerò grauis causa sit hominis Christiani seruum pati nolle, *Christus passus ut nos redimeret.* cum passus sit prior Dominus, et pro peccatis nostris nos pati nolle, cum peccatum suum proprium ille non habens passus sit ille pro nobis? Filius Dei passus est, ut nos filios Dei faceret, & filius hominis pati non uult, ut esse Dei filius perseueret? Si odio seculi laboramus, odiū seculi sustinuit prior Christus. Si cōtumelias in hoc mundo, si fugam, si tormenta toleramus, grauiora expertus est mundi factor & Dominus, qui & admonet, dicens: Si seculum, inquit, uos odit, mementote quomodo

niam me primo odit. Si de seculo essetis, secundum quod suum
esset amaret. Sed quia de seculo non estis, & ego elegi uos de
seculo, propterea odit uos seculum. Mementote sermonis quem
dixi uobis, Non est seruus maior domino suo. Si me persecuti
Discipulus ut sunt, & uos persequentur. Dominus & Deus noster quicquid
discit faciat. docuit & fecit, ut discipulus excusatus esse non possit, qui di-
scit & non facit. Neque aliquis ex uobis fratres dilectissimi fu-
turae persecutionis metu, aut Antichristi imminentis aduentu
sic terreatur, ut non Euangelicis exhortationibus, & praece-
ptis ac monitis caelestibus ad omnia inueniatur armatus. Ve-
nit Antichristus, sed superuenit & Christus. Grassatur &
seuit inimicus, sed statim sequitur Dominus passionibus nostras
& uulnera uindicaturus. Irascitur aduersarius & minatur,
sed est qui possit de eius manibus liberare. Ille metuendus est,
cuius iram nemo poterit euadere, ipso praemonente & dicen-
te: Ne timueritis eos qui occidunt corpus, animam autem non
possunt occidere. Magis autem metuite eum qui potest & ani-
mam & corpus perdere in gehennam. Et iterum: Qui amat
animam suam, perdet illam: & qui odit animam suam in isto se-
culo, in uitam aeternam conseruabit illam. Et in Apocalypsi
instruit & praemonet dicens: Siquis adorat bestiam & imagi-
nem eius, & accipit notam in fronte sua & in manu, bibet &
ipse de uino irae Dei misto in poculo irae eius, & punietur
igne & sulphure sub oculis sanctorum angelorum, & sub ocu-
lis agni, & fumus de tormentis eorum ascendit in secula seculorum,
nec habebunt requiem die ac nocte, quicumque adorant be-
stiam & imaginem eius. Ad agonem secularem & exercentur
homines & parantur, & magnam gloriam computant hono-
ris sui, si illis spectante populo, & imperatore praesente con-
tigerit coronari. Ecce agon sublimis & magnus, & coronae
caelestis praemio gloriosus, ut spectet nos certantes Deus, &
super eos quos filios facere dignatus est, oculos suos pandens

certaminis nostri spectaculo perfruatur. Præliantes nos & fidei congressione pugnantes spectat Deus, spectat angeli eius, spectat & Christus. Quanta est gloriæ dignitas, quanta felicitas præside Deo cōgredi, & Christo iudice coronari? Armemur fratres dilectissimi uiribus totis, & paremur ad agonem mente incorrupta, fide integra, uirtute deuota. Ad aciem quæ nobis indicitur, Dei castra procedat. Armemur integri, ne perdat integer quod nuper stetit. Armentur & lapsi, ut et lapsus recipiat quod amisit. Integros honor, lapsos dolor ad prælium prouocet. Armat & præparat nos beatus Apostolus, dicens: Non est nobis colluctatio aduersus carnem & sanguinem, sed aduersus potestates & principes huius mundi hanc tenebrarum, aduersus spiritus nequitiæ in cœlestibus. Propter quod induite tota arma Dei, ut possitis resistere in die nequissimo: ut cū omnia perfeceritis, stetis accincti liberos uestros in ueritate, induti lorica m iustitiæ, & calciati pedes in præparatione Euāgelij pacis, assumentes scutum fidei, in quo possitis omnia ignita iacula nequissimi extinguere, & galeam salutis, et gladium spiritus qui est sermo Dei. Hæc arma sumamus, his nos tutamentis spiritualibus & cœlestibus muniamus, ut in die nequissimo resistere diaboli minis et repugnare possimus. Induamur lorica m iustitiæ, ut contra inimici iacula munitum sit pectus et tutum. Calciati simus Euangelico magisterio, et armati pedes, ut cum serpens calcari à nobis et obteri coeperit, mordere et supplantare non possit. Portemus fortiter scutum fidei, quo protegente quicquid iaculatur inimicus, possit extingui. Accipiamus quoq; ad tegmentum capitis galeam salutarem, ut muniantur aures, ne audiant edicta feralia. Muniantur oculi, ne uideant detestanda simulachra. Muniatur frons, ut signum Dei incolume seruetur. Muniatur os, ut Dominū suum Christum uictrix lingua fateatur. Armemus & dexteram gladio spirituali, ut sacrificia funesta fortiter respuat, ut ene

Ephes. 6.

Arma Christianorum.

Πάνοπλιον.

Iudicij dies bo-
nis gaudio,
malis gehennae
futurus.

1. Cor. 2.

Roma. 1.

charistiae memor, qui Domini corpus accepit, in ipso Domi-
num suum complectatur, postmodum à Domino suo sumptu-
rus praeium coelestium coronari. O dies ille qualis et quan-
tus adueniet fratres dilectissimi, cum coeperit populum suum
Dominus recensere, et diuinae cognitionis examine singulo-
rum merita recognoscere, mittere in gehennam nocentes, et
persecutores nostros flammæ poenalis perpetuo ardore damna-
re, nobis uerò mercedem fidei et deuotionis exoluere. Quæ
erit illa gloria, et quanta letitia, admitti ut Deum uideas ho-
norari, ut cum Christo domino Deo tuo salutis ac lucis eter-
næ gaudium capias? Abraham, et Isaac, et Iacob, et patriarchas
omnes, et prophetas, et apostolos, et martyres salu-
tare, cum iustis et Dei amicis in regno cælorum datæ immor-
talitatis uoluptate gaudere, sumere illhic, quod nec oculus ui-
dit, nec auris audiuit, nec in cor hominis ascendit? Maiora enim
nos accipere, quàm quod hic aut operamur, aut patimur Apo-
stolus prædicat, dicens: Non sunt cōdignæ passionēs huius tem-
poris ad superuenturam claritatem, quæ reuelabitur in nobis.
Cum reuelatio illa uenerit, cum charitas super nos Dei fuisse-
rit, iam beati erimus, et leti dignatione Domini honorati.
Quàm rei manebunt et miseri, qui Dei desertores aut contra
Deum rebelles uolūtatem fecerunt diaboli, ut eos necesse sit cū
ipso simul inextinguibili igne torqueri. Hæc fratres dilectissi-
mi hæreant cordibus uestris. Hæc sit armorū nostrorum præ-
paratio, hæc diurna ac nocturna meditatio, ante oculos habe-
re, et cogitatione semper ac sensibus uoluere iniquorū suppli-
cia, et præmia ac merita iustorum: quid negantibus Dominus
cōminetur ad poenam, quid contra confitentibus promittat ad
gloriam. Si hæc cogitantibus ac meditantibus nobis persecutio-
nis dies superuenerint, miles Christi præceptis eius et monitis
eruditus nō expauescit ad pugnam, sed paratus est ad coronā.
Opto uos fratres charissimi semper bene ualere.

ARG. EPIST. SEQ.

Ad Magnū epistola, de his qui in lecto grām cōsequuntur, ubi insinuat, quocunq; tpe gratiam Dei perfectione nō carere, dum ab egro fides nō exulat.

EPISTOLA VII.



Vasisti etiam frater charissime, qđ mihi de illis uideatur, qui in infirmitate, et languore grām Dei consequuntur, an habēdi sint legitimi Christiani, eō qđ aqua saluari non loti sint, sed persusi. Qua in parte nemini uerecundia et modestia nostra praeiudicat,

Persunduntur apud nos, merentur apud Anglos.

quò minus unusquisq; quod uoluerit, sentiat, et quod senserit, faciat. Nos, quantum cōcipit mediocritas nostra, existimamus in nullo mutilari, et debilitari posse beneficia diuina, nec minus aliquid illhic posse cōtingere, ubi plena et tota fide et dantis et sumantis accipitur, quod diuinis muneribus hauritur. Neq; n. sic in sacramento saluari delictorum cōtagia, ut in lauacro carnali et seculari sordes cutis et corporis abluuntur, ut et sapone et nitris, et cæteris quoq; adiumentis, et *dolio et piscina opus sit, quibus ablui et mundari corpusculum possit. Aliter pectus credentis abluatur, aliter mens hominis per fidei merita mundatur. In sacramentis salutaribus necessitate cogente, et Deo indulgentiam suam largiente totum credentibus conferūt diuina compendia. Nec quēquam mouere debet, qđ aspergi uel perfundi uidentur egri, cum gratiam dominicam consequuntur, quādo scriptura sancta per Ezechielem prophetam loquitur et dicat: Et aspergam super uos aquam mundam, et mun-

*aliam, lotio

Ezech. 36.

Nume. 19.

tus die tertio & die septimo, non erit mundus, & exterminabitur anima illa de Israël, quoniam aqua asperginis non est su-
 Nume. 3. per eum aspersa. Et iterum: Et locutus est Dominus ad Moysen, dicens: Accipe Leuitas de medio filiorum Israël & purificabis eos. Et ita facies eis purificationem eorum, circumsperges eos aqua purificationis. Et iterum: Aqua aspersionis purificationis est. Vnde apparet aspersionem quoque aquæ instar lauacri salutaris obtinere, & quando hæc in ecclesia fiunt, ubi sit & dantis & accipientis fides integra, stare omnia & con-
 * alias, posse summari ac perfici & eos saluari aqua & fide legitima Christi gratiam consecutos non posse maiestate Domini & fidei ueritate. Porro autem quod quidam non Christianos, sed Clinicos uocant, non inuenio unde hoc nomen assumant, nisi forte qui plura et secretiora legerunt apud Hippocratem uel Soranum Clinicos istos deprehenderunt. Ego enim qui Clinicum de Euangelio noui, scio paralytico illi & debili per longa ætatis curricula in lecto iacenti nihil infirmitatem suam obfuisse, quod minus ad firmitatem cælestem plenissime perueniret. Nec tantum indulgentia dominica excitatum de grabato esse, sed ipsum grabatum suum reparatis & uegetatis uiribus sustulisse. Et idcirco quantum fide concipere & sentire nobis datur, mea sententia hæc est, ut Christianus iudicetur legitimus, quisquis fuerit in ecclesia lege & iure fidei diuinam gratiam consecutus. Aut si aliquis existimat eos nihil consecutos, eo quod ab aqua saluari tantum perfusi sint, si inanes & uacui sunt, non decipiantur, ut si incommodum languoris euaserint, & conualuerint, non baptizentur. Si autem baptizari non possunt, qui iam baptismo ecclesiastico sanctificati sunt, cur in fide sua & Domini indulgentia scandalizantur? An consecuti sunt quidem gratiam dominicam, sed breuiore & minore mensura muneris diuini ac spiritus sancti, ut habeantur quidem Christiani, non sint tamen cæteris adequandi? Quinimo spiritus

sanctus non de mensura datur, sed super credentē totus infun-
ditur. Nam si dies omnibus æqualiter nascitur, & si sol super
omnes pari & equali luce diffunditur, quantò magis Chri-
stus sol & dies uerus in ecclesia sua lumen uitæ æternæ pari
æqualitate largitur? Cuius æqualitatis sacramentum uidemus
in Exodo esse celebratum, cum de cælo manna deflueret, &
futurorum præfiguratione alimentum panis cœlestis cibum
Christi uenientis ostenderet. Illic enim sine discrimine uel se-
xus, uel ætatis gomor à singulis æqualiter colligebatur. Vnde
apparerebat Christi indulgentiam & cœlestem gratiam postmo-
dum secuturam æqualiter omnibus diuidi sine sexus uarietate,
sine annorū discrimine, sine acceptione personæ super omniem
Dei populum spiritualis gratiam muneris infundi. Planè eadē
gratia spiritualis, quæ æqualiter in baptismo à credentibus su-
mitur, in conuersatione atq; actu nostro postmodum uel minui
tur, uel augetur, ut in Euangelio dominicum semen æqualiter
feminatur, sed pro uarietate terræ aliud absumitur, aliud in
multiformem copiam uel tricesimi, uel sexagesimi, uel centesi-
mi numeri fructu exuberante cumulatur. Adhuc uerò cum sin-
guli ad denarium uocentur, quid est ut quod à Deo æqualiter
distribuitur, humana interpretatione minuatur? Quòd si ali-
quis in illo mouetur, quòd quidam de ijs qui ægri baptizan-
tur, spiritibus adhuc immundis tentantur, sciat diaboli nequi-
tiam pertinacem usq; ad aquam salutarem ualere: in baptismo
*uerò * omnes nequitie suæ uires amittere. Quod exemplum*
cernimus in rege Pharaone, qui diu reluctatus, & in sua per-
fidia demoratus, tandiu resistere potuit & præualere, donec
ad aquam ueniret, quò cum uenisset, & uictus est & extin-
ctus. Mare autem illud sacramentum baptismi fuisse, declarat
beatus apostolus Paulus dicens: Nolo enim uos ignorare fra-
tres, quia patres nostri omnes sub nube fuerunt, & omnes per
mare transierunt, & omnes in Moyse baptizati sunt in nube

Spūs sine men-
sura datur.

Ioan. 3.
Sol æqualiter
radios diffun-
dit.

Gratia Dei
æqualiter di-
tribuitur.
Exod. 16.

Matth. 13.

** alias, omne*
nequitia suæ
uires.

1. Cor. 10.

et in mari. et addidit, dicens: Hæc autem omnia figuræ nostræ fuerunt. Quod hodie etiam geritur, ut per exorcistas uoce humana et potestate diuina flagelletur et uratur, ut torqueatur diabolus. Et cum exire se et hoïes Dei dimittere sepe dicat, et in eo tamen quod dixerit fallat, et id quod per Pharaonem prius gestum est, eodem mendacio obstinationis et fraudis exerceat: cum tamen ad aquam salutarem, atque ad baptismi sanctificationem uenitur, scire debemus et fidere quia illhic diabolus opprimitur, et homo dicatus diuina indulgentia liberatur. Nam sicut scorpij et serpentes, qui in sicco præualent, in aquam præcipitati præualere non possunt, aut sua uenena retinere: sic et spiritus nequæ, qui scorpij et serpentes appellantur, et tamen per nos data à Domino potestate calcantur, permanere ultra non possunt in hominis corpore, in quo baptizato et sanctificato incipit spiritus sanctus habitare. Hoc deniq; et rebus ipsis experimur, ut necessitate urgente in aegritudine baptizati et gratiam consecuti careant immundo, quo antea mouebantur, et laudabiles ac probabiles in ecclesia uiuant, plusq; per dies singulos in augmentum celestis gratiæ per fidei incrementa proficiant. Et contra sæpe nonnulli de illis qui sani baptizantur, si postmodum peccare coeperint, spiritu immundo redeunte quatiuntur, ut manifestum sit diabolum in baptismo fide credentis excludi, si fides postmodum defecerit, regredi. Nisi si iustum quibusdam uideatur, ut illi qui extra ecclesiam apud aduersarios et Antichristos profana aqua polluiuntur, baptizati iudicentur. Hi uerò qui in ecclesia baptizantur, minus indulgentiæ et gratiæ diuinæ consecuti esse uideantur, et tantus honor habeatur hæreticis, ut inde uenientes non interrogentur, utrum ne loti sint an persuasi, utrum ne Clinici sint an Peripatetici: Apud nos autem de integra fidei ueritate detrahatur, et baptismo ecclesiastico maiestas sua et sanctitas derogetur. Rescripsi fili charissime ad li-

Diabolus baptismo opprimitur.

Mira similitudo.

Peripatetici ab ambulando dicuntur. Clinici lecto affixi sūt: huc alludit iocus.

teras tuas quantum parua nostra mediocritas ualuit, & ostendi quid nos, quantum in nobis est, sentiamus: nemini præscribentes quò minus statuat quod putat unusquisque præpositus actus sui rationem Domino redditurus, secundum quod beatus Apostolus Paulus in epistola sua ad Romanos scribit & dicit: Unusquisq; nostrum pro se ratione dabit. Non ergo nos inuicem iudicemus. Opto te fili charissime semper bene ualere.

Roma. 14.

ARG. EPIST. SEQ.

Ad Cornelium papam epistola, in qua de literis ad presbyteros missis se purgat, & cuncta ad illius dignitatem fecisse ostendit.

EPISTOLA VIII.

CYPR. CORNELIO FRATRI SAL.



Egi literas tuas frater chariss. quas per Primitiuu cōpresbyteru nostru misisti, in quibus te cōperi motu, quod cū de A drumetina colonia Polycarpi nomine ad te literæ dirigeretur, posteaquā nos ego & Liberatis in eundē locū uenissemus, coepissent illuc ad presbyteros & diaconos literæ dirigi. Quod scire te uolumus & pro certo credere, nulla leuitate aut cōtumelia factum: sed cū statuissemus cōplures, qui in unum cōueneramus, ut legatis ad uos coepiscopis nostris Calydonio et Fortunato missis, omnia interim integra suspēderetur, donec ad nos ijdē collegæ nostri rebus illhic aut ad pacē redactis, aut p ueritate cōpertis redirent: presbyteri & diaconi in A drumetina cōsistentes, Polycarpo coepiscopo nostro absente, ignorabant quid nobis in cōmune placuisset. At ubi nos in præsenti uenimus, cōperto cōsilio nostro, ipsi quoq; id quod & ceteri obseruare coeperunt, ut in nulla ecclesiarum isthic consistentium consensio discrepāret. Quidā tamē mētes nonnūquā & animos sermonib. suis turbāt, dū aliter quēdā quā se habet ueritas, nun

Matrix Ro-
ma.

tiant. Nos enim singulis nauigantibus, ne cum scandalo ullo nauigarent, rationem reddidisse nos scimus, & hortatos esse, ut ecclesie catholice matricem & radicem agnoscerent ac tenerent. Sed quoniam Latius fusa est nostra prouincia, habet etiam Numidiam & Mauritaniam sibi coherentes, ne in urbe schisma factum absentium animos incerta opinione confunderet, placuit ut per episcopos, retenta à nobis rei ueritate, ad comprobandam ordinationem tuam facta auctoritate maiore, tuam demum scrupulo omni de singulorum pectoribus excusso, per omnes omnino in prouincia ista positos literæ fierent, sicut fiunt, ut te uniuersi collegæ nostri & communicationem tuam, id est, catholice ecclesie unitatem pariter & charitatem probarent firmiter ac tenerent. Quod diuinitus euenisse, & consilium nostrum prouidenter processisse gaudemus. Sic enim nunc episcopatus tui & ueritas pariter & dignitas apertissima luce & manifestissima & firmissima est confirmatione fundata, ut & ex rescriptis collegarum nostrorum, qui ad nos literas inde fecerunt, & ex relatione ac testimonijs coepiscoporum Pompeij, & Stephani, & Calydonij, ac Fortunati ordinationis tue & origo necessaria, & ratio iusta, & gloriosa quoque innocentia ab omnibus nosceretur. Quod ut simul cum cæteris quoque collegis nostris stabiliter ac firmiter administremus, atque ut catholice ecclesie concorditer unitatem teneamus, perficiat diuina protectio, ut Dominus qui sacerdotes sibi in ecclesia sua eligere & constituere dignatur, electos quoque, & constitutos sua uoluntate atque opitulatione tueatur, gubernanter inspirans ac subministrans; & ad improborum contumaciam frenandam, uigorem, & ad lapsoriam fouendam poenitentiam, lenitatem. Opto te frater charissime semper bene ualere.

ARG. EPISTOLAE SEQ.

Ad Florentiū Pupianū epist. ubi dolēs qđ temere

de obtreccatoribus crediderit, se purgat, & animi illius lenitatem ostendit.

EPISTOLA IX.

CYPR. QVI ET THASCIVS FLOrentio cui & Pupiano fratri SALVTEM.



Go te frater credideram tandē iā ad poenitentia conuerti, quod in præteritū tā infanda, tā turpia, tā etiā gētibus execrāda, aut audisses de nobis temere, aut credidisses. Porro autē etiā nūc in literis tuis animaduerto te aduē esse, qui prius fueras, eadē te de nobis credere, & in eo quod credideras, pseuerare, & ne sortē claritatis & martyrij tui dignitas, nostra cōmunicatione maculetur, mores nostros diligēter inquirere, & post Deū iudicē qui sacerdotes facit, te uelle, nō dicā de me (quātus enim ego?) sed de Dei & Christi iudicio iudicare: hoc est in Deū nō credere, hoc est rebellem aduersus Christū & aduersus Euāgeliū eius existere, & cū ille dicat: Non ne duo paf= Math. 10. seres asse ueneunt, & neuter eorum cadit in terram sine patris uolūtate? et probet maiestas eius et ueritas sine cōsensu & permissu Dei etiā minima nō fieri, tu existimes sacerdotes Dei sine consensu eius in ecclesia ordinari? Nā credere quod indigni et incerti sint qui ordinātur, quid aliud est, quā credere quod nō à Deo, nec per Deū sacerdotes eius in ecclesia cōstituātur? An putas esse maius de me meū, quā Dei testimoniū, cū Dominus ipse doceat & dicat testimoniū nō esse uerū, si quis ipse de se testis existat, eò quod unusquisq; utiq; sibi faueat, nec contra se aliquis infesta & aduersa depromat, fides uerò synce= Ioan. 7. ra sit ueritatis, si in prædicationibus nostris alius sit prædicator ac testis? Si testimonium, inquit, dixero de me, testimonium meum non est uerum: alius est enim qui testis est de me. Quod si ipse Dominus qui omnia postmodū iudicaturus sit,

Testis in propria causa non idoneus.

noluit de testimonio suo sibi credi, sed maluit de iudicio ac testimonio Dei patris probari. Quanto magis hoc seruos eius obseruare oportet, qui iudicio ac testimonio Dei non probantur tantum, sed etiam gloriantur? Præualuit autem apud te contra diuinam sententiam, et contra conscientiam nostram Dei iuribus nixam, inimicorum et malignorum commetum, quasi apud lapsos et profanos, et extra ecclesiam positos, de quorum pectoribus excesserit spiritus sanctus, esse aliud possit nisi mens praua, et fallax lingua, et odia uenenata, et sacrilega mendacia, quibus qui credit, cum illis necesse est inueniatur, cum dies iudicij uenerit. Quod uerò dixisti sacerdotes humiles esse debere, quia et Dominus et Apostoli humiles fuerunt, humilitatem meam et fratres omnes, et gentiles quoque optime norunt et diligunt, et tu quoque noueras et diligebas, cum adhuc in ecclesia esses, et mecum communicares. Quis autem nostrum longe est ab humilitate, utrum ne ego qui quotidie fratribus seruió, et uenientes ad ecclesiam singulos benignè et cum uoto et gaudio suscipio, an tu qui te episcopum episcopi, et iudicem iudicis ad tempus à Deo dati constituis, cum Dominus Deus in Deuteronomio dicat: Et homo quicumque fecerit in superbia, ut non exaudiat sacerdotem, aut iudicem, quicumque fuerit in diebus illis, morietur homo ille, et omnis populus cum audierit, timebit, et non agent impietatem etiam nunc? Et iterum ad Samuelem loquitur et dicit: Non te spreuerunt, sed me spreuerunt. Et adhuc Dominus in Euangelio, cum ei dictum esset: Sic respondes pontifici? custodiens et docens sacerdotalem honorem seruari oportere, contra pontificem nihil dixerit, sed innocentiam suam tantummodo purgans responderit, dicens: Si male locutus sum, exprobra de malo: si autem bene, quid me cædis? Item Beatus Apostolus, cum ei dictum esset: Sic insilis in sacerdotem Dei male dicendo? nihil contra te meliose locutus sit aduersus sacerdotem: cum et potuerit se constan-

Sacerdotes humiles.

Deutero. 17.

1. Reg. 3.

Ioan. 13.

Actu 23.

cōstanter exercere aduersus eos qui Dominum crucifixissent,
 & qui iam Deum, & Christum, templum, & sacerdotium
 perdidissent. Sed quamuis in falsis & spoliatis sacerdotibus
 umbram tamen ipsam inanem sacerdotalis nominis cogitās di
 xerit: Nesciebam fratres quia pontifex est, scriptum est enim:
 Principem plebis tuæ non maledices: nisi si sacerdos tibi fui Exod. 22.
 ante persecutionem, quando mecum communicabas, sed post
 persecutionem sacerdos esse desij. Persecutio enim te uenien
 tem ad summam martyrij sublimitatem prouexit: me autem
 proscriptionis onere depressit, cum publicè legeretur: Siquis
 tenet uel possidet de bonis Cæcilij Cypriani episcopi Chri
 stianorum, proscribatur: ut etiam qui non credebant Deo epi
 scopum cōstituenti, uel diabolo crederent episcopum proscri
 bent. Nec hoc iacto, sed dolens profero, cum te iudicem Dei
 constituas & Christi, qui dicit ad Apostolos, ac per hoc ad o
 mnes præpositos qui Apostolis uicaria ordinatione succedūt:
 Qui audit uos, me audit: & qui me audit, audit eum qui me Luc. 10.
 misit. Et qui reijcit uos, me reijcit, & eum qui me misit. Vnde
 enim schismata & hæreses obortæ sunt & oriuntur, nisi
 dum episcopus qui unus est, & ecclesiæ præest, superba quo
 rundam præsumptione contemnitur, et homo dignatione Dei
 honoratus, ab indignis hominibus iudicatur? Quis enim hic
 est superbiæ tumor, quæ arrogantia animi, quæ mentis infla
 tio, ad cognitionem suam præpositos & sacerdotes uocare,
 ac nisi apud te purgati fuerimus, & sententia tua absoluti,
 etiam sex annis nec fraternitas habuerit episcopum, nec plebs
 præpositum, nec grex pastorem, nec ecclesia gubernatorem,
 nec Christus antistitem, nec Deus sacerdotē: subueniat Pupia
 nus & sententiam dicat: Iudicium Dei & Christi in apertum
 referat, ne tantus fidelium numerus qui sub nobis accersitus est,
 sine spe salutis & pacis exisse uideatur, ne nouus credentium
 populus nullam per uos consecutus esse baptismi gratiam &

Apes regē habent.

Præpositus inter prædones.

Ecl. 18.

Proverb. 17.

spiritus sancti iudicetur, ne tot lapsis & pœnitentibus pax data, & cōmunicatio nostra examinatione concessa iudicij sui autoritate solvatur. Annue aliquando & dignare pronuntiare de nobis, & episcopatum nostrum cognitionis tuæ autoritate firmare, ut Deus & Christus eius agere tibi gratias possint, quod per te antistes & rector altari eorum pariter & plebi restitutus sit. Apes habent regem et iudicem, & ei fidem servant. Latrones mancipi obsequio pleno humilitatis obtemperant. Quanto simpliciores & meliores vobis brutæ pecudes, & muta animalia, & cruenti licet ac furentes inter gladios atq; inter arma prædones? Præpositus illhic agnoscitur & timetur, quem non sententia diuina constituit, sed in quem factio perdita & nocens cæterua consentit. Dixisti sanè scrupulum tibi esse tollendum de animo, in quem incidisti, sed tua mente et uoluntate sacrilega, dum incesta, dum impia, dum nefanda contra fratrem, contra sacerdotem facile audis, et libenter credis, aliena mendacia quasi propria et priuata defendis, nec recordaris scriptum esse: Sepi aures tuas spinis, & noli audire linguam nequam. & iterum: Malus obaudit linguæ iniquorum, iustus autem non intendit labijs mēdacibus. Quare in hunc scrupulum non inciderunt martyres spiritu sancto pleni, et ad conspectum Dei et Christi eius, passioni iam proximi, qui ad Cyprianum episcopum literas de carcere direxerunt, sacerdotem Dei agnoscetes et contestantes ei? Quare in hunc scrupulum non inciderunt tot episcopi collegæ mei, qui uel cum de medio recesserunt, proscripti sunt, uel apprehensi in carcere et in catenis fuerunt, aut qui in exilium relegati, illustri itinere ad Dominū profecti sunt, qui quibusdam locis animaduersi cœlestes coronas de Domini clarificatione sumpserunt? Quare in hunc scrupulum non inciderunt de plebe ista nostra quæ apud nos est, et nobis de Dei dignatione cōmissa est, tot cōfessores quæstionati et torti, & insigniū uulne

rum & cicatricum memoria gloriosi? tot uirgines integræ? tot laudabiles uiduæ? ecclesiæ deniq; uniuersæ per totum mun- dum nobiscū unitatis uinculo copulatæ? nisi si omnes isti com- municantes mecum, secundum quod scripsisti: polluto ore no- stro polluti sunt, & si spem uitæ æternæ cōmunicationis no- stræ contagione perdiderunt, Pupianus solus integer, inuiola- tus, sanctus, pudicus, qui nobis miscere se noluit, in paradiso atq; in regno cœlorum solus habitabit. Scripsisti etiam quod ecclesia nunc propter me portionē sui in disperso habeat, cum omnis ecclesiæ populus & collectus sit & adunatus, & indi- uidua concordia sibi iunctus, & soli illi foris remanserint, qui etsi intus essent, eijciendi fuerant, ne patiatur Dominus po- puli sui protector & tutor triticum de area sua diripi, sed so- le possint paleæ de ecclesia separari, cum & apostolus dicat: Quid enim si exciderūt à fide quidam illorum? Nunquid in- fidelitas illorum fidem Dei euacuauit? absit. Est enim Deus ue- rax, omnis autem homo mendax. Et Dominus quoq; in Euan- gelio, cum eum loquentem discipuli dereliquerent, conuersus ad duodecim dixerit: Nunquid & uos uultis ire? Respondit ei Petrus, dicēs: Domine ad quem ibimus? uerbum uitæ æternæ habes, & nos credidimus & cognouimus, quoniam tu es fi- lius Dei uiui. Loquitur illhic Petrus, super quem ædificanda fuerat ecclesia, docens quia & si contumax ac superba obau- dire nolentium multitudo discedat, ecclesia tamen Christia- norum non recedit, & illi sunt ecclesia & plebs sacerdoti adunata, & pastori suo grex adhærēs. Vnde scire debes epi- scopum in ecclesia esse, & ecclesiā in episcopo, & si qui cum episcopo non sint, in ecclesia non esse, & frustra sibi blandiri eos, qui pacem cū sacerdotibus Dei non habētes obrepunt, & latenter apud quosdam cōmunicare se credunt, cum ecclesia quæ catholica una est, scissa non sit neque diuisa, sed sit utiq; connexa, et coherentium sibi inuicem sacerdotum glutino co-

Pupiano insul-
tat Cypri.

Rom, 3.

Ioan. 6.

pulata. Quamobrem frater si maiestatem Dei, qui sacerdotes ordinat, & Christi cogitaueris: si Christum qui arbitrio & nutu ac præsentia sua & præpositos ipsos, & ecclesiam cum præpositis gubernat, aliquando respexeris, si de innocentia sacerdotum non humano odio, sed diuino iudicio credideris, si temeritatis & superbiæ atq; insolentiæ tuæ agere uel serò pœnitentiã cœperis, si Deo & Christo eius quibus seruiuo, & quibus puro & immaculato ore sacrificia & in persecutione pariter & in pace indefinenter offero, plenissimè satisfeceris, cōmunicationis tuæ poterimus habere rationem, manente tamē apud nos diuinæ censuræ respectu & metu, ut prius Dominum meum cōsulam, an tibi pacem dari, & te ad communicationem ecclesiæ suæ admitti sua ostensione & admonitione permittat. Memini enim quid iā mihi sit ostensum, inmo quid seruo obsequenti & timenti de dominica & diuina autoritate præceptum, qui inter cætera quæ ostendere & reuelare dignatus est, & hoc addidit: Itaq; qui Christo non credit sacerdotem facienti, postea credere incipiet sacerdotem uindictanti. Quanquā sciam omnia ridicula & uisiones ineptas quibusdam uideri, sed utique illis qui malunt contra sacerdotes credere quā sacerdoti: Sed nihil mirum, quando de Ioseph fratres sui dixerunt, Ecce somniator ille uenit. Nunc ergo uenite occidamus eum, & somniator postea quod somniauerat consecutus sit, & occisores ac uenditores confusi sint, ut qui uerbis non credidissent, factis postmodum crederent. De ijs autem, quæ tu egisti uel in persecutione, uel in pace, stultum est ut uelim te iudicare, cum tu magis iudicem te nostri constitueris. Hæc pro animi mei pura conscientia, & Domini Dei mei fiducia rescripsi. Habes tu literas meas, & ego tuas: In die iudicii ante tribunal Christi utrunq; recitabitur.

Reuelatio.

Gen. 37

A R G. S E Q. E P I S T.

Ad clerū de Numidico confessore p̄sb̄o ordinato.

EPISTOLA X.

CYPRI. PRESBYTERIS ET DIA-

conis, & plebi uniuersæ charissimis ac desi-

deratissimis fratribus S A L.



Vntiandum uobis fratres charissimi, q̃. od
pertineat ad communem letitiam, & ad
ecclesiæ nostræ maximam gloriam, existi-
maui. Nam admonitos uos & instructos
sciatis dignatiõe diuina, ut Numidicus pre-
sbyter adscribatur presbyterorum Cartha-

Numidicus
presbyter.

ginensium numero, & nobiscum sedeat in clero luce clarissi-
ma confessionis illustris, & uirtutis ac fidei honore sublimis,
qui hortatu suo copiosum martyrum numerum lapidibus &
flammis necatum ante se misit. Quiq; uxorem adhaerentem
lateri suo cõcrematam simul cum cæteris (uel conseruatam ma-
gis dixerim) lætus aspexit. Ipse semustulatus, & lapidibus ob-
rutus, et pro mortuo derelictus, dum postmodum filia sollicito
pietatis obsequio cadauer patris inquirat, semianimis inuictus,
et refocillatus et extractus à comitibus, quos ipse præmiserat,
remansit inuitus. Sed remanendi (ut uidemus) hæc fuit causa,
ut eum clero nostro Dominus adiungeret, et desolatam quorun-
dam presbyterorum nostrorum copiam gloriosis sacerdotibus
adornaret. Et promouebitur quidem, dum tempus permiserit,
ad ampliorem locum religionis suæ, cum in præsentia prote-
gente Domino uenerimus. Interim quod ostenditur fiat, ut cū
gratiarum actione suscipiamus hoc Dei munus, sperantes de
misericordia Domini eiusmodi ornamenta compleri, ut redin-
tegrato ecclesiæ suæ robore, tam mites et humiles faciat con-
fessus nostri honore florere.

DIVI CAECILII CYPRIA. EPIST.

LIBRI QVARTI FINIS.

DIVI CAECILII CYPRIANI
EPISCOPI CARTHAGINEN-
SIS, VARII TRA-
CTATVS.

ARG. TRACTATVS SEQ.

Contra Demetrianum tractatus, dicentem Chri-
stianis imputari debere omnia, quibus tunc mūdus
urgebatur, q̄ ab ipsis dñi nō colerentur. In qua obie-
ctis se purgans demonstrat mala multiplicari q̄ ab
idololatri Deo non coleretur.

TRACTATVS PRIMVS

contra Demetrianum.

Hic Stylus est
elaboratio,
quedam imi-
tatio ex Ter-
tulliano,



Blatratem te et aduersum Deum, qui unus
et uerus est, ore sacrilego & uerbis impijs
obstrepentem frequenter Demetriane con-
tempseram, uerecundius ac melius existi-
mans erratis imperitiam silehtio spernere.
quā loquendo dementis insaniam prouo-

care. Nec hoc sine magisterij diuini autoritate faciebam, cum

Prouer. 9. scriptum sit: In aures imprudentis noli qcquam dicere, ne cum

Prouer. 23. audierit, irideat sensatos sermones tuos. Et iterū: Noli respon-

dere imprudenti ad imprudentiā eius, ne similis fias illi: et san-
ctum quoq; iubeamur intra conscientiā nostram tenere, nec cō-
culcandum porcis et canibus exponere, loquente Dño et dicen-

Matth. 7. te: Ne dederitis sanctum canibus, neq; miseritis margaritas ue-

stras ante porcos, ne conculcent ea pedibus, et conuersi elidāt
uos. Nam cum ad me sepe studio magis contradicendi, quā
uoto discēdi uenires, et clamoris uocibus personans malles tua
impudenter ingerere, quā nostra patienter audire, ineptum
uidebatur congrēdi tecum, cum facilius esset et lenius turbulens

ti maris concitos fluctus clamoribus retundere, quàm tuam rabi-
 biem tractatibus coercere. Certe et labor irritus et nullus effe-
 ctus, offerre lumen cæco, sermonem surdo, sapientiam bruto:
 cum nec sentire brutus possit, nec cæcus lumen admittere, nec
 surdus audire. Hæc considerans sæpe conticui, et impatientem
 patientiæ uici, cum nec docere indocilem possem, nec impium
 religione comprimere, nec furentē lenitate cohibere. Sed enim
 cum dicas plurimos conqueri, q̃ bella crebrius surgant, quòd
 lues, quòd fames sæuiant: quodq; imbres & pluuias serena lon-
 ga suspendunt, nobis imputari, ultra tacere nō oportet, ne iam
 non uerecundiæ, sed diffidentiæ esse incipiat quòd tacemus, &
 dum criminationes falsas contemnimus refutare, uideamur cri-
 men agnoscere. Respondemus igitur & tibi Demetriane pa-
 riter & cæteris, quos tu forsitan concitasti, & aduersum nos
 odia tua maledicis uocibus seminando, comites tibi plures ra-
 dicis atq; originis tuæ pullulatione fecisti, quos tamen sermo-
 nis nostri admittere credo rationem. Nam qui ad malum mo-
 tus est mendacio fallente, multo magis ad bonum mouebitur,
 ueritate cogente. Dixisti per nos fieri, & quòd nobis debeant
 imputari omnia ista, quibus nunc mundus quatitur & urge-
 tur, quòd dij uestri à nobis non colantur. Qua in parte (quia
 ignarus diuinæ cognitionis & ueritatis alienus es) illud pri-
 mo in loco scire debes, senuisse iam mundum, non illis uiri-
 bus stare quibus prius steterat, nec uigore & robore eo ua-
 lere, quo antea præualebat. Hoc etiam nobis tacentibus, &
 nulla de scripturis sanctis prædicationibusq; diuinis documen-
 ta promentibus, mundus ipse iam loquitur, & occasum sui re-
 rum labentium probatione testatur, non hyeme nutriendis
 seminibus tanta imbrium copia est, non frugibus æstate tor-
 rendis solita flagrantia est, nec sic * uerna de temperie sata
 leta sunt, nec adeo arboreis foetibus autumnia fecunda sunt.
 Minus de effossis & fatigatis montibus eruuntur marmorum

Ceco lumen,
 surdo sermo-
 nem, sapien-
 tiam bruto offerre
 labor irritus.

Refellit De-
 metriani sa-
 furos.

Mundus senuit

alias, uernali

*crustæ, minus argenti & auri opes suggerunt exhausta iam
 alias, Breuiâ metalla et pauperes uenæ. *Breuiatur in dies singulos, & de-
 tur. crescit ac deficit in agris agricola, in mari nauta, miles in ca-
 stris, innocentia in foro, iustitia in iudicio, in amicitijs concor-
 dia, in artibus peritia, in moribus disciplina. Putas ne tu tãtam
 posse substantiam rei senescentis existere, quanta prius potuit
 nouella adhuc & uegeta iuuenta pollere? Minuatur necesse
 est quicquid sine iam proximo in occidua & in extrema de-
 uergit. Sic sol in occasu suo radios minus claro & igneo splen-
 dore iaculatur. Sic declinante iam cursu exoletis cornibus lu-
 na tenuatur, & arbor quæ fuerat ante uiridis & fertilis, are-
 scentibus ramis fit postmodum sterili senectute deformis. Et
 fons qui exundantibus prius uenis largiter profluebat, sene-
 ctute deficiens uix modico sudore distillat. Hæc sententia mun-
 do data est: hæc Dei lex est, ut omnia orta occidant, & aucta
 senescant, ut infirmentur fortia, & magna minuantur, ut cum
 infirmata & diminuta fuerint, finiantur. Hæc Christianis im-
 putas, quòd minuantur singula mundo senescente? Quid si &
 senes imputent Christianis, quòd minus ualeant in senectute?
 quòd non perinde ut prius uigeant auditu aurium, cursu pe-
 dum, oculorum acie, uirium robore, succo uiscerum, mole mē-
 brorum, & cum olim ultra octingentos & nongentos annos
 uita hominum longæua procederet, uix nunc possit ad cente-
 narium numerum peruenire? Canos uidemus in pueris, capilli
 deficiunt antequàm crescant, nec ætas in senectutem definit, sed
 incipit à senectute: sic in ortu adhuc suo ad finem natiuitas
 properat, sic quodcumq; nunc nascitur, mundi ipsius senectute
 degenerat, ut nemo mirari debeat singula in mundo cœpisse
 deficere, cum totus ipse iam mundus in defectione sit & in fi-
 ne. Quòd autem crebrius bella continuant, quòd sterilitas et
 fames solitudinem cumulant, quòd sæuientibus morbis ua-
 letudo frangitur, quòd humanum genus luis populatione ua-*

*Omnia orta
 cadunt.*

Vita breuitas

statum, et hoc scias esse prædictum, in nouissimis temporibus multiplicari mala, & aduersa uariari, & appropinquante iam iudicii die, magis ac magis in plagas generis humani censuram Dei indignantis accendi. Non enim sicut tua falsa querimonia et imperitia ueritatis ignara iactat et clamat, ista accidunt, quòd Dij uestri à nobis non colantur, sed quòd à nobis nò colatur Deus. Nam cum ipse sit mundi Dominus, cognitor & rector, et cuncta arbitrio eius & nutu gerantur, nec quicquam fieri possit, nisi quod aut ficerit, aut fieri ipse permiserit, utique quando ea fiunt, quæ iram Dei indignantis ostendunt, non propter nos fiunt, à quibus Deus colitur, sed delictis et meritis uestris irrogantur, à quibus Deus omnino nec queritur, nec timetur, nec relictis uanis superstitionibus religio uera cognoscitur, ut qui Deus unus est, omnibus unus, colatur ab omnibus et rogetur. Ipsum denique audi loquentem, ipsum uoce diuina instruente nos pariter ac monentem: Dominum Luc. 4.
Deum tuum adorabis, & illi soli seruiēs. Et iterum: Non erūt Exod. 20.
tibi dij alieni absq; me. Et iterum: Nolite ambulare post deos Hier. 7.
alienos, ut seruiatis eis, et ne adoraueritis eos, et ne incitetis me in operibus manuum uestrarum ad disperdendos uos. Propheta item spiritu sancto plenus contestatur et denuntiat iram Dei, dicens: Hæc dicit Dominus omnipotens: Eò quòd domus mea deserta est, uos autem sectantini unusquisque in domum suam, propterea abstinebit cælum à rore, & terra subtrahet procreationes suas, et inducām gladium super terram, et super frumentum, & super uinum, & super oleum, & super homines, et super pecora, super omnes labores manuum uestrarum. Item propheta alius repetit et dicit: Et pluam super Aggei. 2.
unam ciuitatem, et super aliam non pluam. Pars una conpluetur, et pars super quam non pluerō, arefiet. Et congregabuntur duæ et tres ciuitates in unam ciuitatē potandæ aquæ causa, nec satiabuntur, et non conuertimini ad me dicit Domi-

Quicquid pa-
timur peccata
nostra merue-
runt.

nus indignatur ecce Dominus & irascitur, & quòd ad Deum non conuertamini comminatur, & tu miraris aut quereris in hac obstinatione & contemptu uestro, si raris desuper pluuia descēdat, si terra situ pulueris squalleat, si uix ieiunas & palidas herbas sterilis gleba producat, si uineam debilitet gran- do cadens, si oleam detruncet turbo subuertens, si fontem sic- citas statuatur, aërem pestilens aura corrumpat, homines mor- bida uoletudo consumat, cum omnia ista peccatis prouocanti- bus ueniant, & plus exacerbetur Deus quando nihil talia & tanta proficiant? Fieri enim ista uel ad disciplinam contuma- cium, uel poenam malorum, declarat in scripturis sanctis idem

Hiere. 2. Deus, dicens: Sine causa percussi filios uestros, disciplinam nō exceperunt. Et propheta deuotus ac dicatus Deo ad hæc eadē

Hiere. 5. respondet & dicit: Verberasti eos, nec doluerunt, flagellasti eos, nec uoluerunt credere, nec accipere disciplinam. Ecce ir- rogantur diuinitus plagæ, & nullus Dei metus est. Ecce uerbe- ra desuper & flagella non desunt, et trepidatio nulla, nulla formido est. Quid si non intercederet rebus humanis uel ista censura, quanto adhuc maior in omnibus esset audacia facino- rum impunitate secura? Quereris quòd minus nunc tibi ube- res fontes, et auræ salubres, et frequens pluuia, et fertilis ter- ra obsequium præbeant, quòd non ita utilitatibus tuis et uo- luptatibus elementa deseruiat. Tu enim Deo seruis, per quem tibi cuncta deseruiunt? Tu famularis illi, cuius nutu tibi uni- uersa famulatur? Ipse de seruo tuo exigit seruitium, et homo hominem parere tibi et obedire compellis, et cum sit uobis eadem fors nascendi, conditio una moriendi, corporum mate- ria consimilis, animarum ratio communis, æquali iure, & pa- ri lege uel ueniatur in huic mundum, uel de hoc mundo post- modum recedatur, tamen nisi pro arbitrio tuo tibi seruiatur, nisi ad uoluntatis imperiū pareatur, imperiosus et minus ser- uitutis exactor flagellis uerberas, fame, siti, nuditate, frequen-

Demetrianū
inrepat Cy-
prianus.

Corporū ma-
teria similis.
Animarū ra-
tio communis

ter ferro & carcere affligis & crucias, & non agnoscis Dominum Deum tuum, cum sic exerceas ipse dominatum? Merito ergo incurfantibus plagis non desunt Dei flagella nec uerba, quæ cum nihil isthic promoueant, nec ad Dominum singulos tanto cladium terrore conuertant, manet postmodum carcer æternus, & iugis flamma, & pœna perpetua, nec auditur illhic rogantium gemitus, quia nec hic Dei indignantis terror auditus est, qui per prophetam clamat & dicit: Audite sermonem Domini filij Israël, quia iudiciū Domini est aduersum incolas terræ, eò quòd neque misericordia, neque ueritas, neque agnitio Dei est super terram, sed execratio & mendaciū, & cædes, & furtum, & adulterium diffusum est super terram, sanguinem sanguini supermiscent. Idcirco terra lugebit cum uniuerfis incolis suis, cum bestiis agri, cum serpentibus terræ, cum uolucris & uolatilibus cœli, & deficient pisces maris, ut nemo iudicet, & nemo reuincat. Indignari se Deus dicit & irasci, eò quòd agnitio Dei non sit in terris, & Deus non agnoscitur nec timetur. Delicta mendaciorum & libidinum, fraudū, crudelitatis, blasphemiarū, impietatis et furoris Deus increpat & incusat, & ad innocentiam nemo conuertitur. Fiunt ecce quæ uerbis Dei antè prædicta sunt, nec quisquam fide præsentium, ut in futurum cōsulat, admonetur. Inter ipsa aduersa, quibus uix coartata & conclusa anima respirat, uacat malos esse, & in periculis tantis nō de se magis, sed de altero iudicare. Indignantini indignari Deum, quasi aliquid boni malè uiuendo mereamini, quasi non omnia ista quæ accidunt, minora adhuc sint & leuiora peccatis uestris. Qui alios iudicas, aliquando esto & tibi iudex, conscientie tuæ latebras intueri, imo (quia nullus iam delinquendi uel pudor est, & sic peccatur quasi magis pro ipsis peccatis placeatur) qui perspicuus & nudus uideris à cunctis, & ipse te respice. Aut enim superbia inflatus es, aut auaritia rapax, aut iracundia seuus,

Osee. 4.

Inuchitur in
Demetrianū.

alias, elatione aut ~~alea~~ prodigus, aut uinolentia temulentus, aut liuore inuidus, aut libidine incestus, aut crudelitate uiolentus, et miraris in penas generis humani iram Dei crescere, cum crescat quotidie quod puniatur? Hostem quereris exurgere, quasi ~~et~~ si hostis desit, esse pax inter ipsas togas possit. Hostem quereris exurgere, quasi non etsi externa de barbaris arma et pericula comprimantur, ferocius intus et grauius de calumnijs ~~et~~ iniurijs potentium ciuium domesticæ impugnationis tela grassentur. De sterilitate aut fame quereris, quasi famem maiorem siccitas, quàm rapacitas faciat, quasi non de captatis annonarum incrementis et pretiorum cumulis flagrantior inopiæ excrescat ardor. Quereris cludi imbribus cælum, cum sic horrea cludantur in terris. Quereris minus nasci, quasi quæ nata sunt indigentibus præbeantur. Pestem et luem criminaris, cum peste ipsa et lue uel detecta sint, uel aucta crimina singulorum, dum nec infirmis exhibetur misericordia, et defunctis auaritia inhiat ac rapina, ijdē ad pietatis obsequiū timidi, ad impia lucra temerarij: fugientes morientium funera, et appetentes spolia mortuorum, ut appareat in ægritudine sua miseros ad hoc forsitan derelictos esse, ne possint, dum curatur, euadere. Nam perire ægrum uoluit, qui censum percuntis inuadit. Tantus ~~et~~ cladum terror dare non potest innocentie disciplinam, ~~et~~ inter populum frequenti strage morientem, nemo considerat se esse mortalem. Passim discurritur, rapitur, occupatur. Prædandi dissimulatio nulla, nulla cunctatio est. Quasi liceat, quasi oporteat, quasi ille qui non rapit, damnum ~~et~~ dispendium proprium sentiat, sic unusquisq; rapere festinat. In latronibus est utcunq; scelerum aliqua uerecundia, auias fauces ~~et~~ desertas solitudines diligunt, et sic illhic delinquitur, ut tamen delinquentium facinus tenebris ~~et~~ nocte ueletur. Auaritia palam seuit, et ipsa audacia sua tuta in fori luce abruptæ cupiditatis arma prostituit. Inde falsarij, inde uenefici, inde in me-

Auaritia sacerdotum.

Solacismus.

alias, gladio-rum.

dia ciuitate sicarij, tam ad peccandū præcipites, quàm impune
 peccantes. A nocente crimē admittitur, nec innocens qui uin-
 dicet, inuenitur. De accusatore uel iudice metus nullus. Impu-
 nitatē cōsequuntur mali, dum modesti tacēt, timent conscij, ue-
 neunt iudicaturi. Et idcirco per prophetam diuino spiritu &
 instinctu rei ueritas promitur, certa & manifesta ratio mon-
 stratur, Dominū posse aduersa prohibere, sed ne ille subueniat
 merita peccantiū facere. Nunquid, ait, non ualeat manus Domi-
 ni, ut saluos uos faciat, aut grauauit aurem, ut non exaudiat?
 Sed peccata uestra inter uos & Deum separāt. Et propter de-
 licta uestra auertit faciem suam à uobis, ne misereatur. Pecca-
 ta itaq; & delicta reputentur cōscientiæ, uulnera cogitentur,
 & desinet unusquisq; de domino & de nobis cōqueri, si quod
 patitur, intelligat se mereri. Ecce idipsum quale est, unde no-
 bis cū maximè sermo est, quòd nos infestatis innoxios, quòd in-
 contumeliam Dei impugnatis atq; opprimitis Dei seruos. Pa-
 rum est quòd furentium uarietate uitiorum, quòd iniquitate se-
 raliū criminum, quòd cruentarū cōpendio rapinarū uita ue-
 stra maculatur, quòd superstitionibus falsis religio uera sub-
 uertitur, quòd Deus omnino nec queritur nec timetur, adhuc
 insuper Dei seruos & maiestati ac * nomini eius dicatos iniu-
 stis persecutionibus flagellatis. Satis non est quòd tu ipse Do-
 minū non colis, adhuc insuper eos qui colunt sacrilega infesta-
 tione persequeris. Deum nec colis, nec colere omnino permit-
 tis, & cum ceteri, qui non tantum ista inepta idola & manu
 hominis facta simulachra, sed & portēta quedam & monstra
 uenerantur, tibi placeant, solus displicet Dei cultor. Fumant
 ubiq; in templis uestris hostiarum busta & rogi pecorum, &
 Dei altaria uel nulla sunt, uel occulta. Crocodili & cynocepha-
 li & lapides & serpentes coluntur, et Deus solus in terris aut
 non colitur, aut nō est impune quòd colitur: innoxios, iustos,
 deo charos domo priuas, patrimonio spoliās, catenis premis,

Hier. 41.

Peccata sepa-
rant à Deo.Superstitione
subuertitur re-
ligio.
alias numiniCrocodilus co-
litur.Christianorū
persecutor De-
metrianns.

carcere includis, gladio, bestiis, ignibus punis. Saltem contentus esto dolorum nostrorum compendio ac simplici ac ueloci breuitate poenarum. Admoues laniandis corporibus longa tormenta, multiplicas lacerandis uisceribus numerosa supplicia, nec feritas atque immanitas tua usitatis potest contenta esse tormentis, excogitat nouas poenas ingeniosa crudelitas. Quæ hæc est insatiabilis carnificinæ rabies, quæ inexplebilis libido seuitiæ? Quin potius elige tibi alterum de duobus: Christianum esse, aut est crimē, aut nō est. Si crimē est, cur non interficis confitentem? si crimen non est, quid persequeris innocentem? Torqueri enim debui si negarem. Si poenā tuam metuens id quod prius fueram, & quod Deos tuos non colueram, mendacio fallente celarem, tunc torquendus fuisset, tunc ad cōfessionem criminis ui doloris adigendus, sicut in cæteris questionibus torquentur rei, qui se negant crimine quo accusantur teneri, ut facinoris ueritas, quæ indice uoce non promitur, dolore corporis exprimatur. Nunc uerò cum spontē cōfitear & clamem, & crebris ac repetitis identidem uocibus Christianū me esse contestor, quid tormenta admoues confitenti, & deos tuos nō in abditis & secretis locis, sed palam, sed publicē, sed in foro ipso magistratibus & præsilibus audientibus destruēti, ut etsi parum fuerat, quod in me prius criminabaris, creuerit quod & odisse & punire plus debeas, quod dū me Christianum celebri loco & populo circumstante pronuntio, & uos & Deos uestros clara & publica præconatione confundo, quid te ad infirmitatem corporis uertis? quid cum terrenæ carnis imbecillitate contendis? Cum animi uigore congregedere, uirtutē mentis infringe, fidem destrue, disceptatione si potes uince, uince ratione. Vel siquid dijs tuis numinis & potestatis est, ipsi in ultionem suam surgant, ipsi se sua maiestate defendant. Aut quid præstare colentibus possint, qui se de non colentibus uindicare non possunt? Nam si eo qui uindicatur

Hæc ex Ter-
tulliano.

pluris est ille qui uindicat, tu dijs tuis maior es. Si autē ijs quos
 colis maior es, nō tu illos colere, sed ab ipsis potius coli debes.
 Sic illos lesos ultio uestra defendit, quomodo & clausos ne
 pereant tutela uestra custodit. Pudeat te eos colere, quos ipse
 defendis, pudeat tutelam de ijs sperare, quos tu tueris. O si au-
 dire eos uelles & uidere, quando ā nobis adiurantur & tor-
 quentur spiritualibus flagris, & uerborum tormentis de ob-
 sessis corporibus eijciuntur, quando eiulantes & gementes
 uoce humana & potestate diuina flagella & uerbera sentien-
 tes uenturum iudicium cōfitentur. Veni & cognosce esse ue-
 ra, quæ dicimus. Et quia sic deos colere te dicis, uel ipsis quos
 colis crede, aut si uolueris & tibi credere: de te ipso loque-
 tur audiente te, qui nunc tuum pectus obsedit, qui nunc men-
 tem tuam ignorantie nocte cecauit: uidebis nos rogari ab
 eis, quos tu rogas: timeri ab eis, quos tu times: quos tu adoras,
 uidebis sub manus nostras stare uinctos, & tremere captiuos,
 quos tu suspicis & ueneraris ut dominos. Certe uel sic cōsun-
 di in istis erroribus tuis poteris, cum conspexeris & audieris
 deos tuos quid sint, ad interrogationes nostras statim prode-
 re, & presentibus licet uobis præstigias illas & fallacias suas
 non posse celare. Quæ ergo mentis ignauia est, imo quæ desi-
 pientium cæca & stulta dementia, ad lucem de tenebris non
 uenire, & mortis æternæ laqueis uinctos spem nolle immorta-
 litatis excipere, nō metuere Deum comminantem & dicentē:
 Sacrificans dijs eradicabitur, nisi Domino soli? Et iterū: Ado-
 rauerunt eos quos fecerunt digiti eorum, & incuruatus est ho-
 mo, & humiliatus est uir, & non laxabo illis. Quid te ad fal-
 sos deos humilias & inclinas? Quid ante inepta simulachra
 & segmenta terrena captiuum corpus incuruas? Rectum te
 Deus fecit, & cum cætera animalia prona & ad terram si-
 tu uergente depressa sint, tibi sublimis status, & ad cælum
 atq; ad Deum tuum uultus erectus est. Illuc intueri, illuc

Exod. 22.

Esa. 2.

Os hominis sub-
 lime dedit, cæ-
 lumq; uidere
 iussit.

oculos tuos erige, in supernis Deum quere. Vt carere inferis possis, ad alta & coelestia suspensum pectus attolle. Quid te in lapsum mortis cum serpente, quem colis, sternis? Quid in ruinam diaboli per ipsum & cum ipso cadis? Sublimiorem serua, qua natus es. Perseuera talis, qualis à Deo factus es. Cū statu oris & corporis animum tuum statue. Vt cognoscere Deum possis, te ante cognosce. Relinque idola, quæ humanus error inuenit. Ad Deum conuertere, quem si imploraueris subuenit. Christo crede, quem uiuificandis ac reparandis nobis pater misit. Lædere seruos Dei & Christi persecutionibus tuis desine, quos læsos ultio diuina defendit. Inde est quod nemo nostrum quando apprehenditur, reluctatur, nec se aduersus iniustam uiolentiam uestram, quamuis nimis & copiosus noster populus, ulciscitur. Patientes facit de secutura ultione securitas. Innocentes nocentibus cedunt. Infantes poenis & cruciatibus acquiescunt, certi & fidentes quod inultum non remaneat quodcunque perpetimur, quantoq; maior fuerit persecutionis iniuria, tanto & iustior fiat & grauior pro persecutione uindicta. Nec unquam impiorum scelere in nostrum nomen exurgitur, ut non statim diuinitus uindicta comitetur. Vt memorias non teneamus antiquas, & ultiones pro cultoribus Dei sepe repetitas, nullo uocis præconio reuoluamus, documentū recentis rei satis est, quod sic celeriter, quodq; in tanta celeritate sic granditer nuper secuta defensio est, ruinis regum, iacturis opum, dispendio militum, diminutione castrorum. Nec hoc casu accidisse aliquis existimet, aut fuisse fortuitum putet, cum iampridē scriptura diuina posuerit & dixerit: Mihi uindictam, ego retribuam, dicit Dominus. Et iterum spiritus sanctus præmoneat & dicat: Ne dixeris: ulciscar me de inimico meo: sed expecta Dominum, ut tibi auxilio sit. Vnde clarum est atq; manifestum, quia non per nos, sed pro nobis accidunt cuncta ista, quæ de Dei indignatione descendunt.

Scelus uindicta sequitur.

Dent. 32

descendant. Nec ideo quis putet Christianos ijs quæ accidunt, non uindicari, quòd & ipsi uideantur incurfione perstringi. Pœnam de aduersis mundi ille sentit, cui & letitia & gloria omnis in mundo est. Ille mœret & deflet, si sibi male sit in seculo, cui bene non potest esse post seculum, cuius uiuendi fructus omnis hic capitur, cuius hic solatium omne finitur, cuius caduca & breuis uita hic aliquam dulcedinem computat uoluptatum: cum isthinc recesserit, pœna iam sola superest ad dolorem. Cæterum nullus hic dolor est de incurfione malorum præsentium, quibus fiducia est futurorum bonorum. Denique nec consternamur aduersis, nec frangimur, nec dolemus, neque in ulla aut rerum clade, aut corporum uoletudine misitamus, spiritu magis quàm carne uiuentes, firmitate animi infirmitatem corporis iancimus. Per ipsa, quæ nos cruciant & fatigant, probari & corroborari nos scimus & confidimus. Putatis nos aduersa uobiscum æqualiter perpeti, cum eadem aduersa uideatis à nobis & uobis non æqualiter sustineri? Apud uos impatientia clamosa semper & querula est, apud nos fortis & religiosa patientia, quieta semper, & semper in Deum grata est, nec quicquam isthinc letum, aut prosperum sibi uendicat, sed mitis & lenis, & contra omnes fluctuantis mundi turbines stabilis diuinæ pollicitationis tempus expectat. Quàdiu enim corpus hic permariet, commune cum cæteris sit necesse est, & corporalis conditio cõmunis, nec separari generi humano ab inuicem datur, nisi isthinc de seculo recedatur. Intra unam domum boni & mali interim continemur. Quicquid intra domum euenerit, pari sorte perpetimur, donec cui temporalis fine completo, ad æternæ uel mortis uel immortalitatis hospitium diuidamur. Non ergo idcirco compares uobis & æquales sumus, quia in isto adhuc mundo & carne constituti mundi & carnis incommoda uobiscum pariter incurrimus. Nam cum in sensu doloris sit omne quod

Patientia aduersis probatur.

Vna domus bonos & malos habet.

punit, manifestum est eum non esse participem pœnæ tuæ, quem uideas tecum æqualiter nō dolere. Viget apud nos spei robur, & firmitas fidei, & inter ipsas seculi labentis ruinas erecta mens, & immobilis uirtus, & nunquā nisi leta patientia & de Deo suo semper anima secura, sicut per prophetam spiritus sanctus loquitur & hortatur, spei ac fidei nostræ firmitatem cœlesti uoce corroborans: Ficus, inquit, non affrēct fructum, & non erit generatio in uineis. Mentietur opus oli-

Spei firmatur
Christiani.

Abac. 3. uæ, & campi non præstabunt frumentum. Deficient à stabulo oues, & non erunt in præsepibus boues. Ego autem in Domino exultabo, & gaudebo in Deo salutari meo. Dei hominem & cultorē Dei subnixum spei ueritate, & fidei stabilitate fundatum, negat mundi huius & seculi instigationibus commoueri. Vineam licet fallat, & olea decipiat, & herbis siccitate morientibus æstuans campus areseat, quid hoc ad Christianos?

Paradisus
Christianos
inuitat.

quid ad Dei seruos, quos paradisus inuitat, quos gratia omnes & copia regni cœlestis expectat? Exultant semper in Domino, & letantur, & gaudent in Deo suo, & mala atque aduersa mundi fortiter tolerant, dum bona & prospera futura prospectant. Nam qui exposita natiuitate terrena spiritu re-creati & renati sumus, nec iam mundo, sed Deo uiuimus, non nisi cum ad Deum uenerimus, Dei munera & promissa capiemus: & tamen pro arcendis hostibus, & imbribus impetrandis, & uel auferendis uel temperandis aduersis rogamus semper, & preces fundimus. Et pro pace ac salute uestra propitiantes ac placantes Dominum diebus ac noctibus iugiter atque instanter oramus. Nemo igitur sibi blandiatur, quod nobis & profanis Dei cultoribus & Deo aduersantibus sit interim per æqualitatem carnis & corporis laborum secularium conditio communis, ut ex hoc opinetur non omnia ista, quæ nunc accidunt, uobis irrogari, cum de ipsius prædicatione & prophetica contestatione antè prædictum sit, uenturam super iniustos

iram Dei, persecutiones quæ nos humanitus læderent non defuturas, sed ultiones quæ læsos diuinitus defenderent secuturas. Et quanta sunt quæ isthic pro nobis interim fiunt? In exemplum aliquid datur ut Dei iudicis ira noscatur: ceterum retro est iudicij dies, quem scriptura sancta denuntiat, dicēs: *Vlulate*, proximus est enim dies Domini; & obtritio à Deo aderit. *Esa. 13.*

Ecce enim dies Domini uenit insanabilis indignationis & iræ, ponere orbem terræ desertum, & peccatores perdere ex eo. Et iterum: Ecce dies Domini uenit ardens uelut clubanus ignis, eruntq; omnes alienigenæ, & omnes iniqui ut stipula, & succendet illos adueniens dies: dicit Dominus. Succendi & cremari alienigenas præcinit Dominus, id est, alienos à diuino genere & profanos spiritualiter non renatos, nec Dei filios factos. Euadere enim eos solos posse, qui renati & signo Christi signati fuerint, alio in loco Dominus loquitur, quando ad uastationem mundi & interitum generis humani Angelos suos mittens, grauius in ultimo cōminatur, dicens: *Ite & cædite*, & nolite parcere oculis uestris. Nolite misereri senioribus atq; iuuenibus, & uirgines & mulieres & paruulos interficite, ut deleantur. Omnem autē, super quem signum scriptum est, ne tetigeritis. Quod autē sit hoc signum, & qua in corporis parte positū, manifestat alio in loco Dominus, dicēs: Transi median Hierusalem, & notabis signum super frontes uirorum, qui ingemunt & mœrent propter iniquitates, quæ sunt in medio ipsorum. Et quod ad passionem & sanguinem Christi pertineat hoc signum: & ille saluus atque incolumis reseruetur, quisquis in hoc signo inuenitur, item Dei testimonio cōprobat, dicentis: Et erit sanguis in signum uobis super domos, in quibus eritis, & uidebo sanguinem, & protegan uos: & non erit in uobis plaga diminutionis, cum percutiam, & conteram terram Aegypti. Quod autem ante ociso agno præcessit in imagine, impletur in Christo, secuta

*Esa. 13.**Malach. 4.**Ezech. 9.**Exod. 12.*

postmodum ueritate. Illhic percussa Aegypto, Iudaicus populus euadere non nisi sanguine & signo agni potuit: ita & cum uastari coeperit mundus & percuti, quisquis in sanguine & signo Christi inuentus fuerit, solus euadet. Respicite itaque dum tempus est ad ueram & eternam salutem: & quia iam mundi finis in proximo est, ad Dominum Deum mentes uestras Dei timore conuertite. Nec uos delectet in seculo inter iustos & mites impotens ista & uana dominatio, cum & in agro inter cultas & fertiles segetes lolium & auena domine-

Finis mudi in
proximo est.

Infelix lolium,
et steriles do-
minantur au-
nae.

- Amos. 5. Deum uel serò cognoscite, quia Christus adueniens hoc ad-
monet docetque dicens: Hæc est autem uita æterna, ut cogno-
scant te solum uerum Deum, & quem misisti I E S U M Chri-
stum. Credite illi, qui omnino non fallit, Credite illi, qui hæc
omnia futura prædixit. Credite illi, qui credentibus præmium
uitæ æternæ dabit. Credite illi, qui incredulis æterna suppli-
cia gehennæ ardoribus irrogabit. Quæ tunc erit fidei gloria,
quæ poena perfidiæ, cum iudicii dies uenerit: quæ letitia cre-
dentium, quæ mæstitia perfidorum, noluisse isthic prius cre-
dere, & ut credant, iam redire non posse? Cremabit addictos
ardens semper gehenna, & uiuacibus flammis uorax poena:
nec erit unde habere tormenta uel requiem possint aliquando
uel finem. Seruantur cum corporibus suis animæ infinitis cru-
ciatibus ad dolorem: spectabitur illhic à nobis semper, qui hic
nos spectauit ad tempus: & in persecutionibus factis oculo-
rum crudelium breuis fructus perpetua uisione pensabitur,
Mar. 9. secundum scripturæ sanctæ fidem dicentis: Vermis eorum non
morietur, & ignis eorum non extinguetur: & erunt ad ui-

sionem uniuersæ carni. Et iterum: Tunc stabunt iusti in magna constantia aduersus eos, qui se angustiauerunt, & qui abstulerunt labores eorum. Videntes turbabuntur timore horribili, & mirabuntur in subitatione insperata salutis, dicentes inter se poenitentiam agentes, & præ angustia spiritus gementes: Hi sunt quos aliquando habuimus in derisum & in similitudinem improperij. Nos insensati uitam illorum assemabamus insaniam, & finem illorum sine honore. Quomodo ergo computati sunt inter filios Dei, & inter sanctos fors illorum est? Ergo errauimus à uia ueritatis, & iustitiæ lumen non luxit nobis, & sol non ortus est nobis. Lassati sumus in iniquitatis uia & perditionis, & ambulauimus solitudines difficiles, uiam autem Domini ignorauimus. Quid nobis profuit superbia? aut quid diuitiarum iactatio contulit nobis? Transierunt omnia illa tanquam umbra. Erit tunc sine fructu poenitentia, & dolor poenæ, & inanis ploratio, et inefficax deprecatio. In æternā poenam serò credunt, qui in uitam æternam credere noluerunt. Securitati igitur & uitæ dum licet, Securitati con-
providete. Offerimus uobis animi & consilij nostri salutare sulendum.
munus. Et quia odisse non licet nobis, & sic Deo plus placeamus, dum nullam pro iniuria uicem reddimus, hortamur dum facultas adest, dum adhuc aliquid de seculo superest, Deo satisfacere, et ad ueræ religionis candidam lucem de profundo tenebrosæ superstitionis emergere. Non inuidemus commodis uestris, nec beneficia diuina celamus. Odijs uestris beneuolentiam reddimus, & pro tormentis ac supplicijs, quæ nobis inferuntur, salutis iter demonstramus: Credite & uiuite, & qui nos ad tempus persequimini, in æternum gaudete nobiscum. Quando isthinc excessum fuerit, nullus iam locus poeniti- Penitentia
æ est, nullus satisfactionis effectus. Hic uita aut amittitur, aut te- nullus post
netur: hic salutis æternæ cultus Dei & fructus fidei prouidetur. mortis locus.
Nec quisquam aut peccatis retardetur, aut animis, quò minus

*Pœnitentia
nulla sera est.*

ueniat ad consequendam salutem. In isto adhuc mundo manenti pœnitentia nulla sera est. Patet ad indulgentiam aditus: & querentibus atq; intelligentibus ueritatem facilius accessus est. Tu sub ipso licet exitu et uitæ temporalis ocaſu pro delictis roges Deum, qui unus & uerus est, confessionem et fidem eius agnitionis implores, uenia confitenti datur, et credenti indulgentia salutaris de diuina pietate conceditur, et ad immortalitatem sub ipsa morte transitur. Hanc gratiam Christus impartit, hoc munus misericordiæ suæ tribuit subigendo mortem trophæo crucis, redimendo credentem pretio sanguinis sui, reconciliando hominem Deo patri, uiuificando mortalem regeneratione cœlesti. Hunc si fieri potest sequamur omnes, huius sacramento et signa censeamur, hic nobis uiam uitæ aperit, hic ad paradysum reduces facit, hic ad cœlorum regna perducit, cum ipso semper uiuemus, et facti per ipsam filij Dei cum ipso semper exultabimus, ipsius cruore reparati. Erimus Christiani cū Christo simul gloriosi, de Deo patre beati, de perpetua uoluptate letantes semper in conspectu Dei, et agentes deo gratias semper. Neq; enim poterit nisi et lætus semper esse et gratus, qui cum morti fuisset obnoxius, factus est immortalitate securus. Amen.

A R G. T R A C T. II.

Tractatus beati Cypriani de habitu uirginum, ceteras mulieres ad pudicitiam & mundi cōtemptum inuitans, docensq; quantum periculi sit uel in unius transgressionem præcepti & culpæ leuioris: deinde uirginalem conuersationem instituens demonstrat quæ uirginibus meditanda, quæ concupiscenda sunt.

T R A C T A T V S S E C V N D V S,

D E H A B I T V V I R G I N V M.



Disciplina custos spei, retinaculum fidei, dux
itineris salutaris, fontes ac nutrimentū bo-
næ indolis, magistra uirtutis facit in Chri-
sto manere semper, ac iugiter in Deo uiue-
re, ad promissa cœlestia & diuina præmia
peruenire. Hanc sectari salubre est, & ad-
Tertulliano.

Disciplina.

Et hic quædā
imitatus ē exo
Tertulliano.

uersari ac negligere letale. In psalmis loquitur spiritus sanctus:

Continete disciplinam, ne forte irascatur Dominus, & pereat- Psal. 2.

tis à uia recta, cum exarserit citò ira eius super uos. Et iterū:

Peccatori autem dixit Deus: Vt quid exponis iustificationes Ibidem. 49.

meas: & assimis testamentum meum per os tuum? Tu autem

odisti disciplinam, & proiecasti sermones meos retro. Et dea-

nno legimus: Disciplinam qui abiicit, infelix est. Et de Salo-

mane mandata sapientiæ monentis accepimus: Fili ne negle- Sap. 3.

xeris disciplinam domini, ne defeceris ab eo correptus. Quem

enim diligit Deus corripit. Si autem quem diligit Deus cor- Prov. 7. 8.

ripit, & sic corripit ut emendet, fratres quoque & maxime

sacerdotes non oderunt, sed diligunt eos quos corripiunt ut

emendent, cum & Deus per Hieremiam antè prædixerit, &

tempora nostra significauerit, dicens: Dabo uobis pastores

secundum cor meum, & pascunt uos pascentes cum disciplina. Hiere. 3.

Quòd si in scripturis sanctis, tam ueteribus quàm etiam nouis

frequenter & ubique disciplina præcipitur, & fundamentum

omne religionis ac fidei de obseruatione ac timore proficisci-

tur, quid cupidius appetere, quid magis uelle ac tenere nos

conuenit, quàm ut radicibus fortius fixis, et domicilijs nostris

super petram robusta mole solidatis, incòcussi ad procellas &

turbines seculi stemus, ut ad Christi numera per diuina præ-

cepta ueniamus, considerantes pariter ac scientes quòd templa

Dei sint membra nostra, ab omni fœce cõtationis antiquæ la-

uacri uitalis sanctificatione purgata, nec uiolari ea aut pollui

fas sit, cum qui uiolat & ipse uioletur? Eorū nos templorum

1. Cor. 6.

Ioh. 5.

cultores & antistites sumus. Seruiamus illi, cuius esse iam coepimus. Paulus in epistolis suis ponit & dicit, quibus nos ad curricula uiuendi per diuina magisteria formauit: Non estis uestri: empti enim estis magno pretio, glorificate & portate Dominum in corpore uestro. Glorificemus & portemus Dominum puro & nuundo corde, & corpore, & obseruatione meliori, ut qui per sanguinem Christi domini nostri redempti sumus, per omnia seruitutis obsequia redemptoris imperio pareamus, demusq; operam nequid immundum et profanum templo Dei infratur, ne offensus sedem quam inhabitat, derelinquat. Sospitantis Domini uerba sunt & docentis, curantis pariter & monentis: Ecce, inquit, sanus factus es, iam noli peccare, nequid tibi deterius fiat. Dat uiuendi morem, dat innocentie legem. Postquam contulit sanitatem, nec habenis liberis & solutis uagari postmodum patitur, sed ipsis potius, sanatus quibus fuerat, mancipato grauius comminatur, quod sit scilicet minor culpa deliquisse ante, cum necdum nosset disciplinam Dei, nulla sit uenia ultra delinquere, postquam Dominum nosse coepisti: et quidem hoc tam uiri quam mulieres, tam pueri, quam puellae, sexus omnis atque omnis aetas obseruet, atque procuret pro religione & fide, quam Domino debet, ne quod sanctum & purum de Domini dignatione percipitur, minus sollicito timore teneatur. Nunc nobis ad uirgines sermo est, quarum quod sublimior gloria, maior & cura est. Flos est ille ecclesiastici germinis: decus atque ornamentum gratie spiritualis, leta indoles, laudis & honoris opus integrum atque incorruptum, Dei imago respondens ad sanctimoniam Domini, illustrior portio gregis Christi. Gaudet per illas atq; in illis largiter floret ecclesiae matris gloriosa fecunditas. Quantoq; plus copiosa uirginitas numero suo addidit, tanto gaudium matris augetur. Ad has loquimur, has hortamur affectione potius quam potestate, non quod extremi & minimi

et humilitatis nostræ conſeij aliquid ad cenſuram licentiæ uini-
dicemus, ſed quòd ad ſollicitudinem magis cauti plus de diabo-
li inſeſtatione tinea-*mus*. Neque inanis cautio eſt et formido-
uana, quæ ad ſalutis uiam conſulit, quæ dominica & uitalia
præcepta cuſtodit, ut qua ſe Chriſto dicauerint, & à carnali
concupiſcentia recedentes tam carne quàm mente ſe Deo de-
uouerint, opus ſuum conſummient magno præmio deſtinatum,
nec ornari iam aut placere cuiquam niſi Domino ſuo ſtudeant,
à quo & mercedem uirginitatis expectant, dicente ipſo: Non
omnes capiunt hoc uerbū, ſed illi quibus datum eſt. Sunt enim
ſpadones qui ex utero matris ſunt nati, & ſunt ſpadones qui
ſeiſpſos caſtrauerunt propter regnum cœlorum, & ſunt ſpa-
dones qui caſtrati ſunt ab hominibus. Denuo quoq; per hanc
Angeli uocem continentie munus oſtenditur, uirginitas præ-
dicatur. Hi ſunt qui cum mulieribus ſe non coinquinauerunt,
uirgines enim permanserunt. Hi ſunt qui ſequuntur agnum
quocunq; ierit. Neque enim masculis tantum continentie gra-
tiam repromittit Dominus, et ſcæminas præterit, ſed quoniam
ſcæmina uiri portio eſt, & ex eo ſumpta atque formata eſt, in
ſcripturis ſerè omnibus ad protoplaſtum Deus loquitur, quia
ſunt duo in carne una, & in masculo ſimul ſignificatur &
ſcæmina. Quòd ſi Chriſtum continentia ſequatur, et regno Dei
uirginitas deſtinatur, quid eſt illis cum terreno cultu & cum
ornamentis, quibus dum hominibus placere geſtunt, Domini
offendunt, non cogitantes eſſe prædictum, qui hominibus pla-
cent confuſi ſunt: quoniã Deus nihil ſecit eos. Et Paulus quoq;
glorioſe & ſublimiter prædicans dicit: Si hominibus placere
uellem, Chriſti ſeruus non eſſem. Continentia uerò & pudici-
tia non in ſola carnis integritate conſiſtit, ſed etiam in cultus
& ornatus honore pariter ac pudore, ut ſecundum Apoſto-
lum, quæ inuupta eſt, ſancta ſit et corpore et ſpiritu. Inſtruit
nos Paulus & dicit: Cœlebs cogitat ea quæ Dei ſunt, quomo-

Matth. 19.

Spadones.

Apoc. 14.

Fœmina uiri
portio.

Galat. 1.

1. Cor. 7.

do placeat Deo. Qui autem matrimonium contraxit, cogitat ea quæ sunt mundi, quomodo placeat uxori. Sic & uirgo & mulier innupta cogitat ea quæ sunt Domini, ut sit sancta corpore & spiritu. Virgo non esse tantum, sed et intelligi debet & credi, ut nemo cum uirginem uiderit, dubitet an uirgo sit. Parem se integritas in omnibus præstet, nec bonum corporis cultus infamet. Quid ornata, quid compta procedit, quasi maritum aut habeat aut quærat? Timeat potius placere, si uirgo est, nec periculum sui appetat, quæ ad meliora & diuina se seruat. Quæ uirum non habent, cui placere se simulent, integre & puræ non tantum corpore, sed etiam spiritu perseuerent. Neque enim fas est uirginem ad speciem suæ formæ commi, aut de carne, et de eius pulchritudine gloriari, cum nulla sit illis magis quam aduersus carnem colluctatio, et uincendi, aut domandi corporis obstinata certatio. Paulus quoque fortiter ac sublimi uoce proclamat: Mihi autem absit gloriari nisi in cruce domini mei Iesu Christi, per quem mihi mundus crucifixus est, et ego mundo: & uirgo in ecclesia de specie carnis atque de corporis pulchritudine gloriatur? Addit Paulus

Virginibus aduersus carnem colluctatio

Galat. 6. & dicit: Qui enim sunt Christi, carnem suam crucifixerunt cum uitijs et concupiscentijs. Et quæ se carnis concupiscentijs et uitijs renuntiassent profitetur, in iisdem quibus renuntiauerat, inuenitur? Deprehēderis uirgo, detegeris. Aliud te esse iactas, & aliud affectas. Maculis te concupiscentiæ carnalis aspergis, cum integritatis candidata sis, & pudoris. Clama, inquit Esaiæ Dominus: Omnis caro scænum, et omnis claritas eius ut flos scæni. Aruit scænum, & flos decidit, uerbum autē Domini manet in æternum. Neminem Christianum decet, & maxime uirginem non decet claritatem ullam cōputare carnis & honorem, sed solum appetere sermonem Dei, bona in æternū mansura cōplecti. Aut si in carne sit gloriandum, tunc planè quando in nominis Domini confessione cruciatur, quando fortior

*Virginibus
aduersus car-
nem colluctatio*

Galat. 6.

Ibidem. 5.

Isa. 40.

ſœmina, uiris torquentibus inuenitur, quando ignes, aut cru-
 ces, aut ferrum, uel beſtias patitur, ut coronetur. Illa ſunt car-
 nis pretioſa monilia, illa corporis ornāmēta meliora. Sed ſunt *Carnis moni-*
 aliquæ diuites, et facultatū ubertate locupletes, quæ opes ſuas *lia.*
 præferant, et ſe bonis ſuis uti debere contendunt. Sciant pri-
 mō illam diuitem eſſe, quæ in Deo diues eſt: illam eſſe locuple-
 tem, quæ locuples in Chriſto eſt. Bona illa eſſe, quæ ſunt ſpi-
 ritualia, diuina, cœleſtia, quæ nos ad Dominum ducant, quæ
 nobiſcum apud Deum perpetua poſſeſſione permaneant. Cete-
 rum quæcunq; terrena ſunt in ſeculo accepta, & hic cum ſe-
 culo remanſura, tam contemni debent, quā mundus ipſe con-
 temnitur, cuius pompis et delitijs iam tunc renuntiauiſimus cum
 meliore tranſgreſſu ad Dominum uenimus. Hinc Ioannes nos *1. Ioan. 2.*
 excitat & hortatur ſpiritali & cœleſti uoce * corroborans: ** alias, conſo-*
 Nolite, ait, diligere mundum, neque ea quæ in mundo ſunt. *lans.*
 Siquis dilexerit mundum, non eſt charitas patris in illo, quo-
 niam omne quod in mundo eſt, concupiſcentia carnis, & con-
 cupiſcentia oculorum & ambitio ſeculi, quæ non eſt à patre,
 ſed ex concupiſcentia ſeculi. Et mundus tranſibit & concupi-
 ſcentia eius. Qui autem fecerit uolūtatem Dei, manet in æter-
 num, quomodo et Deus manet in æternum. Aeterna igitur &
 diuina ſectanda ſunt, et omnia de Dei uoluntate facienda ſunt,
 ut Domini noſtri uestigia & magiſteria diuina ſectemur, qui
 monuit & dixit: Non deſcendi de cœlo ut faciam uoluntatem *Ioan. 6.*
 meam, ſed uoluntatem eius qui miſit me. Quod ſi non eſt ma-
 ior Domino ſuo ſeruus, et liberatori debet obſequium libera-
 tus, qui eſſe cupimus Chriſtiani, debemus quod Chriſtus fecit
 & docuit, imitari. Scriptum eſt enim, et legitur, et auditur,
 & in exemplum noſtræ eccleſiæ ore celebratur: Qui dicit ſe *1. Ioan. 2.*
 in Chriſto manere, debet quomodo ille ambulauit & ipſe am-
 bulare. Ambulandum eſt uestigijs paribus, æmula ingreſſione
 nitendum eſt. Tunc reſpondet ad fidem nominis ſectator ue-

- ritatis, et credenti præmium datur, si quod creditur, et geratur. Locupletem te dicis & diuitem, sed diuitijs tuis Paulus occurrit, et ad cultum atque ornatum tuum iusto fine moderandū, sua uoce præscribit. Sint, inquit, mulieres cum uerecundia & pudicitia componentes se: non in tortis criminibus, neque auro, neque margaritis, aut pretiosa ueste, sed ut decet mulieres promittentes castitatem per bonam conuersationem. Item
1. Tim. 2. Petrus ad hæc eadem præcepta consentit, et dicit: Sit in muliere non exterior ornamenti, aut auri, aut uestis cultus, sed cultus cordis. Quod si illi mulieres quoque admonet coercendas, & ad ecclesiasticam disciplinam religiosa obseruatione moderandas, quæ excusare cultus suos soleant per maritum, quanto id magis obseruare uirginem fas est, cui nulla ornatus sui competat uenia, nec deriuari in alterum possit mendacium culpæ, sed sola ipsa remaneat in crimine? Locupletem te dicis & diuitem, sed non omne quod potest debet & fieri, nec desideria prolixa & de seculari ambitione nascentia ultra honorem ac pudorem uirginitatis extendi, cum scriptum sit:
1. Corin. 6. Omnia licent, sed non omnia expediunt. Omnia licent, sed non omnia ædificant. Caterum si tu te sumptuosius comes, & per publicum notabiliter incedas, oculos in te iuuentutis illicitas, suspiria adolescentum post te trahas, concupiscendi libidinem nutrias, peccandi fomenta succendas, ut & ipsa non pereas, alios tamen perdas, et uelut gladium te & uenenum uidentibus præbeas, excusari non potes, quasi mente casta sis & pudica. Redarguit te cultus improbus & impudicus ornatus, nec computari iam potes inter puellas & uirgines Christi, quæ sic uiuis ut possis adamari. Locupletem te dicis & diuitem, sed iactare diuitias suas uirginem non decet. Cum dicat
- Sapient. 5. scriptura diuina: Quid nobis profuit superbia, aut quid diuitiarum iactatio contulit nobis? transierunt illa omnia tanquam umbra. & Apostolus rursum maneat & dicat: Et qui
1. Cor. 7.

emunt sic sint quasi non possidentes, & qui hoc mundo utuntur quasi non utantur, præterit enim habitus huius mundi. Petrus etiam, cui oves suas Dominus pascendas, tuendasq; cõmendat, super quem posuit & fundavit ecclesiam, aurum sibi quidem esse & argentum negat, sed se dicit gratia diuiti esse, fide eius & uirtute locupletem, quibus multa magnalia cum miraculo faceret, quibus ad gratiam gloriæ bonis spiritalibus abundaret. Has opes, istas diuitias possidere nõ potest, qui se diuitem seculo magis uult esse quàm Christo. Locupletem te esse dicis & diuitem, & utendum putas ijs quæ possidere te Deus uoluit: utere, sed ad res salutes: utere, sed ad bonas artes: utere ad illa, quæ Deus præcepit, quæ Dominus ostendit. Diuitem te sentiant pauperes, locupletem sentiant indigentes. Patrimonium tua Deo scænera, Christum ciba, ut uirginitatis præferre gloriam liceat, ut ad Domini præmia uenire contingat, multorũ precibus exora. Commēda illhic thesauros tuos, ubi nullus fur effodiat, quò nullus insidiarius graßator irruat. Possessiones tibi, sed cœlestes magis cõpara, ubi fructus tuos iuges ac perennes & ab omni contactu iniuriæ secularis inuolans, nec rubigo atterat, nec grando cædat, nec sol urat, nec pluuia corrumpat. Nam delinquis & hoc ipso in Deum, si ad hoc tibi ab illo diuitias datas credis, ut illis non salubriter perfruaris. Nam & uocem homini Deus dedit, & tamen non sunt idcirco amatoria cantanda nec turpia: & serarum esse ad culturam terræ Deus uoluit, nec homicidia sunt idcirco facienda: aut quia thura & myrrham & ignem Deus instituit, sacrificadum est inde idolis: uel quia abundant pecudum greges in agris tuis, uictimas & hostias immolare debes. Alioqui tentatio est patrimonium grande, nisi ad usus bonos census operetur, ut patrimonio suo unusquisque locupletior magis redimere debeat, quàm augere delicta. Ornamentorum ac uestium insignia & lenocinia fucorũ non nisi pro-

Act. 3.

stitutis & impudicis fœminis congruunt, & nullarum ferè pretiosior cultus est, quàm quarum pudor uilis est. Sic in scripturis sanctis quibus nos instrui Dominus uoluit et moneri, describitur ciuitas meretrix, compta pulchrius et ornata, et cum ornamentis suis ac propter ipsa potius ornamenta peritura. Et uenit, inquit, unus ex septem Angelis habentibus phylas septem, et aggressus est me, dicens: Veni ostendam tibi damnationem meretricis magnæ sedentis super aquas multas, cum qua fornicati sunt reges terræ. Et duxit me in spiritu: et uidi mulierem sedentem super bestiam, et mulier illa amicta erat pallio purpureo & coccino, et adornata erat auro & margaritis, & lapidibus pretiosis, & serens poculum aureum in manu sua plenum execrationis & immunditiæ, & fornicationis totius terræ. Fugiant castæ uirgines, et mulieres pudicæ incestariam cultus, habitus impudicarum, lupanarium insignia, ornamenta meretricum. Clamat etiam spiritu sancto plenus Esaias, & filias Sion auro & ueste * corruptas increpat, et oburgat perniciosi opibus affluentes, & à Domino per seculi delitiis recedentes: Exaltatæ sunt, ait, filiæ Sion, & ambulauerunt alto collo, & nutu oculorum, & inaccessu pedum trahentes tunicas, & pedibus simul ludentes. Humiliabit Dominus principales filias Sion, & reuelabit Dominus habitum earum, & auferet Dominus gloriam uestis illarum, & ornamenta earum, & crines, & cincinnos, & lunulas, & discriminalia, & dextralia, & armillas, & * batronatum, & specula, et annulos, et in aureis, et serica contexta cum auro et hyacintho. Et erit pro odore suauitatis puluis, et pro cingulo reſte præcingeris, et pro ornamento capitis aureo caluicium habebis. Hoc Deus culpæ & denotat: hinc corruptas esse uirgines, hinc à cultu uero & diuino deſciuisse pronuntiat. Exaltatæ ceciderunt: comptæ turpitudinē fœditatemq; meruerunt: serico & purpura indutæ, Christum

Apocal. 17.

Comptas opibus
nor legendum
Esa. 3.

alias, botromatum.

induere non possunt : auro & margaritis & monilibus adornate, ornamenta * corporis et pectoris perdiderunt . Quis nō *Fortè, cordis* id excretur et fugiat, quod alijs fuerit exitio ? Quis id appetat et assumat, quod ad necem alterius pro gladio fuerit et telo ? Si hausto poculo moreretur ille qui biberat, uenenum scires esse quod ille potauit . Si accepto cibo qui acceperat interiret, scires esse letale quod acceptum potuit occidere, nec ederes inde nec biberes, unde interisse alios antè conspiceres . Nunc quanta ignorantia ueri est, animi quanta dementia, id uelle quod & nocuerit semper et noceat ? et putare quòd inde ipsa non pereas, unde alios perisse cognoscas ? Neque enim Deus purpureas aut coccinas oues fecit, aut herbarum succis, aut conchylis tingere et colorare lanas docuit . Nec distinctis auro lapillis et margaritis contexta serica, et numerosa compage digestis monilia instituit, quibus ceruicem quam fecit absconderet, ut operiatur illud quod Deus in homine formauit, et conspiciatur desuper id quod diabolus adinuenit . An uulnera inferri auribus Deus uoluit, quibus innocēs adhuc infantia et mali secularis ignara crucietur, ut postea de aurium cicatricibus et cauernis pretiosa grana dependeant, et si non suo pondere, mercium quantitate ? Quæ omnia peccatores et apostatæ Angeli suis artibus prodiderunt, quando ad terrena contagia deuoluti, à cœlesti uigore recesserunt . Illi et oculos circumducto nigrore fucare, et genas mendacio ruboris inficere, et mutare adulterinis coloribus crinem, et expugnare omnem oris et capitis ueritatem corruptelæ suæ impugnatione docuerunt . Et quidem isto in loco pro timore, quem nobis fides suggerit, pro dilectione quam fraternitas exigit, non uirgines tantum aut uiduas, sed et nuptas puto et omnes omnino fœminas admonendas, quòd opus Dei et factura eius et * plastica adulterari nullo modo debeat, adhibito statuo colore, uel nigro puluere, uel rubore, aut quolibet deniq; liniamenta *alias, plasma*

Gene. 1. *natiua corrumpente medicamine. Dicit Deus: Faciamus ho-*

Hic locus cita-
tur ab Augu-
stino libro de
doctrina Chri-
sti. 4. ca. 21.

minem ad imaginem & similitudinē nostram: & audet quis-
quam mutare & conuertere quod Deus fecit? Manus Deo in-
ferunt, quando illud quod ille formauit, reformare & transfi-
gurare contendunt, nescientes quia opus Dei est omne quod
nascitur, diaboli quodcunq; mutatur. Siquis pingendi artifex
uultum alicuius & speciem & corporis qualitatem æmulo
colore signasset, & signato iam consummatoq; simulachro,
manus alius afferret, ut iam formata, iam picta quasi peritior
reformaret, grauis prioris artificis iniuria & iusta indigna-
tio uideretur. Tu te existimas impune laturam tam improbe
temeritatis audaciam, Dei artificis offensionem? Vt enim impu-
dica circa homines & incesta fucis lenocinantibus non sis,
corruptis uiolatisq; quæ Dei sunt, peior adultera detineris.
Quod ornari te putas, quod putas comi, impugnatio est ista
diuini operis, præuicatio est ueritatis. Monentis Apostoli
uox est: Expurgate uetus fermentum, ut sitis noua conspersio
sicut estis azymi. Nam & pascha nostrum immolatus est
Christus. Itaq; festa celebremus, non in fermento ueteri, neque
in fermento malitiæ & nequitie, sed in azymis sinceritatis
& ueritatis. Num sinceritas perseuerat & ueritas, quando
quæ sincera sunt polluantur colorum adulterijs, medicamina
num fucis, in mendacium uera mutantur? Dominus tuus dicit:
Non potes facere capillum unum album aut nigrum, & tu
aduincendam Domini tui uocem uis te esse potiore? Audas
ci conatu & sacrilego contemptu crines tuos inficis, malo
presago futurorum capillos iam tibi flammæ auspicaris, et
peccas prohi nefas, capite, id est, corporis parte meliore: & cū
scriptum sit de Domino: Caput autē eius & capilli erant albi
uelut lana aut nix, tu execraris canitiem, detestaris alborem,
qui sit ad Domini caput similis. Non metuis oro quæ talis es,
ne cū resurrectionis dies uenerit, artifex tuus te non recogno-
scat?

1. Corinth. 5.

Matth. 5.

Apocal. 1.

scat: ad sua præmia & promissa uenientem remoueat & excludat: increpans uigore censoris & iudicis dicat: Opus hoc meum non est, nec hæc imago nostra est, cutem falso medicamine polluisti, crinem adultero colore mutasti, expugnata est mendacio facies, figura corrupta est, uultus alienus est, Deum uidere non poteris, cum oculi tibi nō sint, quos Deus fecit, sed quos diabolus infecit. Illum tu sectata es, rutilos atq; depictos oculos serpentis imitata es, de inimico tuo compta, cum illo pariter arsurā. Hæc oro non cogitanda sunt Dei seruis? non die
Homo creato. ris sui oblitus.
 semper ac nocte metuenda: uiderint quid sibi nuptiæ per placendi studium de coniugum solatio blandiantur, quos dum in excusationem suam proferunt, ad societatem criminose consensionis asciscunt. Virgines certè quibus iste sermo nunc consuevit, quæ se eiusmodi artibus compserint, inter uirgines non putem debere numerari, sed tanquam contactas oues & morbidis pecudes à sancto & puro grege uirginitatis arceri, ne contagio suo cæteras polluant, dum simul degunt, ne perdant
alias meditantur
 alias, quæcunque perierunt. Et quoniam continentiæ bonum querimus, pernicioſa quæq; & infesta uitemus. Nec illa prætereō, quæ dum negligentia in usum ueniunt, contra pudicos & sobrios mores licentiam sibi de usurpatione fecerunt. Quasdam non pudet nubentibus interesse, & inter illam lasciuientium libertatem sermonum colloquia incesta miscere, audire quod non decet, quod non licet dicere, obseruare, & esse præſentes inter uerba turpia & temulentia cõuiuia, quibus libidinum fomes accenditur, sponsa ad patientiam stupri, ad audaciam sponsus animatur. Quis illi in nuptijs locus est, cui animus ad nuptias non est? Aut uoluntariæ illhic & lætæ esse quæ possunt, ubi & studia & uota diuersa sunt? Quid illhic discitur? quid uidetur? Quantum à proposito suo uirgo deficit, quando pudica quæ uenerat, impudicior discedit? Corpore licet uirgo ac mente permaneat, oculis, auribus, lingua

minuit illa quæ habebat. Quid uerò quæ promiscuas balneas adeunt, quæ oculis ad libidinem curiosis pudori ac pudicitie corpora dicata prostituunt, quæ cum uiros atq; à uiris nude uident turpiter, ac uidentur, non ne ipsæ illecebræ uitij præstant? non ne ad corruptelam & iniuriam suâ desideria præsentiam sollicitant & inuitant? Viderit, inquis, quæ illhuc mente quis ueniat, mihi tantū reficiendi corpusculi cura est & lauandi. Non te purgat ista defensio, nec lasciuie & petulantiæ crimen excusat. Sordidat lauatio ista, non abluit, nec emundat membra, sed maculat. Impudice tu neminem cōspicis, sed ipsa conspiceris impudicè. Oculos tuos turpi oblectatione nō poluis, sed dum oblectas alios, ipsa pollueris. Spectaculum de la uacro facis: theatra sunt fœdiora quò conuenis: uerecūdia illhic omnis exiit, simul cum amictu uestis honor corporis ac pudor ponitur, denotanda & contrectanda uirginitas reuelatur. Iam nunc considera an cum uestita est, uerecunda sit inter uiros talis, quæ ad inuerecundiam proficit audacia nuditatis. Sic ergo ecclesia frequēter uirgines suas plangit, sic ad infames earum ac detestabiles fabulas ingemiscit, sic flos uirginum extinguitur, honor continentie ac pudor ponitur, gloria omnis ac dignitas profanatur, sic se expugnatus inimicus per artes suas inserit: sic insidijs per occulta fallentibus diaboli obrepit: sic dum ornari cultius, dū liberior euagari uirgines uolunt, esse uirgines desinunt, furtiuo dedecore corrupte, uidue antequam nuptæ, non mariti sed Christi adulteræ, quàm fuerant, præmijs ingentibus uirgines destinate, tam magna supplicia pro amissa uirginitate sensuræ. Audite igitur uirgines ut parentē, audite quæso uobis timentē pariter ac monentē, audite utilitatibus & commodis uestris fideliter cōsulētē: Estote tales quales uos artifex Deus fecit. Estote tales quales uos manus patris instituit. Maneat in uobis facies incorrupta, ceruix pura, forma sincera. Non inferantur auribus uul-

Virgines exhortatur.

nera, nec brachia includat aut colla de armillis & monilibus pretiosa catena, sint à compedibus aureis pedes liberi, crines nullo colore fucati, oculi cōspiciendo Deo digni. Celebrantur lauacra cū foeminis, quarum in uos pudica lauatio est. Nuptiarum festa improba et cōuiuia lasciua uitentur, quorum periculosa contagio est. Vince uestem, quæ uirgo es, quæ Deo seruis: uince aurum, quæ carnem uincis et seculum. Non est eiusdē nō posse à maioribus uinci, et imparē minoribus inueniri. Arcta Vite uia ar-
 & angusta est uia, quæ ducit ad uitam: durus & arduus limes cla.
 qui tendit ad gloriam. Per hūc uite limitē martyres pergunt, eunt uirgines, iusti quiq; gradiuntur. Lata & spatiosa itinera uite letalis: illhic illecebræ & mortiferæ uoluptates, illhic diabolus blanditur, ut fallat: aridet, ut noceat: illicit, ut occidat. Primus cum centeno martyrum fructus est, secundus sexage- Præmia bea-
 narius uester est. Vt apud martyres non est carnis et seculi cō- torum.
 tagio, nec parua et leuis et delicata congregio: sic & in uobis, quarum ad gratiam merces secunda est, sit et uirtus ad tolerantiam proxima. Non est ad magna facilis ascensus. Quem sudorem perpetimur, quem laborem, cum conamur ascendere colles & uertices montium? quid ut ascendamus ad cœlum? Si præmium pollicitationis attendas, minus est quod laboras. Im Immortalitas
 mortalitas perseueranti datur, perpetua uita promittitur, re- perseueran
 gnau Dominus pollicetur. Seruate uirgines, seruate quod es- si datur.
 se coepistis, seruate quod eritis. Magna uos merces manet, præmium grande uirtutis, munus maximum castitatis. Vultis sci-
 re quo malo careat, et quid boni teneat cōtinentiæ uirtus? Mul- Gen. 3.
 tiplicabo, inquit mulieri Deus, tristitias tuas, et gemitus tuos, et in tristitia paries filios, & conuersio tua ad uirum tuum, & ipse tui dominabitur. Vos ab hac sententia liberæ estis, uos mulierum tristitias & gemitus nō timetis: nullus uobis de par-
 tu circa filios metus, nec maritus est Dominus. Dominus uester et caput Christus est, ad instar et uicem masculi: fors uo-

bis & conditio commutis est. Domini uox est illa, dicentis.
 Luc. 10. Filij seculi huius generant & generantur. Qui autem ha-
 buerint dignationem seculi illius & resurrectionis à mortuis,
 non nubunt, neque matrimonium faciunt, neque enim incipient
 mori, æquales enim sunt angelis Dei, cum sint filij resurrectio-
 nis. Quod futuri sumus, iam uos esse cœpistis: uos resurrectio-
 nis gloriam in isto seculo iam tenetis: per seculum sine seculi
 contagione transitis. Cum castæ perseveratis & uirgines, an-
 gelis Dei estis æquales, tantum maneat et duret solita & il-
 leſa uirginitas, et ut cœpit fortiter, iugiter perseveret. Nec
 monilium aut uestium querat ornatum, sed morum. Deum
 spectet & cœlum, neque oculos ad sublime porrectos ad car-
 nis et mundi concupiscentiam deprimat, & de terrena depo-
 nat. Prima sententia crescere & generare præcepit: secunda
 ad continentiam suadet. Cum adhuc rudis mundus & inanis
 est, copia fecunditatis generante propagamur, & crescimus
 ad humani generis augmentum. Cum iam refertus est orbis,
 et mundus impletus, qui capere continentiam possunt spado=
 num more uiuentes castrantur ad regnum. Nec hoc iubet do-
 minus, sed hortatur: nec iugum necessitatis imponit, quando
 manet uoluntatis arbitrium liberum. Sed cū habitationes mul-
 tas apud patrem suum esse dicat, melioris habitaculi hospitia
 demonstrat: habitacula ista meliora uos petitis, carnis deside-
 ria castrantes maioris gratiæ præmium in cœlestibus obtine-
 tis. Omnes quidem qui ad diuinum munus & patrimonium
 baptismi sanctificatione perueniunt, hominem illic ueterem
 gratia lauacri salutaris exponunt, et innouati spiritu sancto
 à sordibus contagionis antiquæ, iterata natiuitate purgantur.
 Sed natiuitatis iteratæ uobis maior sanctitas et ueritas com-
 petit, quibus desideria iam carnis et corporis nulla sunt. So-
 la in uobis quæ sunt uirtutis et spiritus, ad gloriam remanse-
 rūt. Apostoli uox est, quem Dominus uas electionis suæ dixit,

Continentiam
 suadet Deus,
 non iubet.

quem ad promenda mandata cœlestia Deus misit: Primus homo, inquit, de terræ limo: secundus de cœlo. Qualis ille est limo, tales et qui de limo: & qualis cœlestis, tales et cœlestes. Quomodo portauimus imaginem eius qui de limo est, portemus et imaginem eius qui de cœlo est. Hanc imaginem uirginitas portat, portat integritas, portat sanctitas, portat et ueritas. Portant disciplinæ Dei memores, iustitiam cum religione retinentes, stabiles in fide, humiles in timore, ad omnem tolerantiam fortes, ad sustinendam iniuriam mites, ad faciendam misericordiam faciles, fraterna pace unanimis atq; cōcordes. Quæ uos singula o bonæ uirgines obseruare, diligere, implere debetis, quæ Deo & Christo uacantes ad Dominum cui uos dicastis, & maiore & meliore parte præceditis. Prouectæ annis, iunioribus facite magisterium: minores natu præbete comparibus incitamentum: hortamentis uos mutuis excitate, æmulis de uirtute documentis ad gloriam prouocate. Durate fortiter, spiritualiter pergite, peruenite feliciter: tantum mementote tunc nostri, cum incipiet in uobis uirginitas honorari.

Imagines Dei
portatores.

SECUNDI TRACTATUS DE
HABITU VIRGINVM
FINIS.

ARG. TRACTATUS SEQ.

Tractatus beati Cypriani aduersus Nouatianum schismaticum ostendens præpositos ecclesiæ ad innocentiam simplices esse oportere, & cum simplicitate prudentes in præceptorum obseruatione aduersus occultam hostis luctam, qui plus metuendus est & cauendus cum latenter obrepit, quàm cum se aduersarium proficitur.

TRACTATUS TERTIVS DE simplicitate prælatorum.

Matth. 7.



VM moneat Dominus & dicat: Vos estis sal terræ: cumq; esse nos iubeat ad innocentiam simplices, & tamen cum simplicitate prudentes, quid aliud fratres dilectissimi quàm providere nos convenit, et sollicito corde uigilantes subdoli hostis insi-

dias intelligere pariter & cauere, ne qui Christum sapientiam Dei patris induimur, minus sapere in tuenda salute uideamur? Neq; enim persecutio sola metuenda est, & ea quæ subruendis ac deiiciendis Dei seruis aperta impugnatione grassantur. Faciliior cautio est, ubi manifesta formido est. Et ad certamen animus antè præstruitur, quando se aduersarius confitetur. Plus metuendus est & cauendus inimicus, cum latenter obrepit, cum per pacis imaginem fallens occultis accessibus serpit: un-

Serpēs dictus
diabolus.

de & nomen serpentis accepit. Ea est eius semper astutia, ea est circumueniendi hominis cæca & latebrosa fallacia. Sic ab initio statim mundi fefellit: & uerbis mendacibus blandiens, rudes animas incauta credulitate decepit. Sic Dominum ipsum tentare conatus, quasi obreperet rursus & falleret, latenter accessit: intellectus tamen est & retrusus, & ideo prostratus, quæ agnitus atque detectus. Vnde nobis exemplum datum est, ueteris hominis uiam fugere, uestigijs Christi uincentis insistere: ne denuo incauti in mortis laqueum reuoluamur, sed ad periculum prouidi accepta immortalitate potiamur. Immortalitate autem potiri quomodo possimus, nisi ea à quibus mors expugnatur & uincitur, Christi mandata seruemus? ipso monente & dicente: Si uis ad uitam uenire, serua mandata. Et iterum: Si feceritis quod mando uobis, iam non dico uos seruos, sed amicos. Hos deniq; fortes dicit & stabiles: hos super petram robusta mole fundatos: hos contra omnes tempestates

Matth. 9.

Ioan. 15.

& turbines seculi immobili & inconcussa firmitate solidatos. Qui audit, inquit, uerba mea, & facit ea, similabo eum Matth. 7.
 uiro sapienti, qui ædificauit domum suam super petram. Descendit pluuia, aduenerunt flumina, flauerunt uenti, & im-
 pegerunt in domum illam, & non cecidit: fundata enim fuit
 super petram. Verbis igitur eius insistere, quæcunq; & do-
 cuit & fecit, discere & facere debemus. Ceterum credere se
 in Christum quomodo dicit, qui non facit, quod Christus fa-
 cere præcepit? aut unde perueniet ad præmium fidei, qui fidẽ
 non uult seruare mandati? Nutet necesse est & uagetur, &
 spiritu erroris arreptus, uelut puluis quẽ uentus excutit, uen-
 tiletur. Nec ambulando proficiet ad salutem, qui salutaris uia
 non tenet ueritatem. Cauenda sunt autem non solum quæ
 sunt aperte manifesta, sed & astutæ fraudis subtilitate fallen-
 tia. Quid uerò astutius, quid ue subtilius, quàm ut Christi
 aduentu detectus ac prostratus inimicus (postquàm lux gen-
 tibus uenit, & sospitandis hominibus salutare lumen efful-
 sit, ut surdi auditum spiritalis gratiæ admitterent, aperirent
 ad Deum oculos suos cæci, infirmi æterna sanitate reuale-
 scerent, claudi ad ecclesiam currerent, muti claris uocibus &
 precibus orarent) uidens idola derelicta, & per nimium cre-
 dentium populum sedes suas ac templa deserta, excogitauerit
 nouam fraudem, ut sub ipso Christiani nominis titulo fallat
 incautos? Hæreses inuenit & schismata, quibus subuerteret
 fidem, ueritatem corrumperet, scinderet unitatem. Quos de- Insidia dia-
boli.
 tinere non potest in uia ueteris cecitate, circumscribit &
 decipit noui itineris errore. Rapit de ipsa ecclesia homi-
 nes, & dum sibi appropinquasse iam lumini, atque eua-
 sisse seculi noctem uidentur, alias nescientibus tenebras rur-
 sus infundit, ut cum Euangelio Christi & cum obseruatione
 eius & lege non stantes, christianos se uocent, & am-
 bulantes in tenebris, habere se lumen existiment, blandiente

aduersario atq; fallente, qui secundum Apostoli uocem transfiguratur se uelut angelum lucis, & ministros subornat suos uelut ministros iustitiæ, asserentes noctem pro die, interitum pro salute, desperationem sub obtentu spei, perfidiam sub prætextu fidei, Antichristum sub uocabulo Christi, ut dum uerissimilia mentiuntur, ueritatem subtilitate frustrentur. Hoc eò fit fratres dilectissimi dum ad ueritatis originem non reditur, nec caput quæritur, nec magistri cœlestis doctrina seruatur. Quæ si quis consideret & examinet, tractatu longo atque argumentis opus non est. Probatio est ad fidem facilis compendio ueritatis. Loquitur Dominus ad Petrum: Ego tibi dico, inquit, quia tu es Petrus, & super istam petram ædificabo ecclesiam meam, & portæ inferorum non uincunt eam. Tibi dabo clauēs regni cœlorum, & quæ ligaueris super terram, erunt ligata & in cœlis: & quæcunque solueris super terram, erunt soluta & in cœlis. Et eidem post resurrectionem suam dicit: Pascue oues meas. Et quauis apostolis omnibus post resurrectionem suam parem potestatem tribuat, & dicat: Sicut misit me pater, & ego mitto uos, accipite spiritum sanctum: Sicut remiseritis peccata, remittentur illi: sicut tenueritis, tenebuntur: tamen ut unitatem manifestaret, unitatis eiusdem originem ab uno incipientem sua autoritate disposuit. Hoc erant utique & cæteri Apostoli, quod fuit Petrus, pari consortio præditi & honoris & potestatis, sed exordium ab unitate proficiscitur, ut ecclesia una monstretur. Quam unam ecclesiam etiam in cantico canticorum spiritus sanctus ex persona Domini designat & dicit: Vna est columba mea, perfecta mea, una est mater suæ, electa genitrici suæ. Hanc ecclesiæ unitatem qui non tenet, tenere se fidem credit? Qui ecclesiæ renititur et resistit, in ecclesia se esse confidit? quando & beatus Paulus apostolus hoc doceat, & sacramentum unitatis ostendat, dicens: Vnum corpus et unus spiritus, una spes uocationis uestre, unus Do-

Math. 16.

Apostoli Petro
ceteros.

Cantic. 6.

Ephes. 4.
Concordia.

minus, una fides, unum baptisma, unus Deus. Quam unitatem firmiter tenere & uindicare debemus, maxime episcopi qui in ecclesia praesidemus, ut episcopatum quoque ipsam unum atque indiuisam probemus. Nemo fraternitatem mendacio fallat, nemo fidei ueritatem perfida prauaricatione corrumpat. Episcopatus unus est, cuius à singulis in solidum pars tenetur. Ecclesia una est, quæ in multitudinem latius incremento fecunditatis extenditur: quomodo solis multi radij, sed lumen unum: & rami arboris multi, sed robur unum tenaci radice fundatum. Et cum de fonte uno riuus plurimi defluunt, numerositas licet diffusa uideatur exundantis copiae largitate, unitas tamen seruetur in origine. Auelle radium solis à corpore, diuisionem lucis unitas non capit. Ab arbore frange ramum, fractus germinare non poterit. A fonte præcide riuum, præcisus arescet: Sic & ecclesia Domini luce persusa per orbem totum radios suos porrigit, unum tamen lumen est, quod ubique diffunditur, nec unitas corporis separatur: ramos suos in uniuersam terram copia ubertatis extendit: profluentes largiter riuos latius expandit, unum tamen caput est, & origo una, & una mater fecunditatis successibus copiosa. Illius foetu nascimur, illius lacte nutrimur, ipsi spiritu eius animamur. Adulterari non potest sponsa Christi: incorrupta est & pudica. Vnam domum nouit, unius cubiculi sanctitatem casto pudore custodit. Hæc nos Deo seruat, hæc filios regno, quos genuit, assignat. Quisquis ab ecclesia segregatus adulteræ iungitur, à promissis ecclesiæ separatur. Nec pertinet ad Christi præmia, qui relinquit ecclesiam Christi. Alienus est, profanus est, hostis est. Habere iam non potest Deum patrem, qui ecclesiam non habet matrem. Si potuit euadere, qui extra arcam Noë

Episcopatus unus.

Radij multi, Sol unus.

Similitudinebus unitatem ecclesiæ probat.

Arca Noë.

Qui non est mecum, aduersus me est: & qui non mecum colligit, spargit. Qui pacem Christi et concordiam rumpit,

Ioan. 10.

aduersus Christum facit. Qui alibi præter ecclesiam colligit, Christi ecclesiam spargit. Dicit Dominus: Ego et pater unum sumus. Et iterum de patre & filio & spiritu sancto scriptum est: & tres unum sunt: & quisquam credit hanc unitatem de diuina firmitate uenientem, sacramentis cœlestibus coherentē scindi in ecclesia posse, & uoluntatum collidentium diuortio separari? Hanc unitatem, qui non tenet, Dei legem non tenet: non tenet patris & filij fidem, uitam non tenet & salutem. Hoc unitatis sacramentum, hoc uinculum concordie inseparabiliter coherentis ostenditur, quando in Euangelio tunica domini Iesu Christi non diuiditur omnino nec scinditur, sed fortientibus de ueste Christi, quis Christum potius indueret, integra uestis accipitur, incorrupta atque indiuidua tunica possidetur. Loquitur ac dicit scriptura diuina: De tunica autem, que de superiore parte non consutilis, sed per totum tex-

Ioan. 19.

tilis fuerat, dixerunt ad inuicem: Non scindamus eam, sed fortiamur de ea cuius sit. Unitatem ille portabat de superiore parte uenientem, id est, de cœlo & à patre uenientem, quæ ab accipiente & possidente scindi omnino non poterat, sed totam simul & solidam firmitatem inseparabiliter obtinebat. Possidere non potest indumentum Christi, qui scindit & diuidit ecclesiam Christi. Contrà denique, cum, Salomone moriente, regnum eius & populus scinderetur, Achias propheta Ieroboam regi obuius factus in campo, in duodecim scissuras uestimētum suum discidit, dicens: Sume tibi decē scissuras, quia

1. Reg. 11.

hæc dicit Dominus. Ecce scindo regnū de manu Salomonis, et dabo tibi decē sceptrā, et duo sceptrā erunt ei propter seruum meum Dauid, & propter Hierusalem ciuitatem quam elegi, ut ponam nomē meum illhic. Cum duodecim tribus Israel scinderentur, uestimentum suum propheta Achias scidit. At uero quia Christi populus non potest scindi, tunica eius per totum textilis & coherens, diuisa à possidentibus non est. Indiui-

dua, copulata, connexa ostendit populi nostri (qui Christum induimus) concordiam coherentem. Sacramento uestis declarauit ecclesiae unitatem. Quis ergo sic est sceleratus & perfidus, quis sic discordia furore uesanus, ut credat scindi posse, aut audeat scindere unitatem Dei? uestem Domini? ecclesiam Christi? Monet ipse in Euangelio suo, & docet, dicens: Et Ioan. 10. erit unus grex & unus pastor. Et esse posse uno in loco aliquis existimat, aut multos pastores, aut plures greges? Apostolus item Paulus hanc eandem nobis insinuans unitatem, obsecrat & hortatur, dicens: Obsecro uos, inquit, fratres per I. Cor. 1. nomen domini nostri IESV Christi, ut id ipsum dicatis omnes, & non sint in uobis schismata. Sitis autem compositi in eodem sensu, & in eadem sententia. Et iterum dicit: Sustinentes inuicem in dilectione, satis agentes seruare unitatem spiritus in coniunctione pacis. Stare tu & uiuere putas posse de ecclesia recedentem? sedes sibi alias & diuersa domicilia condentem? cum dictum sit ad Raab, in qua praeformabatur ecclesia: Patrem tuum, & matrem tuam, & fratres tuos, & totos Josue. 2. tam domum patris tui colliges ad te ipsam in domum tuam, & erit, omnis qui exierit ostium domus tuae foras, reus erit. Item sacramentum pascha non aliud Exodi lege contineat, quam ut agnus, qui in figura Christi occiditur, in domo una edatur. Loquitur Deus dicens: In domo una comedetur, non eijcietis de domo carnem foras. Caro Christi & sanctum Domini eijci foras non potest, nec alia ulla credentibus praeter unam ecclesiam domus est. Hanc domum hoc unanimitalis hospitium designat & denuntiat spiritus sanctus in psal. Ppsal. 67. mis, dicens: Deus qui inhabitare facit unanimes in domo. In domo Dei, in Ecclesia Christi unanimes habitant, concordantes & simplices perseverant. Idcirco & in columba uenit spiritus sanctus simplex animal & letum, non felle amarum, non morsibus saeuum, non unguium laceratione uiolenta.

tum: hospitium humana diligere, unius domus cōsortium nosse, cum generant, simul filios edere, cum commeant, uolatibus inuicem cohærere, communi conuersatione uitam suam degere, oris osculo cōcordiam pacis agnoscere, legem circa omnia unanimi-
tatis implere. Hæc est in ecclesia noscenda simplicitas, hæc charitas obtinenda, ut columbas dilectio fraternitatis inietur, ut mansuetudo & lenitas agnis & ouibus æque-
tur. Quid facit in pectore Christiano luporum feritas? & canum rabies? & uenenum letale serpentum? & cruenta sæuitia bestiarum? Gratulandum est, cum tales de ecclesia separantur, ne columbas, ne oues Christi seu a sua & uenenata contagione prædentur. Cohærere & coniungi non potest amaritudo cum dulcedine, caligo cum lumine, pluuia cum serenitate, pugna cum pace, cum fecunditate sterilitas, cum fontibus siccitas, cum tranquillitate tempestas. Nemo æstimet bonos de ecclesia posse discedere. Tritici non rapit uentus, nec arborem solida radice fundatam procella subuertit. Inanes paleæ tempestate iactantur, inualide arbores turbinis incur-
sione euertuntur. Hos execratur, & percutit Ioannes Apostolus, dicens: Ex nobis exierunt, sed non fuerunt ex nobis: si enim fuissent ex nobis, mansissent nobiscum. Hinc hæreses & factæ sunt frequenter, & fiunt, dum peruersa mens non habet pacem, dum perfidia discordans non tenet unitatem. Fieri uerò hæc Dominus permittit & patitur, manente propriæ libertatis arbitrio, ut dum corda & mentes nostras ueritatis discrimen examinat, probatorum fides integra, manifesta luce clarescat. Per Apostolum præmonet spiritus sanctus & dicit: Oportet & hæreses esse, ut probati manifesti sint in uobis. Sic probantur fideles, sic perfidi deteguntur, sic & ante iudicii diem hic quoque iam iustorum atque iniustorum animæ diuiduntur, & à frumento paleæ separantur. Hi sunt qui se ultro apud temerarios conuenas sine diuina dispositio-

ΕΥΧΥΤΙΩ-
ΘΕΙΣ.

ne præficiunt, qui se præpositos sine ulla ordinationis lege constituunt, qui nemine episcopatum dante, episcopi sibi nomen assumunt. Quos designat in psalmis spiritus sanctus, sedentes in pestilentie cathedra pestes & lues fidei, serpentis ore fallentes, & corrumpende ueritatis artifices, uenena leætalia linguis pestiferis euomentes. Quorum sermo, ut cancer, serpit, quorum tactus pectoribus & cordibus singulorū mortale uirus infundit, Contra eiusmodi clamat Dominus, ab his refrænat & reuocat errantem plebem suam, dicens: Nolite audire sermones pseudoprophetarum, quoniam uisiones cordis eorum frustrantur eos. Loquuntur, sed non ab ore Domini. Dicunt eis, qui abiiciūt uerbum Dei: Pax erit uobis, & omnibus ambulanti-^{Psal. 10.}bus in uoluntatibus suis. Omnis qui ambulat in errore cordis sui, non uenient super eum mala. Non locutus sum ad eos, & ipsi prophetauerunt. Si stetissent in substantia mea, et audissent uerba mea, et sic docuissent populum meum, conuertissem eos à malis cogitationibus eorum. Hos eosdem denuo Dominus designat & denotat, dicens: Me dereliquerunt fontem aque uiuæ, et effoderunt sibi lacus detritos, qui non possunt aquam portare. Quum aliud baptisma præter unum. unum esse non possit, baptizare posse se opinantur. Vitæ fonte deserto, uitalis et salutaris aque gratiam pollicentur. ^{Baptisma unum. Ephes. 4.}Non abluuntur illhic homines, sed potius sordidantur: nec purgantur delicta, sed imo cumulantur. Non Deo natiuitas illa, sed diabolo filios generat. Per mendacium nati, ueritatis promissa non capiunt. De perfidia procreati, fidei gratiam perdunt. Ad pacis præmium uenire non possunt, qui pacem Domini discordiæ furore ruperunt. Nec se quidam uana interpretatione decipiant, quòd dixerit Dominus, Vbicunque fuerint duo aut tres collecti in nomine meo, ego cum illis sum. ^{Matth. 18.}Corruptores Euangelij atque interpretes falsi extrema ponunt,

et superiora prætereunt, partim memores, et partim subdo-
 le corrumpentes. Vt ipsi ab ecclesia scissi sunt, ita capituli u-
 nius sententiam scindunt. Dominus enim cum discipulis suis
 unanimam suaderet & pacem: dico, inquit, uobis, quo-
 niam si duobus ex uobis conuenerit in terra de omni re quã-
 cunque petieritis, continget uobis à patre meo, qui in coelis
 est. Vbicunque fuerint duo aut tres collecti in nomine meo,
 ego cum eis sum: ostendens non multitudini, sed unanimitati
 deprecantium plurimum tribui. Si duobus, inquit, ex uobis cõ-
 uenerit in terra. unanimam prius posuit, concordiam pa-
 cis antè præmisit, ut conueniat nobis fideliter & firmiter do-
 cuit. Quomodo autem potest ei cum aliquo conuenire, cui cū
 corpore ipsius ecclesiæ & cum uniuersa fraternitate non con-
 uenit? Quomodo possunt duo aut tres in nomine Christi colligi,
 quos constat à Christo & ab eius Euangelio separari? non
 enim nos ab illis, sed illi à nobis recesserunt. Et cū hæreses et
 schismata postmodū nata sint, dū cõuenticula sibi diuersa con-
 stituunt, ueritatis caput atque originem reliquerunt. Domi-
 nus autem de ecclesia sua loquitur, ad hos qui sunt in ecclesia
 loquitur, ut si ipsi concordēs fuerint, si secundum quod man-
 dūit & monuit, duo aut tres licet, collecti unanimiter oraue-
 rint, duo aut tres licet sint, impetrare possint de Dei maiestate
 quod postulant: Vbicunque fuerint duo aut tres collecti in no-
 mine meo, ego, inquit, cum eis sum, cū simplicibus scilicet atq;
 pacatis, cum Deum timentibus, et Dei præcepta seruantibus.
 Cum his duobus uel tribus licet, esse se dixit: quomodo &
 cum tribus pueris in camino ignis fuit, & quia in Deum sim-
 plices, atque inter se unanimes permanebāt, flammis am-
 bientibus medios spiritu roris animauit. Quomodo Aposto-
 lis duobus in custodia clausis, quia simplices, quia unanimes
 erant, ipse affuit, ipse resolutis carceris claustris, ut uerbum
 quod fideliter prædicabant, multitudini traderent, ad forum

Matth. 18.

Unanimitati
plurimum tri-
buendum.

Daniel. 3.

Actuum 5.

rursus imposuit. Quando ergo in præceptis suis ponit & dicit: Vbi fuerint duo aut tres collecti in nomine meo, ego cum eis sum: non homines ab ecclesia diuidit, qui instituit & fecit ecclesiam, sed exprobrans discordiam perfidis, & fidelibus pacem sua uoce commendans, ostendit magis esse secum duobus aut tribus unanimiter orantibus, quam cum dissidentibus plurimis, plusquæ impetrari posse paucorum concordie prece, quam discordie oratione multorum. Ideo & cum orandi legem daret, addidit, dicens: Et cum steteritis ad orationem, remittite siquid habetis aduersus aliquem, ut & Mat. 18. pater uester qui in coelis est, remittat uobis peccata. Et ad sacrificium cum dissensione uenientem reuocat ab altari, & iubet prius concordare cum fratre, tunc cum pace redeuntem Domino munus offerre, quia nec ad Cain munera respexit Deus. Neque enim habere pacatum Deum poterat, qui cum fratre pacem per zeli discordiam non habebat. Quam sibi igitur pacem promittunt inimici fratrum? quæ sacrificia celebrare se credunt æmuli sacerdotum? an secum esse Christum cum collecti fuerint opinantur, qui extra Christi ecclesiam colliguntur? Tales etiam si occisi in confessione nominis fuerint, macula ista nec sanguine abluitur. Inexpiabilis & grauis culpa discordiæ nec passione purgatur. Esse martyr non potest, qui in ecclesia non est: ad regnum peruenire non poterit, qui eam quæ regnatura est derelinquit. Pacem nobis Christus dedit: concordēs atque unanimes esse præcepit: dilectionis & charitatis fœdera incorrupta atque inuolupta seruari mandauit, exhibere se non potest martyr, qui fraternam non tenuit charitatem. Docet hoc & contestatur Ne martyr quidem aliter charitate 1. Cor. 13. Paulus apostolus dicens, Et si habuero fidem ita ut montes transferam, charitatem autem non habeam, nihil sum. Et si in cibos pauperum distribuero omnia mea, & si tradidero corpus meum ut ardeam, charitatem autem non habeam, nihil.

proficio. Charitas magnanima est, charitas benigna est, charitas non æmulatur, non inflatur, non irritatur, non agit perperam, non cogitat malū, Omnia diligit, omnia credit, omnia sperat, omnia sustinet: charitas nunquam excidit. Nunquam, inquit, charitas excidit: hæc enim semper in regno erit, hæc in æternum fraternitatis sibi coherentis unitate durabit. Ad regnum cælorum non potest peruenire discordia, nec ad præ-

Ioan. 15.

mia Christi, qui dixit: Hoc est mandatum meum, ut diligatis inuicem quemadmodum dilexi uos. Pertingere non poterit ad premium Christi: qui dilectionem Christi perfida dissensione uiolauit. Qui charitatem non habet, Deum nō habet. Ioannis

1. Ian. 4.

beati apostoli uox est: Deus, inquit, dilectio est, & qui in dilectione manet, manet in Deo, & Deus in illo manet. Cū Deo manere non possunt, qui esse in ecclesia Dei unanimes noluerunt, ardeant licet flammis, & ignibus traditi, uel obiecti beatijs animas suas ponant, non erit illa fidei corona, sed poena perfidiæ, nec religiosæ uirtutis exitus gloriosus, sed desperationis interitus. Occidi talis potest, coronari non potest. Sic se Christianum esse profitetur, quomodo & Christum diabolus

Mar. 13.

sæpe mentitur, ipso Domino præmonente & dicente: Multi uenient in nomine meo, dicentes. Ego sum Christus, & multos fallent. Sicut ille Christus non est, quamuis fallat in nomine illius: ita nec Christianus uideri potest, qui non permanet in Euangelij eius & fidei ueritate. Nam & prophetare, & demonia excludere, & uirtutes magnas in terris facere, sublimis utique & admirabilis res est. Non tamen regnum cæleste consequitur, quisquis in his omnibus inuenitur, nisi recti & iusti itineris obseruatione gradiatur. Denuntiat Dominus &

Math. 7.

dicat: Multi dicent mihi in illo die: Domine domine, nōne in tuo nomine prophetauimus? & in tuo nomine demonia exclusimus? & in nomine tuo uirtutes magnas fecimus? Et tunc dicam illis: Nunquam uos cognoui: recedite à me, qui opera-

mini

mini iniquitatem. Iustitia opus est, ut promereri quis possit Deum iudicem. Præceptis eius et monitis obtemperandum est, ut accipiant merita nostra mercedem. Dominus in Euangelio, cum spei et fidei nostræ uiam compedio breuiante dirigeret: Dominus Deus tuus, inquit, unus est. et: Diliges Dominum Deum tuum de toto corde tuo, et de tota anima tua, et de tota uirtute tua. Hoc primum, et secundum simile huic: Diliges proximum tuum tanquã te. In his duobus præceptis tota lex pendet et prophetæ. Vnitatem simul et dilectionem magister suo docuit, prophetas omnes et legem præceptis duobus inclusit. Quam uerò unitatem seruat, quam dilectionem custodit, aut cogitat, qui discordiæ furore uesanus ecclesiam scindit, fidem destruit, pacem turbat, charitatem dissipat, sacramentum profanat? Malum hoc fidelissimi fratres iam pridem cœperat, sed nunc creuit eiusdem mali infesta clades, et surgere et pullulare plus cœpit hæreticæ peruersitatis et schismatum uenenata perniciēs: quia et sic in occasum mundi oportebat, prænuntiante per Apostolum nobis et præmonente spiritu sancto: In nouissimis, inquit, diebus aderunt tempora molesta, et erunt homines sibi placentes, superbi, tumidi, cupidi, blasphemii parentibus inobediētes, ingrati, impij, sine affectione, sine fœdere, delatores, incontinētes, immites, bonum nō amantes, proditores, procaces, stupore inflati, uoluptates magis quàm Deum diligentes, habentes deformationē religionis, uirtutem autem eius abnegantes. Ex ijs sunt qui repunt in domos uiduarum, et prædantur mulierculas oneratas peccatis, quæ ducuntur uarijs desiderijs, semper discētes, et nunquàm ad scientiam ueritatis peruenientes. Et quomodo Iannes et Mambres resistēterunt Moysi, sic et hi resistunt ueritati, sed ultrà nō proficient plurimum. Imperitia enim eorū manifesta erit omnibus, sicut et illorū fuit. Adimplentur quæcūq; prædicta sunt, et appropinquante seculi sine hominum pariter ac

Matth. 22.

Copia.

2. Timoth. 3.

χαλεπα.

temporum probatione uenerunt. Magis ac magis aduersario
 seuiente error fallit, extollit stupor, luor incendit, cupiditas
 excæcat, deprauat impietas, superbia inflat, discordia exaspe=
 rat, ira præcipitat. Nō tamē nos moueat aut turbet multorum
 nimia et abrupta perfidia, sed potius fidem nostram prænun=
 tiantē rei ueritate corroboret. Vt quidam tales cœperunt, quia
 hæc antē prædicta sunt, ita cæteri fratres ab eiusmodi caueāt,
 quia & hæc antē prædicta sunt instruyente Domino & dicen=
 te. Vos autem caueite, ecce prædixi uobis omnia. Vitæ quæ=
 so uos eiusmodi homines, et à latere, atq; auribus uestris perni=
 ciosa colloquia uelut contagium mortis arcete, sicut scriptum
 est: Sepi aures tuas spinis, & noli audire linguam nequā. Et
 iterum: Corriumpunt ingenia bona consabulationes pessimæ.
 Docet Dominus et admonet à talibus recedendum. Cæci sunt,
 inquit, et duces cæcorum. Cæcus autem cæcum ducens ambo
 in foueam cadent. Auerfandus talis atque fugendus quisquis
 fuerit ab ecclesia separatus. Peruersus est huiusmodi, et pec=
 cat, & à semetipso damnatus. An esse sibi cum Christo uide=
 tur, qui aduersus sacerdotes Christi facit? qui se à cleri eius uel
 plebis societate secernit? Arma ille contra ecclesiam portat,
 contra Dei dispositionem repugnat, hostis altaris, aduersus sa=
 crificium Christi rebellis, pro fide perfidus, pro religione sa=
 crilegus, inobsequens seruus, filius impius, frater inimicus, cō=
 temptis episcopis & Dei sacerdotibus derelictis cōstituiere au=
 det aliud altare, precem alteram illicitis uocibus facere, domi=
 nicæ hostiæ ueritatem per falsa sacrificia profanare, nec scire
 quoniam qui contra ordinationem Dei nititur, ob temeritatis
 audaciam diuina animaduersione punitur. Sic Chore & Da=
 than & Abiron, qui sibi contra Moysen & Aaron sacerdo=
 tem sacrificantes licentiam uēdicare conati sunt, poenas statim
 pro suis conatibus penderūt. Tertia cōpagibus ruptis in pro=
 fundum sinū patuit, stantes atq; uiuentes recedētis soli hiatus.

Marci 13.

Eccle. 28.

1. Cor. 15.

Matth. 15.

Nume. 16.

absorbuit. Nec tantum eos qui autores fuerant, Dei indignan-
 tis ira percussit, sed & ceteros ducentos quinquaginta par-
 ticipes eiusdem furoris & comites: qui coagulati cum iisdem
 simul ad audaciam fuerant, exiens à Domino ignis propera-
 ta ultione consumpsit, admonens scilicet & ostendens contra
 Deum fieri, quicquid improbi fuerint ad destruendam ordina-
 tionē Dei humana uoluntate conati. Sic & Ozias rex, cū tu-
 ribulum ferens, & cōtra legem Dei sacrificium sibi uiolenter
 assumens, resistente sibi Azaria sacerdote, obtēperare nollet
 & cedere, diuina indignatione confusus, & lepræ uarietate
 in fronte maculatus est, ea parte corporis notatus, offēso Do-
 mino, ubi signantur, qui Dominū promerētur. Et filij Aaron,
 qui imposuerunt altari ignem alienum, quem non praeceperat
 Dominus, in cōspectu statim Domini uindicātis extincti sunt:
 quos imitantur scilicet atq; sectantur, qui Dei traditione con-
 tempta alienas doctrinas appetunt, & magisteria humane
 institutionis inducunt, quos increpat Dominus & obiurgat
 in Euāgelio suo, dicēs: Reijcitis mādātum Dei, ut traditio-
 nem uestram statuatis: peius hoc crimen est, quā quod ad-
 misisse lapsi uidentur, qui tamen in poenitentia criminis con-
 stituti, Deum plenius satisfactionibus deprecantur. Hic ecclesia
 queritur & rogatur: illhic ecclesia repugnatur. Hic potest ne-
 cessitas fuisse: illhic uoluntas tenetur in scelere. Hic qui lapsus
 est, sibi tantum nocuit: illhic qui hēresim uel schisma facere co-
 natus est, multos secum trahendo decipit. Hic animæ unius
 est dānnū: illhic periculum plurimorum. Certe peccasse se,
 hic & intelligit & lamētatur & plangit: ille tumens in pec-
 cato suo, & in ipsis suis delictis placens, à matre filios segre-
 gat, oues à pastore sollicitat, Dei sacramenta disturbat. Et cum
 lapsus semel peccauerit, ille quotidie peccat. Postremò lapsus,
 martyriū * primum cōsecutus potest regni promissa per-
 cipere: ille si extra ecclesiam fuerit occisus, ad ecclesiā nō po-

Ozias.

2. Paral. 26.

4. Reg. 5.

Aaron filij ex-
tincti.

Leuit. 10.

Marci 7.

alias, postmo-
dum.

test præmia peruenire. Nec quisquam miretur dilectissimi fratres etiam de confessoribus quosdam ad ista procedere, inde quoque aliquos tam nefanda quam graua peccare. Neque enim confessio immunē facit ab insidijs diaboli, aut contra tentationes, et pericula, et incursum atque impetum seculares ad hoc in seculo positum, perpetua securitate defendit: cæterum nunquam in confessoribus fraudes et stupra, et adulteria postmodum uideremus, quæ nunc in quibusdam uidentes ingemiscimus et dolemus. Quisquis ille confessor est, Salomone maior, aut melior, aut charior non est, qui tamen quandiu in uijs Domini ambulauit, tandiu gratiam, quam de Domino fuerat consecutus, obtinuit. Postquam dereliquit Domini uiam, perdidit et

Apocal. 3. gratiam Domini. Et ideo scriptum est: Tene quod habes, ne alius accipiat coronam tuam. Quod utique Dominus non miraretur auferri posse coronam iustitiæ, nisi qui recedente iustitia recedat necesse est et corona. Confessio exordium gloriæ est, non meritum coronæ, nec perficit laudem, sed initiat dignitatem, cumque scriptum sit: Qui perseuerauerit usque in finem, is saluus erit: quicquid ante finem fuerit, gradus est, quo ad fastigium salutis ascenditur, non terminus, quo iam culminis summa teneatur, Confessor est, sed post confessionem periculum

Confessio gloriæ exordium.

Matth. 10.

Confessor.

Luc. 18.

maius est, quia plus aduersarius prouocatus est. Confessor est, hoc magis stare debet cum Domini Euangelio, per Euangelium gloriam consecutus à Domino. Cui multum datur, multum quæretur ab eo, et cui plus dignitatis adscribitur, plus de illo exigitur seruitutis. Nemo per confessoris exemplum pereat. Nemo iniustitiam, nemo insolentiam, nemo perfidiam de confessoris moribus discat. Confessor est, sit humilis et quietus, sit in actu suo cum disciplina modestus, ut qui Christi confessor dicitur, Christum quem confitetur imitetur. Nam cum dicat ille: Qui se extollit humiliabitur, et qui humiliat se exaltabitur: et ipse à patre exaltatus sit, quia se in terris sermo et uir-

tus, & sapientia Dei patris humiliavit, quomodo potest extol-
 lentiam diligere, qui & nobis humilitatem sua lege manda-
 uit, & ipse à patre amplissimum nomen præmio humilitatis
 accepit? Confessor est Christi, sed si non postea blasphemetur
 maiestas & dignitas Christi. Lingua Christum confessa non
 sit maledica, non sit turbulenta, non conuicijs & litibus per-
 strepens audiat: non contra fratres & Dei sacerdotes post
 uerba laudis serpentis uenena iaculetur. Caterum si culpabi-
 lis & detestabilis postmodum fuerit, si confessionem suam ma-
 la conuersatione prodiderit, si uitam suam turpi scœditate ma-
 culauerit, si ecclesiam denique, ubi confessor factus est, dere-
 linquens et unitatis concordiam scindens, fidem primam per-
 fidia posteriore mutauerit, blandiri sibi per confessionem non
 potest quasi electus ad gloriæ præmium, cum ex hoc ipso
 magis creuerint merita poenarum. Nam & Iudam inter Apo-
 stolos Dominus elegit, & tamen Iudas dominum postmodum
 prodidit. Non tamen idcirco Apostolorum fides & firmitas Iudas proditor.
 cecidit, quia proditor Iudas ab eorum societate defecit: sic
 & hic non statim confessorum sanctitas, & dignitas commi-
 nuta est, quia quorundam fides fracta est. Beatus Apostolus
 loquitur in epistola sua, dicens: Quid enim si exciderunt à Roma. 3.
 fide quidam illorum, nunquid infidelitas illorum fidem eua-
 cuauit? absit. Est enim Deus uerax, omnis autem homo men-
 dax. Stat confessorum pars maior & melior in fidei sue ro-
 bore, & in legis ac disciplinæ dominicæ ueritate. Nec ab ec-
 clesiæ pace discedunt, qui se in ecclesia gratiam consecutos
 de Dei dignatione meminere, atqui hoc ipso ampliorem
 consequuntur fidei suæ laudem, quòd ab eorum perfidia se-
 gregati, qui iuncti confessionis consortio fuerunt, à contagio
 criminis recesserunt, uero illuminati Euangelij lumine, pura
 & candida Domini luce radiati, tam sunt in cōseruanda Chri-
 sti pace laudabiles, quàm fuerunt in diaboli congressione ui-

- Etiores . Opto equidem dilectissimi fratres & consulo pariter
 & suadeo, ut si fieri potest, nemo de fratribus pereat, & con-
 sentientis populi corpus unum gremio suo gaudens mater
 includat . Si tamen quosdam schismatum duces , & dissensio-
 nis autores , in cæca & obstinata dementia permanentes , non
 potuerit ad salutis uiam consilium salubre reuocare : ceteri
 tamen uel simplicitate capti, uel errore inducti, uel aliqua fal-
 lentis astutiæ calliditate decepti , à fallaciæ uos laqueis solui-
 te , uagantes gressus ab erroribus liberate , iter rectum uiæ
 2. thess. 4. 3. cœlestis agnoscite . Contestantis Apostoli uox est: Præcipimus
 uobis, inquit, in nomine domini I E S V Christi , ut recedatis
 ab omnibus fratribus ambulanti-
 bus inordinatè, & non secun-
 dum traditionem quam acceperunt à nobis . Et iterum dicit:
 Ephes. 5. Nemo uos decipiat inanibus uerbis . Propterea enim uenit
 ira Dei super filios contumaciæ . Nolite ergo esse participes
 eorum . Recedendum est à delinquentibus, uel imò fugiendum,
 ne dum quis male ambulanti-
 bus iungitur , & per itinera er-
 roris & criminis graditur , à uia ueri itineris exerrans , pari
 Unitas. crimine et ipse teneatur . Vnus Deus est & Chri-
 ctus unus, ec-
 clesia eius una, fides una, & plebs in solidam corporis unita-
 tem cōcordiæ glutino copulata . Scindi unitas non potest, nec
 corpus unum dissidio compaginis separari, diuulsis laceratio-
 ne uisceribus in frustra discerpi . Quicquid à matrice discesse-
 rit, seorsum uiuere & spirare non poterit : substantiam salutis
 Psal. 33. amittit . Monet nos spiritus sanctus & dicit : Quis est homo
 qui uult uitā, & amat uidere dies optimos ? Contine linguam
 tuam à malo , & labia tua ne loquantur insidiosè . Declina à
 Pax quæ- malo & fac bonū, quære pacem & sequere eam . Pacem quæ-
 rendam. rere debet & sequi filius pacis , à dissensionis malo continere
 linguam suam debet, qui nouit & diligit uinculum charitatis .
 Inter sua diuina mādāta & magisteria salutaria passioni iam
 Ioan. 14. proximus Dominus addidit, dicēs: Pacē dimitto uobis, pacem

meam do uobis. Hanc nobis hæreditatem dedit, dona omnia
 sue pollicitationis & præmia in pacis conseruatione promi-
 sit. Si cohæredes Christi sumus, in Christi pace maneamus. Si
 filij Dei sumus, pacifici esse debemus. Beati, inquit, pacifici, Matth. 5.
 quoniam ipsi filij Dei uocabuntur. Pacificos esse oportet Dei
 filios, corde mites, sermone simplices, affectione concordēs, si
 deliter sibi unanimitalis nexibus cohærentes. Hæc unanimitas
 sub apostolis olim fuit. Sic nouus credentium populus Domini
 mandata custodiens charitatem suam tenuit, probat scriptura
 quæ dicit: Turba autem eorum qui crediderant, anima & men- Actu. 4.
 te una agebant. et iterum: Et erant perseverantes unanimes Actu. 1.
 in oratione cum mulieribus, et Maria quæ fuerat mater Iesu,
 & fratribus eius. Et ideo efficacibus precibus orabant, ideo
 impetrare cum fiducia poterant quodcumq; de Domini miseri-
 cordia postulabant. In nobis uerò sic unanimitas diminuta est, Taxat avari-
 ut & largitas operationis infracta est. Domos tunc & fun- tiam.
 dos uenundabant, et thesauros sibi in coelo reponentes, distri-
 buenda in usus indigentium pretia apostolis offerebāt. At nūc
 de patrimonio nec decimas damus, et cum uendere iubeat Do-
 minus, emimus potius et augemur. Sic in nobis emarcuit ui-
 gor fidei, sic credentium robur elanguit. Et idcirco Dominus
 tempora nostra respiciens in Euangelio suo dicit: Filius homi- Luc. 18.
 nis cum uenerit, putas inueniet fidem in terra? Videmus fieri
 quod ille prædixit. In Dei timore, in lege iustitiæ, in dilectio- Fides rara.
 ne, in opere fides nulla est. Nemo futurorum metum cogitat,
 diem Domini, et iram Dei, et incredulus uentura supplicia, et
 statuta perfidis æterna tormenta nemo considerat. Quod me-
 tueret conscientia nostra si crederet, quia non credit omni-
 no, nec metuit. Si autem crederet, et caueret. Si caueret, eua-
 deret. Excitemus nos quantum possumus dilectissimi fratres, Vigilandum
 & somno inertie ueteris abrupto, ad obseruanda & geren- est.
 da Domini præcepta uigilemus. Simus tales quales esse nos

ipse præcepit dicens: Sunt lumbi uestri accincti, & lucernæ ardentes, & uos similes hominibus expectantibus dominū suum quando ueniat à nuptijs, ut cum uenerit et pulsauerit, aperiant ei. Beati serui illi, quos adueniens dominus inuenerit uigilantes. Accinctos nos esse oportet, ne cum expeditionis dies uenerit, impeditos & implicitos apprehendat. Luceat in bonis operibus nostrum lumen & fulgeat, ut ipsum nos ad lucem claritatis æternæ de hac seculi nocte perducatur. Expectemus solliciti semper & cauti aduentum Domini repentinum, ut quando ille pulsauerit, euigilet fides nostra uigilantiæ præmium de Domino receptura. Si hæc mandata seruentur, si hæc monita & præcepta teneantur, opprimi dormientes diabolo fallente non possumus. Serui uigiles Christo dominante regnabimus.

ARG. TRACT. QUARTI.

Tractatus quartus beati Cypriani, quod idola dñi non sint, nec ab his regna defendi, quæ acceptum tempus certo sine custodiunt, & unum uerum Deum esse & dominum omnium, quem christiani colunt.

TRACTATUS QUARTUS

de Idolorum uanitate.

Idolatriæ
origo.



Vòd idola dñi non sint, et quod unus Deus sit, & quod credentibus datum sit, deos non esse quos colit uulgus, hinc notum est. Reges olim fuerunt qui ob regalem memoriā coli apud suos postmodū etiam in morte cœperunt: inde illis instituta templa, inde ad de-

functorū uultus per imaginē detinendos expressa simulachra. Nam et immolabant hostias, et dies festos dando honores celebrabant: Inde posteris facta sunt sacra, quæ primitus fuerāt assumpta solatia. Nā ut uideamus an sit hæc apud singulos ueritas, Melicertes et Leucothea præcipitantur in maria, & fiunt postmodū maris numina. Castor et Pollux alternis moriuntur,

Melicertes.
Leucothea.
Castor.
Pollux.

ut uiuāt. Aesculapius ut in Deū resurgat, fulminatur. Hercules
 ut hominem exuat, Oeteis ignibus concrematur. Apollo Ad-
 meti pecora pauit, Laomedōti muros Neptunus instituit, nec
 mercedē operis infelix structor accepit. Antrum Iouis in Cre-
 ta uisitur, et sepulchrum eius ostenditur, et ab eo Saturnum
 fugatum esse manifestum est: Inde Latium de latebra eius no-
 men accepit. Hic literas imprimere, hic signare numos in Ita-
 lia primus instituit, unde ararium Saturni uocitatur. Nam et
 rusticitatis hic cultor fuit, inde fœrens salcē pingitur: hunc su-
 gatum hospitio Ianus excepit, de cuius nomine Ianiculum di-
 ctum est, et mensis Ianuarius institutus est: Ipse bifrons ex-
 primitur, quod in medio constitutus annū incipientem pariter
 et recedentem spectare uideatur. Mauri uerò manifeste reges
 colunt, nec ullo uelamento hoc nomen obtexūt: Inde per gen-
 tes et prouincias singulas uaria deorum religio mutatur, dū
 non unus ab omnibus Deus colitur, sed propria cuique maio-
 rum suorum cultura seruatur: hoc ita esse Alexander magnus
 insigni uolumine ad matrem suam scribit, metu suæ potesta-
 tis proditum sibi à impijs hominibus, à sacerdote secretū, quod
 maiorum regum memoria seruata sit, inde colendi et sacrifi-
 candi ritus inoleuerit. Si autem aliquando dij nati sunt, cur
 non hodie quoq; nascuntur? nisi fortē Iupiter senuit, aut par-
 tus in Iunone defecit. Cur uerò deos putas pro Romanis pos-
 se, quos sæpius uideas nihil pro suis aduersus eorum arma ua-
 luisse? Romanorum autem uernaculos deos nouimus: est Ro-
 mulus peierante Proculo deus factus, et Picus, et Tyberinus,
 et Pilumnus, et Consus, quem deum fraudis, uelut consilio-
 rum deum coli Romulus uoluit, postquā in raptum Sabina-
 rum perfidia peruenit. Deam quoq; Cloacinā Tatius adin-
 uenit et coluit, Pauorem Hostilius atq; Pallorem, mox à ne-
 scio quo Febris dedicata, et Acca et Flora meretrices, hi dij
 Romani. Cæterum Mars Thracius, et Iupiter Creticus, et

Aesculapius.

Hercules.

Apollo.

Neptunus.

Saturnus ful-
cifer.

Iupiter.

Latium.

Ianus bifrons

Mauri regum
suorum cultu
res.

Alexander.

Æalias dijs.

Dij Romano-
rum.

Romulus.

Picus.

Tyberinus.

Consus.

Cloacina.

Pauor.

Febris.

Acca.

Flora.

Mars.

Iupiter.

- Iuno.** Iuno uel Argiua, uel Samia, uel Poena, & Diana Taurica, &
Diana. deorum mater Idea, & Aegyptia portenta non numina, quæ
Idea. utique siquid potestatis habuissent, sua ac suorum regna ser-
 uassent. Plane sunt apud Romanos & uicti penates, quos
 Aeneas profugus aduexit. Est & Venus calua, multò hic tur-
 pius calua, quam apud Homerum uulnerata. Regna autem nō
 merito accidunt, sed forte uariantur. Ceterum imperium an-
 tè tenuerunt & Assyrij, & Persæ: & Græcos & Aegyptios
 regnasse cognouimus. Ita uicibus potestatum Romanis quoq;
 ut & cæteris imperandi tempus obuenit. Ceterum si ad ori-
 ginem redeas, erubescas. Populus de sceleratis & nocentibus
 congregatur, & asylo constituto facit numerum impunitas
 criminum. Nunc ut rex ipse principatum habeat ad crimina,
 fit Romulus parricida. Atq; ut matrimonium faciat, rem con-
 cordiæ per discordiam auspicatur. Rapiunt, feroiunt, fallunt
 ad copiam ciuitatis augendam. Nuptiæ sunt illis rupta hospi-
 tij fœdera, & cum soceris bella: crudelia. Est et gradus sum-
 mus in Romanis honoribus consulatus. Sic consulatum cœpif-
 se uidemus ut regnum. Filios interficit Brutus, ut crescat de
 suffragio sceleris commendatio dignitatis. Non ergo de reli-
 gionibus sanctis, nec de auspicijs, aut augurijs Romana re-
 gna creuerunt, sed acceptum tempus certo fine custodiunt.
Regulus. Ceterum et Regulus auspicia seruauit, et captus est: et Man-
Mancinus. cinus religionem tenuit, & sub iugum missus est. Pullos eda-
Paulus. ces habuit Paulus, et tamen apud Cannas cæsus est. C. Cæsar
Cæsar. ne ante brunam in Africam nauigia transmitteret, augurijs
 et auspicijs retinentibus spreuit, eò facilius et nauigauit &
 uicit. Horum autem omnium ratio est illa quæ fallit et de-
 cipit, & præstigijs cæcantibus ueritatem, stultum et prodi-
 gum uulgus inducit. Spiritus insynceri et uagi, qui posteaquā
 terrenis uitijs immersi sunt et à uigore cœlesti, terreno con-
 tagio recesserunt, non desinunt perditī perdere, & depræ-

uati errorem prauitatis infundere. Hos & poëtae dæmonas no-
runt, & Socrates instrui se, & regi ad arbitrium demonis *Socrates dæ-*
prædicabat, & magis inde est ad pernicioſa uel ludicra po- *mone uſus.*
tentatus, quorum tamen præcipuus Soſthenes formã ueri Dei *Soſthenes.*
negat conſpici poſſe, & angelos ueros ſedi eius dicit aſſiſte-
re. In quo & Plato pari ratione conſentit, & unum Deum ſer- *Plato.*
uans, cæteros angelos uel dæmonas dicit. Hermes quoq; Trif- *Trismegiftus.*
megiftus unum Deum loquitur, eumq; incomprehenſibile atq;
inæſtimabilem conſitetur. Hi ergo ſpiritus ſub ſtatuſis atque
imaginibus *conſecratis deliteſcunt. Hi aſſlatu ſuo uatum pe- **alias, cõſer-*
ctora inſpirant, extorum fibras animant, auium uolatus gu- *uati.*
bernant, ſortes regūt, oracula efficiunt, falſa ueris ſemper in- *Beneficia ty-*
uoluunt. Nam & falluntur & fallunt, uitam turbant, ſomnos *rannorum.*
inquietant, irrepentes etiam ſpiritus corporibus occulta men-
tis terrent, membra diſtorquent, ualetudinem frangunt, mor-
bos laceſſunt, ut ad cultum ſui cogant, ut nidore altarium &
rogis pecorum ſaginati, remiſſis, quæ conſtrinxerant, curaſſe
uideantur. Hæc eſt de illis medela, cum ipſorum ceſſat iniuria
nec aliud his ſtudium eſt, quàm à Deo homines auocare, et ad
ſuperſtitionem ſui ab intellectu ueræ religionis auertere, &
cum ſint ipſi pœnales, quærere ſibi ad pœnam comites, quos
ad crimen ſuum fecerunt errore participes. Hi tamen adiura-
ti per Deum uerum nobis ſtatim cedunt & ſatentur, & de ob-
ſeſſis corporibus exire coguntur. Videas illos noſtra uoce &
oratione occultè flagellis cædi, igni torqueri, incremẽto pœnæ
propagantis extendi, eiulore, gemere, deprecari unde ueniant,
& *quando diſcedant, ipſis etiã qui ſe colant audientibus con- **quod legendũ arbitror.*
fiteri, & uel exiliunt ſtatim, uel euaneſcunt gradatim, prout *Odiũ abie-*
fides patientis adiuuat, aut gratia curantis aſpirat. Hinc uul- *notitiã.*
gus in odium noſtri nominis cogunt, ut nos odiſſe incipi-
ant homines antequàm noſſe, ne cognitos aut imitari poſſint,
aut damnare non poſſint. Vnus igitur omniũ Dominus Deus, *Deus unus.*

Regnum socij
impatiens.

Apibus rex
unus: GREGI-
bus dux unus

Deus unus
ubique.

Christus quo
modo salutis
auctor.

Neque enim illa sublimitas potest habere consortem, cum sola omnem teneat potestatem. Ad diuinum imperiū etiam de terris mutuemur exemplum. Quando unquam regni societas aut cum fide cœpit, aut sine cruore desijt? Sic Thebanorum germanitas rupta, et permanens rogis dissidentibus etiam in morte discordia: et Romanos geminos unum non capit regnum, quos unum uteri cepit hospitium. Pompeius et Cæsar affines fuerunt, nec tamen necessitudinis fœdus in æmula potestate tenuerunt. Nec hic tu de homine mireris, cū in hoc omnis natura consentiat. Rex unus est apibus, et dux unus in gregibus, et in armentis rector unus, multo magis mūdi unus est rector, qui uniuersa quæcunque sunt uerbo iubet, ratione dispensat, uirtute consummat. Hic enim uideri non potest, uisu clarior est. Nec comprehendi, tactu purior est. Nec æstimari, sensu maior est. Et ideo sic Deum dignè eum æstimamus, dum in æstimabilem dicimus. Quod uerò templū habere possit Deus, cuius templū totus est mūdus, et cū homo latius maneat intra unā ædiculā, uim tantæ maiestatis includat? In nostra dedicandus est mente, in nostro consecrandus est pectore. Nec nomen Dei quæras, Deus nomen est illi. Illhic uocabulis opus est, ubi proprijs appellationum insignibus multitudo dirimenda est. Deo qui solus est, Dei uocabulū totū est. Ergo unus est, et ubique totus diffusus est. Nam et uulgus in multis Deum naturaliter confitetur, cum mens et anima sui auctoris et principis admonetur. Dicit frequenter audimus, o Deus, et Deus uidet, et Deo cōmendo, et Deus mihi reddet, et quod Deus uult, et si Deus dederit. At quæ est hæc summa delicti, nolle agnoscere quæ ignorare nō possis? Quod uerò et Christus sit, et quomodo per ipsum nobis salus uenerit, sic est ordo, sic ratio. Iudeis primum erat apud Deum gratia, sic olim iusli erant, sic maiores eorū religionibus obediebant. Inde illis et regni sublimitas floruit, et generis magnitudo prouenit. Sed illi negli-

gentes disciplinæ, superbi postmodum facti & fiducia patrum inflati, dum diuina præcepta cōtemnunt, datam sibi gratiam perdiderunt. Quam fuerit illis profana uita, quæ cōtracta sit uiolatæ religionis offensa, ipsi quoque testantur, qui etsi uoce tacent, exitu confitentur. Dispersi & palabundi uagantur, soli & cœli sui profugi per hospitia aliena iactantur. Necnō Deus antè prædixerat fore, ut uergēte seculo, & mundi fine iam proximo, ex omni gente & populo & loco cultores sibi allegeret Deus multò fideliores, qui indulgētiam de diuinis muneribus haurirent, quam acceptam Iudæi contemptis religionibus perdidissent. Indulgentiæ igitur huius & gratiæ arbiter & magister sermo & filius Dei mittitur, qui per prophetas omnes illuminatur & doctor humani generis prædicabatur. Hic est uirtus Dei, hic ratio, hic sapiētia eius & gloria, hic in uirginem illabitur, * carnem spiritu sancto cooperante induitur. Deus semper cum homine miscetur, hic Deus noster, hic Christus est, qui mediator duorum hominem induit, quem perducatur ad patrem. Quod homo est, esse Christus uoluit, ut & homo possit esse quod Christus est. Sciebāt & Iudæi Christū esse uenturū. Nam hoc illis semper prophetis monentibus annūtiabatur. Sed significato duplici eius aduentu, uno, qui exercitio & exemplo hominis fungeretur: altero, qui Deum fateretur, non intelligendo primum aduentum, qui in passione præcessit occultus, unum tantum credunt qui erit in potestate manifestus. Quod autem hoc Iudæorum populus intelligere nō potuit, delictorum meritū fuit. Sic erāt sapientiæ et intelligētiae cecitate mulcati, ut qui uita indigni essent, haberent uitam ante oculos, nec uiderent. Itaque cum Christus secundum à prophetis prædicta, uerbo & uocis imperio demonia de hominibus excuteret, paralyticos restringeret, leprosos pugnaret, illuminaret cecos, claudis gressum daret, mortuos rursus animaret, cozeret sibi elemēta fanulæ

Iudæi uagabundi.

alias, carne spiritus sanctus induitur. Deus homo.

Christus prænuntiatus.

Miracula Christi prædicta.

ri, seruire uentos, maria obedire, inferos cedere, unū qui exercitio & exemplo hominis fungeretur, alterum qui Dominum fateretur non intelligendo. Iudei qui illum crediderant hominem tantum, de humilitate carnis & corporis existimabant, alias, magum & magnum diligentia potestatis. Hunc magistri eorum atque primores, hoc est, quos & doctrina ille & sapientia reuincebat, accensa ira & indignatione prouocata, postremò detentum Pontio Pilato, qui tunc ex parte Romana Syriam procurabat, tradiderunt, crucem eius & mortem suffragijs uolentis ac pertinacibus flagitantes. Hoc eos facturos & ipse prædixerat, & prophetarum omnium testimonium sic antè præcesserat, oportere illam pati, non ut sentiret mortem, sed ut uinceret: & cum passus esset, denuo ad superos regredi, ut uim diuinæ maiestatis ostenderet. Fidem itaque rerum cursus impleuit. Non & crucifixus, præuento carnificis officio spiritum sponte dimisit, & die tertio rursus à mortuis sponte surrexit. Apparuit discipulis suis talis ut antè fuerat, & agnoscendum se uidentibus præbuit, simul uictus & substantiæ corporalis firmitate conspicuus ad dies quadraginta remoratus est, ut denuo ad præcepta uitalia instrui possent & discerent quæ docerent. Tunc in cælum circumfusa nube sublatus est, ut hominem quem dilexit, quem induit, quem à morte protexit, ad patrem uictor imponeret: Iam uenturus è cælo ad pœnam diaboli, & censuram generis humani, ultoris uigore & iudicis potestate: per orbem uerò discipuli magistro & Deo monente diffusi præcepta Dei in salutem darent, ab errore tenebrarum ad uiam lucis adducerent: cecos & ignaros ad agnitionem ueritatis ocularent. Ac ne esset probatio minus solida, & de Christo delicata confessio, per tormenta, per cruces, per multa pœnarum genera tentantur. Dolor qui ueritatis testis est admouetur, ut Christus Dei filius qui hominibus ad uitam datus creditur,

non tantū præconio uocis, sed & passionis testimonio prædicaretur. Hūc igitur comitamur, hunc sequimur, hūc habemus itineris ducem, lucis principem, salutis auctore, cœlū pariter et patrē querētibus et credētibus pollicentē. Quod est Christus erimus Christiani, si Christum fuerimus secuti.

DIVI CAECILII CYPRIANI EPI-

SCOPI CARTHAGINENSIS VA-

RII SERMONES.

ARG. SERMONIS SEQ.

Sermo primus de eleemosyna, ad pietatis & misericordiæ opera inuitans, asseuerās iustitiæ & misericordiæ operibus pietatē diuinā mortalib. subuenire.

SERMO PRIMVS DE

Eleemosyna.



MULTA & magna sunt fratres charissimi beneficia diuina, quibus in salutem nostram Dei patris & Christi larga & copiosa clementia & operata sit, & semper operetur, quod conseruandis ac uiuificandis nobis pater filium misit, ut reparare nos posset, quodq; filius missus esse & hominis filius uoluit, ut nos filios Dei faceret. Humiliauit se, ut populum, qui prius iacebat, erigeret. Vulneratus est, ut uulnera nostra sanaret. Seruiuit, ut ad libertatem seruientes extraheret. Mori sustinuit, ut moriens immortalitatem mortalibus exhiberet. Multa hæc sunt & magna diuinæ misericordiæ munera. Sed adhuc qualis prouidentia illa & quanta clementia Christi est, quod nobis salutari ratione prospicitur, ut homini qui redem-

ptus est reseruando plenius consulatur? Nam cum Dominus adueniens sanasset illa quæ Adam portasset uulnera, & uenerina serpentis antiqua curasset, legem dedit sano, & præcepit ne ultra peccaret, nequid peccati grauius eueniret. Coarctati eramus, & in angustum innocentie præscriptione cõclusi, nec habebat quid fragilitatis humanæ infirmitas atq; imbecillitas faceret, nisi iterum pietas diuina subueniens, iustitiæ & misericordiæ operibus ostensis, uiam quandam tuendæ salutis aperiret, ut sordes postmodum quasq; cõtrahimus eleemosynis abluerimus. Loquitur in scripturis spiritus sanctus & dicit: **Tob. 4.** Eleemosynis & fide delicta purgantur: non utiq; illa delicta quæ fuerant antè contracta: nam illa Christi sanguine & **Eccle. 3.** sanctificatione purgantur. Item denuo dicit: Sicut aqua extinguit ignem, sic eleemosyna extinguit peccatum. Hic ostenditur quoque & probatur, quia sicut lauacro aquæ salutaris gehennæ ignis extinguitur, ita eleemosynis atque operationibus iustis delictorū flamma sopitur. Et quia semel in baptismo remissa peccatorum datur, assidua & iugis operatio, baptismi instar imitata, Dei rursus indulgentiā largitur. Hoc et in Euangelio Dominus docet: nam cū denotarētur discipuli eius quòd **Luc. 11.** ederent, nec prius manus lauissent, respondit, & dixit: Qui fecit quod intus est, fecit & quod foris est: uerum date eleemosynam, & ecce munda sunt omnia uobis. docens scilicet & ostendens nō manus lauandas esse, sed pectus & sordes intrinsecus potius quàm extrinsecus diluendas. uerum qui purgauerit quod est intus, eum quoq; id, quod est foris, repurgasse, & emundata mente, cute quoq; mundum esse cœpisse & corpore. Porro autem monens & ostendens unde mundi & purgati esse possimus, addidit eleemosynas esse faciendas. Misericors docet ac monet misericordiā fieri. Et quia seruare querit, quos magno redemit, post baptismi gratiam sordidatos docet denuo posse purgari. Agnoscamus itaq; fratres charissimi

diuine

diuinæ indulgentiæ munus salubre, et emundandis purgandisq; peccatis nostris, qui sine aliquo conscientiae uulnere esse non possumus, medelis spiritalibus uulnera nostra curemus. Nec quisquam sic sibi blandiatur de puro, atque immaculato corde, ut innocentia sua fretus medicinam non putet esse adhibendam uulneribus, cum scriptum sit: Quis gloriabitur castum se habere cor, aut quis gloriabitur mundum se esse à peccatis? Et iterum in epistola sua Ioannes ponat et dicat: Si i. Ioan. 1. dixerimus quia peccatum non habemus, nosmetipsos decipimus, et ueritas in nobis non est. Si autem confessi fuerimus peccata nostra, fidelis et iustus est Dominus, qui nobis peccata dimittat. Si autem nemo esse sine peccato potest, et quisquis se inculpatum dixerit, aut superbus, aut stultus est, quam necessaria, quam benigna est clementia diuina? quæ cum sciat non deesse sanatis quædam postmodum uulnera, dedit curandis denuo sanandisq; uulneribus remedia salutaria. Nunquam deniq; fratres charissimi admonitio diuina cessauit, nunquam tacuit, quò minus in scripturis sanctis tam ueteribus, quam nouis semper et ubiq; ad misericordiæ opera Dei populus prouocaretur, et canente atque exhortante spiritu sancto quisquis ad spem regni cœlestis instruitur, facere eleemosynas iuberetur. Mandat et præcipit Esaiæ Deus: Exclama, inquit, Esai. 58. in fortitudine, et noli parcere, sicut tuba exalta uocem tuam, et nuntia plebi meæ peccata eorum, et domui Iacob facinora eorum. Et cum peccata eis sua exprobrari præcepisset, cumq; eorum facinora pleno indignationis impetu protulisset, dixissetq; eos, nec, si orationibus et precibus, et ieiunijs uterentur, satisfacere pro delictis posse, nec, si in cilicio et cinere uoluerentur, iram Dei posse lenire: in nouissima tamen parte demonstrans solis Deum eleemosynis posse placari, addidit, dicens: Frange esurienti panem tuum, et egenos sine tecto induc in domum tuam. Si uideris nudum, uesti eum, et

Peccatorū remedia.

domesticos seminis tui non despicias. Tunc erumpet temporeum linnen tuum, & uestimēta tua citò orientur, & præibit ante te iustitia, & claritas Dei circundabit te. Tunc exclamabis, & Deus exaudiet te, dum adhuc loqueris dicet tibi: Ecce adsum. Remedia propitiando Deo ipsius Dei uerbis data sunt, quid deberent facere peccantes, magisteria diuina docuerunt. Operationibus iustis Deo satisfieri, misericordiæ me-

Eccles. 29. ritis peccata purgari, & apud Salomonem legimus: Conclude eleemosynam in sinu pauperis, & hic pro te exorabit ab omni malo. Et iterum: Qui obturat aures ne audiat imbecillum, & ipse inuocabit Dominū, et non erit qui exaudiat eum. Neq; enim promereri misericordiam Domini poterit, qui misericors ipse non fuerit, aut impetrabit de diuina pietate aliquid in precibus, qui ad precem pauperis nō fuerit humanus.

Psalm. 40. Quod item in psalmis spiritus sanctus declarat & probat, dicens: Beatus qui intelligit super egenum, & pauperem, in die mala liberabit eum Dominus. Quorum præceptorū memor

Danielis 4. Daniel, cum rex Nabuchodonosor aduerso somnio territus æstuarēt, pro auertendis malis ac mitigandis diuina ope impetranda remedium dedit, dicens: Propterea rex consilium meū placeat tibi, et peccata tua eleemosynis redime, & iniustitias tuas miserationibus pauperum, & erit Deus parcens peccatis tuis. Cui rex non obtemperans, aduersa quæ uiderat, & infesta perpeffus est, quæ euadere & uitare potuisset, si peccata sua eleemosynis redemisset.

Raphael Angelus.

Raphael quoq; Angelus paria testatur, et ut eleemosyna libetè ac largitè fiat hortatur, dicens: Bona est oratio cum ieiunio & eleemosyna, quia eleemosyna à morte liberat, & ipsa purgat peccata. Ostendit orationes nostras ac ieiunia minus posse, nisi eleemosynis adiuuentur.

Deprecationes sine opere parui sunt momenti.

Deprecationes solas parum ad impetrandum ualere, nisi factorum & operum acceptione satientur. Reuelat Angelus & manifestat, & firmat eleemosynis petitiones nostras efficaces

fieri, eleemosynis uitam de periculo redimi, eleemosynis animas à morte liberari. Nec sic fratres charissimi ista prostrimus, ut non quod Raphael Angelus dixit, ueritatis testimonio comprobemus. Sic in Actibus Apostolorum facti fides posita est, & quòd eleemosynis non tantum à secunda, sed à prima morte animæ liberentur, gestæ & impletæ rei probatione cõpertum est. Tabita operationibus iustis & eleemosynis præstandis plurimum dedita, cum infirmata esset & mortua, ad cadauer exanime Petrus accitus est, qui cum impigrè pro apostolica humanitate uenisset, circumsteterunt eum uiduæ flentes & rogâtes, pallia & tunicas, & omnia illa quæ prius sumpserant indumenta monstrantes, nec pro defuncta suis uocibus, sed ipsius operibus deprecantes. Sensit Petrus impetrari posse, quòd sic petebatur, nec defuturum Christi auxilium uiduis deprecâtionibus, quando esset in uiduis ipse uestitus. Cum itaq; genibus nixus orasset, & uiduarum ac pauperum idoneus aduocatus legatas sibi preces ad Deum pertulisset, conuersus ad corpus, quòd in tabula iam lotum iacebat, Tabita, inquit, exurge in nomine IESU Christi. nec defuit Petro quò minus statim ferret auxilium, qui in Euangelio dari dixerat quicquid fuisset eius nomine postulatum. Mors itaque suspenditur, & spiritus redditur, & mirantibus ac stupentibus cunctis, ad hanc denuo lucē rediuiuum corpus animatur. Tantum potuerūt misericordiæ merita, tantum opera iusta ualuerunt. Quæ laborantibus uiduis largita fuerat subsidia uiuendi, meruit ad uitam uiduarum petitione reuocari. Itaq; in Euangelio Dominus doctor uitæ nostræ, & magister salutis æternæ uiuificans credentium populum, & uiuificatis cõsulens in æternum, inter sua diuina mandata & præcepta cœlestia nihil crebrius mandat & præcipit, quàm ut insistamus eleemosynis dandis, nec terrenis possessionibus incūbamus, sed cœlestes thesauros potius recondamus. Vendite, inquit, res uestras

LUC. 12. & date eleemosynam. Et iterum: Nolite uobis thesauros condere super terram, ubi tinea & comeſtura exterminat, & ubi fures effodiunt, & furantur: Theſaurizate autem uobis thesauros in cœlo, ubi neque tinea, neque comeſtura exterminat & ubi fures non effodiunt, nec furantur: Vbi enim fuerit theſaurus tuus, ibi erit & cor tuum. Et cum obſeruata lege

Matth. 19. perfectum & conſummatum uellet oſtendere: Si uis, inquit, perfectus eſſe, uade & uende omnia tua, & da pauperibus, & habebis theſaurum in cœlo & ueni ſequere me. Item alio loco negotiatorem cœleſtis gratiæ, & comparatorem ſalutis æternæ, diſtractis omnibus rebus ſuis, pretioſam margaritam, hoc eſt, uitam æternam Chriſti cruore pretioſam, de quantitate

Ibidem 13. patrimonij ſui dicit debere mercari: Simile eſt, inquit, regnum cœlorum homini negotiatori querenti bonas margaritas. Vbi autem inuenit pretioſam margaritam, abiit et uendit omnia quæcunque habuit, & emit eam. Eos denique & Abrahamæ filios dicit, quos in uiuandis alendis quæ pauperibus

LUC. 19. operarios cernit. Nam cum Zachæus dixiſſet: Ecce dimidium ex ſubſtantia mea do egenis, & ſicui quid fraudauī, quadruplum reddo: reſpondit I E S U S & dixit: Quia ſalus hodie huic domui facta eſt, quoniam & hic filius eſt. Abrahamæ. Nam ſi Abraham credidit Deo, & reputatum eſt ei ad iuſtitiā: utique qui ſecundum præceptum Dei eleemoſynam facit, Deo credit: & qui habet fidei ueritatem, ſeruat Dei timorem: qui autem Dei timorem ſeruat, in miſerationibus pauperum Deum cogitat. Operatur enim ideo, quia credit, quia ſcit uera eſſe, quæ prædicta ſunt uerbis Dei, nec ſcripturæ ſacram poſſe mētiri: arbores inſtructuoſas, id eſt, ſteriles homines, excidi & in ignem mitti, miſericordes autem ad regnum uocari. Quia & in alio loco operarios & fructuoſos, fideles appella-

Ibid. 16. lat, inſtructuoſis uerò & ſterilibus fidem derogat, dicens: Si in iniuſto mammona fideles nō fuiſtis, quod eſt uerum quis cre-

det uobis? Et si in alieno fideles non fuistis, quod est uestrum quis dabit uobis? Si uereri & metuis, ne si operari plurimum coeperis, patrimonio tuo larga operatione finito ad penuriam forte redigaris, esto in hac parte intrepidus, esto securus. Finiri non potest unde in usus Christi impenditur, unde opus coeleste celebratur. Nec hoc tibi de meo spondeo, sed de scripturarum sanctarum fide, et diuinae pollicitationis autoritate promitto. Loquitur per Salomonem spiritus sanctus, et dicit: Qui dat pauperibus, nunquam egebit: qui autem auertit oculos suos, in magna penuria erit: ostendens misericordes, atque operantes egere non posse, magis parcos & steriles ad inopiam postmodum deuenire. Item beatus Apostolus Paulus dominicae inspirationis gratia plenus: Qui administrat, inquit, semen seminanti, et panem ad edendum praestabit, et multiplicabit seminationem uestram, et augebit incrementa frugum iustitiae uestrae, ut omnibus locupletemini. Et iterum, administratio huius officij non tantum supplebit ea, quae sanctis desunt, fide, sed et abundabit per multas gratiarum actiones in Dominum. Quoniam dum gratiarum actio ad Deum pro eleemosynis, atque orationibus nostris pauperum oratione dirigatur, census operantis Dei retributione cumulatur. Et Dominus in Euangelio iam tunc eiusmodi hominum corda considerans, et perfidis, atque incredulis praescia uoce denuntians contestatur, & dicit: Nolite cogitare dicentes: quid edemus, aut quid bibemus, aut quid uestiemur? haec enim nationes quaerunt. Scit autem pater uester, quia omnium horum indigeris. Quae primum regnum Dei et iustitiam eius, et haec omnia apponentur uobis. Eis omnia apponi dicit & tradi, qui regnum & iustitiam Dei quaerunt. Eos enim Dominus cum iudicij dies uenerit, ad percipiendum regnum dicit admitti, qui fuerint in ecclesia eius operati. Metuis ne patrimonium tuum forte deficiat, si operari ex eo largiter coeperis: & nescis mi-

Proverb. 21.

2. Corin. 9.

Math. 6.

Ibidem.

ser, quia dum times ne res familiaris forte deficiat, uita ipsa
 & salus deficit: & dum nequid de rebus tuis minuatur at=
 tendis, nō respicis quōd ipse minuaris, amator magis mammo=
 næ, quā animæ tuæ, ut dum times ne pro te patrimonium
 tuum perdas, ipse pro patrimonio tuo pereas. Et ideo bene

1. Timo. 6. Apostolus clamat & dicit: Nihil intulimus in hunc mundum,
 uerum nec auferre possumus: habentes autem exhibitionem
 & tegumentum, his contenti simus. Nam qui uolunt diuites
 fieri, incidunt in tentationem, & in muscipulas, & in deside=
 ria multa & nociua, quæ mergunt hominem in perditionem,

Cupiditas ra=
 dix malorum

quā quidam appetentes naufragauerunt à fide, & inferue=
 runt se doloribus multis. Metuis ne patrimonium tuum forte
 deficiat, si operari ex eo largiter cœperis? quando enim fa=
 ctum est, ut iusto possent deesse subsidia, cum scriptum sit: Non

Prover. 10.

9. Reg. 17.

Danie. 14.

occidet fane Dominus animam iustam? Helias in solitudine
 coruū ministrantibus pascitur. Et Danieli in lacu ad leonum
 prædon iussu regis incluso, prandium diuinitus apparatur: &
 tu metuis ne operanti, & Deum promerenti desit alimentum?
 quando ipse in Euangelio ad exprobrationem eorum, quibus

Matth. 6.

mens dubia est, & fides parua, contestetur, & dicat: Aspici=
 te uolatilia cœli, quoniam non seminant, neque metunt, neque
 colligunt in horrea, & pater uester cœlestis alit illa, non ne
 uos pluris estis illis? Volucres Deus pascit, & passeribus ali=
 menta diurna præstantur, & quibus nullus diuinæ rei sensus
 est, eis nec potus, nec cibus deest. Tu Christiano, tu Dei seruo,
 tu operibus bonis dedito, tu Domino suo charo aliquid putas
 defuturum? Nisi si putas quia qui Christum pascit, à Christo
 ipse non pascitur: aut eis terrena deerunt, quibus cœlestia &
 diuina tribuuntur. Vnde hæc incredula cogitatio? & unde
 impia & sacrilega ista meditatio? quid facit in domo fidei
 perfidum pectus? quid qui Christo omnino non credit, appel=
 lat

Christianus
 dici non mere=
 tur, qui Chri=
 sto nō credit.

latur & dicitur Christianus? Pharisei tibi magis congruat Luc. 16.
 nomen. Nam cum Dominus in Euangelio de eleemosynis dis-
 putaret, & ut nobis amicos de terrestribus lucris prouida
 operatione faceremus, qui nos postmodum in tabernacula æter-
 na susciperent, fideliter et salubriter præmoneret, addidit post
 hæc scriptura, dicens: Audiebant autem hæc omnia Pharisei
 qui erant cupidissimi, & irridebant. Quales nunc quosdam in
 ecclesia uidemus, quorum præcluse aures et corda cæcata nul-
 lum de spiritualibus ac salutaribus monitis lumen admittunt,
 de quibus mirari non oportet, quod contemnunt in tractatibus
 seruum, quando à talibus ipsum Dominum uideamus esse con-
 temptum. Quid tibi istis ineptis & stultis cogitationibus plau-
 dis, quasi metu & solitudine futurorum ab operibus retar-
 deris? quid umbras & præstigias quasdam uane excusationis
 obtendis? Consitere immo quæ uera sunt, & quia scientes non
 potes fallere, secreta & abdita mentis exprime. Obsederunt Immo pro po-
tius sepe usur-
pat.
 animum tuum sterilitatis tenebræ, & recedente inde lumine
 ueritatis, carnale pectus alta & profunda auaritiæ caligo cæ-
 cauit: pecuniæ tuæ captiuus & seruus es: catenis cupiditatis
 & uinculis alligatus es, & quem iam soluerat Christus, de- Pecuniæ ser-
uus.
 nuo uinctus es: seruas pecuniam, quæ te seruata non seruat: pa-
 trimonium cumulas, quod te pondere suo onerat, nec memini-
 sti quid Deus responderit diuiti exuberantium fructuam co-
 piam stulta exultatione iactanti: Sulte, inquit, hac nocte ex- Luc. 12.
 postulatur anima tua à te: quæ ergo præparasti, qui erunt?
 quid diuitijs tuis solus incubas? quid in poenam tuam patrimo-
 nij tui pondus exaggeras, ut quò locupletior seculo fueris,
 pauperior Deo fias? Reditus tuos diuide cum Domino Deo
 tuo: fructus tuos partire cum Christo, fac tibi ex possessionum
 terrestrium prouentu Christum participem, ut & ille te sibi
 faciat regnorum coelestium coheredem. Erras & falleris quis-
 quis te in seculo diuitem credis. Audi in Apocabyssi domini tui

uocem, eiusmodi homines iustis obiurgationibus increpantem:
 Bpocal. 3. Dicis, inquit, diues sum, & ditatus sum, et nullius rei egeo,
 & nescis quia tu es miser, et miserabilis, et pauper, et cæ-
 cus, et nudus es. Suadeo tibi emere à me aurum ignitum de
 igne, ut sis diues, et uestiaris uestem albam, et non appareat
 in te sorditas nuditatis tuæ, et collyrio inunge oculos tuos, ut
 uideas. Qui ergo locuples ac diues es, eme tibi à Christo au-
 rum ignitum, ut sordibus tuis tanquam igne decoctis, esse au-
 rum mundum possis, si elemosynis et iusta operatione purge-
 ris. Eme tibi albam uestem, ut qui secundum Adam nudus fue-
 ras, et horrebas antè deformis, indumēto Christi candido ue-
 stiaris. Et quæ matrona locuples et diues es, unge oculos tuos
 non stibio diaboli, sed collyrio Christi, ut peruenire ad uiden-
 dum Deum possis, dum Dominum & operibus bonis & mo-
 ribus promereris. Cæterum quæ talis es, nec operari in eccle-
 sia potes. Egentem enim et pauperem non respexerunt oculi
 tui supersusi nigroris tenebris & nocte cæcati. Locuples &
 diues dominicum celebrare te credis, quæ corbonam omnino
 non respicis, quæ in dominicum sine sacrificio uenis, quæ par-
 tem de sacrificio, quod pauper obtulit, sumis. Intuere in Euan-
 gelio uiduam præceptorum cœlestium memorem, inter ipsas
 pressuras et angustias egestatis operantem, in gazophylacium
 duo, quæ sola sibi minuta fuerant, mittentem. Quam cum ani-
 maduerteret Dominus & uideret, non de patrimonio, sed de
 animo opus eius examinans, et considerans non quantum, sed
 ex quanto dedisset, respondit & dixit: Amen dico uobis, quo-
 niam uidua ista plus omnibus misit in dona Dei. Omnes enim
 isti ex eo quod abundat illis, miserunt in dona Dei: hæc autem
 de inopia sua omnem quemcunque habuit uictum, misit. Mul-
 tum beata mulier et gloriosa, quæ etiam ante diem iudicij me-
 ruit iudicis uoce laudari. Pudeat diuites sterilitatis atque infæ-
 Ioc. 1. probatio. licitatis suæ: uidua et inops, uidua in opere inuenitur. Cumq;

uniuersa quæ dantur, pupillis et uiduis confrantur, dat illa quam oportebat accipere, ut sciamus quæ poena diuitem sterilem maneat, cum hoc ipso documento operari etiam pauperes debeant. Atque ut intelligamus hæc omnia Deo dari, et cum quisq; hæc facit, Deum promereri, Christus illud Dei dona appellat, et in dona Dei uiduam duos quadrantes misisse significat, ut magis ac magis possit esse manifestum, quia qui miseretur pauperis, Deo scenerat. Sed nec illa res fratres charissimi à bonis operibus et iustis refrænet et reuocet Christianum, quod excusari se posse aliquis existimet beneficio filiorum, quando impensis spiritualibus Christum cogitare, qui accipere se professus est, debeamus, nec cōseruos liberis nostris, sed Dominum præferamus, ipso instruente et monente: Qui Matth. 10.

diligit, inquit, patrem aut matrem super me, non est me dignus: et qui diligit filium aut filiam super me, non est me dignus. Item in Deuteronomio ad corroborationem fidei et dilectionem Dei paria conscripta sunt: Qui dicunt, inquit, patri aut matri, non noui te, et filios suos non cognouerunt, hi custodierunt præcepta tua, et testamentum tuum seruauerunt. Nam si Deum toto corde diligimus, nec parētes nec filios Deo præferre debemus. Quod et Ioannes in epistola sua ponit, charitatem Dei apud eos non esse, quos uidemus operari in pauperes nolle: Qui habuerit, inquit, substantiam mundi, et uidit fratrem suum desiderantem, et clausit uiscera sua ab eo, quomodo charitas Dei manet in eo? Si enim Deus eleemosynis pauperum foeneratur, et cum datur minimis, Christo datur, non est quod quis terrena celestibus præferat, nec diuinis humana præponat. Sic uidua illa in tertio Regnorum libro, cum in siccitate, et fame consumptis omnibus de modico farine et oleo, quod supersuerat, fecisset subcinericium panem, quo assumpto, moritura cum liberis esset, superuenit Helias, et petit sibi prius ad edendum dari, tunc quod supersuisset inde illam cum filiis

Deuter. 33.

1. Ioan. 3.

3. Reg. 17

Helias typus
Christi.

Filiorum nu-
merus libera-
litatem et ele-
mosynas mi-
nuit.

suis uesci. Nec obtemperare illa dubitauit, aut Helie filios ma-
ter infame & egestate præposuit. Fit imo in conspectu Dei,
quod Deo placeat prompte ac libenter quod petebatur, offer-
tur: nec de abundantia portio, sed de modico totum datur, et
esurientibus liberis alter prius pascitur, neq; in penuria & sa-
me cibis ante quam misericordia cogitatur, ut dum in opere
salutari carnaliter uita contemnitur, spiritualiter anima reser-
uetur. Helias itaq; typum Christi gerens, & quod illa pro mi-
sericordia uicem singulis reddat ostendens, respondit & di-
xit: Hec dicit Dominus, fidelia farris non deficiet, & capsæ
cei olei non minuetur, usq; in diem, quo dabit Dominus im-
brem super terram. Secundum diuinæ pollicitationis fidem mul-
tiplicata sunt uide & cumulata, quæ præstitit, & operibus
iustis ac misericordiæ meritis augmenta & incrementa sumen-
tibus, farris & olei uasa completa sunt. Nec filijs abstulit ma-
ter quod Helie dedit, sed magis contulit filijs quod benignè et
piè fecit. Et illa nondum Christum sciebat, nondum præcepta
eius audierat, non cruce & passione eius redempta, cibum &
potum pro sanguine rependebat, ut ex hoc appareat, quantum in
ecclesia peccet qui se & filios Christo antepones diuitias suas
seruat, nec patrimonium copiosum cum indigentium paupertate
communicat. Sed enim multi sunt in domo liberi, & retardat
te numerositas filiorum, quod minus largiter bonis operibus infi-
stas: atqui hoc ipso operari amplius debes, quod multorum pi-
gnorum pater es, plures sunt pro quibus Deum deprecaberis. Mul-
torum delicta redimenda sunt, multorum precandæ conscien-
tiæ, multorum animæ redimende. Vt in hac uita seculari alen-
dis sustinendisq; pignoribus quo maior est numerus, hoc ma-
ior est & sumptus: ita & in uita spirituali atq; cœlesti, quod
amplior fuerit pignorum copia, esse & operum debet maior
impensa. Sic & Iob sacrificia numerosa pro liberis offerebat,
quantusq; erat in domo pignorum numerus, tantus dabatur

Deo & numerus hostiarum . Et quoniam quotidie deesse non potest, quod peccetur in conspectu Dei, sacrificia quotidiana non deerant, quibus possent peccata tergeri, probat scriptura diuina dicens : Iob homo uerus & iustus habuit filios septem, Iob. 12. & filias tres, et emundabat illos, offerens pro eis hostias Deo secundum numerum illorum, & pro peccatis eorum uitulum unum . Si ergo uerè filios tuos diligis, si eis exhibes plenam, & paternam dulcedinem charitatis, operari magis debes, ut filios tuos Deo iusta operatione commendes. Nec eum liberis tuis cogites patrem, qui & temporarius, & infernus est : sed illum pares, qui æternus & firmus filiorum spiritualium pater est . Illi assigna facultates tuas, quas hæredibus seruas : ille sit liberis tuis tutor, ille curator, ille contra omnes iniurias seculares diuina maiestate protector . Patrimonium Deo creditum nec respublica eripit, nec fiscus inuadit, nec calumnia aliqua forensis euertit. In tuto hæreditas ponitur, quæ Deo custo- Patrimonium Deo credendum. de seruetur . Hoc est charis pignoribus in posterum prouidere, hoc est futuris hæredibus paterna pietate consulere, secundum fidem scripturæ sanctæ dicentis : Iunior fui, etenim senui, Psal. 36. & nunquam uidi iustum derelictum, neq; semen eius egens pane . Tota die miseretur & commodat, semen eius in benedictione erit. Et iterum : Qui conuersatur sine uituperatione & Prouer. 20. in iustitia, beatos post se filios relinquet. Præuicator itaq; et proditor pater es, nisi filiis tuis fideliter consulas, nisi conseruandis eis religiosa & uera pietate prospicias. Qui studeo terreno magis quam cœlesti patrimonio filios tuos diabolo magis commendare, quam Christo, bis delinquis, et geminum crimen admittis, & quòd non præparas filiis tuis Dei patris auxilium, & quòd doces filios patrimonium plus amare, quam Christum . Est potius liberis tuis pater talis, qualis Tobias Tob. 14. extitit . Da utilia & salutaria præcepta pignoribus, qualia ille filio dedit : manda filiis tuis, quod & ille filio mandauit dicēs :

Thobie præce
pta ad filium

Et nunc fili mando tibi : serui Deo in ueritate , & fac coram illo quod illi placet , & filijs tuis manda ut faciant iustitiam , & eleemosynas , & sint memores Dei , & benedicant nomen

Tob. 4.

eius omni tempore . Et iterum : Omnibus diebus uitæ tuæ fili dilectissime Deum in mente habe , & noli præterire præcepta eius . Iustitiam fac omnibus diebus uitæ tuæ , & noli ambulare uiam iniquitatis , quoniam agente te in ueritate , erit respectus operum tuorum . Ex substantia tua fac eleemosynam , & noli auertere faciem tuam ab ullo paupere : Ita fiet ut nec à te facies Dei auertatur . Prout habueris fili , sic fac eleemosynam : si tibi fuerit copiosa substantia , plus ex illa fac : & si exiguum habueris , ex hoc ipso exiguo communica . Et ne timueris cum facis eleemosynam , præmium bonum reponis tibi in diem ne-

Tob. 12.

cessitatis . Quia eleemosyna à morte liberat , & non patitur ire in gehennam . Munus bonum est eleemosyna omnibus qui faciunt eam coram summo Deo . Quale munus est fratres dilectissimi , cuius editio Deo spectante celebratur ? Si in gentiliū munere grande & gloriosum uidetur , proconsules uel imperatores habere præfentes , et apparatus ac sumptus apud munerarios maior est , ut possint placere maioribus : quanto illustrior muneris & maior est gloria , Deum & Christum

Eleemosynæ
fructus.

spectatorem habere ? Quanto isthic & apparatus uberior , et sumptus largior exhibendus est , ubi ad spectaculum conueniunt cœlorum uirtutes , conueniunt Angeli omnes , ubi munerario non quadriga uel consulatus petitur , sed uita æterna præstatur , nec captatur inanis & temporalis fauor uulgi , sed perpetuum præmium regni cœlestis accipitur ? Atq; ut pigros & steriles & cupiditate numaria nihil circa fructum salutis operâtes magis pudeat , ut plus conscientiam fordidam de decoris ac turpitudinis suæ rubor cædat , ponat unusquisq; ante oculos suos diabolum cum seruis suis , id est , cū populo proditionis & mortis in medium prosilire , plebem Christi præ-

sente & iudicante ipso cōparationis examine prouocare, di-
 centem: Ego pro istis, quos mecū uides, nec alapas accepi, nec
 flagella sustinui, nec crucē pertuli, nec sanguinē sudi, nec fami-
 liam meam pretio passionis & crucis redemi, sed nec regnum
 cōeleste illis promitto, nec ad paradisum restituta immortaliz-
 tate denuo reuoco, & munera mihi, quā pretiosa, quā grā-
 dia, quā nimio & longo tempore quæsitā sumptuosissimis
 apparatibus comparant, rebus suis uel obligatis in muneris
 apparatione, uel uenditis, ac nisi * editio honesta successerit,
 conuicijs ac sibilis eiiciuntur, & furore populari nonnūquam
 penē lapidantur? Tuos tales munerarios Chrīste demonstra,
 illos diuites, illos copiosis opibus affluētes, an in ecclesia prae-
 sidente & spectante te eiusmodi munus edant, oppignoratis
 uel distractis rebus suis, imo ad cōelestes thesauros mutata in
 melius possessione translatis? In istis muneribus hominum ca-
 ducis, atq; terrenis nemo pascitur, nemo uestiūtur, nemo cibi &
 potus solatio sustinetur, cuncta inter furorem edentis, & spe-
 ctantis errorem prodiga & stulta uoluptatum frustrantium
 uanitate depereunt. Illhic in pauperibus tuis tu uestiris, &
 pascere, tu aeternam uitam operantibus polliceris, & uix tui
 meis pereuntibus adequantur, qui à te diuinis mercedibus &
 premijs cōelestibus honorantur. Quid ad haec respondemus
 fratres charissimi? Sacrilega sterilitate & quadam tenebrarū
 nocte coopertas diuitum mentes, qua ratione defendimus? qua
 excusatione purgamus qui tabuli seruis minores sumus, ut
 Chrīsto pro pretio passionis & sanguinis, uicem nec in modi-
 cis rependamus? Præcepta nobis ille dedit: quid facere seruos
 suos oporteret instruxit, operantibus præmian pollicetur, &
 sterilibus supplicium comminatur: sententiam suam protulit,
 quid iudicaturus sit, & ante prædixit. Quæ potest excusatio
 esse cessantis? quæ defensio sterili? nisi quòd non faciente ser-
 uo quod præcipitur, Dominus faciet quod minatur: qui &

alias, editor
 honestus.

Operantibus,
 præmium.

Otiosis suppli-
 cium.

dicit: Cum uenerit filius hominis in gloria sua, & omnes An-
 geli cum eo, tunc sedebit in throno gloriæ suæ, & colligentur
 ante eum omnes gentes, & segregabit eos abinuicem quem-
 admodum pastor segregat oues ab hœdis, & statuet oues ad
 dextram, hœdos autem ad sinistram: tunc dicet rex ijs, qui ad
 dextram suam erunt: Venite benedicti patris mei, percipite
 quod uobis paratum est regnum ab origine mundi: Esuriui
 enim, & dedistis mihi manducare: sitiui, & dedistis mihi po-
 tum: hospes fui, & adduxistis me: nudus, & uestistis me: infir-
 mus, & uisitastis me: in carcere fui, & uenistis ad me. Tunc
 responderunt ei iusti dicentes: Domine quando te uidimus esu-
 rientem, & pauimus: sitientem, & potauimus: quando te uidi-
 mus hospitem, & adduximus, nudum, & uestiuimus: quando
 autem te uidimus infirmum, & in carcere, & uenimus ad te?
 Tunc respondens rex dicet eis: Amen dico uobis, quandiu fe-
 cistis uni horum ex fratribus meis minimis, mihi fecistis. Tunc
 dicet ijs qui ad sinistram eius erunt: Discedite à me maledicti
 in ignem æternum, quem parauit pater meus diabolo & An-
 gelis eius. Esuriui enim, & non dedistis mihi manducare, si-
 tiui, & non potastis me, hospes fui, & non adduxistis me, nu-
 dus, & non uestistis me, infirmus & in carcere, & non uisi-
 tastis me. Tunc respondebunt & ipsi, dicentes, Domine quan-
 do te uidimus esurientem, aut sitientem, aut hospitem, aut nu-
 dum, aut infirmum, aut in carcere, & nō ministrauimus tibi?
 Et respondebit illis, Amen dico uobis, quandiu uni ex mini-
 mis istis non fecistis, neq; mihi fecistis. Et ibunt iniusti in am-
 bustionem æternam, iusti autem in uitam æternam. Quid po-
 tuit nobis maius Christus edicere? quomodo magis potuit iu-
 stitiæ ac misericordiæ nostræ operam prouocare, quàm quòd
 præstari id dixit sibi, quicquid egenti præstatur & pauperi?
 & se dixit offendi, nisi egenti præstetur & pauperi, ut qui
 respectu fratris in ecclesia non mouetur, uel Christi contem-

platione moueatur: & qui non cogitat in labore & egestate conseruam, uel Dominū cogitet in ipso illo quem despicit constitutum. Et idcirco fratres charissimi quibus metus pronus in Deum est, & spreto calcatoq; iam mundo ad superna & diuina animus erectus est, fide plena, mente deuota, operatione continua promerēdo, Domino obsequiū praebeamus: demus Christo uestimenta terrena, indumenta caelestia recepturi. Demus cibum & potum secularem, cum Abraham, Isaac & Iacob ad conuiuium caeleste uenturi: ne parum metamus, plurimum seminemus. Securitati ac salutī aeternae, dum tempus est, consulta Salui consulendum.
Gal. 6. mus, Paulo Apostolo admonente & dicente: Ergo dum tempus habemus, operemur bonum ad omnes, maxime autem ad domesticos fidei. Bonum autem facientes non deficiamus, tempore enim suo metemus. Cogitemus fratres charissimi quid sub Apostolis fecerit credentium populus, quando intra ipsa primordia maioribus uirtutibus mens uigebat, quando credentium fides nouo adhuc fidei calore seruebat, domicilia tunc & praedia uenundabant, et dispensandam pauperibus facultatem libenter ac largiter Apostolis offerebant, terreno patrimonio uendito, atq; distracto, fundos illhuc trāsferentes, ubi fructus caperent possessionis aeternae: illhic cōparantes domos, ubi inciperēt semper habitare. Talis tunc fuit in operibus cumulus, qualis in dilectione consensus, sicut legimus in Actibus Apostolorum: Turba autem eorum qui crediderant anima ac mente una agebant, nec fuit inter illos discrimen ullum, nec quicquam suum iudicabant ex bonis quae eis erant, sed fuerunt illis omnia communia. Hoc est natiuitate spiritali uere Dei filios fieri, hoc est lege caelesti aequitatem Dei patris imitari. Act. 4.
Apostolis omnia communia. Quodcūq; enim Dei est, in nostra usurpatione commune est, nec quisquam à beneficijs eius ac muneribus arceatur, quò minus omne humanum genus bonitate ac largitate diuina aequaliter perfruatur: sic aequaliter dies illuminat, sol radiat, im-

ber rigat, uentus aspirat, & dormiētibus somnus unus est, stellarum splendor ac lunæ cōmunis est. Quo æqualitatis exēplo, qui possessor in terris reditus ac fructus suos cum fraternitate partitur, dum largitionibus gratuitis communis ac iustus est, Dei patris imitator est. Quæ illa erit fratres charissimi operantium gloria, quàm grandis, & summa lætitia, cum populum suum Dominus cœperit recensere, & meritis atq; operibus nostris præmia promissa retribuere, pro terrenis cœlestia, pro temporalibus sempiterna, pro modicis magna præstare, offerre nos patri, cui nos sua sanctificatione restituit, æternitatem nobis immortalitatemq; largiri, ad quam nos sanguinis sui uiuificatione reparauit, reduces ad paradysum de nouo facere, regna cœlorum fide & ueritate suæ pollicitationis aperire? Hæc hæreant firmiter sensibus nostris, hæc intelligantur plena fide, hæc corde toto diligantur, hæc incessantium operum magnanimitate redimantur. Præclara & diuina res fratres charissimi, salutaris operatio, solatium grande credentium, securitatis nostræ salubre præsidium, munimentum spei, tutela fidei, medela peccati, & res posita in potestate facientis, res gaudis & facilis, sine periculo persecutionis corona pacis, uerum Dei munus et maximum, infirmis necessarium, fortibus gloriosum, quo Christianus ad iutus præ se effert gratiam spiritualem, promeretur Christum iudicem, Deū cōputat debitorem. Ad hanc operum salutariū palmam libenter ac promptè certemus, oēs in agone iustitiæ Deo & Christo spectante currāmus, et qui seculo ac mundo maiores esse iam cœpimus, cursum nostrum nulla seculi ac mūdi cupiditate tardemus. Si expeditos, si celeres, si in hoc operis agone currētes, dies nos uel reditionis, uel persecutionis in uenerit, nusquā Dñs meritis nostris ad præmium deerit. In pace coronam uincensibus candidam pro operibus dabit, in persecutione purpuream pro passione geminabit. Amen.

A R G.

Exhortatio.

DE ZELO ET LIVORE.

ARG. SERMONIS SEQ.

Sermo eiusdē secūdus de zelo & liuore, in quo latentes inimici insidias detegens, unde zelus & quādo & quomodo cōperit ostēdit, & multiplicē eius perniciem demonstrat.

SERMO SEC. DE ZELO ET LIVORE.



Elare quod bonū uideas, et inuidere melioribus, leue et modicum apud quosdā crimē uidetur fratres chariss. dumq; existimatur leue esse et modicū, nō timetur, dū nō timetur, cōtemnitur, dū cōtemnitur, nō facile uitatur, et fit cæca et occulta pernicies, quæ

dū minus perspicitur, ut caueri à prouidētibus possit, improuidas mentes latēter affligit. Porro autē Dominus prudentes esse nos iussit, & cauta sollicitudine uigilare præcepit, ne aduersarius uigilans semp, et semp insidiās qū in pectus obrepāt, de scintillis consulet incēdia, de paruis maxima exaggeret, et dum remissis et incautis leniore aura et flatu molliore blāditur, procellis ac turbūibus excitatis ruinas fidei et salutis ac uitæ naufragia moliatur. Excubandū est itaq; fratres dilectiss. atq; omnibus uiribus elaborandum, ut inimico sæuienti, et iacula sua in omnes corporis partes, quibus percuti et uulnerari possumus, dirigenti sollicita et plena uigilantia repugnemus, secundū quod Petrus quoq; apostolus in epistola sua præmonet et docet, dicens, Sobrij estote et uigilate, quia aduersarius uester zēbulus tanquam leo rugens et aliquid deuorare querēs, circuit. Circuit ille nos singulos, et tanquam hostis, clausos obsidens muros, explorat, et tentat, an sit aliqua pars membrorū minus stabilis et minus fida, cuius aditu ad interiora penetretur. Offert oculis formas illices et faciles uoluptates, ut uisu destruat castitatē. Aures p̄ canorā musicā tētat, ut sonus dulciori auditu soluat et molliat Christiani uigorē: Linguā ad cōuiciū puo

i. Pet. 5.

Diaboli uersutia.

cat, manus iniurijs laceffentibus ad petulantiam cædis instigat: ut fraudatorem faciat, lucra opponit iniusta: ut animam pecunia capiat, ingerit perniciofa compendia: honores terrenos promittit, ut cœlestes adimat: ostendit falsa, ut uera subripiat. Et cum latenter non potest fallere, exerte atq; aperte minatur, terrorē turbidæ persecutionis intētans, ad debellādos Dei seruos inquietus semper, & semper infestus. In pace subdolis, in persecutione uiolentus. Quāobrem fratres dilectissimi contra omnes diaboli uel fallaces insidias, uel apertas minas stare debet instructus animus & armatus, tam paratus semper ad repugnandum, quā est ad impugnandum semper paratus inimicus. Et quoniam frequentiora sunt tela eius, quæ latenter obrepunt, magisq; occulta & clandestina iaculatio, quò minus perspicitur, hōc grauius & crebrius in uulnera nostra grassatur, ad hec quoq; intelligenda et depellenda uigilemus, ex quibus est zeli & liuoris malum. Quod si quis penitus inspiciat, inueniet nihil magis Christiano cauendum, nihil cauētius prouidendum, quā nequis inuidia & liuore capiatur: nequis fallentis inimici cæcis laqueis implicatus, dum zelo frater in fratris odia cōuertitur, gladio suo nescius ipse perimatur: quod ut colligere plenius, & manifestius perspicere possumus, ad caput eius atq; originem recurramus. Videamus ergo unde zelus & quando et quomodo cœperit. Facilius enim malum tam perniciosum à nobis uitabitur, si eiusdem mali origo & magnitudo noscatur. Hinc diabolus inter initia statim inuadit & perijt primus, & perdidit. Ille angelica maiestate subnixus, ille Deo acceptus & charus postquā hominem ad imaginem Dei factum conspexit, in zelum maleuolo liuore prorupit, non prius alterum deiiciens instinctu zeli, quā ipse zelo ante deiectus, captiuus antequā capiens, perditus antequā perdēs, dum stimulāte liuore homini gratiā datæ immortalitatis eripit, ipse quoq; id qd' prius fuerat, amisit. Quale malū est

Inuidia uita
da.

Inuidia origo

fratres charissimi, quo angelus cecidit, quo circumueniri & subuerti alta illa & præclara sublimitas potuit, quo deceptus est qui decipit? Exinde inuidia grassatur in terris, dum liuore *paritur, magistro perditionis obsequitur, dum tabulum qui ^{alias, peritus-} zelat, imitatur. Sicut scriptum est: Inuidia autem tabuli mors in- ^{rus.} trouit in orbem terrarum. Imitantur ergo illum qui sunt ex par- ^{Sap. 2.} te eius. Hinc denique nouæ fraternitatis prima odia, hinc par- ^{Gen. 4.} ricia nefanda coeperunt, dum Abel iustum Cain zelat in- iustus, dum bonum malus inuidia & liuore persequitur. Tan- tum ualuit ad consummationem facinoris æmulationis furor, ut nec charitas fratris, nec sceleris immanitas, nec timor Dei, nec poena delicti cogitaretur. Iniuste oppressus est, qui iustitiam primus ostenderat, odia perpeffus est, qui odisse non nouerat, occisus est impius, qui moriens non repugnabat. Et quod Esau fratri suo Iacob inimicus extitit, zelus fuit. Nam quia ille be- nedictionem patris acceperat, hic in odium persecutionis facibus liuoris exarsit. Et quod Ioseph fratres sui uendiderunt, causa ^{Gene. 27. &} uendendi de æmulatione descendit, postquam id quod sibi in ui- ^{37.} sionibus prosperum fuerat ostensum, simpliciter ut fratribus frater exposuit, in inuidiam maleuolus animus erupit. Saul quoque rex ut Dauid odisset, ut persecutionibus sæpe repetitis ^{1. Reg. 18.} innocentem, misericordem, mitem, lenitate patientem necare cupe- ret, quid aliud quam zeli stimulus prouocauit? quia Goliad interfecto, & opere ac dignatione diuina tanto hoste deleto populus admirans in laudes Dauid prædicationis suffragio ^{Ibidem 17.} prosiliit, Saul similitatis atque insectationis furias de liuore con- cepit. Et ne longum faciam singulos recensendo, pereuntis simul populi attendamus interitum. Iudei nonne inde perierunt, dum Christo malunt inuidere quam credere? Obtrestantes magna- libus, quæ ille faciebat, zelo excæcante decepti sunt, nec ad di- uina noscenda cordis oculos aperire potuerunt. Quæ nos con- siderantes fratres charissimi, contra tantam mali perniciem

Inuidia radix
omnium malorum.

uigilanter & fortiter dicata Deo & uegetata pectora nostra muniamus. Aliorum mors proficiat ad nostram salutem, imprudentium poena prouidentibus confert sanitatem. Non est autem quod aliquis existimet malum istud una specie cōtineri, aut breuibus terminis & angusto fine cōcludi. Latè patet zeli multiplex & secunda perniciēs, radix est omnium malorum, & fons cladum, seminarium delictorum, materia culparum. Inde odium surgit, animositas inde procedit, auaritiam zelus inflammāt, dum quis nō potest suo esse contentus uidēs alterum ditiozem. Ambitionem zelus excitat, dum cernit quis alium in honoribus altiozem, zelo excæcante sensus nostros, ac in ditionem suam mentis arcana redigente, Dei timor spernitur, magisterium Christi negligitur iudicij dies non prouidetur. Inflat superbia, exacerbat seuitia, perfidia præuacatur, impatientia concutit, furit discordia, ira feruescit. Nec se potest iam cohibere, nec regere qui factus est potestatis alienæ. Hinc dominicæ uinculum pacis rumpitur, hinc charitas fraterna uiolatur, hinc adulteratur ueritas, unitas scinditur, ad hæreses atq; schismata profilitur, dum obtrektatur sacerdotibus, dum episcopis inuidetur, dum quis aut quæritur non se potius ordinatum, aut dedignatur alterum ferre præpositum. Hinc recalcitrat, hinc rebellat de zelo superbus, de emulatione peruersus, animositate & liuore non hominis, sed honoris inimicus. Qualis uerò est animi tineæ, aut quæ cogitationum tabes pectoris quāta rubigo, zelare in altero uel uirtutem eius, uel felicitatē, id est, odiſe in eo uel merita propria, uel beneficia diuina, in malū proprium bona aliena conuètere, illustriam prosperitate torqueri, aliorū gloriam facere suā pœnam, & uelut quosdam pectori suo admoouere carnifices, cogitationibus & sensibus suis adhibere tortores, qui se intus cruciatibus lacerent, qui cordis secreta maleuolentiæ ungulis pulsent, non cibus talibus letus, non potus potest esse iu-

cundus, suspiratur semper & gemitur, & doletur. Dumq; ab inuidis nunquam lior exponitur, diebus ac noctibus pectus obsessum sine intermissione laniatur. Mala cætera habent terminum, & quodcumq; delinquitur, delicti consummatione finitur: in adulterio cessat facinus perpetrato stupro: in latrone conquiet scelus homicidio admissio: et prædoni rapacitatem statuit possessa præda, et falsario modum imponit impleta fallacia: zelus terminum non habet, permanens iugiter malum, et sine fine peccatum est. ^{Invidia sine termino.} Quantoq; ille cui inuidetur successu meliore profecerit, tanto inuidus in maius incendium lioris ignibus inardescit. Hinc uultus minax, toruus aspectus, pallor in facie, in labijs tremor, stridor in dentibus, uerba rabida, ef- frænata conuicia, manus ad cædis uiolentiam promptæ, etiam si gladio interim uacuæ, odio tamen furiosæ mētis armatæ. Et ^{Psal. 36.} idcirco spiritus sanctus dicit in psalmis. Nolite zelare bene ambulantes in uia sua. Et iterum. Obseruabit peccator iustū & stridebit ad eum dentibus suis. Deus autem irridebit eum, quoniam prouidet quia ueniet dies eius. Hos beatus Paulus ^{Roma. 3.} Apostolus designat et denotat, dicens. Venenum aspidum sub ^{Psal. 13.} labijs eorum, & os eorum maledictione et amaritudine ple- ^{139.} num est. Veloces ad effundendum sanguinem pedes eorum: contritio et calamitas in uis eorum, qui uiam pacis non cognouerunt, nec est timor Dei ante oculos eorū. Multò malum leuius, & periculum minus est, cum membra gladio uulnerantur. Facilior cura est, ubi plaga perspicua, et citò ad sanitatem medela subueniente perducitur uulnus quod uidetur: zeli uulnera obstrusa sunt & occulta: nec remedium cura meden- ^{Invidia uul- nus occultū.} tis admittunt, qui se intra conscientie latebras cæco dolore clauferunt. Quicumq; es inuidus & malignus, uideris quàm sis eis, quos odisti, insidiosus, perniciosus, infestus, nullius magis, quàm tuæ salutis inimicus es. Quisquis ille est quem zelo persequeris, subterfugere & uitare te poterit: tu te fugere

non potes: ubicunq; fugeris, aduersarius tuus tecum est hostis semper in pectore tuo est, pernicies intus inclusa est, ineluctabili catenarum nexu ligatus & uinctus es, zelo dominante captiuus es, nec solatia tibi ulla subueniunt. Perseuerans malum est, hominem persequi ad Dei gratiam pertinentem: calamitas sine remedio est, odisse felicem. Et idcirco, fratres dilectissimi, huic periculo cōsulens Dominus, nequis zelo fratris in laqueum zabuli incurreret, cum eum discipuli interrogassent quis inter illos maior esset? Qui fuerit, inquit, minimus in omnibus uobis, hic erit magnus. Amputauit omnem emulationē responso suo, omnem causam & materiam mordacis inuidiæ eruit & abscidit. Discipulo Christi zelare non licet, non licet inuidere. Exaltationis apud nos non potest esse contentio, de humilitate ad summa crescimus, didicimus unde placeamus: denique et Apostolus instruens et docens, ut qui illuminati Christi lumine tenebras nocturnæ conuersationis euasimus, in factis atque operibus luminis ambulemus, scribit et dicit: Nox transiuit, dies autem appropinquauit: abijciamus ergo opera tenebrarum, & induamur arma lucis, tanquam in die decenter ambulemus: non in comessationibus & ebrietatibus: non in concupiscentijs et impudicijs: nō in certaminibus & zelo. Si recesserunt de pectore tuo tenebræ: si nox inde discussa est: si caligo deterfa est: si illuminauit sensus tuos splendor diei: si homo lucis esse cœpisti, quæ sunt Christi sequere: quia lux & dies Christus est. Quid in cœli tenebras ruis? quid te nubilo liuoris inuoluis? quid inuidiæ cecitate omne pacis & charitatis lumen extinguis? quid ad zabulum, cui renuntiaueras, iterum redis? quid Cain similis existis? Homicidij nanq; facinore constringi eum quisquis zelauerit, & odio fratrem suum habuerit, declarat Ioannes Apostolus in epistola sua, dicens. Qui fratrem suum odit, homicida est: & scitis quia omnis homicida non habet uitam se manentem.

Rom. 4. 13.

1. Ioan. 3.

Et iterum: Qui dicit se esse in luce, & fratrem suum odit, in tenebris est usque adhuc, & in tenebris ambulat, & non scit quò eat: quoniam tenebræ excæcauerunt oculos eius. Qui 1. Ioan. 2. odit, inquit, fratrem suum, in tenebris ambulat, & non scit quò eat: uadit enim nescius in gehennam, ignarus & cæcus præcipitatur in poenam, recedens scilicet à Christi lumine, monentis & dicentis: Ego sum lux mundi: qui me secutus Ioan. 3. fuerit, non ambulabit in tenebris, sed habebit lumen uitæ. Sequitur autem Christum, qui præceptis eius insistit, qui per magisterij eius uiam graditur, qui uestigia eius atque itinera sectatur, qui quod Christus & fecit & docuit, imitatur: secundum quod Petrus quoque hortatur et monet, dicens: Christus 1. Petr. 2. passus est pro nobis, relinquens nobis exemplum ut sequamur uestigia eius. Meminisse debemus quo uocabulo Christus plebem suam appellet, quo titulo gregem suum nunciet: oues nominat, ut innocentia Christiana ouibus æquetur: agnos uocat, ut agnorum naturam simplicem simplicitas mentis imitemur. Quid sub uestitu ouium lupus latitat? quid gregem Christi, qui Christianum se mentitur, infamat? Christi nomen inducere, & non per Christi uiam pergere, quid aliud quàm præuaticatio est diuini nominis, quàm desertio itineris salutaris: cum & ipse doceat & dicat eum ad uitam uenire, Matth. 19. qui mandatum seruauerit, & eum esse sapientem, qui uerba eius audierit & fecerit: doctorem quoque eum maximum in regno coelorum uocari, qui fecerit & sic docuerit: tunc prædicanti profuturam, quod bene atque utiliter prædicatum fuerit, si id quod ore promittitur, factis sequentibus impleatur? Quid uerò insinuauit crebrius discipulis suis Dominus? quid inter salutaria monita & præcepta cælestia custodienda seruandaque magis mandauit, quàm ut eadem dilectione qua discipulos ipse dilexit, nos quoque inuicem diligamus? Quomodo autem uel pacem Domini, uel charitatem tenet, qui intercedente Ze-

- lo nec pacificus potest esse, nec charus? Ideo & apostolus Paulus cum pacis & charitatis merita depromeret, cumq; asseueraret firmiter, & doceret, nec fidem sibi, nec elemosynas, nec passionem quoq; ipsam confessionis & martyrij profuturam, nisi charitatis fœdera integra atque inuiolata seruasset, adiecit, & dixit: Charitas magnanima est, charitas benigna est, charitas non zelat. Docens scilicet & ostendens eam posse charitatem tenere, quisquis magnanimus & benignus, & à zelo et liuore alienus est. Item alio loco cum moneret, ut homo iam sancto spiritu plenus natiuitate cœlesti Dei filius factus non nisi spiritualia et diuina sectetur, ponit & dicit: Et ego quidem fratres nō potui uobis loqui quasi spiritualibus, sed quasi carnalibus, quasi infantibus in Christo. Lac uobis potum dedi, non cibum: nondum enim poteratis, sed neque adhuc potestis: adhuc enim estis carnales: ubi enim in uobis zelus & contentio & dissensiones sunt, non ne carnales estis, & secundum hominem ambulatis? Obterenda sunt fratres charissimi uitia & peccata carnalia, & terreni corporis infesta labes spirituali uigore calcanda: ne dum iterum ad ueteris hominis conuersationem reuoluimur, letalibus laqueis implicemur, Apostolo hoc idem prouidenter & salubriter præmonente: Itaq; inquit, fratres non secundum carnem uiuamus. Si enim secundum carnem uixeritis, mori incipietis. Si autem spiritu opera carnis mortificaueritis, uiuetis: quotquot enim spiritu Dei aguntur, hi sunt filij Dei. Si filij Dei sumus, si templa eius esse iam cœpimus: si accepto spiritu sancto, sanctè & spiritualiter uiuimus, si de terris oculos ad cœlum sustulimus, si ad superna & diuina plenū Deo Christo pectus ereximus, non nisi quæ sunt Deo & Christo digna faciamus: sicut & Apostolus ponit & dicit: Si consurrexistis, inquit, cum Christo, quæ sursum sunt querite, ubi Christus est in dextera Dei sedēs: quæ sursum sunt sapite, non quæ super terram. Mortui enim estis, & uita ue-
1. Cor. 13.
1. Cor. 3.
2. Cor. 10.
- Coloss. 3.

stra abscondita est cum Christo in Deo: cum autem Christus apparuerit uita uestra, tunc et uos apparebitis cum ipso in gloria. Qui ergo in baptismo secundum hominis antiqui peccata carnalia et mortui et sepulti sumus, qui regeneratione celesti Christo consurreximus, quæ sunt Christi et cogitemus pariter et geramus: sicut idem Apostolus docet rursus et monet, dicens: Primus homo de terra limo, secundus homo de cælo: qualis ille de limo, tales et qui de limo: et qualis celestis, tales et celestes. Quomodo portauimus imaginem eius qui de limo est, portemus et imaginem eius qui de cælo est. Imaginem autem celestem portare non possumus, nisi in eo quod esse iam cœpimus, Christi similitudinem præbeamus: hoc est enim mutasse quod fueras, et cœpisse esse quod non eras, ut in nobis diuina natiuitas luceat, ut ad Deum patrem deifica disciplinare spōdeat, ut honore et laude uiuendi Deus in homine clarescat, ipso hortante et monente, et eis qui se clarificant, uicem mutuam pollicente: Eos, inquit, qui clarificant me, clarificabo, et qui spernit me, spernam. Ad quam clarificationem formās nos et preparās Dominus et filius Dei similitudinem Dei patris insinuans in Euangelio suo dicit: Audistis quia dictum est: Diliges proximum tibi, et odio habebis inimicum tibi: Ego autem dico uobis, diligite inimicos uestros, et orate pro eis, qui uos persequuntur, ut sitis filij patris uestri, qui in cælis est: qui solem suum oriri facit super bonos et malos, et pluit super iustos et iniustos. Si hominibus letum est et gloriosum filios habere consimiles: et tunc magis generasse delectas, si ad patrem linamentis paribus soboles subcisiua respondeat: quanto maior in Deo patre letitia est, cum quis sic spiritualiter nascitur, ut actibus eius et laudibus diuina generositas prædicetur? Quæ iustitiæ palma est, quæ corona, esse te talē, de quo Deus non dicat: Filios generavi et exaltaui, ipsi autem spreuerunt me: collaudet te potius Christus et inuitet ad prænium

1. Cor. 15.

Ioan. 12.

Leui. 19

Matth. 5.

Matth. 25.

dicens: Venite benedicti patris mei, percipite regnū quod uobis paratum est ab origine mundi? His meditationibus corroborandus est animus, fratres dilectissimi, eiusmodi exercitationibus contra omnia diaboli iacula firmandus. Sit in manibus diuina lectio, in sensibus dominica cogitatio. Oratio iugis omnino non cesset. Salutaris operatio perseueret. Spiritualibus semper actibus occupemur, ut quotiescunq; inimicus accesserit, quoties adire tentauerit, et clausum aduersus se pectus inueniat et armatum. Non enim Christiani nominis corona una est, quæ tempore persecutionis accipitur. Habet et pax coronas suas, quibus de uaria et multiplici congressionē uictores prostrato et subacto aduersario coronamur. Libidinem subegisse, continentie palma est. Contra iram, contra iniuriam repugnasse, corona patientie est. De auaritia triumphus est, pecuniam spernere. Laus est fidei, fiducia futurorum mundi aduersa tolerare. Et qui superbus in prosperis non est, gloriam de humilitate consequitur. Et qui ad pauperum fouendorum misericordiam pronus est, retributionem thesauri coelestis adipiscitur. Et qui zelare non nouit, quiq; unanimis et mitis fratres suos diligit, dilectionis et pacis premio honoratur. In hoc uirtutum stadio quotidie currimus, ad has iustitie palmas et coronas sine intermissione temporis peruenimus: ad quas ut tu peruenire etiam possis, qui fueras zelo et liuore possessus omnē illam malitiam, qua prius tenebaris, abijce, ad uiam uitæ æternæ uestigijs salutaribus reformare. Euelle de pectore tuo spinas et tribulos, ut te dominicum semen fertili fruge locupletet, ut diuina et spiritualis seges in copiam foecundæ messis exuberet. Venena fellis euome, discordiarum uirus excludere, purgetur mens quam serpentinus liuor infecerat. Amari-tudo omnis, quæ intus infederat, Christi dulcedine leniatur. Si de sacramento crucis et cibum sumis et potum, lignum quod apud Mara proficit in imagine ad saporis dulcedinem, tibi

Coronæ Chri-
stianorum uia
rta.

in ueritate proficiat ad mulcendi pectoris lenitatem. Nec ad medelam proſperandæ ualeitudinis labores, unde uulneratus fueras, inde curare. Ama eos quos ante oderas, dilige illos quibus iniuſtis obtreſtationibus inuidebas. Bonos imitare, ſi potes: ſi ſectari non potes, collatæ certè & gratulare melioribus: fac te illis adunata dilectione participem, fac te conſortio charitatis & fraternitatis uinculo cohæredem. Dimittentur tibi debita, quâdo tu ipſe dimiſeris. Accipientur ſacrificia tua, cum pacificus ad Deum ueneris. Sensus atq; actus tui diuinitus dirigentur, quando ea quæ diuina & iuſta ſunt cogitaues, ſicut ſcriptum eſt: Cor uiri cogitat iuſta, & à Deo dirigentur greſſus eius. Habes autem multa quæ cogites. Paradifum cogita, quò Cain non reddit, qui zelo fratrem ſuum peremit. Cogita cœleſte regnum, ad quod non niſi concordēs atq; unanimes Dominus admittit. Cogita quòd filij Dei hi ſoli poſſint uocari, qui ſint pacifici, qui natiuitate cœleſti & lege diuina ad ſimilitudinem Dei patris & Chriſti reſpondent adunati. Cogita ſub oculis nos Dei ſtare, ſpectante ac iudicante ipſo conuerſationis ac uitæ noſtræ curricula decurrere, peruenire nos tunc demum poſſe, ut eum uidere contingat, ſi ipſum nunc uidentem delectemur actibus noſtris, ſi nos dignos gratia eius et indulgentia præbeamus, ſi placituri ſemper in regno, in hoc mundo ante placeamus.

Proverb. 16.

Genef. 4.

ARG. SERMONIS SEQ.

Sermo tertius eiſdem diui Cypriani de bono patientiæ, in quo à Chriſto incipiens & per ſanctorum exempla diſcurrens, docet q̃ fit utilis patientia & neceſſaria uniuerſis, & maximè Chriſtianis, qui diabolo impugnante plus quatiuntur.

SERMO TERTIVS

de bono patientiæ.



E patientia locuturus, fratres dilectissimi, et utilitates eius et cōmoda prædicaturus, unde potius incipiā, quā qd' nunc quoq; ad audientiam uestram patientiam uideo esse necessariam, ut nec hoc ipsum quod auditis et discitis, sine patientia facere possi-

tis. Tunc enim demum sermo et ratio salutaris efficaciter discitur, si patienter quod dicitur audiatur. Nec inuenio, fratres dilectissimi, inter cæteras cœlestis disciplinæ uias, quibus ad consequenda diuinitus præmia spei ac fidei nostræ secta dirigitur, quid magis sit uel utilius ad uitā, uel maius ad gloriam, quā ut qui præceptis dominicis obsequio timoris ac deuotionis innitimur, patientiam maxime tota obseruatione tueamur: hanc se sectari philosophi quoq; profitentur, sed tam illhic patientia falsa est, quā et sapientia falsa est. Vnde enim uel sapiens esse uel patiens possit, qui nec sapientiam, nec patientiam Dei nouit, quando de ijs qui sibi sapere in mundo uidentur, ipse moueat et dicat. Perdam sapientiam sapientium, et prudentiā prudentium reprobabo. Item beatus apostolus Paulus plenus spiritu sancto, et uocandis formandisq; gentibus missus, contestatur et instruat, dicens. Videte nequis uos deprædetur per philosophiā et inanē fallaciā, secundum traditionem hominum, secundum elementa mundi, et non secundum Christum, quia in ipso inhabitat omnis plenitudo diuinitatis. Et alio loco. Nemo se, inquit, decipiat. Siquis putat sapientem se esse in uobis, mundo huic stultus fiat, ut sit sapiens. Sapientia huius mundi, stultitia est apud Deum. Scriptum est enim. Reprehēdam sapientes in astutia eorū. Et iterum. Cognouit Dñs cogitationes sapientium quia stultæ sunt. Quare si sapientia illhic uera nō est, esse non potest nec et uera patientia. Nam si patiens ille est qui humilis et mitis est, philosophos autem nec humiles uidemus esse nec mites, sed sibi multum placentes, et hoc ipso quod sibi

Esa. 29.

Coloss. 2.

1. Cor. 3.

Iob. 5.

Psalm. 93.

DE BONO PATIENT.

placeant Deo displicentes: apparet non esse illhic uerā patientiam, ubi sit insolens affectatæ libertatis audacia, & exerti ac seminudi pectoris inuerecunda iactantia. Nos autem, fratres Philosophi charissimi, qui philosophi non uerbis, sed factis sumus, nec ue- Deo displicen sitis sapientiam, sed ueritate præferimus, qui uirtutum magis tes. conscientiam quàm iactantiam nouimus, qui non loquimur magna, sed uiuimus quasi serui & cultores Dei, patientiam quam magisterijs coelestibus discimus, obsequijs spiritalibus præbeamus. Est enim nobis cum Deo uirtus ista cōmunis: Inde de patientia incipit: inde claritas eius & dignitas caput sumit. Origo & magnitudo patientiæ Deo autore procedit. Di Patientiæ ori ligenda res homini quæ Deo chara est. Bonum quod amat di- go à Deo. uina maiestas, cōmēdat. Si Dominus nobis & Deus pater est, sectemur patientiā Dei pariter et patris: quia & seruos oportet esse obsequentes, & filios non decet esse degeneres. Qualis uerò in Deo & quanta patientia, quod in contumeliā suæ maiestatis & honoris instituta ab hominibus profana templa, & terrena figmenta, & sacra sacrilega patientissimè sustinens, super bonos & malos æqualiter facit diem nasci & lumen so Bonis ac ma- lis oboriri, & cum imbris terram rigat, nemo à beneficijs lis sol exori- eius excluditur, quò minus iustis similiter & iniustis discre- tur. tas pluuias largiatur. Videmus inseparabili æqualitate patientiæ nocentibus & innoxijs, religiosis & impijs, gratias agentibus & ingratis Dei nutu tempora obsequi, elementa famulari, spirare uentos, fontes fluere, grandescere copias mes- sium, fructus mitescere uinearū, exuberare pomis arbusta, ne- mora frondescere, prata florere. Et cum crebris imo continuis Vindictā dis- exacerbetur offensis Deus, indignationem suam temperat, & fert Deus. præstitutū semel retributionis diem patiēter expectat. Cumq; habeat in potestate uindictam, mauult diu tenere patientiam, sustinens scilicet clementer & differens, ut si fieri potest, multum malitia protracta aliquando mutetur, & homo in erro-

rum & scelerum contagione uolutatus uel serò ad Dominum
Exech. 12. conuertatur, ipso monente & dicente. Nolo mortem morien=
Malach. 3. tis, quantum ut reuertatur & uiuat. Et iterum: Reuertimini
Iohel. 2. ad me, dicit Dominus. Et iterum: Reuertimini ad Dominum
 Deum uestrum, quoniam misericors & pius est, & patiens et
 multæ miserationis, & qui sententiã flectat aduersus malitias
 irrogatas. Quod item Apostolus Paulus commemorans, &
Rom. 2. peccatorem ad poenitentiã reuocans, proponit & dicit. Aut
 nunquid opulentiam bonitatis eius & sustentionis & lon=
 ganimitatis contemnis, ignorans quoniam patientia & boni=
 tas Dei ad poenitentiam te adducit? Tu autem secundum duri=
 tiam tuam & cor impoenitens, thesaurizas tibi iram in die
 iræ, & reuelationis iusti iudiciij Dei, qui reddet unicuiq; secun=
 dum opera sua. Iustum iudiciũ Dei dixit esse, quia serum est,
 quia diu multumq; differtur, ut homini ad uitam longa Dei pa=
 tientia consulatur. Tunc representatur poena impio & pec=
 catori, quando iam non potest poenitentia prodesse peccanti,
 atq; ut plenius intelligere possimus, fratres dilectissimi, quia
 paciẽtia Dei res est, & quisquis lenis & patiens & mitis est,
 Dei patris imitator est, cum in Euãgelio suo Dominus præce=
 pta in salutem daret, & diuina monita depromens ad perfe=
Leuit. 19. ctum discipulos erudiret, posuit & dixit: Audistis quia dictũ
Matth. 5. est: Diliges proximum tuum, & odio habebis inimicũ tuum.
 Ego autẽ dico uobis: Diligite inimicos uestros, & orate pro
 eis, qui uos persequuntur, ut sitis filij patris uestri qui in cœ=
 lis est, qui solem suum oriri facit super bonos & malos, &
 pluit super iustos & iniustos. Si enim dilexeritis eos qui uos
 diligunt, quam mercedem habebitis? nõne hoc & publicani
 faciũt? Et si salutaueritis fratres uestros tantum, quid amplius
 facietis? nõne ethnici id ipsum faciunt? Estote itaq; uos perfe=
 cti, sicut pater uester cœlestis perfectus est. Sic pfectos dixit
 fieri Dei filios, sic cõsummari ostendit & docuit cœlesti natiã

uitate reparatos, si patientia Dei patris maneat in nobis, si similitudo diuina, quam peccato Adam perdidit, manifestetur & luceat in actibus nostris. Quæ gloria est simile Deo fieri, qualis & quanta felicitas habere in uirtutibus, quod diuinis laudibus possit æquari? Nec hoc fratres dilectissimi Iesus Christus & Dominus Deus noster tantum uerbis docuit, sed adimpleuit & factis. Et quia ad hoc descendisse se dixerat, ut uoluntatem patris faceret, inter cætera admirabilia suarum uirtutum, quibus indicia diuinæ maiestatis expressit, paternam quoque patientiam tolerantiae tenore seruauit: omnes denique actus eius ab ipso statim aduentu patientia comite signantur, quod primum de illa sublimitate cœlesti, ad terrena descendens, non aspernatur Dei filius carnem hominis induere, ut cum peccator ipse non esset, aliena peccata portaret. Immortalitate interim posita fieri se & mortalem patitur, ut innocens pro nocentium salute perimatur. Dominus baptizatur à seruo, et remissionem peccatorum daturus, ipse non dedignatur lauacro regenerationis corpus ablueri: diebus quadraginta ieiunat, per quem ceteri saginantur: esurit, & famem sentit ut qui in fame sermonis et gratiæ fuerant, cœlesti pane saturarentur. Cum diabolo tante congregitur, & inimicum tantum uicisse contentus, nil ultra uerba conatur. Discipulis non ut seruis dominica potestate præfuit, sed benignus & mitis fraterna eos charitate dilexit. Dignatus est etiam pedes apostolorum lauare, ut dum circa seruos talis esset dominus, exemplo suo doceret, qualis circa cōpares & æquales debeat esse conseruus. Nec mirandum quòd circa odedientes talis extiterit, qui Iudam potuit usque ad extremum longa patientia sustinere, cibum cum inimico sumere, hostem domesticum scire, nec palam ostendere, traditoris osculum non recusare. In Iudæis uerò tolerandis æquanimitas quanta & quanta patientia? incredulos ad fidem suadendo flectere, obsequio ingratos fouere, cōtradictibus respondere leniter,

Patientia
Christi.

Æquanimi-
tas

superbos sustinere clementer, humiliter persequentibus cedere, prophetarum interfectores & aduersum Deum semper rebelles usq; ad crucis & passionis horā uelle colligere: sub ipsa autem passione & cruce, priusquam ad crudelitatem necis & effusione sanguinis ueniretur, quæ cōuiciorum probra patienter audita, quæ cōtumeliarū tolerata ludibria: ut insultantium sputamina patienter exciperet, qui spūto suo cæci oculos paulo antè formasset: & cuius in nomine nunc à seruis eius tabulus cū angelis suis flagellatur, flagella ipse pateretur: corona retur spinis, qui martyres floribus coronat æternis: palmis in faciem uerberaretur, qui palmas ueras uincētibus tribuit: spoliaretur ueste terrena, qui indumento immortalitatis cæteros uestit: cibaretur felle, qui cibū cœlestem dedit: aceto potaretur, qui poculū salutare propinauit. Ille innocens, ille iustus, immo innocentia ipse, & ipse iustitia, inter facinorosos deputatur, & testimonijs falsis ueritas premitur, iudicatur iudicaturus, & Dei sermo ad uictimam tacēs ducitur. Et cum ad crucē Domini confundantur sydera, elemēta turbētur, cōtremiscat terra, nox diem claudat, Sol ne iudeorum facinus aspicere cogatur, & radios & oculos suos subtrahat, ille non loquitur, nec mouetur, nec iniecitatem suā sub ipsa saltem passione profiteatur, usq; ad finē perseueranter ac iugiter tolerantur omnia, ut consummaretur in Christo plena & perfectā patientia. Et post ista adhuc interfectores suos, si conuersi ad eum fuerint, suscipit, & patientia sua salutari ad conseruandos benignus & patiens ecclesiam suam nemini cludit, illos aduersarios, illos blasphemos, illos nominis sui semper inimicos, si poenitentia delicti agant, si admissum facinus agnoscāt, non solum ad indulgentiam criminis, sed ad præmium regni cœlestis admittit. Quid potest patientius, quid benignius dici? uiuificatur Christi sanguine etiam qui effudit sanguinē Christi, talis est Christi ac tanta patientia, quæ nisi tanta ac talis existeret, Paulum quoq;

quoq; Apostolum ecclesia non haberet. Quòd si & nos fratres charissimi, in Christo sumus, si ipsum induimus, si ipse est salutis nostræ uia, qui Christum uestigijs salutaribus sequimur, per Christi exempla gradiamur, sicut Ioannes Apostolus instruit dicens: Qui dicit se in Christo manere, debet quomodo ille ambulauit, & ipse ambulare. Item Petrus, super quem ecclesia Domini dignatione fundata est, in epistola sua ponit & dicit. Christus passus est pro nobis, relinquens uobis exemplum ut sequamini uestigia eius, qui peccatum non fecit, nec inuentus est dolus in ore eius, qui cum malediceretur, non remaledicebat: cum pateretur, non comminabatur. Tradebat se iudicanti se iniuste. Inuenimus denique & patriarchas, & prophetas, & iustos omnes qui figuram Christi imagine præeunte portabant, nihil magis custodisse in laude uirtutum suarum, quàm quòd patientiam forti & stabili æquanimitate tenuerunt. Sic Abel originem martyrij & passionem iusti hominis initians primus & dedicans, aduersus fratrem fratricidam non resistit nec relictatur, sed humilis & mitis patienter occiditur. Sic Abraham Deo credens et radicem ac fundamentum fidei primus instituens, tentatus in filio non dubitat neque cunctatur, sed præceptis Dei tota patientia deuotionis obsequitur. Et Isaac ad hostiæ dominicæ similitudinem præfiguratus, quando à patre immolandus offertur, patiens iniungitur. Et Iacob fugatus à fratre, de domo sua patienter excedit, & maiore patientia postmodum supplex adhuc magis impium & persecutorem numeribus pacificis ad concordiam reuocat. Ioseph uenūdatus à fratribus & relegatus non tantum patienter ignoscit, sed & gratuita frumenta uenientibus largiter & clementer impartit. Moyses ab ingrato & perfido populo contemnitur frequenter, et penè lapidatur, et tamē lenis et patiens pro eisdem Deū deprecatur. In Dauid uerò ex quo secundū carnē Christi natiuitas oritur, quā magna & mira &

1. Ioan. 2.

1. Pet. 2.

Gen. 4.

Gen. 22.

Gen. 32.

Christiana patientia, habuisse in manu sepe, ut Saul regem persequentem se, et interficere concupiscentem, posset occidere, et tamen subditum sibi et traditum maluisse seruare, nec re-
 pendisse inimico uicem; sed occisum adhuc insuper et uindi-
 casse. Tot denique prophetae interfecti; tot martyres gloriosis
 mortibus honorati, qui omnes ad coelestes coronas patientiae
 laude uenerunt. Neque enim potest accipi dolorum et passionum
 corona, nisi praecedat in dolore et passione patientia. Quam
 sit autem patientia utilis et necessaria, fratres dilectissimi, ut
 manifestius et plenius possit nosci, Dei sententia cogitetur,
 quam in origine statim mundi et generis humani Adam prae-
 cepti immemor et datae legis transgressor accepit, tunc sciemus
 quam patientes in isto seculo esse debeamus, qui sic nascimur,
 ut pressuris isthic et conflictationibus laboremus. Quia audi-
 sti, inquit, uocem mulieris tuae, et māducasti ex illa arbore, de qua
 sola praeceperam tibi ne manducares, maledicta terra erit in
 omnibus operibus tuis. In tristitia et gemitu edes ex ea omni-
 bus diebus uitae tuae. Spinās et tribulos eijciēt tibi, et edes pa-
 bulum agri. In sudore uultus tui edes panem tuum, donec reuera-
 ris in terram, de qua sumptus es, quia terra es, et in terram
 ibis. Huius sententiae uinculo colligati omnes et constricti su-
 mus, donec morte expuncta de isto seculo recedamus. In tristi-
 tia et gemitu simus necesse est omnibus diebus uitae nostrae.
 Edamus panem necesse est cum sudore et labore. Vnde unusquisque
 cum nascitur, et hospitio huius mundi excipitur, initium sumit
 à lacrymis: et quāuis adhuc omnium nescius et ignarus, nihil
 aliud nouit in illa ipsa prima natiuitate, quam flere, prouidentia
 naturali lamentatur. Vitae mortalis anxietates, et labores et
 procellas mundi, quas ingreditur, in exordio statim suo plora-
 tu uel gemitu rudis anima testatur. Sudatur enim quādiu isthic
 uiuitur et laboratur. Nec sudantibus et laborantibus possunt
 alia magis quā patientiae subuenire solatia, quae cum apta sint et

Gene. 3.

Homo cinis.

*necessaria in isto mundo uniuersis, tum magis nobis qui diabo-
 lo impugnate plus quatimur, qui in acie quotidie stantes inue-
 terati & exercitati hostis colluctationibus fatigamur, quibus
 præter uarias & assiduas tētionū pugnas & in persecutio-
 num quoq; certamine patrimonia relinquēda sunt, subeundus
 carcer, portandæ catenæ, animæ impendendæ, gladius, bestię,
 ignes, cruces, omnia deniq; tormentorū ac pœnarū genera si-
 de & uirtute patiētiae perferēda, Domino ipso instruēte & di-
 cēte: Hæc locutus sum uobis, ut in me pacē habeatis, in seculo* *Ioan. 16.*
*autem pressurā habebitis, sed fidite quoniā ego uici mundū. Si
 autē qui diabolo & mundo renuntiauius, pressuras & infe-
 stationes diaboli & mūdi crebrius ac uolētius patimur, quā-
 tō magis patiētiam debemus tenere, qua adiutrice & comite
 omnia infesta toleremus? Domini & magistri nostri salutare
 præceptū est: Qui tolerauerit, inquit, usq; ad finem, hic saluus* *Math. 10.*
*erit. Et iterū: Si permāseritis, inquit, in uerbo meo, uerē disci-
 puli mei eritis, & cognoscetis ueritatem, & ueritas liberabit* *Ioan. 8.*
*uos. Tolerandū & perseuerandū est, fratres dilectissimi, ut
 ad spem ueritatis & liberatis admissi, ad ueritatem & libera-
 tatem ipsam peruenire possimus: quia hoc ipsum quod Chri-
 stianū sumus, fidei & spei res est: ut autē spes & fides ad fru-
 ctum sui possint peruenire, patiētia opus est. Non enim præ-
 sentem gloriā sequimur, sed futurā, sed quod Apostolus Pau-
 lus monet, dicens: Spe saluati sumus. Spes autem quæ uidetur* *Rom. 8*
*nō est spes. quod enim uidet quis, quid sperat? Si autem quod
 non uidemus speramus, per patiētiam expectamus, propterea
 expectatio & patientia necessaria est, ut id quod esse cœpi-
 mus, impleamus, & quod credimus & speramus, Deo præsta-
 te capiamus. Denique alio in loco idem Apostolus iustos &
 operantes, & sœnoris diuini incremento cœlestes thesau-
 ros sibi recondentes, ut patientes quoq; sint, instruit & do-
 cet, dicens: Ergo diu tempus habemus, operemur quod bonum* *Galat. 6.*

Ezech. 33.

Apocal. 3.

Charitas.

1. Cor. 13.

alias, pſeuerare poſſe, quòd
norit omnia
ſuſtinere.

num eſt ad omnes, maximè uerò ad domeſticos fidei. Bonum autem facientes nò deſciamus, tēpore enim ſuo metemur. Admonet nequis impatiens in operatione deſiciat, nequis tentationibus aut auocatus, aut uictus, in medio laudis & gloriæ itinere deſiſſat, & pereant præterita, dum quæ cœperat deſinunt eſſe perfectæ. Sicut ſcriptum eſt: iuſtiſſia iuſti non liberabit eum in quacunq; die exerrauerit. Et iterum: Tene quod habes, ne alius accipiat coronam tuā: quæ uox adhortatur patienter & fortiter perſeuerare, ut qui ad coronam & laudem iam proximam nititur, durante patientia coronetur. Patientia autem, fratres dilectiſſimi, nò tantum bona cuſtodit, ſed & repellit aduerſa. Spiritui ſancto fauens, & cœleſtibus ac diuinis cohærens, contra facta carnis & corporis, quibus anima expugnatur & capitur, uirtutū ſuarū propugnaculo reſiſtitur. Inſpiciamus denique pauca de multis, ut de paucis intelligantur & cætera. Adulteriū, fraus homicidium, mortale crimen eſt. Sit fortis & ſtabilis in corde patientia, & nec adulterio ſanctificatū corpus & Dei templum polluitur, nec poſt guſtatam Eucharistiā manus gladio & cruore maculantur. Charitas fraternitatis uinculū eſt, fundamentū pacis tenacitas ac firmitas unitatis, quæ & ſpe & fide maior eſt, quæ & opera & martyria præcedit, quæ nobiſcū ſemper æterna apud Deum in regnis cœleſtibus permanebit. Tolle illi patientiam, & deſolata nò durat. Tolle ſuſtinendi tolerantiā, et nullis radicibus ac uiribus perſeuerat. Apoſtolus deniq; cū de charitate loqueretur, tolerantiam & patientiam illi iunxit. Charitas magnanima eſt, charitas benigna eſt, charitas non æmulatur, non inflatur, non irritatur, non cogitat malum, omnia diligit, omnia credit, omnia ſperat, omnia ſuſtinet. Oſtēdit inde illam perſeuerare ut tenaciter poſſit, qui norit omnia ſuſtinere. Et alio in loco: Suſtinētes, inquit, iniucē in dilectione ſatis agemus.

tes, seruate unitatē spiritus in cōiunctione pacis: probauit nec unitatē seruari posse, nec pacē, nisi se inuicē fratres mutua tolerantia foueant, et concordie uinculum patientia intercedente custodiant: quid deinde, ut nō iures neq; maledicas, ut tua ablata nō repetas, ut accepta alapa & alterā maxillam uerberanti praebeas, ut fratri in te peccanti non tantum septies, sed septuagies septies, sed omnia omnino peccata dimittas, ut diligas inimicos tuos, ut pro aduersarijs & persecutoribus precem facias? Non poteris ista perferre, nisi tolerantiae & patientiae tenearis firmitatē, qd' factum uidemus in Stephano, qui cum à Iudeis ui & lapidibus necaretur, non sibi uindictam, sed intersectoribus ueniam postulabat, dicēs. Domine ne statuas illis hoc peccatū. Sic esse oportuit primum martyrem Christi, qui martyres secuturos gloriosa morte praecurrens, nō tantū dominicae passionis praedicator esset, sed & patientissimae lenitatis imitator. Quid dicam de ira, de discordia, de simultate, quae in Christiano esse non debent? sit patientia in pectore, & haec illhic locū habere nō possunt: aut si adire tētauerint, citō discedent exclusa, ut domiciliū pacificū perseueret in corde, Deum ubi pacis delectet habitare. Admonet deniq; Apostolus et docet dicens. Nolite cōtristari spiritum sanctū Dei, in quo signati estis in diem redemptionis. Omnis amaritudo, et ira, & indignatio, & clamor, et blasphemia auferantur à uobis. Si enim Christianus à furore & contentione carnali tanquam de maris turbinibus excessit, & tranquillus ac lenis in portu Christi esse iam coepit, nec iram aut discordiam debet intra pectus admittere, cui nec malum pro malo reddere licet, nec odisse. Nec non ad uaria quoq; carnis incōmoda, & crebros corporis duerosq; cruciatus, quibus humanū genus quotidie fatigatur & patitur, patientia necessaria est. Nam cum in illa prima transgressione praeepti firmitas corporis cum immortalitate discesserit, & cum morte infirmitas uenerit, nec possit firmitas

Actuum. 7.

Patientia omni
bus necessaria

recipi, nisi cum recepta & immortalitas fuerit, oportet in hac fragilitate atq; infirmitate corporea luctari semper & cōgredi, quæ luctatio & congressio nō nisi patientiæ uiribus potest sustineri. Examinandis autē nobis atq; explorādis diuersi importantur labores, & multiplex tentationum qualitas irrogatur, de iacturis facultatū, de ardoribus febriū, de cruciatu uulnerum, de amissione charorū. Nec aliud magis iniustos discernit & iustos, quā quod in aduersis per impatientiam queritur et blasphematur iniustus, patientia iustus probatur, sicut scriptum est: In dolore sustine, & in humilitate tua patientiā habere, quoniā igne probatur aurum atq; argentū. Sic Iob examinatus est & probatus est, ad summū fastigium patiētiæ laudis uirtute prouectus. Quāta aduersus eum iacula zabuli emissæ: quāta adnota tormētā: iactura rei familiaris infligitur, numerozæ sobolis orbitas irrogatur, diues in cēsu dominus, & in liberis pater ditior, nec dominus repente, nec pater est: accedit uulnerum uasitas, & tabescentes ac defluentes artus, uermiū quoque edax pœna consumit. At nequid omnino remaneret, quod nō Iob in suis tentationibus experiretur, armat zabulus & uxore illo antiquo nequitie suæ usus ingenio, quasi omnes per mulierem decipere posset & fallere, quod sicut in origine: nec tamen Iob grauib; ac densis conflictationibus frangitur, quò minus inter illas angustias & pressuras suas Dei benedictio uictrice patientia prædicetur. Tobias quoq; post iustitiæ & misericordiæ suæ opera magnifica, luminū amissione tentatus, in quantū patienter cæcitatem pertulit, in tantū granditer Deū patiētiæ laude pmeruit. Atq; ut magis, fratres dilectissimi, patiētiæ bonū luceat, quid mali ecōtrario impatientia importet, consideremus. Nam ut patientia bonum Christi est, sic econtra impatientia zabuli malum: & sicut in quo habitat & manet Christus, patiens inuenitur, ita impatiēs semper existit, cuius mentem zabuli nequitia possidet. Exordia denique ipsa

Eccles. 2.

Iob patientia
probat.Tobias cæcitatem
pertulit.

Impatientia.

videamus. Zabulus hominem ad imaginem Dei factum impatienter tulit, inde & perijt primus & perdidit. Adam contra *Adam impatienter.* præceptum coeleste cibi letalis impatiens, in mortem cecidit, nec acceptam diuinitus gratiam patientia custode seruauit, & ut fratrem Cain perimeret, sacrificij eius & muneris impatiens fuit: & quod Esau de maioribus ad minora descendit, *Cain impatienter.* primatus suos per impatientiam lentis amisit. *Esau impatienter.* Quid Iudaicus populus circa beneficia diuina perfidus & ingratus? nonne quod à Deo primum recessit, impatientiae crimen fuit? dum Moysi cum Deo loquentis moras non potest ferre, profanos deos ausus est postulare, ut itineris sui duces nuncuparet caput bubulū, et terrestre figmentū: nec unquā ab eadē impatientia destitit, quo minus semper docilitatis & diuinæ admonitionis impatiens prophetas suos et iustos quosque perimendo ad crucem quoq; & sanguinē Domini prosiliret. Impatiētia etiā in ecclesia hæreticos facit, & ad Iudeorū similitudinē contra Christi pacē et charitatem rebelles ad hostilia & furiosa odia compellit. Et ne longū sit singulatim recensere omnia, omnino quæ patientia edificat ad gloriā, impatientia destruit ad ruinam. Quare fratres dilectissimi & bonis patientiæ & impatientiæ malis diligenter expensis, patientiā per quā in Christo manemus, ut uenire cū Christo ad Deū possimus, plena obseruatione teneamus, quæ copiosa et multiplex nō angusto fine cōcluditur, nec breuib; terminis cōrrecetur. Late patet patientiæ uirtus, & ubertas eius ac largitas, de unius quidem nominis fonte proficiscitur, sed exundatibus uenis per multa gloriarum itinera diffunditur, nec proficere aliquid in actibus nostris potest ad consummandā laudē, nisi inde cōsummationis accipiat firmitatē. Patientia est, quæ nos Deo & cōmendat et seruat: ipsa est, quæ iram tēperat, quæ linguam frænat, mentem gubernat, pacē custodit, disciplinā regit, libidinis impetū frangit, tumoris uiolentiā comprimit, incendium simultatis extinguit,

Patientia cōmendatio.

coërcet potentiam diuitum, inopiam pauperum refouet: tuetur in uirginibus beatam integritatem, in uiduis laboriosam castitatem, in coniunctis & maritatis indiuiduam charitatem: facit humiles in prosperis, in aduersis fortes, contra iniurias & contumelias mites, docet delinquentibus citò ignoscere: si ipse delinquas, diu & multum rogare: tentationes expugnat, persecutiones tolerat, passionibus & martyria consummat. Ipsa est quæ fidei nostræ fundamenta firmiter ponit: ipsa est quæ incrementa spei sublimiter prouehit: ipsa actum dirigit, ut tenere possimus uiam Christi, dum per eius tolerantiā gradimur: ipsa efficit, ut perseueremus filij Dei, dum patientiā patris imitatur. Et quoniam plurimos scio fratres dilectissimi, uel pondere iniuriarum ingentium, uel dolore de ijs qui aduersum se grassantur & seuiunt, uindicare uelociter cupere, nec illud in extrema parte reticendum est, ut in istis fluctuantis mundi turbinibus, & Iudeorum siue gentilium & hereticorum quoque persecutionibus constituti, patienter expectemus ultionis diē, nec ad uindictam doloris nostri querula festinatione properemus, cum scriptum sit. Expecta me, dicit Dominus, in diem resurrectionis meæ in testimonium, quoniam iudicium meum est ad congregationes gentium, ut excipiam reges, & effundam super eos iram meam. Expectare nos iubet Dominus & future ultionis diem forti patientia sustinere: qui & in Apocalypsi loquitur dicens. Ne signaueris uerba prophetiæ libri huius, quia iam tempus in proximo est, ut & ij qui perseuerant nocere, noceant, & qui in sordibus est, sordescat adhuc: iustus autem adhuc iustior fiat, similiter & qui sanctus est, sanctior. Ecce uenio citò, & merces mea mecum est, reddere unicuique secundum facta sua. Vnde etiam clamantes martyres, & ad uindictam suam dolore erumpente properantes, expectare adhuc iubentur, & temporibus consummandis implendisque martyribus præbere patientiam. Et cum aperuisset, inquit, agnus

Soph. 3.

Apoc. 22.

Apoc. 6.

quintum sigillum, uidi sub ara Dei animas occisorum propter
 uerbum Dei & martyrium suum, & clamauerunt uoce ma-
 gna, dicentes. Quousque Domine sanctus & uerus non indi-
 cas & uindicas sanguinem nostrum de ijs qui in terris inhabi-
 tant: Et datae sunt eis singulae stolee albae, & dictum est eis ut
 requiescerent breui adhuc tempore, donec impleatur nume-
 rus conseruorum & fratrum eorum, quiq; postea occideren-
 tur exemplo ipsorum. Quando autem ueniet sanguinis iusti
 diuina uindicta, declarat per Malachiam prophetam spiritus
 sanctus, dicēs. Ecce dies Domini uenit ardens quasi clubanus, Malach. 4.
 eruntq; alienigenae & omnes iniqui stipula, & succendet illos.
 adueniens dies, dicit Dominus: qd' item legimus in psalmis, ubi
 Dei iudicis praedicatur aduentus censurae suae maiestate ueren-
 dus: Deus manifestus ueniet, Deus noster, & non silebit. Psal. 49.
 Ignis in conspectu eius ardebit, & in circuitu eius procella nimia,
 aduocabit coelum desursum, & terram deorsum, ut separent
 populum suum. Colligite illi iustos eius, eos qui disponunt te-
 stamentum eius in sacrificijs: & annuntiabunt coeli iustitiam
 eius, quoniam Deus iudex est. Nam & Esaias eadem prae-
 nuntiat dicēs. Ecce enim Dominus sicut ignis ueniet, et sicut pro-
 celle currus eius, retribuere in ira uindictam: in igne enim Do-
 mini iudicabuntur, et gladio eius uulnerabuntur. Et iterum.
 Dominus Deus uirtutum prodibit & comminuet bellum, ex-
 citabit certamen, et clamabit super inimicos suos cum fortitudi-
 ne: Tacui tacui, nunquid semper tacebo? Quis autē est hic qui
 tacuisse prius dicit, & non semper tacebit? utiq; ille, qui sicut Esa. 66.
 ouis ad uictimam ductus est, & sicut agnus coram tondente
 se sine uoce non aperuit os suum: utique ille, qui non clama-
 uit, neque in plateis uox eius audita est: utique ille, qui non
 fuit contumax neque contradixit, cum dorsum suum poneret
 ad flagella, & maxillas ad palmas, faciem suam non auer-
 tit a seditate sputorum: utique ille, qui cum accusaretur a sa-

cerdotibus et senioribus nihil respondit, et admirante Pilato patientissimum silentium tenuit. Hic est qui cum in passione taceret, in ultione postmodum non tacebit. Hic est Deus noster, id est, non omnium, sed credentium fidelium Deus, qui cum in secundo aduentu uenerit manifestus, non silebit: nam cum in humilitate prius fuerit occultus, ueniet in potestate manifestus. Hunc expectemus iudicem fratres dilectissimi, iudicem et uindictam nostram, ecclesie sue populum et ab initio mundi iustorum omnium numerum secum pariter uindicaturum: qui ad uindictam suam nimium festinat et properat, consideret quia necdum uindicatus est ipse, qui uindictam facit. Pater Deus precepit filium suum adorari, et apostolus Paulus diuini precepti memor ponit et dicit. Deus exaltauit illum, et donauit illi nomen, ut sit super omne nomen, ut in nomine Iesu omne genu flectatur, celestium, terrestrium, et infernorum: et in Apocalypsi angelus Ioanni uolenti adorare se resistit et dicit: Vide ne faceris, quia conseruus tuus sum et fratrum tuorum. Iesum dominum adora. Qualis dominus Iesus, et quanta patientia, ut qui in caelis adoratur, necdum uindictetur in terris? Huius patientiam fratres dilectissimi in persecutionibus et passionibus nostris cogitemus. Huius aduentui plenum expectationis obsequium praebeamus. Nec defendendi ante Dominum serui irreligiosa et inuerecunda festinatione properemus. Insistamus potius et elaboremus, et toto corde uigilantes, atque ad omnem tolerantiam stabiles dominica precepta seruemus, ut cum illa irae et uindictae dies uenerit, non cum impijs et peccatoribus puniamur, sed cum iustis et Deum timentibus honoremur. Amen.

ARG. SERMONIS SEQ.

Sermo quartus beati Cypriani de mortalitate, ad amorem relinquendi hanc uitam exhortans, et ostendens hoc quod sine ullo discrimine cum iniustis iusti moriuntur, non esse putandum bonis & malis in-

teritum esse communem, quoniam ad refrigerium iusti uocantur, ad supplicium rapiuntur iniusti.

SERMO IIII. DE MORTALITATE.

Etsi apud plurimos uestrum fratres dilectissimi mens solida est, et fides firma, et anima deuota, quæ ad præsentis mortalitatis copiam non mouetur, sed tanquã petra fortis et stabilis turbidos impetus mundi, et uiolentos seculi fluctus frangit potius, ipsa nec frangitur, et tentationibus non uincitur, sed probatur: tamẽ quia animaduerto in plebe quosdam uel imbecillitate animi, uel fidei paruitate, uel dulcedine secularis uitæ, uel sexus mollietate, uel, quod maius est, ueritatis errore, quoniam stare fortiter, nec pectoris sui diuinum atque inuictum robur excrere, dissimulanda res non fuit nec tacenda, quò minus quantum nostra mediocritas potest, uigore pleno et sermone de dominica lectione concepto, delicatæ mentis ignauia comprimatur, et qui homo Dei et Christi esse iam cœpit, Deo et Christo dignus habeatur. Agnoscere enim se debet fratres dilectissimi, qui Deo militat, qui positus in cœlestibus castris diuina iam sperat, ut ad procellas et turbines mundi trepidatio nulla sit in nobis, nulla contatio, quando hæc uentura prædixerit Dominus, prouidens uocis hortatu instruens et docens, et præparans atque corroborans ecclesiæ suæ populum ad omnem tolerantiam futurorum, bella et fames, et terremotus et pestilentias per loca singula exurgere prænuntiavit et docuit. Et ne inopinatus nos et nouus rerum instantium metus quateret, magis ac magis in nouissimis temporibus aduersa crebre scire, antè præmonuit. Fiunt ecce quæ dicta sunt, et quando fiunt quæ antè prædicta sunt, sequentur et quæcunque promissa sunt, Domino ipso pollicente et dicente: Cum autem uideritis hæc omnia fieri, scitote quoniam in proximo est res

Ignauia mentis qualiter comprimenda.

Luc. xi.

gnum Dei. Regnum Dei fratres dilectissimi esse cœpit in proximo, præmiū uitæ & gaudium salutis æternæ, & perpetua letitia & possessio paradisi nuper amissa, mundo transeunte iam ueniunt, iam terrenis cœlestia, et magna paruis, & caducis æterna succedunt. Quis hic anxietatis & solitudinis locus est? quis inter hæc trepidus & mœstus est, nisi cui spes & fides deest? Eius est enim mortem timere, qui ad Christum nolit ire: eius est ad Christum nolle ire, qui se non credit cū Christo incipere regnare. Scriptum est enim iustum fide uiuere. Si iustus es & fide uiuis, si uere in Deum credis, cur nō cū Christo futurus, & de domini pollicitatione securus, quod ad Christum uoceris, amplecteris, & quod tabulo careas, gratularis?

Symeon. Symeon denique ille iustus, qui uere iustus fuit, qui fide plena Dei præcepta seruauit, cum ei diuinitus respōsum fuisset, quod non antè moreretur, quàm Christum uidisset, & Christus infans in templum cum matre uenisset, agnouit in spiritu natum esse iam Christum, de quo sibi fuerat antè prædictum, quo uiuifico, sciuit citò se esse moriturū. Lætus itaq; de morte iam proxima, et de uicina accensione securus, accepit in manibus puerum, & benedicēs Deum exclamauit & dixit: Nunc dimittis seruum tuum Domine, secundum uerbum tuum in pace, quoniam uiderunt oculi mei salutare tuū: Probans scilicet & constans tunc esse seruis Dei pacem, tunc liberam & tranquillā quietem, quando de istis mundi turbinibus extracti, sedis & securitatis æternæ portū petimus, quando expuncta hac morte ad immortalitatem uenimus. Illa est enim nostra pax, illa fida tranquillitas, illa stabilis & firma & perpetua securitas.

Vltima semp
Expectāda di
es homini est,
diciq; bñs An
te obitū nemo
supremaq; su
nera debet.
Hostes homi

Ceterum quid aliud in mundo, quàm pugna aduersus diabolū quotidie geritur? quàm aduersus iacula eius & tela conflictationibus assiduis dimicatur? Cum auaritia nobis, cum impudiciis, cum ira, cum ambitione congressio est, cum carnalibus uiuijs, cum illecebris secularibus assidua, & iugis, & molesta

luctatio est. Obsessa mens hominis & undique sabuli infestatione uallata, uix occurrit singulis, uix resistit. Si auaritia prostrata est, exurgit libido: si libido compressa est, succedit ambitio: si ambitio cōtempta est, ira exasperat, inflat superbia, uinolentia inuitat, inuidia concordia rumpit, amicitia zelus abscindit. Cogaris maledicere, quod lex diuina prohibet: compelleris iurare quod non licet. Tot persecutiones animus quotidie patitur, tot periculis pectus urgetur, & delectat hic inter sabuli gladios diu stare, cum magis concupiscendum sit & optandum, ad Christū subueniente uelocius morte properare, ipso instruente nos & dicente: Amen amen dico uobis, quoniam uos plorabitis & plangetis, seculū autem gaudebit: uos tristes eritis, sed tristitia uestra in letitiam ueniet. Quis non ad letitia uenire festinet? quis nō tristitia carere optet? Quādo autem in letitia ueniat nostra tristitia, Dominus denuo ipse declarat dicens: Iterum uidebo uos, & gaudebit cor uestrum, & gaudiū uestrū nemo tollet à uobis. Cum ergo uidere Christum gaudere sit, nec possit esse gaudium nostrū nisi cum uiderimus Christum, quæ cecitas animi, quæ ue dementia est, amare pressuras & pœnas, & lacrymas mundi, & non festinare potius ad gaudiū, quod nunq̃ possit auferri? Hoc autem sit fratres dilectissimi, quia fides deest, quia nemo credit futura esse quæ promittit Deus, qui uerax est, cuius sermo credētib. æternus & firmus est. Si tibi uir grauis & laudabilis aliquid polliceretur, haberes utiq; pollicēti fidem, nec te falli ac decipi ab eo crederes, quē stare in sermonibus atq; in actibus suis scires: nunc Deus tecum loquitur, & tu mēte incredula perfidus fluctuas? Deus tibi de hoc mundo recedēti immortalitatē pollicetur atq; æternitatē, & tu dubitas? hoc est Deū omnino nō nosse, hoc est Christum credētū magistrū peccato incredulitatis offendere, hoc est in ecclesia constitutū fidē in domo fidei non habere. Quantum profit exire de seculo, Christus ipse saluatis

Ioan. 16.

Ioan. 14.

Philipp. 1.

Carne hic a-
quamur, sepa-
ramur spiritu

atq; utilitatis nostræ magister ostēdit, qui cum discipuli eius contristarentur, quòd se iam diceret recessurum, locutus est ad eos, dicens: Si me dilexissetis, gauderetis, quoniam ad patrem uado: docens & ostendens, cum chari quos diligimus de seculo exeunt, gaudendum potius q̄ dolendum. Cuius rei memor beatus apostolus Paulus in epistola sua ponit & dicit: Mihi uiuere Christus est, & mori lucrum. Lucrum maximum computans iam seculi laqueis non teneri, iam nullis peccatis & uitij carnalis obnoxium fieri, exemptum pressuris argentibus, & uenenatis diaboli faucibus liberatum, ad letitiam salutis æternæ Christo uocante proficisci. At enim mouet quosdam quòd æqualiter cū gentibus nostros morbi istius uoletudo corripiat, quasi ad hoc crediderit Christianus, ut & immunis à contactu malorum, mundo & seculo feliciter perfruatur, & non omnia hic aduersa perpeffus ad futuram letitiam referuetur. Mouet quosdam quòd sit nobis cum cæteris mortalitas ista communis. Quid enim nobis in hoc mundo non commune cum cæteris, quandiu adhuc secundum legem primæ uitatis manet caro ista communis? Quoadusq; isthic in mundo sumus, cum genere humano carnis æqualitate coniungimur, spiritu separamur. Itaq; donec corruptiuium istud induat in corruptionem, & mortale hoc accipiat immortalitē, & spiritus nos perducatur ad Deum patrem, quæcunq; sunt carnis incommoda, sunt nobis cum humano genere communia. Sic cū flatu sterili terra ieiuna est, neminem fames separat: sic cū incursione hostili ciuitas aliqua possessa est, omnes simul captiuitas uastat. Et quando imbres nubila serena longa suspendunt, omnibus siccitas una est. Et cum nauem scopulosa saxa confringunt, nauigantibus naufragium sine exceptione commune est. Et oculorum dolor, & impetus febrium & omnium uoletudo membrorum cum cæteris communis est nobis, quandiu portatur in seculo caro ista cōmunis. Quinimmo si qua cō

ditione, siqua lege crediderit Christianus, noscat & teneat, sciat plus sibi, quam cæteris in seculo laborandum, cui magis sit cum diaboli impugnatione luctandum. Docet & præmonet scriptura diuina, dicens: Fili, accedens ad seruitutem Dei, *Eccle. 2.* sta in iustitia & in timore, & præpara animam tuam ad tentationem. Et iterum: In dolore sustine & in timore, & in humilitate patientiam habe, quoniam igne probatur aurum similiter & argentum. Sic Iob post rerum damna, post pignorum funera, uulneribus quoque & uermibus grauius affluctus, non uictus est, sed probatus: qui in ipsis consuetudinationibus suis et doloribus patientiam religiosæ mentis ostendens ait: Nudus *Iob 1.* exiui ex utero matris, nudus etiā ibo sub terram: Dominus dedit & Dominus abstulit: sicut Domino uisum est, ita et factum est, sit nomen Domini benedictum. Et cum eum uxor sua cōpelleret, ut ui doloris impatiēs aliquid aduersus Deum querula & inuidiosa uoce loqueretur, respondit & dixit: Tanquam *Iob 2.* una ex insipientibus mulieribus locuta es. Si enim bona suscepimus de manu Domini, quare mala non toleremus? In his omnibus quæ contigerunt Iob, labijs suis nihil peccauit in conspectu Domini. Itaque illi testimonium perhibet Dominus, dicens. Animaduertisti puerū meum Iob? nō est similis illi quisquā in terris, homo sine querela, uerus Dei cultor. Et Tobias post opera magnifica, post misericordiæ suæ multa et gloriosa præconia, cæcitatem luminum passus, timens & benedicens Deum in aduersis, per ipsam corporis sui cladem creuit ad laudem, quem & ipsum uxor sua deprauare tentauit, dicens. Vbi *Tob. 2.* sunt iustitiæ tuæ? ecce quæ pateris. At ille circa timorē Dei stabilis & firmus, et ad omnem tolerātiā passionis fide religionis armatus, tentationi uiciorum inualidæ in dolore non cessit, sed magis Deum maiore patientia promeruit, quē postmodū Raphael collaudat & dicit. Opera Dei reuelare & confiteri honorificū est, nā quādo orabas tu et Sara nurus tua, ego ob=

tuli memoriam orationis uestre in cōspectu claritatis Dei. Et cum sepelires mortuos simpliciter, & quia non es cunctatus exurgere & derelinquere prandium tuum, & abisti & cōdidisti mortuum, et missus sum tentare te. Et iterum: Me misit Deus curare te, & Saran nurum tuū: ego enim sum Raphael unus ex septem angelis sanctis qui assistimus & conuersamur ante claritatē Dei. Hanc tolerantiam iusti semper habuerunt, hanc Apostoli disciplinā de Domini lege tenuerunt, non misitare in aduersis, sed quæcunq; in seculo accidunt, fortiter & patienter excipere. Cum Iudæorum populus hinc semper offenderit, quod aduersus Deum frequentius murmuraret, sicut testatur in Numeris Dominus Deus, dicens: Desinat murmuratio eorum à me, & non morientur. Murmurandum non est in aduersis, fratres dilectissimi, sed patienter & fortiter quicquid acciderit sustinendum, cum scriptum sit: Sacrificium Deo spiritus contribulatus, cor contritū & humiliatum Deus non despicit: In Deuteronomio quoq; moneat spiritus sanctus per Moysen & dicat: Dominus Deus tuus uexabit te, & famem iniiciet tibi, & cognoscetur in corde tuo si bene custodieris præcepta eius, siue non. Et iterū: Tentat uos Dominus Deus uester, ut sciat si diligitis Dominum Deum uestrum ex toto corde uestro, & ex tota anima uestra. Sic Abraham Deo placuit, qui ut Deo placeret, nec anitteret filium timuit, nec gerere parricidium recusauit. Qui filium non potes lege & sorte mortalitatis amittere, quid faceres, si filium iuberetis occidere? Ad omnia te facere paratum timor Dei et fides debet. Sit licet rei familiaris amissio, sit de instantibus morbis asidua membrorum & cruenta uexatio, sit de uxore, de liberis, de excedentibus charis funebris et tristis auulsio, non sint tibi offendicula ista, sed prælia: nec debilitet aut frangant Christiani fidem, sed potius ostendant in colluctatione uirtutē, cum cōtemnenda sit omnis iniuria malorum presentium, si fiducia futurorum

Nume. 20.

Psal. 50.

Deut. 8.

Gen. 22.

Exhortatio
ad patiēciam.

turorum bonorum. Nisi præcesserit pugna, non potest esse uictoria, cum fuerit in pugnae congressione uictoria, tunc datur uincenibus et coronatur: nam gubernator in tempestate dignoscitur, in acie miles probatur. Delicata iactatio est, cum periculum non est: conflictatio in aduersis probatio est ueritatis. Arbor quæ alta radice fundata est, uentis incumbentibus non mouetur: et nauis quæ forti compage solidata est, pulsatur fluctibus nec foratur: et quando area fruges terit, uentos grana fortia et robusta contemnunt, inanes paleæ flatu portante rapiuntur. Sic et Apostolus Paulus, post naufragia, post flagella, post carnis et corporis multa et grauius tormenta, non uexari sed emendari se dicit in aduersis, ut dum grauius affligitur, uerius comprobetur: Datus est mihi, inquit, stimulus carnis meæ Angelus Satanae, qui me collaphizet, ut non extollar, propter quod Dominum ter rogavi, ut discederet à me, et dixit mihi: Sufficit tibi gratia mea, nam uirtus in infirmitate perficitur. Quando ergo infirmitas uel imbecillitas et uasitas aliqua grassatur, tunc uirtus nostra perficitur: tunc fides si tentata persisterit, coronatur, sicut scriptum est. Vasa figuli probat fornax, et homines iustos tentatio tribulationis. Hoc denique inter nos et ceteros interest, qui Deum nesciunt, quod illi in aduersis queruntur et murmurant: nos aduersa non auocant à uirtutis et fidei ueritate, sed corroborant in dolore. Hoc quod nunc corporis uires solutus in fluxum uenter euiscerat, quod in faucium uulnera conceptus medullitus ignis exæstuat, quod assiduo uomitu intestina quatuntur, quod oculi ui sanguinis inardescunt, quod quorundam pedes uel alique membrorum partes contagio morbidæ putredinis amputantur, quod per iacturas et damna corporum prorumpente languore uel debilitatur incessus, uel auditus obstruitur, uel cecatur aspectus, ad documentum proficit fidei. Contra tot impetus uasitatis et mortis inconcussi animi uirtutibus congre-

2. Cor. 12.

Eccl. 17.

Mors quibus
timenda.

di, quanta pectoris magnitudo est: & quanta sublimitas, inter
ruinas humani generis stare erectum, nec cum eis, quibus spes
in Dominum nulla est, iacere prostratum? Gratulari magis
oportet, & temporis minus amplecti, quod dum nostram fir-
dem firmiter pronimus, & labore tolerato ad Christum per
angustam Christi viam pergitur, premium vite & fidei ipso
iudicante capiamus. Mori plane timeat, sed qui ex aqua &
spiritu non renatus, gehennæ ignibus mancipatur: mori ti-
meat, qui non Christi cruce & passione censetur: mori timeat,
qui ad secundam mortem de hac morte transibit: mori timeat,
quem de seculo recedentem perennibus poenis æterna flamma
torquebit: mori timeat, cui hoc mora longiore confertur, ut
cruciatu eius & gemitu interim differatur. Multi ex nostris
in hac mortalitate moriuntur, hoc est, multi ex nostris de secu-
lo liberantur. Mortalitas ista ut Iudeis & gentibus & Chri-
sti hostibus pestis est, ita Dei seruis salutaris excessus est. Hoc
quod sine ullo discrimine generis humani cum iniustis & ius-
ti moriuntur, non est quod putetis bonis & malis interitum
esse communem. Ad refrigerium iusti uocantur, ad supplicium
rapiuntur iniusti: datur uelocius tutela fidentibus, perfidis poe-
na. Improvidi & uigrati sumus fratres dilectissimi ad diuina
beneficia, nec quid nobis cōferatur agnoscimus. Excedunt ecce
in pace tutæ cunctæ gloria sua uirgines, ueniētis Antichristi mi-
nas & corruptelas & lupanaria non timentes: pueri pericu-
lum lubricæ ætatis euadunt, ad continentie atque innocentie
præmium feliciter perueniunt: tormēta iam non timet delicata
matrona, metum persecutionis, & manus cruciatuq; carni-
ficis moriendi celeritate lucrata. Pauore mortalitatis & tem-
poris accenduntur tepidi, constringuntur remissi, excitantur
ignauī: desertores compelluntur, ut redeant: gentiles coguntur,
ut credant: uetus fidelium populus ad quietē uocatur: ad aciem
recens & copiosus exercitus robore fortiore colligitur, pu-

gnaturus sine metu mortis cum prælium uenerit, qui ad militiam tempore mortalitatis accedit. Quid deinde illud fratres dilectissimi, quale est, quàm pertinens, quàm necessariū, quòd pestis ista & lues, quæ horribilis & feralis uidetur, explorat inſtitias singulorum, & mentes humani generis examinat, an infirmis ſeruiant ſani? an propinqui cognatos pie diligant? an miſereantur ſeruorum languentium domini? an deprecantes ægros non deſerant medici? an ſeroceſ uiolentiam ſuam comprimant? an rapaceſ auaritiæ ſurentiſ inſatiabilem ſemper ardo- rem uel metu mortis extinguant? an cœruicem ſelectant ſuperbi? an audaciam leniant improbi? an pereuntibus chariſ uel ſic aliquid diuites largiantur & donent ſine hærede morituri? Vt nihil aliud mortalitas iſta contulerit, hoc Chriſtianiſ & Dei ſeruiſ plurimum præſtitit, quòd martyrium cœ- pinuſ libenter appetere, dum mortem diſcimuſ non timere. Exercitiuſ ſunt nobiſ iſta, non funera, dant animo fortitudiniſ glori- am, contemptu mortis præparant ad coronam. Sed forte taſſe aliquiſ opponat & dicat: Hoc me ergo in præſenti mor- talitate contriſtat, quòd qui paratuſ ad conſeſſionem fueram, & ad tolerantiam paſſioniſ toto me corde & plena uirtute deuoueram, martyrio meo priuor, dum morte præuenior. Pri- mo in loco non eſt in tua poteſtate, ſed in Dei dignatione mar- tyriuſ: nec poteſ te dicere perdidiffe, quod neſciſ an increariſ accipere: tunc deinde Deus ſcrutator renum & cordiſ, & oc- cultorum contemplator & cognitor uidet te, & laudat, & comprob- at, & qui perſpicit apud te paratam fuiſſe uirtutem, reddet pro uirtute mercedem. Nunquid Cain cum Deo munuſ offerret iam peremerat fratrem? & tamen parricidiuſ mente conceptuſ Deus prouiduſ antè damnauit: ut illiſ cogitatio mala, & pernicioſa conceptio Deo prouidente, proſpecta eſt: ita & in Dei ſeruiſ, apud quos conſeſſio cogitatur, & marty- riuſ mente concipitur, animuſ ad bonum dedituſ Deo iudice

Obiectio.

coronatur. Aliud est martyrio animū deesse, aliud animo de-
 Qualis quis fuisse martyrium. Qualem te inuenit Deus cum uocat, talem
 inuenitur, ta- pariter & iudicat, cum ipse testetur & dicat: Et sciēt omnes
 lis indicatur. ecclesiæ quod ego sum scrutator renis et cordis. nec enim san-
 guinem uestrum, querit Deus, sed fidem: nān nec Abraham,
 nec Isaac, nec Iacob occisi sunt, & tamen fidei ac iustitiæ me-
 ritis honorati inter patriarchas primi esse meruerūt. Ad quo-
 rum conuiuium cōgregatur quisquis fidelis & iustus & lau-
 dabilis inuenitur. Meminisse debemus uoluntatem nos non no-
 stram, sed Dei facere debere, secundum quod nos Deus quoti-
 die iussit orare. Quā præposterum est, quāq; peruersum,
 ut cum Dei uoluntatē fieri postulemus, quando euocat nos &
 accersit de hoc mundo Deus, non statim uoluntatis eius impe-
 rio pareamus. Hoc nitimur & reluctamur, & peruicacium
 more seruorum ad conspectum Domini cum tristitia & mœ-
 rore perducimur, exeuntes isthinc necessitatis uinculo, nō ob-
 sequio uolūtatis, & uolumus ab eo præmijs cœlestibus hono-
 rari, ad quem uenimus inuiti? Quid ergo rogamus & peti-
 mus, ut adueniat regnum cœlorum, si captiuitas terrena dele-
 ctat? Quid precibus frequenter iteratis rogamus & posci-
 mus, ut acceleret dies regni, si maiora desideria & uota po-
 tiora sunt seruire isthic diabolo, quā regnare cum Christo?
 Deniq; ut manifestius diuine providentiæ indicia clarescerēt,
 quod Dominus præscius futurorum suis consulat ad ueram sa-
 lutē: cum quidam de collegis & consacerdotibus nostris iam
 infirmitate defessus, & de appropinquante morte sollicitus cō-
 meatum sibi precaretur, astitit deprecanti & iam penē mo-
 rienti iuuenis honore & maiestate uenerabilis, statu excel-
 sus, & clarius aspectu, & quem assistentem sibi uix posset hu-
 manus aspectus oculis carnalibus intueri, nisi quod talem ui-
 dere iam poterat de seculo recessurus. Atque ille non sine qua-
 dam animi & uocis indignatione infremuit, & dixit: Pati ti-

Visio.

metis, exire non uultis, quid faciam uobis? Increpantis uox est
 & monentis, qui de persecutione sollicitis, de accensione secu-
 ris non consentit ad præsens desiderium, sed consulit in futu-
 rum. Audiuit frater noster et collega moriturus, quod cæteris
 diceret. Nam qui moriturus audiuit, ad hoc audiuit, ut diceret:
 audiuit non sibi ille, sed nobis. Nam quid disceret iam recessu-
 rus? didicit imo nobis remanentibus, ut dum sacerdotem qui
 com meatum petebat increpitum esse comperimus, quid cunctis
 expediat agnosceremus. Nobis quoque ipsis minimis & exter-
 nis quoties reuelatum est, quàm frequenter atque manifeste de
 Dei dignatione præceptum est, ut cōtestarer assidue, et publice
 prædicarem, fratres nostros non esse lugendos accensione do-
 minica de seculo liberatos, cum sciam non eos amitti, sed præ-
 mitti, recedentes præcedere, ut proficiscentes et nauigantes
 desiderari eos debere, nō plangere: nec accipiendas esse hic atras
 uestes, quando illi ibi indumenta alba iam sumpserint: occasio-
 nem dandam non esse gentilibus, ut nos merito ac iure repre-
 hendant, quòd, quos uiuere apud Deum dicimus, ut extinctos
 & perditos lugeamus, & fidem, quam sermone & uoce de-
 promimus, cordis et pectoris testimonio reprobemus. Spei
 nostræ ac fidei præuaticatores sumus: simulata, ficta, fucata
 uidentur esse quæ dicimus. Nihil prodest uerbis proferre uir-
 tutem, et factis destruere ueritatē. Improbatur denique Apostolus
 Paulus & obiurgatur & culpat, si qui contristentur in excessu
 suorum: Nolumus, inquit, ignorare uos fratres de dormientibus,
 ut non contristemini sicut & cæteri, qui spem non habent. Si
 enim credimus quia IESVS mortuus est et resurrexit, sic
 et Deus eos qui dormierunt in Christo, adducet cum illo. Eos
 contristari dicit in excessu suorum, qui spem non habent. Qui
 autē spe uiuimus, et in Deum credimus, & Christum passum
 esse pro nobis, et resurrexisse confidimus in Christo manētes,
 & per ipsum atque in ipso resurgentes, quid aut ipsi recedere

Gaudendum
 morte potius
 quàm flendū.

1. Thessa. 4.

- isthinc de seculo nolumus, aut nostros recedentes quasi perditos plāgnus ac dolemus, ipso Christo domino ac Deo nostro
1040. 11. monente & dicente: Ego sum resurrectio, qui credit in me licet moriatur, uiuet: et omnis qui uiuit et credidit in me, nō morietur in æternum. Si in Christum credimus, fidem uerbis & promissis eius habeamus, et non moriemur in æternū, ad Christum cum quo & uicturi & regnaturi semper sumus, leta securitate ueniamus. Quod interim morimur, ad immortalitatem morte transgredimur: nec potest uita æterna succedere, nisi hinc contigerit exire: non est exitus, sed transitus, & temporalis itinere decurso ad æterna transgressus. Quis non ad meliora festinet? Quis non mutari & reformari ad Christi speciem, & ad cœlestis gratiæ dignitatem uenire citius exoptet?
- Philip. 3. Paulo apostolo prædicante: Nostra autem conuersatio, inquit, in cœlis est, unde & dominum expectamus Iesum Christum, qui transformabit corpus humilitatis nostræ, configuratum corpori claritatis suæ. Tales nos futuros & Christus dominus pollicetur, quādo ut cum illo simus, et cum illo in æternis sedibus uiuamus, atq; in regnis cœlestibus gaudeamus, patrem precatur pro nobis: Pater quos mihi dedisti, uolo ut ubi ego fuero, et ipsi sint mecum, et uideant claritatē quam mihi dedisti prius quā mundus fieret. Venturus ad Christi sedem, ad regnorum cœlestium claritatem, lugere non debet nec plan gere, sed potius secundum pollicitationē Domini, secundum fidem ueritatis, in profectione sua & translatione gaudere. Sic
- Enoch Deo placuit. deniq; inuenimus & Enoch translatum esse, qui Deo placuit. Sic in Genesi testatur & loquitur scriptura diuina: Et placuit
- Genesis. 5. Enoch Deo, & non est inuentus postmodum, quia Deus illum transtulit. Hoc fuit placuisse in cōspectu Dei, de hac cōtagione seculi meruisse transferri. Sed et per Salomonem docet spiritus sanctus, qui Deo placeant, maturius hinc eximi et citius liberari, ne dum in isto mundo diutius inuorantur, mundi con

tactibus polluantur: Raptus est, inquit, ne malitia mutaret in- Sap. 4.
 tellectum eius, placita enim erat Deo anima eius: propter hoc
 properauit educere eum de media iniquitate. Sic & in psalmis
 ad Dominū properat spiritali fide Deo sua anima deuota, si-
 cut scriptum est: Quam dilectissimæ habitationes tuæ Deus Psal. 87.
 uirtutū, desiderat & properat anima mea ad atria Dei. Eius
 est in mundo diu uelle manere, quē mūdus obiecit, quē seculū
 blandiens atq; decipiens, illecebris terrene uoluptatis inuitat.
 Porrò cum mūdus oderit Christianum, quid amas eum qui te
 odit, & non magis sequeris Christū qui te redemit et diligit?
 Ioannes in epistola sua clamat & loquitur: & ne carnalia de- 1. Ioan. 2.
 sideria sectantes mundum diligamus, hortatur: Nolite, inquit,
 diligere mundum, neq; ea quæ in mundo sunt. Siquis dilexerit
 mūdū, nō est charitas patris in illo: quia omne quod in mūdo
 est, cōcupiscentia carnis est, & cōcupiscentia oculorū, & am-
 bitio seculi quæ non est à patre, sed ex cōcupiscentia mūdi, &
 mundus transibit et concupiscentia eius: qui autē fecerit uolun-
 tatē Dei, manet in æternum, sicut & Deus manet in æternum.
 Porrò fratres dilectissimi, mēte integra, fide firma, uirtute ro-
 busta, parati ad omnē uoluntatē Dei sinus: pauore mortis ex-
 cluso immortalitatem quæ sequitur, cogitemus. Hoc nos ostenda-
 mus esse quod credimus, ut neq; charorū lugeamus excessum:
 & cum accersionis propriæ dies uenerit, incunctanter & li-
 benter ad Dominū ipso uocāte ueniamus. Quod cum semper
 fuerit faciēdū Dei seruis, nūc fieri multo magis debet corruēte
 iam mundo, & malorum infestantiū tubinibus obfesso, ut qui
 cernimus coepisse iam grauiā, & scimus imminere grauiora,
 lucrū maximū cōputemus, si isthinc uelocius recedamus. Si in
 hac ætate tuo parietes uetustate nutarent, tecta desuper tre-
 merēt, domus iam fatigata, iam lassā ædificijs senectute labēti-
 bus, ruinā proximā minaretur, non ne omni celeritate migra-
 res? Si te nauigāte turbida & procellosa tēpestas fluctibus uā-

Mundus mu-
tatur.

uenti excitatis, prænuntiaret futura naufragia, non ne portum uelociter peteres? Mundus ecce nutat & labitur, & ruinam sui non iam senectute rerum, sed sine testatur: & tu non Deo gratias agis, non tibi gratularis quod exitu maturiore subtraheretur, ruinis & naufragijs, & plagis imminentibus exuaris? Considerandum est fratres dilectissimi, & identidem cogitandum, renuntiassse nos mundo, & tanquam hospites & peregrinos hic interim degere. Amplectamur diem, qui assignat singulos domicilio suo, qui nos isthinc ereptos, & laqueis secularibus exutos paradiso restituit, & regno cœlesti. Quis non peregre constitutus properet in patriam regredi? Quis non ad suos nauigare festinans, uentum prosperum cupidius optaret, ut uelociter charos liceret amplecti? Patriam nostram paradysum computamus, parentes nostros patriarchas habere iam coepimus: quid non properamus & currimus, ut patriam nostram uidere, ut parentes salutare possimus? Magnus illhic nos charorum numerus expectat, parentum, fratrum, filiorum, frequens nos & copiosa turba desiderat, iam de sua immortalitate secura, & adhuc de nostra incolumitate sollicita. Ad horum conspectum & complexum uenire, quanta & illis & nobis in commune læticia est? qualis illhic cœlestium regnorum uoluptas sine timore moriendi, & cum æternitate uiuendi? quam summa & perpetua felicitas? illhic Apostolorum gloriosus chorus: illhic prophetarum exultantium numerus: illhic martyrum innumerabilis populus, ob certaminis & passionis uictoriam coronatus: triumphantes illhic uirgines, quæ concupiscentiam carnis & corporis continentie robore subegerunt: remunerati misericordes, qui alimentis & largitionibus pauperum iustitie opera fecerunt, qui dominica præcepta seruantes ad cœlestes thesauros terrena patrimonia transfulerunt. Ad hos fratres dilectissimi auida cupiditate properemus, ut cum his citò esse possimus, ut citò ad Christum uenire contingat, optemus.

Hanc cogitationē nostrā Deus uideat, hoc propositū mētis & fidei dominus Christus aspiciat, daturus eis gloriæ suæ ampliora præmia, quorum circa se fuerint desideria maiora. Amen.

ARG. SERMONIS SEQ.

Sermo quintus eiusdē de lapsis & coronatis iam martyribus uel ad uitā seruatis, docens Deū familiā suā hoc examine pbare uoluisse, quia traditam diuinitus disciplinā pax lōga corruerat. Deinde multa de corpore xpī miracula enarrās ad pniām hortat̃.

SERMO QUINTVS DE LAP SIS.



Ax ecce dilectissimi fratres ecclesiæ reddita est, & qd' difficile nuper incredulis, ac perfidis impossibile uidebatur, ope atq; ultione diuina securitas nostra reparata est.

In letitiam mentes redeunt, & tempestate pressuræ ac nube discussa, tranquillitas ac

Serenitas discussa nube refulget.

serenitas refulserunt. Dande laudes Deo, & beneficia eius ac munera cum gratiarū actione celebranda, quis agere gr̃as nostra uox nec in persecutione cessauerit. Neq; n. tantum inimico licere potest, ut non qui Dñm toto corde, et anima, et uirtute diligimus, benedictiones eius et laudes semp et ubiq; cū gloria prædicemus. Exoptatus uotis oībus dies uenit, et post longæ noctis horribilem tetramq; caliginē. Dei luce radiatus mundus eluxit. Confessores præconio boni nominis claros, et uirtutis ac fidei laudibus gloriosos, lætis cōspectibus intuemur, sanctis osculis adherentes, desideratos diu inexplabili cupiditate cōplectimur. Adest militū Christi cohors candida, qui persecutionis urgentis ferociam turbulentā stabili congressione fregerunt, parati ad patientiā carceris, armati ad tolerantiam mortis. repugnastis fortiter seculo, spectaculum gloriosum præbistis Deo, secuturis fratribus fuistis exēplo. Religiosa uox Christū locuta est, in quē se semel credidisse cōfessa ē. Illustres manus q̃

Confessorum cōmendatio.

non nisi diuinis operibus assueuerant, sacrificijs sacrilegis re-
 stiterunt. Sanctificata ora cœlestibus cibis post corpus & san-
 guinem Domini, profana contagia & idolorum reliquias re-
 spuerunt, ab impio sceleratoq; uelamine, quo illhic uelabantur
 sacrificantium capita captiua, caput uestrum liberum mansit.
 Frons cum signo Dei pura, diaboli coronam ferre nō potuit,
 coronæ se domini reseruauit. Quam uos leto sinu excipit ma-
 ter ecclesia de prælio reuertentes. Quam beata, quam gaudēs
 portas suas aperit, ut adunatis agminibus intretis, de hoste
 prostrato trophæa referentes. Cum triumphantibus uiris &
 foeminae ueniunt, quæ cum seculo dimicantes sexum quoq; ui-
 cerunt. Veniunt & geminata militiæ suæ gloria uirgines, &
 pueri annos suos uirtutibus transeuntes. Necnon & circun-
 stantiū cætera multitudo uestram gloriam sequitur, proximis
 & penē cōiunctis laudis insignibus uestigia uestra comitatur.
 Eadem & illis sinceras cordis, eadem fidei tenacis integri-
 tas. Inconcussis præceptorum cœlestium radicibus nixos, &
 Euangelicis traditionibus roboratos, nō præscripta exilia, nō
 destinata tormenta, non rei familiaris damna & corporis sup-
 plicia terruerunt. Explorandæ fidei præfiniebantur dies. Sed
 qui seculo renūtiasse se meminit, nullum seculi diem nouit. Nec
 tempora terrena iam computat, qui æternitatē de Deo sperat.
 Nemo fratres nemo hanc gloriam mutilet, nemo incorruptam
 stantium firmitatem maligna obtrectatione debilitet, cum dies
 negantibus præstitutus excessit, quisquis professus intra diem
 non est, Christianam se esse confessus est. Primus est uictoriæ
 gradus. titulus, gentiliū manibus apprehensum, Dominum cōfiteri.
 Secundus ad gloriā gradus est, cauta secessione subtractu Do-
 mino reseruari. Illa publica, hæc priuata confessio est. Ille iudi-
 cem seculi uincit, hic contentus Deo suo iudice, conscientiam
 puram cordis integritate custodit. Illhic fortitudo promptior,
 hic sollicitudo securior. Ille appropinquante hora sua iam ma-

Victoriæ
gradus.

turus inuentus est, hic fortasse dilatus est, qui patrimonio derelicto idcirco secessit, quia non erat negaturus, cōfiteretur utique si fuisset & ipse detentus. Has martyrum cœlestes coronas, has confessorum glorias spirituales, has stantium fratrum maximas eximiasque uirtutes mœstitia una contristat, quod auulsum nostrorum uiscerum partem uiolentus inimicus populationis suæ strage deiecit. Quid hoc loco faciam dilectissimi fratres fluctuans uario mētis æstu? Quid aut quomodo dicam? Lacrymis magis quam uerbis opus est ad exprimendum dolorem, quo corporis nostri plaga deslenda est, quo populi aliquando numerosi multiplex lamētanda iactura est. Quis enim sic durus ac ferreus, quis sic fraternæ charitatis oblitus, qui inter suorū multiformes ruinas & lugubres ac multo squallore deformes reliquias constitutus, siccos oculos tenere præualeat? nec erumpente statim fletu prius gemitus suos lacrymis quam uoce depromat? Doleo fratres doleo uobiscum, nec mihi ad leniendos dolores meos integritas propria & sanitas priuata blanditur; quando plus pastor in gregis sui uulnere uulneretur. Cum singulis pectus meum copulo, mœroris et funeris pondera luctuosa participo. Cum plangentibus plango, cum deslendentibus desleo, cum iacētibus iacere me credo. Iaculis illis grassantis inimici mea mēbra simul percussa sunt, sæuientes gladij per mea uiscera transierunt. Immunis & liber à persecutionis incursu fuisse non potest animus. In prostratis fratribus et me prostrauit affectus. Habenda tamen est fratres dilectissimi, ratio ueritatis, nec sic mentem et sensum persecutionis infestæ tenebrosa caligo debet cæcasse, ut nihil remanserit lucis et luminis, unde diuina præcepta perspicere possint. Sed cladis causa cognoscitur, & medela uulneris inuenitur, Deus probare familiā suā uoluit. Et quia traditā nobis diuinitus disciplinā pax longa corruperat, iacentē fidem, et penē dixerim dormientem censura cœlestis erexit: cumque nos pro peccatis

Veritatis ratio habenda.

Fides dormiens censura cœlesti erigitur.

Inuersa oīa
 & ministris

Psal. 33.

nostris amplius pati meremur, clementissimus Dominus sic cuncta moderatus est, ut hoc omne quod gestū est, exploratio potius quā persecutio uideretur. Studebant augendo patri-
 monio singuli, & obliti quid credentes aut sub Apostolis an-
 tē fecissent, aut semper facere deberent, insatiabili cupiditatis
 ardore ampliandis facultatibus incubabant. Non in sacerdo-
 tibus religio deuota, non * in ministerijs fides integra, non in
 operibus misericordia, nō in moribus disciplina. Corrupta bar-
 ba in uiris, in sceminis forma fucata. Adulterati post Dei ma-
 nus oculi, capilli mēdacio colorati. Ad decipienda corda sim-
 pliciū callide fraudes, circumueniendis fratribus subdole uo-
 luntates. Iungere cum infidelibus uinculum matrimonij, pro-
 sūtuerē cum gentilibus membra Christi. Non iurare tantum te-
 mere, sed ad hoc etiam peierare. Præpositos superbo tumore
 contemnere, uenenato sibi ore maledicere. Odijs pertinacibus
 inuicem dissidere. Episcopi plurimi, quos et ornamento esse
 oportet cæteris et exemplo, diuina procuratione contempta,
 procuratores rerum secularium fieri, derelicta cathedra, ple-
 be deserta, per alienas prouincias oberrantes negotiationis
 quæstuosæ nundinas aucupari. Esurientibus in ecclesia fratri-
 bus habere argentum largiter, uelle fundos insidiosis fraudi-
 bus rapere, usuris multiplicantibus scœnus augere. Quid non
 perpeti tales pro peccatis eiusmodi mereremur? cum iam pri-
 dem præmonuerit ac dixerit censura diuina: Si dereliquerint
 legem meam, et in iudicijs meis non ambulauerint, si iustifi-
 cationes meas profanauerint, et præcepta mea non seruaue-
 rint, uisitabo in uirga facinora eorum, et in flagellis delicta
 eorum. Prænuntiata sunt ista nobis et antē prædicta. Sed nos
 datæ legis et obseruationis immemores, id egimus per nostra
 peccata, ut dum Domini mandata contemnimus, ad correctio-
 nem delicti et probationem fidei remedijs seuerioribus ueni-
 remus. Nec saltem serò cōuersi ad Domini timorem sumus, ut

hanc correctionem nostram probationemq; diuinam patienter subiremus. Ad prima statim uerba minantis inimici, maximus fratrum numerus fidem suam prodidit, nec prostratus est persecutionis impetu, sed uoluntario lapsu se ipse prostrauit. Quid, oro, inauditum, quid nouum uenerat, ut uelut incognitis atq; inopinatis rebus exortis Christi sacramentum temeritate præcipiti solueretur? Nónne hæc & propheta antè, & apostoli postmodum nuntiauerunt? Nónne iustorum pressuras, & gentilium semper iniurias pleni spiritu sancto prædicauerunt? Nónne fidem nostram semper armans & Dei seruos coelesti uoce corroborans, dicit scriptura diuina: Dominum Deum tuum adorabis, & illi soli seruias? Nónne iram diuinæ indignationis ostendens, & poenæ metum præmonens denuo dicit? Adorauerunt eos quos fecerunt digiti eorum, & curuatus est homo, & humiliatus est uir, & non laxabo illis. Et iterum Deus loquitur dicens: Sacrificans dijs eradicabitur, nisi Deo soli. In Euangelio quoq; postmodum Dominus in uerbis doctor, & consummator in factis, docens quid fieret, et faciès quodcunq; docuisset: quicquid nunc geritur et geretur, nónne antè præmonuit? Nónne & negantibus æterna supplicia, & salutaria confitentibus præmia antè constituit? Exciderunt quibusdam, proh nefas, omnia, & de memoria recesserunt. Non expectauerunt saltem, ut interrogati negarent, ut thus accenderent apprehensi. Ante aciem multi uicti, sine congressione prostrati, nec hoc sibi reliquerunt, ut sacrificare idolis uiderentur inuiti. Vltro ad forum currere, ad mortem sponte properare, quasi hoc olim cuperent, quasi amplecterentur occasionē datam, quā semper optassent. Quot illhic à magistratibus uespera urgente dilati sunt? quot ne eorum differretur interitus etiam rogauerunt? Quam uim potest talis obtinere, qua crimen suum purget, cum uim magis ipse fecerit ut periret? Nónne quando ad Capitolium sponte uentum est,

Deut. 9.

Esa. 2.

Exodi 22.

quando ultro ad obsequium diri facinoris accessum est, labas
uit gressus, caligauit aspectus, tremuerunt uiscera, brachia con
ciderunt? Non sensus obstupuit, sermo hæsit, lingua defecit?
Stare illhic potuit Dei seruus, & loqui & renūtiare Christo,
qui iam diabolo renuntiabat & seculo? Non ara illa, quò mo
riturus accessit, rogus illi fuit? Non illi altare, quòd factore
re retro fumare ac redolere conspexerat, uelut funus & bu
stum uitæ suæ horrere ac fugere debebat? Quid hostiam tecū
miser, quid uictimā immolaturus uel supplicaturus imponis?
Ipse ad aras hostia, uictima ipse uenisti. Immolasti illhic salu
tem tuam, spem tuam. Fidem tuam funestis illis ignibus con
cremast. Ac multis proprius interitus satis nō fuit. Hortamen
tis mutuis in exitiū populus impulsus est, mors inuicem letali
poculo propinata est. Ac nequid deesset ad criminis cumulum,
infantes quoque parentum manibus uel impositi uel attracti.
Amiserunt paruuli, quod in primo statim natiuitatis exordio
fuerant consecuti. Nōne illi cum iudicii dies uenerit dicent.
Nos nihil fecimus, nec derelicto cibo & poculo Dei ad pro
fana contagia sponte properauimus, perdidit nos aliena per
fidia, parentes sensimus parricidas: Illi nobis ecclesiam ma
trem, illi patrem Deum negauerunt, ut dum parui & impro
uidi, & tanti facinoris ignari, per alios ad consortium cri
minum iungimur, aliena fraude & moreremur? Nec est, pro
dolor, iusta aliqua & grauis causa, quæ tantum facinus ex
cuset. Relinquenda erat patria, & patrimonij facienda ia
ctura. Cui enim nascenti atque morienti non relinquenda
quandoque patria, & patrimonij sui facienda iactura est? Ut
Christus non relinquatur, salutis ac sedis æternæ iactura ti
meatur. Clamat ecce per prophetam spiritus sanctus: Disce
dite, discedite, exite inde, & immundum nolite tangere. Exi
te de medio eius, mundonini qui fertis uasa Domini: & qui
sunt uasa domini ac templum Dei, ne immundum tangere, &

alias, cape
remur.

Isa. 52.

feralibus cibis pollui uiolariq; cogantur, non exeunt de medio nec recedunt? Alibi quoque uox auditur è cœlo, præmonens quid Dei seruos facere conueniat, dicens: Exi de ea populus meus, ne particeps sis delictorū eius, & ne perstringaris plagis eius. Qui exit & cedit, delicti particeps nō fit. Plagis uerò & ipse constringitur, qui socius criminis inuenitur. Et ideo Dominus in persecutione secedere & fugere mandauit, atq; ut id fieret et docuit & fecit. Nam cum corona de Dei dignatione descendat, nec possit accipi nisi fuerit hora sumendi, quisquis in Christo manens interim cedit, non fidem denegat, sed tempus expectat. Qui autem cum non secederet cecidit, remansit negaturus. Dissimulanda fratres ueritas non est, nec uulueris nostri materia & causa reticenda. Decepit multos patrimonij sui amor cæcus: nec ad recedendum parati, aut expediti esse potuerunt, quos facultates suæ uelut compedes ligauerunt. Illa fuerunt remanentibus uincula, illæ catenæ, quibus & uirtus retardata est, & fides pressa, et mens uincta, & anima præclusa: ut serpenti terram, secundum Dei sententiam deuoranti, præda & cibus fieret, qui terrestribus inhaerent. Et idcirco Dominus bonorū magister, & præmonens in futurum: Si uis, inquit, perfectus esse, uade, uende omnia tua, & da pauperibus, & habebis thesaurum in cœlis, & ueni sequere me. Si hoc diuites facerent, per diuitias non perirent, thesaurum in cœlo reponentes, hostem nunc & expugnatorem domesticum non haberent: esset in cœlo cor, & animus & sensus, si thesaurus esset in cœlo. Nec uinci à seculo posset, qui unde uinceretur in seculo non haberet: sequeretur Dominū solutus & liber, ut Apostoli & sub Apostolis multi, & nonnulli sæpe fecerunt, qui & rebus suis & parentibus derelictis, indiuiduis Christo nexibus adhæserunt. Sequi autem Christum quomodo possunt, qui patrimonij uinculo detinentur? aut quomodo cælum petunt, & ad sublimia & alta

Apoc. 18.

Matth. 19.

*Pecunie man-
cipati.*

1. Timot. 6.

*Cupiditas ra-
dix malorū.*

Mar. 10.

Math. 5.

conscendunt, qui terrenis cupiditatibus degravantur? posside-
re se credunt, qui potius possidentur, census sui serui, nec ad
pecuniam suam domini, sed magis pecunie mancipati. Hoc
tempus, hos homines Apostolus denotat, dicens. Qui autē uo-
lunt diuites fieri, incidunt in tentationem et mīscipulas, et
desideria multa, et nocentia, quæ mergunt hominem in per-
ditionem et interitum. Radix enim omnium malorum est cu-
piditas, quam quidam appetentes errauerunt à fide, et inse-
ruerunt se doloribus multis. Dominus autem quibus nos præ-
mijs ad contemptum rei familiaris inuitat? Parua hæc et exi-
gua huius temporis damna, quibus mercedibus pensat? Nemo
est, inquit, qui relinquat domum, aut agrum, aut parentes, aut
fratres, aut uxorem, aut filios, propter regnū Dei, et non re-
cipiat septies tantum in isto tempore, in seculo autem uenturo
uitam æternam. Quibus cognitis, et de Domini pollicētis ue-
ritate compertis, non tantum timenda non est eiusmodi, sed et
optanda iactura, ipso denuo Domino prædicante et monente.

Beati eritis cum persecuti uos fuerint, et separauerint uos,
et expulerint, et maledixerint nomini uestro ut nequā pro-
pter filium hominis. Gaudete in illa die et exultate, ecce enim
merces uestra multa est in cælis. Sed tormēta postmodum uen-
tura erant, et cruciatus graues reluctantibus imminebant.

Queri de tormentis potest, qui per tormenta superatus est, et
excusationem doloris obtendere, qui uictus est in dolore. Po-
test rogare talis, et dicere. Certare quidem fortiter uolui, et
sacramenti mei memor deuotionis ac fidei arma suscepi, sed
me in congressione pugnantem cruciamenta uaria et suppli-
cia longa uicerūt. Stetit mens stabilis, et fides fortis, et cum
torquentibus pœnis immobilis diu anima luctata est, sed cum
durissimi iudicis recrudescēte seuitia iam fatigatum nunc fla-
gella scinderent, nunc contunderent fustes, nunc equuleus ex-
tenderet, nunc ungula effoderet, nunc flamma torreret, caro

Corpus non
animus ī mar
tyrio deficit.

me in colluctatione deseruit, infirmitas uiscerū cessit, nec ani-
mus sed corpus in dolore defecit. Potest citò proficere ad ue-
niam causa talis. Potest eiusmodi excusatio esse miserabilis.
Sic hic Casto & Aemilio aliquando dominus ignouit. Sic in
prima congressione deuictos, uictores in secundo prælio red-
didit, ut fortiores ignibus fierent, qui ignibus antè cessissent,
& unde superati essent, inde superarent. Deprecabantur illi
non lacrymarum miseratione, sed uulnerum, nec sola lamena-
tabili uoce, sed laceratione corporis & dolore. Manabat pro
fletibus sanguis, & pro lacrymis cruor semiustulatis uisce-
ribus defluebat. Nunc uerò quæ uulnera ostendere uicti pos-
sunt? quas plagas hiantium uiscerum? quæ tormenta membro-
rum, ubi non fides congressa cecidit, sed congressionem perfi-
dia præuenit? Nec excusat oppressum necessitas criminis, ubi
crimen est uoluntatis. Nec hoc eò dico, ut fratrum causas one-
rem, sed ut magis fratres ad precem satisfactionis instigem.
Nam cum scriptum sit, qui uos felices dicunt, in errorem uos
mittunt, & semitas pedum uestrorum turbant. Qui peccatē
blandimentis adulantibus palpat, peccandi fomitem submini-
strat, nec comprimit delicta ille, sed nutrit. At qui consilijs for-
tioribus redarguit simul atque instruit fratrem, promouet ad
salutem. Quos diligo, inquit dominus, redarguo & castigo.
Sic oportet Dei sacerdotem non obsequijs decipientibus falle-
re, sed remedijs salutaribus providere. Imperitus est medicus,
qui tumentes uulnerum sinus manu parcente contrectat, &
in altis recessibus uiscerum virus inclusum, dum seruat, exag-
gerat. Aperiendum uulnus est & secandum, & putredinibus
amputatis medela fortiore curandum. Vociferetur & clamet
licet, & conqueratur eger impatiens per dolorem, gratias
aget postmodum, cum senserit sanitatem. Emersit enim, fra-
tres dilectissimi, nouum genus cladis, & quasi parum perse-
cutionis procella seuerit, accessit ad cumulum sub misericor-

Apoc. 3.

Medicus im-
peritus.

*Pax dantibus
periculosa.*

die titulo malum fallens & blanda pernicies. Contra Euangelij uigorem, contra Domini ac Dei legē temeritate quorundam laxatur incautis communicatio. Irrita & falsa pax, periculosa dantibus, & nihil accipientibus profutura. Nō querunt sanitatis patientiam, nec ueram de satisfactione medicinam. Pœnitentia de peccatoribus exclusa est, grauissimi extremiq; delicti memoria sublata est. Operiuntur morientium uulnera, & plaga letalis altis & profundis uisceribus infixæ, dissimulato dolore contegitur. A diaboli aris reuertentes, ad sanctum Domini sordidis & infectis nidore manibus accedunt. Mortiferos idolorū cibos adhuc penè ructantes, exhalantibus etiamnum scelus suum faucibus & contagia funesta redolentibus, Domini corpus inuadunt, cum occurrat scriptura diuina & clonet & dica: Omnis mundus manducabit carnē, & anima quæcunq; manducauerit ex carne salutaris sacrificij, quod est Domini, & immunditia eius super ipsum, & peribit anima illa de populo suo: Apostolus item testetur & dicat: Non potestis calicem Domini bibere & calicem demoniorum, non potestis mensæ Domini communicare & mensæ demoniorū. Idem cōtumacibus & peruicacibus comminetur & denūtiat, dicens: Quicūq; ederit panem, aut biberit calicem Domini indignè, reus erit corporis & sanguinis Domini. Spretis his omnibus atq; contemptis, uis injertur corpori eius & sanguini eius. Plus modo in Dominum manibus atque ore delinquant, quam cum Dominum negauerunt. Ante expiata delicta, ante exomologesin factam criminis, ante purgatam conscientia sacrificio & manu sacerdotis, ante offensam placatā indignantis Domini & minantis, pacē putant esse, quam quidā uerbis fallacibus uenditant. Non est pax illa, sed bellum. Nec ecclesiæ iungitur qui ab Euangelio separatur. Quid iniuriam beneficium uocāt? quid impietate uocabulo pietatis appellant? quid eis qui flere iugiter, & rogare Dñm suum debent, interceptū

Leuit. 17.

1. Cor. 10.

1. Cor. 11.

poenitentiae lamentatione communicare se simulant? Hoc sunt
 eiusmodi lapsis, quod grando frugibus, quod turbidum sydus
 arboribus, quod armētis pestilens uasitas, quod nauigijs seu-
 tempestas. Solatium aeternae spei adimunt, arborem à radice
 subuertunt, sermone morbo ad letale contagium serpunt, na-
 uem ad scopulos, ne in portum perueniat, illidunt. Non conce-
 dit pacem facilitas ista, sed tollit: nec cōmunicationem tribuit,
 sed impedit ad salutem. Persecutio est haec alia, et alia tentatio,
 per quam subtilis inimicus impugnandis adhuc lapsis occulta
 populatione grassatur, ut lamentatio conquiescat, ut dolor
 fileat, ut delicti memoria uanescat, comprimatur pectorum
 gemitus, statuatur fletus oculorum, ne Dominum grauius
 offensum longa & plena poenitentia deprecetur, cum scri-
 ptum sit. Memento unde cecideris, & age poenitentiam. Ne-
 mo se fallat, nemo decipiat. Solus Dominus misereri potest. Apo. 2.
 Veniā peccatis, quae in ipsum commissae sunt, solus potest ille Deo propriū
 largiri qui peccata nostra portauit, qui pro nobis doluit, quē misereri.
 Deus tradidit pro peccatis nostris. Homo Deo esse non potest
 maior, nec remittere aut donare indulgentia sua seruis potest,
 quod in dominum delicto grauiore commissum est, ne adhuc
 lapso & hoc accedat ad crimen, si nesciat esse praedictum.
 Maledictus homo qui spem habet in homine. Dominus oran-
 dus est, dominus nostra satisfactione placandus est, qui ne- Hier. 17.
 gantem negare se dixit, qui omne iudicium de patre solus Dominus 192
 accepit. Credimus quidem posse apud iudicem plurimum ual- du.
 lere martyriam merita & opera iustorum, sed cum iudicij
 dies uenerit, cum post occasum seculi huius & mundi ante tri-
 bunal Christi populus eius adstiterit. Ceterum si quis prae-
 propera festinatione temerarius remissionem se cunctis dare
 putat posse, aut audet domini praecepta rescindere, non tan-
 tum nihil prodest, sed & obest lapsis. Prouocasse est iram,
 non seruasse sententiam, nec misericordiam prius Dei deprecari

- dam putare, sed cōtemp̃to Domino de sua facilitate præsūme-
re. Sub ara Dei animæ occisorum martyrum clamant magna
Apo. 6. uoce dicētes: Quousq; Domine sanctus & uerus non iudicas
 & uindicas sanguinem nostrum de his qui in terris inhabi-
 tant? & requiescere ac patientiam adhuc tenere iubentur: &
 quenquam posse aliquis existimat remittendis passim donan-
 disq; peccatis bonum fieri contra iudicē uelle, aut prius quā
 uindictetur, ipse alios posse defendere? Mandant aliquid mar-
 tyres fieri: si iusta, si licita, si non contra ipsam dominū à Dei
 sacerdote faciendā sunt, si obtemperantis facilis & prona con-
 sensio, si petentis fuerit religiosa moderatio. Mandant ali-
 quid martyres fieri? Sed si scripta non sunt in Domini lege
 quæ mādant, antè est ut sciamus illos de Deo impetrasse, quod
 postulant, tunc facere quod mandant. Neq; enim statim uideri
 potest de diuina maiestate cōcessum, quod fuerit humana pol-
 licitatione promissum. Nam & Moyses pro peccatis populi
 petit, nec tamen peccatūibus ueniam, cum petisset, accepit: Pre-
Exod. 32. cor, ait, Domine, deliquit hic populus delictū grande, & nunc
 si dimittis eis delictū dimitte: sin autem, dele me de libro quem
 scripsisti. Et dixit Dominus ad Moysen: Siquis deliquit ante
 me, deleam eum de libro meo. Ille amicus Dei, ille facie ad fa-
 ciem locutus cum Deo, quod petijt impetrare non potuit, nec
 Dei indignantis offensam sua deprecatione pacauit. Hiere-
Hier. 1. miam Deus laudat & prædicat, dicens: Prius quā te forma-
 rem in utero, noui te, & prius quā exires de uulua, sanctifi-
 ficaui te, & prophetam in gentibus dedi te: & idem pro pec-
Ibidem 7. catis populi deprecanti frequentius & oranti: Noli, ait, ora-
 re pro populo hoc, & noli postulare pro eis in prece & ora-
 tione, quia non exaudiam in tempore in quo inuocabunt me,
 in tempore afflictionis suæ. Quid uerò iustius Noe, qui cum
 repleta esset terra peccatis, solus inuentus est iustus in terris?
Gen. 6.
Daniel. 3. Quid gloriosius Daniele? Quid ad faciendā martyria in fi-

dei firmitate robustius? in Dei dignatione felicius? qui toties
 & cum confligeret uicit, & cum uinceret superuixit? Quid
 Iob in operibus promptius, in tentationibus fortius, in dolo= Iob. 1.
 re patientius, in timore submissius, in fide uerius? Nec his ta=
 men, si rogarent, concessurum se Deus dixit. Cum propheta
 Ezechiel pro delicto populi deprecaretur: Terra, inquit, Ezech. 14.
 quæcunque peccauerit mihi ut delinquat delictum, extendam
 manum meam super eam, & obteram stabilitamentum panis,
 & immittam in eam famem, & auferam ab ea hominem &
 pecora. Et si fuerint tres uiri ij in medio eius, Noë, Daniel,
 & Iob, non liberabunt filios neque filias, ipsi soli salui erunt.
 Adeo non omne quod petitur, in præiudicio petentis, sed in
 dantis arbitrio est. Nec quicquam sibi usurpat & uindicat
 humana sententia, nisi annuat & censura diuina. In Euange=
 lio Dominus loquitur, dicens: Qui me confessus fuerit coram Mat. 10.
 hominibus, & ego confitebor eum coram patre meo qui in Luc 12.
 cælis est. Qui autem me negauerit, & ego negabo eum. Si se Math. 10.
 negantem non negat: nec confitentem confitetur. Non potest
 Euangelium in parte consistere, & in parte nutare. Aut utrūq;
 oportet ut ualeat, aut utrūque uim ueritatis amittat. Si negan=
 tes rei criminis non erunt, nec confitentes præmium uirtutis
 accipient. Porro si fides quæ uicerit, coronatur, necesse est, ut
 uicta perfidia puniatur. Ita martyres aut nihil possunt, si Euā=
 gelium solui potest: aut si Euangelium non potest solui, contra
 Euangelium facere non possunt, qui de Euangelio martyres
 fiunt. Nemo, fratres dilectissimi, infamet martyrum dignitatem,
 nemo eorum glorias destruat, & coronas. Manet incorruptæ
 fidei robur incolume, nec dicere aliqd aut facere contra Chri=
 stum potest, cuius & spes, & fides, & uirtus, et gloria omnis
 in Christo est. Ut ab episcopis cōtra mandatum Dei fiat, auto=
 res esse nō possunt, qui ipsi Dei mādata fecerūt. An quisquam
 maior Deo, aut diuina bonitate clementior, qui aut infestū usō

lit, quod passus est Deus fieri, aut quasi illi minus potestatis ad protegendam ecclesiam suam fuerit, auxilio nos suo putet posse seruari? nisi hæc ignaro Deo gesta sunt, aut non permit-
tente illo omnia ista ueniunt, cum doceat indociles, et admo-

Esa. 42. neat immemores scriptura diuina, quæ loquitur, dicens: Quis dedit in direptionem Iacob et Israel eis qui prædabatur eum? non ne Deus cui peccauerunt, et nolebant in uijs eius ambula-

Esa. 59. re, neque audire legem eius? Et superduxit super eos iram ani-
mationis sue. Et alibi testatur ac dicit: Nunquid non ualet ma-
nus Dei ut saluos faciat? Aut grauauit aurem ut non exaudiat? sed peccata uestra inter uos et Deum separant, et propter delicta uestra auertit faciem à uobis, ne misereatur. Delicta potius nostra reputemus, actus nostros et animi secreta uoluen-
tes, cōscientiæ merita pōderemus. Redeat in cor nostrum, non ambulasse nos in uijs Domini, et abieciisse legē Dei: præcepta eius et monita salutaria nunquam seruare uoluisse, quid de eo boni sentias? Quem timorē fuisse apud eum, quam fidem crea-
das, quem corrigere nec metus potuit, nec persecutio ipsa re-
formauit? Alta et erecta ceruix, nec quia cecidit, inflexa est. Tumens animus et superbus, nec quia uictus est, fractus est. Iacens stantibus, et integris uulneratus minatur, et quod non statim Domini corpus inquinatis manibus accipiat, aut ore polluto Domini sanguinē bibat, sacerdotibus sacrilegus irascitur. Atque o tuā nimiam furiose demētiam: Irasceris ei, qui abs te auertere iram Dei nititur: ei minaris, qui pro te Domini misericordiā deprecatur: qui uulnus tuū sentit, quod ipse non sentis: qui pro te lacrymas fundit, quas ipse forsitan non fundis. Oneras adhuc crimen et cumulas. Et cum sis ipse implacabilis

Exhortatio.

ad antistites dei, putas circa te dominum posse placari? Accipe potius et admite quæ loquimur: Quid surdæ aures salutaria præcepta non audiunt, quæ monemus? Quid cæci oculi pœnitentiæ iter non uident, quod ostendimus? Quid percussa et

alienata mens remedia uitalia non percipit, quæ de scripturis
 cœlestibus & discimus & docemus? Aut si incredulis quibus-
 dam minor fides est futurorum, uel præsentibus terreantur.
 Ecce eorum, qui negauerunt, quæ supplicia conspiciamus,
 quos eorum tristes exitus flemus? Nec hic esse sine pœna pos-
 sunt, quamuis necdum pœnæ dies uenerit. Plectuntur inte-
 rim quidam, quo cæteri corrigantur. Exempla sunt omnium,
 tormenta paucorum. Viuis ex his qui sponte Capitolium ne-
 gaturus ascendit, postquam Christum negauit, obmutuit. Pœ-
 na inde cœpit, unde cœpit & crimen, ut nec rogare iam pos-
 set, qui uerba ad precandam misericordiam non haberet. Alia Puella à de-
mone posses-
sa.
 in balneis cōstituta (hoc enim crimini eius & malis deerat, ut
 ad balneas statim pergeret, quæ lauacri uitalis gratiam perdi-
 disse) illhic ab immundo spiritu immunda correpta cecidit,
 laniauit dentibus linguam, qua fuerat uel pasta impie uel locu-
 ta. Postquam sceleratus cibus sumptus est, in perniciem suam
 rabies oris armata est. Ipsa sui carnifex extitit, nec diu super-
 esse postmodum potuit, doloribus uentris & uiscerum crucia-
 ta deficit. Præsentē ac testē me ipso accipite quid euenerit. Pa-
 rentes fortē fugientes dum trepidi minus consulunt, sub nutri-
 cis alimento paruulam filiam reliquerunt, relictam nutrix de-
 tulit ad magistratus. Illi ei apud idolum quò populus consue-
 bat, quòd carnem necdum posset edere per ætatem, panem me-
 ro mistum, quod tamen & ipsum de immolatione pereuntium
 supererat, tradiderunt. Recepit filiam postmodum mater.
 Sed facinus puella commissum tam loqui & iudicare non po-
 tuit, quàm nec intelligere prius potuit, nec arcere. Ignora-
 tione igitur obreptum est, ut sacrificantibus nobis eam se. una
 mater inferret. Sed enim puella mista cū sanctis, precis nostræ
 & orationis impatiens, nunc ploratu concuti, nunc mentis
 æstu fluctuabunda iactari, uelut tortore cogente quibus pote-
 rat indicijs cōscientiam facti in simplicibus adhuc annis rudis

Miraculum.

anima favebatur. Vbi uerò solennibus adimpletis calicem diaconus offerre presentibus coepit, & accipientibus cæteris locus eius aduenit, faciem suam paruula instinctu diuinæ maiestatis auertere: os labijs obturantibus premere, calicem recusare. Perstitit tamen diaconus, & reluctanti licet de sacramento calicis infudit. Tunc sequitur singultus & uomitus. In corpore atq; ore uiolato eucharistia permanere non potuit. Sanctificatus in domini sanguine potus, de pollutis uisceribus erupit. tanta est potestas domini, tanta maiestas. Secreta tenebrarum sub eius luce detecta sunt, sacerdotem Dei nec occulta crimina fefellerunt. Hoc circa infantem, quæ ad loquendum alienum circa se crimen necdum habuit ætatē. At uerò ea quæ ætate prouecta, & in annis adultioribus constituta sacrificantibus latenter obrepsit, non cibum, sed gladium sibi sumens, & uelut quædam uenena letalia intra fauces & pectus admittens, angustæ & anima exæstuante concludi postmodum coepit. Et presuram non iam persecutionis, sed delicti sui passa, palpitans et tremens concidit. Impunitum diu non fuit nec occultum dissimulatæ conscientie crimen, quæ fefellerat hominem, Deum sensit ultorem. Et cum quædam arcanam suam, in qua Domini sanctum fuit, manibus indignis tentasset aperire, igne inde surgente deterrita est, ne auderet attingere. Et quidam alius & ipse maculatus sacrificio à sacerdote celebrato, partem cum cæteris ausus est latenter accipere, sanctum Dei edere & contricare non potuit, cinerem ferre se apertis manibus inuenit, documento unius ostensum est, Dominum recedere, cum negatur: nec immerentibus ad salutem prodesse quod sumitur, cum gratia salutaris in cinerem sanctitate fugiente mutetur. Quam multi quotidie immundis spiritibus adimplentur, quam multi usq; ad insaniam mentis excordes demencie furore quatiuntur? Nec necesse est ire per exitus singulorum, cum per orbis multiformes ruinas tam delictorum poena sit uaria, quam delin-

quentium multitudo numerosa. Vnusquisque consideret non quid alius passus sit, sed quid pati & ipse mereatur. Nec euasisse se credat, si eum interim poena distulerit, cum timere plus debeat, quem sibi Dei iudicis censura seruauit: ne sibi quo minus agant poenitentiam blandiantur, qui & si nefandis sacrificijs manus non contaminauerunt, libellis conscientiam polluerunt. Et illa professio denegantis contestatio est Christiani quod fuerat abnuentis, fecisse se dixit quicquid alius faciendo commisit. Cumq; scriptum sit: Nō potestis duobus dominis seruire, seruiuit seculari domino qui obtēperauit eius edicto. Magis obaudiuit humano imperio quā Deo. Viderit an minore uel dedecore, uel crimine apud homines publicauerit quod admisit. Deum tamen iudicem subterfugere & uitare non poterit, cum dicat spiritus sanctus in psalmis: Quod est imperfectum meum, uiderunt oculi tui, & in libro tuo omnes scribentur. Et iterum: Homo uidet in facie, Deus in corde. Ipse quoq; Dominus pramoneat & praestruat dicens: Et sciēt omnes ecclesiae quia ego sum scrutator renis & cordis. Perspicit ille abdita et secreta, atq; occulta cōsiderat. Nec Dei oculos potest aliquis euadere dicentis: Ego Deus approximans, et nō Deus de longinquo. Si absconditus fuerit homo in abditis, ego ergo non uidebo eum? Non ne coelum & terram ego impleo? Videt ille corda & pectora singulorum, & iudicaturus non tantum de factis, sed & de uerbis et de cogitationibus nostris: omnium mentes uoluntatesq; conceptas in ipsis adhuc clausi pectoris latebris intuetur. Deniq; quando & fide maiore & timore meliore sunt, qui quamuis nullo sacrificij aut libelli facinore constricti, quoniam tamen de hoc uel cogitauerunt, hoc ipsum apud sacerdotes Dei dolenter & simpliciter confitentur, exomologesin conscientiae faciunt, animi sui pondus exponunt, salutarem medelam paruis licet & modicis uulneribus exquirunt, scientes scriptum esse: Deus non deridetur. Deris

Matth. 6.

Psalm. 138.

1. Reg. 16.

Hierem. 17.

Deo omnia manifesta.

Galat. 6.

deri & circumueniri Deus non potest, nec astutia aliqua salente deludi. Plus imo delinquit, qui secundum hominem Deum cogitans, euadere se poenam criminis credit, si non palam crimen admisit. Christus in praeceptis suis dicit: Qui confusus fuerit, confundet eum filius hominis. Et Christianum se putat; qui Christianus esse aut confunditur, aut ueretur? Quomodo potest esse cum Christo, qui ad Christum pertinere aut erubescit, aut metuit? Minus plane peccauerit non uidendo idola, nec sub oculis circumstantis atque insultantis populi sanctitatem fidei profanando, non pollueno manus suas funestis sacrificijs, nec sceleratis cibis ora maculando. Hoc eo proficit, ut sit minor culpa, non ut innocens conscientia. Facilius potest ad ueniam criminis peruenire, non est tamen immunis a crimine. Nec cesset in agenda poenitentia atque in Domini misericordia deprecanda, ne quod minus esse in qualitate delicti uidetur, in neglecta satisfactione cumuletur. Confiteantur singuli queso uos fratres delictum suum, dum adhuc qui deliquit in seculo est, dum admitti confessio eius potest, dum satisfactio & remissio facta per sacerdotes apud dominum grata est. Conuertamur ad dominum mente tota, & poenitentiam criminis ueris doloribus exprimentes, Dei misericordiam deprecemur. Illi se anima prosternat. Illi mœstitia satisfaciat. Illi spes omnis incumbat. Rogare qualiter debeamus dicit ipse: Reuertimini, inquit, ad me ex toto corde uestro, simulq; & ieiunio & fletu & planctu, & scindite corda uestra & non uestimenta. Ad dominum toto corde redeamus. Iram & offensam eius ieiunijs, fletibus, planctibus, sicut admonet ipse, placeamus. Lamentari eiam putamus, ex toto corde, ieiunijs, fletibus, planctibus dominum deprecari, qui ex primo criminis die la-uacra cū sceminiis quotidie celebrat, qui epulis affluētibus pascitur, et sagina largiore distentus, cupiditates suas postridie eruat, nec cibos suos et potus cū pauperū necessitate comunicat?

Qui hilaris & letus incedit, quomodo mortem suam deflet? Cumq; scriptum sit, non corrumpetis effigiem barbæ uestræ, barbam uellit & faciem suam comit. Et placere nunc cuiquam studet, qui Deo displicet? An illa ingemiscit & plangit, cui uacat cultum pretiosæ uestis induere, nec indumentum Christi quod perdidit cogitare? accipere pretiosa ornamenta, & monilia elaborata, nec diuini & cœlestis ornatus damna deflere? Tu licet indumēta peregrina et uestes sericas induas, nuda es. Auro te licet & margaritis gemmisq; cōdecorēs, sine Christi decore deformis es. Et quæ capillos tuos inficis, uel nūc in doloribus desine. Et quæ nigri pulueris ductu oculorū liniamēta depingis, uel nunc lacrymis oculos tuos ablue. Siquem de tuis charis mortalitatis exitu p̄didisses, ingemisceres dolēter & fle res, facie inculta, ueste mutata, neglecto capillo, uultu nubilo, ore deiecto indicia mœroris ostēderes. Animā tuā misera perdidisti, spiritualiter mortua superuiuere hic tibi, & ipsa ambulans funus tuum portare cœpisti, & non acriter plangis, non iugiter ingemiscis? Non te uel pudore criminis, uel continuatione lamentationis abscondis? Ecce peiora adhuc peccandi uulnera, ecce maiora delicta, peccasse, nec satisfacere: deliquisse, nec delicta deflere. Ananias, Azarias, Misahel illustres ac nobiles pueri, quò minus exomologesin Deo facerent, nec inter flammās & camini exæstuantis incendia quieuerunt. Bene sibi licet conscij, & dominum fidei ac timoris obsequio saepe promeriti, humilitatem tamē tenere & domino satisfacere nec inter ipsa gloriosa uirtutum suarum martyria destiterunt. Loquitur scriptura diuina: Stās, inquit, Azarias precatus est, & aperuit os suum, et exomologesin faciebat Deo simul cum sodalibus suis in medio ignis. Daniel quoq; post fidei atq; innocentie suæ multiplicē gratiam, post dignationem domini circa uirtutes ac laudes suas saepe repetitam, ieiunijs adhuc promereri Deum nititur, in sacco & in cinere uolutatur: exomo-

Deformis
qui q; sine
Dei decore.

Daniel. 3.

Daniel. 9. logetis faciens dolenter & dicens: Domine Deus magnus & fortis, & metuendus, qui seruas testamentum & miserationes eis qui te diligunt & conseruant imperia tua, peccauimus, facinus admisimus, impij fuimus, transgressi sumus, ac deseruimus præcepta tua & iudicia tua, non audiuius uerba puerorum tuorum prophetarum, quæ locuti sunt in nomine tuo super regeß nostros & omnes gentes, & super omnem terram. Tibi Domine gloria, tibi iustitia, nobis autem confusio. Hæc mites, hæc simplices, hæc innocentes in promerenda Dei maiestate fecerunt: & nunc satisfacere, & Dominum deprecari detrectant, qui Dominum negauerunt? Quæso uos fratres acquiescite salubribus remedijs, consilijs obedite melioribus, cum lacrymis nostris uestras lacrymas iungite, cum nostro gemitu uestros gemitus copulate. Rogamus uos, ut pro uobis Deum rogare possimus, preces ipsas ad uos prius uertimus, quibus Deum pro uobis ut misereatur, oramus. Agite poenitentiam plenam, dolentis ac lamentantis animi probate mœsticiam: nec uos quorundam moueat aut error improvidus, aut stupor uanus, qui cum te neantur in tam grandi crimine, percussi sunt animi cecitate, ut nec intelligant delicta, nec plangant. Indignantis Dei maior hæc plaga est, sicut scriptum est: Et dedit illis Deus spiritum transpunctionis. Et iterum: Delectum ueritatis non receperunt, ut salui fierent, ac propterea mittet illis Deus operationem erroris, ut credant mendacio, ut iudicentur omnes qui non crediderunt ueritati, sed sibi placeant in iustitia. Iniuste sibi placentes, & transpunctæ mentis alienatione dementes Dei præcepta contemnunt, medellam uulneris negligunt, agere poenitentiam nolunt. Ante admissum facinus improvidi, post facinus obstinati: nec prius stabiles, nec postmodum supplices: quando debuerant stare, iacuerunt: quando iacere & prosternere se Deo debent, stare se opinantur. Pacem sibi ultro nemine dante sumpserunt, falsa pollicitatione seducti, et apostatis ac perfidis

Esaiæ. 6.

2. Thes. 2.

iuncti errore pro ueritate sumpserunt. Communicationem nō communicantium ratam ducunt, hominibus contra Deum credunt, qui cōtra homines Deo non credunt. Eiusmodi homines quantum potestis effugite, perniciosis contactibus adherētes salubri cautione uitate. Sermo eorum sicut cancer serpit: colloquiū uelut cōtagium transilit: noxia & uenenata persuasio persecutione ipsa peius interficit: illhic superest pœnitētia quæ satisfaciāt. Qui autē pœnitētiā criminis tollunt, satisfactio- nis uiam claudunt. Ita fit ut dum temeritate quorundam uel promittitur salus falsa, uel creditur, spes ueræ salutis adima- tur. Vos uerò fratres, quorum timor in Deum pronus est, & in ruina licet animus cōstitutus mali sui memor est, pœnitētes ac dolentes peccata uestra perspicite, grauiſſimum conscientie crimen agnoscite, ad intelligentiam delicti uestri oculos cordis aperite, nec desperantes misericordiam domini, nec tamen iā ueniam uendicantes. Deus quantum patris pietate indulgens Sermo malo-
rum sicut can-
cer. Deus miseri-
cors. semper & bonus est, tantum iudicis maiestate metuendus est.

Quam magna deliquimus, tam granditer defleamus. Alto uul- neri diligens & longa medicina non desit: pœnitentia crimine minor non sit. Putas ne tu dominum citò posse placari, quem uerbis perfidis abnuisti, cui patrimonium præponere maluisti, cuius templum sacrilega contagione uiolasti? Putas facile eum misereri tui, quē tuum non esse dixisti? Orare oportet impen- sius & rogare, diem luctu transigere, uigilijs noctes ac fletibus ducere, tempus omne lacrymosis lamentationibus occupa- re, stratos solo adherere cineri, in cilicio uolutari & sordibus: post indumentū Christi perditum, nullum iam uelle uesti- tum: post diaboli cibum malle ieiunium: iustis operibus incum- bere, quibus peccata purgantur: elemosynis frequenter infi- stere, quibus à morte animæ liberantur: quod aduersarius au- serebat, Christus accipiat: nec teneri iam nec amari patrimo- nium debet, quo quis & deceptus & uictus est. Pro hoste ui-

tanda res, pro latrone fugienda, pro gladio metuenda possiden-
 tibus & uendenda. Ad hoc tantum profuerit quod remansit,
 ut inde crimē & culpa redimatur. Incūctanter & largiter fiat
 operatio: census omnis in medelam uulneris erogetur, opibus
 & facultatibus nostris qui de nobis iudicaturus est, Domino
 foeneretur. Sic sub Apostolis fides uiguit, sic primus creden-
 tium populus Christi mandata seruauit: prompti erant, largi
 erant, distribuendum per Apostolos totum dabant, et non talia
 delicta redimebant. Si precem toto corde quis faciat, si ue-
 ris pœnitentiæ lamentationibus & lacrymis ingemiscat, si ad
 ueniam delicti sui Dñm iustis & continuis operibus inflectat,
 misereri talium potest, qui & misericordiam suam protulit di-
 cens: Cum conuersus ingemueris, tunc saluaberis, & scies ubi
 fueris. Et iterum: Nolo mortem peccatoris, dicit Dominus,
 Exech. 33. quantam ut reuertatur & uiuat. Et Iohel propheta pietatem
 Iohel. 2. Dñi Dño ipso monente, declarat: Reuertimini, inquit, ad Do-
 minum Deum uestrum, quoniam misericors & pius est, et pa-
 tiens, & multæ miserationis, & qui sententiam flectat aduer-
 sus malitiam irrogatam. Potest ille indulgentiam dare, senten-
 tiam suam potest ille deflectere. Penitēti, operanti, roganti po-
 test clementer ignoscere: potest acceptū ferre, quicquid pro ta-
 libus & petierint Martyres, & fecerint sacerdotes: uel si quis
 plus eum suis satisfactionibus mouerit, si eius irā, si indignan-
 tis offensam iusta deprecatione placauerit. Dat ille arma rur-
 sum, quibus uictus armetur, reparat & corroborat uires, qui-
 bus fides instaurata uegetetur. Repetet, & certamen suū miles
 iterabit, in acie prouocabit hostem, & quidem factus ad præ-
 lium fortior post dolorem. Qui sic Deo satisfecerit, qui pœni-
 tentia facti sui, qui pudore delicti plus uirtutis & fidei de ip-
 so lapsus sui dolore conceperit, exauditus & adiutus à Dño,
 quam contristauerat nuper, letam faciet ecclesiam, nec iam so-
 lam Dei ueniam merebitur, sed coronam.

ARG. SERMONIS SEQ.

Sermo sextus eiusdē de oratione dominica, scilicet, Pater noster: in quo docet qua potissimū oratione uti, & qualiter ad eā accedere, & quo gestu corporis & mō uocis cōueniat, q se Xpianū esse asserit.

S E R M O S E X T U S D E

oratione dominica.

Vuāgelica præcepta, fratres dilectiſſ. nihil sunt aliud quā magistria diuina, fundamēta ædificandæ ſpei, fundamēta corroborandæ fidei, nutrimenta ſouendi cordis, gubernacula dirigēdi itineris, præſidia obtinendæ ſalutis: quæ dum dociles credentiū mētes in terris inſtruunt, ad cœleſtia regna perducunt. Multa & per prophetas ſeruos ſuos dici Deus uoluit & audiri: ſed quāto maiora ſunt quæ filius loquitur, quæ Dei ſermo, qui in prophetis fuit, propria uoce teſtatur? non iam mandans ut paretur uenienti uia, ſed ipſe ueniens & uiam nobis aperiens & oſtendens, ut qui in tenebris mortis errātes improvidi et cæci prius fuimus, lucis gratia illuminati, iter uitæ, duce & rectore Domino teneremus. Qui inter cætera ſalutaria ſua monita et præcepta diuina, quibus populo ſuo cōſulit ad ſalutē, etiā orādī ipſe formam dedit, ipſe quid precaremur monuit & inſtruxit. Qui fecit uiuere, docuit & orare, benignitate ſcilicet qua & cætera dare et conferre dignatus eſt, ut dum prece et oratione quā filius docuit, apud patrē loquimur, facilius audiamur. Iam prædixerat horā uenire, quādo uerī adoratores adorarēt patrē in ſpiritu et ueritate, et impleuit qd' ante promiſerat, ut q ſpiritū et ueritatē de eius ſanctificatione percepimus, de traditione quoq; eius uere et ſpiritualiter adoremus. Quæ enim pōt magis ſpirituālis eſſe oratio, q̄ quæ à Chriſto nobis data eſt, à quo nobis et ſpiritus ſanctus miſſus eſt? Quæ uera magis apud patrē precatio, q̄ quæ à filio qui eſt ueritas, de eius ore prolata.

Oratio dominica
ceteris
anteferenda.

- est ut aliter orare, quàm docuit, nō ignorantia sola sit, sed & culpa, quando ipse posuerit & dixerit: Reijcitis mandatum Dei, ut traditionem uestrā statuatis. Oremus itaq; fratres dilectissimi sicut magister Deus docuit. Amica & familiaris oratio est Deum de suo rogare, ad aures eius ascendere Christi orationem, Agnoscat pater filij sui uerba, cū precem facimus. Qui habitat intus in pectore, ipse sit et in uoce. Et cum ipsum habeamus apud patrē aduocatū pro peccatis nostris, quando peccatores pro delictis nostris petimus, aduocati nostri uerba promamus. Nam cū dicat, quia quodcunq; petieritis à patre in nomine meo, dabit uobis: quanto efficacius impetramus quod petimus in Christi nomine, si petamus ipsius oratione? Sit autem orantibus sermo & precatio cum disciplina, quietem continens & pudorem. Cogitemus nos sub cōspectu Dei stare. Placendum est diuinis oculis & habitu corporis & modo uocis. Nam ut impudentis est clamoribus strepere, ita contrā congruit uerecundo modestis precibus orare. Denique magisterio suo Dominus secretē nos orare præcepit in abditis & secretis, uel semotis locis, in cubiculis ipsis, quod magis conuenit fidei, ut sciamus Deum ubique esse præsentē, audire omnes & uidere, & maiestatis suæ plenitudine in abdita quoque & occulta penetrare, sicut scriptum est: Ego Deus appropinquans, & non Deus de longinquo. Si absconditus fuerit homo in absconditis, ergo ego non uidebo eum? Non ne cælum & terram ego impleo? Et iterum: In omni loco oculi Dei speculantur bonos & malos. Et quando in unum cum fratribus conuenimus, & sacrificia diuina cum Dei sacerdote celebramus, uerecundiæ & disciplinæ memores esse debemus: non passim uentilare preces nostras incōditis uocibus, nec petitionem cōmendandā modeste, Deo tumultuosa loquacitate iactare. Quia deus nō uocis, sed cordis auditor est. Nec admonēdus est clamoribus, qui cogitationes uidet, prouocāte Domino & dicente:

dicente: Quid cogitatis nequam in cordibus uestris? & alio
 loco: Et scient omnes ecclesie, quia ego sum scrutator renis
 & cordis. Quod Anna in primo Regnorū libro ecclesie ty-
 pum portans custodit & seruat, quæ Dominum non clamosa
 petitione, sed tacite & modeste intra ipsas pectoris latebras
 precabatur. Loquebatur prece occulta, sed manifesta fide: lo-
 quebatur nō uoce, sed corde: quia sic sciebat Deum audire, &
 impetrauit efficaciter quod petijt, quia fideliter postulauit.
 declarat scriptura diuina, quæ dicit: Loquebatur in corde
 suo, & labia eius mouebantur, & uox eius non audiebatur, et
 exaudiuit eam deus. Item legimus in psalmis, dicite in cor di-
 bus & in stratis uestris, & transpungimini. Per Hieremiam
 quoq; hæc eadem spiritus sanctus suggerit & docet, dicens: In
 sensu autem tibi debet adorari deus. Adorans autem fratres
 dilectissimi nec illud ignoret, quemadmodum in tēplo cū pha-
 riseo & publicanus orauerit, non alleuatis impudenter ad cœ-
 lum oculis, nec manibus insolenter erectis, pectus suū pulsans,
 & peccata intus inclusa cōtestans, diuine misericordie implo-
 rabat auxilium. Et cū sibi Phariseus placeret, sanctificari hic
 magis meruit, qui sic orauit, qui spem salutis non in fiducia
 innocentie suæ posuit, cum innocēs nemo sit, sed peccata con-
 fessus humiliter orauit, & exaudiuit orantem qui humilibus
 ignoscit. Quæ dominus in Euangelio suo ponit & dicit. Ho-
 mines duo ascenderunt in templum adorare, unus phariseus
 & alter publicanus. Phariseus cū stetisset, talia apud se præ-
 cabatur: Deus gratias tibi ago, quia non sum sicut ceteri ho-
 mines iniusti, raptores, adulteri, quomodo & publicanus iste:
 ieiuno bis in sabbato, decimas do de omnibus quæcunq; possi-
 deo. Publicanus autem de longinquo stabat, & neque oculos
 uolebat ad cœlum leuare, sed percutiebat pectus suum, dicens:
 Deus propitius esto mihi peccatori. Dico uobis, descendit hic
 iustificatus magis in domū suam, quā ille Phariseus. Quia

Luc 5.

Hier. 17.

Anna typus
ecclesia.

1. Reg. 1.

Psal 4.

Hier. 29.

Orandi adorā
dūq; modus.

Innocēs nemo

Luc. 18.

Math. 23.

Orandū quid

Oratio sit cō-
munis, & pu-
blica.

Dan. 5.

Act. 1.

omnis qui se extollit, humiliabitur, & qui se humiliauerit ex-
altabitur. Quæ nos fratres dilectissimi de diuina lectione di-
scientes, postquam agnouimus ad orationem qualiter accede-
re debeamus, cognoscamus, docente domino, & quid oremus.
Sic, inquit, orate: Pater noster qui es in cælis. Sanctificetur
nomen tuum. Adueniat regnum tuum. Fiat uoluntas tua, sicut
in cælo & in terra. Panem nostrum quotidianum da nobis
hodie. Et remitte nobis debita nostra, sicut & nos remitti-
mus debitoribus nostris. Et ne patiaris induci nos in tenta-
tionem: sed libera nos à malo. Amen. Ante omnia pacis do-
ctor, atque unitatis magister singulatim noluit, & priuatim
precem fieri, ut quis, cum precatur, pro se tantum precetur.
Non dicimus pater meus, qui in cælis es: nec, panem meum
da mihi hodie. Nec dimitti sibi tantum unusquisque delicta po-
stulat, aut ut in tentationem non inducatur, atque à malo libe-
retur, pro se solo rogat. Publica est nobis, & communis ora-
tio: & quando oramus, non pro uno, sed pro populo toto
oramus, quia totus populus unum sumus. Deus pacis & con-
cordiæ magister, qui docuit unitatem, sic orare unum pro
omnibus uoluit, quomodo in uno omnes ipse portauit. Hanc
orationis legem seruauerunt tres pueri in camino ignis in-
clusi, consonantes in prece, & spiritus consensione concor-
des. Quod declarat scripturæ diuinæ fides, et cum docet quo-
modo orauerint tales, dat exemplum quod imitari in preci-
bus debeamus, ut tales esse possimus. Tunc, inquit, illi tres
quasi ex uno ore hymnum canebant, & benedicebant Domi-
num. Loquebantur quasi ex uno ore, & nondum illos Chri-
stus orare docuerat, & idcirco orantibus fuit impetrabilis
& efficax sermo, quia promerebatur dominum pacifica, &
simplex, & spiritualis oratio: sic & apostolos cum discipulis
post ascensum domini inuenimus orasse. Erant, inquit, perseue-
rantes omnes unanimes in oratione cum mulieribus, & Ma-

ria, quæ fuerat mater IESV, & fratribus eius. Perseuerabāt in oratione unanimes, orationis suæ & instantiam simul, & cōcordiam declarantes. Quia deus, qui inhabitare facit unanimes in domo, non admittit in diuinam & æternam domum, nisi apud quos est unanimes oratio. Qualia autem sunt fratres dilectissimi orationis dominicæ sacramenta, quam multa, quàm magna breuiter in sermone collecta, sed in uirtute spiritualiter copiosa? ut nihil omnino prætermissum sit, quod non in precibus, atque orationibus nostris cœlestis doctrine compendio comprehendatur. Sic, ait, orate: Pater noster qui es in cœlis. Homo nouus renatus, & deo suo per gratiā eius restitutus, pater primo in loco dicit, quia filius esse iā cœpit. In sua, inquit, propria uenit, & sui eum non receperunt. Quotquot eum receperunt, dedit illis potestatem, ut filij dei fierent, qui credunt in nomine eius. Qui ergo credidit in nomine eius, & factus est dei filius, hinc debet incipere, ut & gratias agat, & profiteatur se dei filium, dum nominat patrem sibi esse in cœlis Deum: contestetur quoque inter prima statim natiuitatis suæ uerba renuntiasse se terreno & carnali patri, & patrem solum nosse se & habere cœpisse, qui sit in cœlis, sicut scriptum est: Qui dicunt patri & matri, non noui te, & filios suos non agnouerunt, hi custodierunt præcepta tua, & testamentum tuum seruauerunt. Item Dominus in Euangelio suo præcepit, ne uocemus nobis patrem in terra, quod sit scilicet nobis unus pater qui est in cœlis. Et discipulo, qui mentionem defuncti patris fecerat, respondit: Sine, mortui mortuos suos sepeliant: dixerat enim patrē suum mortuum, cum sit credentium pater uiuus. Nec hoc solum, fratres dilectissimi, animaduertere, & intelligere debemus, quod appellemus patrem, qui sit in cœlis: sed coniungimus & dicimus: pater noster, id est, eorū qui credūt, eorū qui per eum sanctificati, & gratiæ spiritualis natiuitate reparati, filij Dei

Psal. 67.

Matth. 6.

Ioan. 1.

Deute. 33.

Matth. 23.

Matth. 8.

esse coeperunt. Quæ uox etiam Iudeos perstringit, et percutit, qui Christum sibi per prophetas annuntiatur, et ad se prius missum non tantum spreuerunt infideliter, sed et crudeliter nececauerunt. Qui iam non possunt patrem Deum uocare, cum Dominus eos confundat, et redarguat, dicens: Vos de diabolo patre estis, et concupiscetias patris uestri uultis facere. Ille enim homicida fuit ab initio, et in ueritate non stetit: quia ueritas non est in illo. Et per Esaiam prophetam Deus clamat indignans:

Ioan. 8.

Esa. 1.

Filios genui et exaltaui: ipsi autem me spreuerunt. Agnouit bos possessorem suum, et asinus præsepe domini sui: Israel autem me non cognouit, et populus me non intellexit. Vae gens peccatrix, populus plenus peccatis, semen nequam, filij scelesti. Dereliquistis Dominum, et in indignationem misistis illum sanctum Israel. In quorum exprobrationem Christiani quando oramus, pater noster dicimus, quia noster esse coepit, et Iudeorum, qui eam reliquerunt, esse desijt: nec peccator populus potest esse filius, sed quibus remissa peccatorum datur, eis filiorum nomen adscribitur, eis et æternitas repromittitur, Domino ipso

Ioan. 8.

dicente: Omnis qui facit peccatum, seruus est peccati. Seruus autem non manet in domo in æternum, filius manet in æternum. Quanta autem Domini indulgentia, quanta circa nos dignationis eius et bonitatis ubertas, qui sic nos uoluerit orationem celebrare in conspectu Dei, ut Deum patrem uocemus, et ut est Christus dei filius, sic et nos dei filij nuncupemur. Quod nomen nemo nostrum in oratione auderet attingere, nisi ipse nobis sic permisisset orare. Meminisse itaque fratres dilectissimi et scire debemus, quia quando Deum patrem dicimus, quasi filij dei agere debemus, ut quomodo nos nobis placemus de deo patre, sic sibi placeat et ille de nobis. Conuersemur quasi dei templa, ut deum in nobis constet habitare. Nec degeneret actus noster à spiritu, ut qui cœlestes et spirituales esse cœpimus, non nisi spiritualia et cœlestia cogitemus, et agamus.

mus, qui et ipse Deus dixit: Eos qui clarificant me, clarifica-
 bo, & qui me spernit, spernetur. Beatus quoque Apostolus in
 epistola sua posuit: Non estis uestri, empti enim estis pretio
 magno, clarificate & portate Deum in corpore uestro. Post
 hoc dicimus: Sanctificetur nomen tuum: non quod optemus
 Deo, ut sanctificetur orationibus nostris, sed quod petamus ab
 eo, ut nomen eius sanctificetur in nobis. Ceterum à quo Deus
 sanctificatur, qui ipse sanctificat? Sed quia ipse dixit: Sancti
 estote, quoniam ego sanctus sum: ideo petimus & rogamus,
 ut qui in baptismo sanctificati sumus, in eo, quod esse cœpi-
 mus, perseveremus: & hoc quotidie deprecamur. Opus est
 enim nobis quotidiana sanctificatione, ut qui quotidie delin-
 quimus, delicta nostra sanctificatione assidua repurgemus.
 Quæ autem sit sanctificatio, quæ nobis de Dei dignatione con-
 fertur, Apostolus prædicat, dicens: Neque fornicarij, neque ido-
 lis seruientes, neque adulteri, neque molles, neque masculorū appe-
 titores, neque fures, neque fraudulentij, neque ebriosi, neque maledi-
 ci, neque raptores regnū Dei cōsequentur. Et hæc quidem fui-
 stis, sed abluti estis, sed iustificati estis, sed sanctificati estis in
 nomine domini Iesu Christi, & in spiritu Dei nostri. Sancti-
 ficatos nos dicit in nomine domini Iesu Christi, & in spiritu
 Dei nostri. Hæc sanctificatio ut in nobis permaneat oramus,
 & quia Deus, & iudex noster sanato à se & uiuificato com-
 minatur iam non delinquere, nequid ei deterius fiat, hanc
 continuis orationibus precem facimus, hoc diebus ac noctibus
 postulamus, ut sanctificatio & uiuificatio, quæ de Dei gratia
 sumitur, ipsius protectione seruetur. Sequitur in oratione. Ad
 ueniat regnum tuum. Regnum etiam Dei representari nobis
 petimus, sicuti & nomen eius, ut in nobis sanctificetur, postu-
 lamus. Nam Deus quādo nō regnat, aut apud eum quādo in-
 cipit, quod & semper fuit, & esse non desinit? Nostrū regnū
 petimus aduenire à Deo nobis repromissum, Christi sanguine

1. Reg. 2.

1. Cor. 6.

Sanctificetur
nomen tuum.

1. enit. 20.

Delinquimus
quotidie.

1. Cor. 6.

et passione quesitum, ut qui in seculo ante seruimus, postmodum Christo dominante regnemus, sicut et ipse pollicetur
 Matth. 23. et dicit: Venite benedicti patris mei, percipite regnum quod uobis paratum est ab origine mundi. Potest uero fratres dilectissimi et ipse Christus esse regnum Dei, quem uenire quotidie cupimus: cuius aduentus ut citò nobis representetur, optamus. Nam cum resurrectio ipse nostra sit, qui in ipso resurgimus, sic et regnū Dei potest ipse intelligi quia in illo regnaturi sumus. Bene autem regnum Dei petimus, id est, regnum
 Regnū cæleste
 Terreſtre. cæleste, quia est et terreſtre regnum. Sed qui renuntiavit iam seculo, maior est et honoribus eius et regno, et ideo qui se Deo et Christo dedicat, non terrena, sed cælestia regna desiderat. Continua autem oratione et prece opus est, ne excidamus à regno cælesti, sicut Iudæi, quibus hoc promissum
 Matth. 3. prius fuerat, exciderunt, domino manifestante et probante: Multi, inquit, uenient ab Oriente et Occidente, et recumbent cum Abraham, Isaac, et Iacob in regno cælorum, Filij autem regni expellentur in tenebras exteriores: illic erit ploratio et stridor dentium. Ostendit quia ante filij regni Iudæi erant, quādo et filij Dei esse perseverabāt. Postquā cessauit circa illos nomen paternum, cessauit et regnum. Et ideo Christiani, qui in oratione appellare patrem Deum cœpimus, nos et ut regnum dei nobis ueniat oramus, addimus quoque et dicimus: Fiat uoluntas tua, sicut in cælo, et in terra: non ut deus faciat quod uult, sed ut nos facere possimus, quod deus uult. Nam deo quis obsistit, quò minus quod uelit faciat? Sed quia nobis à diabolo obsistitur, quò minus per omnia noster animus, atque actus deo obsequatur, oramus et petimus, ut fiat in nobis uoluntas dei, quæ ut fiat in nobis, opus est dei uoluntate, id est, ope eius et protectione, quia nemo suis uiribus fortis est, sed dei indulgentia et misericordia tutus est. Denique et deus infirmitatem hominis, quem portabat, ostendens ait:

Pater, si fieri potest, transeat à me calix iste. Et exemplum discipulis suis tribuens, ut non uoluntatem suam, sed Dei faciāt, addidit, dicens: Verumtamen non quod ego uolo, sed quod tu. Et alio loco dicit: Non descēdi de cœlo, ut faciam uoluntatem meā, sed eius qui me misit. Quod si filius obaudiuit, ut faceret patris uoluntatē, quāto magis seruus obaudire debet, ut faciat Dei uoluntatē: sicut in epistola sua Ioānes quoq; ad faciendam Dei uoluntatē hortatur & instruit, dicēs: Nolite diligere mundum, neq; ea quæ in mundo sunt. Siquis dilexerit mundū, non est dilectio patris in illo. Quia omne quod in mundo est, concupiscentia carnis est, & concupiscētia oculorum, & ambitio seculi, quæ nō est à patre, sed ex cōcupiscentia mundi, & mundus trāsibit & cōcupiscētia eius. Qui autē fecerit uoluntatem Dei, manet in æternum, quomodo et Deus manet in æternum. Qui in æternū manere uolumus, Dei qui æternus est, uolūtātē facere debemus. Voluntas autē Dei est, quā Christus et docuit et fecit: Humilitas in cōuersatione, stabilitas in fide, uerecundia in uerbis, in factis iustitia, in opibus misericordia, in moribus disciplina, iniuriam facere non nosse, et factam tolerare posse, cum fratribus pacem tenere, Deum toto corde diligere, amare in illo quod pater est, timere quod Deus est, Christo nihil omnino preponere, quia nec nobis ille quicquam preposuit, charitati eius inseparabiliter adherere, cruci eius fortiter ac fidenter assistere, quando de eius nomine & honore certamen est, exhibere in sermone cōstantiam, qua confitemur: in questione fiduciā, qua cōgredimur: in morte patientiā, qua coronamur: hoc est coheredem Christi uelle esse, hoc est præceptum Dei facere, hoc est uoluntatem patris adimplere. Fieri autem petimus uoluntatem Dei, ut in cœlo & in terra, quod utrunque ad consummationem nostræ uoluntatis pertinet, & salutis.

Nam cum corpus ē terra, & spiritū possideamus ē cœlo, ipsi terra et cœlum sumus, & in utroq; id est, corpore et spiritu,

Colluctatio carnis, et spiritus. ut Dei uoluntas fiat, oramus. Est enim inter carnē & spiritum colluctatio, & discordantibus aduersus se inuicem quotidiana congressio, ut non quæ uolumus ipsa faciamus, dum spiritus cœlestia & diuina quærit, caro terrena & secularia concupiscit: & ideo petimus impense inter duo ista ope & auxilio Dei concordiam fieri, ut dum & spiritu, & carne uoluntas Dei geritur, quæ per eum renata est, anima seruetur. Quod aperte, atq; manifeste apostolus Paulus sua uoce declarat: Caro, inquit, concupiscit aduersus spiritum, & spiritus aduersus carnem. Hæc enim inuicem aduersantur sibi, ut non quæcunq; uultis ipsa faciatis. Manifesta autē sunt facta carnis, quæ sunt, adulteria, fornicationes, immunditiæ, spurcitiæ, idololatria, ueneficia, homicidia, inimicitie, contentiones, emulationes, animositates, prouocationes, similitates, dissensiones, hæreses, inuidiæ, ebrietates, comessationes, et his similia, quæ prædico uobis sicut prædixi, quoniā qui talia agunt, regnum Dei non possidebunt. Fructus autem spiritus est charitas, gaudium, pax, magnanimitas, fides, mansuetudo, continentia, castitas. Et idcirco quotidianis imo cōtinuis orationibus hoc precamur, & in cœlo & in terra uoluntatē circa nos Dei fieri: quia hæc est uoluntas Dei, ut terrena cœlestibus cedant, spiritualia & diuina præualeant. Potest etiam sic intelligi fratres dilectissimi, ut quoniam mandat, & monet Deus etiā inimicos diligere, & pro ijs quoque qui nos persequantur orare, petamus & pro illis qui adhuc terreni sunt, & necdum cœlestes esse cœperūt, ut & circa illos uoluntas Dei fiat, quam Christus hominē conseruando, & redintegrādo perfecit. Nam cum discipuli ab eo non iam terreni appellentur, sed sal terræ, & Apostolus primum hominem uocet de terræ limo, secundum uerò de cœlo, merito & nos, qui esse debemus patri Deo similes, qui solem suum oriri facit super bonos & malos, & pluit super iustos & iniustos, sic monente Deo oramus, & petimus, ut precem

Matth. 5.

1. Cor. 15.

pro omnium salute faciamus. Vt quomodo in cælo, id est, in nobis per fidem nostram uoluntas Dei facta est, ut essemus de cælo: ita & in terra, hoc est, in illis credentibus fiat uoluntas Dei, ut qui adhuc sunt prima natiuitate terreni, incipiant esse cælestes ex aqua & spiritu nati. Procedente oratione posuimus, & dicimus: Panem nostrum quotidianum da nobis hodie. Quod potest spiritualiter & simpliciter intelligi, quia & Panē nostrū
quotidianū:
interpretatio. uterque intellectus utilitate diuina proficit ad salutem. Nam panis uitæ Christus est, & panis hic omnium non est, sed noster est: & quomodo dicimus pater noster, quia intelligentium & credentium pater est: sic & panem nostrum uocamus, quia Christus noster, qui corpus eius contingimus, panis est. Hunc autem panem dari nobis quotidie postulamus, ne qui in Christo sumus, & eucharistiam quotidie ad cibum salutis accipimus, intercedente aliquo grauiore delicto, dum abstinenti & non communicantes à cælesti pane prohibemur, à Christi corpore separemur, ipso prædicante & monente: Ego sum panis Ioan. 6. uitæ, qui de cælo descendi. Siquis ederit de hoc pane, uiuet in æternum. Panem autem, quem ego dedero, caro mea est pro seculi uita. Quando ergo dicit in æternum uiuere, siquis ederit de eius pane, ut manifestum est eos uiuere, qui corpus eius attingunt, & eucharistiam iure communicationis accipiunt: ita contrà timendum est, & orandum, ne dum quis abstentia separatur à Christi corpore, procul remaneat à salute, comminante ipso & dicente: nisi ederitis carnem filij hominis, & biberitis sanguinem eius, nō habebitis uitam in uobis. Et ideo panem nostrum, id est, Christum dari nobis quotidie petimus, ut qui in Christo manemus & uiuimus, à sanctificatione & corpore eius non recedamus. Potest uerò & sic intelligi, ut Alia interpre-
tatio. qui seculo renuntiauius, & diuitias eius & pompas fidei gratia spiritualis abieciuis, cibum nobis tantum petamus & uictum, cum instruat dominus & dicat: Qui non renuntiaue Luc 14.

rit omnibus, quæ sunt eius, nō potest meus discipulus esse. Qui autem Christi cœpit esse discipulus, secundum uocem magistri sui renuntians omnibus, diurnum debet cibum petere, nec in longum desideria petitionis nostræ extendere, ipso iterum

Matth. 6. domino præscribente & dicente: Nolite in crastinum cogitare: crastinus enim dies ipse cogitabit sibi. Sufficit diei malitia sua. Merito ergo Christi discipulus uictum sibi in diem postulat, qui de crastino cogitare prohibetur: quia & cōtrarium sibi fit, & repugnans, ut queramus in seculo diu uiuere, qui petimus regnum Dei uelociter aduenire. Sic & beatus Apostolus monet, formans & corroborans spei nostræ ac fidei fir-

1. Timo. 6. mitatem: Nihil, inquit, intulimus in hunc mundū, uerum neque auferre quid possumus: Habentes itaque exhibitionem, & tegumentum, his contenti sumus. Qui autem uolunt diuites fieri, incidunt in tentationem, & in sculpas diaboli, & desideria multa & nocentia, quæ mergunt hominem in perditionem, et

Cupiditas malorum radix. in interitum. Radix enim omnium malorum est cupiditas, quam quidam appetentes naufragauerunt à fide, & inferuerunt se doloribus multis. Docet non tantum contemnendas, sed & periculosas esse diuitias, illhic esse radicem malorum blandientium, cæcitatem mentis humanæ occulta deprædatione fallentium. Vnde & diuitem stultum seculares copias cogitantē, & se exuberantiū fructuum largitate iactantem redarguit Deus,

Luc. 12. dicēs: Stulte hac nocte exposculatur anima tua: quæ ergo parasti cuius erunt? Lætabatur stultus in fructibus nocte moriturus, et cui uita iam deerat, uictus abundantiam cogitabat. Contra autem dominus perfectum, & consummatum docet fieri,

Matth. 19. qui omnibus suis uenditis, atque in usum pauperum distributis thesaurum sibi condit in cœlo. Eum dicit posse se sequi, & gloriam dominicæ passionis imitari, qui expeditus & succinctus nullis laqueis rei familiaris inuoluitur, sed solutus ac liber, facultates suas ad dominū antè præmissas ipse quoque comi-

tatur. Ad quod ut possit unusquisque nostrum parare se, sic discit orare, et de orationis lege qualis esse debeat noscere. Neque enim deesse quotidianus cibus potest iusto, cum scriptum sit: Non occidit dominus fame animam iusti. Et iterum: Iunior fui et senui, et non uidi iustum derelictum, neque semen eius querens panem: Item dominus promittat et dicat: Nolite cogitare dicentes: Quid edemus, aut quid bibemus, aut quid uestiemur? hæc enim nationes querunt. Scit autem pater uester quia horum omnium indigetis. Querite primum regnum et iustitiam dei, et hæc omnia apponentur uobis. Querentibus regnum et iustitiam dei, omnia promittit apponi. Nam cum sint dei omnia, habenti dominum nihil deerit, si deo ipse non desit, Sic Danieli in leonem lacu iussu regis incluso, prandium diuinitus procuratur, et inter feras esurientes, et parcentes homo dei pascitur. Sic alitur Helias in fuga, et in solitudine coruis ministrantibus, et uolucris cibum sibi apportantibus in persecutione nutritur. Atque o humane malitiæ detestanda crudelitas: feræ parcunt, aues pascunt, homines insidiantur et scuiunt. Post hæc et pro peccatis nostris deprecamur, dicentes: Et remitte nobis debita nostra, sicut et nos remittimus debitoribus nostris. Post subsidium cibi petitur et uenia delicti, ut qui à deo pascitur, in deo uiuat, nec tantum præsentis et temporali uitæ, sed et æternæ consulatur, ad quam uenire potest, si peccata donentur: quæ debita dominus appellat. sicut in Euangelio suo dicit: Remisi tibi omne debitum, quia me rogasti. Quam autem necesse, quam prouidenter et salubriter admonemur, quod peccatores sumus, qui pro peccatis rogare compellimur, ut dum indulgentia de deo petitur, conscientie suæ animus recordetur. Nequis sibi quasi innocens placeat, et se extollendo plus pereat, instruitur et docetur peccare quotidie, dum quotidie pro peccatis iubetur orare. Sic denique et Ioannes in epistola sua monet, dicens: Si disc-

Prouer. 10.

Psal. 36.

Matth. 6.

Daniel. 14.

3. Reg. 17.

Remitte nobis debita.

Matth. 18.

1. Ioan. 1.

xerimus quia peccatum non habemus, nos ipsos decipimus,
 & ueritas in nobis non est. Si autem confessi fuerimus pecca-
 ta nostra, fidelis et iustus est dominus, qui nobis peccata dimit-
 tat. In epistola sua utrunque complexus est, quod & roga-
 re pro peccatis debeamus, & impetremus indulgentiam cum
 rogamus. Ideo & fidelem dixit dominum ad dimittenda pec-
 cata, fidem pollicitationis sue reseruantem. Quia qui orare
 nos pro debitis & peccatis docuit, paternam misericordiam
 promisit, & ueniam secuturam. Adiunxit planè & addidit le-
 gem, certa nos conditione & sponsione constringens, ut sic
 nobis dimitti debita postulemus, secundum quod & ipsi debi-
 toribus nostris dimittimus: scientes impetrare non posse, quod
 pro peccatis petimus, nisi & ipsi circa debitores nostros pa-
 Math. 7. ria fecerimus. Idcirco & alio in loco dicit: In qua mēsurā men-
 si eritis, in ea remetietur uobis. Et qui seruus post dimissionem si-
 bi à domino omne debitū, cōseruo suo noluit ipsi dimittere, in
 carcerē religatur. Quia indulgere cōseruo suo noluit, quod
 sibi à domino indultū fuerat, amisit. Quæ adhuc fortius Chri-
 Mar. 11. stus in præceptis suis maiore cēsura sue uigore prædixit: Cū
 steteritis, inquit, ad orationē, remittite, siqd habetis aduersus
 aliquē, ut & pater uester qui in cœlis est, remittat peccata uo-
 bis: si autem uos non remiseritis, neq; pater uester qui in cœlis
 est, remittet peccata uobis. Excusatio tibi nulla in die iudicij su-
 perest, cum secundum tuam sententiam iudiceris, & quod fece-
 ris hoc & ipse patiaris. Pacificos enim et cōcordes, atq; una-
 nimes esse in domo sua Deus præcipit, et quales nos fecit nati-
 uitate secūda, tales uult renatos perseuerare, ut qui filij dei es-
 se cœpimus, in dei pace maneamus, & quibus spiritus unus
 est, unus sit & animus, & sensus: sic nec sacrificium Deus re-
 cipit. Dissidentem ab altari reuertentem prius fratri reconcilia-
 ri iubet, ut pacificis precibus & Deus possit esse pacatus.
 Sacrificium Deo maius est pax nostra, et fraterna concordia,

et de unitate patris et filij et spiritus sancti plebs adunata.
 Neque enim in sacrificijs, quæ Abel et Cain primi obtulerunt, munera eorum Deus, sed corda intuebatur, ut ille placeret in munere, qui placebat in corde. Abel pacificus et iustus, dum Deo sacrificat innocenter, docuit et cæteros quando ad altare munus offerunt, sic uenire cum timore Dei, cum simplici corde, cum lege iustitiæ, cum concordie pace. Merito ille dum in sacrificio dei talis esset, postmodum sacrificium deo factus est, ut martyrium primus ostendens, initiaret et sanguinis sui gloria dominicam passionem, qui et iustitiam habuerat, et pacem: tales denique à domino coronantur. tales in die iudicij cum domino uindicabuntur. Ceterum discordans et dissidens, et pacem cum fratribus non habens, secundum quod beatus Apostolus, et scriptura sancta testatur, nec si pro nomine Christi occisus fuerit, crimen dissensionis poterit euadere, quia sicut scriptum est: Qui fratrem suum odit, homicida est, nec ad regnum cælorum peruenit, ut cum deo uiuat homicida. Non potest esse cum Christo, qui imitator Iudæ maluit esse, quàm Christi. Quale delictum est, quod nec baptismo sanguinis potest abluï? Quale crimen est, quod martyrio non potest expiari? Illud quoque necessarie admonet dominus, ut in oratione dicamus: Et ne patiaris nos induci in tentationem. Qua in parte ostenditur nihil contra nos aduersarium posse, nisi deus ante permiserit, ut omnis timor noster et deuotio, atque obseruatio ad deum conuertatur, cum in tentationibus nostris nihil malo liceat, nisi potestas inde tribuatur, probat scriptura diuina, quæ dicit: Venit Nabuchodonosor rex Babylonie in Hierusalem, et expugnabat eam, et dedit eam deus in manu eius. Datur autem potestas aduersus nos malo, secundum nostra peccata, sicut scriptum est: Quis dedit in direptionem Iacob et Israel eis, qui prædantur illum? nonne deus cui peccauerunt, et nolebant

Gen. 4.

1. Ioan. 3.

Ne nos inducas in tentationem.

4. Reg. 24.

Esaiæ 42.

in uis eius ambulare, neque audire legem eius, & superdu-
 3. Reg. 11. xit super eos iram animationis sue? Et iterum: Salomone pec-
 cante, & à præceptis et à uis Domini recedente sic positum
 est: excitauit Dominus satã ipsi Salomoni. Potestas uerò aduer-
 sus nos dupliciter datur, uel ad pœnam cum delinquimus, uel
 ad gloriam cum probamur: sicuti de Iob factum uidemus ma-
 Iob. nifestante Deo & dicente: Ecce omnia quæcunque habet, in
 manus tuas do, sed ipsum caue ne tangas. Et Dominus in Euan-
 Ioan. 19. gelio loquitur tẽpore passionis: Nullam haberes, inquit, ad-
 uersum me potestatem, nisi data tibi esset de super. Quando au-
 tem rogamus, ne in tentationem incidamus, admonemur infir-
 mitatis & imbecillitatis nostræ, dum sic rogamus, nequis se
 insolenter extollat, nequis sibi superbe, atq; arroganter ali-
 quid assumat, nequis aut confessionis, aut passionis gloriam
 Marc. 14. suam ducat, cum Dominus ipse humilitatem docēs dixerit: Vi-
 gilate & orate, ne ueniat in tentationem. Spiritus quidem
 promptus est, caro autem infirma: ut dum precedit humilis et
 summissa confessio, & datur totum Domino, quicquid suppli-
 citer cum timore & honore Dei petitur, ipsius pietate præste-
 tur. Post ista omnia in consummatione orationis uenit clau-
 sula, uniuerfas petitiones & preces nostras collecta breuitate
 concludens. In nouissimo enim ponimus: Sed libera nos à ma-
 lo: comprehendentes aduersa cuncta, quæ contra nos in hoc
 mũdo molitur inimicus, à quibus potest esse fida, & firma tu-
 tela, si nos Deus liberet, si deprecantibus, atque imploranti-
 bus opem suam præstet. Quando autem dicimus: libera nos
 à malo, nihil remanet quod ultra adhuc debeat postulari, cum
 semel protectionem Dei aduersus malum petamus, qua impe-
 trata contra omnia, quæ diabolus & mundus operatur, secu-
 ri stamus & tuti. Quis enim ei de seculo metus est, cui in secu-
 lo Deus tutor est? Quid mirũ, fratres dilectissimi, si oratio ta-
 lis est, quã Deus docuit, qui magisterio suo omnẽ precẽ nostrã

Sed libera nos
 à malo.

salutari sermone breuiavit? Hoc iam per Esaïam prophetam fuerat antè prædictum, cum plenus spiritu sancto de Dei maiestate ac pietate loqueretur: Verbum consummans, inquit, et breuians in iustitia, quoniã sermonem breuitatum faciet Deus in toto orbe terræ. Nam cum Dei sermo dominus noster Iesus Christus omnibus uenerit, & colligens doctos pariter & indoctos, omni sexui, atque ætati præcepta salutis ediderit, præceptorum suorum fecit grande compendium, ut in disciplina coelesti discantium memoria non laboraret, sed quod esset simplici fidei necessariũ, uelociter disceret. Sic cum doceret quid sit uita æterna, sacramentum uitæ magna & diuina breuitate complexus est, dicens: Hæc est autẽ uita æterna, ut cognoscant te solam & uerum Deum, & quem misisti Iesum Christum. Item cum de lege & prophetis præcepta prima, & maiora decerneret: Audi, inquit, Israel, dominus Deus tuus dominus unus est. & Diliges dominum Deum tuũ de toto corde tuo, & de tota anima tua, & de tota uirtute tua: hoc est primum, & secundum simile huic: Diliges proximum tuum tanquam te. In his duobus præceptis tota lex pendet & propheta. Et iterum: Quæcunq; uolueritis ut faciant uobis homines bona, ita & uos facite illis. Hæc est enim lex & propheta. Nec uerbis tantum, sed & factis Dñs orare nos docuit, ipse orans frequenter, & deprecans, & quid facere nos oportet exẽpli sui contestatione demonstrans, sicut scriptum est: Ipse autem fuit sededẽs in solitudine & adorans. Et iterum: Exiuit in montem orare, & fuit pernoctãs in oratione Dei. Quod si ille orabat, qui sine peccato erat, quanto magis peccatores oportet orare? Et si ille per totam noctẽ iugiter uigilans continuis precibus orabat, quãto nos magis in frequẽtanda oratione debemus nõ esse uigilare? Orabat aut Dñs, & rogabat nõ pro se: qd enim pro se innocẽs precaretur? sed pro delictis nostris, sicut et ipse declarat cũ dicit ad Petrũ: Ecce satanas expetiuuit, ut uos uexa-

Esa. 10.

Ioan. 17.

Deut. 6.

Matth. 7.

Luc. 9.

Matth. 14.

Mar. 6.

Luc. 22.

ret quomodo triticum, ego autem rogaui pro te, ne deficiat fructus tua. Et postmodum pro omnibus patrem deprecatur, dicens: Non pro his autē solum rogo, sed & pro his qui credituri sunt per uerbum ipsorum in me, ut omnes unum sint, sicut tu pater in me & ego in te, ut & ipsi in nobis sint. Magna Domini propter salutem uestram benignitas pariter & pietas, ut non contentus quod nos sanguine suo redimeret, adhuc pro nobis amplius & rogaret. Rogantis autem desiderium uidete quod fuerit, ut quomodo unū sunt pater & filius, sic & nos in ipsa unitate maneamus, ut hinc quoque possit intelligi quantum delinquat, qui unitatem scindit & pacem, cum pro hoc & rogauerit Dominus, uolēs scilicet plebem suā unire, cum sciret ad regnum Dei discordiam non uenire. Quando autem stamus ad orationem, fratres dilectissimi, uigilare & incumbere ad preces toto corde debemus. Cogitatio omnis secularis & carnalis abscedat, nec quicquam tunc animus, quam id solum cogitet quod precatur. Ideo et sacerdos ante orationem præfatione præmissa, parat fratrum mentes dicendo, sursum corda, ut dum respondet plebs, habemus ad Dominū, admoneatur nihil aliud se, quam Dominū cogitare debere. Clauditur contra aduersarium pectus, & soli Deo pateat, nec ad se hostem Dei, tempore orationis adire patiatur: obrepit enim frequēter & penetrat, & subtiliter fallens preces nostras à Deo auocat, ut aliud habeamus in corde, aliud in uoce, cum intentione sincera Dominū debeat non uocis sonus, sed animus & sensus orare. Quæ autem segnitia est alienari & capi ineptis cogitationibus & profanis, cum Dominum deprecaris, quasi sit aliud quod magis debeas cogitare, quam quod cum Deo loquaris? Quomodo te audiri à Deo postulas, cum te ipse nō audias? Vis esse Deū memorem tui cum rogas, cum tu ipse memor tui non sis? hoc est ab hoste in totū non cauere, hoc est quando oras Dominum, maiestatem Dei negligētia orationis offende

Cogitatio carnalis abijcenda

Sursum corda.

offendere, hoc est uigilare oculis, & corde dormire, cum debeat Christianus, & cum dormit oculis, corde uigilare. Sicut scriptum est ex persona ecclesie loquentis in Cantico canticorum: Ego dormio, & cor meum uigilat. Quapropter sollicite & caute Apostolus admonet dicens: Instate orationi uigilantes in ea. Docens scilicet & ostendens eos impetrare quod poscunt de Deo posse, quos Deus uideat in oratione uigilare. Orantes autem non infructuosos, nec nudis precibus ad Deum ueniamus. Inefficax petitio est, cum precatur Deus sterilis oratio. Nam cum omnis arbor non faciens fructum excidatur, & in ignem mittatur: utique & sermo non habens fructum promereri Deum non potest, qui nulla operatione fecundus est. Et ideo scriptura diuina instruit dicens: Bona est oratio cum ieiunio & eleemosyna. Nam qui in die iudicii premium pro operibus & eleemosynis redditurus est, hodie quoque ad orationem cum operatione ueniendi benignus auditor est. Sic denique Cornelius centurio cum oraret meruit audiri: Fuit faciens multas eleemosynas in plebem & semper orans Deum, huic circa horam nonam oranti assistit Angelus testimonium reddens sui operis & dicens: Corneli, orationes tue & eleemosynae ascenderunt ad memoriam coram Deo. Citò orationes ad Deum ascenderunt, quas ad Deum merita nostri operis imponunt. Sic & Raphael Angelus Tobiae oranti semper, & semper operanti testis fuit dicens: Opera Dei reuelare & confiteri honorificum est. Nam quando orabas ut & Sara, ego obtuli memoriam orationis uestrae in conspectu claritatis Dei. Et cum sepelires tuos mortuos simpliciter, & quia non es cunctatus exurgere & derelinquere prandium tuum, & abisti condidisti mortuum, & missus sum tentare te, & iterum misit me Deus curare te, & Saram uirum tuum. Ego enim sum Raphael unus ex septem Angelis iustis, qui assistimus & conuersamur ante claritatem Dei. Per Esaiam quoque Dominus admonet & docet similia

Canti. 5.
Coloss. 4.

Tob. 12.

Cornelius centurio.

Act. 10.

Raphael Angelus.

alias, cogitationem.

Philip. 4.

contestans, Solue, inquit, omnem nodum iniustitiæ, resoluæ suffocationes impotentium commerciorum. Dimitte quassatos in requiem, & omnem consignationem iniustam dissipa. Frange esurienti panem tuum, & egenos sine tecto induc in domum tuam. Si uideris nudum uesti, & domesticos seminis tui non despicias. Tunc erumpet temporaneum lumen tuum, & uestimenta tua citò orientur, & præbit ante te iustitia, & claritas Dei circūdabit te. Tunc exclamabis & Deus exaudiet te, dum adhuc loqueris, dicet, ecce adsum. Adesse se promittit, & audire & protegere se eos dicit, qui iniustitiæ nodos de corde soluentes, & eleemosynas circa domesticos Dei secundū eius præcepta facientes, dum audiunt quod Deus præcepit fieri, ipsi quoq; à Deo merentur audiri. Beatus Apostolus Paulus in necessitate pressuræ adiutus à fratribus, opera quæ fiunt, sacrificia Dei dixit esse, Saturatus sum, inquit, recipiens ab Epaphrodito ea quæ à nobis missa sunt, odorem suauitatis, sacrificio accepto & placente Deo. Nam quando quis miseretur pauperis, Deo foenerat, & qui dat minimis, deo donat, spiritualiter deo suauitatis odorem sacrificat. In orationibus uerò celebrādis inuenimus obseruasse cum Daniele tres pueros, in fide fortes, et in captiuitate uictores, horam tertiam, sextam, nonam, sacramēto scilicet trinitatis, quæ in nouissimis temporibus manifestari habebat. Nam & prima hora in tertiam ueniens, consummatum numerum trinitatis ostendit. Itemq; ad sextam quarta procedens, declarat alteram trinitatē. Et quando à septima nona completur, per ternas horas trinitas perfectā numeratur, quæ horarum spatia iam pridem spiritualiter determinātes adoratores dei statutis & legitimis ad precē temporibus seruiebant, & manifesta postmodum res est, sacramentū olim fuisse, quod antè sic iusti precabātur. Nam super discipulos hora tertia descendit spiritus sanctus, qui gratiam dominicæ promissionis impleuit. Item Petrus ho

ra sexta in tectum superius ascendens signo pariter & uoce Dei monentis instructus est, ut omnes ad gratiā salutis admitteret, cum de emundandis gentilibus antē dubitaret. Et dominus hora sexta crucifixus, ad nonam peccata nostra sanguine suo abluit, & ut redimere & uiuificare nos posset, tunc uictoriam suam passione perfecit. Sed nobis, fratres dilectiss. præter horas antiquitus obseruatas orandi, nunc & spatia & sacramēta creuerūt. Nam & mane orandū est, ut resurrectio domini matutina oratione celebretur, quod olim spiritus sanctus designabat in psalmis, dicens. Rex meus & Deus meus, quoniam
 nian ad te orabo domine mane, & exaudies uocem meā, manē assistam tibi, & cōtemplabor te. Et iterum per prophetam loquitur dominus. Diluculo uigilabunt ad me dicentes. Eamus & reuertamur ad dominum Deum nostrū. Recedente item sole ac die cessante necessariō rursum orandū est: Nā quia Christus sol uerus, & dies uerus est, sole ac die seculi recedente, quando oramus & petimus ut super nos lux denuo ueniat, Christi precamur aduentum, lucis æternæ gratiā præbiturum. Christum autē diem dictū, in psalmis declarat spiritus sanctus. Lapis, inquit, quē reprobauerunt ædificantes, hic factus est in caput anguli, à domino factus est, & est admirabilis in oculis nostris. Iste est dies quem fecit dominus, ambulemus et iucundemur in eo. Item quod sol appellatus sit, Malachim propheta testatur, dicēs. Vobis autem qui timetis nomen domini, orientur sol iustitiæ, & in alis eius curatio est. Quod si in scripturis sanctis sol uerus & dies uerus est Christus, hora nulla à Christianis excipitur, quo minus frequenter ac semper deus debeat adorari, ut qui in Christo, hoc est, in sole & in die uero sumus, insistamus per totum diem precibus & oremus, & quādo mundi lege decurrēs uicibus alternis nox resoluta succedit, nullum de nocturnis tenebris esse orātibz damnum potest, quia filijs lucis & nocte dies est. Quando enim sine lumi

Mane orandū

Psal. 3.

Orandum ne
spers.

Psal. 117.

Malach. 14.

ne est, cui lumen in corde est? Aut quomodo sol ei & dies non est, cū sol & dies Christus est? Qui autem in Christo, hoc est, **Luce. 12.** in lumine semper sumus, nec noctibus ab oratione cessamus. Sic Anna uidua sine intermissione rogans semper & uigilans perseuerabat in promerendo Deo: sicut in Euangelio scriptum est: Non recedebat, inquit, de templo, ieiunijs & orationibus seruicens nocte ac die. Viderint uel gētiles, qui necdū illuminati sunt: uel iudei, qui deserto lumine in tenebris remanserunt. Nos, fratres dilectissimi, qui in Domini luce semper sumus, qui meminimus & tenemus quid esse accepta gratia ceperimus, computemus noctem pro die. Ambulare nos credamus semper in lumine, non impedianur à tenebris quas euasimus: nulla sint horis nocturnis precum damna, nulla orationum pigra & ignaua dispendia. Per Dei indulgentiam recreati spiritualiter et renati, imitemur quod futuri sumus, habituri in regno sine interuentu noctis solum diem. Sic nocte quasi in lumine uigilemus oraturi semper, & acturi gratias Deo: hic quoq; orare & gratias agere non desinamus.

D. CAECILII CYP. LI. BELLVS VNVS AD FOR-

tunatum de exhortatione martyrij, XII.

capitibus distinctus, ex quibus plenius summariū
noscitur argumentum.



Esiderasti Fortunate charissime nobis, ut quoniā pressurarū et persecutionū pōdus incumbit, et in fine atq; in consummatione mundi Antichristi tempus infestum appropinquare iam cœpit, ad preparandas & corroborandas fratrum mentes de diuinis

scripturis hortamenta componerem, quibus milites Christi ad spirituale et coeleste certamen animarē. Obtemperandum fuit desiderio tuo tam necessario, ut quantum sufficit nostra mediocritas auxilio diuinæ inspirationis instructa, quasi arma ac munimenta quædam pugnaturis fratribus de præceptis diuinis promerentur. Parum est enim quod Dei plebē classico nostræ uocis erigimus, nisi credentiū fidē, ac dicatam Deo deuotamq; uirtutem diuina lectione firmemus. Quid autē potius ac maius curæ nostræ ac solitudini congruit, quā ut cōmissum nobis diuinitus populū et exercitum in castris coelestibus constitutū, aduersus diaboli tela et iacula exhortationibus assiduis præparemus? Neque enim idoneus potest esse miles ad bellum, qui non exercitatus in campo prius fuerit. Aut qui agonisticā coronā querit adipisci, in stadio coronabitur, nisi usum et peritiam uiriū antē meditetur. Aduersarius uetus est et hostis antiquus, cū quo prælium gerimus. Sex millia annorū plenē cōplentur, ex quo hominē diabolus impugnat. Omnia iam genera tentandi et artes atq; insidias deiiciendi usu ipso uetustatis edidicit. Si imparatū inuenerit Christi militē, si rudem, si non sollicitū ac toto corde uigilantē, circūuenit nesciū, fallit incautum, decipit imperitū. Si uerō quis dominica præcepta custodiens et fortiter Christo adherens contra eum steterit, uincatur necesse est, quia Christus quē confitetur inuictus est. Ac ne in longū sermonē meum extenderem, frater charissime, et audientē uel legentem styli latioris copia fatigare, cōpendium feci, ut propositis titulis quos quis et nosse debeat et tenere, capitula dominica subnecterem, et id quod proposueram diuinæ lectionis autoritate solidarē, ut non tan tractatum meū uidear tibi misisse, quā materiam tractantibus præbuisse, quæ res in usum singulis proficit utilitate multorū. Nam si confectam et paratā iam uestem darem, uestis esset mea, qua alius uteretur, et forsā non pro habitudine staturæ et corporis res alteri

Miles inexercitatus bello inutilis.

Diabolus longo usu doctus

Christi miles inuictus.

*Præcepta Dei
arma christia
norum.*

Baptisma.

facta minus cōgruens haberetur. Nunc uero de agno, per quē redempti ac uiuificati sumus, lanam ipsam et purpuram misi, quam cum acceperis, tunicā tibi pro uoluntate cōficiēs, et plus ut in domestica tua atque in propria ueste letaberis: et cæteris quoque ut conficere et ipsi pro arbitrio suo possint, quod misimus exhibebis, ut uetere illa nuditate contestā perstrant omnes indumēta Christi, cœlestis gratiæ sanctificatione uestiti. Necnon et illud consiliū, frater charissime, utile et salubre prospexi, in exhortatione tam necessaria, quæ martyres faciat, amputandas esse uerborum nostrorum moras et tarditates, atq; ambages sermonis humani subtrahendas, ponēda illa sola, quæ Deus loquitur, quibus seruos suos ad martyriū Christus hortatur. Præcepta ipsa diuina uelut arma pugnātibz suggerenda sunt. Illa sint militaris tubæ hortamenta, illa pugnātibz classica. Inde aures erigantur, inde instruantur mentes, inde et animi et corporis uires ad omnē passiōis tolerantiam roborentur. Nos enim qui domino permittente primum baptisma credentibus dedimus, ad aliud quoque singulos præparemus, insinuantes et docentes hoc esse baptisma in gratia maius, in potestate sublimius, in honore pretiosius, baptisma in quo Angeli baptizant, et in quo Deus et Christus eius exultant, baptisma post quod nemo iam peccat, baptisma quod fidei nostræ incrementa consummat, baptisma quod nos de mundo recedentes statim Deo copulat. In aquæ baptismo percipitur peccatorum remissa, in sanguinis corona uirtutum. Amplectenda res est et optanda, et omniū postulationum nostrarum precibus expetenda, ut qui serui Dei sumus, simus et amici.

CAPVT PRIMVM.

i Ne exhortandis itaq; ac præparādīs fratribz nostris, et fidei ac uirtutis firmitate ad præconium dominicæ cōfessionis, atq; ad prælium persecutionis et passiōis armādīs, primo in loco dicen-

dum est, idola deos non esse, quæ sibi homo facit. Neque enim quæ fiunt, factore suo et fabricatore maiora sunt, aut protegere et seruire quenquā possunt quæ ipsa de templis suis pereunt, nisi ab homine seruentur. Sed nec elementa colenda esse, quæ homini secundū dispositionē et præceptū Dei seruiūt. II.

Destructis idolis et elementorum ratione monstrata, ostendendum dominum solum colendum esse. III.

Tunc addendum quæ comminatio Dei sit aduersus eos, qui idolis sacrificant. IIII.

Præterea docendum non facile ignoscere Deum idololatris. V.

Et quæ sic idololatriæ indignetur Deus, ut præceperit etiam eos interfici, qui sacrificare et seruire idolis suaserint. VI.

Subiungendum post hæc quæ redempti ac uiuificati Christi sanguine nihil Christo præponere debeamus, quia nec ille quæquam nobis præposuerit, et ille propter nos mala bonis prætulit, paupertatem diuitijs, seruitutem dominationi, mortem immortalitati. Nos contra in passionibus nostris paupertati seculari, paradisi diuitias et delicias præferamus, dominatum et regnum æternum temporariæ seruituti, immortalitatem morti, Deum et Christum diabolo et Antichristo. VII.

Insinuandum quoque, ne erepti de faucibus diaboli et de laqueis seculi liberati, si in angustiis et pressuris esse coeperint, egredi denuo ad seculum uelint et perdant quod euaserint. VIII.

Insistendum potius esse et perseuerandum in fide et ueritate, et cœlestis ac spiritalis gratiæ consummatione, ut ad palmam et coronam possit perueniri. IX.

Ad hoc enim pressuras et persecutiones fieri ut perueniamus. X.

Nec timendas esse iniurias, et pugnas persecutionum, quia maior est Dominus ad protegendum, quam diabolus ad impugnandum. XI.

Ac ne expauescat aliquis et cōturbetur ad pressuras et persecutiones, quas patimur in isto mundo, probandum antè prædictum esse, q̄ nos mundus odio habiturus esset, & q̄ persecutiones aduersum nos excitaret, ut ex hoc ipso quod hæc fiant, manifesta sit fides diuinæ pollicitationis in mercedibus et præmijs postmodum secuturis. Nec nouum quid accadat Christianis quando ab initio mundi boni laborauerint, et oppressi atq; occisi sint iusti ab iniustis. XII.

In nouissima parte ponendum est, quæ spes et quæ merces maneat iustos et martyres post conflictationes huius temporis & passionis: & q̄ plus accepturi simus in passionis remuneratione, quàm quod hic sustinemus in ipsa passione.

CAPITVLVM PRIMVM.



Vod idola dij non sint, & q̄ nec elementa uice Dei colenda sint, in psalmo. cxij. Idola gentium argentum & aurum, opus manuum hominum. Os habent et non loquuntur, oculos habent et non uident. Aures habent & non audiunt, neq; enim est spiritus

in ore ipsorum. Similes illis fiant homines qui faciunt ea. Item

Sap. 15. in Sapientia Salomonis: Omnia idola nationum æstimauerunt

deos, quibus neq; oculorum usus est ad uidendum, neq; aures ad percipiendum spiritum, neq; aures ad audiendum, nec digiti in manibus ad tractandum, sed et pedes eorum pigri ad ambulandum. Homo enim fecit illos, et qui spiritum mutuatus est finxit illos. Nemo aut sibi similem homo poterit Deum fingere: cum sit enim mortalis, mortuū fingit manibus iniquis. Melior aut ipse ijs quos colit, quoniam ipse quidem uixit, illi nun-

Exod. 20. quā. Item in Exodo: Nō facies tibi idolum, nec cuiusquam si-

Sap. 13. militudinem. Item apud Salomonem de elementis: Neq; opera attendentes agnouerūt quis esset artifex, sed aut ignē, aut spiritum, aut citatū aërem, aut gyrum stellarum, aut nimiam aquam,

aut solem, et lunam deos putauerunt. Quorum si propter speciem hoc aestimauerūt, sciant quanto ijs Dñs sit speciosior: aut si uirtutes et opera eorum mirati sunt, intelligant ab ipsis, quoniam qui hic constituit fortia fortior est illis.

II.

Quòd Deus solus colendus sit, in Deuteronomio: dominum Deum tuū adorabis, et illi soli seruiēs. Item in Exod. Non erunt tibi dii alij absq; me. Item illhic: Videte quia ego sum, et non est Deus præter me. Ego interimam et uiuere faciam, percutiam et ego sanabo, et non est qui eripiat de manibus meis. Item in Apocalypsi: Et uidi alium Angelum uolantem in medio coeli, habentem Euangelium æternum, ut annuntiaret super terram, et super omnes nationes, et tribus, et linguas, et dicentem uoce magna: Metuite potius Deum, et date illi claritatem, quoniam uenit hora iudicii eius, et adorete eum qui fecit cælum et terram, mare et omnia quæ in eis sunt. Sic et dominus in euangelio commemorationem facit primi et secundi præcepti dicēs: Audi Israël, dominus Deus tuus dominus unus est: Et diliges dominum Deum tuum de toto corde tuo, et de tota anima tua, et de tota uirtute tua. Hoc primum et secundum simile huic: Diliges proximum tuum tanquam te. In his duobus mādatis tota lex pendet et prophete. Et iterum: Hæc est autem uita æterna, ut cognoscant te solam uerum Deum: et quem misisti Iesum Christum.

III.

Quæ cōminatio Dei sit aduersus eos qui idolis sacrificant: in Exodo: Sacrificans dijs eradicabitur, nisi Deo soli. Item in Deuteronomio: Sacrificauerunt demonijs et non Deo. Item apud Esaian: Adorauerunt eos quos fecerunt digiti eorum, et curuatus est homo, et humiliatus est uir, et non laxabo illis. Et iterum: Illis fudiſtis libamina, et illis imposuistis sacrificia. Super hæc non indignabor dicit dominus? Item Hieremias: Nolite ambulare post deos alienos ut seruiatis eis, et ne adoraueritis eos, et ne incitetis me in operibus manuum ue-

Apoc. 14. strarum ad desperdendos uos. Item in Apocalypsi: Siquis adorat bestiam & imaginem eius, & accipiet notam in fronte sua aut in manu, bibit & ipse de uino iræ Dei misto in poculo iræ eius, & punietur igne & sulphure sub oculis sanctorum Angelorum, & sub oculis agni, & fumus tormentis eorum in secula seculorum ascendet. Nec habebunt requiem die ac nocte, quicumque adorauerint bestiam & imaginem eius.

IIII.

Exod. 32. Non faciliè ignoscere Deum idololatriis. Moyses in Exodo pro populo rogat nec impetrat. Precor, ait, Domine, deliquit hic populus delictum grande: fecerunt sibi deos aureos, & nunc si dimittis illis delictum grande, dimitte: sin autem, sine me, et dele de libro quem scripsisti. Et dixit Dominus ad Moysen. Siquis delinquit ante me, deleam eum de libro meo. Item cum Hieremias pro populo deprecaretur, Dominus ad eum

Hier. 7. loquitur, dicens: Et tu noli orare pro populo hoc, & noli postulare pro ipsis in prece et oratione, quia non exaudiam illum in tempore quo inuocabunt me, in tempore afflictionis sue. Ezechiel quoque hanc eandem denuntiat indignationem de eis qui

Ezech. 14. in Deum delinquant. Et fuit, inquit, uerbum Domini ad me dicens: Fili hominis, terra quæcûq; peccauerit mihi, ut delictum delinquat, extendam manum meam super eam, & obteram stabilimentum panis, & immittam in eam sanem, & auferam de ea hominem & pecora. Et si fuerint tres uiri in medio eius, Noë, Daniel, & Iob, non liberabunt filios neq; filias, ipsi soli salui erunt. Item in Regum primo libro. Si delinquendo peccet uir aduersus uirum, orabunt pro eo Dominum. Si autem in Deum peccet homo, quis orabit pro eo?

V.

Dente. 13. Quod sic idololatriæ indignetur Deus, ut præceperit etiã eos interfici, qui sacrificare et seruire idolis suaserint, In Deuteronomio: Quod si rogauerit te frater tuus, aut filius tuus, aut filia tua, aut uxor tua, quæ est in sinu tuo, aut amicus

tuus, qui equalis est animæ tuæ, latenter dicēs: Eamus et seruiamus dijs alienis, dijs gentium: non consenties ei, & non exaudies eum, & non parces oculus tuus super eum, & non celabis eum, & annuntians annuntiabis de illo. Manus tua erit super eum in primis interficere eum, et manus omnis populi postremo, et lapidabunt eum et morietur, quoniam quæsiuit auertere te à domino Deo tuo. Et iterum loquitur dominus et dicit: Nec ciuitati parcendum etiam si uniuersa consenserit ad idololatriam: aut si audieris in una ex ciuitatibus quas dominus Deus tuus dabit tibi inhabitare te illhic, dicentes. Eamus & seruiamus dijs alienis, quos non nosti. Interficiens eos necabis omnes qui sunt in ciuitate cæde gladij, & incendes ciuitatem igni, & erit sine habitaculo in æternum. Non reædificabitur etiam nunc ut auertatur Deus ab indignatione iræ suæ. Et dabit tibi misericordiam & miserebitur tui, & multiplicabit te, si exaudieris uocem domini Dei tui, & obseruaueris præcepta eius. Cuius præcepti & uigoris 1. Mathab. 2. memor Mathathias interfecit eum qui ad aram sacrificaturus accesserat. Quòd si ante aduentum Christi circa Deum colendum, & idola spernenda hæc præcepta seruata sunt, quanto magis post aduentum Christi seruanda sunt, cum ille ueniens non uerbis tantum nos hortatus sit, sed & factis, post omnes iniurias et contumelias passus quoq; et crucifixus, ut nos pati & mori exemplo suo doceret, ut nulla sit homini excusatio pro se non patienti, cum passus sit ille pro nobis, & cum ille passus sit pro alienis peccatis, multo magis pro peccatis suis pati unumquemque debere? Et ideo in Euangelio comminatur & dicit: Quicumque confessus me fuerit coràm hominibus, Math. 10. & ego confitebor eum coràm patre meo qui est in cælis: Qui autem negauerit me coràm hominibus, & ego negabo eum coràm patre meo qui est in cælis. Item apostolus Paulus. Si enim commorinur, inquit, et conuiuemus. Si toleramus & 2. Tim. 2.

conregnabimus. Si negamus, & ipse negabit nos. Item Ioan.
 1. Ioan. 2. nes: Qui negat filium, nec patrem habet. Qui confitetur fi-
 lium, & filium & patrem habet. Vnde nos ad contemptum
 mortis hortatur dominus & corroborat, dicens: Nolite time-
 re eos qui occidunt corpus, animam autem non possunt occi-
 dere. Magis autem metuite eum, qui potest animam & cor-
 pus occidere in gehennam. Et iterum: Qui amat animam suam,
 1. Ioan. 12. perdet eam, & qui odit animam suam in isto seculo, in uitam
 eternam conseruabit illam.

VI.

Quod redempti et uiuificati Christi sanguine nihil Chri-
 sto preponere debeamus: In Euangelio dominus loquitur &
 Matih 10. dicit: Qui diligit patrem aut matrem plus quam me, non est
 me dignus: Et qui diligit filiam aut filiam super me, non est me
 dignus. Et qui non accipit crucem suam & sequitur me, non
 Dent. 33. est me dignus. Sic & in Deuteronomio scriptum est: Qui di-
 cunt patri aut matri, non noui te, & filios suos non agnoue-
 runt, hi custodierunt precepta tua, et testamentum tuum ser-
 uauerunt. Item apostolus Paulus: Quis nos, inquit, separabit
 a charitate Christi, pressura, an angustia, an persecutio, an sa-
 Roma. 8. mes, an nuditas, an periculum, an gladius? Sicut scriptum est:
 Psal. 43. Quia propter te occidimur tota die, aestimati sumus ut oues ui-
 timae, sed in his omnibus superamus, ppter eum qui nos dile-
 2. Cor. 6. xit. Et iterum: Non estis uestri, empti enim estis pretio magno,
 glorificate & portate Deum in corpore uestro. Et iterum: Pro
 omnibus mortuus est, ut qui uiuunt iam non sibi uiuant, sed ei
 2. Cor. 5. qui pro ipsis mortuus est, & resurrexit.

VII.

Ereptos de faucibus diaboli & de laqueis seculi liberatos
 non debere denuo ad seculum reuerti, ne perdant quod quae-
 rint: In Exodo Iudaicus populus ad umbram nostram & imagi-
 nem praefiguratus, cum Deo tutore & uindice euasisset Pha-
 raonis atq; Aegypti, id est, diaboli & seculi durissimam ser-
 uitutem, circa Deum perfidus & ingratus, aduersus Moysen

missitat, respiciens solitudinis ac laboris incommoda, & non intelligens libertatis ac salutis beneficia diuina, reuertitur ad Aegyptum, hoc est, ad seculi seruitutem, unde fuerat abstractus, cum magis fidere in Deum deberet & credere, quoniam qui à diabolo & seculo liberauit populum suum, proteget liberatum: Quid hoc nobis, inquit, fecisti eiiciendo nos de Aegypto? Melius erat nobis seruire Aegyptijs, quàm mori in solitudine hac. Et dixit Moyses ad populum: State fidentes & uidete salutem quæ est à Domino, quam nobis faciet hodie. Dominus ipse pugnabit pro uobis & uos tacebitis. Quod nos admonens in Euangelio suo Dominus & docens ne ad tabulum rursus & ad seculum quibus renuntiauimus & unde euasimus, reuertamur, dicit: Nemo retro attendens & superponens manum suam in aratrum aptus est regno Dei. Et qui in agro est, non reuertatur retro. Memores estote uxoris Loth. Ac ne quis aliqua uel cupiditate rerum uel suorum dulcedine retardetur, quo minus Christum sequatur addit & dicit: Qui non renuntiat omnibus quæ sunt eius, non potest meus esse discipulus.

VIII.

Insistendum esse & perseuerandum in fide & uirtute, & celestis & spiritualis gratiæ consummatione, ut ad palmam & ad coronam possit perueniri: In Paralipomenon: Dominus uobiscum est, quandiu & uos estis cum ipso. Si autem dereliqueritis eum, derelinquet uos. Item apud Ezechielem: Iustitia iusti non liberabit eum in quacunque die exerrauerit. Item Dominus in Euangelio loquitur & dicit. Qui perseuerauerit usque in finem, hic saluus erit. Et iterum: Si manseritis in uerbo meo, uerè discipuli mei eritis, & cognoscetis ueritatem, & ueritas liberabit uos. Præmonens quoque nos semper paratos esse debere, & expeditos in procinctu firmiter stare, adiecit & dicit: Sint lumbi uestri præcincti, & lucernæ ardentes, & uos similes hominibus expectantibus Dominum suum quando re-

uertatur à nuptijs, ut cum uenerit & pulsauerit aperiant ei. Felices serui illi, quos adueniens dominus inuenerit uigilantes. Item beatus Apostolus ut fides nostra proficiat & crescat, & a l summa perueniat hortatur, dicens: Nescitis quoniam qui in stadio currunt, omnes quidem currunt, unus tamē accipit coronam? Sic currite ut apprehendatis. Et illi quidem ut corruptibilem coronam accipiant, nos autem incorruptam.

1. Cor. 9. Et iterum: Nemo militans Deo, implicat se molestijs secularibus, ut possit placere ei cui se probauit. Sed & si certauerit

Rom. 12. quis non coronabitur, nisi legitime pugnauerit. Et iterū: Oro autem uos fratres per misericordiam Dei, ut constituatis corpora uestra hostiam uiuentem, sanctam, Deo placentē, & ne configuremini seculo huic, sed transformemini in renouatione spiritus ad probandum quæ sit uoluntas Dei bona, & placens

Rom. 8. & perfecta. Et iterum: Sumus filij Dei: si autem filij, & hæredes, hæredes quidem Dei, cohæredes autem Christi. Siquidem cōpatiamur ut & commagnificemur. In Apocalypsi eadem loquitur diuinæ prædicationis hortatio, dicēs: Tene quod habes, ne alius accipiat coronam tuam. Quod exemplum per seuerandi & permanendi designatur in Exodo: ubi Moyses ad superandam Amalech, qui figuram portat diaboli, in signo & sacramento crucis alleuat supinas manus. Nec uincere aduersarium potuit, nisi postquā stabilis in signo alleuatis iugiter manibus perseuerauit. Et factum est, inquit, cum leuabat Moyses manus, præualebat Israel. Vbi autem submiserat manus, inualecebat Amalech. Et accepto lapide supposuerūt sub eo, & sedebat super eum. Et Aaron & Vr sustentabant manus eius hinc & inde, et factæ sunt manus Moysi stabiles usque in occasum solis. Et fugauit Iesus Amalech & omnem populum eius. Et dixit Dominus ad Moysen: Scribe hoc, ut sit in memoria, in libro, & da in aures Iesu, quoniam deletionem delebo memoriam Amalech sub cælo.

Ad hoc enim pressuras & persecutiones fieri ut probemur: in Deuteronomio: Tentat uos Dominus Deus uester, ut sciat si diligitis eum ex toto corde uestro, & ex tota anima uestra, & ex tota uirtute uestra. Et iterum apud Salomonem: Dent. 13. Vasa figuli probat fornax, & homines iustos tentatio tribulationis. Paulus quoque paria testatur, ac loquitur, dicens: Eccl. 27. Gloriamur in spe claritatis Dei. Non solum autem, sed & gloriamur in pressuris, scientes quoniam pressura tolerantiam operatur, tolerantia autem probationem, probatio autem spem, spes autem non confunditur, quia dilectio Dei diffusa est in cordibus nostris per spiritum sanctum qui datus est nobis. Et Petrus in epistola sua ponit, & dicit: Roma. 5. Charissimi nolite mirari ardorem accidentem uobis, qui ad tentationem uestram fit, nec excidatis tanquam nouum aliquid uobis contingat. Sed quotiescunque communicatis Christi passionibus, per omnia gaudete, ut & in reuelatione facta claritatis eius gaudentes exultetis. Si improperatur uobis in nomine Christi, beati estis, quia maiestatis & uirtutis Domini nomen requiescit in uobis, quod quidem per illos blasphematur, per nos autem honoratur. 1. Pet. 4. X.

Timendas non esse iniurias & poenas persecutionum, & ne expauescat quis ad pressuras & persecutiones quas patitur in hoc mundo, quia maior est Dominus ad protegendum, quam tabulus ad impugnandum. Ioannes in epistola sua ponit & dicit: Maior est qui in uobis est quam qui in isto mundo. Item in Psalmo: Non metuum quid mihi faciat homo, Dominus mihi auxiliator est. Et iterum: Isti in equis, nos autem in nomine Domini Dei nostri magnificabimus. 1. Ioan. 4. Psal. 117. & 19. Ipsi obligati & sunt & ceciderunt, nos autem surreximus & erecti sumus. Et adhuc fortius docens & ostendens spiritus sanctus castra tabuli non timenda, & si bellum nobis hostis indixerit, in ipso magis bello spem nostram consistere, & congregatione illa iustos ad diuinæ sedis & salutis æternæ præmium

- Psal. 26.** peruenire, in psalmo ponit & dicit: Si directa in me fuerint castra, non timebit cor meum. Et si exurrexerit super me bellum, in illud ego sperabo. Vnam petij à Domino, hanc requiram, ut inhabitem in domo Domini per omnes dies uitæ meæ. Item in Exodo declarat scriptura diuina pressuris multiplicari nos potius & augeri dicens: Quantoq; eos deprimebant, tanto plures fiebant & inualescebant magis. Et in Apocalypsi protectio diuina promittitur in passionibus nostris: Nihil, inquit, horum timeas, quæ passurus es. Nec alius securitatem nobis pollicetur & protectionem, quam qui & per Esaiam prophetam loquitur dicens: Noli timere quia ego te redemi, & uocaui te in nomine tuo, meus es tu. Et si pertransieris per aquam, tecum sum, & flumina te non inundabunt. Et si pertransieris per ignem, ignis non comburet te, quoniam ego Dominus Deus tuus sum, qui te saluum facio. Qui & in Euangelio promittit auxilium diuinum Dei seruis in persecutionibus non desuturum, dicens: Cum autem uos tradiderint, nolite cogitare quomodo aut quid loquamini: dabitur enim uobis in illa hora quid loquamini: Non enim uos estis qui loquimini, sed spiritus patris uestri qui loquitur in uobis. Et iterum. Ponite in cordibus uestris non præmeditari excusare, ego enim dabo uobis os & sapientiam, cui non poterunt resistere aduersarij uestri. Sic & in Exodo ad Moysen contantem & ad populum trepidantem Deus loquitur dicens. Quis dedit os homini? & quis fecit mutum? & quis surdum? & quis uidentem & cæciam? non ne ego Dominus Deus? Et nunc perge, & ego aperiam os tuum, & instruam te quid loquaris. Nec difficile est Deo aperire os hominis deuoti sibi, & confessori suo inspirare constantiam & fiduciam loquendi, qui in Ninneris aduersus Balaam prophetam etiam asinam fecit loqui. Quare in persecutionibus nemo cogitet quod periculum diabolus importet, sed consideret quod auxilium

lium Deus præstet, nec mentem labefaciat humana infestatio, sed corroboret fidē diuina protectio, quādo unusquisq; secunda dominica promissa et fidei suæ merita tantum accipiat de Dei ope, quantum se credit accipere, nec sit quod omnipotens præstare non possit, nisi accipiētis fides caduca defecerit. XI.

Antē prædictū esse quod nos mundus odio habiturus esset, et quod persecutiones aduersus nos excitaret, et quod nihil nouum Christianis accidat, cum ab initio mundi boni laborauerint, et oppressi atque occisi sint iusti ab iniustis, Dominus in Euangelio præmonet et prænuntiat, dicens: Si mundus uos odit, scitote quoniam me primo odijt. Si de mūdo essetis, mūdus quod suum esset, amaret. Sed quia de mundo non estis, et ego elegi uos de mundo, propterea odit uos mundus. Mementote sermonis quem dixi uobis: Nō est seruus maior domino suo, Si me persecuti sunt, et uos persequētur. Et iterum: Veniet hora ut omnis qui uos occiderit, putet se officiū Deo facere. Sed hoc facient, quoniam non cognouerunt patrē neque me. Hæc autem locutus sum uobis, ut cum uenerit hora, eorū memores sitis, quia ego dixi uobis. Et iterum: Amen amen dico uobis, quia plorabitis et plangetis, seculū autem gaudebit: uos tristes eritis, sed tristitia uestra in letitiam ueniet. Et iterum: Hæc locutus sum uobis, ut in me pacē habeatis, in seculo autē prefaturam. Sed fidite quoniam ego uici seculum. Et iterū cum à discipulis suis interrogaretur de signo aduentus sui et cōsummationis mundi, respondit et dixit: Cauete nequis uos fallat, multi enim uenient in nomine meo dicētes: Ego sum Christus: et multos fallent. Incipietis autē audire bella et auditus bellorū, uidete, nolite tumultuari: oportet enim hæc fieri, sed nō dum est finis. Exurget autē gens super gentem, et regnum super regnū, et erunt fames et tremotus et pestilentie per loca. Omnia autē ista initia parturitionum sunt. Tunc tradent uos in tribulationē et interficient uos, et eritis odibiles omni-

Ioan. 15.

Iam. 16.

Luc. 21.

Mar. 13.

Matth. 24.

bus gentibus propter nomen meum. Et tunc scandalizabuntur multi, & se inuicem tradent & odient inuicem. Et multi pseudoprophetae exurgent & seducant multos, & eo quod facinus abundet, & refrigescet charitas multorum. Qui autem tolerauerit usque in finem, hic saluus erit. Et predicabitur Euangelium istud regni per totum orbem terrae in testimonium omnibus gentibus, & tunc ueniet finis. Cum autem uideritis

Daniel. 9. abominationem uastationis, quae dicta est per Daniele propheta, stantem in loco sancto, qui legit intelligat, tunc qui in Iudea sunt fugiant in montes, & qui in tecto est non descendat tollere quicquam de domo: & qui in agro est, non conuertatur retro auferre uestimentum suum. Vae autem praegnantibus & nutrientibus in illis diebus. Orate autem ne fiat fuga uestra hyeme, neque sabbato. Erit autem tunc pressura magna, qualis non fuit ab initio mundi usque nunc, sed neque fiet: & nisi breuiati essent dies illi, non esset salua omnis caro: propter electos autem breuiabuntur dies illi. Tunc si quis dixerit uobis: Ecce hic est Christus, aut ecce illhic, nolite credere. Surgent enim pseudochristi & pseudoprophetae, & dabunt signa magna & prodigia ad errorem faciendum, si fieri potest, & elektis. Vos autem cauete, ecce praedixi uobis omnia. Si ergo dixerint uobis: Ecce in solitudine est, nolite exire: ecce in cubiculis, nolite credere. Sicut enim coruscatio quae exit ab oriente & paret usque ad Occidentem, ita erit & aduentus filij hominis. Vbi fuerit corpus, illhic colligentur aquilae. Continuo autem post pressuram dierum illorum sol tenebrascet, & luna non dabit lumen suum, et stellae cadent de caelo, & uirtutes caelorum mouebuntur. Et tunc apparebit signum filij hominis in caelo, & lamentabuntur se omnes tribus terrae, & uidebunt filium hominis uenientem in nubibus in uirtute magna & claritate. Et mittet angelos suos cum uirtute magna & claritate, & cum tuba magna. Et colligent electos eius a quatuor

uentis à summis cœlorum usq; ad summitates eorum. Nec noua aut repentina hæc sunt, quæ nunc accidunt Christianis, cum boni & iusti semper & Dei lege innocentie ac ueræ religionis timore deuoti, per pressuras & iniurias & graues ac multiformes infestationum pœnas angustii itineris difficultate grauiantur. Sic in origine statim mundi Abel iustus à fratre primus occiditur, & Iacob fugatur, & Ioseph uenundatur, & Dauid misericordem, Saul rex persequitur, & Heliam maiestatem Dei constanter ac fortiter asserentem rex Achab opprimere conatur. Zacharias sacerdos interficitur in medio templi & altaris, ut illhic hostia ipse fiat, ubi Deo hostias immolabat. Tot deniq; martyria iustorum sæpe celebrata, tot edita in posterum fidei & uirtutis exempla. Tres pueri Ananias, Azarias, Misahel ætate cõpares, dilectione cõcordes, fide stabiles, uirtute cõstantes, flammis ac pœnis urgẽtibus fortiores, soli se Deo seruire, solum nosse, solum colere proclamant, dicentes. Nabuchodonosor rex non opus est nobis de hoc uerbo respondere tibi. Etenim Deus cui nos seruiamus, potens est nos eripere de camino ignis ardentis, & de manibus tuis rex liberare nos. Quod si noluerit, notum sit tibi, quia dijs tuis nõ seruiemus, & statuam auream quã statuisti, non adoramus. Et Daniel Deo deuotus & sancto spiritu plenus exclamat et dicit. Nihil colo ego nisi dominum meum, qui cõdidit cœlũ et terram. Tobias quoque sub regali licet ac tyrannica seruitute, sensu tamen ac spiritu liber confessionem suam Deo seruat, & uirtutẽ maiestatemq; diuinam sublimiter prædicat, dicẽs. Ego in terra captiuitatis meæ confitebor illi, & ostendam uirtutẽ eius in natione peccatrice. Quid uerò in Machabæis septem res fraternalium pariter & uirtutum sorte consimiles. septenarium numerum sacramento perfectæ consummationis implentes? sic fratres septẽ in martyrio cohærentes, ut primi in dispositione diuina septem dies annorum septem millia continen-

Angusta bonorum uia.

Gen. 4.

1. Reg. 14.

3. Reg. 19.

Matth. 23.

Dan. 3.

Dan. 14.

Tob. 13.

Machab. 1.

- tes, ut septem spiritus & angeli septem qui assistunt & conuersantur ante faciem Domini, & lucerna sepiiformis in tabernaculo martyrij, & in Apocalypsi septem candelabra aurea,
- Apoc. 1.** **Proverb. 9.** & apud Salomonē columnæ septē, super quas ædificat domū sapiētia: ita & isthic septem fratrum numerus, ecclesiarū septē numerū sui quantitate cōplexus, secundū quod in primo Regum libro legimus, sterilem septem peperisse. Et apud Esaiam Septē mulieres unū hominē apprehendunt, cuius inuocari super se nomen exposcunt. Et Apostolus Paulus qui huius legitimi numeri & certi meminit, ad septem ecclesias scribit. Et in Apocalypsi Dominus mādāta sua diuina & præcepta cœlestia ad septem ecclesias & earundē angelos dirigit, qui nunc iste in fratribus numerus inuenitur, ut consummatio legitima impleatur. Cum septem liberis planē copulatur & mater origo & radix, quæ ecclesias septem postmodum peperit, ipsa prima & una super petram Domini uoce fundata. Nec uacat quod in passionibus, sola cū liberis mater est. Martyres enim qui se Dei filios in passione testantur, iam non nisi Deo patre censentur, sicut in Euangelio docet, dicens: Ne uocaueritis uobis patrē super terram: unus est enim pater uester qui in cœlis est. Quæ uerò ediderunt confessionū præconia, quā præclara, quā magna documenta fidei præbuerunt? Rex Antiochus infestus, imo in Antiocho Antichristus expressus, ora martyrum gloriosa & spiritu confessionis inuicta contagio suille carnis maculare quærebat, & cū flagellis grauiter uerberasset, ac nihil promouere potuisset, sartagine inuisit igniri: quibus ignitis & accensis, eum qui primus locutus fuerat, & magis regem uirtutis & fidei constantia prouocauerat, admoueri præcepit & frigi, producta & exacta prius lingua quæ confessa Deum fuerat. Quod martyrium gloriosius contigit? lingua enim confessa nomen Dei prior ad Deum debuit ipsa proficisci. Post in secundo excogitatis acrioribus

pœnis, antequàm cetera membra torqueret, cutē capitis cum
 capillis detraxit, odio scilicet certo. Nam cū caput uiri Chri-
 stus sit, & caput Christi Deus, qui caput laniabat in marty-
 re, Deum & Christum persequeretur in capite. At ille marty-
 rio suo fidens, & resurrectionis sibi præmium de Dei remun-
 eratione promittens exclamauit & dixit: Tu quidē * impo- ^{alias, quia po-}
 tens ex hac præsentī uita nos perdis, sed mundi rex defunctos ^{tens es.}
 pro suis legibus in aternā uitæ surrectionē suscitabit. Tertius
 linguā postulatū citò protulit: nam penam linguæ execandæ
 iam didicerat à fratre contemnere, manus quoq; amputandas
 cōstanter extendit, mulū beatus genere isto supplicij, cui con-
 tigit extensis manibus ad pœnam passionis dominicæ instar
 imitari. Nec nō & quartus pari uirtute tormēta contemnens,
 & ad retinendum regem coelesti uoce respondens exclama-
 uit & dixit: Potius est ab hominibus morti datos expectare
 spem à Deo, iterū suscitandos ab eo in uitā aternā: Tibi enim
 resurrectio ad uitā nō erit. Quintus præter q, carnificinā re-
 gis & duros uariosq; cruciatus fidei uigore calcabat, ad præ-
 scientiā quoq; & notitiā futurorum spiritu diuinitatis ani-
 matus prophetauit regi, & indignationem Dei, & ultionē ue-
 lociter prosecuturā. Potestatem, inquit, inter homines habens,
 cū sis corruptibilis, facis quod uis. Noli autē putare genus no-
 strum à Deo derelictum esse. Sustine & uide magnam potesta-
 tem eius, qualiter te & semen tuum torquebit. Quale illud le-
 uamentum fuit martyrij, quàm magnū, quàm grande solatiū?
 In cruciatibus suis non tormenta propria cogitare, sed torto-
 ris sui supplicia prædicare? In sexto uerò non uirtus sola, sed
 humilitas prædicanda est, nihil sibi martyrem uindicasse, nec
 cōfessionis suæ honorem superbis uocibus uentilasse, peccatis
 potius suis adscripsisse, quod persecutionem à rege pateretur,
 Deo uerò dedisse quod postmodum uindicaretur. Docuit esse
 martyres uerecundos de ultione fidere, & nihil in passione

iactare. Noli, inquit, frustra errare, nos enim propter nos-
 metipfos hoc patimur peccantes in Deum nostrū. Tu autē ne
 te existimes impune futurum aggressus pugnare cū Deo. Ad-
 mirabilis quoque mater, quæ nec sexus infirmitate fracta, nec
 multiplici orbitate cōmota, morientes liberos spectauit liben-
 ter, nec pœnas illas pignorum, sed & gloriæ cōputauit, tam
 grande martyriū Deo præbens uirtute oculorū suorū, quā
 præbuerunt filij eius tormentis & passione membrorū. Cū
 sex punitis & occisis superesset unus ex fratribus, cui rex di-
 uitias & potentatus & multa pollicebatur, ut crudelitas eius
 aut feritas, uel unius subacti solatio foueretur, & peteret ut ad
 filium deiiciendum secum deprecaretur & mater. Deprecata
 est illa, sed ut decebat martyrum, matrem, ut decebat legis &
 Dei memorem, ut decebat filios suos nō delicatē sed fortiter di-
 ligentem. Deprecata est enim, sed ut Deum cōfiteretur, depre-
 cata est ne à fratribus suis frater in consortio laudis & gloriæ
 separaretur, tunc se septem filiorum computās matrem, si sibi
 cōtingeret septem Deo peperisse nō seculo. Arma is itaq; eum
 & corroborans, & feliciore tunc partu filium generans: Fi-
 li, inquit, miserere mei, quæ te in utero mensibus nouem por-
 tauī, & lac triennio dedi, & alui, & in ætatem istam perduxi.
 Oro fili aspicias coelū & terram, & omnibus quæ in eis sunt
 aspectis intelligas, quia ex nihilo fecit illa Deus & hominum
 genus. Itaq; fili ne timeas carnificem istum, sed dignus fratri-
 bus effectus, excipias mortē, ut in illa miseratione cum fratri-
 bus tuis te recipiam. Magna laus matris in exhortatione uir-
 tutis, sed maior in Dei timore & in fidei ueritate, quod nihil
 sibi aut filio de sex martyrum honore promisit, nec fratrum
 precem profuturā credidit ad negantis salutem. Persuasit po-
 tius participem fieri passionis, ut in iudicij die posset cū fratri-
 bus inueniri. Post hæc liberis suis commoritur & mater: neq;
 enim aliud iam decebat, quā ut quæ martyres pepererat &

fecerat, in consortio illis gloriæ iungeretur, & quos ad Deum præmiserat, ipsa quoque sequeretur. Ac nequis uel libelli, uel alicuius rei oblata sibi occasione qua fallat, amplectatur decipientium malum munus, nec Eleazarus tacendus est, qui cum sibi à ministris regis offerretur facultas, ut accepta carne qua liceret sibi uesti, ad circumueniendum regem simularet se edere, quæ de sacrificijs atque illicitis cibis ingrebatur, consentire ad hanc fallaciam noluit, dicens, nec ætati suæ, nec nobilitati conuenire id fingere, quo cæteri scandalizarentur, & in errorem inducerentur, existimantes & Eleazarum nonaginta annos natum ad morem alienigenarum relictæ & prodita Dei lege transisse, nec tanti esse lucrari breuia uitæ momenta, ut offenso Deo incurreret æterna supplicia. Atq; illhic excruciatu diu & in extremo iam constitutus, cum inter uerbera & tormenta moreretur, ingemiscens ait. Domine qui sanctam habes scientiam, manifeste tu scis, quia cum possim à morte liberari, durissimos dolores corporis tolero flagellis uapulans, animo autem propter tui ipsius metum libenter hoc patior. Syn-cera prorsus fides & uirtus integra ac satis pura, non regem Antiochum cogitasse, sed Deum iudicem, & scisse proficere sibi ad salutem non posse, si hominem derideret ac falleret, cum Deus qui conscientie nostræ iudex est, & solus timendus est, nec derideri possit omnino nec falli. Si igitur & nos dicati Deo ac deuoti uiuimus, si supra ipsa iustorum antiqua & sancta uestigia iter facimus, per eadem documenta pœnarum, per eadem passionum martyria pergamus, hoc ampliore gloriam computantes temporis nostri, quod cum uetera exempla numerentur, exuberante postmodum uirtutis ac fidei copia, numerari non possunt martyres Christiani, testante Apocalypsi & dicente. Post hæc uidi turbam magnam, quam dinumerare nemo poterat, ex omni gente, & ex omni tribu & populo & lingua stantes in conspectu throni & agni, & erant amicti stolis

Eleazarus.

2. Macb. 6.

Apoc. 7.

albis, & palmæ fuerunt in manibus eorum, & magno clamore dicebant: Salus Deo nostro sedenti super thronū & agno, & respondit unus ex senioribus dicens: Hi qui amicti sunt stolis albis, qui sunt & unde uenerūt? Et dixi ei: Domine mi scis. & ait mihi: Hi sunt qui uenerunt ex magna tribulatione, & lauerunt stolas suas, & candidas eas fecerūt in sanguine agni: propter hoc sunt in cōspectu throni Dei, & seruiunt ei die ac nocte in templo eius. Quod si tantus ostenditur & probatur Christianorum martyrum populus, nemo difficile uel arduum putet esse martyrem fieri, quando uideat martyrum populum non posse numerari.

XII.

Sap. 3. Quæ spes & merces maneat iustos & martyres post conflictationes huius temporis & passionem per Salomonem spiritus sanctus ostendit & præcinit dicens: Et si coram hominibus tormenta passi sunt, spes eorū immortalitate plena est. Et si in paucis uexati, in multis bene disponentur, quoniam Deus tentauit illos, & inuenit eos dignos se. Tanquam aurū in fornace probauit illos, & quasi holocausta hostiæ accepit illos; & in tempore erit respectus illorum. Iudicabunt nationes, & dominabuntur populis, & regnabit dominus eorum in perpetuum. Item apud eundem uindicta nostra describitur, & persequentium nos atque infestantium poenitentia prædicatur: *Sapient. 5.* Tunc stabunt iusti, inquit, in magna constantia aduersus eos, qui se angustiauerunt, & qui abstulerunt labores eorum. Videntes turbabuntur timore horribili, & mirabuntur in subitane inſperatæ salutis, dicentes inter se poenitentiam habentes, & præ angustia spiritus gementes: Hi sunt quos aliquando habuimus in derisum & in similitudinem improprij. Nos insensati uitam illorum æstimabamus insaniam, & finem illorum sine honore. Quomodo ergo computati sunt inter filios Dei, & inter sanctos fors illorū est? Ergo errauimus à uia ueritatis, & iustitiæ lumen non luxit nobis, & sol non ortus est

nobis: Lassati sumus in iniquitatis uia & perditionis, & ambulauimus solitudines difficiles, uiam autem Domini ignorauimus. Quid nobis profuit superbia, aut quid diuitiarum iactatio contulit nobis? transferunt omnia illa tanquam umbra. Item in psalmo. 115. pretium & merces passionis ostenditur. Pretiosa, inquit, est in conspectu domini mors sanctorum eius. Item in psalmo. 125. tristitia conflictationis & letitia retributionis exprimitur: Qui seminant, inquit: in lacrymis, in gaudio metent. Ambulantes ambulabant & flebant mittentes semina sua. Venientes autem uenient in exultatione, tollentes gremia sua. Et iterum in psalmo. 118. Beati qui immaculati sunt in uia, qui ambulant in lege Domini. Beati qui scrutantur martyria eius, in toto corde exquirunt eam. Item dominus in Euangelio, ultor ipse persecutionis nostrae & remunerator passionis: Beati eritis, inquit, qui persecutionem passi fueritis Matth. 5. propter iustitiam, quia ipsorum est regnum caelorum. Et iterum. Beati eritis cum odio uos habuerint homines, & separauerint uos, & expulerint, & maledixerint nomini uestro quasi nequam propter filium hominis: Gaudete in illo die & exultate, ecce enim merces uestra multa est in caelis. Et iterum. Qui perdet animam suam propter me, hic saluabit. Nec solos animaduersos & interfectos pollicitationis diuinae manent premia, sed etiam si ipsa passio fidelibus desit, fides tamen integra atque inuicta persisterit, & contemptis ac relictis suis omnibus Christum se sequi Christianus ostenderit, ipse quoque a Christo inter martyres honoratur, pollicente ipso & dicente? Nemo est qui relinquat domum, aut agrum, aut parentes, aut fratres, aut uxorem, aut filios propter regnum Dei, & non recipiat septies tantum in isto tempore, in seculo autem futuro uitam eternam. Item in Apocalypsi hoc idem loquitur: Vidi, inquit, animas occisorum propter nomen Iesu & sermonem Dei. & cum primo loco posuisset occisos, addidit dicens: Et

Luc. 18.

Apoc. 20.

quicumque imaginem bestiae non adorauerunt, nec acceperunt inscriptionem in fronte aut in manu sua, quos uniuersos a se in eodem loco simul uisos coniungit et dicit: Et uixerunt et regnauerunt cum Christo. Viuere omnes dicit et regnare cum Christo, non tantum qui occisi fuerint, sed et quique in fidei suae firmitate et Dei timore perstantes, imaginem bestiae non adorauerunt, neque ad funesta eius et sacrilega edicta consenserunt. Plus nos accipere in passionis mercede, quam quod hic

2. Cor. 12.

sustinemus in ipsa passione, probat beatus apostolus Paulus, qui dignatione diuina usque in tertium caelum atque in paradysum raptus, audisse se inenarrabilia testatur, qui occulta fide Iesum Christum uidisse se gloriatur, qui id quod et didicit et

Rom. 8.

uidit maioris conscientiae esse ueritate profitetur. Non sunt, inquit, condignae passionis huius temporis ad superuenturam gloriam, quae reuelabitur in nobis. Quis ergo non omnibus uiribus elaboret ad tantam claritatem peruenire, ut amicus Dei fiat, et cum Christo statim gaudeat? ut post tormenta et supplicia terrena, ad praemia diuina perueniat? si militibus secularibus gloriosum est, ut hoste deuicto redeant in patriam triumphantes: quanto potius et maius est, deuicto zabelulo ad paradysum triumphantes redire, et unde Adam peccator eiectus est, illuc prostrato eo, qui ante deceperat, trophaea uictricia reportare? offerre Deo acceptissimum munus, incorruptam fidem et uirtutem mentis incolumem, laudem deuotionis illustrem? comitari eum, cum uenire coeperit uindictam de inimicis recepturus, lateri eius assistere, cum sederit iudicaturus? coheredem Christi fieri? angelis coaequari? cum patriarchis, cum apostolis, cum prophetis caelestis regni possessione letari? Has cogitationes quae persecutio potest uincere, quae possunt tormenta superare? Durat fortis et stabilis religiosus meditationibus fundata mens, et aduersus omnes diaboli terrores et minas mundi animus immobilis perstat, quem

futurorum sedes certa & solida corroborat. Clauduntur oculi in persecutionibus terræ, sed patet cælum: minatur Antichristus, sed dominus Christus tuetur: mors infertur, sed immortalitas sequitur: occiso mundus eripitur, sed restituto paradysus exhibetur: uita temporalis extinguitur, sed æterna reparatur.

Quanta est dignitas & quanta securitas, exire hinc Letū, exire inter pressuras & angustias gloriosum, claudere in momento oculos, quibus homines uidebantur & mundus, & aperire eosdem statim ut Deus uideatur & Christus, tam uelociter migrandi quanta uelocitas ut terris repente subtraharis, & in regnis cœlestibus reponaris? Hæc oportet mente contemplari et cogitatione, hæc die ac nocte meditari. Si talem persecutionis dies Christi militem inuenerit, uinci nō poterit uirtus ad præmii prompta. Vel si accersitio antè peruenerit, sine præmio non erit fides quæ erat ad martyrium parata. Sine damno temporis merces Deo iudice redditur, in persecutione militia, in pace conscientia coronatur. Amen.

Libelli de exhortatione martyrij.

FINIS.

D. CYPRIANI ADVERSUS
IUDAEOS LIBER PRIMVS

ad Quirinum, cuius argumentū sub-
scripta epistola continet.

CYPR. QVIRINO FILIO SAL.



Btemperandū fili charissime desiderio tuo
spirituali, impēssima petitione diuina ma-
gisteria poscenti, quibus nos dominus per
scripturas sanctas erudire dignatus est &
instruere, ut à tenebris erroris abducti, &
luce eius pura & candida luminati, uiam
uite per sacramenta salutaria teneamus. Et quidem sicut peti-
sti, ita à nobis sermo compositus, & libellus compendiosa bre-
uitate digestus est, ut quæ scribantur non copia latiore diffun-
derem, sed quantum mediocritas memoriæ suggererat, excer-
ptis capitulis & annexis necessaria quæq; colligerem, quibus
non tam tractasse, quàm tractantibus materiam præbuisse ui-
deamur. Sed et legentibus breuitas huiusmodi plurimum pro-
dest, dum nō intellectum legentis & sensum liber longior spar-
git, sed subtiliore compendio, id quod legitur, tenax memoria
custodit. Complexus sum uerò libellos duos pari æqualitate
moderatos: Vnum quo ostendere nixi sumus Iudæos secun-
dum quæ fuerant antè prædicta, à Deo recessisse, & indulgen-
tiam Domini, quæ sibi & pridem data, & in postremum promif-
sa fuerat, perdidisse: successisse uerò in eorum locum Christia-
nos fide Dominum promerentes, & de omnibus gentibus ac
de toto orbe uenientes. Item libellus alius continet Christi sa-
cramentū, quod idem uenerit qui secundum scripturas annun-
tius est & gesserit ac perfecit uniuersa, quibus intelligi &
cognosci posse prædictus est: quæ legenti tibi interim prosunt
ad primæ fidei liniamenta formāda. Plus roboris tibi dabitur,

* alias, mode
ratus.

Et magis ac magis intellectus cordis operabitur scrutanti scripturas ueteres ac nouas plenius, et uniuersa librorum spiritualium uolumina perlegenti. Nam nos nunc de diuinis fontibus impleuimus modicum, quod tibi interim mitteremus. Bibere uberius et saturari copiosius poteris, si tu quoque ad eosdem diuinæ plenitudinis fontes nobiscum pariter poturus accesseris. Opto te fili charissime semper bene ualere.

CAPVT PRIMVM.

- Libellus primus, Iudæos in offensam Dei grauiter deliquisse, quod Dominum dereliquerint, et idola secuti sint.
- 2 Item quod prophetis non crediderint, et eos interfecerint.
- 3 Antè prædictum quod dominum neque cognituri, neque intellectu, neque recepturi essent.
- 4 Quod scripturas sacras intellectu Iudæi non essent, intelligi autem haberet in nouissimis temporibus posteaquam Christus uenisset.
- 5 Nihil posse Iudæos intelligere de scripturis, nisi prius crediderint in Christum.
- 6 Quod Hierusalem perdituri essent, et terram quam acceperunt relicturi.
- 7 Item quod essent amissuri lumen domini.
- 8 Quod circumcisio prima carnalis euacuata sit, et secunda spiritualis repromissa sit.
- 9 Quod lex prior quæ per Moysen data est, cessatura esset.
- 10 Quod lex noua dari deberet.
- 11 Quod dispositio alia et testamentum nouum dari haberet.
- 12 Quod baptisma uetus cessaret, et nouum inciperet.
- 13 Quod iugum uetus euacuaretur, et iugum nouum oriretur.
- 14 Quod pastores ueteres cessaturi essent, et noui inciperet.
- 15 Quod domus et templum Dei Christus futurus esset, et cessasset templum uetus, nouumque cœpisset.
- 16 Quod sacerdotium uetus cessaret, et nouus sacerdos ueniret.

niret, qui in æternum futurus esset.

- 17 Quòd propheta alius sicut Moyses promissus sit, scilicet, qui testamētū nouū daret, et qui magis audiri deberet.
- 18 Quòd duo populi prædicti sint, maior, et minor, id est, uetus Iudeorum, & nouus qui esset ex nobis.
- 19 Quòd ecclesia, quæ prius sterilis fuerat, plures filios habitura esset ex gentibus quàm quot synagoga antè habuisset.
- 20 Quòd gentes magis in Christum credituræ essent.
- 21 Quòd panem & calicem domini & omnem gratiam eius amissuri essent Iudæi, nos uerò accepturi, & q̃ Christianorum nouum nomen benediceretur in terris.
- 22 Quòd ad regnum cœlorum magis gentes quàm Iudæi perueniant.
- 23 Quòd solo hoc Iudæi accipere ueniam possint delictorum suorum, si sanguinem Christi occisi baptismo eius abluerint, & in ecclesiam transeuntes præceptis eius obtemperauerint.

LIBRI PRIMI CAP. I.



Exod. 32.

Vdeos in offensam Dei grauitèr deliquisse quòd Dominum reliquerint, & idola secuti sint, in Exodo populus ad Aaron: Exurge & fac nobis deos qui nos præcedant, q̃a Moyses uir hic, qui nos eiecit de Aegypto, quid ei acciderit, non scimus. Itē illhic

Moyses ad dominum: Precor te domine, deliquit populus hic delictum grande: fecerunt sibi deos aureos & argenteos, & si dimittis eis, dimitte: sin autē, dele me de libro quem scripsisti. Et dixit Dominus ad Moysen: Siquis deliquerit ante me, dele-

Deut. 32.

Iud. 2.

bo illum de libro meo. Item in Deuteronomio: Sacrificauerūt demonijs & non Deo. Item in libro Iudicum: Et fecerunt filij Israhel malignū cōtra Dominū Deum patrū suorum, qui eiecit

eos de terra Aegypti, & secuti sunt deos gentium, qui circa illos sunt, & ostenderunt Deum, et seruiuerunt Baal. Item illhic: Et adiecerunt filij Israël iterū facere malignum cōtra Dominum. Et seruiuerunt Baal & dijs alienigenarum, & reliquerunt Dominum, & non seruiuerunt illi. Derelictus est Iuda, & abominatio facta est in Israël & in Hierusalem, quoniam profanauit Iudas sancta domini, in quibus dilexit & affectauit deos alienos. Exterminabit Dominus hominem qui facit hæc, & humilis efficietur in tabernaculis Iacob apud Malachiel. II.

Quod prophetis nō crediderint & eos interfecerint, apud Hieremian Dominus dicit: Misi ad uos seruos meos prophetas, ante lucem mittebam, & non audiebatis me, neq; intendebatis auribus uestris, dicens: Conuertatur unusquisq; à uia sua mala, & à nequissimis affectionibus uestris à seculo & usque in secula. Nolite ambulare post deos alienos ut seruiatis eis, et ne adoraueritis, & ne incitetis me in operibus manuum uestrarum ad dispergendos uos, & non audistis me. Item in Regum libro tertio Helias ad Deum: Aemulando æmulatus sum dominum Deum omnipotentem, quia dereliquerunt te, altaria tua demolierunt, & prophetas tuos interfecerunt gaudio, & remansi ego solitarius, & querunt auferre animam meam. Item in Esdra: Desciuerunt à te & abiecerunt legem tuam post dorsum suum, & prophetas tuos interfecerunt, qui obtestabantur eos, ut reuertentur ad te. Hier. 7. 3. Reg. 19. III.

Quod dominū neq; cognituri, neq; intellecturi, neq; recepturi essent, apud Esaiam. Audi cœlum, & prebe aurē terra, quoniam Dominus locutus est: Filios generavi & exaltaui ipsi autē me spreuerunt. Agnouit bos possessore suū & asinus præsepe domini sui, Israël autē non cognouit, & populus me non intellexit. Væ genti peccatrici, populo pleno peccatis, * semi- * alias, semē. ni nequā, filij scelesti reliquistis dominū, & in indignationem misistis illū sanctū Israël. Item apud eūdem dominus dicit: Væ

de & dic populo isti: Aure audietis & non intelligetis, & uidentes uidebitis, & non uidebitis. Incrassau enim cor populi huius, & auribus grauerunt audierunt, & oculos suos concluderunt, ne forte uideant oculis, et auribus audiant, & corde intelligant, et reuertantur, et curem illos. Item apud Hieremiā domi-

Hier. 2. nus dicit: Me dereliquerunt fontē aquę uiuę, et effoderunt sibi lacus detritos qui nō poterūt aquā portare. Item apud eundē:

Ibid. 20. et 3. Ecce sermo Domini factus est eis in maledictiū, nō uolunt illū. Itē apud eūdem dominus dicit: Cognouit tempus suū turtur et hirundo, ruris passerēs custodierūt tēpora introitus sui: populus autē meus non cognouit iudiciū domini. Quomodo dicitis, sapiētes sumus, & lex domini nobiscum est? Incassum facta est mœchatura falsa, scribæ cōtusi sunt, sapiētes trepidauerunt, & capti sunt, quia uerbum Dei reprobauerūt. Item apud Salomonem: Querunt me mali & non inuenient: odio enim habuerūt sapientiā, sermonē autem domini nō receperūt. Item in

Psal. 27. et 13. psalmo: Redde eis retributionē eorū, quoniā nō intellexerunt in operibus domini. Item in Psalmo: Non cognouerunt neque intellexerūt, in umbra deambulabunt. Item in Euangelio secun-

Ioan. 1. dum Ioannem: In sua propria uenit, et sui eum non receperūt. Quotquot autem receperunt eum, dedit eis potestatem ut filij Dei fierent, qui credunt in nomen eius.

IIII.

Quod scripturas sacras Iudei intellectu non essent, intelligi autem haberent in nouissimis temporibus, posteaquā

Isa. 29. Christus uenisset: apud Esaian: Et erunt uobis hi omnes sermones sicut sermones libri, qui signatus est, quem si dederis homini scienti literas ad legendum, dicet: Non possum legere, signatus est enim. Sed in illa die audient surdi sermones libri, & qui in tenebris, & qui in nebula sunt, oculi eorum uidebunt. Item apud Hieremiam: In nouissimis diebus

Hier. 23. cognoscetis ea. Item apud Daniele: Muni sermones, & signa librum adusque tempus consummationis, quo addiscant

Dan. 12.

multi

multi, & impleatur agnitio, quoniam cum fiet dispersio, cognoscent omnia hæc. Paulus ad Corinthios in epistola prima: Nolo enim uos ignorare fratres, quia patres nostri omnes sub nube fuerunt. Item in epistola ad Corinthios secunda: Obtusi sunt sensus eorū usq; ad hunc diem, hoc eodem uelamento in lectione ueteris testamenti manente, quod non reuelatur, qui in Christo euacuatur, & usque in hodiernum, siquando legitur Moyses, uelamentum est super cor eorum. Mox autē ut cōuersus est ad Dominū, auertitur uelamentum. In Euangelio dominus post resurrectionē: Isti sunt sermones, quos locutus sum ad uos, cum adhuc essem uobiscum, quia oportet adimpleri omnia scripta in lege Moyse & prophetis, & psalmis de me. Tunc adaperuit illis sensum, ut intelligerent scripturas, & dixit illis: Quia scriptum est Christum pati, & resurgere à mortuis tertia die, & prædicare in nomine eius poenitentia & remissionem peccatorū usq; in omnes gentes. V.

Luc. 24.

Nihil posse Iudeos intelligere de scripturis, nisi crediderint in Christum, apud Esaia: Et si non credideritis, neque intelligetis. Vnde Dominus in Euangelio: Si enim non credideritis quia ego sum, moriemini in peccatis uestris. Fide autem stare iustitiam, & illuc esse uitam, prædictum est apud Abacuc: Iustus autem ex fide mea uiuet: tamen Abraham pater gentium credidit. In Genesi: Credidit Abraham Deo, & deputatum est ei ad iustitiam. Item Paulus ad Galatas: Abraham credidit Deo, & deputatum est ei ad iustitiam. Cognoscitis ergo, quia qui ex fide sunt, hi sunt filij Abraham. Prouidens autem scriptura quia ex fide iustificat gentes Deus, prænuntiat Abraham quia benedicentur in illo omnes gentes. Igitur qui ex fide sunt, benedicti sunt cum fidei Abraham. VI.

Esa. 7.

Ioan. 8.

Abac. 2.

Gen. 15.

Galat. 3.

Quòd Hierusalem perdituri essent, & terram quam acciperant relicturi apud Esaia: Terra uestra deserta, ciuitates uestre igni exustæ, regionē uestram in conspectu uestro alie-

Esa. 6.

ni comedent eam, & deserta & subuersa à populis alienis derelinquetur filia Sion, sicut casa in uinea, & sicut custodia in cucumerario, quasi ciuitas quæ expugnatur. Et nisi Dominus sabaoth reliquisset nobis semen, quasi Sodoma fuisset, & quasi Gomorra simulaemus. Item in Euangelio Dominus dicit: Hierusalem Hierusalem quæ occidis prophetas, & lapidas missos ad te, quoties uolui colligere filios tuos, sicut gallina pullos sub alas, & noluisti? Ecce relinquetur uobis domus uestra deserta.

VII.

Quod essent amissuri lumen Domini: apud Esaiam, Venite ambulemus in lumine Domini, dimisit enim populum suum domum Israel. Item in Euangelio: Fuit lumen uerum, quod illuminat omnem hominem uenientem in hunc mundum. In hoc mundo fuit, & mundus per ipsum factus est, & mundus eum non cognouit. Item illhic? Qui non crediderit, iam iudicatus est, quia non crediderit in nomine unici filij Dei. Hoc autem est iudicium, quoniam lux uenit in seculum, & magis dilexerunt tenebras, quam lumen.

VIII.

Quod circumcisio prima carnalis euacuata sit, & secunda spiritualis repromissa sit: apud Hieremiã: Hæc dicit Dominus uiris Iuda, & qui habitant Hierusalem: Renouate inter uos nouitatem, & ne seminaueritis in spinis, circumcidite Deo uestro uos, & circumcidite præputiũ cordis uestri, ne exeat sicut ignis ira mea, & exurat, & non sit qui extinguat. Item Moyses dicit: In nouissimis diebus circumcidet Deus cor tuum, & cor seminis tui, ad Dominum Deum amandum. Item apud Iesum Naue. Et dixit Dominus ad Iesum. Fac tibi cultellos petrinos nimis acutos, & abicide & circumcide secundò filios Israel. Item Paulus ad Colossenses: Circumcisi estis circumcisione non manufacta in expoliatione carnis, sed in circumcisione Christi. Itẽ quod Adam primus à Deo factus incircumcisus, & Abel iustus, & Enoch qui Deo placuit, & translatus est.

Et Noe qui terris omnibus ob delicta pereuntibus solus in quo humanum genus servaretur electus est: ut Melchisedech sacerdos, secundum cuius ordinem Christus repromissus est, tunc quod illud signaculum seminis non profecit. Signo autem Domini omnes signantur.

IX.

Quod lex prior quæ per Moysen data est, cessatura esset: apud Esaian: Tunc manifesti erunt qui signant legem, ne discendant. Et dices: Expecto Deum qui avertit faciem suam à domo Iacob, et fidens ero in illum. Item in Evangelio: Omnes prophete et lex usque ad Ioannem prophetaverunt.

X. Matth. 11.

Quod lex nova dari haberet: apud Michæam. Quoniam lex de Sion proficiet, et sermo Domini ab Hierusalem. Et iudicabit inter plurimos populos, et reuincet, et deteget ualidas nationes. Item apud Esaian: De Sion enim procedet lex, et uerbum Domini de Hierusalem, et iudicabit inter gentes. Item in Evangelio secundum Matthæum: Ecce uox de nube dicens: Hic est filius meus dilectus in quo bene sensi, ipsum audite.

Mich. 4.

Esa. 2.

Matth. 3.

XI.

Quod dispositio alia et testamentum nouum haberet dari: apud Hieremian. Ecce ueniunt, dicit Dominus, et consuminabo in domum Israel, domum Iuda testamentum nouum. Non secundum testamentum quod disposui patribus eorum in diem qua apprehendi manus eorum, ut educerem eos de terra Aegypti, quia non permanserunt in testamento meo, et ego neglexi eos dicit Dominus. Quia hoc testamentum quod disponam domui Israel post dies illos dicit Dominus. Deus leges meas in sensum illorum scribam illa, et ero illis in Deum, et ipsi erunt mihi in plebem, et non docebunt unusquisque fratrem suum, dicentes. Dignosce Dominum, quia omnes scient me à minimo usque ad maximum eorum, quia propitius ero iniquitatibus eorum, et peccatorum eorum non ero memor amplius.

Hiere. 31.

XII.

Quod baptisma uetus cessaret et nouum inciperet: apud

Esai. 43. Esaiam: Nolite priora meminisse, & antiqua nolite reputare. Ecce facio noua quæ nunc orientur, & cognoscetis, & faciam in deserto uiam, & flumina in loco inaquoso adaquare genus humanum, electam plebem meam quam acquisiui, ut uirtutes meas exponeret. Item apud eundem: Si sitierint per deserta adductis illis findetur petra, & fluet aqua & bibit plebs mea.

Matth. 3. Item in Euangelio secundum Matthæum Ioannes dicit: Ego uos quidem baptizo in aqua & in pœnitentia: qui uenit post me fortior me est, cuius nō sum idoneus calciamenta portare. Ipse uos baptizabit spiritu sancto & igne. Item secundū Ioan-

Ioan. 3. nem: Nisi quis natus fuerit ex aqua & spiritu sancto, non potest introire in regnum Dei. Quod enim natum est de carne, caro est: & quod natum est ex spiritu, spiritus est. XIII.

Quod iugum uetus euacuaretur, & iugum nouum daretur: in Psalmo: Ad quid tumultuatæ sunt gentes, & populi meditati sunt inania? Astiterunt reges terræ & principes collecti sunt in unum aduersus Dominum, & aduersus Christum eius. Disrumpamus uincula eorum, & abijciamus à nobis iu-

Matth. 11. gum eorum. Item secundum Matthæum Dominus dicit: Venite ad me omnes qui laboratis & onerati estis, & ego uos requiescere faciam. Tollite iugum meum super uos, & discite à me quia mitis sum & humilis corde, & inuenietis requiem animabus uestris. Iugum enim meum bonū est, & sarcina mea

Hier. 30. leuis. Apud Hieremiam: In illa die contribulabo iugum à ceruice illorum, & uincula illorum disrumpam, & non operabuntur alijs, sed operabuntur Domino Deo, & Dauid regem suscitabo ipsis. XIII.

Quod pastores ueteres cessaturi essent & noui inciperent: apud Ezechielem: Propterea hoc dicit Dominus: Ecce ego super pastores, & inquiram oues meas de manibus eorum, & auertam eos, ut nō pascant oues meas, & iam non pascent eas, & extraham oues meas de ore eorum, et pascam eas cum

iudicio. Apud Hieremiam Dominus dicit: Et dabo vobis pascua Hier. 3. & 31.
 stiores secundum cor meum, & pascunt vos pascentes cum disciplina. Item apud Hieremiam: Audite verbum Domini gentes, & nuntiate in insulis quæ longe sunt, dicite: Qui dispergit Israel congregabit illum, & custodiet sicut pastor gregem suum. Quia eruit Dominus Iacob, & eruit de manu fortioris illius.

XV.

Quod domus & templum Dei Christus futurus esset, & cessasset templum vetus nouumque cœpisset: Regum secundo: Et fuit verbum Domini ad Nathan dicens: Vade & dic seruo meo Dauid: Hæc dicit Dominus: Tu non ædificabis mihi domum ad habitandum, sed erit cum impleti fuerint dies tui, & dormieris cum patribus tuis, suscitabo semen tuum post te, qui erit de utero tuo, & parabo regnum eius, hic ædificabit domum nomini meo, & erigam thronum eius in secula, & ego ero ei in patrem, & ipse erit mihi in filium, & fidem consequetur domus eius, & regnum eius usque in secula in conspectu meo. Mar. 13.
 Item in Euangelio Dominus dicit: Non relinquetur in templo lapis super lapidem qui non dissoluatur, & post triduum aliud excitabitur sine manibus.

XVI.

Quod sacrificium vetus euacuaretur, & nouum celebraretur: apud Esaiam: Quid mihi multitudinem sacrificiorum vestrorum dicit Dominus? Plenus sum. Holocausta & pinguedines agnorum, & sanguinem taurorum & hircorum nolo. Quis enim exquisiuit ista de manibus vestris? Item in Psalmo quadragesimo nono: Non edam carnes taurorum, aut sanguinem hircorum bibam. Sacrifica Deo sacrificium laudis, & redde altissimo vota tua. Inuoca me in die pressuræ, & eruam te & clarificabis me. Item in Psalmo eodem: Sacrificium laudis clarificabit me, & illuc uia est, in qua ostendam illi salutare Dei. Itē in Psalmo quarto: Sacrificate sacrificium iustitiæ, & sperate in Deum. Itē apud Malachiam: Non est uoluntas mihi circa uos, Malach. 1.

dicit Dominus, & sacrificium acceptum non habebō ex manibus uestris. Quoniam à solis ortu & usque in occasum clarificatum est nomen meum apud gentes, & in omni loco odores incensi offerrent nomini meo, & sacrificium mundum, quoniam magnum est nomen meum apud gentes, dicit Dominus.

XVII.

Psal. 109. Quòd sacerdotium uetus cessaret, & nouus sacerdos ueniret, qui in æternum futurus esset: in Psalmo: Ante luciferum genui te. Iurauit Dominus & non poenitebit eum, tu es sacerdos in æternum secundum ordinem Melchisedech. Item in Regum primo Deus ad Heli sacerdotem. Et suscitabo mihi sacerdotē fidelem, qui omnia quæ sunt in corde meo faciet, & ædificabo ei domum fidelem, & transibit in conspectu Christorum meorum omnibus diebus, & erit qui remanserit in domo tuā, ueniet adorare in obolo pecuniæ & pane uno.

XVIII.

Deut. 18. Quòd propheta alius sicut Moyses promissus sit, scilicet qui testamentum nouum daret, & qui magis audiri deberet, in Deuteronomio Deus ad Moysen. Et dixit Dominus ad me: Prophetam excitabo eis de fratribus eorum sicut & te. Dabo uerbum meum in ore eius, & loquetur ad eos ea quæ præcepero. Et quisquis non audierit quæ loquetur propheta ille in nomine meo, ego uindicabo. De quo & Christus in Euangelio secundum Ioannem. Scrutamini scripturas, in quibus putatis uos uitam æternam habere, hæ sunt quæ testimonium perhibent de me, & non uultis uenire ad me, ut uitam habeatis. Nolite putare quia ego uos accuso apud patrem, est qui uos accuset Moyses, in quem uos speratis. Si enim credidissetis Moysi, crederetis & mihi, de me enim ipse scripsit. Si autem illius scripturis non creditis, quomodo uerbis meis credetis?

XIX.

Quòd duo populi prædicti sint maior & minor, id est, uetus Iudeorum, & nouus qui est ex nobis futurus, in Genesi.

Et dixit dominus Rebecca: Duae gentes in utero tuo sunt, & Gen. 25
duo populi de utero tuo diuidentur, & populus populum su-
perabit, & maior seruiet minori. Item apud Osee: Vocabo nō Osee 2.
populum meum, populum meum, & non dilectum, dilectum:
Erit enim quo loco dicetur non populus meus, illo loco uoca-
buntur filij Dei uiui.

XX;

Quod ecclesia quæ prius sterilis fuerat, plures filios habi-
tura esset ex gentibus, quàm quot synagoga antea habuisset:
apud Esaiam: Iocundare sterilis, quæ non parit, erumpe & Esa. 54.
exclama quæ nō parturis, quia multi filij desertæ magis quàm
eius quæ habet uirum. Dixit enim dominus. Dilata locum ta-
bernaculi tui, & pelles tabernaculorum tuorum extende. No-
li parcere, longas fac mensuras tuas, & palos tuos confirma.
Adhuc in dexteram tuam & in sinistram extende, & semen
tuum possidebit gentes, & ciuitates desertas inhabitabit. Noli
timere quia reuincas. Neque reuerearis, quia maledicta es, quon-
iam confusionem æternam obliuisceris. Sic & Abraham, cum
de ancilla natus esset prior filius, Sara sterilis diu mansit, &
serò in senectâ de pollicitatione peperit filium Isaac, qui fuit
typus Christi. Sic & Iacob accepit uxores duas, maiore Li-
am oculis infirmioribus in typum synagogæ, minorem specio-
sam Rachel in typum ecclesiæ, quæ & sterilis diu mansit, &
postea peperit Ioseph, qui & ipse fuit typus Christi. & in
Regum primo legitur Helcana uxores duas habuisse, Fencen-
nan cum filiis, & Annam sterilem, ex qua nascitur Samuel,
non secundum ordinem generandi, sed secundum dei misera-
tionem & promissionem cum illa orasset in templo, & natus
Samuel typus fuit Christi. Item in Regum primo. Sterilis se-
ptem peperit, & quæ plurimos haberet filios infirmata est.
Filij autem sunt ecclesiæ septem. Vnde & Paulus septem dona spi-
ritus scripsit, & Apocalypsis ecclesias septem ponit, ut serue-
tur septenarius numerus, ut dies septem, quibus dominus mun-

Apoc. 1.

dum fecit, ut Angeli septem qui assistunt & cōuersantur ante faciem Dei, sicut Raphael Angelus dicit in Tobia: & lucerna septiformis in tabernaculo testimonij, & oculi Domini, qui mundum specularantur, & lapis cum oculis septem ut Zacharias dicit, & spiritus septem & candelabra in Apocalypsi septem, & columnæ septem super quas ædificauit domum sapientia apud Salomonem. XXI.

Quod gētes in Christū magis credituræ essent: in Genesi: Et dixit Dominus ad Abrahā: Exi de terra tua, & de cognatione tua, & de domo patris tui, & uade in illam terrā, quam tibi ostendero, & faciā te in gentē magnam, & benedicam te, & magnificabo nomē tuum, & eris benedictus, & benedicā qui te benedixerit, & maledicam qui te maledixerit, & benedicētur in te omnes tribus terræ. de hoc ipso in Genesi: Et benedixit Isaac Iacob: Ecce odor filij mei sicut odor agri pleni, quem benedixit Dominus. Et det tibi Deus de rore coeli, & à fertilitate terræ multitudinē frumenti, uini & olei, & seruiēt tibi gentes, & adorabūt te principes, & eris Dominus fratris tui, & qui maledixerit tibi, sit maledictus, & qui benedixerit tibi, sit benedictus. De hoc ipso in Genesi: Vt uidit autē Ioseph quoniā posuit pater suus manū dexterā super caput Effraim, graue illi uisum, et apprehēdit Ioseph manū patris sui auferre à capite Effraim ad caput Manasse. Dixit autē Ioseph ad patrē suū: Nō sic pater, hic est primitiuus meus, superpone dexterā tuā super caput eius. Ipse autē noluit, et dixit: Scio fili scio, & hic erit in populū, et hic exaltabitur, sed frater eius iunior maior illo erit, & semē eius erit in multitudinē gentiū. Itē in Genesi: Iuda te laudabūt fratres tui, manus tuæ super dorsum inimicorum tuorum. Adorabunt te filij patris tui, catulus leonis Iuda de frutice fili mi ascēdisti, recubans obdormisti uelut leo, & uelut catulus leonis. Quis excitabit illum? Non deficiet princeps de Iuda, & dux de femoribus eius, quoadusque

Gen. 12.

Gen. 27.

Gen. 43.

Gen. 49.

ueniant deposita illi, & ipse erit spes gentium. Deligans ad uitem pullum suum, & ad ilicem pullum asinae suae. Lauabit in uino stolam suam, et in sanguine uuae amictum suum. * Formidolosi oculi eius a uino, & candidi dentes eius magis, quam lac. Unde in Numero de populo nostro scriptum est: Ecce populus quasi populus leoninus consurget. In Deuteronomio: Eritis gentes in caput, incredulus autem populus in caudam. Audite uocem tubae, & dixerunt: Non audiemus. Propter hoc audient gentes, & qui pascent pecora in eis. In Psalmo decimo septimo: Constitues me in caput gentium. Populus quem non cognoui seruiuit mihi, in auditu oris obediuit mihi. De hoc ipso apud Hieremiam Dominus dicit: Prius quam te forma-
 rem in utero noui te, & prius quam exires de uulua sanctifi-
 caui te, et prophetam in gentibus posui te. Item apud Esaiam: Ecce posui illum testem nationibus. Manifestaui principem et
 imperatorem gentibus. Item apud eundem: Gentes quae non nouerunt te, inuocabunt te: & populi qui ignorabunt te, ad te confugient. Item apud eundem: Et erit in illa die radix
 Iesse, qui surgens imperabit omnibus gentibus, et in illum gen-
 tes sperabunt, & erit requies eius honor. Item apud eundem: Terra Zabulon & terra Neptalim uia maris, & qui mari-
 tima inhabitatis, & trans Iordanem gentium populusambu-
 lans in tenebris, uidete lumen magnum qui habitatis in regio-
 ne umbrae mortis. Lumen lucebit super uos. Item apud eundem: Sic dicit dominus Deus Christo meo domino, cuius tenui de-
 xteram, ut exaudiant eum gentes. Fortitudinem tuam disrum-
 pet, & in illam gentes sperabunt, & ciuitates concludentur.
 Item apud eundem: Venio colligere omnes gentes & linguas,
 & uenient & uidebunt claritatem meam, & dimittam super
 eos signum, & mittam ex eis conseruatos in gentes, quae lon-
 ge sunt, quae non audierunt nomen meum, neque uiderunt glo-
 riam meam, & nuntiabunt claritatem meam inter gentes. Item

*Diuersa le-
 glio, legendum
 opinor forme
 si.*

Deutero. 28.

Hiere. 1.

Esa. 55.

Ibid. 11.

Ibid. 9.

Esa. 66.

apud eundem: Et in omnibus his non sunt conuersi, igitur ex-
 tollet signum in gentes, quæ sunt longe, et attrahet illas à sum-
 mo terræ. Item: Quibus non est nuntiatum de eo, uidebunt, &
 Esa. 65. qui non audierunt, intelligent. Item: Manifestus sum eis, qui me
 non querunt, inuentus sum ab eis, qui me non interrogabant.
 Dixi, ecce sum genti, quæ non inuocauit nomē meum. De hoc
 Act. 13. ipso in Actis apostolorum Paulus, Vobis primum oportuerat
 indicari uerbum Dei: sed quia expulistis illud, nec uos dignos
 uitæ æternæ iudicastis, ecce cōuertimus nos ad gentes, sic enim
 dixit per scripturas Dominus: Ecce lucem posui te inter gen-
 tes, ita ut sis in saluationem usq; ad fines terræ. XXII.

Quod panem & calicem Christi, et omnem gratiam eius
 amissuri essent Iudæi, nos uerò accepturi, & quod Christiano-
 rum nouum nomen benediceretur in terris: apud Esaiam sic di-
 cit Dominus: Ecce qui seruiūt mihi, manducabūt, uos autē esu-
 rietis. Ecce qui seruiunt mihi, bibent, uos autē sitietis: qui mihi
 seruiunt, letabuntur, uos autē cōfundemini: & seruos meos uo-
 cabo nomine alio, quod benedicetur in terra. Itē illhic, Igitur
 extollet signum in gentes, quæ sunt longe, & attrahet illas ab
 extremo terræ. Et ecce cito leuiter adueniēt, non esurient neq;
 sitient. Item illhic: Ecce itaq; dominator dominus Sabaoth au-
 feret à Iudæa, et ab Hierusalē ualentē & ualidū, ualentiam pa-
 nis, & ualentia aquæ. Item in psalmo tricesimo tertio, Gustate
 & uidete quoniā Dominus dulcis est. Felix est uir, qui sperat
 in eum. Timete Deum omnes sancti eius, quoniā nō est inopia
 eis qui eum metuūt. Diuites egruerunt & esurierunt: qui autem
 inquirunt Dominum, non egebunt omni bono. Item in Euan-
 Ioan. 6. gelio secundum Ioannem Dominus dicit, Ego sum panis uitæ,
 qui ueniet ad me, non esuriet, et qui in me crediderit, nō sitiet
 Ibidem. 7. unquā. Item illhic ipse, Siquis sitit, ueniat et bibat. Qui cre-
 dit in me, flumina de uentre eius fluent aquæ uiuæ. Item illhic
 Ibidem. 6. ipse: Nisi ederitis carnem filij hominis, & biberitis eius san-

guinem, non habebitis uitam in uobis. XXIII.

Quòd ad regnum cœlorum magis gentes quàm Iudei perueniant, in Euangelio Dominus dicit: Multi ueniēt ab oriente & occidente, et recumbent cum Abraham et Isaac et Iacob in regno cœlorum. Filij aut̃ regni exhibūt in tenebras exteriores. Illhic erit ploratio & stridor dentium. XXIII.

Quòd solo hoc Iudei accipere ueniam possint delictorum suorum, si sanguinem Christi occisi baptismo eius abluerint, & in ecclesiam eius transeuntes præceptis eius obtemperauerint: apud Esaiam Dominus dicit: Iam non relaxabo peccata uestra. Cum extenderitis manus, auertam faciem meam à uobis, & si multiplicaueritis preces, non exaudiam uos, manus enim uestre sanguinis plenæ. Lauamini, mundi estote, auferate nequitias ab inimicis uestris, à conspectu oculorum meorū, cessate à nequitijs uestris. Discite bonum facere, exquirite iudiciū, conseruate eum qui iniuriam patitur, iudicate pupillo, & iustificate uiduam, et uenite disputemus. Item Dominus dicit: Et si fuerint peccata uestra ut phoeniceum, ut niuem exalbabo: & si fuerint quasi coccinam, ut lanam inalbabo: & si uolueritis, & audieritis me, bona terræ edetis. Si autem nolueritis, et non audieritis me, gladius uos cōsumet. Os enim Domini locutum est ista.

LIBRI PRIMI FINIS.

LIBRI SECVNDI CAPVT. I.

Christum primogenitum esse, et ipsum esse sapiētiam Dei, per quem omnia facta sint.

- 2 Quòd sapientia Dei Christus, et de sacramento incarnationis eius, et passionis, et calicis, et altaris, et apostolorum qui misi prædicauerunt.
- 3 Quòd idem sit sermo Dei.
- 4 Quòd Christus idem manus et brachium Dei est.
- 5 Quòd idem angelus et Deus Christus.

- 6 Quòd Christus Deus uenturus esset illuminator & saluator generis humani.
- 7 Quòd cum à principio filius Dei fuisset, generari denuo haberet secundum carnem.
- 8 Quòd hoc futurum esset signū natiuitatis eius, ut de uirgine nasceretur homo & Deus, hominis & Dei filius.
- 9 Quòd et homo et Deus et Christus ex utroq; genere concretus ut mediator esse inter nos & patrem possit.
- 10 Quòd semine Dauid secundum carnem nasci haberet.
- 11 Quòd in Bethleem.
- 12 Quòd humilis in primo aduentu suo ueniret.
- 13 Quòd ipse sit Christus, quem Iudæi occisuri essent.
- 14 Quòd ipse dictus sit ovis & agnus, qui occidi haberet, & de sacramento passionis.
- 15 Quòd idem & lapis dictus sit.
- 16 Quòd deinde idē lapis mōs fieret, et impleret totū orbē.
- 17 Quòd in nouissimis tēporibus idē mons manifestaretur, sup quē gētes uenirēt, et in quē iusti quiq; ascēderent.
- 18 Quòd ipse sit sponsus, ecclesiam sponsam habens, de qua filij spiritualiter nascerentur.
- 19 Quòd cruci illum fixuri essent Iudæi.
- 20 Quòd in passione crucis et signo uirtus omnis sit et ptās.
- 21 Quòd in hoc signo crucis salus sit omnibus qui in frontibus notantur.
- 22 Quòd in medio die in passione eius tenebræ futuræ eēnt.
- 23 Quòd à morte non uinceretur, nec apud inferos remansurus esset.
- 24 Quòd ab inferis tertia die resurgeret.
- 25 Quòd cum resurrexisset, acciperet à patre omnem potestatem, & potestas eius æterna sit.
- 26 Quòd perueniri non possit ad Deum patrem, nisi per filium eius Iesum Christum.

27 Quòd ipse iudex uenturus sit.

28 Quòd ipse sit rex in æternum regnaturus.

29 Quòd ipse sit & iudex & rex.

LIBER SECVNDVS ADVERSVS
IVDÆOS. CAP. I.



Christum primogenitū esse, et ipsum esse sapiētiā Dei, per quem omnia facta sint, in prouerbijs: Dñs condidit me initium uiarū suarū, in opera sua ante secula fundauit me in principio antequam terrā faceret, et antequam abyssos constitueret, pduceret fontes aquarū, antequam mōtes collocarentur, ante omnes colles.

Prouer. 8.

genuit me Dñs. Fecit regiones & inhabitabilia, et fines inhabitabiles sub cœlo. Cum pararet cœlum, aderam illi, & cū scerneret suam sedem. Cū super uentos ualidas faceret desuper nubes, et cum confirmatos ponebat fontes sub cœlo, quando fortia faciebat fundamenta terræ, eram penes illū disponens, ego erā cui adgaudebat. Quotidie autem iocundabar ante faciem eius in omni tpe, cum letaretur orbe perfectō. Item apud eundē in Ecclesiastico: Ego ex ore altissimi prodij ante omnē creaturam. Ego in cœlis feci, ut operaretur lumen indeficiens, & nebula texi oēm terram. Ego in altis habitauī, & thronus meus in columna nubis. Gyrum cœli circuiui, & profundum abyssi penetraui, & in fluctibus maris ambulauī, & in omni terra steti. In omni populo & in omni gente primatum tenuī, & oīum excellentiū et humilium corda propria uirtute calcāui. Spes omnis in me uitæ et uirtutis. Trāsīte ad me omnes qui concupiscitis me. Item in psalmo octogesimooctauo: Et ego primogenitū ponam illum altissimū apud reges terræ. In æternū seruabo illi misericordiā meā, et testamentū meū fidele ipsi. Et ponam in seculum seculi semen eius. Si dereliquerint filij eius legem meā, & in iudicijs meis nō ambulauerint, uisitabo

Eccle. 24.

in uirga eorum facinora, & in flagellis delicta eorum. Misericordiam autem meam nō dispergam ab eis. Item in Euangelio

Ioan. 17. secundū Ioannē Dominus dicit: Hec est autem uita æterna, ut cognoscāt te solum Deum uerū dominū, et quem misisti Iesum Christū. Ego te clarificauī in terra, opus perfeci quod dedisti mihi ut faciam ea. Nūc tu clarifica me apud teipsum claritate quā habui apud te, prius quam mundus fieret. Item Paulus ad

Coloss. 1. Colossenses: Qui est ergo imago Dei inuisibilis & primogenitus totius creaturæ. Item illhic: Primogenitum à mortuis ut fieret in omnibus ille primatum tenens. Item in Apocalypsi:

Apoc. 22. Ego sum alpha & ω mega, initium ac finis. Ego sitienti dabo de fonte aquæ uiuæ gratis. Quod idem sit & sapientia &

2. Cor. 1. uirtus Dei, Paulus ad Corinthios: Quoniam Iudei signa desiderant, & Græci prudentiam quærent, nos autem prædicamus Iesum crucifixum, Iudeis quidem scandalum, gentibus autem stultitiam, ipsis autem uocatis Iudeis et Græcis Christum Dei uirtutem & Dei sapientiam. II.

Quod sapientia Dei Christus, & de sacramento incarnationis eius, et passionis, et calicis, et altaris, et apostolorum qui Prouerb. 9. misī prædicauerunt, apud Salomonem in Prouerbijs: Sapientia edificauit sibi domum, & subdidit columnas septem. Mactauit suam hostiam, miscuit in cratera uinum suum, & parauit suam mensam, & misit seruos suos cum excelsa prædicatione ad craterē, dicēs: Qui est insipiens, declinet ad me. Et egenitibus sensu dixit: Venite edite de meis paupibus, & bibite uini quod miscui uobis. Derelinquite stultitiam, et quærite prudentiam, & corrigite scientiæ intelligentiam. III.

Quod Christus idem sit sermo Dei, in psalmo quadragesimo quarto: Eructauit cor meum sermonem bonum, dico ego opera mea regi. Item in psalmo tricesimo secundo: Sermone Dei cœli firmati sunt, et spiritu oris eius omnis uirtus eorum. Item apud Esaiam: Verbum consummans & breuians in u-

stituta, quoniam sermonem breuiatum faciet Deus in toto orbe terræ. Item in psalmo centesimo sexto: Misit sermonem suum, & curauit illos. Item in Euangelio secundum Ioānem: In principio fuit sermo, & sermo erat apud Deum, & Deus erat sermo. Hic erat in principio apud Deum, omnia per ipsum facta sunt, & sine ipso factum est nihil quod factum est. In ipso uita erat, & uita erat lux hominum, & lux lucet in tenebris, & tenebræ illam non comprehenderunt. Item in Apocalypsi: Et uidi coelum apertum, & ecce equus albus, & qui sedebat super eum, uocabatur fidelis & uerus, æquum iustumq; iudicans, & præliaturus, eratq; coopertus uisceribus conspersa sanguine, & dicitur nomen eius sermo Dei. Ioan. 1.
Apoc. 6.

IIII.

Quod Christus idē manus et brachiū Dei sit, apud Esaiā: Esa. 50. et. 59.
Nunquid non ualet manus Dei, ut saluos faciat? aut generauit aurem ut nō exaudiat? Si peccata uestra inter uos & Deū separant, & propter peccata uestra auertit faciem suam à uobis ne misercatur, manus enim uestre inquinatæ sunt sanguine, & digiti uestri in peccatis. Labia autem uestra locuta sunt facinus, & lingua uestra iniustitiam meditatur. Nemo loquitur uerum, neq; est iudicium uerum. Fundunt in uanis et loquuntur inania, qui parturiunt dolorem, & pariunt facinus. Item apud eundem sic dicit Dominus: Cælum mihi thronus, et terra suppedaneum pedum meorum. Quam mihi domum ædificabitis? aut quis locus ad requiem mihi? omnia enim ista fecit manus mea. Item: Domine Deus altum est brachium tuum, & Esa. 52.
non sciebant. Item: cognouerint autem, confundentur. Item: Psal. 97.
Reuelauit Dominus brachium suum sanctum in conspectu omnium gentium, uidebunt omnes gentes & ipsa suprema terræ salutem à Deo.

V.

Quod idem angelus et Deus Christus, in Genesi ad Abraham: Gene. 22.
Et uocauit eum angelus Domini de cælo, & dixit illi: Abraham, Abraham. Ille autē dixit: Ecce ego. Et dixit: Noli

- imponere manum tuam super puerū, neq; feceris illi qcquam. Nunc enim cognoui quoniam times Deum tuum, & non pepercisti filio tuo dilectissimo propter me. Item illhic ad Iacob: **Gene. 31.** Et dixit mihi angelus in somnis: Ego sum quem uidisti in loco Dei, ubi unxisti mihi titulum lapideum, & uouisti mihi uotum. Item in Exodo: Deus autem praeibat eos, die quidem per columnam nubis, ostendens illis iter, nocte autem in columna ignis. Item illhic: Promouit autem angelus Dei, qui praecedebat exercitum filiorum Israël. Item: Ecce ego praemitto angelum meum ante faciem tuam ad custodiendum te in itinere, ut te inducat in terram quam tibi praeparaui. Obserua enim & obaudi eū, ne fueris inobaudiēs, & nō deerit tibi, nomen enim **Ioan. 5.** meum in illo est. Vnde ipse in Euangelio dicit: Ego ueni in nomine patris mei, & non recepistis me. Cū alius uenerit in nomine suo, illum accipietis. Et iterū in psalmo. 117. Benedictus est qui uenit in nomine domini. Quod Deus Christus, in **Gene. 35.** si: Dixit autem ad Iacob: Exurge et ascende in locum Betheli, & habita illhic, et fac illhic altare Deo, qui tibi apparuit cum fugeres a facie Esau fratris tui. Item apud Esaiam: Sic dicit **Esa. 45.** Dominus Sabaoth: Fatigata est Aegyptus, negotiatio Aethiopum & Sabaim uiri alti ad te transgredientur, & tui erūt serui, & postea ambulabunt uincti cōpedibus, & adorabunt uincti compedibus. Et interpretabūtur quoniam in te Deus est, et non est alius Deus praeter te. Tu enim es Deus, & non sciebamus: Deus Israël saluator. Cōfundētur et reuerbuntur omnes qui aduersantur tibi, & cadent in confusione. Item apud eundem: **Esa. 40.** Vox clamātis in deserto, parate uiam domino, rectas facite semitas Dei nostri. Omnis riuus implebitur, et omnis mons & collis humiliabitur, & erūt omnia tortuosa in directū, & aspera in campum, & uidebit omnis claritas dominum, & uidebit omnis caro salutare Dei: quoniā dominus locutus est. Itē **Baruch. 3.** apud Baruch: Hic Deus noster & non deputabitur alius absq; illo:

illo, qui inuenit omnem uiam prudentiæ, & dedit eam Iacob puero suo, & Israel dilecto suo. Post hæc in terris uisus est, & cum hominibus cōuersatus est. Item apud Zachariã Deus dicit. Et transibunt per mare angustum, & percutient in mari fluctus, & arefacient omnes altitudines fluminum, & confluentur omnes iniuriæ Assyriorum, & sceptrum Aegypti auferetur, & confortabo eos in domino deo ipsorum, & in nomine eius gloriabuntur, dicit dominus. Item apud *Moyse^{alias, Osea. 11} sen dicit dominus. Non faciam iuxta iram indignationis meæ, non sinam deleri Effrem, quoniã deus ego sum, & non homo in te sanctus, & non introibo in ciuitatem, post Deum ibo. Item in Psalmo 44. Thronus deus in secula seculorum, uirga æquitatis, uirga regni tui. Dilexisti iustitiam & odisti iniquitatem, propterea unxit te deus deus tuus oleo exultationis super participes tuos. Item in Psal. 45. Vacate et cognoscite quoniã ego sum Deus. Exaltabor in gentibus, & exaltabor in terra. Item in Psalmo octogesimoprimo. Non cognouerunt neque intellexerunt, in umbra deambulabunt. Item in Psalmo sexagesimoseptimo. Cantate deo, psallite nomini eius, uiam facite illi qui ascendit in occasu, deus nomen illi. Item in Euangelio secundum Ioannem. In principio fuit sermo, & sermo erat apud deum, et deus erat sermo. Item in eodem dominus ad Thomam. Inijce huc digitum tuum, & uide manus meas, & noli esse incredulus, sed fidelis. Respondit Thomas et dixit illi. Dominus meus & deus meus. Dixit illi Iesus. Quoniam uidisti, et credidisti. Beati qui non uiderunt, & crediderunt. Item Paulus ad Romanos. Optabam ego ipse anathema esse à Christo pro fratribus cognatis meis secundum carnẽ, qui sunt Israelitæ, quorum adoptio, & claritas, & testamentum, & legis cōstitutio, & famulatus, et promissiones, quorum patres, ex quibus Christus secundum carnem, qui est super omnia * benedictus in secula. Item in Apocalypsi. Ego sum alpha, & ω

Zach. 10.

alias, Osea. 11

Ioan. 1.

& 20.

Rom. 9.

Mirum est in

exemplaribus

etiã uetustis-

simis non ad-

di, Deus, cum

sit apud Gra-

cos.

Apoc. 21.

mega, initium & finis. Ego sitienti dabo de fonte aque uiuæ gratis, qui uicerit, possidebit ea, & eorum hereditatē, & ero eius Deus, & ille erit mihi filius. Item in psalmo octogesimo primo: Deus stetit in synagoga deorum, in medio autem deos discernens. Et iterū illhic. Ego dixi dii estis, & filij altissimi omnes. Vos autem sicut homines moriemini. Quòd si iusti qui fuerint, & præceptis diuinis obtēperauerint, dii dici possunt, quanto magis Christus Dei filius? Sicut ipse in Euāgelio dicit

Ioan. 10. secundum Ioannem: Nōne est scriptum in lege, quoniam dii estis? Si illos dixit deos, & non poterit solui, quem pater sanctificauit & misit in seculum, uos dicitis: quoniā blasphemas: quia dixi, filius Dei sum? Si non facio facta patris, nolite mihi credere: & si non uultis mihi credere, factis credite, & cognoscite quoniam in me est pater, & ego in illo. Item in Euāgelio

Math. 1. secundum Matthæum: Et uocabis nomen eius Emmanuel, quod est interpretatum nobiscum Deus. VI.

Quòd Christus Deus uenturus esset illuminator & saluator generis humani, apud Esaiam: Confortamini manus resolute et genua debilia: & hortamini, qui estis pusillanimes, nolite metuere. Deus noster iudiciū retribuet, ipse ueniet, & saluos nos faciet. Tunc aperientur oculi cæcorum, & aures surdorum audient. Tunc saliet claudus sicut ceruus, & plana erit lingua mutorum, quia rupta est in deserto aqua, & riuus in terra sitienti. Item illhic: Non senior neq; angelus, sed ipse Dominus liberabit illos, qui diligit eos, & parcat, & ipse redimet eos. Itē illhic: Ego Dominus Deus uocaui te in iustitia, ut teneam manum tuam & cōfortabo te, & dedi in testamentum generis mei, in lumē gentium, aperire oculos cæcorū, producere de uinculis uinctos, & de domo carceris sedentes in tenebris. Ego dominus deus, hoc nomen mihi est, claritatem meam alteri non dabo, neq; uirtutes meas sculptilibus. Item in psalmo: Vias tuas domine ostende mihi, et semitas tuas edoce me

quia tu es Deus saluator meus. Vnde in Euangelio secundum
Ioannem Dominus dicit: Ego sum lumen mundi, qui me secu- Ioan. 8.
tus fuerit, non ambulabit in tenebris, sed habebit lumen uitæ.
Item secundum Matthæum: Gabriel angelus ad Ioseph: Ioseph
fili David, ne metueris assumere Mariam uxorem tuam. Quod Matth. 1.
enim ex illa natum fuerit, de spiritu sancto est. Pariet autem
filium, & uocabis nomen eius Iesum. Hic enim saluum faciet
populum suum à peccatis eorum. Item secundum Lucam: Et
Zacharias impletus est spiritu sancto & prophetauit, dicens: Luc. 1.
Benedictus Dominus Deus Israel, qui prospexit redemptionem
populo suo, & excitauit uobis cornu salutis in domo Dauid
pueri sui, Item illhic: Angelus ad pastores: Ne timueritis: ecce
enim annuntio uobis, quoniam natus est uobis hodie saluator,
qui est Christus Iesus in ciuitate David. VII.

Quòd cū à principio filius Dei fuisset, generari denuo ha-
beret secundum carnem: In psalmo 110. Dominus dixit ad me,
filius meus es tu, ego hodie genui te. Posui à me, & dabo tibi
gentes hereditatem tuam, & possessionem tuam terminos
terræ. Item in Euangelio: Et factum est, ut audiuit salutationem Luc. 10.
Mariæ Elisabeth, exultauit infans in utero eius, & impleta est
spiritu sancto, & exclamauit uoce magna, et dixit: Benedicta
tu inter mulieres, & benedictus fructus uentris tui. Et unde
hoc mihi, ut ueniat mater Domini mei ad me? Item Paulus ad
Galatas: At ubi aduenit adimpletio tēporis, misit Deus filium
suum factum de muliere. Item in epistola Ioannes: Omnis spi- Galat. 4.
ritus, qui confitetur Iesum Christum in carne uenisse, de Deo 1. Ioan. 4.
est: qui autem negat eum in carne uenisse, de Deo non est, sed
de Antichristi spiritu. VIII.

Quòd hoc futurum esset signum natiuitatis eius, ut de uir-
gine nasceretur homo & Deus, hominis & Dei filius, apud
Esaiam: Et adiecit Dominus loqui ad Achaz: Pete tibi signum à Esai. 7.
Domino Deo tuo in altitudinem sursum, et in altitudinem de-

orsum. Et dixit Achaz: Non petam, & non tentabo Dominū Deum meū. Et dixit: Audi itaq; domus David, non pusillū uobis certamē cum hominibus, quoniam Deus præstat agonem. Propter hoc dabit Deus ipse uobis signū: Ecce uirgo in utero accipiet, & pariet filiū, & uocabis nomē Emmanuel. Butyrum & mel manducabit, ut sciat reprobare malū & eligere bonū. Hoc semē dixerat Deus de muliere procedere, quod cal caret caput diaboli in Genesi. Tunc dixit Deus ad serpentem:

Gen. 3. Quid tu hoc fecisti? Maledictus tu ab omni pecore, & ab omni genere bestiarū terræ. Pectore tuo et uentre repes, et erit tibi terra cibus omnibus diebus uite tuæ. Et ponā inimicitiam inter te & mulierem. & inter semen tuū & semen eius, ipse tuū obseruabit caput, & tu obseruabis calcaneū eius. IX.

Ipsē refertur
ad Christum.

Quod homo et Deus Christus ex utroq; genere cōcretus, ut mediator esse inter nos & patrē posset, apud Hieremiam:

Hier. 17. Et homo est, & quis cognoscet eum? Item in Numeris: Ori-

Num. 24. tur stella ex Iacob, & exurget homo ex Israel. Itē illhic: Pro-

cedet homo ex semine eius, & dominabitur multarum gen-

alias, 808 tium, & exaltabitur ipsum regnum, & augebitur regnum

eius, & Deus duxit eum in Aegyptum, quasi claritas unifor-

mis ei et edet carnes inimicorum suorum, & crassitudines il-

lorum emedullabit, & balistis suis cōfiget inimicū. Recubans

requieuit quasi leo, & quasi catulus leonis. Quis suscitabit

eum? qui benedicūt te, benedicti sunt, et qui maledicūt te, male-

Isa. 61. dicti sunt. Itē apud Esaiā. Spiritus Domini super me, propter

quod unxit me, bene nuntiare pauperibus misit me, curare cō-

tribulatos corde, prædicare captiuis remissionem, & cæcis ui-

sum, uocare annum Domino acceptabilem & diem retributio-

nis. Vnde in Euangelio Gabriel ad Mariam. Spiritus sanctus

Luc. 1. superueniet in te, & uirtus altissimi obumbrabit te, quapro-

pter hoc quod nascetur sanctum, uocabitur filius Dei. Item

I. Cor. 15. in epistola Pauli ad Corinthios priore. Primus homo de terræ

limo, secundus homo de cœlo, qualis ille è limo, tales & qui de limo, & qualis cœlestis, tales & cœlestes, quomodo porta uimus imaginem eius qui de limo est, portemus & imaginem eius qui de cœlo est.

X.

Quòd ex semine Dauid secundum carnem nasci haberet, in Regum secundo. Et fuit uerbum domini ad Nathan dicēs. Vade & dic seruo meo Dauid. Hæc dicit dominus. Non tu ^{2. Reg. 7.} ædificabis mihi domum ad habitandum, sed erit cum impleti fuerint dies tui, & dormieris cum patribus tuis, suscitabo semen tuum post te, qui erit de utero tuo, & parabo regnum eius. Hic ædificabit domum nomini meo, & erigam thronum eius usque in seculum. Et ego ero illi in patrem, & ipse erit mihi in filium, & fidem consequetur domus eius, & regnum eius usque in seculum in conspectu meo. Item apud Esaiam, Et exibit uirga de radice Iesse, & flos de radice eius ascendet, & requiescet super eum spiritus domini, spiritus sapiētiæ & intellectus, spiritus consilij & fortitudinis, spiritus scientiæ & pietatis, & implebit eum spiritus timoris domini. ^{Esa. 11.} Item in psalmo. Iurauit deus ipsi Dauid in ueritate, & nō reprobauit eū, de fructu uētris tui ponam super thronum tuum. Itē in Euang. ^{Psal. 131.} gelio secundum Lucam. Et dixit angelus ad illam. Ne timeas Maria, inuenisti enim gratiam apud deum. Ecce concipies in ^{Luc. 10.} utero, & paries filiū, & uocabis nomē eius I E S V M. Hic erit magnus, & filius altissimi uocabitur, et dabit illi dominus deus thronum Dauid patris sui, & regnum Iacob in secula, & regni eius non erit finis. Item in Apocalypsi. Et uidi librū ^{Apoc. 5.} in dextera dei sedentis super thronum, scriptum intus & re= tro, signatum signis septem, & uidi angelum fortem prædica= cantem uoce magna. Quis dignus est accipere librum, et ape= rire signa eius? Nec quisquam poterat, neq; in cœlo, neq; su= per terram, neq; sub terra aperire librū, neq; prospicere eum. Et ego flebam multum quòd nemo dignus repertus esset qui

aperiret librū, aut uideret illum. Et unus de senioribus dixit mihi, Ne fleueris, ecce uicit leo de tribu Iuda, radix David, aperire librum, & soluere septem signa eius. XI.

Mich 5. Quod in Bethleem nasceretur, apud Mich. 5. Et tu Bethleem Effrata non exigua es, ut constituaris in millibus Iuda, ex te nubi procedit, qui sit princeps apud Israel, & possessio-
 Math. 2. nes eius à principio à diebus seculi. Item in Euangelio. Et cum Iesus natus esset in Bethleem in diebus Herodis regis, ecce magi ab Oriente aduenerunt Hierosolymā dicentes. Vbi est qui natus est rex Iudæorum? Vidimus enim stellam eius in Oriente, & uenimus cū muneribus adorare illum. XII.

Quod humilis in primo aduentu suo ueniret, apud Esaiā: Domine quis credidit auditui nostro? & brachium domini cui
 Esa. 53. reuelatum est? Annuntiāuimus corā ipso sicut pueri, sicut radix in terra sitienti. Non est figura ei neq; claritas, & uidimus illum & non habuit figuram neq; speciem. Sed figura eius sine honore, et deficiens præter ceteros homines. Homo in plaga positus & sciens ferre imbecillitatem, quia aduersa est facies eius, inhonoratus est, & nō est computatus. Hic peccata nostra portat, & pro nobis dolet, & nos putauimus esse illū in dolore, & in plaga, & in uexatione: ipse autē uulneratus est propter facinora nostra, & infirmatus est propter peccata nostra. Doctrina pacis nostræ super illū, & liuore eius facti sumus. Omnes sicut oues errauimus, homo uia sua errauit.
 Ibidem 53. Et dominus tradidit illū pro peccatis nostris, & ipse propter eā q̄ uexatus est, nō aperuit os suum. Itē apud eundē: Nō sum contumax neq; contradico, dorsum meū posui ad flagella, & maxillas meas ad palmas, faciem autē nō auerti à scelerate spūtorū, & fuit Deus auxiliator meus. Itē: Nō clamabit, neq; audiet quis in plateis uocem eius. Arundinem quassatam nō confringet, & linum sumigans nō extinguet, sed in ueritate profert iudiciū. Fulgebit & non quassabitur quoadusque ponat

iudicium in terra, & in nomine eius gentes credent. Item in Psal. 21. Ego autem sum uermis, et non homo, maledictum hominum & abiectio populi. Omnes qui uidebant me, despiciebāt me, & locuti sunt Libijs, et mouerunt caput, Spera-
uit in domino, eripiat eum, saluum faciat eum, quoniam uult eum. Itē illhic. Aruit uelut testa uirtus mea, et lingua mea ad-
glutinata est faucibus meis. Item apud Zachariam: Et ostendit mihi dominus Iesum sacerdotem illum maximum stantem ante faciem angeli domini, et diabolus stabat ad dexterā eius aduersari ei. Et Iesus erat indutus ueste sordida, & stabat ante faciem ipsius angeli, & respondit, & ait ad eos qui stabant ante faciem eius dicens: Auferte uestimēta sordida ab eo, & induite eum mutatorijs, & imponite cidarim mundam super caput eius, & dixit ad eum: Ecce abstuli iniquitates tuas. Item Paulus ad Philippenses: Qui in figura Dei constitutus, nō rapinam arbitratus est esse se æqualē Deo, sed semetipsum exinaniuit, formam serui accipiens in similitudinem hominū factus, & habitu inuentus ut homo. Humiliauit se factus obediens usq; ad mortem, mortem autem crucis. Propter quod Deus exaltauit illum, & donauit illi nomen, quod est super omne nomē, ut in nomine Iesu omne genu flectatur cœlestium, terrestrium, & infernorum, & omnis lingua cōfiteatur, quia Dominus Iesus Christus in gloria Dei patris est. XIII.

Quod ipse sit Iesus Christus, quem Iudei occisuri essent, in sapientia Salomonis. Circumueniamus iustum, quoniā in-
suauis est nobis, & contrarius est operibus nostris, & exprobrat nobis peccata legis. Promittit se scientiam Dei habere, et filium Dei se nominat. Factus est nobis in traductione cogitationum, grauis est nobis etiam ad uidendum, quoniam dissimilis est alijs uita illius, & mutatae sunt uiae illius, tanquā nugaces aestimati sumus ab illo, & continet se à uijs nostris quasi ab immunditijs, & præfert nouissima iustorum, & gloriatur

patrem se habere Deum. Videamus ergo si sermones illius ueri sint, & tentemus quæ uentura sunt illi. Contumelia & tormento interrogemus illum, ut sciamus reuerentiam illius. Mor te turpissima condemnemus eum. Hæc cogitauerunt, & errauerunt, excæcavit enim illos malitia ipsorum, & nescierunt

Esai. 57. sacramenta Dei. Item apud Esaiã: Videte quomodo iustus perit, & nemo intelligit, & uiri iusti tolluntur, & nemo recognoscit. A facie enim iniustitiæ saluatus est iustus, & erit in pace sepultura eius. De hoc ipso antè prædictum est in Exodo: Innocentem & iustum non occides. Item in Euangelio:

Exod. 23. Iudas poenitentia ductus, sacerdotibus & senioribus dixit,
Matt. 27. peccauit tradens sanguinem iustum. XIIII.

Quod ipse dictus sit ouis & agnus, qui occidi haberet, et de sacramento passionis, apud Esaiam. Sicut ouis ad uictimam adductus est, & sicut agnus coram tondentibus eum, sine uoce, sic non aperuit os suum. In humilitate iudicium eius sublatum est, natiuitatē eius quis enarrabit? Quoniam auferetur à terra uita eius, à facinorib. populi mei adductus est ad mortem, & dabo malos pro sepultura eius, & ipsos diuites pro morte eius, quia facinus non fecit, neque insidias ore suo, propterea ipse confitetur multos, & fortium diuidet spolia, propterea quod tradita est ad mortem anima eius, & inter facinorosos deputatus est. Et ipse peccata multorum pertulit, & propter facinora illorum traditus est. Item apud Hiere-

Hiere. 11. miam: Domine significasti mihi & cognoscam, tunc uidi meditationes eorum. Ego sicut agnus sine malitia productus sum ad uictimam, in me cogitauerunt cogitatum, dicentes. Venite, mittamus lignum in panem eius, & fraudemus à terra uitam eius, & non erit in memoria nomen eius amplius. In Exodo Deus ad Moysen. Accipiant singuli ouem per domum tribuum, ouem sine uitio, perfectum masculū anniculū, & erit uobis. Ab agnis & hædis accipietis, & occident il-

lum omne uulgi filiorum Israël ad uesperam, & accipient de sanguine eius, et ponent super duos postes, & super limen in domibus, in quibus edent eum in ipsis, & edent carnes istas nocte affatas igni, & azyma cum lactucis agrestibus edent. Non edetis de eis cruda, neq; cocta in aqua, sed affata igni, caput cū pedibus & interaneis, nihil derelinquētes ex his mane, & ossa non confringetis ex eo. Quæ autē relicta fuerint ab eo usq; in mane, igni crementur. Sic autem comedetis eum, Lumbi uestri præcincti, & caligæ uestre in pedibus uestris, & edetis eū festinanter, quia pascha Domini est. Item in Apocalypsi, Et Apoc. 3. uidi in medio throni, & quatuor animalium, & in medio seniorum agnum stantem quasi occisum, habentem cornua septē, et oculos septem, qui sunt septem spiritus Dei missi per orbem terræ. Et uenit & accepit librum de dextera sedentis in throno. Et cum accepisset librum, quatuor animalia, et uigintiquatuor seniores prostrauerūt se ante agnum, habentes singuli aureas citharas plenas odorantīs supplicationum, quæ sunt orationes eorum, & cantauerunt nouum canticum dicentes. Dignus es Domine accipere librum & aperire signa eius, quoniam occisus es, & emisisti nos de sanguine tuo ex omni tribu & lingua, et populo, et natione: et eos regnum Deo nostro, sacerdotesq; fecisti, et regnabunt super terram. Item in Euangelio. Altera die uidit Ioannes Iesum uenientem ad se, & ait, Ioan. 1. Ecce qui aufert peccata mundi.

XV.

Quod idē lapis dictus sit, apud Esaiam sic dicit Dominus, Ecce ego mitto in fundamenta Sion lapidem pretiosum, sum- Esai. 28. mum angularem honoratū, et qui crediderit in eum, non confundetur. Item in psalmo, Lapis quem reprobauerunt ædifi- Psal. 117. cātes, hic factus est in caput anguli. A domino factus est iste, et est mirabilis in oculis nostris. Iste dies quem fecit dominus, exultemus et iocundemur in eo. O domine salua igitur, o domine dirige igitur, benedictus est qui uenit in nomine domi-

- Zach. 3. ni. Item apud Zachariam : Ecce ego adduco puerum meum, ortus nomē ei est, quoniam lapis, quem dedi ante faciem Iesu, super ipsum unum septem oculi sunt. Item in Deuteronomio:
- Deut. 27. Et scribes super lapidem omnem legem hanc manifeste nimis.
- Iosue. 24. Item apud Iesu Naue : Et accepit lapidem magnum, & statuit eum illhic cōtra Dominū, & ait Iesus ad populum: Ecce lapis iste erit uobis in testimoniū, quòd audieritis omnia quę dicta sunt à Domino, quanta locutus est ad uos hodie: erit ipse uobis in testimoniū in nouissimo dierū, quādo recesseritis à Deo ue-
- Actu. 4. stro. Item in actibus apostolorum Petrus, Principes populi, et seniores Israël ecce nos interrogamur hodie à uobis super benefacto hominis infirmi in quo iste saluatus est. Sit uobis omni- bus notum & omni populo Israël, quia in nomine Iesu Chri- sti Nazareni quem uos crucifixistis, quē Deus suscitauit à mor- tuis, in illo ipse in conspectu uestro sanus astitit, in alio autem nullo. Hic est lapis qui contemptus est à uobis ædificantibus, qui factus est in caput anguli. Non est enim nomen aliud sub cælo, in quo oportet saluari nos. Hic est lapis in Genesi, quem ponit Iacob ad caput suum, quia caput uiri Christus, & dor- miens uidit scalam ad cælum pertingentem in qua constitutus erat Dominus, & angeli ascendebant, & descendebant, quem lapidem consecrauit & iunxit, sacramento unctionis Christum significans. Hic est lapis in Exodo, super quem sedit Moyses in cacumine collis, quando Iesu Naue contra Amalech dimica- uit, & sacramento lapidis, & stabilitate sessionis Amalech superatus est ab Iesu, id est, diabolus à Christo uictus est. Hic est lapis magnus in Regum primo, super quem posita est ar- ca testamenti, quando eam ab Allophy remissam & redditam in plaustro boues reportauerunt. Item hic est lapis in Regum, quo Dauid frontem Goliæ percussit & occidit, significans diabolum & seruos eius inde prosterni, uicta scilicet ea capi- tis parte quam signatam non habent. Quo signo nos tuti sem-

per sumus, & uiuimus. Hic est lapis, quem cum alienigenas Israël uicisset, statuit Samuel, & appellauit nomen eius Abenezzer, id est, auxiliator.

XVI.

Quòd deinde idem lapis mons fieret, & impleret totā terram, apud Daniele: Ecce imago nimis magna, & contempla-
tio eius imaginis metuenda & elata stabat contra te, cuius ca-
put fuit ex auro bono, pectus & brachia eius argentea, uen-
ter & femur area, pedes autē ex parte ferrei, ex parte autem
fictiles, quoadusque abscissus est lapis de monte sine manibus
concidentium, & percussit imaginem super pedes ferreos &
fictiles & comminuit eos minutatim, & factum est simul fra-
rum & testa, & eramentum, & argentum, & aurum sa-
cta sunt minuta quasi palea, aut puluis in area estate, & uen-
tilauit illa uentus, ita ut nihil remanserit ex illis, & lapis qui
percussit imaginem, factus est mons magnus, & impleuit to-
tā terram.

Dan. 3.

XVII.

Quòd in nouissimis temporibus idem mōs manifestaretur,
super quem gentes uenirent, & in quem iusti quique ascende-
rent, apud Esaiam: Et erit in nouissimis temporibus mani-
festus mons domus Domini super uerticem montium, & exalta-
bitur super colles, & uenient super illū omnes gentes, &
ambulabunt multi & dicent: Venite ascendamus in montem
Domini, & in domum Dei Iacob, & nūtiabit nobis uia eius,
& ambulabimus in illa. De Sion enim procedet lex, & uer-
bum Domini ab Hierusalem, & iudicabit inter gentes, & re-
darguet populum multum, & condient gladios suos in ara-
tra, & lanceas suas in falces, & iam non discent pugnare.
Item in psalmo: Quis ascendet in montē Domini, & quis sta-
bit in loco sancto eius? Innocens manibus & mundus corde,
qui non accepit in uano animam suam, & non subdole iura-
uit proximo sibi: iste accipiet benedictionem à Domino, et mi-
sericordiam à Deo salutari.

Esa. 2.

Psal. 23.

XVIII.

- Quòd ipse sit sponsus ecclesiam habens sponsam, de qua si
- Iohel. 2.** *lij spiritualiter nascerentur, apud Iohel: Canite tuba in Sion, sanctificate ieiunium, & indicite curationem, aggregate populum, sanctificate ecclesiam, excipite maiores natu, colligite paruulos lactentes, procedat sponsus de cubili suo, & sponsa de thalamo suo. Item apud Hieremiam, Et auferam de ciuitatibus Iuda, & de quadriuijs Hierusalem uocem letantium, & uocem gaudentium, uocem sponsi, & uocem sponsæ. Item in*
- Psal. 18.** *psalmo, Et ipse uelut sponsus egrediens de thalamo suo. Exultauit ut gigas uiam currere, à summo cœli egressio eius, et decursio eius usque ad summum eius, & non est qui lateat à ca-*
- Apoc. 21.** *lore eius. Item in Apocalypsi, Veni ostendam tibi nouam nuptam uxorem agni, & duxit me in spiritu in montem magnū, & ostendit mihi ciuitatem sanctam Hierusalem descendantem de cœlo, à Deo habentem claritatem Dei. Item in Euangelio,*
- Ioan. 3.** *Vos mihi testes estis, quoniam dixi eis, qui missi sunt ab Hierosolymis ad me, quia non sum Christus, sed quoniam missus sum ante illum. Qui enim habet sponsam, sponsus est. Amicus autem sponsi est, qui stat & audit eum, & gaudio gaudet propter uocem sponsi. Huius rei mysterium ostensum est apud Iesum Naue, quando iussus est excalciare se, quòd scilicet sponsus non ipse esset. Erat enim in lege, ut quisquis nuptias recusaret, calciamentum deponeret, calciaretur uerò ille qui sponsus futurus esset. Et factum est cum esset Iesus in agro Iericho, circumspexit oculis, & uidit hominem stantem ante faciem suam,*
- Iosue. 5.** *& franeam tenentem in manu eius, & dixit. Noster es, an aduersariorum? Ille autem dixit. Ego sum dux uirtutis Domini, nunc adueni. Et Iesus cecidit ad terram, & ait illi. Domine quid imperas famulo tuo? & ait dux uirtutis Domini. Solue calciamentum de pedibus tuis, locus enim in quo stas, terra sancta est. Item in Exodo Moyses iubetur calciamentum deponere, quòd nec ipse sponsus esset. Et apparuit angelus Do-*

mini in flamma ignis de rubo, & uidit quoniam rubus arderet igni, & non cremabatur. Et dixit Moyses: Transiens uidebo hoc grande uisum, cur utiq; non crematur rubus. Vt uidit autem quoniam accedit uidere, uocauit eum dominus Deus de rubo, dicens: Moyses Moyses. Qui dixit: Quid est? & dixit, Ne accesseris huc, nisi solueris calciamentum de pedibus tuis, locus enim in quo stas, terra sancta est. Et dixit ei, Ego sum Deus patris tui, Deus Abraham, Deus Isaac, Deus Iacob. Hoc autem manifestum est in Euangelio secundum Ioannem. Et respondit illis Ioānes: Ego quidem baptizo in aqua, in medio autem uestri stat, quē uos nescitis, ipse est enim de quo dixi: Post me ueniens homo ante me factus est, cuius non sum dignus corrigiam calciamenti soluere. Item in Euangelio secundum Lucam. Sint lumbi uestri præcincti, & lucernæ ardentes, et uos si miles hominibus expectantibus dominum suum, quādo ueniat à nuptijs, ut cum uenerit et pulsauerit, aperiant ei. Felices serui illi, quos adueniens dominus inuenerit uigilantes. Item in Apocalypsi: Regnauit dominus Deus omnipotēs, gaudeamus & exulemus, & demus ei gloriæ claritatem, quoniam uenerunt nuptiæ agni, & uxor eius se preparauit. XIX.

Ioan. 1.

Luc. 12.

Apoc. 19.

Esa. 64.

Hiere. 11.

Deut. 28.

Psal. 22.

Quod crucifixuri illum essent Iudæi, apud Esaiam: Expendi manus meas tota die ad plebem contradicentem, & contumacem mihi, qui ambulant uias non bonas, sed post peccata sua. Item apud Hieremiam: Venite & mittamus lignum in panem eius, & eradamus à terra uitam eius. Item in Deuteronomio, Et erit pendens uita tua ante oculos tuos, ac timebis die ac nocte, & non credes uitæ tuæ. Item in psalmo: Et foderunt manus meas, & pedes meos, dinumerauerunt omnia ossa mea. Ipsi autem contemplati sunt, & uiderunt me, diuiserunt sibi uestimenta mea, & super uestem meam sortem miserunt. Tu autem domine ne elongaueris auxilium tuum: in auxilium meū attende. Libera à gladio animam meam, et de manu canis

unicam meam. Salua me ex ore leonis, & à cornibus unicornis humilitatem meam. Enarrabo nomē tuum fratribus meis,
 Psal. 118. in medio ecclesiarū laudabo te. Item in psalmo: Confige clauis
 Psal. 140. de metu tuo carnes meas. Item in psalmo: Alleuatio manuum
 mearum sacrificium uespertinū. De quo sacrificio Sophonias
 Sopho. 1. dicit: Metuite à facie domini Dei, quoniā propē est dies eius,
 quia apparuit Dominus sacrificiū suum, sanctificauit electos
 suos. Item apud Zachariā: Et intuebuntur me, in quem transfi
 Zach. 12. xerunt. Item in psalmo: Exclamaui ad te tota die, Domine
 Psal. 76. extendi ad me manus meas. Item in Numeris: Non quasi ho-
 Num. 23. mo suspenditur, neq; quasi filius hominis patitur. Vnde in euā
 Ioan. 3. gelio Dominus dicit: Sicut Moyses exaltauit serpentē in cre-
 mo: ita exaltari oportet filiū hominis, ut omnis qui crediderit
 in filium, habeat uitam eternam. XX.

Quod in passione crucis & signo uirtus omnis sit & po-
 Abac. 3. testas, apud Abacuc: Textit cœlos uirtus eius, & laudis eius
 plena est terra, & splendor eius ut lux erit, cornua in mani-
 bus eius erunt. Et illhic constabilita est uirtus gloriæ eius, &
 cōstituet dilectionem ualidam, ante faciem suam ibit uerbum,
 & procedet in campos secundum gressus suos. Item apud
 Esa. 9. Esaiam: Ecce natus est nobis puer, datus est nobis filius, cuius
 imperium super humerum eius, & uocatum est nomen eius
 magnæ cogitationis nuntius. Hoc signo crucis & Amalech
 uictus est ab Iesu per Moysen. In Exodo dicit Moyses ad
 Exod. 17. Iesum: Elige tibi uiros & exi, & constitue cum Amalech in
 crastinum: Ecce ego stabo in cacumine collis, et uirga Dei in
 manu mea. Et factum est cum leuabat manum Moyses præ-
 ualebat manus Israël. Vbi autem submiserat manus, inualefce-
 bat manus Amalech: sed manus Moysi erant graues, & ac-
 cepto lapide supposuerunt sub eo, & sedebat super eum, &
 Aaron & Vr sustentabant manus eius hinc & inde, & factæ
 sunt manus Moysi stabiles usque in occasum Solis, & fugauit

Iesus Amalech et omnem populum eius. Et dixit Dominus ad Moysen, Scribe hoc, ut sit memoriale in libro, & da in aures eius, quoniam deletione deleam memoriam Amalech de sub caelo.

XXI.

Quòd in hoc signo salus sit omnibus, qui in frontibus notantur, apud Ezechielem dicit Dominus: Transi median Hie Ezech. 9. rusalem, et notabis signum super frontes uirorum qui ingemunt & moerent ob iniquitates quæ sunt in medio eorum. Item illhic: Vadite & cædite, et nolite parcere oculis uestris, nolite misereri: Seniores, & iuuenes, & uirgines interficite, ut perdeantur. Omnem autem super quem signum scriptum est, ne tetigeritis, et ab ipsis sanctis meis incipite. Item in Exodo Deus ad Moysen: Et erit is sanguis in signo uobis su Exod. 12. per domos, in quibus ibi eritis, et uidebo sanguinem, et protegam uos, et non erit in uobis plaga diminutionis, cum percutiam terram Aegypti. Item in Apocalypsi: Et uidi agnum Apoc. 14. stantem in montem Sion, et cum eo. 144. millia, et habebant nomen eius, et nomen patris eius scriptum in frontibus suis. Item illhic: Ego sum alpha et omega, primus et nouissimus, Apoc. 22. initium et finis. Felices eos qui faciunt præcepta eius, ut sint postes eorum super lignum.

XXII.

Quòd medio die in passione eius. tenebræ futuræ essent, Amos. 3. apud Amos: Et erit in illo die, dicit Dominus. sol occidet meri die, et obtenebrabitur dies lucis, et conuertant dies festos uersos in luctum, et omnia cantica uestra in lamentationem. Item apud Hieremiam: Et territa est quæ parit, et tæduit qui Hiere. 15. ma eius. Subijt sol, cum adhuc medius dies esset, confusa est et maledicta, reliquos eoriam in gladio dabo, in conspectu inimicorum suorum. Item in euangelio: A sexta autem hora te Matth. 27. nebræ factæ sunt per totam terram, usque ad horam nonam. Item in psalmo uicesimonono: Domine abstraxisti ab inferno animam meam.

XXIII.

Quòd à morte uindicaretur, nec apud inferos remansurus esset, in psalmo. 15. Non derelinques animam meam apud inferos, neque dabis sanctum tuum uidere interitum. Item in psalmo tertio. Ego dormiui, & somnium cepi, & resurrexi, quoniam dominus auxiliator mihi. Item secundum Ioannem: Ne mo auferat animam meam à me, sed ego pono eam, & potestatem habeo iterum sumendi eam. Hoc enim mandatum accepi à patre meo. XXIIII.

Osee. 6. Quòd ab inferis tertio die resurgeret, apud Osee: Viuisi-
Exo. 19. cavit nos post biduum die tertio. Item in Exodo: Et dixit Dominus ad Moysen, Descende, & testificare populo, et sanctifica illos hodie, et cras, et lauent uestem suam, et sint parati in perendinum diem, die enim tertio descendet Dominus in montem
Luc. 11. Syna. Item in euangelio, Progenies nequam adultera signum querit, et signum non dabitur ei nisi signum Ionæ prophetæ. Quomodo enim fuit Ionas in uentre ceti tribus diebus et tribus noctibus, ita erit filius hominis in corde terræ. XXV.

Quòd cum resurrexisset, acciperet à patre omnem potestatem, & potestas eius æterna sit, apud Daniele: Videbani in uisu noctis, & ecce in nubibus cœli quasi filius hominis ueniens, uenit usque ad ueterem dierum, & stetit in conspectu eius, & qui assistebant obtulerunt ei, & data est ei potestas regni, & omnes reges terræ, & genus omnis claritatis seruiunt ei, et potestas eius æterna, quæ non auferetur, & regnum eius non corrumpetur. Item apud Esaïam, Nunc exurgā, dicit Dominus, nūc clarificabor, nunc exaltabor, nūc uidebitis, nūc intelligetis, nunc confundemini, uana erit fortitudo spiritus, uos ignis consumet. Item in psalmo. 109. Dixit Dominus domino meo, sede ad dexteram meam, quoadusq; ponam inimicos tuos suppedaneum pedum tuorum. Item in Apocalypsi:
Apoc. 1. Et conuersus respexi, ut uiderem uocem, quæ mecū loquebatur, et uidi septem candelabra aurea, et in medio candelabro-

rum

rum similem filio hominis uestitum podere, & erat præcin-
ctus supra manillas zona aurea. Caput autem & capilli eius
erant albi uelut lana aut nix, & oculi eius uelut flāma ignis,
et pedes eius aurichalco similes, sicut de fornace ignis, ut so-
nus aquarum multarum, & habebat in dextera sua septē stel-
las, & ex ore eius gladius utraq; parte acutus exibat, & fa-
cies eius splendebat ut sol in uirtute sua. Et cum uidissem eum,
ceci di ad pedes eius tanquam mortuus, et posuit super me de-
xteram suam, dicens. Noli timere, ego sum primus et nouissi-
mus, & uiuus qui fueram mortuus, & ecce sum uiuens in se-
cula seculorum, et habeo claues mortis et inferorum. Item in Matth. 28.
Euangelio dominus post resurrectionem discipulis dicit. Da-
ta est mihi omnis potestas in coelo et in terra, ite ergo et do-
cete omnes gentes, tingentes eos in nomine patris & filij &
spiritus sancti, docentes eos obseruare omnia quaecunque præ-
cepi uobis.

XXVI.

Quòd perueniri ad deum patrē non possit, nisi per filium Ioan. 14.
eius Christum Iesum, in Euangelio: Ego sum uia, et ueritas
et uita, nemo uenit ad patrem nisi per me. Item illhic: Ego sum Matth. 13.
ostium, per me qui introierit, saluabitur. Itē illhic: Multi pro-
phetæ & iusti cupierunt uidere quæ uidetis, et non uiderunt, Ioan. 3.
et audire quæ auditis, et non audierunt. Item illhic: Qui cre-
dit in filium, habet uitam æternam. Qui dicto non audiens est
in filium, non habet uitam, sed ira dei manebit super eum. Itē Ephes. 2.
Paulus ad Ephesios: Et cum uenisset annuntiavit uobis pacem
qui longe, et pacē ijs qui propè, quia per ipsum habemus ac-
cessum ambo in uno spiritu ad patrē. Item ad Romanos: Oēs
enim peccauerunt, & egent claritate dei, iustificantur autē do- Rom. 3.
no ipsius & gratia per redemptionē quæ est in Christo Iesu.
Item in epistola Petri apostoli: Christus semel pro peccatis no- 1. Pet. 3.
stris mortuus est, iustus pro iniustis, ut nos offerret deo. Item
illhic: In hoc enim & mortuis prædicatum est, ut suscitentur.

1. Ioan. 2. Item in epistola Ioannis: Qui negat filium, neq; patrem habet: qui confitetur filium, & patrem habet. XXVII.

Malach. Quod ipse iudex uenturus sit, apud Malachiam: Ecce dies uenit ardens uelut clibanus, eruntq; omnes alienigenæ, & omnes iniqui stipula, & succedet illos adueniēs dies, dicit Dominus. Item in Psalmo quadragesimonono: Deus deorum Dominus locutus est, & uocauit terram. A solis ortu usq; ad occasum, ex Sion species decoris eius. Deus manifeste ueniet, deus noster & non silebit. Ignis ante eum ardebit, & in circuitu eius procella nimia. Vocauit cœlum sursum & terram, ut separaret populum suum. Colligite illi iustos eius, eos qui disponunt testamentum eius in sacrificijs, & annuntiabunt cœli iustitiam eius, quoniam deus iudex est. Item apud Esaiā: Dominus deus uirtutum prodibit, & comminuet bellum. Excitabit certamen, et clamabit super inimicos eius cū fortitudine. Tacui, nunquid semper tacebo? Item in Psal. sexagesimo septimo. Exurgat deus, & dissipentur inimici eius, & fugiant qui oderunt eum à facie eius. Quomodo deficit sumus, deficient, quomodo tabescit cera à facie ignis, sic pereant peccatores à facie Dei. Et iusti iocundentur, & exultent in conspectu dei. Psallite nomini eius, uiam facite illi, qui ascendit in occasum, deus nomen illi. Turbabuntur à facie eius patres orphanorum & iudices uiduarum. Deus in loco sancto suo, Deus qui inhabitare facit in domo unanimes, producens uinctos in uirtute, similiter eos qui habitant in monumentis. Deus cū transires, prodires in cōspectu populi tui, in transeundo in eremū. Item in Psal. 81. Exurge deus & iudica terram, quoniam tu exterminabis in omnibus gentibus. Item in Euāgelio secundum Matth. 2. thæū: Quid nobis & tibi fili David? Quid huc uenisti ante tē
Ioan. 5. pus punire nos? Item secundū Ioannē: Nihil pater iudicat, sed omne iudiciū filio dedit, ut omnes honorificent filium sicut honorificant patrem, qui nō honorificat filiū, nō honorificat pa-

trem qui eum misit. Item in epistola Pauli ad Corinthios secunda. Omnes nos manifestari oportet ante tribunal Christi, ut reportet unusquisque sui corporis propria, secundum quæ egit, siue bona siue mala.

XXVIII.

Quod ipse sit rex in æternum regnaturus, apud Zachariam: Dicite filie Sion. Ecce rex tuus uenit tibi, iustus & saluans, Zach. 9.
 mitis, sedes super asinum indomitum. Item apud Esaiam. Quis nuntiabit uobis quia ignis ardet? quis nuntiabit uobis locum æternum? Ambulans in iustitia, & manus abstinens à munere- Esa. 32.
 ribus, grauians aures ut non audiat iudiciū sanguinis, & comprimens oculos suos, ne uideat iniustitiam, hic habitabit in alta spelunca petreæ fortis. Panis illi dabitur, & aqua eius fidelis, regem cum claritate uidebitis. Item apud Malachiam: Rex Malach. 3.
 magnus sum ego, dicit dominus, & nomen meum illustre est apud gentes. Item in psalmo 2. Ego autem constitutus sum rex ab eo super Sion montem sanctum eius, nuntians præceptum eius. Item in psalmo 20. Commemorabuntur & conuertentur ad dominum omnes termini terræ, & adorabunt in cōspetu tuo omnes patriæ gentium, quoniam domini est regnum, & ipse dominabitur gentium. Item in psalmo 23. Auferte portas principes uestras, & extollimini portæ æternales, & introibit rex gloriæ & claritatis, dominus fortis in prælio. Auferte portas principes uestras, & extollimini portæ æternales, & introibit rex claritatis, dominus uirtutum, ipse est rex claritatis. Item in psalmo 43. Eructauit cor meum sermonem bonum, dico ego opera mea regi. Lingua mea calamus scriptoris acutè scribentis, decoris specie super filios hominum. Effusa est gratia in labijs tuis, propterea benedixit te deus in secula. Accingere ense tuo ad femur potentissime. Decorum & speciei tue intende, & dirige, & regna propter ueritatē & mansuetudinē et iustitiam. Item in psal. 4. Rex meus et deus meus, quoniam ad te orabo domine mane, exaudies uocē meam, mane

assistan tibi & contēplabor te. Item in psal. 95. Dominus regnauit, exultet terra, iucundentur insule multæ. Item in psal. 44. Assistit regina ad dexteram tuam in ueste inaurata. Audi filia, & uide, & inclina aurem tuā, & obliuiscere populi tui & domus patris tui. Quoniam desiderauit speciem tuam rex, quia ipse est Dominus Deus tuus. Item in psalmo septuagesimo secundo: Deus autem rex noster ante seculum operatus est salutem in medio terræ. Item in Euangelio secundum Mattheum: Cum Iesus natus esset in Bethleem Iudæ in diebus Herodis regis: ecce magi ab Oriente uenerunt Hierosolymam, dicentes: Vbi est qui natus est rex Iudeorum? Vidimus enim stellam eius in Oriente, & uenimus adorare eum. Item secundum Ioannem dixit Iesus: Regnum meum non est de isto seculo: si de hoc seculo esset regnum meum, ministri mei turbarentur, ne traderer Iudeis. Nunc autem regnum meum non est hinc. Dixit Pilatus: Ergo rex es tu? Respondit Iesus: Tu dicis, quoniam rex sum: Ego in hoc natus sum, & in hoc ueni in seculum, ut testimonium perhibeam ueritati. Omnis qui est de ueritate audit uocem meam.

XXIX.

Quod ipse sit & iudex & rex, in psalmo 70. Deus iudicium tuum regi da, & iustitiam tuam filio regis. Iudicare populum tuum in iustitia. Itē in Apocalypsi: Et uidi cælum apertum, & ecce equus albus, & qui sedebat super eum uocabatur fidelis & uerax, equum iustum qui prædicat & præliatur. Oculi autem eius erant tanquā flamma ignis, & super caput eius diademata multa, & portabat nomē scriptum, nemini alij nisi ipsi soli notū: Et erat coopertus ueste aspersa sanguine, & dicitur nomē eius uerbū Dei, & exercitus qui sunt in cælo sequebantur eū in equis albis induti byssino mundo, & de ore eius exibat gladius utraq; parte acutus, ut de eo percuteret nationes, quas ipse pacturus est in uirga ferrea, & ipse calcabit torcular uini iræ Dei omnipotentis, habet etiā in ueste, & in

femore suo nomen scriptum, rex regū & Dominus dominan-
 tium. Item in Euangelio: Cum uenerit filius hominis in clari- Matth. 25.
 tate sua, & omnes angeli cum eo, tūc sedebit in throno clari-
 tatis suae, & colligentur ante eum omnes gentes, & segrega-
 bit illos ab inuicem, quemadmodum pastor segregat oues ab
 hoedibus, & statuet oues ad dexteram suam, hoedos autem ad si-
 nistram. Tunc dicet rex eis, qui ad dexteram eius erunt: Ve-
 nite benedicti patris mei, percipite regnum quod uobis para-
 tum est ab origine mundi: esuriui enim, & dedistis mihi mādu-
 care: sitiui, & potastis me: hospes fui, et abduxistis me: nudus,
 & texistis, infirmus fui, et uisitastis me, in carcere, et uenistis
 ad me. Tunc respondebunt iusti dicentes, Domine quando te
 uidimus esurientem, & pauimus? sitientem, & potauimus?
 quando te uidimus hospitem, & abduximus? nudum, & uesti-
 uimus? quando autem te uidimus infirmari, & in carcere, &
 uenimus ad te? Et respondens rex dicet eis: Amen dico uobis,
 quandiu fecistis uni horum ex fratribus meis minimis, mihi fe-
 cistis. Tunc dicet ijs, qui ad sinistram eius erunt: Discedite a
 me maledicti in ignem æternum, quem parauit pater meus
 diabolo & angelis eius, esuriui enim, & nō dedistis mihi man-
 ducare, sitiui, & non potastis me, hospes fui, & non abduxi-
 stis me, nudus, & non uestistis me, infirmus, & in carcere, &
 non uenistis ad me. Tunc respondebunt & ipsi dicentes: Do-
 mine quando te uidimus esurientem, aut sitientem, aut ho-
 spitem, aut nudum, aut infirmum, aut in carcere, &
 non ministrauimus tibi? Et respondebit illis.

Amē dico uobis, quādiu nō fecistis uni
 ex minimis his, neq; mihi fecistis,
 & adibū isti in ambustio-
 nē æternā, iusti autē
 in uitā æternā.

LIBRĪ SECVNDI FINIS.

AD QVIRINVM LIBER
TERTIVS.

CYPR. QVIRINO FILIO SAL.



RC fide ac deuotione tua, quam Domino Deo exhibes fili charissime, petisti ut ad instruendum te exciperem de scripturis sanctis quædā capitula, ad religiosam sectæ nostræ disciplinā pertinentia: lectionis diuinæ succinctam diligentiam quæres, ut animus Deo deditus, non longis aut multis librorum uoluminibus fatigetur, sed eruditus breuiario præceptorum cœlestiū habeat ad fouendam memoriam suam salubre et grande compendium. Et quia tibi plenum dilectionis obsequium debeo, feci quod petisti, ut laborem semel, ne tu semper laborares. Quantum potuit itaq; mediocritas nostra complecti, collecta sunt à me quædam præcepta dominica et magisteria diuina, quæ esse facilia et utilia legentibus possint, dum in breuiariū pauca digesta, et uelociter perleguntur, et frequenter iterantur. Opto te fili charissime semper bene ualere.

CAPITVLA TERTII LIBRI.

- 1 De bono opere et misericordia.
- 2 In opere et eleemosynis, etiam si per mediocritatem minus fiat, ipsam uoluntatem satis esse.
- 3 Agapen et dilectionem fraternam religiose et firmiter exercendam.
- 4 In nullo gloriandum, quando nostrum nihil sit.
- 5 Humilitatem et quietem in omnibus tenendam.
- 6 Bonos quoq; et iustos plus laborare sed tolerare debere, quia probantur.
- 7 Non contristandum spiritum sanctum, quem accepimus.
- 8 Iracundiam uincendam esse ne cogat delinquere.
- 9 Inuicem se fratres sustinere debere.

- 10 In deum solum fidendum, & in ipso gloriandum.
- 11 Eum qui fidem consecutus est, exposito priore homine, celestia tantū & spiritualia cogitare debere, nec attendere ad seculum cui iam renuntiavimus.
- 12 Non iurandum.
- 13 Non maledicendum.
- 14 Nunquā musitandum, sed circa omnia quæ accidunt, benedicendum deum.
- 15 Ad hoc tentari homines à Deo ut probentur.
- 16 De bono martyrij.
- 17 Minora esse quæ in seculo patimur, quā sit præmium quod promissum est.
- 18 Dilectioni Dei & Christi nihil præponendum.
- 19 Voluntati non nostræ, sed Dei obtemperandum.
- 20 Fundamentū, & firmamentū spei, & fidei esse timorem.
- 21 Non temere de altero iudicandum.
- 22 Accepta iniuria remittendum, & ignoscendum.
- 23 Vicem malis non reddendam.
- 24 Non posse ad patrem peruenire, nisi per Christum.
- 25 Ad regnum dei nisi baptizatus, & renatus quis fuerit, peruenire non posse.
- 26 Parum esse baptizari, & Eucharistiā accipere, nisi quis factis & opere perficiat.
- 27 Baptizatum quoque gratiam perdere, quā consecutus sit, nisi innocentiam seruet.
- 28 Nō posse in ecclesia remitti ei, qui in dominū deliquerit.
- 29 De odio nominis antè prædictum.
- 30 Quod quis deo uouerit citò reddendum.
- 31 Eum qui non crediderit, iam iudicatum esse.
- 32 De bono uirginitatis & continentie.
- 33 Nihil patrem iudicare, sed filium, & patrem ab eo non honorificari, à quo non honorificetur filius.

- 34 Fidelem gentiliter uiuere non oportere.
- 35 Deum ad hoc patientem esse, ut nos poeniteat peccati nostri & reformemur.
- 36 Mulicrem ornari seculariter non debere.
- 37 Fidelem non oportere ob alia delicta, nisi ob nomen solum puniri.
- 38 Seruum dei innocentem esse debere, ne incidat in poenam secularem.
- 39 Datum nobis esse exemplum uiuendi in Christo.
- 40 Non iactanter nec tumultuose operandum.
- 41 Ineptè & scurriliter non loquendum.
- 42 Fidē tantū pdesse, et tantū nos posse, quantū credimus.
- 43 Posse cum statim consequi qui uere crediderit.
- 44 Fideles inter se disceptantes, non debere gentilem iudicem experiri.
- 45 Spem futurorum esse, & ideo fidē circa ea quæ promissa sunt, patientem esse debere.
- 46 Mulierem in ecclesia tacere debere.
- 47 Delicto merito nostro fieri, ut laboremus, nec dei opem in omnibus sentianus.
- 48 Non scenerandum.
- 49 Inimicos quoque diligendos.
- 50 Sacramentum fidei non esse profanandum.
- 51 Quòd nemo in opere suo extolli debeat.
- 52 Credendi uel non credēdi libertatem in arbitrio positā.
- 53 Dei arcana perspicere non posse, & ideo fidē nostram simplicem esse debere.
- 54 Neminem sine sorde & sine peccato esse.
- 55 Non hominibus sed deo placendum.
- 56 Deum nihil latere ex his quæ gerantur.
- 57 Fidelem emendari & reseruari.
- 58 Neminem contristari morte debere, cum sit in uiuendo labor et periculū, in moriēdo pax et resurgēdi securitas.

- 59 De idolis quæ gentiles deos putant.
- 60 Ciborum concupiscentiam nimiam non appetendam.
- 61 Possidendi concupiscentiam et pecuniã non appetendam.
- 62 Matrimonium cum gentilibus non iungendum.
- 63 Grauius delictum est fornicationis.
- 64 Quæ sint carnalia, quæ mortem parant: & quæ spiritua-
lia, quæ ad uitam ducant.
- 65 Omnia delicta in baptismo deponi.
- 66 Disciplinam Dei in ecclesiasticis præceptis obseruãdam.
- 67 Prædictum, quod disciplinam sanam aspernaturi essent.
- 68 Recedendũ ab eo q inordinate, et contra disciplinã uiuat.
- 69 Non in sapientia mundi nec in eloquentia esse regnũ Dei,
sed in fide crucis & uirtute conuersationis.
- 70 Parentibus obsequendum.
- 71 Patres quoq; asperos esse circa filios non oportere.
- 72 Seruos cũ crediderit plus dñis carnalibus seruire debere.
- 73 Item dominos mitiores esse debere.
- 74 Viduas probatas quasq; honorandas.
- 75 Suorum & maximè fidelium curam plus unumquemque
habere debere.
- 76 Maiorem natu non temere accusandum.
- 77 Peccantem publicè obiurgandum.
- 78 Cum hæreticis non loquendum.
- 79 Innocentiam fidenter petere, & impetrare.
- 80 Nihil licere diabolo in homine, nisi Deus permiserit.
- 81 Mercedem mercenario citò reddendam.
- 82 Non augurandum.
- 83 Circum in capite non habendum.
- 84 Non uellendum.
- 85 Surgendum cum episcopus aut presbyter ueniat.
- 86 Schisma non faciendum, etiam summa fide & in eadem
traditione permaneat qui recedit.

- 87 Fideles simplices cum prudentia esse debere.
- 88 Fratrem non circumueniendum.
- 89 Subitò uenire finem mundi.
- 90 Vxorē à uiro nō recedere, aut si recesserit inuptā manē.
- 91 Tantum unumquenq; tentari, quantum potest sustinere.
- 92 Non quicquid licet esse faciendum.
- 93 Prædictum quòd hæreses futuræ essent.
- 94 Cum timore & honore eucharistiam accipiendam.
- 95 Bonis conuiuendum, malos autem uitandos.
- 96 Factis, non uerbis operandum.
- 97 Et ad fidem & ad consecutionem properandum.
- 98 Catechumenū peccare non debere.
- 99 Iudicium secundum tempora futurum, uel æquitatis ante legem, uel legis post Moysen.
- 100 Gratiam Dei gratuitam esse debere.
- 101 Spiritum sanctum in igne frequenter apparuisse.
- 102 Correctionem quoq; bonos libenter audire debere.
- 103 À multiloquentia temperandum.
- 104 Non mentiendum.
- 105 Frequēter emēdādos q delinquūt ī domestico ministerio.
- 106 Iniuria accepta patientiam tenendam, & ultionem Deo relinquendam.
- 107 Non detrahendum.
- 108 Non esse proximo insidiandum.
- 109 Infirmos uisitandos.
- 110 Sufurrone maledictos esse.
- 111 Sacrificia malorum acceptabilia non esse.
- 112 Grauius iudicari de his qui in hoc seculo plus habuerint potestatis.
- 113 Viduam & pupillos protegi oportere.
- 114 Dum in carne est quis, exomologesin facere debere.
- 115 Adulationem perniciosam esse.

116 Plus ab eo diligit Deū, cui in baptismo plura peccata dimittuntur.

117 Fortem congressionem esse aduersus diabolum, et ideo fortiter nos stare debere, ut possimus uincere.

118 De Antichristo quòd in homine ueniat.

119 Graue fuisse iugum legis, quòd à nobis abiectum est: et leue esse iugum domini, quod à nobis susceptum est.

120 Orationibus insistendum.

DIVI CAECILII CYPRIANI

ad Quirinum, liber tertius. CAP. I.



E bono opis et misericordiae, apud Esaiā. Esa. 38. Exclama, inquit, in fortitudine, et noli parcere, sicut tuba exalta uocem tuā, adnuntia plebi meae peccata ipsorū, et domui Iacob facinora eorū. Me de die in diem quaerunt, et cognoscere uias meas cōcupiscunt, quasi plebs quae iustitiam fecerit, et iudicium nō deseruerit. Postulāt me nunc iudicium iustum, et appropinquare Deo concupiscūt dicentes: Quid quia ieiunauimus, et non uidisti humiliauimus animas nostras, et non cognouisti? In diebus enim ieiunij inueniuntur uoluntates uestrae: aut enim subiectos uobis subpungitis, aut ad iudicia et lites ieiunatis, aut proximos ceditis pugnis, ut quid mihi ieiunatis? ut hodie audiatur uox uestra in clamore? Non hoc ieiunium ego elegi, nisi humiliet homo animam suam. Et si contorseris quasi circulum collum tuum, et saccum et cinerem substraueris, nec sic uocabitur ieiunium acceptum. Non tale ieiuniū elegi, dicit dominus: sed solue omnē nodum iniustitiae, resoue suffocationes impotentium cōmerciorum. Dimitte quassatos in requiem, et omnem consignationē iniustam dissipā. Frange esurienti panem tuum, et egeos sine tecto induc in domum tuam. Si uideris nudum, uesti, et domesticos seminis tui non despicias. Tunc erūpet tem-

poraneum lumen tuum, & uestimenta tua citò orientur. Et præbit ante te iustitia, & claritas Dei circumdabit te. Tunc exclamabis, et Deus exaudiet te. Dum adhuc loqueris dicet:

Iob. 29. ecce adsum. De hoc ipso apud Iob: Conseruaui egenum de manu potentis, & pupillo, cui non erat adiutor, auxiliatus sum. Os uiduæ benedixit me, cū essem oculus cæcorum, pes quoq; claudorum ego essem, & inualidorū pater. De hoc ipso apud

Tob. 2. Tobiam: Et dixi Tobię filio meo: Vade et adduc quemcunq; pauperem inueneris ex fratribus nostris, qui tamen in mente habet Deum ex toto corde suo, hunc adduc et manducabit pariter meum prandium hoc. Sustineo te fili donec uenias. Item illhic: Omnibus diebus uitæ tuæ fili Deum in mente habe, & noli præterire præcepta eius. Iustitiam fac omnibus diebus uitæ tuæ, & noli ambulare uiam iniquitatis: quoniam agente te ex ueritate, erit respectus operum tuorum. Ex substantia tua fac eleemosynam, & noli auertere faciem tuam ab ullo paupe, ita fiet ut nec à te auertatur facies Dei. Quomodo habueris fili, sic fac. Si tibi fuerit copiosa substantia, plus ex illa fac eleemosynam. Si enim exiguum habueris, ex hoc ipso exiguo communica. Et ne timueris, cum facis eleemosynam: præmium bonum repones, repones tibi in diem necessitatis, quoniam eleemosyna à morte liberat, et non patitur ire in tenebris. Munus bonum est eleemosyna omnibus qui faciunt eam coram summo Deo. De hoc ipso apud Salomonem in Paræ-

Prouer. 19. mijs: Qui pauperi miseretur, Deo sceneratur. Item illhic: Qui dat pauperi, nunquam indigebit. Qui autem auertit oculum

Prouer. 15. suum, in multa penuria erit. Item illhic: Eleemosynis & fide peccata purgantur. Item illhic: Si esurierit inimicus tuus, ciba eum, si sitierit, potabis eum: hoc enim faciens, carbones uiuos

Eccle. 3. superfundes in caput eius. Itē illhic: Sicut aqua extinguit ignē, sic & eleemosyna extinguit peccatum. De hoc ipso in Paræ-

Prouerb. 3. mijs: Ne dixeris, abi & reuertere, cras ego dabo, cum possis

continuo benefacere: non enim scis quid contingat sequenti die. Item illhic: Qui obturat aures suas ne audiat imbecillum, Prover. 21.
 & ipse inuocabit Deū, & nō erit qui exaudiat eum. Itē illhic: Qui conuersatur sine uituperatione in iniustitia, beatos filios relinquit. Apud eundem in Ecclesiastico: Fili si habes, bene fac Eccle. 14.
 tecū, & Deo dignas oblationes offer, memorare quoniā mors nō tardat. Item illhic: Conclude eleemosynam in corde pauperis, & hæc pro te orabit ab omni malo. De hoc in psalmo. 31.
 misericordiam & postro prodesse: Iunior fui, etenim senui, et non uidi iustum derelictum, nec semen eius quærens panē, Tota die miseretur & sceneratur, et semen eius in benedictione est. De hoc ipso in psalmo. 40. Beatus qui intelligit super egenum, & pauperē, in die malo liberabit illum Deus. Item in psalmo. 111. Distribuit, dedit pauperibus, iustitia eius manet in æternū. De hoc ipso apud Oseā: Misericordiam uolo: quā Ose. 6.
 sacrificium, & agnitionē Dei plus quā holocausta. De hoc ipso in euangelio κατὰ Matthæū: Beati qui esuriunt, et si Matth. 5.
 tiunt iustitiam, quia ipsi saturabuntur. Item illhic: Beati misericordes, quia ipsi misericordiā cōsequuntur, Item illhic: Thesaurizate uobis thesauros in cœlo, ubi neq; tinea, neq; comesura exterminat, & ubi fures non effodiunt, et furantur. Vbi enim fuerit thesaurus tuus, illhic erit & cor tuū. Item illhic: Simile Matth. 13.
 est regnū cœlorū homini negotianti, quærenti bonam margaritam: ubi autem inuenerit pretiosam margaritam, abiit & uēdit omnia quæ habuit & emit eam. Etiam modicū opus prodesse. Item illhic: Et qui potauerit unū ex minimis istis calicē Matth. 10.
 aquæ frigidæ in nomine discipuli, amē dico uobis, non peribit merces eius. Nemini negandam eleemosynā. Item illhic: Omni Luc. 6.
 poscenti da, et ab eo qui uoluerit mutuari, ne auertaris te. Item illhic: Si uis ad uitam uenire, serua mandata. Dicit illi, quæ? et Matth. 19.
 dicit Iesus: Non occides, non mœchaberis, non falsam testimoniu dices. Honora patrem et matrem, et diliges proximum tibi

tanquam te. Dicit illi iuuenis: Omnia ista obseruaui: Quid adhuc mihi deest? Dicit illi Iesus: Si uis perfectus esse, uade et uende omnia tua, et da pauperibus, et habebis thesaurum in caelo, et ueni sequere me. Item illhic: Cum uenerit filius hominis in maiestate sua, et omnes angeli cum eo, tunc sedebit in throno claritatis suae, et colligentur ante eum omnes gentes. Et segregabit illos ab inuicē, quemadmodum segregat pastor oues ab hœdis. Et statuet oues ad dexteram suam, hœdos autem ad sinistram. Tunc dicet rex eis, qui ad dexteram suam sunt: Venite benedicti patris mei, percipite regnū quod uobis paratum est ab origine mundi. Esuriui enim, et dedistis mihi manducare. Sitiui, et potastis me. Hospes fui, et adduxistis me. Infirmatus fui, et uisitastis me. In carcere fui, et uenistis ad me. Tunc respondebunt ei iusti dicētes: Domine quando te uidimus esurientē, et pauius, sitientem, et potauimus? Quādo te uidimus hospitē, et adduximus: nudum, et uestiuius? Quādo autē te uidimus infirmū, et in carcere, et uenimus ad te? Respōdens rex dicit: Amē dico uobis, quā diu fecistis uni horū ex fratribus meis minimis, et mihi fecistis. Tūc dicit illis, qui à sinistris eius sunt: Discedite à me maledicti in ignem æternum, quem præparauit pater meus diabolo et angelis eius. Esuriui enim et non dedistis mihi manducare. Sitiui et non potastis me. Hospes fui, et non adduxistis me. Nudus fui et non uestistis me. Infirmus et in carcere et non uisitastis me. Tunc respondebunt et ipsi dicētes: Domine quando te uidimus esurientē, aut sitientē, aut hospitē, aut nudum, aut infirmum, aut in carcere, et nō ministrauimus tibi? Et respondēbit illis: Amen dico uobis, quā diu non fecistis uni ex minimis his, neq; mihi fecistis. Et ibūt isti in ambustionē æternam: Iusti autem in uitam æternam. De hoc ipso in euangelio καὶ τὸ Lucan: Res uestras uendite, et date elemosynam. Item illhic: Qui fecit quod est intus, fecit quod et foris est. Verum-

tamen date eleemosynam, & ecce uobis omnia sunt munda. Item illhic, Ecce dimidium ex substantia mea do egenis, & si Luc. 19.
 cui quid fraudavi quadruplum reddo. Dixit autem Iesus, quia
 salus hodie domui huic facta est, quoniam & ipse filius est
 Abrahæ. De hoc ipso ad Corinthios secunda, Vestra abund- 2. Cor. 2.
 dantia illorum inopiam suppleat, ut & illorū abundantia no-
 stræ inopiæ sit supplementum, ut sit æqualitas, sicut scriptum
 est. Qui multum habuit, non abundauit, & qui modicum, non Exod. 16.
 indiguit. Item illhic, Qui parce seminat, parce & metet. Qui 2. Cor. 9.
 seminat in benedictionem, de benedictione metet. Vnusquisq;
 autem sicut corde proposuit, non quasi ex tristitia, uel ex ne-
 cessitate. Hilarem enim datorem diligit Deus. Item illhic, Si-
 cut scriptum est, Distribuit, dedit pauperibus, iustitia eius ma- Psal. 112.
 net in æternum. Item illhic, Qui autem administrat semen
 seminanti, & panem ad edendum præstabit. Et multiplicabit
 semen uestrum, & augebit incrementa frugum iustitiæ uestre,
 ut in omnibus locupletemini. Item illhic, Administratio hu-
 ius officij non tantum suppleuit ea quæ sanctis desunt, sed &
 abundauit per multarum gratiarum actionem in Deum. De
 hoc ipso in epistola Ioannis, Qui habuerit substantiam mun- 1. Ioan. 3.
 di, & uiderit fratrem suum desiderantem, & clauserit uiscera
 sua ab eo, quomodo charitas Dei manet in illo? De hoc ipso in
 euangelio κατὰ Lucam, Cum facis prandium aut coenam, no Luc. 14.
 li uocare amicos tuos, neq; fratres, neq; uicinos, neque diui-
 tes, ne forte & illi reinuitent te, & fiat retributio tibi, Sed
 cum facis epulum, uoca pauperes, debiles, cæcos & claudos,
 & beatus eris, quoniam non habent retribuere tibi. Retribue-
 tur enim tibi in resurrectione iustorum.

II.

In opere & eleemosynis, etiam si per mediocritatē minus
 fiat, ipsam uoluntatem satis esse: in epistola Pauli ad Corin-
 thios secunda, Si uoluntas prompta est, secundum quodcunq; 2. Cor. 8.
 habuerit, acceptabile est, non secundum quod non habuerit,

neq; sit alijs refrigerium, uobis pressura.

I I I.

Malach. 2.

Agapen & dilectionem fraternam religiose & firmiter exercendam: apud Malachiam: Non ne Deus unus condidit nos? Non ne pater est unus omnium nostrum? Quid utique dereliquistis unusquisque fratrem suum? De hoc ipso *κατὰ*

Ioan. 14.

Ioannem, Pacem remitto uobis, pacem meam do uobis. Item illhic, Hoc est mandatum meum ut diligatis inuicem, quam admodum dilexi uos. Maiorem hac charitatem nemo habet, quam ut animam suam quis ponat pro amicis suis. Item illhic, Beati pacifici, quoniam ipsi filij Dei uocabuntur. Item illhic, Amen dico uobis, quoniam si duobus ex uobis cōuenerit in terra de omni re, quancunq; petieritis, continget uobis à patre meo qui in coelis est. Vbicunq; enim fuerint duo aut tres collecti in nomine meo, ego cum eis sum. De hoc ipso ad Corin-

1. Corin. 3.

thios prima, Et ego quidem fratres nō potui uobis loqui quasi spiritualibus, sed quasi carnalibus. Quasi infantibus in Christo, lac uobis potum dedi, non escam. Dum enim adhuc pusilli eratis, non poteratis, sed neq; nunc potestis. Adhuc enim estis carnales. Vbi enim inuocatis emulationes & dissensiones, non ne carnales estis, et secundum hominem ambulatis? Item illhic, Et si habuero fidem ita ut montes transferam, charitatem autem non habeam, nihil proficio. Et si distribuero omnia mea, et si tradidero corpus meum ut ardeam, charitatem autem nō habeam, nihil proficio. Caritas magnanima est. Caritas benigna est. Caritas non emulatur. Caritas non agit perperam, non inflatur, non irritatur, non cogitat malum, non gaudet super iniustitiam, conlletatur autem in ueritate. Omnia diligit, omnia credit, omnia sperat, omnia sustinet. Caritas

Galat. 5.

nunquam excidet. De hoc ipso ad Galatas, Diliges proximum tibi tanquam te. Si autē mordetis, et incusatis inuicem, uidete ne consumamini ab inuicem. De hoc ipso in epistola

1 Ioan. 3.

Ioannes, In hoc apparent filij Dei, et filij diaboli. Omnis qui

non

non est iustus, non est de deo, & qui non diligit patrem suum
 & matrem suam, qui enim fratrem suum odit, homicida est,
 & scitis quia omnis homicida non habet in se uitam eternam.
 Item illhic. Siquis dixerit, quoniam diligit deum, & fratrem
 suum odit, mendax est. Qui enim non diligit fratrem suum
 quem uidet, deum quem non uidet, quomodo potest diligere?
 De hoc ipso in Actibus Apostolorum. Turba autem eorum
 qui crediderant, anima ac mente una agebant, nec fuit inter Act. 4.
 illos discrimen ullum, nec quicquam suum iudicabant ex bonis
 quæ eis erant, sed fuerunt illis omnia communia. De hoc ipso
 in Euangelio κατὰ Matthæum. Si obtuleris munus tuum ad
 altare, & illhic recordatus fueris, quia frater tuus habet ali- Matth. 5.
 quid aduersum te, relinque illhic munus tuum ante altare, &
 uade prius reconciliari fratri tuo, et tunc ueniens offeres mu-
 nus tuum ad altare. Item in epistola Ioannis. Deus charitas 1. Ioan. 4.
 est, & qui manet in charitate, in deo manet, & deus in eo.
 Item illhic. Qui dicit se in luce esse et fratrem suum odit, men-
 dax est, & in tenebris ambulat usque adhuc. IIII.

In nullo gloriandum quando nostrum nihil sit: in Euan-
 gelio κατὰ Ioannem: Nemo potest quicquam accipere, nisi Ioan. 19.
 datum illi fuerit de coelo. Item in epistola Pauli ad Corin-
 thios prima. Quid enim habes quod non acceperis? Si au- 1. Corin. 5.
 tem accepisti, quid gloriaris, quasi non acceperis? Item in
 βασιλειῶν libro 1. Nolite gloriari neque loquamini elata, nō 1. Reg. 20.
 procedat magniloquentia ex ore uestro, quia deus scientia-
 rum dominus. Item illhic: Inualidus factus est arcus poten-
 tum, & infirmi accincti sunt uirtute. De hoc ipso in Macha- 2. Mach. 9.
 bæis. Iustum est subditum deo esse, & mortalem non paria
 deo sentire. Item illhic, Et uerba uiri peccatoris ne timueris,
 quia gloria eius in stercore erit, & in uermes. Hodie extolle-
 tur, & cras non inuenietur, quoniam conuersus est in terram
 suam & cogitatio eius peribit.

Esa. 66.

Humilitatem & quietē in omnibus tenendam, apud Esaiā sic dicit dominus Deus. Cœlum mihi thronus, et terra scabellum pedum meorum. Quam mihi sedem edificabitis, aut quis locus ad requiem mihi? Omnia enim ista fecit manus mea, et sunt omnia mea. Et super quem aspiciam alium, nisi super humilem & quietum, & timentem sermones meos? De hoc ipso in Euangelio κατὰ Matthæum. Beati mites, quoniam ipsi hæc redibunt terrā. De hoc ipso κατὰ Lucā. Qui minimus fuerit in omnibus uobis, hic erit magnus. Itē illhic: Qui se extollet humiliabitur, & qui se humiliauerit exaltabitur. De hoc ipso ad Romanos. Noli altum sapere, sed time. Si enim Deus naturalibus rebus non pepercit, ne fortē nec tibi parcat. De hoc ipso in psalmo tricesimotertio. Et humiles spiritu saluabit. Item ad Romanos: Reddite omnibus quæ debentur: cui tributum, tributum: cui uestigal, uestigal: cui timorem, timorem, cui honorem, honorem. Nemini quicquam debeatis, nisi ut inuicem diligatis. Item in Euangelio κατὰ Matthæum. Deligunt primum recumbēdi locum in cœnis, & primam sessionem in synagogis, & salutationes in foro, & uocari ab hominibus rabbi. Vos autem ne uocaueritis rabbi. Vnus est enim uobis magister. Item in euangelio κατὰ Ioannem. Non est seruus maior domino suo, neq; Apostolus maior eo qui se misit. Hæc scientes beati eritis, si feceritis ea. Item in psalmo 81. Humilem & pauperem iustificate.

VI.

Bonos quosq; & iustos plus laborare, & tolerare debere, Eccl. 27. quia probantur, apud Salomonem. Vas figuli probat fornax, & homines iustos tentatio tribulationis. Item in psalmo quinquagesimo. Sacrificiū deo spiritus contribulatus, cor contritū & humiliatum Deus non spernet. Item in psalmo trigesimo tertio. Proximus est Dominus contribulato corde, & humiles spiritu saluabit. Item illhic: Multa flagella iustorum, et ex omnibus illis liberauit illos dominus. De hoc ipso apud Iob. Nu-

du exiui de utero matris meæ, nudus ego ibo sub terram. Do
 minus dedit, dominus abstulit, sicut domino placuit, ita fa-
 ctum est, sit nomen Domini benedictum. In his omnibus
 quæ contigerunt ei, nihil peccauit Iob labijs suis in conspectu
 Domini. De hoc ipso in Euangelio κατὰ Matthæum. Bea-
 ti plangentes, quoniam ipsi consolabuntur. Item κατὰ Ioan-
 nem. Hæc locutus sum uobis, ut in me pacem habeatis, in se-
 culo autem pressuram habebitis, sed fidite, quoniam ego ui-
 ci mundum. De hoc ipso ad Corinthios secunda. Datus est
 mihi stimulus carnis meæ, Angelus satanæ, qui me colaphi-
 zet, ne extollar. Propter quod ter Dominum rogaui, ut di-
 scederet à me. Et dixit mihi: Sufficit tibi gratia mea. Nam
 uirtus in infirmitate perficitur. De hoc ipso ad Romanos. Rom. 5.
 Gloriamur in spe claritatis Dei. Non solum autem, sed et
 gloriamur in pressuris, scientes quoniam pressura toleran-
 tiam operatur, tolerantia probationem, probatio autem
 spem. Spes autem non confundit, quia dilectio dei infusa est
 in cordibus nostris per spiritum sanctum qui datus est nobis.
 De hoc ipso κατὰ Matthæum. Quàm lata et spatiosa uia
 est quæ ducit ad interitum, et multi sunt qui intrant per eam.
 Quàm arcta et angusta uia est, quæ ducit ad uitam, et pau-
 ci sunt qui eam inueniunt. De hoc ipso in Tobiam: Vbi sunt Tob. 2.
 iustitiæ tuæ? ecce quæ pateris. Item in Sapientia Salomonis. Eccl. 3.
 In locis impiorum gemunt iusti, in illorum autem perditio-
 nem abundabunt iusti.

VII.

Non contristandum spiritum sanctum, quem accepimus:
 apud Ephesios. Nolite contristare spiritum sanctum dei, in quo
 signati estis, in die redemptionis. Amaritudo, et ira, et indi-
 gnatio, et clamor, et blasphemie austratur à uobis.

Præerb. 16.

Iracundiam uincendam esse, ne cogat delinquere: apud Sa-
 lomonem in Paræmij: Melior est uir patiens forti. Qui enim
 iracundiam contemnit, melior est, quàm qui urbem capit. Item

illhic : Imprudens in eadem die nuntiat iram suam, abscondit autem inhonorationem suam astutus . de hoc ipso ad Ephe=

Ephe 4. sios : Irascimini & nolite peccare. Sol non occidat super ira=

Matth. 5. cundiam uestram. Item in Euangelio κατὰ Ματθαῖον : Audi stis quia dictum est antiquis, non occides: qui autem occiderit, reus erit iudicio. Ego autem dico uobis, quia omnis qui irasci tur fratri suo sine causa, reus erit iudicio. IX.

Gal. 6. Inuicem se fratres sustinere debere, ad Galatas : In con=

templationem habentes unusquisque, ne & uos contente mini . Alterutrum onera sustinete, & sic adimplebitis legem Christi. X.

In deum solum fidendum esse & in ipso gloriandum, apud

Hiere. 9. Hieremiam : Non gloriatur sapiens in sapientia sua, nec glo=

rietur diues in diuitijs suis, & fortis in fortitudine sua, sed in hoc gloriatur qui gloriatur, intelligere & nosse quoniam ego sum deus, qui facio misericordiam, & iudicium, & iustitiam super terram, quoniam in his est uoluntas mea, dicit dominus. De hoc in psalmo quinquagesimoquarto : In domino speraui non timebo quid faciat mihi homo . Item illhic : Non nisi deo soli subdita est anima mea. Item in psalmo centesimo decimo se ptimo: Non metuum quid faciat mihi homo, dominus mihi au xiliator est . Item illhic: Bonū est confidere in dominū, quā fidere in hominem . Bonum est sperare in dominū, quā spe rare in principibus. De hoc ipso apud Danielem : Responde runt autem Sidrac, Misac, & Abdenago Nabuchodonosor regi: Rex non opus est nobis de hoc sermone respondere tibi. Est enim deus cui nos seruimus, potens eripere nos de camino ignis ardentis, & de manibus tuis liberabit nos. Et si non: no tium tibi sit rex, quia dijs tuis non seruimus, & imaginē aureā quam statuisti, non adoramus . Item apud Hieremiam : Ma ledictus homo qui spem habet in homine, & benedictus ho mo, qui fidet in domino, & erit in deum spes eius . De hoc

ipso in Deuteronomio: Dominum Deum tuum adorabis, & illi soli seruias. De hoc ipso ad Romanos: Et coluerunt & ser uierunt creaturæ relicto creatore, propter quod & tradidit illos Deus in passionem ignominie. De hoc ipso apud Ioannē: Maior est qui in uobis est, quàm qui in hoc mundo. Dent. 6.
Rom. 1.

Eum qui fidem affecutus est exposito priore homine, cœlestia tantum & spiritualia cogitare debere, nec attendere ad seculum, cui iam renuntiauius, apud Esaiam: Quærite Dominum, & cum inueneritis inuocate eum. Cum autem appropinquauerit uobis, relinquat impius uias suas, & uir facinorosus cogitationes suas, & conuertatur ad Dominum, & misericordiam consequetur, quia in multum remittet peccata uestra. De hoc ipso apud Salomonem: Vidi uniuersa opera quæ facta sunt sub sole, & ecce omnia uanitas. De hoc ipso in Exodo: Sic autem comedetis illum: Lumbi uestri præcincti, & calciamenta uestra in pedibus uestris, & baculi uestri in manibus uestris, & edetis eum festinanter, pascha Domini est. De hoc ipso in Euāgelio κατὰ Matthæū: Nolite cogitare dicētes, quid edemus, aut bibemus, aut quid uestiemur? hæc enim nationes inquirunt. Scit autē pater uester, quia horum omnium indigetis. Quærite primum regnū Dei, & iustitiam eius, & omnia ista apponentur uobis. Item illhic: Nolite cogitare in crastinū. Crastinus enim dies ipse cogitabit sibi. Sufficit diei malitia sua. Item illhic: Nemo retro attēdens & superponens manum suam super aratrum, aptus est regno Dei. Item illhic: Aspicite uolatilia cœli, quoniā non seminant, neq; metunt, neq; colligunt in horrea, & pater uester cœlestis pascit illa. Non uos pluris estis illis? de hoc ipso κατὰ Lucam: Sint lumbi uestri accincti, & lucernæ ardentes. Et uos similes hominibus expectantibus dominum suum quando ueniat à nuptijs, & cum uenerit & pulsauerit, aperiant illi. Felices serui illi, quos adueniens dominus inuenerit uigilantes. De hoc ipso apud Matthæū: Vul-

Ecc. 1.

Exod. 12.

Matth. 6.

Luc. 12.

Matth. 8.

- pes foueas habent, & uolucres cœli diuersoria, filius autē hominis non habet ubi caput suū inclinet. Item illhic: Qui nō renūciat omnibus, quæ sunt eius, nō potest meus discipulus esse.
1. Cor. 6. De hoc ipso ad Corinthios 1. Non estis uestri, empti enim estis pretio magno, clarificate, & portate Deū in corpore uestro. Item illhic: Tempus collectum: superest ergo ut qui habent uxores quasi non habentes sint, & qui plangunt quasi non plangentes, & qui gaudent quasi non gaudentes, & qui emunt quasi non ementes, & qui possident quasi non possidentes, & qui hoc mundo utuntur quasi nō utantur. Præteribit enim figura huius mundi. Item illhic. Primus homo de terræ limo, secundus homo de cœlo, Qualis ille ē limo, tales & qui ē limo: & qualis cœlestis, tales & cœlestes. Quomodo portauimus imaginē eius qui de limo est, portemus & imaginem eius qui de cœlo est. De hoc ipso ad Philippenfes: Omnes sua querūt, & non quæ sunt Christi, quorum finis est interitus, quorum Deus est uenter, & gloria in confusionem eorum qui terrena sapiunt. Nostra autem conuersatio in cœlis est, unde & salutem expectamus Domini nostri IESVM Christi, qui transformauit corpus humilitatis nostræ, conformatum corpori claritatis suæ. De hoc ipso ad Galatas: Mibi autē absit gloriari, nisi in cruce domini nostri IESV Christi, per quem mihi mundus crucifixus est, & ego mundo. De hoc ipso ad Timotheum: Nemo militans deo obliget se molestiis secularibus, ut possit placere ei cui se probauit. Sed & si certauerit quis, nō coronabitur, nisi legitime pugnaverit. De hoc ipso ad Colossenses: Si mortui estis cum Christo ab elementis mundi, quid tanquam uiuentes in mundo uana sectamini? Item de hoc ipso: Si uerē resurrexistis cum Christo, quæ sursum sunt quærite, ubi Christus est in dextera dei sedens: quæ sursum sunt sapite, non quæ terrena sunt. Mortui enim estis, & uita uestra abscondita est cum Christo in deo. Cum autem Christus ap-

paruerit uita uestra, tunc & uos cum eo apparebitis in gloria. De hoc ipso ad Ephesios: Exponite prioris cōuersationis ueterem hominem qui corrumpitur secundum concupiscentias deceptionis. Innouamini autem spiritu sensus uestri, & induite nouum hominem, qui secundum Deum constitutus est in iustitia, & sanctitate & ueritate. De hoc ipso in epistola Petri: Quasi hospites & aduenæ, & peregrini abstinete uos à carnalibus desiderijs, quæ militant aduersus animam: cōuersationem autem habentes inter gentes bonam, ut dum uersi detrectant de uobis, quasi de malignis, bona opera uestra aspicientes magnificent Deum. De hoc ipso in epistola Ioannis: Qui dicit se in Christo manere, debet quomodo ille ambulauit, & ille ambulare. Item illhic: Nolite diligere mundum, neque ea quæ in mundo sunt. Siquis dilexerit mundum, non est charitas patris in illo. Quoniam omne quod in mundo est, concupiscentia carnis est, & concupiscentia oculorum, & ambitio seculi, quæ non est à patre, sed ex concupiscentia seculi & mundus transibit & concupiscentia eius. Qui autem fecerit uoluntatem Dei patris manet in æternum, quomodo & Deus manet in æternum. Item in epistola Pauli ad Corinthios prima: Expurgate uetus fermentum, ut sitis noua cōspersio, sicut estis æymi. Nam & pascha nostrum immolatus est Christus: Itaque festa celebremus non in fermento ueteri, neque in fermento malitiæ & nequitie, sed in æymis sinceritatis & ueritatis.

Ephes. 4.

1 Pet. 2.

1 Ioan. 2.

1 Cor. 5.

XII.

Non iurandum, apud Salomonem: Multum iurans replebitur iniquitate, & non discedet à domo eius plaga, & si uanè iurauerit non iustificabitur. De hoc ipsa Matthæum: Dico uobis non iurare in toto. Sit autem sermo uester, est est, non non. De hoc ipso in Exodo: Non accipies nomen domini Dei tui in uanum.

Eccl. 13.

Matth. 5.

Exod. 20.

XIII.

Non maledicendum, in Exodo. Non malidices, neque prin

Exod. 22.

- cipi populi tui detraxeris . Item in psalmo tricesimo secundo .
 Quis est homo qui uult uitam , & cupit uidere dies bonos ?
 Contine linguam tuam à malo , & labia tua ne loquantur do-
 lum . De hoc ipso in Leuitico . Et locutus est dominus ad Moy-
 sen , dicens : Produc eum foras , qui maledixerit , extra ca-
 stra , et imponent omnes qui audierint , manus suas super ca-
 put eius , & lapidabit eum omnis synagoga filiorum Israel . De
 hoc ipso in epistola Pauli ad Ephesios . Omnis sermo malus
 de ore uestro non procedat , sed bonus ad ædificationem fidei ,
 ut det gratiam audientibus . De hoc ipso ad Romanos . Bene-
 dicentes , non maledicentes . De hoc ipso in Euangelio κατὰ
 Matthæum : Qui dixerit fratri suo satanæ , reus erit in gehennâ
 ignis . De hoc ipso κατὰ Matthæum . Dico autem uobis quia
 omne uerbum otiosum quod locuti fuerint homines , reddent
 pro eo rationem in die iudicii . De sermonibus enim tuis iusti-
 ficaberis , & de sermonibus tuis condemnaberis . X I I I I .

- Nunquam musitandum , sed circa omnia quæ accidunt , be-
 nedicendum deum , apud Iob . Dic uerbum aliquod in deum
 & morere . At ille intuitus eam dixit . Tanquam una ex in-
 eptis mulieribus locuta es . Si bona accipiamus de manu do-
 mini , mala cur non tolerabimus ? In his omnibus quæ accide-
 runt , nihil peccauit Iob labijs suis in conspectu domini . Item
 illhic . Animaduertisti in puerum meum Iob ? nō enim similis est
 illi quisquam in terris , homo sine querela , uerus dei cultor ,
 abstīnēs se ab omni malo . De hoc ipso in psalmo tricesimo ter-
 tio . Benedicam dominum omni tempore , semper laus eius in
 ore meo . Item in Numeris . Desinat uanitas eorum à me ,
 & non morientur . Item in Actibus Apostolorum . Circa au-
 tem median noctem Paulus & Silas orantes gratias agebant
 deo , audiebant autem eos uincti . Item in epistola Pauli ad
 Philippenses . Omnia autem pro delectatione facite , sine mur-
 murationibus & reputationibus , ut sitis sine querela , & im-

maculati filij Dei.

XV.

Ad hoc tentari homines à Deo ut probentur: in Genesi, Et *Gene. 22.*
tentauit Deus Abraham, & dixit ad illum, Accipe filium tuum
unicum quem diligis Isaac, & uade in terram, impones illum
ibi in holocaustum hostiam, in unum ex montibus, de quo dixe
ro tibi. De hoc ipso in Deuteronomio, Tentat dominus Deus *Deut. 13.*
uester uos, ut sciat, si diligitis dominum Deum uestrum ex toto
corde uestro, & ex tota anima uestra. De hoc ipso in Sapien-
tia Salomonis, Et si coram hominibus tormenta passi sunt, spes *Sapien. 3.*
eorum immortalitate plena est, & in paucis uexati, in multis
bene disponentur, quoniam Deus tentauit illos, et inuenit eos
dignos se. Tanquam aurum in fornace probauit illos, & qua-
si hostiæ holocausta accepit illos, et in tēpore erit respectus il-
lorum. Iudicabunt nationes, & dominabuntur populis, & re-
gnabit dominus eorum in perpetuum. De hoc ipso in Macha-
bæis: Abraham non ne & in tentatione inuentus est fidelis, *1. Mach. 2.*
& deputatum est ei ad iustitiam?

XVI.

De bono martyrij, in Sapiētia Salomonis, Liberat de malis *Prouer. 14.*
animam martyr fidelis. Item illhic, Tunc stabunt iusti in ma- *Sapien. 5.*
gna constantia aduersus eos qui se angustiauerunt, & qui la-
bores eorum diripuērūt. Videntes turbabuntur timore horri-
bili, & mirabuntur in subitatione insperate salutis, dicentes
inter se poenitentiam habentes, & per angustiam spiritus ge-
mentes, Hi sunt quos aliquando habuimus in derisum & in si-
militudinē improprij. Nos insensati uitam illorum aestimaba-
mus insaniam, & finem illorum sine honore. Quomodo com-
putati sunt inter filios Dei, & inter sanctos fors illorum est?
Ergo errauimus à uia ueritatis, & iustitiæ lumen non luxit no-
bis, & sol non est ortus nobis. Lassati sumus in uia iniquita-
tis & perditionis, & ambulauimus solitudines difficiles, uiam
autē domini ignorauimus. Quid nobis profuit superbia, aut
quid diuitiarum iactatio contulit nobis? transierunt omnia

- ista sicut umbra. De hoc ipso in psalmo. 115. Pretiosa in conspectu domini mors sanctorum eius. Item illhic, Qui semināt in lacrymis, in gaudio metent. Et ambulantes ambulabant, et plorabant mittentes semina sua. Venientes autem uenient, in exultatione colligentes gramina sua. De hoc ipso in euangelio κατὰ Ioannem, Qui amat animam suam perdet illam, et qui odit animam suam in isto seculo, in uitam eternam inueniet illam. Item illhic, Cum autem tradiderint uos, nolite cogitare quid loquamini: non enim uos estis qui loquimini, sed spiritus patris uestri, qui loquitur in uobis. Item illhic Veniet hora, ut omnis qui interficit uos, arbitretur obsequium se Deo facere. Sed et hoc facient, quoniam non cognouerunt patrem neque me. De hoc ipso apud Mathæum, Beati qui persecutionem passi fuerint propter iustitiam, quoniam ipsorum est regnum cœlorum. Item illhic, Ne timueritis eos qui occidunt corpus, animam autem non possunt occidere. Magis autem metuite eum, qui potest animam, et corpus perdere in gehennam. Item illhic, Quicumque me confessus fuerit coram hominibus, et ego confitebor illum coram patre meo qui in cœlis est. Qui autem me negauerit coram hominibus, et ego negabo eum coram patre meo qui in cœlis est. Qui autem sustinuerit usque in finem, hic saluus erit. De hoc ipso κατὰ Lucā, Beati eritis cum oderint uos homines, et separauerint uos, et expulerint, et maledixerint nomini uestro quasi nequam propter filium hominis. Gaudete in illa die, et exultate, ecce enim merces uestra multa est in cœlis. Item illic, Amen dico uobis, nemo est, qui relinquat domum, aut parentes, aut fratres, aut uxorem, aut filios propter regnum Dei, et non recipiat septies tantum in isto tempore, in seculo autem futuro uitam eternam. De hoc ipso in Apocalypsi: Et cum aperuissem quintum signum, uidi sub ara Dei animas occisorum propter uerbum Dei, et martyrium suum, et clamauerunt magna uoce dicentes

Quousq; domine uerus & sanctus, non iudicas, & uindicas sanguinem nostrum de his qui in terris inhabitant? Et datæ sunt eis singulis stolæ albæ, & dictum est eis, ut quiesceret ad huc breui tempore, donec impleatur numerus conseruorum, & fratrum eorum, quiq; postea occidetur exemplo ipsorum. Item illhic, Post hæc uidi turbā multā, quam dinumerare ex Apoc. 7. his nemo poterat, ex omni gente, & ex omni tribu, & ex omni populo & lingua, stantes in conspectu throni, & in conspectu agni, & erant amicti stolis albis, & palmæ fuerunt in manibus eorū, et magno clamore dicebāt: Laus Deo nostro sedēti super thronū, & agno. Et respondit unus de senioribus, dicens mihi, Qui amicti sunt stolas albas, qui sunt & unde uenerūt? Et dixi ei, Domine mi tu scis. Et ait mihi, Hi sunt qui uenerunt de tribulatione magna, & lauerūt stolas suas, & candidas eas fecerunt in sanguine agni, ideo sunt in cōspectu throni Dei, & seruiūt ei diebus & noctibus in tēplo eius. Et is qui sedet in throno habitabit super eos, neque esurient, neque sitient unquā, sed neq; sol super eos cadet, neq; ullū æstium patientur. Quoniā agnus qui in medio throni est, reget eos, & deducet eos ad fontē aquæ uiuæ, & absterget Deus omnem lacrymā ex oculis eorū. Item illhic: Qui uincet dabo illi edere ex omni Apoc. 2. ligno uitæ, quod est in paradiso Dei mei. Item illhic: Esto fidelis usq; ad mortem, & dabo tibi coronam uitæ. Beati erunt, qui uigilabunt, & seruabunt uestimēta sua, ne nudi ambulent, & uideant turpitudinem suā. De hoc ipso ad Timotheum in secunda: Ego iam delibor, & tempus instat assumptionis, bonum * certamen certauī, cursum perfecī, fidem seruauī, iam su * alias, agone perest mihi corona iustitiæ, quam mihi reddet dominus in illo die iudex iustus: non solum autem mihi, sed & omnibus qui dilexerunt aduentum eius. De hoc ipso ad Romanos: Si uis filij Dei: si autem filij, & hæredes Dei, cohæredes autem Chri

Roma. 8.

sti. Siquidem compatiatur, & commagnificemur. De hoc ipso psalmo centesimo decimo octavo, Beati qui immaculati sunt in uia, & qui ambulant in uis dominum. Beati qui perscrutantur martyria eius.

XVII.

Minora esse quæ in seculo patimur, quàm sit premium quod promissum est, in epistola Pauli ad Romanos: Non sunt condignæ passionibus huius temporis, ad superuenturam claritatem, quæ reuelabitur in nobis.

XVIII.

Dilectioni Dei et Christi nihil præponendum, in Deuteronomio, Diliges dominum Deum tuum de toto corde tuo, &

de tota uirtute tua. In euangelio κατὰ Matthæum, Qui amat patrem, aut matrem super me, non est me dignus: & qui amat filium aut filiam super me, non est me dignus, & qui non accipit crucem suam, et sequitur me, non est meus discipulus. Item

in epistola Pauli ad Romanos, Quis nos separabit à charitate Christi, pressura, an angustia, an persecutio, an fames, an nudi

tas, an periculum, an gladius: sicut scriptum est, Quoniam causa tui occidimur tota die, deputati sumus ut oues uictimæ, sed in his omnibus superuincimus, propter quod dilexit nos.

XIX.

Voluntati non nostræ, sed Dei obtemperandum, in euan-

gelio κατὰ Ioannem: Non descendi de cælo, ut faciam uoluntatem meam, sed uoluntatem eius qui me misit. De hoc ipso

κατὰ Matthæum, Pater, si fieri potest, trahat à me calix iste, ueruntamen non quod ego uolo, sed quod tu. Item in prece quotidiana, Fiat uoluntas tua sicut in cælo & in terra. Item

κατὰ Matthæum, Non omnis qui dicit mihi domine domine, introibit in regnum cælorum, sed is qui facit uoluntatem patris mei qui in cælis est, ipse introibit in regnum cælorum. Item

Luc. 12. κατὰ Lucam: Ille autem seruus qui cognoscit uoluntatem domini sui, et non paruertit uoluntati eius, uapulabit uulgis. Item

1. Ioan. 2. in epistola Ioannis: Qui autem fecerit uoluntatem Dei, manet

in eternum, quomodo & ipse manet in eternum. XX.

Fundamentum & firmanentum spei, & fidei esse timorē, in psalmo centesimo decimo, Initium sapientiæ timor Domini. De hoc ipso in sapientia Salomonis: Initium sapientiæ, metuere dominum. In Paræmijis eiusdem, Beatus est homo qui ueretur omnia per metum. De hoc ipso apud Esaiam, Et super quem alium respiciam, nisi super humilem, & quiescens, & trementem sermones meos? De hoc ipso in Genesi, Et uocauit eum angelus domini de cælo, & dixit illi, Abraham. Ille autem dixit, Ecce ego. Et dixit, Noli iniicere manum tuam in puerum, neque feceris illi quicquam. Nunc enim cognoui, quoniam times Deum tuum, & non pepercisti filio tuo dilectissimo propter me. Item in psalmo secundo: Seruite domino in timore, & exultate cum tremore. Item in psalmo tricesimo tertio: Timete dominum omnes sancti eius, quoniam non est inopia eis qui eum metuunt. Item in psalmo decimo octauo, Timor domini castus perseuerans in secula seculorum. XXI.

Non temere de altero iudicandum, in euangelio κατὰ Λουκάν, Nolite iudicare, ne iudicemini: nolite condemnare, ne cōdemnemini. De hoc ipso ad Romanos: Tu quis es qui iudicas alienū seruum? domino suo stat, aut cadit: stabit autem, potens enim Deus statuere eum. Et iterum, Quare* in excusatione es* o homo? in quo enim iudicas alium, te ipsum cōdemnas, eadem enim agis quæ iudicas. Speras autem tu qui iudicas eos qui mala agunt, et eadem facis, quia ipse es fugiens iudicium Dei? Item in epistola ad Corinthios prima, Et qui se sperat stare, uideat, ne cadat. Et iterum: Siquis se putat scire aliquid, dum non sit quemadmodum oporteat. XII.

Accepta iniuria remittendum & ignoscendum, in euangelio in prece quotidiana: Remitte nobis debita nostra, sicut & nos remittimus debitoribus nostris. Item κατὰ Μάρκον: Et

Eccle. 1.

Prouerb. 28.

Esa. 66.

Gene. 22.

Luc. 6.

Roma. 14.

* alias, inexcusabilis.

1. Cor. 10.

Matth. 6.

Mar. 11.

cum steteritis ad orationem, remittite siquid habetis aduersus aliquem, ut & pater uester qui in cœlis est, remittat uobis pec-
 Ibidem. 4. cata uestra. Item illhic, In qua mensura mensi fueritis, in ea re metietur uobis. XXIII.

Vicem malis non reddendam, in epistola Pauli ad Roma-
 Roma. 12. nos, Nemini malum pro malo reddentes. Item illhic, Noli uinci à malo, sed uince in bono malum. De hoc ipso in Apo-
 Apoc. 22 calypsi: Et dixit mihi, ne signaueris uerba prophetiæ libri huius, quia iam tempus in proximo est, & hi qui perseuerant nocere, noceant, & qui in sordibus est, sordescat: iustus au- tem adhuc iustiora faciat, similiter & sanctus sanctiora. Ecce uenio citò, & merces mea mecum est, reddere unicuique secun- dum facta sua. XXIII.

Non posse ad patrem peruenire, nisi per filium eius Iesum
 Ioan. 14. Christum, in euangelio κατὰ Ioannem, Ego sum uia, ueritas,
 Ioan. 10. & uita: nemo uenit ad patrē nisi per me. Item illhic, Ego sum ianua, per me si quis introierit, saluabitur. XXV.

Ad regnū Dei, nisi baptizatus, et renatus quis fuerit, per-
 Ioan. 3. uenire non posse, in euangelio κατὰ Ioannem, Nisi quis rena- tus fuerit ex aqua, & spiritu sancto, non potest introire in re- gnum Dei. Quod enim natum est de carne, caro est: & quod natum est ex spiritu, spiritus est. Item illhic, Nisi ederitis car- nem filij hominis, & biberitis sanguinem eius, non habebitis uitam in uobis. XXVI.

Parum esse baptizari, & Eucharistiam accipere, nisi quis factis, & opere perficiat, in epistola Pauli ad Corinthios,
 1. Cor. 9. Nescitis quia qui in stadio currunt, omnes quidem currunt, unus tamen accipit palmam? Sic currite, ut occupetis: & illi quidem, ut corruptibilem coronam accipiant, nos uerò incor- ruptam. In euangelio κατὰ Mattheum, Omnis arbor non fa- ciens fructum bonum, excidetur, & in ignem mittetur. Item illhic: Multi mihi dicent in illa die: Domine domine, nonne in

nomine tuo prophetauimus, & in nomine tuo demonia ex-
clusimus, & in tuo nomine uirtutes magnas fecimus? Et tunc
dicam illis: Nequaquam uos uidi, recedite à me qui operami-
ni iniquitatem. Item illhic, Luceat lumen uestrum coràm homi-
nibus, ut uideant bona opera uestra, & clarificent patrem ue-
strum qui in cœlis est. Item Paulus ad Philipenses, Lucete si-
cut luminaria in mundo.

Math. 5.

Philip. 2.

XXVII.

Baptizatum quoq; gratiam perdere, quam consecutus sit,
nisi innocentiam seruet, in euangelio κατὰ Ioannem, Ecce sa-
nus factus es, iam noli peccare, nequid tibi deterius fiat. Item
in epistola Pauli ad Corinthios, Nescitis quia templum Dei
estis, & spiritus Dei habitat in uobis? si quis templum Dei ui-
olauerit, disperdet illum Deus. De hoc ipso in Paralipomenon,
Dominus uobiscum est, dum estis uos cum ipso: si dereliqueris
tis eam, derelinquet uos.

Ioan. 5.

1. Cor. 3.

2. Paral.

XXVIII.

Non posse in ecclesia remitti ei qui in Deum deliquerit, in
euangelio κατὰ Matthæum, Qui dixerit uerbū aduersus filiū
hominis, remittetur illi: qui autē dixerit aduersus spiritum san-
ctum, non remittetur illi, neq; in isto seculo, neq; in futuro. Itē
κατὰ Marcum, Omnia peccata remittentur filiis hominum
& blasphemiæ: qui autem blasphemauerit in spiritum sanctū,
non remittetur illi, sed reus erit æterni peccati. De hoc ipso in
Βασιλειᾶν primo: Si delinquendo peccetur aduersus utrum,
orabunt pro eo dominum: si autem in Deum peccet homo, q̄s
exorabit pro eo?

Matth.

XXIX.

De odio nominis antè prædictū, in euangelio κατὰ Lucam,
Et eritis odibiles omnibus hominibus propter nomen meum.
Item κατὰ Ioannem, si seculum uos odit, scitote quoniam me
primò odijt, si de seculo essetis, seculum quod suum est amaret:
sed quia de seculo nō estis, & elegi uos de seculo, propterea
odit uos seculum. Mementote sermonem quem dixi uobis,
Non est maior domino suo seruus: si me persecuti sunt, &

Luc. 21.

Ioan. 15.

uos persequentur.

XXX.

Quod quis Deo uouerit, citò reddendum, apud Salomonem, Prout uoueris uotum domino, ne moram feceris reddere illud. De hoc ipso in Deuteronomio, Si autem uoueris uotum domino Deo tuo, non tardabis reddere illud, quia inquirens queret illud Deus tuus à te, & erit in peccatum, ea quæ egredientur per labia tua, obseruabis, & facies donum quod locutus es ex ore tuo. De hoc ipso in psalmo quadragesimono, Sacrifica Deo sacrificium laudis, & redde altissimo uota tua. Inuoca me in die pressuræ, & eximam te, & clarificabis me. De hoc ipso in Actibus Apostolorum, Cur impleuit Satanas cor tuum mentiri te spiritui sancto, cum esset fundus in tua potestate? Non hominibus mentitus es, sed Deo.

Hiere. 41. Item apud Hieremiam, Maledictus qui facit opera domini negligenter.

XXXI.

Eum qui non crediderit, iam iudicatum esse, in Euangelio Ioan. 3. κατὰ Ioannem: Qui non crediderit, iam iudicatus est, quia non credidit in nomine unici filij Dei. Hoc autè est iudicium, quoniam lux uenit in seculum, & magis dilexerunt homines tenebras quàm lucem. De hoc ipso in psalmo primo, Propterea non resurgent impij in iudicio, neque peccatores in consilio iustorum.

XXXII.

Gene. 3. De bono uirginitatis, & continentie, in Genesi: Multiplicans multiplicabo tristitias tuas, & gemitus tuos, & in tristitia paries filios, & erit conuersio tua ad uirum tuum, & ipse tui dominabitur. De hoc ipso in euangelio κατὰ Matthæu, Non omnes capiunt uerbum, sed illi quibus datum est: Sunt enim spadones, qui ex utero matris nati sunt: & sunt spadones, qui coacti sunt ab hominibus: & sunt spadones, qui se ipsos castrauerunt propter regnum coelorum. Qui potest capere, capiat. Item κατὰ Lucan, Filij seculi huius generant & generantur, qui autem habuerint dignationem seculi illius,

& re

Et resurrectionem à mortuis non nubunt, neq; nubuntur. Neque enim incipient mori, & quales enim sunt angelis Dei, cum sint filij resurrectionis. Resurgere autem mortuos Moyses significat, quomodo dicit in rubo: Dominus Deus Abraham, et Deus Isaac, & Deus Iacob, non est Deus mortuorum, sed uiuorum, oēs enim illi uiuunt. De hoc ipso in epistola Pauli ad Corinthios prima. Bonum est hominem mulierem non continere, propter fornicationem autem unusquisq; uxore habeat suam, & unaquęque uirum suum habeat. Vxori uir debitum reddat, similiter & uxor uiro. Vxor corporis sui potestatem non habet, similiter & uir corporis sui potestatem nō habet, sed uxor. Nolite fraudare inuicem, nisi ex conuentione ad tempus, ut uacetis orationi. Et iterum reuertamini in idipsum, ne tentet uos Satanas propter incontinentiam. Hoc dico secundum consilium, non secundum imperium: uolo autem omnes homines esse, sicut & me, sed unusquisq; propriū habet charisma à Deo, alius sic, alius autem sic. Item illhic. Cælebs cogitat quę sunt Domini, quomodo placeat Deo. Qui autē matrimonium contraxit, cogitat ea, quę sunt mundi huius, quomodo placeat uxori: sic & mulier, & uirgo inrupta cogitat ea, quę sunt Domini, ut sit sancta corpore, & spiritu, quę autem nubit, cogitat ea quę sunt mundi huius, quomodo placeat uiro. De hoc ipso in Exodo: Cū præcepisset Deus Moysi, ut sanctificaret populum in diem tertium, sanctificauit ille, et adiecit. Estote parati tribus diebus, non accedentes ad mulieres. De hoc ipso in ἡσασθαι primo. Et respondit sacerdos ad Dauid, & dixit: Non sunt panes profani in manu mea, nisi panis sanctus unus, si obseruati sunt pueri à muliere, manducabunt. Item in Apocalypsi. Hi sunt qui cum mulieribus nō contaminauerunt, uirgines enim permanserunt, hi sunt qui sequuntur agnum quocumque uadit.

1. Cor. 7.

Ibidem.

Exod. 15.

Apoc. 14.

XXXIII.

Gg

Nihil patrem iudicare, sed filium, & patrem ab eo non honorificari, à quo non honorificetur, & filius in Euangelio Ioan. 7. contra Ioannem. Nihil pater iudicat, sed iudicium omne dedit filio, ut omnes honorificent filium, sicut honorificat patrem. Qui non honorificat filium, nec honorificat patrem qui eum misit. Item in Genesi. Et pluit dominus à domino super Sodomam & Gomorram sulphur, & ignem de cælo. Item in psalm. 70. Deus iudicium tuum regi da, & iustitiam tuam filio regis. Iudicare populum in tuam iustitiam. XXXIII.

Fidelem gentilibus uiuere non oportere, apud Hieremiam Hierem. 7. Hæc dicit dominus. Secundum uiam gentilium non ambulaueritis. De hoc ipso quod segregare se quis debeat à gentilibus, ne sit socius culpæ, & fiat particeps plagæ, in Apocalypsi. Apoc. 18. Et audiui aliam uocem de cælo dicentem. Exi de ea populus meus, ne particeps sis delictorum eius, & ne præstringaris plagis eius, quoniam delicta eius usque ad cælum peruenerunt, et meruit dominus Deus iniquitatum eius. Ideo reddet ei duplæ, et in quo poculo miscuit, duplæ remissum est ei, sed in quantum se clarificauit, et delictorum habuit, tantum datur ei & cruciatus, & luctus, quoniam in corde suo dicit. Regna sum, & uictoria esse non possum, nec luctus uisura sum, propterea una hora plagæ eius adueniunt mors, luctus & fames, & igni cremabitur, quia fortis est dominus Deus, qui eam iudicabit. Et flebunt & plangent, se in ea reges terræ, quia cum ea fornicati sunt, & in delictis conuersati sunt. Item apud Esaiam. Exite de medio eorum, qui fertis uasa domini. XXXV.

Deum ad hoc patientem esse, ut nos poeniteat peccati nostri, ut reformemur, apud Salomonem in Ecclesiastico. Ne dixeris, peccaui, & quid accidit mihi triste? est enim altissimus patiens redditor. Item ad Romanos: An nunquid opulentiam bonitatis eius, & sustinentiam, & patientiam contemnitis, ignorans quia bonitas Dei in poenitentiam te adducit? Tu

autem secundum duritiam tuam, & cor impatiens thesaurizans tibi iram in die iræ, & reuelationis iusti iudicii Dei, qui reddet unicuique secundum opera sua.

XXXVI.

Mulierem ornari seculariter non debere, in Apocalypsi. Et uenit unus ex septē angelis habētibus phialas, & aggressus est me, dicens. Veni ostēdā tibi damnationem meretricis Apoc. 17. magnæ, sedentis super aquas multas, cum qua fornicati sunt reges terræ. Et uidi mulierem sedentem super bestiam, & mulier illa amicta erat pallium purpureum, & coccineum, & adornata erat auro, & lapidibus pretiosis, & margaritis, tenens poculum aureum in manu sua plenum execrationum, & immunditiæ, & fornicationis totius terræ. Item ad Timotheum.

1. Tim. 2.

Sint mulieres uestræ cum uerecundia, & pudicitia componentes se: non tortis crinibus, neque auro, neque margaritis, aut ueste pretiosa, sed ut decet mulieres promittentes castitatem per bonam conuersationem. De hoc ipso in epistola Petri ad Ponticos. Sit in muliere non exterior ornamentum, aut auri, aut uestis cultus, sed cultus cordis. Item in Genesi. Thamar cooperuit se pallio, & adornauit, & cum affexisset eam Iudas, uisum est ei meretricem esse.

1. Pet. 3.

Gen. 38.

XXXVII.

Fidelem non oportere ob alia delicta, nisi ob nomen solum puniri, in epistola Petri ad Ponticos. Ne quisquam uestrum tanquā fur, aut homicida patiatur, aut tanquā maledicus, aut turas alienas agens, sed tanquā Christianus. XXXVIII.

1. Pet. 4.

Seruum Dei innocentem esse debere, ne incidat in poenam secularem, in epistola Pauli ad Romanos. Vis non timere potestatem? bonum fac, & habebis laudem ab ea. XXXIX.

Rom. 13.

Datum nobis esse exemplum uiuendi in Christo. Christus enim passus est pro nobis, relinquens exemplum uobis, ut sequamini uestigia eius, qui peccatum non fecit, nec inuentus est dolus in ore eius. Qui cum malediceretur, non maledixit, cum pateretur, non minabatur, tradebat autem se iudicāi iniuste.

1. Pet. 2.

Philip. 2. Item Paulus ad Philippenſes, Qui in figura Dei conſtitutus, non rapinam arbitratus eſt eſſe ſe æqualem Deo: ſed ſe inaniuit formam ſerui accipiens, in ſimilitudinē hominis factus, in habitu inuētus eſt homo. Humiliauit ſe, factus obediens uſque ad mortem, mortem autem crucis. Propter quod Deus exaltauit illum, & donauit illi nomen, ut ſit ſuper omne nomen: ut in nomine Ieſu omne genu cūruetur, cœleſtium, & terreſtrium, & infernorum: & omnis lingua conſiteatur quia dominus

Ioan. 13. Ieſus in gloria eſt dei patris, De hoc ipſo in Euangelio & τὰ Ioannem: Si ego laui pedes uestros dominus & magiſter, & uos debetis aliorum pedes lauare, Exemplum enim dedi uobis, ut ſicut ego ſeci, & uos alijs faciatis. **XL.**

Non iactanter, nec tumultuoſe operandum, in Euangelio & τὰ Matthæum: Neſciat ſiniſtra quid faciat dextera tua, ut ſit eleemoſyna tua in abſcondito: & pater tuus qui uidet in abſconſo, reddet tibi. Item illhic: Cum facis eleemoſynam, non li tumultuare quomodo hypocrite faciunt in uicis & in ſynagogis, ut clarificentur ab hominibus. Amen dico uobis, compleuerunt mercedem ſuam. **XLII.**

Inepte & ſcarriliter non loquendum, in epiſtola Pauli ad **Ephes. 5.** Ephesios: Stultiloquium & ſcurrilitas, quæ ad rem non pertinent, nec nominentur quidem in uobis: **XLII.**

Fidem tantum prodeſſe, & tantum nos poſſe, quantum credimus, in Geneſi. Et credidit Abraham deo, & deputatum eſt ei ad iuſtitiam. Item apud Eſaiam. Et ſi non credideritis, neq; intelligetis. Item in Euangelio & τὰ Matthæum. Modice fidei quare dubitaſti? Et iterum. Si habueritis, fidem quaſi granum ſinapis, diceretis monti huic, tranſi hinc illuc, et tranſibit, & **Mar. 11.** nihil impoſſibile erit uobis. Item & τὰ Marcum. Omnia quæ cumq; oratis & petitis, credite quia accipietis, & erūt uobis. **Abac. 2.** Et iterum. Omnia poſſibilia credenti. Item in Abacuc. Iuſtus

autem ex fide mea uiuet. Item in Daniele. Ananias, Azarias, Misahel credentes Deo liberati sunt de flamma. XLIII. Dan. 3.

Posse eum statim consequi qui crediderit uere, in Actibus Apostolorum. Ecce aqua, quid est quod me impedit baptizari? Tunc duxit Philippus. Si credis ex toto corde tuo, licet. Act. 8.

XLIII.

Fideles inter se disceptantes, non debere gentilem iudicem experiri, in epistola Pauli ad Corinthios prima. Audet quisquam uestrum aduersus alterum negotium habens disceptare apud iniustos, et non apud sanctos? Nescitis quia sancti hunc mundum iudicabunt? Et iterum. Iam quidē in totum delictum in uobis est, quia iudicia habetis cum iniicē. Quare non magis iniuriam patimini, et quare non magis fraudamini? et alias, sed uos iniuriam facitis, et fraudatis, et hoc fratribus, aut nescitis, quoniam iniusti regnum non consequentur? 1. Cor. 9.

XLV.

Spem futurorum esse, et ideo fidē circa ea, quę promissa sunt patientē esse debere, in epistola Pauli ad Romanos. Spes saluati sumus. Spes autem quę uidetur, non est spes. Quod enim uidet quis, quid sperat? Si autem quod nō uidemus speramus, per patientiam expectamus. Rom. 8.

XLVI.

Mulierē in ecclesia tacere debere, in epistola Pauli ad Corinthios prima. Mulieres uestre in ecclesia taceāt. Si quę autem tem discere uolunt domi uiros suos interrogent. Item ad Timotheum. Mulier cū silētio discat in omni subiectione. Doce re autem mulierem non permuto, neq; prępositam esse uiro. 1. Cor. 14.

1. Tim. 2.

Adam enim primus formatus est, deinde Eua, et Adam non est seductus, mulier autem seducta est. XLVII.

Delicto et merito nostro fieri, ut laboremus, nec Dei opē in omnibus sentiamus, apud Osee. Audite sermonē domini filij Israel, quia iudiciū est domino aduersus incolās terrę, quod neq; misericordia, neq; ueritas, neq; agnitio dei sit super terram. Execratio, et mendaciū, et cædes, et furtiū, et adulterium. Osee 4.

rium diffusum est super terram. Sanguine sanguini superminiscunt, & idcirco terra lugebit cum uniuersis incolis suis, cum bestiis agri, & cum serpētibus terræ, cum uolucris cœli, & deficiēt pisces maris, ut nemo iudicet, nemo reuincat. De hoc ipso apud Esaiā. Nunquid non ualeat manus domini, ut saluos faciat, aut grauauit aurē, ut non exaudiat? Sed peccata uestra inter uos & deum separant, & propter peccata uestra auertit faciē a uobis ne misereatur. Manus enim uestræ plenæ sunt sanguine, & digiti uestri in peccatis, labia autem uestra locuta sunt facinus, & lingua uestra iniustitiam meditatur, nemo loquitur uera, neque est iudiciū uerum, fidunt in uanis, & loquuntur inania, qui parturiūt dolorem, & parient facinus. Item apud Sophoniam. Defectione deficiat a facie terræ, dicit dominus. Deficiat homo, & pecudes deficiant, uolucres cœli, & pisces maris, & auertat iniquos a facie terræ. XLVIII.

Non scenerandum, in psalmo xiiij. Qui pecuniam suam non dedit in fœnore, & munera super innocentes non accipit, qui ista fecerit, nō cōmouebitur in æternum. De hoc ipso in Ezechiele. Homo autem qui erit iustus, hominem non opprimet, & pignus debitoris reddet, & rapinam non rapiet, panem suum esurienti dabit, & nudum operiet, & pecuniam suam in usuras non dabit. Item in Deuteronomio. Non scenerabis fratri tuo usuram pecuniæ, & usurā ciborū. XLIX.

Luc. 6. Inimicos quoque diligēdos, in Euāgelio κατὰ Lucam. Si diligitis qui uos diligunt, quæ uobis gratia est? & peccatores enim diligunt eos qui se diligūt. De hoc ipso κατὰ Matthæū.

Matth. 5. Diligite inimicos uestros, & orate pro his qui uos persequuntur, ut sitis filij patris uestri qui in cœlis est, qui solem suum oriri facit super bonos & malos, & pluit super iustos & iniustos.

L. Sacramentum fidei non esse profanandum, Apud Salomonem in Proverbijs. In aures imprudētis noli quicquam dicere.

ne quando audierit, irrideat sensatos sermones tuos. De hoc ipso in Euangelio κατὰ Matthæum: Ne dederitis semē canibus, neque miseritis margaritas uestras ante porcos, ne forte conculcent ea pedibus suis, & conuersi elidant uos. **L I.**

Math. 7.

alias, sancti

Quod nemo in opere suo extolli debeat, apud Salomonem in Ecclesiastico: Noli te extollere in faciendo opere tuo. Item in Euangelio κατὰ Lucam: Quis uestrum habens seruū arantem, aut pastorem, & uenienti de agro dicit, continuo transi, recumbe? Sed dicit illi, para aliquid quod coenem; & accingere, & ministra mihi, donec manducem, & bibā: & postea t. manducabis, & bibes. Nunquid habet gratiam seruo illi, qui facit quæ imperata sunt? Et sic itaq; & uos cum feceritis, quæ uobis imperata sunt, dicite. Serui superuacui sumus: quod habuimus facere, fecimus. **L I I.**

Ecc. 10.

Luc. 17.

Credendi uel non credendi libertatem in arbitrio positam, in Deuteronomio: Ecce dedi ante faciem tuam uitam, & mortem, bonum & malum: elige uitam, & uiues. Item apud Esaiam: Et si uolueritis, & audieritis me, bona terræ edetis. Si autē nolueritis, & non audieritis me, gladius uos cōsumet: os enim Domini locutum est ista. Item in Euangelio κατὰ Lucam: Regnum dei intra uos est. **L I I I.**

Deut. 30.

Esa. 1.

Dei arcana perspicere nō posse, & ideo fidem nostram simplicem esse debere, in epistola Pauli ad Corinthios prima: Videmus nunc per speculum in ænigmate, tunc autem facie ad faciem. Nunc scio ex parte, tunc autem cognoscam sicuti ego cognitus sum. Item in Salomonis Sapientia: Et in simplicitate cordis querite Deum. Item apud eundem: Qui ambulat simpliciter, ambulat fidenter. Item apud eundem: Altiora te ne quesieris, & fortiora te ne scrutatus sis. Item in Salomone: Noli esse multū iustus, & noli argumentari plus, quā oportet. Item apud eundem: Væ qui arguti sunt in semetipsis. Item in Machabæis: Daniel in simplicitate sua liberatus est de ore **L I I I.**

Luc. 17.

1. Cor. 13.

Sap. 1.

Ecc. 3. & 7

Macha. 2.

- Rom. 11.** leonum. Item in epistola Pauli ad Romanos: O' altitudo diuinitatum, et sapientiæ, et scientiæ Dei, quam incomprehensibilia sunt iudicia eius, et quam inuestigabiles uie eius. Quis enim cognouit sensum Domini, aut quis consiliarius eius fuit? uel quis prior dedit ei, et retribuetur illi? Quoniam ex ipso, et per ipsum, et in ipso sunt omnia: ipsi claritas in secula seculorum. Item ad Timotheum: Stultas et ineruditas questiones deuota, sciens quia lites generant. Seruum autem Dei non oportet litigare, sed mitem esse ad omnes. **LIIII.**

- Neminem sine sorde, et sine peccato esse, apud Iob: Quis enim mundus a sorde: nec unus, etiam si sit uita eius unius diei in terra. Item in psalmo 50. Ecce in iniquitatibus conceptus sum, et in delictis concepit me mater mea. Item in epistola **1. Ioan. 1.** Ioannis: Si dixerimus quia peccatum non habemus, nos ipsos decipimus, et ueritas in nobis non est. **LV.**

- Non hominibus, sed Deo placendum: in psalmo 52. Qui hominibus placent, confusi sunt: quoniam deus nihil fecit illos. Item in epistola Pauli ad Galatas: Si hominibus placere uellẽ, **Gal. 1.** Christi seruus non essem. **LVI.**

- Deum nihil latere ex his, quæ gerantur, in Sapientia Salomonis: In omni loco speculantur oculi Dei, bonos et malos. De hoc ipso apud Hieremiam: Ego Deus approximans, et non est Deus de longinquo. Si absconditus fuerit homo in absconditis, ego non uidebo eum? Nõne cœlum, et terram ego impleo, dicit dominus? Item in **Exod. 16. 17.** primo: Homo uidet in facie, Deus autem in corde. Item in Apocalypsi: Et **1. Reg. 16** scient omnes ecclesiæ, quia ego sum scrutator renis et cordis **Apoc. 2.** et dabo unicuique secundum opera sua. Item in psalmo decimo octauo: Delicta quis intelligit? Ab oculis meis munda me Domine. Item in epistola Pauli ad Corinthios secundam: Omnes nos manifestari oportet ante tribunal Christi, ut reportet **2. Cor. 5.** unusquisque propria corporis sui secundum quæ egit, siue bona

siue mala.

LVII.

Fidelem emendari, & reseruari: in psalmo. 118. Emendans emendauit me dominus, & morti me non tradidit. Item in psalmo octogestimo octauo. Visitatione in uirga facinora eorum, & in flagellis delicta eorum. Misericordiam autem meam non auferam ab eis. Item apud Malachiam, Et sedit conflans & ex Malach. 3. purgans sicut aurum, & argentum, & emundauit filios Leui. Item in euangelio, Non exhibis inde, donec soluas nouissimum Matth. 5. quadrantem.

LVIII.

Neminem contristari morte debere, cum sit in uiuendo labor, & periculum, in moriendo pax, & resurgendi securitas: in Genesi, Tunc dixit ad Adam, Quia exaudisti uocem uxoris tue, & manducaſti ex illa arbore, de qua sola preceperam tibi, ne manducares, maledicta terra erit in omnibus operibus tuis. In tristitia, & gemitu edes ex ea, omnibus diebus uitae tue. Spinās & tribulos reijciet tibi, & edes pabulum agri tui in sudore uultus tui. Edes panem tuum donec reuertaris in terram, de qua sumptus es: quoniam terra es, & in terram ibis. Item illuc. Et complacuit Enoch Deo, & non est inuentus Ibidem. 5. postmodum: quia Deus illum tranſtulit, Apud Esaiam, Omnis Esa. 40. caro factum, & omnis claritas eius sicut flos sceni. Aruit factum, & flos decidit. Sermo autem Dei manebit in aeternum. Item apud Ezechielem, Ipsi dicunt, arida facta sunt ossa nostra Exech. 37: frustra: perijt spes nostra, interiuimus: propterea propheta, & dixit: Hec dicit dominus. Ecce ego aperio monumenta uestra, & educam uos de monumentis uestris, & inducam uos in terram Israel. Et dabo spiritum meum in uos, & uiuetis. Et ponam uos in terram ueſtram, & cognoscetis quoniam ego dominus locutus sum, & faciam, dicit dominus. Item in Sapientia Salomonis, Raptus est, ne malitia mutaret intellectum illius: placita enim erat Deo anima illius. Item in psalmo. 83. Quam anabiles sunt habitationes tuae Deus uirtutum, desiderat

- et properat anima mea ad atria Dei. Item in epistola Pauli
 1. Theſſa. 4. ad Theſſalonicenſes, Nolumus autem ignorare uos fratres de
 dormientibus, ne contriſtemini, ſicut et ceteri qui ſpem nō ha-
 bent. Si enim credimus quia Ieſus mortuus eſt et reſurrexit,
 ſic et Deus eos qui dormierunt in Ieſu, adducet cum eo. Item
 2. Cor. 15. ad Corinthios in prima, Stulte, tu quod ſeminas non uiuifica-
 Ibidem. tur, niſi prius mortuum fuerit. Et iterum, Stella à ſtella differt
 in claritate, ſic et reſurrectio mortuorum. Seminatur corpus
 in corruptione, ſurgit in incorruptela. Seminatur in ignomi-
 nia, reſurgit in gloria. Seminatur in infirmitate, reſurgit in uir-
 tute. Seminatur corpus animale, reſurgit ſpirituale. Et iterum,
 Ibidem. Oportet enim corruptiuum iſtud induere incorruptionem, et
 mortale hoc induere immortalitatem. Cum autem corruptiuū
 hoc induerit incorruptionem, et mortale hoc induerit immor-
 talitatem, tunc fiet uerbū quod ſcriptū eſt: Abſorpta eſt mors
 in contentionem. Vbi eſt mors aculeus tuus? Vbi eſt mors in-
 Iohan. 17. tentio tua? Item in euangelio κατὰ Ioannem, Pater, quos dedi-
 ſti mihi, uolo ut ubi ego ſuero, et ipſi ſint mecum, et uideant
 claritatem meam quam mihi dediſti ante conſtitutionem mun-
 di. Item κατὰ Lucam, Nunc dimittis domine ſeruum tuum in
 Luc. 2. pace. Quia uiderunt oculi mei ſalutare tuum. Item κατὰ Io-
 Iohan. 14. annem, Si me dilexiſſetis, gauderetis, quoniam uado ad patres
 quia pater maior me eſt.

L I X.

De idolis quæ gentiles deos putant: in Sapientia Salomo-
 Sapien. 15. nis, Omnia idola nationum eſtimauerunt deos, quibus neque
 oculorū uſus eſt ad uidendū, neq; nares ad percipiendū ſpi-
 ritum, neq; aures ad audiendū, neq; digiti manuum ad tractan-
 dum, ſed et pedes eorum pigri ad ambulandū. Homo enim ſe-
 cit illos, et qui ſpiritu mutuatus eſt, finxit illos. Nemo autem
 ſibi ſimilem homo poterit Deum fingere. Cum ſit enim mor-
 talis, mortuum finget manibus iniquis. Melior eſt autem ipſe
 is qui colit: quoniam ipſe quidem uixit, illi nunquam. De hoc

ipso, Neque opera attendentes agnouerunt quis esset artifex, Sapient. 13.
 sed aut ignem, aut spiritum, aut citatum aërem, aut gyrum stel-
 larum, aut nimiam aquam, aut solem & lunam, rectores orbis
 terræ Deos putauerunt, Quorū si propter speciem æstimare
 runt, sciant quanto his Dominus sit pretiosior: aut si uirtutes
 eorum aut opera mirati sunt, intelligant ab ipsis, quoniam
 qui hæc instituit fortia, fortior est illis. Item in psalmo. 134.
 Idola gentium argentum & aurum, opus manuum hominum
 Os habent & non loquentur, oculos habent & non uidebūt,
 aures habent & non audient, neq; enim est spiritus in ore eo-
 rum. Similes fiant illis qui faciunt ea, & omnes qui confidunt
 in illis. Item in psalmo. 26. Omnes dii gentium demonia. Do-
 minus autem cælos fecit. De hoc ipso in Exodo, Non facietis Exod. 20.
 uobis deos aureos, neq; argenteos. Et iterum, Non facies tibi Deute. 5.
 idolum, nec cuiusquam similitudinem.

LX.

Ciborum nimiam concupiscentiam non appetendam: apud
 Esaiam, Edamus & bibamus, cras enim moriemur. Nō remit- Esai. 22.
 tetur uobis peccatū istud, quoadusq; moriamini. Item in Exo-
 do, Confedit populus manducare & bibere, & surrexit lude- Exod. 32.
 re. In epistola Pauli ad Corinthios prima, Cibus nos non cō- 1. Cor. 8.
 mendat Deo: neq; si manducauerimus, abundabimus, neq; si
 non ederimus, egebimus. Et iterum, Cum conueneritis ad mā
 ducandum, inuicem expectate. Siquis esurit, domi manducet, Ibidem. 11.
 ut non in iudicium cōueniatis. Item ad Romanos, Non est re- Roma. 14.
 gnium Dei esca et potus, sed iustitia & pax & gaudium in spi-
 ritu sancto. Item in euangelio xcti Ioannem, Ego panem ha Ioan. 4.
 beo quem non nostis. Meus cibus est, ut faciam uoluntatem
 eius qui me misit, ut perficiam opus eius.

LXI.

Posidendi concupiscentiam, & pecuniam non appeten-
 dam, apud Salomonem in Ecclesiastico, Qui diligit argentū, Eccl. 14.
 non satiabitur argento. Item in Paræmijs, Captans annonam Prover. 11.
 maledictus in plebe est: benedictio autem in capite eius est,

- Esa. 5.** qui communicat. Item apud Esaiam : Væ qui coniungunt domum ad domum, & agrum agro continuant, ut auferant proximo suo aliquid. Nunquid habitabitis soli super terram ?
- Sopho. 1.** Item apud Sophoniam : Aedificabunt domos & non habitabunt, & instituent vineas, & non bibent uinum earum, quia
- Luc. 9. et. 12.** prope est dies domini. Item in euangelio κατὰ Lucan : Quid enim prodest homini lucrifacere totum mundum, se autem ipsum perdere ? Et iterum, Dixit autem illi Deus : Stulte hac nocte expostulatur anima tua : quæ ergo parasti, cuius erunt ?
- Luc. 16.** Et iterum : Commemorare quoniam peræpisti bona in uita tua, & Lazarus similiter mala. Nunc uerò hic rogatur, tu
- Actu. 3.** autem doles. Item in Actibus Apostolorum, Dixit autem Petrus ad eum : Argentum quidem & aurum non est mihi : quod autem habeo, hoc tibi do, In nomine Iesu Christi Nazareni surge & ambula. Et apprehensa manus eius
- 1. Timo. 6.** dextera, excitauit eum. Item ad Timotheum in prima : Nihil intulimus in hunc mundum, uerum nec auferre quid possumus. Habentes itaque habitationem & tegumentum, his contenti sumus. Qui autem diuites uolunt fieri, incidunt in tentationem, & in muscipulam, & desideria multa & nocentia : quæ mergunt hominem in perditionem, & in interitum. Radix enim omnium malorum est cupiditas, quam quidam appetentes, naufragauerunt à fide, & inseruerunt se doloribus multis.

LXII.

- Matrimonium cum Gentilibus non iungendum: apud Tobian : Vxorem accipe ex semine parentum tuorum. & non li sumere uxorem alienam, quæ non est ex tribu parentum tuorum. Item in Genesi : Mittit puerum suum Abraham, ut de semine suo accipiat Rebeccam filio eius Isaac. Item in Esdræ
- 1. Esdræ. 10.** Satis non sit Deo cum uastarentur Iudei, nisi alienigenas uxores cum filiis quoque quos ex illis procreauerant, reliquissent.
- 1. Corin. 7.** Item in epistola Pauli ad Corinthios prima, Mulier uincta est

quandiu uiuit uir eius: si autem dormierit, liberata est, ut cui uult nubat, tantum in domino: felicius autem erit si sic permanserit. Item de hoc ipso ad Corinthios prima, Nescitis quia corpora uestra membra Christi sunt? Auferens membra Christi, facies membra fornicariæ: absit. Aut nescitis quia qui conglutinantur fornicariæ, unum corpus sunt? Erunt enim duo in carne una. Qui autem se coniunxerit domino, unus spiritus est. Item ad Corinthios secunda, Nolite coniungi cum infidelibus. Quæ autem participatio est iustitiæ & iniquitati? Aut quæ communio est luminis ad tenebras? Item in Salomonem σοφιδειων tertio. Et auerterunt uxores alienigenæ cor eius post deos suos. 1bidem. 6.
2. Cor. 6.
3. Reg. 11.

LXIII.

Gravius delictum esse fornicationis: item ad Corinthios prima. Omne delictum quodcumque fecerit homo, extra corpus est. Qui autem fornicatur, in carne sua peccat. Non estis uestri: empti enim estis in pretio magno. Clarificate & portate dominum in corpore uestro. 1. Cor. 6.

LXIIII.

Quæ sint carnalia, quæ mortem pariant, & quæ spiritusalia, quæ ad uitam ducant: in epistola Pauli ad Galatas: Caro concupiscit aduersus spiritum, & spiritus aduersus carnem. Hæc enim inuicem aduersantur sibi, ut non quæ uultis, ipsa faciatis: Manifesta sunt autem facta carnis: quæ sunt, fornicationes, adulteria, immunditiæ, spurcitiæ, idololatriæ, ueneficia, homicidia, inimicitie, contentiones, emulationes, animositates, prouocationes, similitates, dissensiones, hæreses, inuidiæ, ebrietates, comestiones, & his similia: quia qui talia agunt, regnum Dei non possidebunt. Fructus autem spiritus est gaudium, charitas, pax, magnanimitas, bonitas, fides, mansuetudo, continentia, castitas. Qui enim sunt Christi, carnem suam crucifixerunt cum uitijs & concupiscentijs. Galat. 5.

LXV.

Omnia delicta in baptismo deponi: In epistola Pauli ad Corinthios prima: Neque fornicarij, neque idolis seruientes. 1. Cor. 6.

neq; adulteri, neq; molles, neq; masculorum appetitores, neq; fraudulentis, neq; fures, neq; ebriosi, neq; maledici, neq; raptores regnum Dei consequentur. Et hæc quidem fuistis, sed abluti estis, sed sanctificati estis in nomine domini nostri Iesu Christi, & in spiritu Dei nostri.

LXVI.

Disciplinam Dei & in ecclesiasticis præceptis obseruandam: apud Hieremiam, Et dabo uobis pastores secundum cor meum, & pascunt uos, pascentes cum disciplina. Item apud Proverb. 3. Salomonem in Paræmij, Fili ne neglexeris disciplinam Dei, neq; defeceris ab eo correptus. Quem enim diligit Dominus, corripit. Item in psalmo. 2. Continete disciplinam, ne forte irascatur dominus, & pereatis à uia recta. Cum exarserit ira eius super uos: beati omnes qui confidunt in eo. Item in psalmo. 49. Peccatori autem dicit Deus: Ad quid appones iustificationes meas, & assumes testamentum meum per os tuum? tu autem odisti disciplinam, & abiicisti sermones meos post te. Item in Sapientia Salomonis: Disciplinam qui abiicit, infelix est.

LXVII.

Prædictum, quòd disciplinam sanam aspernaturi essent, Paulus ad Timotheum secunda. Erit tempus quando sanam doctrinam non sustinebunt, sed secundum sua desideria coaceruabunt sibi magistros prurientes, in audiendo scalpentes aures. Et à ueritate quidem auditum auertent, ad fabulas autem conuertentur.

LXVIII.

Recedendum ab eo qui inordinatè, & contra disciplinam uiuit: in epistola Pauli ad Theſſalonicenses, Præcipimus autem uobis in nomine Iesu Christi, ut discedatis ab omnibus fratribus ambulantiſ inordinatè, & nò secundum traditionem quam acceperunt à nobis. Item in psalmo quadragesimo nono. Si uidebas furem, simul currebas cum eo, et cum adulteris portionem tuam ponebas.

LXIX.

Non in sapientia mundi, nec eloquentia esse regnum Dei,

Item dominos mitiores esse debere. Et uos eadem domini facite ad eos, laxantes iracundiam, scientes quia & uestrum ipsorum Dominus est in cœlis, & exceptio personarum non est in illo.

LXXIII.

Viduas probatas quasq; honorandas: in epistola Pauli ad 1. Timotheum. 1. Viduas honora, quæ uere uiduæ sunt. Quæ autem delicata est, uiuens mortua est. Et iterum, Iuniores autem uiduas præteri. Cum enim indelicatæ fuerint in Christo, nubere uolunt. Habentes iudicium quoniam primam fidem exprobrauerunt.

LXXV.

Suorum & maxime fidelium curam plus unumquëq; habere debere: item ad Timotheum. 1. Siquis autem suorum et maxime domesticorū nō agit curā, fidem denegat & est deterior Esai. 53. infideli. De hoc ipso apud Esaiam: Si uideris nudum, uesti, & domesticos seminis tui ne despicias. De quibus domesticis in Mattheo. 10. euangelio dictum est: Si patrem familie dixerunt Beelzebub, quanto magis domesticos eius?

LXXVI.

Maiorem natu non temere accusandum: Ad Timotheum 1. Timotheo. 5. prima: Aduersum maiorem natu accusationem ne receperis.

LXXVII.

Peccantem publice obiurgandum: epistola Pauli ad Timotheum prima: Peccantes coram omnibus corripe, ut et ceteri metum habeant.

LXXVIII.

Cum hæreticis non loquendum: ad Titum: Hæreticam hominem post unam correptionem deuota, sciens quoniam peruersus est huiusmodi & peccat, & est à semetipso damnatus.

1. Ioan. 2. De hoc ipso in epistola Ioannis: Ex nobis exierunt, sed non fuerunt ex nobis: si enim fuissent ex nobis, nobiscum utique mansissent. Item ad Timotheum secunda: Sermo eorum, ut cancer, serpit.

LXXIX.

Innocentiā fidenter petere & impetrare: In epistola Ioannis: Si cor nostrum non nos reprehendit, fiduciam habemus ad

Deum

deum, & quodcunque petierimus, accipiemus ab eo. Item in Euangelio κατὰ Matthæum. Beati mundo corde, quoniā ipsi deum uidebunt, in psalmo 23. Quis ascendet in montem domini, aut quis stabit in loco sancto eius? Innocens manibus, & mundo corde.

LXXX.

Nihil licere diabolo in hominem, nisi deus permiserit, in Euangelio κατὰ Ioannem. Dixit Iesus: Nullam haberes potestatem aduersum me, nisi data esset tibi desuper. Item in σιλειῶν 3. Et excitauit deus Satanam ipsi Salomoni. Item in Iob prius deus permisit, & tunc diabolo licuit. Et in Euangelio antequam permiserit dominus dicendo Iude. Quod facis, fac celerius. Item apud Salomone in Paroemijs. Cor regis in manu dei.

LXXXI.

Mercedem mercenario citò reddendā, in Leuitico. Nō dormiet merces mercenarii tui apud te usque in mane. LXXXII.

Itē nō augurandū. In Deut. Nō auguremini. LXXXIII.

Item cirrum in capite non habendum. Non facietis cirrum ex coma capitis uestri.

LXXXIII.

Item non uellendum. Non corrumpetis effigiem barbae uestrae.

LXXXV.

Surgendum cum episcopus aut presbyter ueniat, in Leuitico. A facie senioris exurges, et honorabis personam presbyteri.

LXXXVI.

Schisma non faciendū, etiam summa fide & in eadem traditione permaneat qui recedit, apud Salomonem in Ecclesiaste: Scindens ligna, periclitabitur in eis si exciderit ferrum. Itē in Exodo. In domo una comedetur, non eiicietis de domo carnem foras. Item in psalmo 132. Ecce quā bonum & quā iucundum habitare fratres in unam. In Euangelio κατὰ Matthæum. Qui non est mecum, aduersum me est. Et qui mecum non colligit, spargit. Item in epistola Pauli ad Corinthios 1. Obsecro autē uos fratres per nomen domini nostri Iesu Christi

si, ut idipsum dicatis omnes, & non sint in uobis schismata. Scitis autem compositi in eodem sensu, & in eadem sententia. Item in psalmo sexagesimo septimo: Dominus qui habitare facit unanimes in domo. LXXXVII.

Fideles, simplices cum prudentia esse debere: κατὰ Ματθ. 10. *Matth. 10.* Estote prudentes sicut serpentes, & simplices sicut columbæ. Et iterum: Vos estis sal terræ. Si autem sal insatuatum fuerit, in quo salietur: ad nihil ualet, nisi ut proijciatur foras et concalcetur ab hominibus. LXXXVIII.

Fratrem non circumueniendum: In epistola Pauli ad Thes. 2. *Thess. 4.* salonicenses: Non circumuenire in negotio fratrem suum: quia ultor est deus de his omnibus. LXXXIX.

Subito uenire finem mundi, inquit Apostolus: Dies Domini, sicut fur in nocte, ita adueniet. Cum dixerint pax & firmitas, tunc illis repentinus adueniet interitus. Item in Actibus Apostolorum. Nemo potest cognoscere tempus aut tempora, quæ pater posuit in sua potestate. XC.

Vxorem à uiro non recedere, aut si receßerit innuptā manere: ad Corinthios. His autem quæ nupsērunt, præcipio, non ego, sed dominus, uxorem à uiro non separari: si autem receßerit, manere innuptam, aut reconciliari uiro, & uirum uxorem non dimittere. CXI.

Tantum unumquemque tentari, quantum potest sustinere: ad Corinthios 1. Tentatio uos non occupauit, nisi humana. Fidelis autem Deus, qui non patietur uos tentari super quod potestis, sed faciet cum tentatione etiam euadendi facultatem, ut possitis tolerare. XCII.

Item non quicquid licet esse faciendum. Item illuc: Omnia licent, sed non omnia expediunt. Omnia licent, sed non omnia ædificant. XCIII.

Item prædictum quòd hæreses futuræ essent: In epistola Pauli ad Corin. 1. Oportet & hæreses esse, ut probati mani-

festati sint in uobis.

XCIIII.

Cum timore & honore eucharistiam accipiendam, in Leuitico: Anima autem quaecunq; manducauerit ex carne sacrificij salutaris, quod est Domini, et immunditia eius super ipsum est, peribit anima illa de populo suo. Item in epistola ad Corinthios 1. Quicumq; ederit panem, aut biberit calicem Domini indigne, reus erit corporis & sanguinis Domini. XCV.

Leuit. 7.

1. Cor. 11.

Bonis conuiuendum, malos autem uitandos: apud Salomonem in Paræmijs: Ne adduxeris impium in habitaculum iustum. Item apud eundem in Ecclesiastico. Viri iusti sint tibi conuiuae. Et iterum, Amicus fidelis medicamentum uitæ, & immortalitatis. Itē illhic, Longe abesto ab homine potestatem habente occidendi, & non suspicaberis timorem. Item illhic, Beatus qui inuenit uerum amicum, & qui enarrat iustitiam audienti. Item illhic: Sepi aures tuas spinis, & noli audire linguam nequam. Item in psalmo decimo septimo. Cum iusto iustificaberis, & cum uiro innocente, innocens eris, et cum peruerso peruersus eris. Item in epistola Pauli ad Corinthios 1. Corruptunt ingenia bona confabulationes pessimæ. XCVI.

Prouerb. 3.

Ecc. 9. & 6.

& 25. & 28.

1. Cor. 15.

Factis, non uerbis operandum, apud Salomonem in Ecclesiastico: Noli citatus esse in lingua tua, & inutilis & remissus in operibus tuis. Item in epistola Pauli ad Corinthios prima.

Ecc. 4.

Non in sermone est regnum Dei, sed in uirtute. Item ad Romanos. Non auditores legis iusti sunt apud deum, sed factores legis iustificabuntur. Item in Euangelio κατὰ Matthæum.

1. Cor. 4.

Rom. 2.

Matth. 5.

Qui fecerit & sic docuerit, maximus uocabitur in regno cælorum. Item illhic κατὰ Matthæum. Omnis qui audit uerba mea & facit ea, simulabo eum uiro sapienti, qui ædificauit domum suam super petram. Descendit pluuia, aduenerunt flumina, & flauerunt uenti, & impegerunt in domum illam, & non cecidit, fundata fuit super petram. Et omnis qui audit uerba mea, & non facit ea, simulabo eum uiro insipienti.

& 7.

apparuit angelus domini de rubo.

CII.

Correptiones quoq; bonas libenter audire debere, apud Salomonem in Paræmijs. Qui corripit impium, odietur ab eo. Corripe sapientem, & diliget te.

Prouerb. 9.

CIII.

A multiloquentia temperandum. Ex multiloquentia non effugies peccatū, parcens autem labijs sensatus eris.

Prouerb. 10.

Nō mētiendū. Abominatio est domino labia mēdacia.

CV. Prouerb. 12.

Frequenter emendandos qui delinquant in domestico ministerio, in Prouerbijs Salomonis. Qui parcit baculo, odit filium suū. Et iterū: Ne desiteris paruulum emēdando.

Prouerb. 13.

CVI. & 19.

Iniuria accepta patientiam tenendam, & ultionem Deo relinquendam. Ne dixeris, ulciscar me de inimico meo, sed sustine dominum ut tibi auxilio sit. Item illhic. Mihi uindictā, ego retribuam, dicit dominus. Item apud Sophoniā. Expecta me, dicit dominus, in die resurrectionis meæ in testimonium, quoniam iudicium meū ad congregationem gentium, ut excipiam reges, & effundam super eos iram meam.

Dent. 32.

Rom. 12.

Sopho. 3.

CVII.

Non detrahendum, apud Salomonem in Paræmijs. Noli diligere detrahere, ne eradiceris. Itē in Psalmo 49. Sedēs aduersus fratrem tuum detrahebas, & aduersus filiū matris tue ponebas scandalum. Item in epistola Pauli ad Coloss. De nullo male loqui nec litigiosos esse.

Prouerb. 13.

Coloss. 4.

CVIII.

Non esse proximo insidiandum, apud Salomonem in Paræmijs. Qui fodit foueā proximo suo, incidet in eā ipse.

Prouerb. 26.

Infirmos uisitandos, apud Salomonem in Ecclesiastico. Ne pigriteris uisitare infirmum. Ex his enim dilectione firmaberis. Item in Euangelio. Infirmus fui, & uisitastis me, in carcere fui, & uenistis ad me.

Ecccl. 7.

Matth. 25.

CX.

Susurriones maledictos esse, in Ecclesiastico. Susurro & bi linguis maledictus, multos enim turbabit pacē habētes.

Ecccl. 28.

Sacrificia malorum accepta non esse, in Ecclesiastico. Domina iniquorum non probat altissimus.

Ecccl. 34.

CXII.

Sap. 6. Grauius iudicari de his qui in seculo plus habuerunt potestas. Iudicium durissimum in his qui præsunt, fiet: Exiguo enim concedetur misericordia. Potentes autem potenter tormenta patientur. Item in psalmo 2. Et nunc reges intelligite, emendamini, qui iudicatis terram. CXIII.

Ecc. 4. Viduam & pupillos protegi oportere: apud Salomonem in Ecclesiastico: Esto pupillis misericors, ut pater, & pro uero matri eorum, et eris uelut filius altissimi si obedieris. De hoc *Exod. 22.* ipso in Exodo: Omnem uiduam & orphanum non uexabitis: Si autem uexaueris eos, & uociferantes exclamauerint ad me, audiam exclamationes eorum, & irascar animo in uobis, & perinam uos gladio, & erunt coniuges uestre uidue, & filij uestri orphani. Item apud Esaiam: Audicate pupillos & iustificate uiduam, & uenite disputemus: dicit Dominus. Item apud *Iob 29.* Iob: Conseruaui egenum de manu potentis, & pupillo, cui non erat adiutor, auxiliatus sum. Item: Os uidue benedixit me. Item in Psalmo sexagesimo septimo: Patres orphanorum, et iudices uiduarum. CXIII.

Dū in carne est quis exomologesin facere debere: in Psalmo 6. Apud infros autem quis confitebitur tibi? Item Psalmo 29. Nunquid exomologesin faciet tibi puluis? Item alibi *Exech. 33.* exomologesin faciendam: Malo pœnitentiam peccatoris magis quàm mortem. Item apud Hieremiam: Hæc dicit Dominus. Nunquid qui cadit, non surget, aut qui auertitur, non conuertetur? CXV.

Esa. 3. Adulationem perniciosam esse, apud Esaiam. Qui uos felices dicunt, in errorem uos mittunt, & semitam pedum uestrorum cõturbant. CXVI.

Plus ab eo diligì Deū, cui in baptismo plura peccata dimittuntur. in Euangelio κατὰ Lucā. Cui plus dimittitur, plus diligit, & cui minus dimittitur, modicum diligit. CXVII. Fortem congressionem esse aduersus diabolum, & ideo for

titer nos stare debere ut possimus vincere. In epistola Pauli ad Ephesios: Non est nobis colluctatio aduersus carnem & Ephes. 6. sanguinem, sed aduersus potestates & principes huius mundi, & harum tenebrarum, ad spiritualia nequitie in coelestibus. Propter hoc induite arma Dei, ut possitis resistere in die nequissimo, ut cum omnia perfeceritis induentes lorica iustitie, & calciati pedes in preparatione Euangelij pacis, in omnibus assumentes scutum fidei, in quo positis omnia ignea iacula nequissimi extinguere, & galeam salutis assumere, & gladium spiritus, qui est uerbum Dei. CXVIII.

Item de Antichristo quod in homine ueniat: apud Esaiam: Hic homo qui concitat terram, & commouet reges, qui ponit orbem terre totum desertum. CXIX.

Graue fuisse iugum legis, quod à nobis abiectum est: & leue esse iugum Domini, quod à nobis susceptum est: in Psal. 2. Ad quid tumultuatæ sunt gentes, et populi meditati sunt inania? Asliterunt reges terræ, et principes cõgregati sunt in unum aduersus Dominum & aduersus Christum eius. Dirupamus uicula eorũ & projiciamus à nobis iugũ eorũ. Item in Euangelio Matthæi: Venite ad me omnes qui laboratis & onerati estis, & ego uos requiescere faciam. Tollite iugum meum super uos, & discite quia mitis sum & humilis corde, & inuenietis requiem animabus uestris. Iugum enim meum bonũ est, & onus meum leue est. Item in Actibus Apostolorum: Visum est sancto spiritui & nobis nullam imponere sarcinam, quàm istam quæ ex necessitate est, abstinere uos ab idololatrijs, & sanguinis effusione & fornicatione. Et quæcunque uobis fieri non uultis, alijs ne feceritis. CXX.

Matth. 22.

Act. 15.

Orationibus insistendum: in epistola Pauli ad Colossenses: Instate orationi, uigilantes in ea. In Psal. 1. Sed in lege Domini uoluntas eius, & in lege eius meditabitur die ac nocte. Coloss. 4.

Ad Quirinum libri tertij finis.

AD IVBAIANVM DE
HAERETICIS BAPTIZANDIS.
CYPRIANVS IVBAIANO
FRATIS SAL.



SCRIPSISTI mihi frater, significans desiderare te motum animæ nostræ, quid nobis uideatur de hæreticorum baptismo, qui foris positi, & extra ecclesiam constituti uindictam sibi rem nec iuris sui, nec potestatis. Quod nos nec ratum possumus, nec legitimum iudicare, quando hoc apud eos esse constet illicitum. Et quoniam super hac re quid sentiremus literis nostris expressimus, ut compendium facerem, exemplum eandem literarum tibi misi, quid in concilio cum complures adessemus decreuimus, quid deinde post ad quandam collegam nostram de eadem re requirentem rescripserim. Et nunc quoque cum in unum conuissimus tam prouinciæ Africæ, quam Numidiæ episcopi numero unus & septuaginta, hoc idem de nouo sententia nostra firmauimus, statuentes unum baptismum esse, quod sit in ecclesia catholica constitutum, ac per hoc non rebaptizari à nobis, sed baptizari. Quicumque ergo ab adultera & profana aqua ueniunt, abluendi sunt, & sanctificandi salutaris aquæ ueritate. Nec nos mouet frater quod in literis tuis complexus es, Nouatianos rebaptizare eos, quos à nobis sollicitant, quando ad nos omnino non pertineat quid hostes ecclesiæ faciunt, dummodo teneamus ipsi potestatis nostræ honorem, & rationis ac ueritatis firmitatem. Nam Nouatianus simiarum more, quæ cum homines non sint, homines imitantur, uult ecclesiæ catholice autoritatem uindicare, quando ipse in ecclesia non sit, imò adhuc insuper contra ecclesiam rebellis extiterit. Sciens

enim unum esse baptisma, hoc unum sibi iudicat, ut apud se esse ecclesiam dicat, & non hæreticos faciat. Nos autem qui ecclesiæ unius caput & radicem tenemus, pro certo scimus et fidimus nihil illhic extra ecclesiam licere, & baptismatis quod est unum caput nos esse, ubi & ipse baptizatus prius fuerat, quando diuinæ unitatis & rationem et unitatē tenebat. Quod si in ecclesia baptizatos rebaptizandos foris extra ecclesiam Nouatianus existimat, à se incipere debuerat, ut prior extra-
neo et hæretico baptismo rebaptizaretur, qui post ecclesiam, imo contra ecclesiam baptizandos foris opinatur. Quale est autem quia hoc Nouatianus facere audet, ut nos putemus non esse faciendum? Ergo quia & honorem cathedræ sacerdotalis Nouatianus usurpat, nunquid idcirco nos cathedræ remun-
tiare debemus? Aut quia Nouatianus altare collocare, & sacri-
ficia offerre contra fas nititur, ab altari & sacrificijs cessare nos oportet, ne paria & similia cum illo celebrare uideamur? Vanum prorsus & stultū, ut quia Nouatianus extra ec-
clesiā iudicat sibi ueritatis imaginē, relinquamus ecclesiæ ue-
ritatem. Apud nos autē non noua aut repentina res est, ut ba-
ptizandos censeamus eos, qui ab hæreticis ad ecclesiam perue-
niunt, cū multi iam anni sint, & longa ætas ex quo sub Agrip-
pino bonæ memoriæ uiro cōuenientes in unum, episcopi pluri-
mi hoc statuerunt, atq; exinde in hodiernum tot millia hæreti-
corū in puincijs nostris ad ecclesiā cōuersi, nō aspernati sint,
neq; cunctati, imo rationabiliū cōplexi sint, ut lauacri uitæ
lis, & salutaris baptismi gratiā cōsequerentur. Neq; enim dis-
ficile est doctōri uera & legitima insinuare eis qui hæretica
prauitate damnata, et ecclesiastica ueritate cōperta ad hoc ue-
niunt, ut discant, ad hoc discūt, ut uiuāt. Nos non debemus stu-
porem hæreticis patrocinijs & consensus nostri & libenter et
promptē obtēperant ueritate. Planē quoniam inueni in episto-
la cuius exemplū ad me trāsmisisti scriptū esse, quod quæren-

Locus deprauatus.

dum non sit quis baptizauerit, quando is qui baptizatus sit, accipere remissionem peccatorum potuerit secundum quae credidit, praeerendum locum non putavi, maxime cum in eadem epistola animaduertentem etiam Martiani fieri mentionem, ut nec ab ipso uenientes dicat baptizari oportere, quod iam in nomine Iesu Christi baptizati esse uideantur. Considerare itaque debemus fidem eorum, qui foris credunt, an secundum eandem fidem possit aliquid gratiae consequi. Nam si fides est una nobis et haereticis, esse potest et gratia una. Si eundem patrem, eundem filium, eundem spiritum sanctum, eandem ecclesiam confitentur nobiscum Patristiani, Appellacionitae, Marcionitae, et ceterae haereticorum pestes et gladijs ac uenenis subuertentes ueritatem, potest illis et baptisma unum esse, si est et fides una. Ac ne longum sit per haereticos uniuersos decurrere, et singulorum uel ineptias uel insanias recensere, quia nec delectatio est dicere, quod aut ostendere pudet aut nosse, de Marcione interim solo cuius mentio in epistola a te ad nos missa facta est, examinemus an possit baptismatis eius ratio constare. Dominus enim post resurrectionem discipulos suos mittens, quemadmodum baptizare deberet, instituit et docuit, dicens: Data est mihi omnis potestas in caelo et in terra: Ite ergo, docete omnes gentes, baptizantes eas in nomine patris et filii et spiritus sancti. Insinuat trinitatem, cuius sacramento gentes baptizarentur. Nunquid hanc trinitatem Marcion tenet? Nunquid eundem asserit quem et nos Deum patrem creatorem? Nunquid eundem unum filium Christum de Maria uirgine natum, qui sermo caro factus est, qui peccata nostra portauerit? qui mortem moriendo uicerit? qui resurrectionem per semetipsum initiauerit, et discipulis suis in eadem carne resurrectionem ostenderit? Longe alia est apud Marcionem, sed et apud ceteros fides, imo nihil est apud illos nisi perfidia et blasphemia, et contentio sanctitatis et ueritatis inimica. Quomodo ergo po-

Math. 28.

testi uideri apud illos baptizatos consecutos esse peccatorum remissionem, & domini indulgentiam per suam fidem, qui ipsius fidei non habuerint ueritatem? Si enim sicut quibusdam uidetur, secundum fidem suam quis accipere aliquid foris extra ecclesiam potuit: itaque id accipere non potuit, quod nec credidit, sed potius adultera & profana secundum quod credebat accepit. Quem locum profani & adulteri baptismi, subtiliter Hieremias propheta perstringit, dicens: Ut quid qui contristat me, praevalent? Plaga mea solida est. Unde sanabor? Falsa est mihi quasi aqua mendax, non habens fidem. Mentionem facit per prophetam spiritus sanctus aquae mendacis, & perfidiae, scilicet eius quae baptismi imaginem mentitur, & gratiam fidei adumbrata simulatione frustratur. Quod si secundum prauam fidem baptizari aliquis foris et remissionem peccatorum consequi potuit, secundum eandem fidem consequi & spiritum sanctum potuit. Aut utrumque enim fides foris potuit, aut neutrum eorum qui foris fuerat, accepit. Manifestum est autem ubi & per quos remissa peccatorum dari possit, quae in baptismo scilicet datur. Nam Petro primum dominus, super quem aedificauit ecclesiam & unde humanitatis originem instituit et ostendit, potestatem istam dedit, ut id solueretur in terris, quod ille soluisset. Et post resurrectionem quoque ad apostolos loquitur, dicens: Sicut misit me pater, et ego mitto uos: Hoc cum dixisset, inspirauit, et ait illis: Accipite spiritum sanctum. Si cuius remiseritis peccata, remittuntur illi: si cuius tenueritis, tenebuntur. Unde intelligimus non nisi in ecclesia praepositos et in euangelica lege ac dominica ordinatione fundatos licere baptizare, et remissionem peccatorum dare, foris autem nec ligari aliquid nec solui, ubi non sit, qui aut ligare possit aliquid, aut soluere. Nec hoc frater sine scripturae diuinae auctoritate proponimus, ut dicamus certa lege, ac propria ordinatione cuncta esse disposita, nec posse quenquam contra episco-

- pos & sacerdotes usurpare aliquid, quod non sit sui iuris accipere potestatis. Nam & Chore & Dathan & Abiron contra Moy-
- Num. 16. sen & Aaron sacrificandi sibi licentiam uindicare conati sunt, nec tamē quod illicite ausi sunt, impune fecerūt. Et filij Aaron
- Leuit. 10. qui alienum ignem altari imposuerunt, in conspectu Domini indignantis extincti sunt. Quod supplicium manet eos, qui alienam aquam baptismo ingerunt falso, ut diuina censura ulciscatur, & uindicta id hæreticos contra ecclesiā gerere, quod non nisi soli liceat ecclesiæ. Quod autem dicunt quidam de eis
- Actu. 3. qui in Samaria baptizati fuerant, aduenientibus apostolis Petro & Ioanne, tantum super eos manum imposuisse, ut acciperent spiritum sanctum, rebaptizatos tamen eos non esse, locum istum frater ad præsentē causam uidemus omnino non pertinere. Illi enim qui in Samaria crediderant, fide uera crediderant, & intus in ecclesia, quæ una est, & cui soli gratiam baptismi dare, & peccata soluere permissum est, à Philippo diacono quem iidem apostoli miserant, baptizati erant. Et idcirco quoniam legitimū & ecclesiasticum baptismum consecuti fuerant, baptizari eos ultra non oportebat: sed tantummodo quod deerat, id à Petro & Ioanne factū est, ut oratione pro eis habita, & manu imposita, inuocaretur & infunderetur super eos spiritus sanctus. Quod nunc quoque apud nos geritur, ut qui in ecclesia baptizantur, per præpositos ecclesiæ offerantur, & per nostram orationē ac manus impositionem spiritum sanctum consequantur, & signaculo dominico cōsummentur. Non est ergo frater quod hæreticis cedendum existimemus, ut baptismi quod non nisi ecclesiæ datum sit, prodendum putemus. Boni militis est, aduersus rebelles & hostes imperatoris sui castra defendere. Gloriosi ducis est sibi commissi signa seruare. Scriptum est: Dominus Deus tuus Deus zelans est: qui spiritum Dei accepimus, & zelum diuine fidei habere debemus. Num. 25. Quo zelo Phinees placuit, & pro meritis indignan-

tis iram populo pereunte leniuit. Quid adulteram & alieni-
 genam diuinæ unitatis inimicam in acceptum restrimus, qui
 non nisi Christum & unicam ecclesiam nouimus? Ecclesia pa-
 radisi instar exprimens, arbores fructiferas intra muros suos
 intus inclusit, ex quibus qui non facit fructum bonum, excide- Matth. 3.
 tur & in ignem mittetur. Has arbores rigat quatuor flumini-
 bus, id est, euangelij quatuor, quibus baptismi gratiam salu-
 tari & coelesti inundatione largitur. Nunquid de ecclesiæ fon-
 tibus rigari potest, qui intus in ecclesia non est? Nunquid pa-
 radisi potius salubres & salutares impartiri cuiquam potest,
 qui peruersus & à semetipso damnatus, & extra paradisi
 fontes relegatus aruit, & æternæ sitis siccitate deficit? Cla-
 mat dominus, ut qui sitit, ueniat & bibat de fluminibus aquæ Ioan. 7.
 uiuæ, quæ eius uenis refluxerunt. Quò uenturus est, qui sitit,
 utrum ne ad hæreticos, ubi fons & fluuius aquæ uitalis omni-
 no non est? an ad ecclesiam, quæ una est, & super unum qui cla-
 ues eius accepit uoce domini fundata est? Hæc est una quæ te-
 net et possidet omnem sponsi sui gratiam, in hac præsidemus,
 pro honore eius atq; unitate pugnamus, huius & gratiam pa-
 riter & gloriam fidei uirtute defendimus. Nos diuino permis-
 su rigamus sitientem Dei populum, nos custodimus terminos
 uitalium fontium. Si possessionis nostræ ius tenemus, si sacramen-
 tum unitatis agnoscimus, cur præuicatores ueritatis, cur pro-
 ditores unitatis existimamur? Aqua ecclesiæ fidelis & saluta-
 ris & sancta corrumpi aut adulterari non potest, sicut et ipsa
 ecclesia incorrupta, & casta, & pudica est. Et si ecclesiæ de-
 uoti, & in ecclesia constituti sunt hæretici, possunt baptismo
 eius & cæteris salutaribus bonis uti: si autem in ecclesia non
 sunt, imo & cōtra ecclesiam faciunt, quomodo baptizare ba-
 ptismo ecclesiæ possunt? Neque enim parua res hæreticis &
 modica cōceditur, quando à nobis baptisma eorū in acceptum
 refertur: cum inde incipiat omnis fidei origo, & ad spem uitæ

eterne salutis ingressio, et purificandis ac uiuificandis Dei
 seruis diuina dignatio. Nam si baptizare quis apud hæreti-
 cos potuit, utiq; et remissionem peccatorum consequi potuit. Si
 peccatorum remissionem consecutus est, si sanctificatus est, si tem-
 plum Dei factus est, quæro cuius Dei? si creatoris, non potuit,
 quia in eum non credidit: si Christi, nec eius fieri potuit tem-
 plum, qui negat dominum Christum: si spiritus sancti, quomo-
 do placatus ei esse potuit, qui aut patris, aut filii inimicus este
 Proinde frustra quidam, qui ratione uincuntur, consuetudi-
 nem nobis opponunt, quasi consuetudo maior sit ueritate, aut
 non fuerit in spiritualibus sequendum, si melius fuerit à san-
 cto spiritu reuelatum. Ignosci enim potuit simpliciter erran-
 ti, sicut de seipso dicit apostolus Paulus: Qui primo, inquit,
 fui blasphemus, & persecutor, & iniuriosus, sed misericor-
 dia non merui, qui ignorans feci. Post inspirationem uerò & re-
 uelationem factam, qui in eo quod errauerat, perseuerat, prou-
 dens & sciens sine uenia ignorantie peccat: presumptione
 enim atque obstinatione superatur. Nec quisquam dicat quod
 accepimus ab Apostolis, qui non nisi unam ecclesiam tradide-
 runt, & baptismum unum, quod non nisi in ecclesia sit consti-
 tutum, et neminem inueniamus ab Apostolis, cum apud hære-
 ticos baptizatus esset, in eodem baptismo admissum esse, et cõ-
 municasse, ut uideantur Apostoli baptismum hæreticorum pro-
 basse. Quòd enim quidam dicunt, quasi ad hæreticorū suffra-
 gium pertineat, quod dixerat apostolus Paulus: Veruntamen
 omni modo siue per occasionem, siue per ueritatem Christus
 annuntietur: inuenimus hoc quoque ad eorum patrocinium,
 qui hæreticis suffragantur & plaudunt, nihil posse profice-
 re. Neque enim de hæreticis, aut eorum baptismo loquebatur
 in epistola sua Paulus, ut aliquid quod ad hanc rem pertineat
 posuisse ostendatur. Loquebatur de fratribus siue inordinatè
 et contra ecclesiasticam disciplinam ambulantibus, siue euana-

2. Timo. 1.

Philip. 1.

gelicam ueritatem de Dei timore seruantibus. Et quosdam ex
 eis posuit uerbum Dei constanter atque intrepide locutos,
 quosdam uerò in inuidia & dissensione uerbi uersatos, quos-
 dam seruare circa se beneuolam charitatē, alios uerò habuisse
 beneuolam dissensionem, tamen patienter omnia se sustinere,
 dummodo siue in ueritate, siue per occasionem nomen Chri-
 sti, quod Paulus prædicabat, ad plurimorum notitiam perue-
 niret, & noua adhuc ac rudis sermonis seminatio loquentium
 prædicatione crebresceret. Porro aliud est eos qui intus in
 ecclesia sunt, de nomine Christi loqui: aliud eos qui foris sunt,
 & contra ecclesiam faciunt, in nomine Christi baptizare.
 Quare qui hæreticis patrocinantur, non id prostrant, quod
 Paulus de fratribus posuit: sed ostendant si hæretico aliquid
 concedendum putauit, aut si fidem et baptisma eorum proba-
 uit, aut si perfidos & blasphemos remissionem peccatorum
 accipere extra ecclesiam posse constituit. Si autem quid apo-
 stoli de hæreticis senserint, consideremus, inueniemus eos in
 omnibus epistolis suis execrari & detestari hæreticorum sa-
 crilegam prauitatem. Nam cum dicant, sermones eorum ut
 cancer serpere, quomodo potest is sermo dare remissionem pec-
 catorum, qui ut cancer serpit ad aures audientium? Et cum di-
 cant nullam participationem esse iustitiæ & iniquitati, nullam
 communionem lumini & tenebris, quomodo possunt aut tene-
 bræ illuminare, aut iniquitas iustificare? Et cum dicant de Deo
 eos non esse, sed esse de Antichristi spiritu, quomodo spiritua-
 lia & diuina tractant, qui sunt hostes Dei, & quorum pecto-
 ra obsederit spiritus Antichristi? Quare si reiectis humanæ
 contentionis erroribus ad euangelicam autoritatem atq; apo-
 stolicam traditionem sincera & religiosa fide reuertamur,
 intelligemus nihil eis ad gratiam ecclesiasticam & salutarem
 licere, qui spargētes atq; impugnantes oues Christi, à Christo
 ipso aduersarij, & apostolis eius Antichristi nominantur. Non

est autem quod aliquis ad circumueniendam Christianam ueritatem Christi nomen opponat, ut dicat: In nomine Iesu Christi ubicunq; & quomodocunq; baptizati, gratiam baptismi sunt consecuti, cum ipse Christus loquatur & dicat:

Matth. 7. Non omnis qui dicit mihi, domine domine, intrabit in regnum coelorum: & iterum pramoneat & instruat, nequis à pseudopphetis, & pseudochristis in nomine suo facile fallatur:

[**Mat. 13.** Multi, inquit, uenient in nomine meo dicentes: ego sum Christus, & multos fallent: & postea addidit, dicens: Vos autem cauete, ecce prædixi uobis: unde apparet, non ea statim suscipienda & assumenda quæ iactantur in nomine Christi, sed quæ geruntur in Christi ueritate. Quòd enim in euangelijs & Apostolorum epistolis I E S U Christi nomen insinuatur ad remissionem peccatorum, non ita est quasi aut sine patre, aut contra patrem prodesse cuiquam solus filius possit, sed ut Iudeis qui iactabant se patrem habere, ostenderetur, quòd nihil eis pater profuturus esset, nisi in filiū crederent, quem ille misisset. Nam qui Deum creatore patrem sciebant, filium quoq; Christum scire debebant, ne sibi blandirentur & plauderent

Ioan. 14. de solo patre sine filij eius agnitione, qui & dicebat: Nemo
& 17. uenit ad patrem, nisi per me. Duorum autem cognitionem esse in se, quæ saluet, idem ipse manifestat, dicens: Hæc est uita æterna, ut cognoscant te solum & uerum Deum, & quem misisti Iesum Christum. Cum ergo & ipsius Christi prædicatione & contestatione pater ante cognoscendus sit qui misit: tunc deinde Christus qui missus sit: nec possit esse spes salutis, nisi duobus simul cognitis: quomodo nō cognito, imo & blasphemato Deo patre, qui apud hæreticos Christi nomine baptizati dicuntur, peccatorum remissionem consecuti iudicantur? Alia enim fuit Iudeorum sub Apostolis ratio, alia est gentilium conditio. Illi qui iam legis & Moysi antiquissimum baptismum fuerant adepti, in nomine quoque Iesu Christi erunt baptizandi,

zandi, secundum quod in Actibus Apostolorum Petrus loquitur
 et dicit: Poenitemini, et baptizetur unusquisque vestrum in no- Act. 2.
 mine Domini Iesu Christi in remissionem peccatorum, et acci-
 pietis donum spiritus sancti. Vobis enim est promissio et filiis
 vestris, et omnibus deinceps quoscunque aduocauerit dominus
 Deus noster. Iesu Christi mentionem facit Petrus, non quasi
 pater omitteretur, sed ut patri quoque filius adiungeretur. De-
 niq; ubi post resurrectionem Domini Apostoli ad gentes mit-
 tuntur, in nomine patris et filii et spiritus sancti baptizari
 gentiles iubentur. Quomodo ergo quidam dicunt, foris extra
 ecclesiam, modo in nomine Iesu Christi, ubicunque et quomo-
 docunque gentilem baptizatum remissionem peccatorum con-
 sequi posse, cum ipse Christus gentes baptizare iubeat in ple-
 na et adunata trinitate? nisi sequi Christum neget negatus à
 Christo, qui patrem eius negat, quem ipse Christus confessus
 sit, non negauit, et qui in eum blasphemat, quem Christus Do-
 minum et Deum suum dixerit, remuneratus à Christo remissio-
 nem peccatorum, et baptismi sanctificationem consequitur.
 Qua autem potestate consequi in baptismo remissionem pec-
 catorum potest, negans deum creatorem patrem Christi, quan-
 do ipsam potestatem qua baptizamur, et sanctificationem ab
 eodem patre Christus acceperit, quem maiorem dixerit, à quo
 clarificari petierit, cuius uoluntatem usque ad obsequium bi-
 bendi calicis et subeundae mortis impleuerit? Quid est igitur
 quam participem haereticis blasphemantibus fieri, defendere
 uelle et asserere, quod remissionem peccatorum accipere in Chri-
 sti nomine possit, blasphemans grauiter et peccans in patrem
 et dominum Deum Christi? Quid deinde illud, quale est, cum
 qui filium negat, nec patrem habeat, ut qui negat patrem, fi-
 lium habere uideatur, cum filius ipse contestetur et dicat: Ne-
 mo potest uenire ad me, nisi fuerit illi datum à patre, uti ma- Ioan. 6.
 nifestum sit, nullam remissionem peccatorum in baptismo ac-

- Math. 15.** *cipi à filio posse, quam constet patrē non dedisse, maxime cum adhuc repetat & dicat. Omnis plantatio quam non plantaue- rit pater meus coelestis, eradicabitur. Quod si christiani di- scere à Christo nolunt, quantum uenerationis & honoris pa- terno nomini debeatur, uel de exemplis terrenis & seculari- bus discant, & sciant Christum nō sine maxima exprobratio- ne posuisse: Filij seculi huius prudentiores sunt filijs lucis in seculo isto. Si cuius patri aliquis conuiciū fecerit, si contume- liosus & procax pudorem eius & honorem maledico ore la- cerauerit, indignatur filius & irascitur, & lesi patris iniuriā quibuslibet modis uindicare conatur. Tu Christum putas im- pijs & sacrilegis, & in patrem suum blasphemis impunitatē dare, & eis in baptismo peccata dimittere? Quod cum con- deret baptizatus, eadem adhuc in personam patris maledicta congereret, & incessabili blasphemantis linguae scelere pec- caret, hoc Christianus, hoc Dei seruus potest aut mente con- cipere, aut fide concipere, aut sermone proferre: & ubi erunt legis praecepta diuinæ, quæ dicunt: Honora patrem & ma- trem, nisi uocabulum patris quod in homine honorari præci- pitur, in Deo impune uiolatur? Vbi erit quod ipse Christus in*
- Exod. 20.** *Euangelio ponit, & dicit? Qui maledixerit patri aut matri, morte moriatur: nisi is qui maledicentes parentibus carnali- bus puniri & interfici mandat, in coelestē & spiritualem pa- trem maledicos, atque ecclesiae matris inimicos ipse uiuificat. Execranda ac detestanda res à quibusdam asseritur, ut is qui blasphemantem in spiritum sanctum reum futurum peccati æterni cominetur, idem in patrem blasphemos saluari ba- ptismo sanctificare dignetur. Et nunc qui talibus ad ecclesiam uenientibus sine baptismo communicandum existimant, non putant se alienis, immo æternis peccatis communicare, admit- tentes sine baptismo eos qui non nisi baptismo blasphemiarum suarum peccata deponere possunt. Quam uanum est por-*
- Math. 15.**

rò & peruersum, ut cum ipsi hæretici repudiato & relicto uel errore, uel scelere in quo prius fuerant, agnoscant ecclesiæ ueritatem, nos eiusdem ueritatis iura & sacramentum mutuelmus, & uenientibus & pœnitentibus dicamus eos remissionem peccatorum consecutos esse, cum illi se peccasse, & propter hoc ad ecclesiæ indulgentiam uenire fateantur? Quare ecclesiæ catholice fidem ac ueritatem frater & tenere debemus firmiter & docere, & per omnia Euangelica & Apostolica præcepta rationem diuinæ dispensationis atque unitatis ostendere. Nunquid potest uis baptismi maior esse, aut potior quàm confessio? ut qui coram hominibus Christum confiteatur, & sanguine suo baptizetur, & tamen hoc baptismus hæreticis non prodest, quamuis Christum cōfessi, & extra ecclesiam fuerint occisi, nisi hæreticorum patroni & aduocati hæreticos in falsa confessione Christi interfectos, martyres prædicant, & contra Apostolicam testationē, qui nihil eos quamuis exustos & occisos dicit posse proficere, gloriam eis & coronam passionis assignant. Quòd si hæreticis nec baptismus publicæ cōfessionis & sanguinis proficere ad salutem potest, quia salus extra ecclesiam non est: quanto magis ei nihil proderit, si in latebra & in latronum spelunca adulteræ aque contagione tinctus, non tantum peccata antiqua non exposuerit, sed adhuc potius noua & maiora cumulauerit? Quare baptismus nobis & hæreticis non potest esse, cum quibus nec pater Deus, nec Christus filius, & spiritus sanctus, nec fides ipsa in ecclesia communis est: & ideo baptizari eos oportet, qui de hæresi ad ecclesiam ueniunt, ut qui legitimo & uero atque unico sanctæ ecclesiæ baptismo ad regnum Dei regeneratione diuina præparantur, sacramento utroque nascantur, quia scriptum est. Nisi quis renatus fuerit ex aqua & spiritu sancto, non potest intrare in regnum cælorum. Quo in loco quidam quasi euacuare possint humana argumentatione

prædicationis Euangelicæ ueritatem, catechumenos nobis op-
 ponunt, si quis ex eis antequàm baptizetur in cōfessione no-
 minis apprehensus fuerit & occisus, an spem salutis & præ-
 mium cōfessionis amittat, eò quod ex aqua prius non sit re-
 natus. Sciant igitur eiusmodi homines suffragatores & fau-
 tores hæreticorum, catechumenos illos primò integram fi-
 dem & ecclesiæ ueritatem tenere, & ad debellandum diabo-
 lum de diuinis castris, cum plena & sincera Dei patris &
 Christi & spiritus sancti cognitione procedere: deinde nec
 priuari baptismatis sacramento, utpote qui baptizentur glo-
 riosissimo & maximo sanguinis baptismo, de quo dominus di-
 cebat habere se aliud baptisma baptizari, & passione san-
 ctificatum consummari, & diuinæ pollicitationis gratiam con-
 sequi. Declarat hoc in Euangelio idem Dominus, quando ad
 latronem in ipsa passione credentem & confitentem locutus,
 quoad se cum futurus sit in paradiso pollicetur. Quapropter
 qui fide & ueritate præsumimus, eos qui ad fidem & uerita-
 tem ueniunt, & agentes pœnitentiam remitti sibi peccata de-
 poscunt, decipere non debemus & fallere, sed correptos à no-
 bis & reformatos ad regnum cœlorum disciplinis cœlestibus
 erudire. Sed dicit aliquis: Quid ergo fiet de his qui in præte-
 ritum, de hæresi ad ecclesiam uenientes, sine baptismo admissi
 sunt? Potens est Dominus misericordia sua indulgentiam dare,
 & eos qui simpliciter admissi, in ecclesia dormierunt, ab eccle-
 siæ suæ muneribus non separare. Non tamen quia aliquando
 erratum est, ideo semper errandum est, cū magis sapientibus,
 & Deum timentibus congruat, patefacta & perspecta ueri-
 tate libenter atque incunctanter obsequi, quàm pertinaciter
 atq; obstinate contra fratres & sacerdotes pro hæreticis
 reluctari. Nec quisquam existimet hæreticos, eò quod illis ba-
 ptisma opponitur, quasi secundi baptismi uocabulo scandali-
 zatos, ut ad ecclesiam ueniant, retardatione moueri, cum hoc

Luc. II.

Ibidem 13.

pso magis ad necessitatem ueniendi testimonio ostense sibi et
 probate ueritatis adigantur. Nam si uiderint iudicio et sen-
 tentia nostra id decerni et statui, ut baptisma iustum et le-
 gitimum computetur, quo illhic baptizatur, putabunt ecclesiam
 se quodque et cetera ecclesiae munera iuste ac legitime possi-
 dere, nec erit causa ueniendi ad nos, cum habentes baptisma,
 habere uideantur et cetera. Porro autem cum cognoscunt ba-
 ptisma nullum foris esse, nec remissam peccatorum extra eccle-
 siam dari posse, audacius ad nos et promptius properant, et
 munera et dona matris ecclesiae implorant, certi peruenire
 se omnino non posse ad ueram diuinae gratiae pollicitationem:
 nisi prius uenerint ad ecclesiae unitatem. Nec recusabunt ba-
 ptizari apud nos haeretici legitimo et uero ecclesiae bap-
 tismo, cum ex nobis didicerint baptizatos quoque a Paulo eos
 qui iam baptismo Ioannis baptizati fuissent, sicut legimus in
 Actibus Apostolorum: Et nunc apud quosdam de nostris haere Act. 19.
 ticorum baptisma occupatum asseritur, et inuidia quadam
 quasi rebaptizandi baptizare post hostes Dei nefas ducitur,
 cum baptizatos inueniamus quos Ioannes baptizauerat. Ille
 Ioannes maior inter prophetas habitus, ille diuina gratia ad-
 huc in utero matris impletus, ille Heliae spiritu et uirtute
 subnixus, qui non aduersarius domini, sed praecursor praedicanda-
 do fuit, qui Dominum non tantum uerbis praenuntiavit, sed et
 oculis ostendit, qui ipsum Christum per quem baptizantur ce-
 teri, baptizauit. Quod si idcirco haeticus ius baptismi obti-
 nere potuit, quia prior baptizauit, non possidentis erit iam ba-
 ptisma, sed occupantis: et cum separari et diuidi omnino non
 possint baptisma et ecclesia, si praecupare prior baptismum
 potuit, et ecclesiam pariter occupauit. Et inde coepisti illi ha-
 reticus uideri, quia praeuetus posterior esse coepisti, qui ceden-
 do ac manus dando ius quod acceperas, reliquisti. Quam peri-
 culosum autem sit in diuinis rebus, ut quis cedat iure suo, et

Gen. 25. potestate, scriptura sancta declarat in Genesi, quòd Esau primatus suos inde perdidit, nec recipere postmodum potuerit. Hec tibi breuiter pro nostra mediocritate rescripsimus frater charissime, nemini præscribentes aut præiudicantes, quò minus unusquisque episcoporum quod putauerit, faciat, habens arbitrij sui liberam facultatem. Nos quantum in nobis est, propter hæreticos cum collegis & coepiscopis nostris non contendimus, cum quibus diuinam & dominicam pacem tenemus, maxime cum & Apostolus dicat: Si quis autem putatur contentiosus, nos talem consuetudinem non habemus, neque ecclesia Dei. Seruatur à nobis patienter & firmiter charitas animi, collegij honor, dilectionis uinculum, concordia sacerdotij. Propter hoc etiam nunc libellum de bono patientiæ, quantum ualuit nostra mediocritas, permittente Domino & inspirante conscripsimus, quem ad te pro mutua dilectione transmisimus.

1. Cor. 11.

F I N I S
A D P O M P E I V M C O N -
T R A E P I S T O L A M
S T E P H A N I.
C Y P R I A. P O M P E I O
F R A T R I S A L.



QUANTUM plene ea quæ de hæreticis baptizandis dicenda sunt, complexi sumus in epistolis, quarum ad te exemplum transmisimus frater charissime, tamen quia desiderasti in notitiam tuam perferri, quæ mihi ad literas nostras Stephanus frater noster rescripserit, misi tibi rescripti eius exemplum, quo lecto magis ac magis eius errorem denotabis, qui hæreticorum causam contra Christianos & contra ecclesiam Dei asserere conatur. Nam inter cætera uel superuacua,

uel ad rem non pertinentia, uel sibi ipsi cōtraria, quæ imperite atque improvide scripsit, etiam illud adiunxit ut diceret: Si quis ergo à quacunque hæresi uenerit ad nos, nihil innouetur, nisi quod traditum est, ut manus illi imponatur in pœnitentiam, cum ipsi hæretici propè alterutrum ad se uenientes non baptizent, sed communicent tantum. A quacunque hæresi uenientem baptizari in ecclesia uetuit, id est, omnium hæreticorum baptismata iusta esse, & legitima iudicauit. Et cum singulæ hæreses singula baptismata habeant, hic cum omnium baptismo communicans uniuersorum delicta in sinum suum coaceruata congeffit. Et præcipit nihil aliud innouari, nisi quod traditum est, quasi is innouet, qui unitatem tenens, unam baptismata uni ecclesiæ uindicat, & non ille utique qui unitatis oblitus mendacia & contagia profana & motiones usurpat. Nihil innouetur, inquit, nisi quod traditum est: unde est ista traditio, utrum ne de dominica & Euangelica auctoritate descendens, an de Apostolorum mandatis atque epistolis ueniens? Ea enim facienda esse quæ scripta sunt, Deus testatur, & proponit ad Iesum Naue dicens: Non recedet li- Iosue 1. ber legis huius ex ore tuo, sed meditaberis in eo die ac nocte, ut obserues facere omnia quæ scripta sunt. Itē Dominus Apostolos suos mittens, mandat baptizari gentes & doceri, ut obseruent omnia quæcunq; ille præcepit. Si ergo aut in Euangelio præcipitur, aut in Apostolorum epistolis, aut Actibus continetur, ut à quacunque hæresi uenientes non baptizentur, sed tantum manus illis imponantur in pœnitentiam, obseruetur etiam & hæc sancta traditio. Si uerò ubique hæretici nihil aliud quàm aduersarij & Antichristi nominantur, si uitandi, & peruersi, & à semetipsis damnandi pronuntiantur: quale est, ut uideantur damnandi à nobis non esse, quos constat apostolica contestatione à semetipsis damnatos esse? ut nemo Apostolos insanare debeat, quasi illi hæreticorum baptismata

probauerint, aut eis sine ecclesie baptismo communicauerint, quando talia de hæreticis apostoli scripserunt, & cum non adhuc hæreticæ pestes acriores prorupissent, necdum quoque Marcion Ponticus emerisset, & cuius mercedem sub Hygino episcopo, qui in urbe nonus fuit, Romam uenit, quem Marcion secutus addidit ad criminis augmentum, impudentius cæteris & abruptius in Deum patrem creatorem blasphemare instituit, & hæreticum furorem sacrilegis armis contra ecclesiam rebellantem, sceleratius & grauius armauit. Quod si hæreses constat postmodum plures & peiores extitisse, & si retro nusquam præceptum est, neque conscriptum, ut hæretico tantum manus in pœnitentiam imponatur, & sic ei communicetur, & si baptisma non nisi unum est, & intus est, & soli ecclesie diuina dignatione concessum est, quæ ista obstinatio, quæ ue præsumptio, humanam traditionem diuine dispositioni antepondere, nec animaduertere, indignari & irasci Deum, quoties diuina præcepta soluit & præterit humana traditio? sicut per Esaiam prophetam clamat & dicit: *Isa. 29.* Populus iste labijs honorificat me, cor uerò eorum longe separatum est à me. Sine causa autem colunt me, mandata & doctrinas hominum docentes. Item Dominus in Euangelio increpans similiter & obiurgans, ponit & dicit. *Matth. 15.* Reieciſtis mandatum Dei, ut traditionem uestram statuatis. Cuius præcepti memor beatus Paulus, monet ipse quoque & *1. Timo. 6.* instruit, dicens. Siquis aliter docet, & non acquiescit sanis uerbis Domini nostri Iesu Christi & doctrine eius, stupore elatus est, nihil sciens, discendum ab huiusmodi. Præclara sanè ac legitima traditio à Stephano fratre nostro proponitur, ut autoritatem nobis idoneam præbeat. Nam in eodem loco epistolæ suæ addidit & adiecit, cum ipsi hæretici proprie ad se uenientes alterutrum non baptizent, sed cõmuniceant tantum. Ad hoc enim malorū deuoluta est ecclesia Dei

et sponsa Christi, ut hæreticorum exempla sectetur, ut ad ce-
 lebranda sacramenta cælestis disciplinæ lux de tenebris mu-
 tuetur, et id faciant Christiani, quod Antichristi faciunt. Quæ
 uerò est animi cæcitas, quæ prauitas, fidei unitatem de Deo pa-
 tre Iesu Christi domini et Dei nostri traditione uenientem
 nolle cognoscere? Nam si idcirco apud hæreticos ecclesia non
 est, quia una est, et diuidi non potest: si ideo illhic spiritus san-
 ctus non est, quia unus est, et esse apud profanos et extraneos
 non potest: utiq; et baptisma, quod in eadem unitate consistit,
 esse apud hæreticos non potest, quia separari neq; ab ecclesia,
 neq; à spiritu sancto potest: aut si effectum baptismi maiesta-
 ti nominis tribuunt, ut qui in nomine Christi Iesu ubicunque
 et quomodocunque baptizantur, innouati et sanctificati iu-
 dicentur, cur in eiusdem Christi nomine illhic et manus bap-
 tizato imponitur ad accipiendum spiritum sanctum? Cur eiusdem
 maiestas nominis non præualet in manus impositione, quam
 ualuisse contendunt in baptismi sanctificatione? Nam si potest
 quis extra ecclesiam natus templum Dei fieri, cur non possit
 super templum et spiritus sanctus infundi? Qui enim peccatis
 in baptismo expositis sanctificatus est, et in nouum hominem
 spiritualiter reformatus, ad accipiendam spiritum sanctum ido-
 neus factus non est? Cum Apostolus dicat: Quotquot in Chri-
 sto baptizati estis, Christum induistis. Si potest Apostolus hæ-
 reticos Christum induere, multo magis potest spiritum sanctum,
 quem Christus misit, accipere. Cæterum maior erit mittente qui
 missus est, ut incipiat foris baptizatus Christum quidem indue-
 re, sed spiritum sanctum non potuisse percipere, quasi possit, aut
 sine spiritu Christus idui, aut spiritu sancto separari. Illud quo-
 que cum natiuitas spiritualis sit, qua in Christo per lauacrum
 regenerationis nascimur, dicant quòd possit quis apud hæreti-
 cos spiritualiter nasci, ubi spiritum negant esse. Peccata enim
 purgare, et hominem sanctificare aqua sola non potest, nisi

Galat. 3.

habeat & spiritum. Neesse est concedant illhic esse spiritum sanctum, ubi baptisma esse dicunt: aut nec baptisma est, ubi spiritus non est, quia baptisma esse sine spiritu non potest. Quale est autem asserere & contendere, quod esse possint filij Dei, qui non sint in ecclesia nati? Baptisma est enim in quo homo uetus moritur, & nouus nascitur. Manifestat & probat beatus Apostolus, dicens: Seruauit nos per lauacrum regenerationis: si autem in lauacro, id est, in baptismo est regeneratio, quomodo generare filios Deo hæresis per Christum potest, quæ Christi sponsa non est? Ecclesia est enim sola, quæ Christo coniuncta & adunata spiritualiter filios generat, eodem Apostolo rursus dicente: Christus dilexit ecclesiam, & seipsum tradidit pro ea, ut eum sanctificaret, purgans eam lauacro aquæ. Igitur si hæc est dilecta & sponsa quæ sola à Christo sanctificatur, et lauacro eius sola purgatur, manifestum est hæresim (quæ sponsa Christi non sit, nec purgari & sanctificari lauacro eius possit) filios Deo generare nõ posse. Porro autem non per manus impositionem, qui nascitur accipit spiritum sanctum, sed in baptismo spiritum sanctum renatus accipit, sicut in primo homine Adam factum est. Ante enim eum plasmavit, & tunc insufflauit in faciem eius flatum uitæ. Nec enim potest accipi spiritus, nisi prius fuerit qui accipiat. Cum autem natiuitas christianorum in baptismo sit, baptisma autem generatio, & sanctificatio apud solam sponsam Christi sit, quæ parere spiritualiter, et generare filios Deo possit, ubi, & ex qua, et cui natus est, qui filius ecclesiæ non est, ut habere quis possit Deum patrem, ante ecclesiam matrem? Cum uerò nulla omnino hæresis, sed neque aliquod schisma habere salutaris baptismi sanctificationem foris possit, cur in tantum Stephani fratris nostri obstinatio dura prouipit, ut etiam de Marcionis baptismo, item Valentini & Apellidis, & ceterorum blasphemantium in Deum patrem, contene-

Titim. 3.

Ephes. 5.

Gen. 2.

dat filios nasci? & illuc in nomine Iesu Christi dicat remissionem peccatorum dari, ubi blasphematur in patrem, & in dominum Deum Christum? Quo in loco considerandum est frater charissime, pro fide et religione sacerdotalis loci quo fungimur, an constare sacerdotis Dei ratio in die iudicii possit, assessoris et probantis et in acceptum referentis blasphemantium: baptisinata, cum Dominus comminetur & dicat: Et nunc præceptum hoc ad uos est o sacerdotes, si non audieritis, et si non posueritis in corde uestro, ut detis honorem nomini meo, dicit Dominus omnipotens, immittam in uos maledictionem, et maledicam benedictionem uestram. Dat honorem Deo, qui Marcionis baptismo communicat? Dat honorem Deo, qui unitatem et ueritatem de diuina lege uenientem non tenens, hæresim contra ecclesiam uindicat? Dat honorem Deo, qui apud eos qui in Dominum blasphemant, remissionem peccatorum dari iudicat? Dat honorem Deo, qui hæreticorum amicos, et inimicos christianorum, ueritatem Christi, & ecclesie unitatem continere putat? Si sic honor Deo datur, si sic à cultoribus & sacerdotibus eius Dei timor et disciplina seruatur: abijciamus arma, manus demus, in captiuitatem diaboli tradamus ordinationem euangelij, dispositionem Christi, maiestatem Dei, diuine militie sacramenta soluantur, sacrorum celestium signa prodantur, cedat ecclesia hæreticis, lux tenebris, perfidie fides, spes desperationi, ratio errori, immortalitas morti, charitas odio, ueritas mendacio, Christus antichristo: et sic in dies singulos schismata et hæreses surgant, crebrius atq; liberius excrescant, et serpentinis criminibus pullulantes aduersus ecclesiam Dei maioribus uiribus, uenenorum suorum uirus exprimant: dum illis aduocatione quorundam, & autoritas præstatur, & firmitas, dum baptisma eorum defenditur, dum fides, dum ueritas proditur, dum id quod contra ecclesiam foris geritur, intus in ipsa ecclesia uindicitur. Quòd si est apud nos frater charissime

Malach. 2.

Dei timor, si tenor præualeat fidei, si custodimus Christi præcepta, si incorruptam atque inuiolatam sponsæ eius sanctitatem tuemur, si hærent nostris sensibus et cordibus uerba Domini

Luc. 18. dicētis: Putas cum uenerit filius hominis, inueniet fidem in terra? quia fideles Dei milites, quia Deo fide et religione synce-
ra militamus, cōmissa nobis diuinitus castra fideli uirtute ser-
uamus: nec consuetudo, quæ apud quosdam obrepserat, impe-
dire debet, quò minus ueritas præualeat & uincat. Nam con-
suetudo sine ueritate, uetustas erroris est: propter quod reli-
cto errore sequamur ueritatem, scientes quia et apud Esdram

3. Esdræ. 3. ueritas uicit, sicut scriptum est: Veritas ualet & inualefcit in
æternum, & uiuit et obtinet in secula seculorum. Hoc est apud
eam non accipere psonam, nec differentiam, sed quæ sunt iusta
facit, nec est in iudicio eius iniquum, sed fortitudo, & regnum,
& maiestas omnium seculorum. Benedictus Deus ueritatis,
quam ueritatem nobis Christus ostendens in Euangelio suo

Ioan. 14. dicit: Ego sum ueritas. Propter quod si in Christo sumus, &
Christum in nobis habemus, si manemus in ueritate, & ueri-
tas in nobis manet, ea quæ sunt uera teneamus. Fit autem stu-
dio præsumptionis & contumacie, ut quis magis sua praua
& falsa defendat, quàm ad alterius facta & uerba consentiat.

1. Timo. 3. Cui rei prospiciens beatus Paulus apostolus ad Timotheum
scribit, et monet episcopum non litigiosum, sed mitem & do-
cibilem esse debere. Docibilis autem ille est, qui est ad discen-
di patientiam lenis & mitis. oportet enim episcopum non tan-
tum docere, sed & discere: quia & ille melius docet, qui quo-
tidie crescit, & proficit discendo meliora. Quod ipsam quoq;
idem apostolus Paulus docet, præmonens, ut si alio sedenti

1. Cor. 14. melius reuelatum fuerit, prior taceat. In compendio est au-
tem apud religiosas mentes & simplices, et errorem depone-
re, et inuenire atq; eruere ueritatē. Nam si ad diuine traditio-
nis caput et originem reuertamur, cessat error humanus, et sa-

cramentorum coelestium ratione perspecta, quicquid sub caligine ac nube tenebrarum obscurum latebat, luce ueritatis aperitur. Si canalıs aquę qui copiose prius & largiter profuebatur, subito deficiat, non ne ad fontem pergitur, ut illhic defectio- nis ratio noscatur, utrum ne crescentibus uenis, in capite sicca- uerit, an uero integra inde & plena procurrens in medio itinere desliterit? At si uitio interrupti aut bibuli canalıs effectum est, quomodo minus aqua perseueranter continua ac iugiter flueret, reiecto & confirmato canali ad usum atque potum ciuitatis aqua collecta eadem ubertate atque integritate repręsen- tatur qua de fonte profisciscitur. Quod & nunc facere oportet Dei sacerdotes pręcepta diuina seruantes, ut in aliquo si nutauerit & uacillauerit ueritas, ad originem dominicam & euangelicam, & apostolicam traditionem reuertamur, et inde surgat actus nostri ratio, unde & ordo & origo surrexit. Traditum est nobis quod si unus Deus, & Christus unus, & Ephes. 4. una spes, et fides una, et una ecclesia, et baptisma unum non nisi in una ecclesia constitutum, a qua unitate quisquis disces- serit, cum hæreticis necesse est inueniatur, quos dum contra ec- clesiam uindicat, sacramentum diuinę traditionis impugnat. Cuius unitatis sacramentum expressum uidemus etiã in Can- tico canticorum, ex persona Christi, dicentis: Hortus conclu- Cantic. 4. sus, soror mea, sponsa mea, fons signatus, puteus aquę uiuę, pa- radisus cum fructu pomorum. Si autem ecclesia eius hortus con- clusus est, et fons signatus: quomodo in eundem hortum introire, aut bibere de fonte eius potest, qui in ecclesia non est? Item Pe- trus ipse quoque demonstrans, & uindicans unitatem mandauit & monuit nisi per unum baptismum solum unius ecclesię sal- uari non posse. In arca, inquit, Noë pauci, id est, octo animę 1. Petr. 3. saluę factę sunt per aquam, quod & nos similiter saluos fa- ciet baptisma. Quam breui & spiritali compendio, unitatis sacramentum manifestauit. Nam ut in illo mundi baptismo,

quo iniquitas antiqua purgata est, qui in arca Noë non fuit, non potuit per aquam saluus fieri: ita nec nunc potest per baptismum saluus uideri, qui baptizatus in ecclesia non est, quæ ad arcæ unius sacramentum dominica unitate fundata est. Obseruatur itaq; à nobis et tenetur frater charissime, explorata et perspecta ueritate, ut oēs, qui ex quacunq; hæresi ad ecclesiã cõuertuntur, unico et legitimo baptismo baptizentur, exceptis his qui baptizati prius fuerant, et sic ad hæreticos transierunt. Hos enim oportet cū redeunt ad pñia per manus impositionem solam recipi, et in ouile unde errauerant à pastore restitui. Opto te frater charissime semper bene ualere.

AD QVIRINVM.

CYPRIANVS QVIRINO

FRATRI SALVTEM.



Et tulit, à me, frater charissime, Lucianus òpresbyter noster, te desiderasse, ut significarem tibi, quid sentiamus de his qui apud hæreticos, et schismaticos baptizati uidentur. De qua re qd nup in concilio plurimi coëpiscopi cū presbyteris qui aderant censuerimus, ut scires, eiusdem epistolæ exemplum tibi misi. Nescio etenim qua præsumptione ducuntur quidam de collegis nostris, ut putent eos qui apud hæreticos tincti sunt, quãdo ad nos uenerint baptizari nō oportere, eò q, dicant unum baptismum esse, quod unū scilicet in ecclesia catholica est. Quæ ecclesia si est una, esse extra ecclesiã baptismum nō potest. Nam cum duo baptismata esse nō possint, si hæretici uerè baptizant, ipsi habent baptismum. Et qui illis hoc parrocinium præstat de auctoritate sua, cedit illis et consentit, ut hostes et aduersarij Christi habere uideantur abluendi et purificandi et sanctificandi.

hominis potestatem. Nos autem dicimus eos, qui inde uenerunt non baptizari. Neque enim accipiunt illhic aliquid ubi nihil est, sed ueniunt ad nos ut hic accipiant, ubi et gratia et ueritas una est. Porro autem quidam de collegis nostris malunt hæreticis honorem dare, quam nobis consentire. Et dum unius baptismi asseueratione baptizari uenientes nolunt, sic aut duo, aut multa baptismata esse dicunt, aut certe, quod est grauius, hæreticorum sordidam et profanam tinctionem, uero et unico et legitimo Ecclesiæ catholicæ baptismō præponere et præferre contendunt, non considerantes scriptum esse: Qui baptizatur à mortuo, quid proficit Lauatio eius? Manifestum est Eccle. 14. autem eos qui non sunt in ecclesia Christi, inter mortuos computari, nec posse ab eo uiuificari alterum qui ipse uiuit in æternum, et uiuificat Dei populum. Et dicunt se in hoc ueterem consuetudinem sequi, qui quando apud ueteres hæreses, et schismaticos prima adhuc fuerant initia, ut illhic essent qui de ecclesia recedebant, et hic baptizati prius fuerant: quos tunc ad ecclesiam reuertentes, et pœnitentiam agentes necesse non fuerat baptizare. Quod nos quoque hodie obseruamus, ut quos constat hic baptizatos esse à nobis, et ad hæreticos transisse, si postmodum peccato suo cognito, et errore digesto, ad ueritatem et matricem redeant statum, satis sit in pœnitentiam manum imponere, ut quia ouis iam fuerat, hanc ouem ab alienatam et errabundam in ouile suum pastor recipiat. Si autem qui ab hæreticis uenit, baptizatus in ecclesia prius non fuit, sed alienus in totum et profanus uenit, baptizandus est, ut ouis fiat, quia una est aqua in ecclesia sancta quæ oues facit. Et idcirco quia nihil potest esse commune mendacio et ueritati, tenebris et luci, morti et immortalitati, Antichristo et Christo, per omnia debemus ecclesiæ catholicæ unitatē tenere, nec in aliquo fidei et ueritatis hostibus cedere. Non est autem de consuetudine præscribendū, sed ratione uincendum. Nam nec

Petrus quem primum Dominus elegit, et super quem ædificauit ecclesiam suam, cum Paulus de circuncisione postmodum disceptaret, se uindicauit, seu aliquid insolenter aut arroganter assumpsit, ut diceret se primatum tenere, et obtemperari à nouellis & posteris sibi potius oportere. Nec desepxit Paulum quòd ecclesiæ prius persecutor fuisset, sed consilium ueritatis administrationi legitimæ, quam Paulus uindicabat, facile consensit, documentum scilicet nobis & concordie & patientiæ tribuens, ut non pertinaciter nostra amemus, sed quæ aliquando à fratribus, & collegis nostris utiliter et salubriter suggeruntur, si sint uera & legitima, ipsa potius amplectamur. Paulus quoque prospiciens concordie, & paci fideliter consulens, in epistola sua posuit, dicens: Prophetæ autem duo aut tres loquantur, & cæteri examinent. Si autem alij reuelatum fuerit sedenti, ille prior taceat. Qua parte docuit & ostendit, multa singulis in melius reuelari, et debere unumquemque pro eo quod semel imbiberat et tenebat, pertinaciter congregari, sed siquid melius & utilius extiterit libenter amplecti. Non enim uincimur quando offeruntur nobis meliora, sed instruimur, maxime in his quæ ad ecclesiæ unitatem pertinent & spei ac fidei nostræ ueritatem. Et nos sacerdotes Dei, & ecclesiæ eius de ipsius dignatione præpositi sciamus remissionem peccatorum in ecclesia dari posse, nec posse aduersarios Christi quicquam sibi pro eius ecclesia uindicare. Quod quidem Agrippinus bonæ memoriæ uir cum cæteris cœpiscopis suis qui illo tempore in prouincia Africa, et Numidia ecclesiam Dñi gubernabāt, statuit & librata cōsiliij cōmunis examinatione firmauit. Quorum sententiam, et religiosam, et legitimam, et salutarem, fidei et ecclesiæ catholicæ congruentem, nos etiam secuti sumus. Et quales super hac re literas fecerimus ut scires, exemplum earum tam ad notitiam tuam, quàm cœpiscoporum nostrorum, qui illhic sunt, pro communi dilectione transmisimus.

Sententiæ

513

SENTENTIAE EPISCO
PORVM DE HAERETI
CIS BAPTIZAN
DIS.



CV M in unum Carthagini conuenissent
Calend. Septembris episcopi plurimi ex
prouincia Aphrica, Numidia, Murita-
nia, cum presbyteris & diaconis, prae-
sente etiam plebis maxima parte, & le-
tæ essent literæ Iubaiani ad Cyprianum
factæ, item Cypriani ad Iubaianum rescriptæ: de hæretici-
cis baptizandis: quid que posimodum Cypriano Iubaianus
idem rescripserit:

Cyprianus dixit:

Audistis collegæ dilectissimi, quid mihi Iubaianus coe-
piscopus noster scripserit, consulens mediocritatem nostram
de illicito & profano hæreticorum baptismo, & quid ego
ei rescripserim, censens scilicet, quod semel atque iterum
& sæpe censuimus, hæreticos ad ecclesiam uenientes, eccle-
siæ baptismo baptizari & sanctificari oportere. Item le-
tæ sunt uobis & aliæ Iubaiani literæ, quibus pro sua syn-
cera & religiosa deuotione ad epistolam nostram rescri-
bens, non tantum consensit, sed & instructum se esse gra-
tias egit: Superest ut de hac ipsa re quid singuli sentiamus
proferamus, neminem iudicantes, aut à iure communio-
nis aliquem, si diuersum senserit, amouentes. Neque enim
quisquam nostrum episcopum se esse episcoporum consti-
tuit, aut tyrannico terrore ad obsequendi necessitatem col-
legas suos adegit, quando habeat omnis episcopus pro li-
centia libertatis & potestatis suæ arbitrium proprium, tan-
quam iudicari ab alio non possit, cum nec ipse possit al-
terum iudicare. Sed expectemus uniuersi iudicium Domini.

Kk

ni nostri Iesu Christi, qui unus & solus habet potestatem, & proponendi nos in ecclesie suae gubernatione, & de actu nostro iudicandi.

Cæcilius à Bilita dixit:

Ego unum baptisma in ecclesia sola scio, & extra ecclesiam nullum. Hoc erit unum ubi spes uera est, et fides certa: sic enim scriptum est: Vna fides, una spes, unum baptisma, non apud hæreticos: ubi spes nulla est, & fides falsa, ubi omnia per mendacium aguntur, ubi exorcizat demoniacus sacramentum, interrogat, cuius os & uerba cancer emittunt. Fidem dat infidelis, ueniam delictorum tribuit sceleratus, & in nomine Christi tingit antichristus, benedicit à Deo maledictus, uitam pollicetur mortuus, pacem dat impacificus, Deum inuocat blasphemus, sacerdotium administrat profanus, ponit altare sacrilegus. Ad hæc omnia accedit & illud malum, ut antistes diaboli audeat eucharistiam facere, aut qui illis assistunt, dicant hæc omnia falsa esse de hæreticis. Ecce ad qualia ecclesia consentire cogitur, & sine baptismo ac uenia delictorum communicare compellitur. Quam rem fratres sugere ac uitare debemus, & à tanto scelere nos separare, & unum baptisma tenere quod soli ecclesiae à Deo concessum est.

Primus Felix à Migrypa dixit:

Censeo omnem hominem ab hæresi uenientem baptizandum. Frustra enim illic putat se esse baptizatum, cum non sit baptismum, nisi in ecclesia unum, & uerum, quia & Dominus unus, & fides una est, in qua stat unum baptisma, & sanctitas & cætera. Nam quæ foris exercetur, nullum habent salutis effectum.

Polycarpus ab Adrumeto dixit:

Qui hæreticorum baptismum probat & hæreticis communicat.

Nouatus à Thamugade dixit:

Licet sciamus omnem scripturam testimonium reddere de salutari baptismo, debemus tamen fidem nostram exprimere.

alias, nostrum
enunciant.

Hæreticos & schismaticos ad ecclesiam ueniētes qui pseudo-
baptizati uidentur, debere eos in fonte perenni baptizare. Et
ideo secundum testimonium scripturaru, & secundum decre-
tum collegarū nostrorum sanctissimorū uirorum, omnes schis-
maticos & hæreticos qui ad ecclesiam cōuersi sunt baptiza-
ri, sed & quicunq; ordinati uidebantur inter laicos recipi.

Nemesianus à Tubunis dixit:

Baptisma quod dant hæretici & schismatici nō esse uerū,
ubiq; in scripturis sanctis declaratum est. Quoniam ipsi præ-
positi eorum falsi Christi sunt & falsi prophetæ dicente do-
mino per Salomonem. Qui fidens est in falsis, hic pascit uen-
tos, idem autem ipse sequitur aues uolantes. Dereliquit autem
uias uineæ suæ, & à semitis agri sui errauit. Ingressus autem
per auiā loca atque arida, & terram destinat à messe, col-
ligit autem manibus sterilitatem. Et iterum: Ab aqua aliena
abstine te, & de fonte alieno ne biberis, ut longum uiuas
tempus, adiciantur etiam tibi anni uitæ. Et in Euangelio sua
uoce Dominus noster Iesus Christus locutus est, dicens: Nisi Ioan. 3.
quis renatus fuerit ex aqua & spiritu sancto, non potest in-
troire in regnum Dei. Hic est spiritus qui ab initio ferebatur
super uquam. Neque enim spiritus sine aqua operari potest,
neque aqua sine spiritu. Male ergo sibi quidam interpretan-
tur, ut dicant, quod per manus impositionem spiritum san-
ctum accipiant, & sic recipiantur, cum manifestum sit utro-
que sacramento debere eos renasci in ecclesia catholica. Tunc
quippe poterunt filij Dei esse, dicente apostolo. Curantes ser- Ephes. 4.
uare unitatem spiritus in coniunctione pacis, unum corpus
& unus spiritus, sicut uocati estis in una spe uocationis ue-
stræ, unus Dominus, una fides, unum baptisma, unus Deus.
Et hæc omnia ecclesia catholica loquitur. Et iterum in Euan-
gelio dicit. Quod natum est de carne caro est, & quod na- Ioan. 3.
tum est de spiritu, spiritus est, quoniam spiritus Deus est, &

de Deo natus est. Ergo omnes heretici & schismatici omnia
 Gal. 5. quaecunque faciunt carnalia sunt, dicente Apostolo: Manifesta
 enim sunt opera carnis, quae sunt fornicationes, immunditiae;
 incestum, idololatria, ueneficia, inimicitiae, certamina, zelus,
 ira, diuisiones, haereses, & his similia, de quib. praedixi uobis
 sicut praedico, quoniam quicumque haec faciunt, regnum Dei non
 hereditabunt. Condemnat aequae Apostolus cum omnibus ma-
 lis & eos qui diuisionem faciunt, hoc est schismaticos & haereticos.
 Nisi ergo acceperint baptismum salutare in ecclesia ca-
 tholica quae una est, salui esse non possunt, sed cum carnalibus
 in iudicio Domini Christi damnabuntur.

Ianuarius à Lambese dixit:

Secundū scripturarū sanctarū autoritatē decerno hereticos
 omnes baptizandos, & sic in ecclesiam sanctam admittēdos.

Lucius à Castragalba dixit:

Matth. 5. Cum Dominus in Euangelio suo dixerit. Vos estis sal ter-
 rae. Si autē sal infatuatum fuerit, id quod salietur ex eo ad ni-
 hilum ualebit, nisi ut proijciatur foras, & cōculcetur ab homi-
 nibus. Et iterum post resurrectionem suam mittens Apostolos

Matth. 28. suos mandauerit, dicens: Data est mihi omnis potestas in caelo
 & in terra: Ite ergo & docete omnes gentes baptizantes eas
 in nomine patris & filij & spiritus sancti. Cum ergo mani-
 festum sit hereticos, id est, hostes, non integrum sacramenti con-
 fessionem habere: Item schismaticos non posse condire sapien-
 tia spirituali, cum ipsi ab ecclesia quae una est, recedendo in-
 fatuati contrarij facti sint, fiat sicut scriptum est. Domus con-
 trariorum legis debent emundationem, & consequens sit eos
 qui à contrarijs baptizati inquinati sunt, primò purgari, &
 tunc demum baptizari.

Crescens à Ciria dixit:

In tanto coetu sanctissimorum sacerdotum lectis literis
 Cypriani dilectissimi nostri ad Iubaianum, itemq; ad Stepha-

um, quæ tantum in se testimoniorum descendendum ex scripturis deificis continent, ut merito omnes per Dei gratiã adu-
nati consentire debeamus: Censeo omnes hæreticos siue schi-
smaticos, qui ad catholicam ecclesiam uoluerint uenire, non
antè ingredi, nisi exorcizati & baptizati fuerint, exceptis
his sanè qui in ecclesia catholica fuerint antè baptizati: ita ta-
men ut per manus impositionem in poenitentiam ecclesiæ re-
concilientur.

Nicomedes à Segermis dixit:

Mea sententia hæc est, ut hæretici ad ecclesiam uenientes
baptizentur, eò quòd nullam foris apud peccatores remissionem
peccatorum consequantur.

Monnulus à Girpa dixit:

Ecclesiæ catholicæ matris nostræ ueritas semper apud nos
fratres, & mās sit & manet, & uel maximè in baptismatis tri-
nitate, Domino nostro dicēte: Ite baptizate gentes in nomine
patris & filij & spiritus sancti. Cum ergo manifeste sciamus
hæreticos nō habere nec patrē, nec filiū, nec spiritū sanctum,
debent uenientes ad ecclesiam matrem nostram uerè renasci
& baptizari, ut cancer quod habebant, & dānationis ira, &
erroris offēsa per sanctum & coeleste lauacrū sanctificetur.

Matth. 28.

Secundinus à Chezās dixit:

Cum Dominus noster Christus dicat: Qui non est mecum,
aduersus me est: Et Ioannes apostolus hos qui ab ecclesia ex-
eunt, Antichristos dicat: indubitanter hostes Christi, quiq; an-
tichristi nominati sunt, gratiam baptismi salutaris ministrare
non possunt. Et ideo censeo eos qui de insidijs hæreticorum
confugunt ad ecclesiam, baptizandos esse à nobis, qui amici
appellati sumus Dei, eius dignatione.

Matth. 12.

1. Ioan. 2.

Felix à Bigai dixit:

Sicut cæcus cæcum ducens ambo in foueam cadunt, ita hæ-
reticus hæreticū baptizans simul in mortē cadūt. Et ideo ba-

Matth. 15.

ptizādus, et uiuificādus est, ne nos uiui mortuis cōmunicemus

Pollianus à Mileo dixit:

Censeo hæreticum baptizari in ecclesia sancta.

Theogenes ab Hippone regio dixit:

Secundum sacramentum gratiæ cœlestis, quod accepimus, unum baptisma, quod est in ecclesia sancta, credimus.

Datiuus à Badis dixit:

Nos quātū in nobis est, hæreticis nō cōmunicamus, nisi baptizati in ecclesia fuerint, et remissionē peccatorū acceperint.

Successus à Birgermanicana dixit:

Hæreticis aut nihil licet, aut totū licet. Si baptizare possunt, et spiritum sanctum dare possunt. Si autem spiritum sanctum dare non possunt, quia non habent spiritum sanctum datum, nec baptizare spiritualiter possunt, propterea cōsumimus hæreticos baptizandos esse.

Fortunatus à Thuccabori dixit:

Matth. 7.

Iesus Christus Dominus et Deus natus Dei patris et creatoris filius, super petrā edificauit ecclesiā suam, nō super hæresim: et potestatem baptizandi apostolis habere dedit, nō hæreticis. Quare qui extra ecclesiā sunt, et contra Christū stantes oues eius et greges spargunt, baptizare foris nō possunt.

Sedatus à Tuborbo dixit:

In quantū aqua sacerdotis prece in ecclesia sanctificata abluit delicta, in tantum hæreticus sermone uelut cancer infecta cumulat peccata. Quare omnibus quidem pacificis uiris nitendum est, ne quis hæretico errore infectus et tinctus, singulare et uerum ecclesiæ baptismum detrectet accipere, quo quisquis non fuerit baptizatus, à regno cœlorum fit alienus.

Priuatianus à Suficula dixit:

Qui hæreticos potestatem baptizandi habere dicit, dicat prius quis hæresim cōdiderit. Si enim hæresis à Deo est, habere et indulgentiam diuinā potest. Si uerò à Deo non est, quo-

modo gratiam Dei aut habere aut conferre alicui potest?

Priuatus à Sufibus dixit:

Qui hereticorū baptisma probat, quid aliud, quàm hereticis communicat?

Hortensianus à Laribus dixit:

Quot sint baptismi, uiderint præsumptores, aut fautores hereticorum: nos unum baptismum quod non nisi in ecclesia nouimus, ecclesiae uendicamus. Aut quomodo possunt in nomine Christi aliquem baptizare, quos ipse Christus dicit aduersarios suos esse?

Cassius à Macomadibus dixit:

Cum baptismata duo esse nō possint, qui hereticis baptismum concedit, sibi tollit. Censeo itaq; flebiles & tabidos hereticos baptizandos esse cū ad ecclesiam uenire coeperint, & sacra & diuina lauatione lotos, & lumine uitæ illuminatos, non hostes, sed pacificos, non alienos, sed fidei domesticos, non aduersarios, sed Dei filios, nō erroris, sed salutis effectos, in ecclesia recipi, absq; eis q de ecclesia fideles supplantati ad heresis tenebras transierunt, sed eos per manus impositionem restituendos.

Alius Ianuarius à Vico Caesaris dixit:

Si non obtemperat error ueritati, multo magis ueritas non consentit errori. Et ideo nos ecclesiae assistimus in qua praesidemus, ut baptismum eius ipsi soli uendicantes, eos quos ecclesia non baptizauit, baptizemus.

Alius Secundinus à Carpis dixit:

Heretici Christiani sunt, an nō? Si Christiani sunt, cur in ecclesia Dei nō sunt? Si Christiani nō sunt, quomodo Christiani nos faciūt? Aut quō pertinebit sermo Domini dicētis: Qui nō est mecum, aduersus me est, & qui mecum non colligit, spergit? Vnde cōstat super filios alienos & soboles Antichristi spiritū sanctū per manus impositionem tantūmodo non posse descendere, cum manifestum sit hereticos baptismum non habere.

Matth. 12.

Victoricus à Thabraca dixit:

Si licet hæreticis baptizare, & remissam peccatorum dare, quid illos insanamus, & hæreticos appellamus?

Alius Felix ab Utina dixit:

Nemini dubium est sanctissimi confacerdotes non tantum posse humanam præsumptionem, quantum Domini nostri Iesu Christi adorandam & uenerabilem maiestatem. Memores ergo periculi hoc quoque non tantum obseruare, uerumetiam ab omnibus nobis cõfirmare debemus, ut omnes qui ad sinum matris ecclesiæ accurrunt, baptizentur, ut mens hæretica, quæ diuturna tebe polluta est, sanctificatione lauacri purgata in melius reformetur.

Quietus à Baruc dixit:

Qui fide uiuimus, obsequi ijs, quæ instruendis nobis antè prædicta sunt, sedula obseruatione debemus. Nā scriptum est Eccl. 34. apud Salomonem. Qui baptizatur à mortuo, & iterum tangit mortuum, quid proficit lauatio eius? Quod utique de his qui ab hæreticis tinguntur, & de tingentibus loquitur. Si enim qui apud illos baptizantur per remissionē peccatorum uitam æternam cõsequuntur, cur ad ecclesiā ueniunt? Si uerò à mortuis nihil salutis accipitur, ac propterea agnito errore pristino ad ueritatem cum poenitentia reuertuntur, uno uitali baptismo, quod est in ecclesia catholica, sanctificari debebunt.

Castus à Sicca dixit:

Qui cõtempta ueritate præsumit cõsuetudinē sequi, aut circa fratres inuidus est, & malignus, quib. ueritas reuelatur, aut circa deū ingratus est, cuius inspiratiōe ecclesiæ eius instruuntur?

Eucratius à Thenis dixit:

Fidem nostram, & baptismatis gratiam & legis ecclesiæ suæ regulam Dominus et Deus noster Iesus Christus suo ore apostolos docēs, impleuit, dicens: *Itē & docete omnes gentes, baptizantes eas in nomine patris, et filij, & spiritus sancti. Fal*

sum ergo hæreticorum baptisma & iniquum, à nobis pellendum est & omni detestatione refutandum, de quorum baptismo non uita, nec gratia cœlestis, sed blasphemia trinitatis exprimitur. Et ideo uenientes ad ecclesiam hæreticos, integro & catholico baptismo baptizari debere manifestum est, ut à blasphemia suæ præsumptione purificati, possint spiritus sancti gratia reformari.

Libosus ab Agra dixit:

In euangelio Dominus: Ego sum, inquit, ueritas: non dixit, Ioan. 14.
ego sum consuetudo. Itaq; ueritate manifestata cedat consuetudo ueritati, ut & si in præteritū quis hæreticus in ecclesia non baptizauit, nec nunc baptizare incipiat.

Leucius à Thabeste dixit:

Hæreticos blasphemos atq; iniquos uerbis uarijs decerpentes sancta & adorabilia scripturarum uerba, execrandos censeo, et ideo exorcizandos et baptizandos esse.

Eugenius ab Ammeclera dixit:

Et ego hoc idem censeo, hæreticos baptizandos esse.

Item alius Felix ab Accura dixit:

Et ipse secutus diuinarum scripturarum auctoritatem baptizandos esse hæreticos censeo, sed et eos qui apud schismaticos baptizatos se esse contendunt. Si autem secundum cantum Christi priuatus fons noster est, intelligant cuncti ecclesiæ nostræ aduersarij, qui alieni sunt, nobiscum esse nō possunt. Nec duobus populis salutarem aquam tribuere potest ille qui unius gregis pastor est. Et ideo manifestum est, nec hæreticos, nec schismaticos aliquid cœleste posse suscipere, qui à peccatoribus hominibus, et ab ecclesia extraneis audeant accipere. Quando danti locus non est, utiq; nec accipienti prodest.

Item alius Ianuarius Muzulensus dixit:

Miror quod cum omnes confiteantur unum esse baptisma, non omnes intelligant eiusdem baptismatis unitatem: ecclesia

enim & hæresis, due & diuersæ res sunt. Si hæretici habent baptismum, nos non habemus. Si autem nos habemus, hæretici habere non possunt. Dubium autem nō est, ecclesiam solam baptismum Christi possidere, quæ sola possideat & gratiā Christi & ueritatem.

Adelphus à Thasbalte dixit:

Sine causa quidam falso & inuidioso uerbo impugnant ueritatem, ut rebaptizare nos dicant, quando ab ecclesia hæreticus non rebaptizetur, sed baptizetur.

Demetrius Aleptuninus dixit:

Vnum baptismum nos custodimus, quia ecclesiæ catholicæ soli rem suam uendicamus. Qui autem dicunt quia hæretici uere & legitime baptizare possunt, ipsi sunt qui non unum, sed multa baptismata faciunt. Nam cum hæreses nūltæ sint, pro earum numero & baptismata computabuntur.

Vincentius à Thibari dixit:

Hæreticos scimus esse peiores quàm Ethnicos, si ergo conuersi ad Deum uenire uoluerint, habemus utiq; regulam ueritatis, quam Dominus præcepto diuino mandauit apostolis, dicens: *Ite, in nomine meo maria imponite, demonia expellite.* Et alio loco: *Ite & docete gentes, baptizantes eas in nomine patris & filij & spiritus sancti.* Ergo primo per manus impositionem ad Christi pollicitationem uenire, aliàs autem fieri secundo per baptismi regenerationem censeo non debere.

Marcus à Maftari dixit:

Mirandum non est si hæretici, hostes atq; impugnatores ueritatis, rem sibi uendicent potestatis et dignationis alienæ: sed illud mirandum est, quòd quidam nostri præuicinatores ueritatis hæreticis suffragantur, & christianis aduersantur. Propterea decernimus hæreticos baptizandos.

Satius à Sicilippa dixit:

Si hæreticis in baptismo sua peccata donantur, sine causa

ad ecclesiam ueniunt. Nam cum in die iudicii peccata sunt quæ puniantur, nihil est quod timere possint hæretici de iudicio Christi, si sunt remissionem peccatorum consecuti.

Victor à Gôr dixit:

Cum peccata non nisi in ecclesiæ baptismo remittantur, qui hæreticum ad communicationem sine baptismo admittit, utrumque contra rationem facit, nec hæreticos purgat, et christianos inquinat.

Aurelius ab Vtica dixit:

Cum dicat Apostolus non communicandum peccatis alienis, quid aliud quam peccatis alienis communicat, qui hæreticis sine ecclesiæ baptismo communicat? Et ideo censeo baptizandos esse hæreticos, ut accipiant remissionem peccatorum, et sic illis communicetur.

Confessor Iambus à Germaniciana dixit:

Qui hæreticorum baptisma probant, nostrum improbant, ut extra ecclesiam non dicam lotos, sed sordidatos negant in ecclesia baptizari oportere.

Lucianus à Rucumina dixit:

Scriptum est: et uidit Deus lucem quia bona est, et diuisit inter lucem et tenebras. Si potest luci et tenebris conuenire, potest nobis et hæreticis aliquid esse commune. Propterea censeo hæreticos baptizandos esse.

Pelagianus à Lupertiana dixit:

Scriptum est: Aut enim Deus Deus est, aut Baal Deus est: ita et nunc, aut ecclesia ecclesia est, aut hæresis ecclesia est. Porro si hæresis ecclesia non est, quomodo esse apud hæreticos baptisma ecclesiæ potest?

Confessor et martyr Iader à Midila dixit:

Scimus non esse nisi unum baptisma in ecclesia catholica, et ideo non debemus admittere hæreticum, nisi baptizatus apud nos fuerit, ne se putet extra ecclesiam catholicam baptizatum esse.

Item alius Felix à Maxrazana dixit:

Vna fides, unum baptisma, sed ecclesiæ catholicæ, cui soli

licet baptizare.

Confessor Paulus ab Obba dixit:

Roma. 3. Me non mouet si aliquis ecclesie fidem, et ueritatem non uendicat, quando Apostolus dicat: Quid enim si exciderunt à fide quidam illorum? Nunquid infidelitas eorum fidem Dei euacuauit? absit. Est enim Deus uerax, est autem omnis homo mendax. Si autem Deus uerax est, quomodo esse apud hæreticos baptismi ueritas potest, apud quos Deus non est?

Confessor Pomponius à Iosimiana dixit.

Manifestum est hæreticos non posse baptizare, et remissionem peccatorum dare, qui potestatem non habent, ut aut solvere aut ligare aliquid in terris possint.

Confessor Venantius à Tinisa dixit:

Si maritus peregre proficiscens amico suo commendet uxorem suam custodiendam, commendatam sibi ille quanta posset diligentia conseruaret, ne ab aliquo sanctitas et castitas adulteraretur, Christus dominus et Deus noster ad patrem proficiscens, sponsam suam nobis commendauit, utrum ne eam in corruptam et inuiolatam custodiamus, an integritatem eius et castitatem moechis et corruptoribus prodemus? Qui enim baptismi ecclesie commune cum hæreticis facit, sponsam Christi adulteris prodit.

Aymnius ab Ausuagiga dixit:

Nos unum baptismum accepimus, et ipsum tenemus, et exerceamus. Qui autem dicit quia et hæreticis licet baptizare, ipse duo baptismata facit.

Saturninus à Victoriana dixit:

Si licet hæreticis baptizare, excusati sunt, et defensi illicita facientes. Nec uideo quare eos aut Christus aduersarios suos, aut Apostolus Antichristos eos appellauerit.

Confessor Saturninus à Tuecca dixit:

Gentiles quauis idola colant, tamen summum Deum patrem

creatorem cognoscunt & confitentur. In hunc Marcionita blasphemant, & quidam non erubescunt Marcionis baptismum probare: quomodo tales sacerdotes sacerdotium Dei aut seruant aut uendicant, qui hostes Dei non baptizant, & sic illis communicant?

Marcellus à Zama dixit:

Cum peccata non nisi in ecclesiæ baptismo remittantur, qui hæreticum non baptizat, peccatori communicat.

Confessor Hireneus ab Vlulis dixit:

Si ideo ecclesia hæreticum non baptizat quòd dicatur iam baptizatus esse, hæresis maior est.

Donatus à Cibaliana dixit:

Ego unam ecclesiam et unum baptisma eius noui. Si est qui dicat apud hæreticos esse baptismi gratiam, antè est ut ostèdat & probet esse illhic ecclesiam.

Zosimus à Tharassa dixit:

Reuelatione facta ueritatis, cedat error ueritati, quia et Petrus qui prius circūcidebat, cessit Paulo ueritatè prædicanti. Galat. 3.

Iulianus à Telepte dixit:

Scriptum est: Nemo potest aliquid accipere, nisi datum illi fuerit de cælo. Si hæresis de cælo est, pòt & baptisma dare. Ioan. 3.

Confessor Faustus à Timida regia dixit.

Non sibi blandiantur, qui hæreticis patrocinantur. Qui pro hæreticis ecclesiastico baptismati intercedit, illos christianos, & nos hæreticos facit.

Geminus à Furnis dixit:

Quidam de collegis hæreticos præponere sibi possunt, nobis non possunt, & ideo quod semel decreuimus, tenemus, ut ab hæreticis uenientes baptizemus.

Rogatianus à Noua dixit.

Ecclesiam Christus instituit, hæresim diabolus, quomodo potest habere baptismum Christi synagoga satanæ?

Confessor Terapius à Bulla dixit:

Qui hæreticis ecclesiæ baptisma concedit & prodit, quid aliud sponse Christi quàm Iudas existit?

Confessor item alius Lucius à Membressa dixit:

Ioan. 9. Scriptum est: Deus peccatorem non audit. Hæreticus qui peccator est, quomodo audiri in baptismo potest?

Item alius Felix à Buslaccenis dixit:

In hæreticis sine ecclesiæ baptismo admittendis nemo contra suetudinem rationi & ueritati præponat, quoniam consuetudinem ratio & ueritas semper excludit.

Alius Saturninus ab Itinis dixit:

Si potest antichristus dare alicui gratiam Christi, possunt & hæretici baptizare, qui appellati sunt Antichristi.

Quintus ab Aggria dixit:

Ille potest dare aliquid, qui aliquid habuerit: hæretici autem quid possunt dare, quos constat nihil habere?

Alius Iulianus à Marcellina dixit:

Matth. 6. Si potest homo duobus dominis seruire, Deo & mammonæ, potest & baptisma duobus seruire christiano & hæretico.

Tenax ab Horreis Celiæ dixit:

Baptisma unum est, sed ecclesiæ. Vbi ecclesia non est, baptisma illhic esse non potest.

Confessor alius Victor ab Assuris dixit:

Ephes. 4. Scriptum est, quia Deus unus est, & spiritus unus est, et ecclesia una, & baptisma unum. Quomodo ergo illhic baptizari aliquis potest, ubi Deus & Christus, et ecclesia una non est?

Donatulus à Capse dixit:

Et ego semper hoc sensi, ut hæretici qui nihil foris consequi possunt, quando ad ecclesiam conuertuntur, baptizentur.

Martyr de schismaticis Verulus à Ruficade dixit:

Homo hæreticus dare non potest quod non habet, multo magis schismaticus, quicquid habuit, amisit.

Pudentianus à Cuiculi dixit:

Nouitas episcopatus effecit fratres charissimi, ut sustine-
rem quid maiores iudicarent. Nam hæreses nihil habere, nec
posse manifestum est, atq; ita si qui ex ijs uenerint, baptizari
æquissime est statutum.

Martyr Petrus ab Hipponezatico dixit:

Cum baptisma unum sit in ecclesia catholica, manifestum
est, non posse extra ecclesiam baptizari. Et ideo in hæresi tina-
ctos siue in schismate uenientes ad ecclesiam, censeo baptiza-
ri oportere.

Item alius Lucius ab auasafa dixit:

Secundum autem motum animi mei, & spiritus sancti cum
sit unus Deus pater domini nostri Iesu Christi & spiritus san-
ctus & una spes, & una ecclesia, unum debet & esse baptis-
ma. Et ideo dico siquid ab hæreticis motum aut factum fuerit
rescindi debere, & eos qui inde ueniunt baptizandos esse.

Item alius Felix à Gurgibus dixit:

Ego censeo ut secundum sanctarum scripturarũ præcepta
baptizatus ab hæreticis extra ecclesiam illicite, cum confuge-
re uoluerit ad ecclesiam, gratiam baptismi ubi licet ei dari, con-
sequatur.

Pusillus à Lamasba dixit:

Ego credo baptisma salutare nõ esse nisi in ecclesia catho-
lica. Quicquid absq; catholica fuerit, simulatio est.

Martyr Saluianus à Gazausala dixit:

Hæreticos nihil habere constat, & ideo ad nos ueniunt, ut
possint accipere quod non habent.

Honoratus à Tucca dixit:

Cum Christus ueritas sit, magis ueritatem quàm consuetu-
dinem sequi debemus, ut hæreticos qui ideo ad nos ueniunt,
quia foris nihil accipere potuerant, ecclesiæ baptismi sancti-
ficemus.

Victor ab Octauo dixit:

Quod & ipsi scitis non olim sum episcopus constitutus, et
ideo expectabam prædecessorum consiliũ. Hoc itaq; existimo,

ut quicumq; ex hæresi uenerint sine dubio baptizentur.

Confessor Clarus à Musculi dixit:

Manifesta est sententia domini nostri Iesu Christi, apostolos suos mittentis & ipsis solis potestatem à patre sibi datam permittētis, quibus nos successimus, eadem potestate ecclesiam domini gubernantes, & credentium fidem baptizātes. Et ideo hæretici, qui nec potestatem foris, nec ecclesiā Christi habent, neminem baptizare baptismo eius possunt.

Martyr Secundianus à Tabeis dixit:

Non debemus hæreticos nostra præsumptione decipere, ut in ecclesia domini nostri Iesu Christi non baptizati, ac per hoc remissionem peccatorum nō cōsecuti, cum iudicij uenerit dies, nobis imputent, q; per nos non sint baptizati, et indulgentiam diuinæ gratiæ consecuti. Propter quod cum sit una ecclesia, & unum baptisma, quando ad nos conuertuntur, simul cum ecclesia & ecclesiæ baptismum consequantur.

Item alius Aurelius à Cillani dixit:

2. Ioan 1. Ioannes apostolus in epistola sua posuit, dicens: Siq; ad uos uenit, & doctrinam Christi non habet, nolite eum admittere in domum uestram, & aue illi ne dixeritis. Qui enim dixerit illi, aue, cōmunicat factis eius malis. Quomodo admitti tales in domum Dei possunt, qui in domum nostram priuatam admitti prohibentur? Aut quomodo cum eis sine ecclesiæ baptismo communicare possumus, quibus si aue tantum dixerimus, factis eorum malis communicauimus?

Confessor Lictus à Gemellis dixit:

Matth. 15. Cæcus cæcum si ducat, ambo in foueam cadunt. Cum ergo hæreticos constet non posse illuminare quenquam, utpote cæcos, baptisma eorum non ualet.

Natalis à Boëa dixit:

Tam ego præsens, quàm Pompeius Sabratenfis, quàm etiā Dioga Leptimagnensis, qui mihi mādauerūt corpore quidem absentes,

CONCILII CARTHAG.

absentes, spiritu praesentes, censemus quod & collegae nostri, quod haeretici communicationem habere nobiscum non possunt, nisi ecclesiastico baptismo baptizati fuerint.

Iunius à Neapoli dixit:

Ab eo quod semel censuimus non recedo, ut haereticos uenientes ad ecclesiam baptizemus.

Confessor & martyr Cyprianus à Carthagine dixit:

Meam sententiam plenissime expressit epistola quae ad Iubaianum collegam nostrum scripta est, haereticos secundum Evangelicam & Apostolicam contestationem aduersarios Christi & Antichristos appellatos, quando ad ecclesiam uenerint, unico ecclesiae baptismo baptizandos esse, ut possint fieri de aduersarijs amici, & de antichristis Christiani. 1. Ioan. 2.

FINIS

OPERA QVAE VIDENTUR FALSO ADSCRIPTA CYPRIANO.

DE MONTIBVS SYNA ET SION ADVERSVS IUDA EOS TRACTATVS.



ROBATIO capitulorum, quae in scripturis deificis continentur, quae in ueteri testamento figuraliter scripta sunt, per nouum testamentum spiritualiter intelligenda sunt, quae per Christum in ueritate adimpleta sunt. Nobis enim per Iesum

Christum spiritualis intellectus datus est, ipso Iesu dicente: Vobis quidem datum est intelligere sacramenta Dei, alijs autem in similitudinibus. Inuenimus in Euangelio secundum Mar. 4. Ioannem scriptum esse: Lex per Moysen data est, gratia & ueritas per Iesum Christum facta est, quae lex Moysi in Ioan. 1.

Sion et Syna
montes distin-
cti.

Esai. 2. monte Syna data est. Verum iterum inuenimus scriptum. De Sion enim exiit lex, et uerbum Domini ab Hierusalem. Quatenus hoc intelligere debemus, utrum Syna mons, ubi a Deo Moysi Lex data est, et Sion mons unde Lex exiit, an unum sint, an uero alter sit Syna mons, et alter sit Sion mons. Inuenimus hæc nomina duorum montium esse Hebraicauerunt. Latina interpretatio nominum differentium ab inuicem ostendit aliud esse Syna montem, et aliud montem Syon. Hæc est interpretatio de Hebraica lingua in Latinam. Sina mons interpretatur tentatio æterna et odium: æque et Syon interpretatur tentatio exacerbationis et speculatio. Vides ergo in Hebraica interpretatione non sibi similitudo, sed neque esse unum montem, sed potius duos inuicem a se differentes gratia et honore. Præterea cum dicat David propheta in Psalmo secundo: Ego autem constitutus sum rex ab eo super Sion montem sanctum eius. annuntians imperium eius. Ecce quatenus montem Sion sanctum designat. Vnde manifestum est montem Sion celestem esse et spiritualem, et Syna esse terrenum. Nihil enim potest quod in terra est esse sanctum, cum totus mundus propter facta mala a diabolo sit maculatus, dicente Iesu. Odit me seculum, quia et ego illud, quia mala sunt facta illius. Ex qua re quicquid est in hoc seculo terreno, sanctum esse non potest. Sion autem montem ex prophetico dicto constat esse sanctum et spiritualem. In quo monte a spiritu sancto filius Dei rex constitutus est, annuntians uoluntatem et imperium Dei patris sui: et Syna montem terrenum esse in arida terra constitutum, qui est in Syria Palestina, ubi est terra Iudæa, ubi est et ciuitas illa interfecitrix prophetarum, ante cuius portam Christus a Iudeis crucifixus est in horto, quæ ciuitas dicitur Hierusalem per Esaiam prophetam, spiritualiter uero execrata et derelicta. Nec immerito et Deus ex eodem monte Syna terreno per Moysen adhuc in carne terrena primum hominis positum populum Iudæorum

rum terreno & carnali, legem à Deo recepit illis tradendam, digitis sacris scriptam in duas tabulas lapideas, licet digitis sacris, tamen digitis in figura carnis, quasi populo carnali & durissimo, sicut fuerunt tabulae lapideae durissimae, in quibus tabulis legem acceperunt. Ideo in duabus significans unitatem populi diuidi in duas partes, partem quae saluatur, & partem incredulam quae perit, dicente angelo ad Rebeccam uxorem Isaac, Duæ gentes in utero tuo sunt, & duo populi de ventre tuo diuidentur, & populus populum superabit, & maior seruiet minori. Rebecca uero figuram portat ecclesiae, sicut Isaac uir eius typum in se portabat Christi. Ergo cum dicit, duæ gentes in utero tuo sunt, quia & de gentilibus duas partes futuras designabat, partem idololatriæ deditam, & partem credulam uiuentem per fidem, hanc unam partem gentium designat in atero ecclesiae permanere, generationem in æternum in figura Rebeccæ, & partem populi infidelium Iudeorum à ventre tunc Rebeccæ diuidi & separari à natiuitate ecclesiae. Hæc fuit præfiguratio in Genesi per angelum spiritualiter annuntiata, hæc uero nomina eorum montium talem habent interpretationem in lingua Latina, demonstrantem ueritatem, qui sint hi duo montes Syna, uel tunc Sion: quod quidem post paululum dicturi sumus. Ita enim hanc ueritatis interpretationem probauimus, de principio generis humani uenientem. Ita enim omnipotens Deus ab initio mundi, & deinceps omni homini nascendi dedit tempus, & nati nomina à parentibus suis accipiebant, non quidem ex se, sed à Deo mente impellebantur. Qui antequàm fiant, præscius futurorum, quales sona dabatur. post crementum ætatis suæ futuri essent, posteriori tempore negeti in nominibus Hebraicis designabantur. Quid singulis futurum esset, interpretatio nominum designabat ueritatem, sicuti tunc temporis in patriarchis completum est, secundum primum hominis carnem ex terra & limo esse, ex ipso protopla

Adam terra *sto probamus ueritatē.* Nomen accepit à Deo. Hebraicè *Adā* interpretatur. interpretatur terra caro facta, eò quòd ex quatuor cardini-

Esa. 40. bus orbis terrarum pugno comprehendit, sicut scriptum est:

Gen. 2. Pugno mensus est cælum, et pugno comprehendit terrā, et finxit hominē ex omni limo terræ. Ad imaginem Dei fecit illum. Oportuit illum ut ex his quatuor cardinibus orbis terræ

Stella quatuor cardinibus mundi constituta Adam componunt. nomen in se portaret Adam. Inuenimus in scripturis per singulos cardines orbis terræ esse à cōditore mundi quatuor stellas constitutas in singulis cardinibus. Prima stella orientalis dicitur ἀνατολή, secunda occidentalis δ' ὕσις, tertia stella Aquilonis ἄρκτος. Quarta stella meridiana dicitur μεσημβρία.

Augustinus tractatu. 9. et 17. in expositione Euāgelii Io. 2. Ex nominibus stellarū numero quatuor, de singulis stellarū nominibus tolle singulas literas principales, de stella Anatole a, de stella Dysis d, de stella Arctos a, de stella Mesembria m. In his quatuor literis cardinalibus habes nomen Adam. Nam et in numero certo p quatuor literas Græcas designatur ἀδ' αμ, hoc modo, α μία, id est unū, δ' τέσσαρα, id est quatuor. α, id est unū. μ τέσσαράκοντα, id est quadraginta. Ex quibus resultat numerus quadragenarius senarius, passionem carnis Ade designans, quā carnē in se figuralem Christus portauit, et eā in ligno suspendit. Quæ caro dominica à Deo patre Iesus uocata est. Spiritus sanctus qui de cœlo descēdit, Christus Dei uiui Deo uocatus est, spiritus carni mistus est Iesus Christus. Hic ergo numerus XLVI. passionē declarat, eò quòd sexto millesimo anno hora sexta passus à mortuis resurgens, quadragésimo die in cœlos ascendit. Vel quia Salomon quadragintasex annis templum Deo fabricauerit. In cuius templi similitudinem Iesus carnem suam esse dixit, dicens pharisæis: Destruite sanum istud, et ego in tribus diebus excitabo illud. Et pharisæi dicebant: Quadragintasex annis ædificatum est sanum istud, et hic in tribus diebus suscitabit illud? Dicebat autem Iesus sanum de corpore suo. Deinde Abel filius

Ad e nomen accepit Hebraicum, signans fratris interfectionē,
 & parentum luctum. Item Enoch, qui ante diluuium Deo iu-
 stus complacuit, & ideo de isto mundo in carnis suae natiuita-
 tem uiuus translatus est in loco, ubi Deus scit, ex quo loco con-
 summationem mūdi innouare habet in hoc mundo, unde etiam
 translatus est ad confundēdum & reuincendum Antichristū.

Quo interfecto martyria sua complebunt uiuentes in aeternū
 in secula seculorum : Et ideo Enoch interpretatur innouatus.

Enoch interpre-
 tatio.

Deinde Iob iustus, qui ante diem iudicij meruit uoce iudicis
 laudari, & ideo diabolo deuicto & superato, Iob interpreta-
 tur Charissimus Dei. Aequē & Abraham in sinu à natiuitate à

Iob interpreta-
 tio.

parentibus suis Abram uocatus est, tētatus uerò à Deo fidelis
 inuentus est, & à Deo benedictus pater multarum gentiū con-
 stitutus est, & ideo immutato nomine à Deo Abraham uoca-
 tus est, interpretatur pater multorum populorū. Ecce interim
 de multis probationibus pauca diximus, ut ad duorum mon-
 tium nominum prouenientes interpretationes, quorum mon-
 tium nomina probemus, qualiter designata sint ad nostrā in-
 structionem, ut ex hac interpretatione nominum intelligamus
 montem Sina esse terrenum, & montem Sion esse coelestem.

Abraham in-
 terpretatio.

Spiritualiter interpretatur Sina tentatio aeterna, & odium, &
 mons Sion tentatio exacerbationis aeternae & speculatio. Ita
 intelligitur cum dicitur mons Sina tentatio aeterna & odium,
 eo quod ex eo monte Moyses legem acceperit populo duris-
 simo & contumacia. Per quā legem tentati à Deo aeterno, &
 inuenti sunt non posse eandem legem suslinere in perpetuum,
 exinde Deo in odium conuersi sunt. Ideo in nomine montis
 Sina, unde legem acceperant, interpretatio nominis designa-
 uit populum tentatum à Deo, & in aeternum odium esse con-
 uersos, ideo dicitur Sina tentatio aeterna & odium. Inueni-
 mus in scripturis eos esse à Deo tentatos ita positum, dicente
 Domino ad Moysen : Exeat populus iste, & colligant diu-

Sina quid my-
 stice.

Exod. 16.

num in diem, & tentabo eos an possint legem meam sustine-
 re an non. & tentati à Deo per legem, inuenti sunt ab ea lege
 alieni. Exinde Deo in odium æternum conuersi sunt, & com-
 pleta est interpretatio Syna. Manifesta uerò & Moysen, per
 quem eos Deus per legem tentauit, in Latīno interpretatur si-
 militer Moyses tentatio Dei, & inuentio, per quem tentati à
 Deo inuenti sunt alieni à legis obseruatione; ideo in æternum
 Deo in odium cōuersi sunt. Hoc odium in ipso genere Iudeo-
 rum scriptū inuenimus dicente Isaac de duobus suis filiis Esau
 maiore, & Iacob minore, dicens: Iacob dilexi, Esau autem o-
 diū habui. Esau uerò maior pilosus fuit totus, inquit, quasi co-
 rium pilosum, in figurā populi maioris impietate delictorum
 suorum constitutus. Et Iacob fuit lenis & minor in figura po-
 puli nouellioris, qui ex dicto audientiam per credulitatis fidē
 ex aspredine seculi in lenitatem conuersus est ad Christum Do-
 minum; & Dei filium. Ecce probauimus per scripturarum
 fidem populū maiorem & uetastiorē esse Deo in odiū con-
 uersum, secundum interpretationem montis Syna dicentis, ten-
 tatio æterna & odium. Atque etiam Sion mons ita interpre-
 tatur, tentatio exacerbationis & speculatio. Hec uerò inter-
 pretatio Latina ligni sacri passionem designat, dicente Salo-
 mone de ipsa passione dominica: Contumelia & tormento in-
 terrogemus illum, ut sciāmus reuerentiam illius, & probemus
 patientiam ipsius, & tentemus quæ uentura sunt illi. Si enim
 uerē filius Dei est, suscipiet illū, & liberabit eum de manibus
 contrariorum, morte turpissima condemnemus illum. Hec co-
 gitauerunt, & errauerunt, excæcauit illos malitia ipsorū, &
 non intellexerunt sacramenta Dei. Ecce tentatores Iudeos. Itē
 scriptum est: Et tentauerunt Deum in loco in aquosō. Speculū
 uerē altitudinem ligni declarat, dicente Salomone: Posuerunt
 me uelut custodiam pomarij, eo quod in horto in ligno con-
 fixus inter duos latrones pependit, & de altitudine ligni an-

bos specularum in figura duorum populorum malefactorum.
 Gentes in seculi mala facta iacentes, & Iudeos interfectores
 prophetarum. Hi sunt duo populi malefactores, quorum figuram
 in se portabant duo latrones, inter quos pependit innocens.
 Vnus blasphemabat, alius uero confessus est, quia innocens in
 iuriam patitur. Iesus autem ambos specularum de ligno spe-
 culatorio blasphemum & confessorem, confessorem saluauit,
 & blasphemum perdidit, sicuti de duobus populis fecit. Per-
 secutores derelicti, qui in aeternae mortis sententia sibi non
 crediderint, si sic de seculo exierint, perient. Gentes uero
 ad se conuersae fidem sibi habentes, quia filius Dei est, sala-
 uati uidebunt in aeterna secula seculorum imperatorem &
 regem suum. Verum ipsam passionem pendens in ligno, du-
 as partes populi, prospiciens specularum, de alto ligno para-
 tem populi, qui uiderat uirtutes eius mirabiles & deificas,
 patientem illum: Alij iniuriam dolentes plorabant, alij ue-
 ro Iudei irridentes de arundine caput ei quassabant blasphemantes
 & dicentes: Aue rex Iudeorum: Vbi est pater tuus?
 ueniat & liberet te de cruce. Exinde exacerbat pater fecit
 coelum patefieri & tonitrua facta sunt insuscinibilia, terra co-
 mota, patefacta sunt sepulchra & corpora, à semetipso uelut
 templi scissum est in duabus partibus, & à tanto fragore coeli
 & terrae motu omnes qui stabant ante lignum, alij dolentes,
 alij uero blasphemantes illudentes prostrati in faciem iacue-
 runt tremantes tanquam mortui. Tunc Iudei intellexerunt se
 offendisse Dominum, & in luctum conuersi sunt, & fuit exa-
 cerbatio. Eo enim tempore quo in ligno confixus pependit,
 dies fuerunt azymorum, qui sunt dies festi Iudeorum. Eo die
 metuentes factum esse terrae motum & coeli fragorem prostra-
 ti facie in terra plangentes in luctum conuersi sunt, & in ipsa
 passione compleuit propheticum dictum: Et conuertam dies
 festos eorum in luctum, & cantica eorum in lamentationem.

Latro blasphemus.

Latro confessor.

Matth. 27.

Ioan. 19.

Amos. 3.

terram cadet, hæc sola passio crucis stantem demonstrat. Unde uere dicimus montem sanctum lignum esse passionis. Inde innocens manibus & mundo corde, hoc dicto prophetico Iudæos redarguebat, qui Moysen præponentes Christo domino illius, eò quòd Moyses cum in montem Syna ascendisset, ut legem Iudæis acciperet, innocens manibus & mundo corde non fuit. Neque enim mundo corde, eò quòd Aegyptium calce percussit in Aegypto, & mortificauit eum, cum manibus suis in arena obruerit. Christus autem in montem sanctum ascendit lignum regni sui, ut moreretur à Iudæis, quanquam ipse aliquem hominum non mortificaret, nisi solum diabolum inimicum generis humani. Exinde in montem ascendens innocens & mundo corde, & ideo propheta dicit: Quis ascendet Psal. 13.
in montem domini, & quis stabit in loco eius? Innocens manibus & mundo corde. Et declarauit montem Sion sanctum esse sanctam crucem, dicente æque propheta: De Sion exiet lex, Esa. 2.
& uerbum domini ab Hierusalem. Lex christianorum crux est sancta Christi filij Dei uiui, dicente æque propheta: Lex tua in medio uentris mei. Percussus in lateris uentre de lancea, sanguis & aqua mistus perfusus affluebat, unde sibi ecclesiam sanctam fabricauit, in qua legem passionis suæ consecrabat, dicente ipso: Qui sitit, ueniat & bibat. Qui credit in me, sicut Ioan. 7.
scriptum est, flumina de uentre eius fluent aquæ uiuæ. Item in psalmis: Et erit uelut lignum quod plantatum est secus de- Psal. 1.
cursus aquarum, quod fructum suum dabit in tempore suo. Ecce uerbum propheticum fructum resurrectionis die tertio spiritualiter intelligendum, dicēs: De Sion enim exiet lex, hoc est, de ligno regali, & uerbum domini ab Hierusalem, quæ est ecclesia. Caro ligno confixa emisit uerbum dominicum, dicēs: heli, heli. Et adimpletum est per propheticum spirituale ante dictum: De Sion exiet lex, & uerbū domini ab Hierusalem. De qua dicitur in Apocalypsi: Vidi Hierusalē de cælo descende Apoc. 21.

dentem nouam ciuitatem quadratam per quatuor euangelia, habentem duodecim fundamenta duodecim prophetarū, duodecim portas duodecim apostolorum, per quorum annuntiationem christiani in hanc ciuitatem sanctam et nouam introierunt, quæ spiritualis est ecclesia. Ecce probauimus per omnium scripturarum deificarum fidem duos montes Syna in terra, et Sion in caelo, duorum testamentorum portare figuram, ueteris Syna, et noui Sion. Ex quibus Sion et Syna duobus montibus uide et duo testamenta, his posteriori tempore demonstratos et declaratos duos populos, ueterem et priorem Iudeorum, et nouum et posteriorem populum christianorum: Iudeos terrenos, qui terram promissam à Deo acceperunt carnales, et christianos caelestes, qui regnas caelorum à Deo promissa accepturi sunt in futuro seculo. Caro enim christianorum spiritualis, et immortalis erit. Aliam probationem ueritatis in scripturis positam ex ea ueritate caelestem et spiritudinem facimus figuratam comparisonem de huiusmodi conuersis. Diximus enim montis sancti Sion, quod lignum regale et sacrum haberet interpretationem de Hebraico, Græco uel Latino, tentatio exacerbationis uel speculatio, eo quod de ligno speculabatur ante se stantes bonos et malos. Ita inuenimus ipsum saluatorem per Salomonem speculum immaculatum patris esse dictum, eo quod sanctus spiritus Dei filius geminatum se uideat pater in filio, et filius in patre, utriusque se in se uident; ideo speculum immaculatum. Nam et nos qui illi credimus, Christum in nobis tanquam in speculo uidemus, ipso nos instruente et monente in epistula Ioannis discipuli sui ad populum: Ita me in uobis uidete, quomodo quis uestrum se uidet in aqua aut in speculo. Et confirmat Salomonicum de se dictum, dicens: Qui est speculum immaculatum patris. Verum etiam et uitem se esse dixit, patrem suum agricolam. Si ergo Christus uitis uera; utique constat quia et nos qui in illo credimus, et ipsum induimus,

Christus pater
et speculū.

Sapient. 7.

Ioan. 15.

sumus uitis uera, quæ est uinea dominica: Et Christus custos
 uineæ suæ dicente Sodomone: Posuerunt me custodem in ui- Canti. 1.
 neam. Inuenimus ergo in conuersos huiusmodi in similitudi-
 nem spiritualement figurat. esse uineam habentem dominum
 et possessorem suum. Verum tempore maturo propè dies uin-
 demiarum ponunt in uineam custodem puerum in alto ligno
 media uinea confixus, et in eo ligno faciunt speculum quadratū
 de arundinibus quassatis, et per singula latera quadraturæ spe- Canti. 1.
 culi faciunt cauernas ternas, quæ faciunt cauernas duodecim.
 Per quam quadraturam cauernarum custos puer omnem ui-
 neam perspiciebat custodiat cantans, ne uiator ingrediens ui-
 neam dominicam sibi assignatam uexet, uel fures uiam uineæ
 conculcent. Quod si importunus fur egens in uineam uolaerit
 introire et uiam demere, illic puer sollicitus de uinea sua de-
 intus de specula dat uocem maledicens et comminans, ne in ui-
 nea uiator fur audeat accedere, dicens, rectus ambula. Fur au- Canti. 1.
 tem timens uocem pueri sibi comminantis refugit de uinea, spe- Canti. 1.
 culum uidet, uocem audit, puerum intus in speculo sibi comi-
 nantem non uidet, timens post uiam suam uadit. Hic conuersus
 secularis simulat gratiæ spirituali. Ita est enim et in populo
 deifico sicut in uinea terrena. Uinea dominica et spiritualis
 plebs est christianorum, quæ custoditur iussu Dei patris à pue-
 ro Christo in ligni speculo exaltato. Quod si uiator diabolus
 perambulans uiam secularem, si ausus fuerit de uinea spirituali
 hominem de plebe dominica separare et uexare, statim à pue-
 ro cælesti correptus, et spiritualibus flagris emendatus, exu-
 lans ad centesimam effugit in locis aridis et desertis. Hic est
 custos puer filius dominicus, qui uineam suam sibi à patre com-
 mendatam saluandam et reseruandam custodit, pro quo per
 Esaiam prophetam canit, dicens: Ecce puer meus filius meus Esa. 41.
 dilectissimus, super eum ponam spiritum meum, et iudicium
 gentibus nuntiabit, non clamabit neque contendet. Arundinem Matth. 11.

quassatam non confringet, & linum sumigans non collocabit, quoadusque expellat in contentione iudicium, & in nomine eius gentes credant.

TRACTATUS DE RE-
uelatione capitis beati Ioannis Baptiste.

Macheronia.



Ossa Ioannis
collecta.

Ioannes trun-
catus.

NArrat Iosephus uinctum fuisse Ioannem Baptistam in castello Macheronta, ibiq; caput eius truncatum fuisse, ac denuo sepultum in Sebaste ciuitate regionis Palestinae, quae quondam Samaria est appellata. Post longum uero tempus monumentum eius pagani inuascerunt, & ossa per campi planitiem dissepauerunt, rursumq; collecta, igne concremauerunt, & postea per agros cremata proiecerunt. Postea uero aduenerunt quidam monachi religiosi uiri de Hierosolymis ad locum eiusdem monumenti, audientes ea quae Ioanni acciderant, & quicquid potuerunt ex ossibus illius colligentes ad patrem suum Iosephum detulerunt Hierosolymam, & ille transmisit ea cum alijs uiris religiosijs Athanasio Alexandriae pontifici fidelissimo. Ibiq; miro modo fuerunt seruata usq; ad tempus Theophili eiusdem urbis episcopi. Qui Theophilus iubente Theodosio principe omnia idolorum fana in illa regione Christo fauente destruxit, & ecclesiam mirae magnitudinis construxit, et in honorem eiusdem sancti Ioannis Baptiste consecrauit, & illius ossa quae sibi direxerat suprascriptus Athanasius in eadem ecclesia quae congregatis sibi uicinis pontificibus ex omni parte cateruatim omnibusq; ordinibus clericorum, et populorum honorifice constituit. Igitur accedente paschali festiuitate decollatus est Ioannes Baptista imperante nequissimo Herode, qui dari saltanti puellae caput eius iussit, & multo post decollationem eius, accedente illo anno quo constructa est ecclesia in

nomine eius, & ossa eius ibidem collocata à Theophilo ponti-
 fice, iubente Theodosio principe, in honorem eius consecrata. *Decollationis*
 est quarto calendas Septembris. Solennitas namq; eius mirifice *Ioannis insti-*
 est consecrata in dedicando. Caput autem illius tunc temporis *tuta solenni-*
 repositum adhuc erat in loco quo illud in absconso uxor Hero- *tas.*
 dis deposuerat, nemine sciente postquam à filia in disco susce-
 pit. Siquis omnia plenius uoluerit scire, chronicam Marcelli
 principis legat, & ibi reperiet duos monachos ab Oriente in
 Hierusalem uenisse causa orationis, in tempore Martiani im-
 peratoris. Quibus monachis in uisione angelica dictum est:
 Ite ad palatium Herodis, qui quondam hic fuit perfidus prin-
 cept, introeuntes perspicite diligenter, & ubi sumum è terra
 ascendentem uideritis, fodientes ibi caput Ioannis Baptiste in
 cunctanter inuenietis. Et ita fecerunt, & cum magno honore *Ioannis caput*
 clanculum secum Hierosolymam deportauerunt. Et non multo *inuentum.*
 post à latronibus raptum est: mittentes in quodā specu ibidem
 dimiserunt, donec idem Ioannes Christo auxiliante cuidam ui-
 ro religioso nomine Marcello sacerdoti, qui in eodem specu
 morabatur ut eremita, reuelauit, dicens: Accipe caput meum,
 quod in hoc specu depositum est à latronibus, et defer illud Iu-
 ranno episcopo, qui nūc præest Alexādræ ciuitati post Theo-
 philum Deo charum, ubi reliquie corporis mei requiescūt. Et
 sic fecit Marcellus Christo annuente. In eadem igitur solennita-
 te collectionis reliquiarum illius & translationis, & ecclesie
 consecrationis allatum est caput Ioannis Baptiste ad ciuita-
 tem Alexandrie à Marcello presbytero, & datum Iuranno
 episcopo, quarto calendas Septembris. Et Iurannus suscepit,
 illud collocans mirabiliter in eodem loco perpetim custodienda-
 m. Et ideo hodierna festiuitas collectio beati Ioannis Ba-
 ptiste non decollatio nominanda Christo annuente, sed inuenta
 tio ac reuelatio capitis eius. Iamq; idem uir domini Iuran-
 nus episcopus & Marcellus sacerdos feliciter ad dominum ex

hoc mundo in pace migrauerat. Annis euoluentibus non plurimis euidam uiro religioso sacerdoti ac monacho Felici nomine, qui orationis gratia ab occidentali parte in illis diebus Hierosolymam adierat, angelica uisione dictum est: Felix surge concitus, et pergens ad ciuitatem Alexandrie, inuenies ibi ecclesiam in honorem sancti Ioannis Baptiste consecratam, ubi caput eius, cum tribus paruulis innocentibus reconditum est. Quod accipiens transijt in partibus Galliarum, in regione Aquitanie, in loco quem tibi ostendero. De qua uisione certus experges factus reuerendus senex, gaudio amplissimo repletus, pergens illico ubi iussus fuerat, sicuti ei dictum fuerat, cuncta reperiens, rectori sui itineris grates innumeras rependit. Properansq; ad locum, thesaurum sibi a Deo destinatum in unius sportellae conclusit sinu. Statimq; retro iter arripiens iunctis sibi socijs septem fratribus suis, qui cum eo ibi erant, uallansq; omnem regionem illam, perueniens ad littora maris, inuenit nauem cum remigibus ac gubernaculis a Deo paratam: Quam ingressus est, cum thesauro, et magni pretij margaritis. Igitur fratres et socij eius descendentes cum eo in nauem gratias agentes in hymnis, et laudibus Deum benedicentes, alta petunt æquora. Cumq; in mare iter agere cœpissent, Felix eleuatis oculis ad coelum palmas tetendit, dicens: Domine Iesu Christe, qui fecisti coelum et terram, mare et omnia, que in eis sunt, et profundum abyssi intueris, qui super undas maris siccis pedibus ambulasti, et Petrum mergentem manu erexisti, et Paulum ter de naufragio liberaasti: libera nos de magnis fluctibus huius pelagi, ut uiuentes benedicamus nomen tuum in secula. Mittere etiam domine dignare sanctum Angelum tuum de coelis, ut sit dux itineris nostri, sicut fuit quondam patribus nostris, quando eduxisti eos de terra Aegypti in fortitudine magna, et in manu tua ualida, et perduc nos recto itinere ad locum aptatum, ad sanctas et pretiosas margaritas collocan-

das. Hæc & his similia orante beato Felice, ecce nubes lucida, *Columba Fe*
 descendit super nauem, & de medio nubis egressa est columba, *lci apparuit.*
 ad instar niuis, & super puppin naui immobilis persistit. tam
 in die quàm in nocte, usque dum in partibus Aquitanie ad lit-
 tus maris Oceani pertingerent. Cumq; non longè à terra se
 esse cognouissent, diuerterunt ad portum qui appellatur An-
 golismensis, qui est situs in pago Alniensi. Ibiq; exeuntes de
 naui ad terram paulisper requieuerunt. Mouentes autè ex eo-
 dem loco quasi miliaria duo, inuenerunt eminus corpora mor-
 tuorum, regem uidelicet Vuandalorum cum omni exercitu suo
 iacentem super faciem terræ, ut opinor, quasi uiginti millia ui-
 rorum. Quoniam egressus fuerat isdem populus crassa ceruici-
 ce de uagina sua per mare cum classe magna, & uentus uehe-
 mens irruit in eos, & transuexit in partes Occidentis in su-
 pradictum portum Angolismensem. Nuntiatumq; est Pipino
 regi Aquitanorum, quòd gens Vuandala regnum eius inuade-
 ret. Misitq; in omnes terminos Aquitanorum ac Xactonicæ,
 necnon Angolismæ, siue in omnes terminos eorum, ut contra
 eos pergerent ac dimicarent, quia isdem rex Pipinus tunc mor-
 rabatur in territorio Alniensi super fluuium Vultonna, in pa-
 latio qui uocatur Engeriacus, inter medios fines Pictauorum
 ac Xactonicæ. Deniq; cum isdem rex Pipinus cum omni mul-
 titudine armatorum occurreret hostibus suis, fecit Dominus sa-
 lutem magnam omni exercitui suo, ita ut nullus euaderet ex hac
 multitudine, qui non cæde uastaretur. Supradictus autem rex
 uidens sibi à Domino auxilium de cælo fuisse præstitum, &
 ultorem de inimicis, ita ut non minuerentur de exercitu suo nisi
 uiginti uiri quos præ cæteris ualde diligebat. Quos accipiens
 singulis deposuit fretris. Letus pro uictoria, mæstus pro
 amissorum funeribus exercitum reuocat, pergera cupiens ad
 propria. Cumq; ab hac cæde quasi quatuor miliaribus distan-
 ti essent, figere tentoria imperat, pressusq; somno strati

Vuandali in
 Aquitaniam
 detecti.

Pipinus Vuā
 dalis occurrat.

Pipinus mi-
 lor.

Vox ad Pipi-
num.

suam parari in papilionibus iubet. Tūc pro lassitudine somno
 ingruente vox diuina oblata est, dicens ad eum: Cur te piger
 somnus ita pressit? Noueris magni uiri Ioannis Baptiste ca-
 put ex transmarinis partibus ab Oriente cum tribus paruulis
 innocentibus ad hunc pagum deferri, et propter eius meritum
 in hoc praelio diuinitus uictoriam tibi à domino esse collatam.
 Respondit ei rex Pipinus in uisione, dicens: Si tanta beneficia
 propter eius meritū in me uigent, indica mihi quid agam: aut
 quemadmodum inuestigare uel inuenire potero eum. Respon-
 dit ei uox diuina, dicens: Ecce post tergum tuum sequuntur te
 septem fratres in habitu peregrinorum, et unus qui ceteris
 praeesse uidetur Felix uocatur. Vade in occursum eorum cum
 paucis, et in humilitate cordis benigne suscipe. Adornatisq;
 pretiosissimis margaritis pacifice tecum ducere coneris, et ui-
 debis magnalia Dei. Vir autem domini Felix uisa tanta multi-
 tudine caesorum corporū pauore perterritus, tamen de adiuto-
 rio Dei confusus confortat socios, et ut paulisper iter agerent,
 admonet. Diuertentesq; ex aduerso paruulum sibi statuerunt
 habitaculum, ut eadem nocte usque mane in eodem permane-
 re potuissent. Prædictus autem rex Pipinus à somno euigilans
 intra semetipsum cogitare tacitus cœpit ex uisione quam
 uiderat, quid agere deberet, recogitans quia in antiquis est
 sapientia et multorum præteritorum prudentia. Mittensq;
 concitus accersiri iubet uirum prudentem, ac in omnibus ope-
 ribus pollentem nomine Felicem, ut de tanta manifesta uisio-
 ne dominum pulsarent, ut eis salubre consilium suggerere di-
 gnaretur. Igitur consilio inuentum est, ut exutis uestibus et
 calciamentis suis in cinere et cilicio nudis plantis inceden-
 tes, sicuti oraculo diuino admonitus fuerat, obuiam famulis
 Dei procederent. Cumq; se mutuo conspexissent iacentes, tam
 ipse quam omnes qui aderant, proni in terram tandiu ado-
 rauerunt, quoadusque famuli Dei ad locum ubi iacebant per-
 tingerent,

Somus pruden-
 tes.

Ceremonia
 in suscipiendo
 capite Ioannis.

tingerent. Cumq; Dominum benedixissent, & se inuicem salutassent, osculum pacis sibimet dederunt. Leuantesq; se à terra lachrymabiliter interrogabant se inuicem, qua causa hæc quæ uiderant & audierāt, accidissent. Vir autē Domini Felix cuncta intelligens à Deo esse manifesta, rexit historias quemadmodum Hierosolymis iuerit orationis gratia, & thesaurum suum absconditū diuina misericordia ei reuelauerit, & facta oratione cum omnes respondissent: Amen: eleuatis Felix pretiosissimis margaritis, capite scilicet Ioannis Baptiste & reliquijs sociorum eius beatorum martyrum innocentium cum hymnis & laudibus psallentium dirigit chorum. Quo audito cunctus exercitus qui in castris erat, quasi unus uir ei obuiam processit numero triginta milia uirorū. Exequias uerò mortuorum qui in prælio corruerant, secum deferentes petebant auxilium à Domino per præcursores suos Ioānem, ut cuius reliquie deportarentur diuina gratia manifestare dignaretur, promittentes se tantam fidē habere ut quicquid peteretur, sanctus Ioannes Domino annuente, tribuere posset. Apprehendentesq; sportellam, in qua beati Ioannis Baptiste caput continebatur, singulis feretris imposuerunt mortuos tangentes. Miro atq; inestimabili modo mox ut tetigit ossa iacentium, uita per mortuum mortuis reddita est. Surrexerūt autē eadem

Mortuis per
mortuum red
dita uita.

hora ab officio funeris uiginti uiri tam celeriter ac si à somno essent excitati, & qui à flentibus amicis portabantur ad tumulandū, iisdē gaudentibus ad uitā redirēt. Videns autē rex Pipinus & cunctus exercitus magnalia quæ circa eos Dñs gesserat per præcursores suos Ioannē Baptistam, plaudentes manibus benedicebant Dñm, qui fecit mirabilia in cælo & in terra. Vir autem domini Felix & socij eius gaudio repleti, unā cum rege Pipino & exercitu eius leuātes caput beati ac præcellentissimi præcursoris Christi Ioannis Baptiste & beatorum innocentium, cum gaudio & lætitia iter agere coepe-

Cecus illumi
nauit.

runt. Cumq; nulla mora fieret in eundo peruenerunt ad quan-
dam uillam, quæ appellatur Vltronia. Cumq; ibidem pauli-
sser quieuissent, obuius eis quidam cæcus factus est, qui statim
sanus effectus est per beatissimi præcursoris merita. Cumq; de
eodem loco eis moueri placuisset, arripiunt iter per uiam quæ
ducit ad paludem cognomen Matheuallis. Cumq; eis aliquana-
tulum ibi requiescere placuisset, ecce quidam debilis pedibus
qui se erigere omnino nequibat, rependo se trahens obuiam
eis processit. Iamq; propinquantibus ad locum quò tendebant,
super fluuium Vultonna ad palatium nomine Engeriacum per-
uenerunt. Audiens autem omnis populus à maximo usque ad
minimum, à uiro usq; ad mulierem, omnes simul in unum con-
globati obuiam eis processerunt. Cumq; ibidem ante palatium
regis Pipini uenissent, in basilica beatissimæ & gloriosissimæ
semper uirginis Mariæ cum magno seruire & studio illico
ad custodiendum deposuerunt. Letatusq; est uniuersus popu-
lus letitia magna, & celebrauerunt solennitatem huius diei
quarto calendas Septēbris, & reuersi sunt unusquisq; ad ha-
bitacula sua. Igitur beatus Felix & socij eius cum uenerando
rege inter cætera Dominum deprecabantur, ut eis salubre con-
siliū suggereret, quoniam in loco sancta membra locarent.
Aedificantes quæ basilicam, & in ea ciborium cum sex colu-
mnis marmoreis mirifici operis bene compositis non longe à
Vultonnæ littore, sed, ut arbitror, centum stadijs. In quo cum
aromatibus & plurimis bonis odoribus cōdientes caput beati
Ioannis Baptiste almi præcursoris Christi, & beatorum trium
innocentium corpora simul in hoc ciborio concluderunt. Do-
mino autem auxiliante hoc ædificium completum est feliciter.
Fecit etiam idem rex fontē ductorium, qui à duobus serè mil-
liarijs per profundissimos terræ meatus ad palatium eius du-
ctus decurreret, & ut in ipsam basilicam per ferrum & æs in-
troducerentur, ac subtus ciborium per concauam marmoreā co-

lunam ebulliret. Ibiq; sacri baptismatis ablutio fieret: sicq;
iterum ad primos aditus reflecteretur. Conuocans igitur rex
Pipinus & beatus Felix pontifices & sacerdotes, omnes que
patriæ nobiles, benedicētes ecclesiam, atq; in honore eiusdem
Ioannis Baptiste dedicando mirifice consecrantes, & præ-
dijs ac possessionibus suis à progenitoribus sibi dimissis eam
nobiliter dotauerunt. Ordinatisq; omnibus necessarijs, mona-
chos ibidē Deo in perpetuū seruituros statuerūt. Postmodum
multa domino mirabilia operāte per famulum suum Ioannem
Baptistam. Tandē uero metan narrationi ponētes, oremus im-
mensitatem bonitatis Christi, ut sua potenti dextera suffultos
nos ad æternæ quietis stationē perducatur: qui uiuit & regnat
cum pater & spiritu sancto per omnia secula. Finis.

EXPOSITIO IN SYM- bolum apostolorum.



MHI quidem fidelissime papa Laurenti ad
scribendum animus tam non est cupidus,
quā nec idoneus, scienti non esse absque
periculo multorum iudicijs ingenium tenue
& exile committere. Sed quoniam, ut con-
ueniatis quæ dixerim temere in epistola per
Christi me sacramenta, quæ à nobis maxima cum reue-
rentia suscipiuntur, astringis, ut aliquid tibi de fide, secun-
dum symboli traditionem rationemq; componamus, quam-
uis supra uires nostras sit pondus præcepti. Nō enim latet sen-
tētia illa sapiētū quæ probè admodū dicit, quia de Deo dicere
etiā uera, periculosum est. Tamē si expositionis à te impositæ
necessitatem orationibus iuues, dicere aliqua obediētiae magis
reuerentia quā ingenij præsumptione tentabimus, quæ qui-
dem non tam perfectorum exercitijs digna uideantur, quā
ad paruulorum in Christo & incipientium liberentur audi-
tum. Et quidem comperi nonnullos illustrium tractatorum

aliqua de his pie & breuiter edidisse. Photinum uerò hæreticus
 cum scio eatenus conscripsisse, non ut traditionem dictorum
 audientibus explanaret, sed ut simpliciter & fideliter dicta
 ad argumentum sui dogmatis trahere, cum in his uerbis san-
 ctus spiritus prouiderit, nihil ambiguum, nihil obscurum, ni-
 hil à reliquis dissonans poni, quia in his uerè completur pro-
 phetia qua dicitur: Verbum enim consummans & breuians
 in æquitate, quia, uerbum breuiatum faciet dominus super ter-
 ram. Nos ergo uel simplicitatem suam uerbis apostolicis red-
 dere & assignare tentabimus, uel quæ omiſsa uidentur à prio-
 ribus adimplere: sed ut manifestius fiat argumentū uerbi hu-
 ius, ut diximus, breuiati, causam qua hæc traditio ecclesijs da-
 ta est, ab origine repetemus. Tradūt maiores nostri quòd post
 ascensionem Domini cum per aduentum sancti spiritus super
 singulos quosque apostolos igneæ lingue sedissent, ut loque-
 ris diuersis uarijsq; loquerentur, per quod eis nulla gens ex-
 tera, nullæ lingue barbaræ inaccessæ uiderentur, & in uia
 præceptū eis à Domino datum ob prædicandum Dei uerbum
 ad singulas quasque proficisci nationes. Discessuri itaque ab
 inuicem normam prædicationis in commune constituunt: ne
 fortè alius ab alio abducti diuersum aliquid his qui ad fidem
 Christi mutabantur exponerent. Omnes ergo in uno positi,
 & spiritu sancto repleti, breue istud futuræ sibi, ut diximus,
 prædicationis indicium, confrendo in unum quod sentiebat
 unusquisque componunt, atque hanc credentibus dandam esse
 regulam statuunt. Symbolum autem hoc multis & iustissimis
 ex causis appellare uoluerunt. Symbolum enim Grece, indi-
 cium dici potest & collatio, hoc est, quod plures in unum con-
 ferunt. Id enim fecerunt apostoli in his sermonibus, in unum
 conferendo unusquisq; quod sensit. Iudicium autem uel signum
 idcirco dicitur, quia illo tempore sicut & Paulus Apostolus
 dicit, & in Actibus Apostolorum refertur, multi ex circūcis

2. Cor. 11.

Act. 15.

Iudeis simulabant se esse Apostolos Christi, & lucri alicuius uentris gratia ad prædicandum proficiscebantur, nominantes quidem Christum, sed nõ integris traditionum lineis nuntiantes. Idcirco ergo istud indicium posuere, per quod agnosceretur is qui Christum uere secundum apostolicas regulas prædicaret. Deniq; & in bellis ciuilibus hoc obseruari serunt, quoniam & armorum habitus par, & sonus uocis idem, & mos unus est, atque eadem instituta bellandi, nequa doli subreptio fiat, symbola discreta unusquisq; dux suis militibus tradit, quæ Latine uel signa, uel indicia nominantur, ut si forte occurreret quis de quo dubitetur, interrogatus symbolū prodatur si sit hostis an socius. Idcirco deniq; hæc non scribi charitulis, atq; membranis, sed retineri cordibus tradiderūt, ut certum esset neminem hac ex lectione, quæ interdum peruenire etiam ad infideles solet, sed ex apostolorum traditione didicisse sufficeret. Discessuri ergo, ut diximus, ad prædicandum istud unanimiatis, & fidei suæ indicium apostoli posuere, non sicut filij Noe discessuri ab alterutrum, turrem ex latere cocto, & bitumine construentes, cuius cacumē pertingeret usq; ad cœlum, sed munimenta fidei, quæ starent aduersum faciem inimici ex lapidibus uiuis, & margaritis dominicis ædificantes, quæ neque uenti impellerent, neque flumina subuerterent, neque tempestatum ac procellarum turbines permouerent. Merito ergo illi abinuicē separandi, turrem superbiæ ædificantes linguarum confusione damnati sunt, uti ne unusquisq; posset aduertere proximi sui loquelam. Isti uerò qui turrem fidei construebant, omnium linguarum sciētia, & agnitione donati sunt, ut illud peccati, hoc fidei probaretur indicium. Sed iam nobis etiam de ipsis aliquid cōtrectandum est margaritis, in quibus primo in loco fons, & origo omnium bonorum ponitur, cum dicitur, omnipotentē. Verum priusquam incipiā de ipsis sermonem uirtutibus disputare, illud non importunē cōmendandum

Gen. ii

puto, quòd in diuersis ecclesijs aliqua in his uerbis inueniuntur adiecta. In ecclesia tamen urbis Romæ hoc non deprehenditur factum, pro eo arbitror quòd neq; hæresis ulla illhic sumpsit exordiu, & mos ibi seruatur antiquus apud eos, qui gratian baptismi suscepturi sunt, publico, id est, fidelium populo audiente symbolum reddere, & utique adiectiones unius salutem sermonis eorum qui præcesserunt in fide non admittit auditus. In cæteris autem locis quantum intelligi datur, propter nonnullos hæreticos addita quædam uidentur, per quæ nouellæ doctrinæ sensus uideatur excludi. Nos tamẽ illum ordinem sequimur, quem in Aquileiensi ecclesia per lauacri gratiam suscepimus. Credo ergo primo omnium ponitur, sicut & Paulus Apostolus ad Hebræ. scribens, dicit: Credere enim primò accedentem oportet ad Dominum, quia & credentibus in se remunerator sit. Sed & propheta dicit: Nisi credideritis non intelligetis. Vt ergo intelligentiæ tibi aditus pateat, rectè primo omnium te credere profiteris, quia nec nauẽ quis ingreditur, & liquido ac profundo uitam committit elemento, nisi se prius credat posse saluari. Nec agricola semina sulcis obruit, & pro frugibus spargit in terram, nisi crediderit uenturos imbres, affuturum quoque Solis teporem, quibus terra consota, segete multiplicata, frugem producat, ac uetis spirantibus nutriat. Nihil deniq; est, quod in uita geri possit, si non credulitas antè præcesserit. Quid ergo mirum si accedentes ad Deum credere nos primò omnium profiteamur, cum sine hoc nec ipsa exigi possit uita cõmunis? Hæc autem idcirco in principijs præmisimus, quia pagani nobis obijcere solent quòd religio nostra, quæ quasi rationibus deficit, in sola credendi persuasione consistat. Et ideo ostēdimus nec agi, nec stare aliquid posse, nisi præcesserit uis credendi. Denique ideo & matrimonia contrahuntur, quia creditur successura posteritas: & pueri discendis artibus traduntur, quia magistrorum in disci-

Hebr. 11.

Esa. 7.

pulos transfundenda creditur disciplina. Imperij quoque insignia unus suscipit, dum credit sibi urbes, et populos, armatum etiam exercitum parituros. Quod si hæc singula nisi prius crediderit futura, nullus aggreditur, quomodo non multo magis ad agnitionem Dei credendo ueniatur? Sed uideamus quid iam breuius hic symboli sermo proponat.



Redo, inquit, in Deo patre omnipotente, Orientales ecclesie omnes ista tradunt: Credo in uno Deo patre omnipotente. Et rursum in sequenti sermone ubi nos dicimus. Et in Christo Iesu unico filio eius: unum scilicet Deum, et unum Dominum secundum auctoritatem Pauli Apostoli profitentes. Sed de hoc insequentibus repetamus. Nunc interim quod ait: In Deo patre omnipotente, uideamus. Deus enim, quod inopinari potest humana mens, nature ipsius uel substantie, quæ est super omnia, est appellatio. Pater uero arcani, et ineffabilis sacramenti uocabulum est. Deum cum audis, substantiam intellige, sine initio, sine fine, simplicem, sine ulla admistione, inuisibilem, incorpoream, ineffabilem, inestimabilem, in qua nihil adiunctum, nihil creatum sit. Sine autore est enim ille, qui autor est omnium. Patrem cum audis, filium intellige, et patrem, qui filius sum prædictus imago, substantia. Sicut enim nemo dicitur dominus, nisi habeat uel possessionem, uel seruum cui dominetur, et sicut nemo magister dicitur, nisi discipulum habeat, ita et pater nullo pacto quis dici potest, nisi filium habens. Hoc ergo ipso nomine quo Deus pater appellatur, cum patre pariter subsistere etiam filius demonstratur. Quomodo sane Deus pater genuerit filium, nolo discutias, nec te curiosius inferas in profundum huius arcanum, ne forte dum inaccessæ lucis fulgorem pertinacius perscrutaris, exiguum ipsum qui mortalibus diuino munere concessus est, perdas aspectum. Aut si putas

in hoc omni genere nitendum, prius tibi propone quæ nostra sunt: quæ si consequenter uolueris expedire, tunc à terrestribus ad cœlestia, & à uisibilibus ad inuisibilia præpara te. Expedi primo, si potes, & explana quomodo mens quæ intra te est, generet uerbum, & quis sit in ea memoriæ spiritus, quomodo hæc cum diuersa sint rebus & actibus, unum tñ sint substantia uel natura: & cum è mente procedant, nunquam tamen ab ipsa separantur. Sed hæc quamuis in nobis & in anime nostræ substantia habeantur, tamen tanto nobis occulta uidentur, quanto & aspectu corporeo inuisibilia: de apertioribus requiramus. Fons quomodo ex se generat fluuium? quo autem spiritu rapidum fertur fluentum? quod quidem cum unum & inseparabile sit, & fluuius & fons, tamen nec fons fluuius, nec fluuius fons intelligi, aut appellari potest, & tamen qui uiderit fluuium, uidet & fontem. Exerce te prius in horum explanatione, & discute, si potes, quæ habetur in manibus, et tunc ad horum sublimiora ueniemus. Nec putes quia te statim de terra suadean ascendere super cœlos, sed prius te, si placet, ad istud firmamentum quod oculis patet, educam, & ibi, si potes, naturam huius uisibilis luminis discute. Quomodo ignis iste cœlestis generat ex semetipso splendorem lucis? Quomodo etiam producit uaporem? Et cum sint tria in rebus, unum tamen sunt in substantia. Quod & si hæc singula inuestigare potueritis, scito adhuc diuinæ generationis mysteriũ tanto esse differētius & eminētius, quanto creator creaturis potentior, quanto artifex opere suo præstantior, quanto ille qui semper est eo; qui ex nihilo coepit esse, nobilior. Credendus est ergo Deus pater esse unici filij sui Domini nostri, non discutiendus. Neq; enim fas est seruo de natalibus Domini disputare. Contestatus est pater de cœlis, dicens. Hic est filius meus dilectus, in quo bene complacui, ipsum audite. Pater ipsum dicit esse filium suũ, & ipsum audiri iubet. Filius dicit:

Qui me uidet, uidet et patrem: Et ego & pater unum sumus. Et ego à Deo exiui, & ueni in hunc mundū. Quis est qui inter has patris, & filij uoces mediū se discursorē interferat, & deitatem diuidat, affectum separet, & substantiam rumpat, spiritū secet, neget esse uerum quod ueritas dicit? Est ergo Deus pater, uerus ueritatis pater, non extrinsecus creans, sed ex eo quod ipse est filium generans, id est, quasi sapiens sapientiam, quasi iustus iustitiam, quasi sempiternus sempiternam, quasi immortalis immortalem, quasi inuisibilis inuisibilem, quasi lux splendorem, quasi mens uerbum. Quod autē diximus, Orientis ecclesias tradere patrem omnipotentē, & unū Dominum, hoc modo intelligendum est, unum non numero dici, sed uniuersitate. Verbi gratia: Siquis dicit unum hominē, aut unum equum, hic unum pro numero posuit. Potest enim & alius homo esse & tertius, uel equus. Vbi autem secundus uel tertius non potest iungi, unus si dicatur, non numeri, sed uniuersitatis est nomen. Vt si exempli causa dicamus unum solem, hic unus ita dicitur, ut alius uel tertius addi non possit, unus est sol. Multo magis Deus cum unus dicitur, unus nō numeri, sed uniuersitatis uocabulo nuncupatur, id est, qui propterea unus dicatur quod alius non sit. Similiter & de Domino accipiendum est, quod unus sit dominus Iesus Christus, per quem Deus pater dominatum omnium tenet. Vnde & sequens sermo omnipotentem pronuntiat Dominum. Omnipotēs autem ab eo dicitur quod omnium teneat potentatum. Tenet autem omnia pater per filium, sicut & Apostolus dicit: Quia per ipsum creata sunt omnia uisibilia & inuisibilia, siue throni, siue dominationes, siue principatus, siue potestates. Et iterum ad Hebræos scribens dicit: Quia per ipsum secula instituit, & ipsum constituit uniuersorum heredem. Constituit autem quod ait, genuit intelligitur: quod si per ipsum secula instituit pater, & per ipsum creata sunt omnia, & ipse est heres

Coloss. 1.

Hebr. 1.

omnium per ipsum, ergo & potentatum omnium tenet. Quia sicut lux de luce, & ueritas de ueritate, ita & de omnipotentia omnipotens natus est. Vt in Apocalypsi Ioannis de Seraphim scriptum est: Et requiem non habebant die ac nocte, dicentes: Sanctus, sanctus, sanctus dominus Deus, & qui est, & qui uenturus est omnipotens. Omnipotens ergo dicitur qui uenturus est. Et quis est alius qui uenturus est, nisi Iesus Christus filius Dei? His additur inuisibile & impassibile. Sciendum quòd duo isti sermones in ecclesiæ Romanæ symbolo non habentur: constat apud nos additos hæreseos causa Sabellij, illius profectò quæ à nostris Patripassiana appellatur, id est, quæ patrem ipsum uel ex uirgine natum dicit, & uisibilem factum uel passum affirmat in carne. Vt ergo excluderetur talis impietas de patre, uidentur hic addidisse maiores, et inuisibilem, atque impassibilem dixisse. Constat enim filium non patrem in carne natum, & ex natiuitate carnis filium uisibilem, & passibilem factum. Quantum autem spectat ad illam deitatis imortalem substantiam, quæ una ei eademq; cum patre est, ubi neq; pater, neque filius, neque spiritus sanctus uisibilis aut passibilis creditur. Secundum uerò dignationem carnis assumptæ filius & uisus & passus in carne est. Quod & propheta prædixerat, ubi ait: hic Deus noster, & non reputabitur alter ad eam. Inuenit omnem uiam disciplinæ, et dedit eam Iacob puero suo, & Israël dilecto suo. Post hæc in terris uisus est, & cū hominibus conuersatus est. Sequitur post hæc, & in Christo Iesu. Iesus Hebræi uocabuli nomen est, quod apud nos saluator dicitur. Christus à chrismate, id est, ab unctione appellatur. Legimus in libris Moysei quòd Auses Naue filius cum electus esset dux populi, cōmutato nomine Ause, Iesus cognominatus sit. Quo scilicet ostenderetur hoc esse nomen quod principibus & ducibus conueniret ijs dumtaxat qui salutem se populis darent. Itaque & ille Iesus appellatus est, qui eductum

Patripassiana
hæresis.

Baruc. 3.

Christus à
chrismate, id
est, unctione
appellatur.

de terra Aegypti populum, & de erroribus eremi liberatum in terram repromissionis induxit. Et hic Iesus dicitur, qui populum de ignorantiae tenebris eductum, & de mundi erroribus euocatum introduxit ad regna caelorum. Christus quoque; Christus regium nomen est.
 uel pontificale, uel regum nomen est. Nam prius & pontifices unguento chrismatis consecrabantur & reges, sed illi uelut mortales & corruptibiles unguento materiae corruptibilis ungebantur: hic uero sancto spiritu perunctus. Christus efficitur, sicut scriptura de eo dicit: Quem unxit pater spiritu sancto misso de caelis. Et Esaias praesignauerat, dicens ex per- Esa. 61.
 sona filij: Spiritus Domini super me, propter quod unxit me, euangelizare pauperibus misit me. Quia ergo ostendimus quod sit Iesus qui populum saluet, & quid sit Christus qui pontifex factus sit in aeternum: nunc ex consequentibus de quo dicantur ista, uideamus. Et in unico filio eius domino nostro.) Per hoc docet nos, quia Iesus iste de quo diximus, & Christus de quo exposuimus, quod unicus filius sit Dei & noster dominus. Ne forte putes quod humana ista uocabula terrenum te aliquid doceant, ideo subiungit unicum hunc esse filium Dei dominum nostrum. Vnus enim de uno nascitur, quia & splendor unus est lucis, & unum est uerbum cordis. Nec in numerum pluralem defluit incorporea generatio, nec in diuisionem cadit, ubi qui nascitur, nequaquam a generante separatur. Vnicus est, ut menti sensus, ut sapientia sapienti, ut cordi uerbum, ut fortis uirtus. Nam sicut solus sapiens pater ab Apostolo dicitur, ita & solus filius sapientia nominatur. Vnicus ergo filius est: & cum sit, gloria, sempiternitate, uirtute, regno, potestate, hoc quod pater est, omnia tamen haec non sine autore sicut pater, sed ex patre tanquam filius, sine initio, & equalis habet, & cum ipse sit omnium caput, ipsius tamen autor est pater generando, sine initio. Quia nec pater praecedit filium, nec filius sequitur patrem in faciendo quasi adoptiuum, sicut nos. Filium

sanè cum audis, nolo cogitationem carnalis natiuitatis assumas, sed memento hæc de incorporeæ dici substantiæ natura simplici. Si enim, ut suprà iam diximus, uel in eo quod cor generat uerbum, uel mens sensum, uel lux ex se parit splendorem, nihil horum requiritur, nec ulla in tali generatione fragilitas cogitatur. Quāto purius & sacratius de horū omnium creatore censendum est? Sed fortasse dicas, ista quam memoras insubstantiua est generatio: Neque enim lux substantium profert splendorem, aut cor substantium generat uerbum. Filius autem Dei substantialiter asseritur generatus. Ad hæc primo omnium illud dicemus, quod etiam in cæteris rebus. Cum proferuntur exempla, non per omnia similitudinem seruare possunt rei illius cui præbere putantur exemplum, sed unius alicuius partis, pro qua uidentur assumpta, similitudinem tenent. Verbi gratia, ut cum in euangelio dicitur: Simile est regnum cælorum fermento, quod abscondit mulier in farine mensuris tribus. Nunquid putamus regnum cælorum sic per omnia simile esse fermento, ut & substantia illa palpabilis sit ac fragilis, ut acida fieri possit & corrupta? An ad hoc solum exemplum istud uidetur assumptum, ut ostenderetur ex parua prædicatione uerbi Dei humanas mentes fidei fermento posse coalescere? Similiter & cum dicitur: Simile est regnum cælorum reti misso in mare, quod ex omni genere piscium attrahit; & in hoc nunquid putandum est, quod naturæ lini quo rete aptatur, ac nodis quibus maculæ necluntur, regni cælorum substantia per omnia conseratur? An ad hoc solum uidetur assumpta comparatio, ut ostenderet, quia sicut rete de profundo maris pisces adducit ad littus, ita de profundo huius seculi errore humanæ animæ regni cælorum prædicatione liberantur? Ex quibus constat exempla non in omnibus his quorum exempla sunt, esse similia. Alioquin si eadem essent omnia, iam non exempla dicerentur, sed ipsæ potius res

Matth. 13.

de quibus agitur, uideretur. Deinde etiam illud dicendum est, quod nulla creatura talis esse potest qualis creator eius. Et ideo sicut sine exemplo est diuina substantia, ita et sine exemplo est diuina maiestas. Tunc etiam illud addemus, quia creatura ex nihilo est. Si ergo ex substantia sit illa quæ gignitur ex sese creatura quæ ex nihilo facta est, conditionē in hoc seruat originis suæ: illius autem æternæ lucis substantia, quæ semper fuit, quia insubstantiuum in se nihil habuit, insubstantiuum ex se splendorem proferre non potuit. Et ideo recte unicus dicitur. Unicus enim eo solus est, quia natus sit. Nec comparationem aliquam potest habere quod unicum est. Nec similitudinem substantiæ in factoris suis habere potest ille qui factor est omnium. Hic ergo Iesus Christus filius unicus Dei, qui est et dominus noster unicus, et ad filium referri, et ad dominum potest. Unus est filius, uere filius, et unus uerè dominus Iesus Christus. Cæteri quippe licet dicantur filij, adoptionis tantum gratia dicuntur, non ueritate naturæ. Et si dicuntur alij domini, concessa, non ingenita potestate dicuntur: hic uerò solus est unicus filius, et solus unicus dominus, sicut et Apostolus dicit: Unus pater Deus, et unus dominus Iesus Christus, per quem Ephes. 4. omnia. Igitur posteaquàm propositus ordo fidei ineffabile sacramentum filij de patre natiuitatis exposuit, nunc ad humanæ salutis dignationem dispensationemq; descendit. Et hunc quem suprà dixit unicum filium Dei, et dominum nunc dicit: Qui natus est de spiritu sancto ex Maria uirgine. Hec iam inter homines dispensationis natiuitas est, illa diuinæ substantiæ: hæc dignationis est, illa naturæ. De spiritu sancto ex uirgine nascitur. Et iam hoc loco mundior auditus requiritur, et purior sensus. Huic enim quem dudum de patre natum ineffabiliter didicisti, nunc à sancto spiritu templū fabricatum intra secreta uteri uirginalis intellige. Et sicut in sancti spiritus sanctificatione nulla sentienda est fragilitas, ita et in partu uirgi-

nis nulla est intelligenda corruptio. Nouus enim huic seculo datus est partus, nec immerito. qui enim in coelis unicus filius est, consequenter & in terra unicus est: quia & unice nascitur. Nota sunt omnibus et in euangelijis decantata de hoc et scri-

Esa. 7. pta prophetarum quæ dicunt, quod uirgo concipiet et pariet filium. Sed & partus ipsius mirabilem modum Ezechiel pro-

Ezech. 44. pheta ante formauerat, Marian figuratiter portā domini nominans, per quam scilicet dominus ingressus est mūdum. Dicit ergo hoc modo: Porta autem quæ respicit ad Orientem clausa erit, & nō aperietur, & nemo transibit, & clausa erit. Quid tam euidentis dici de consecratione uirginis potuit? Clausa fuit in ea uirginitatis porta, per ipsam introiuit dominus Deus Israël, & per ipsam processit, & in æternum porta uirginis clausa, seruata uirginitate, permansit. Igitur spiritus sanctus refertur dominicæ carnis & templi eius creator. Incipe hinc iam intelligere etiam sancti spiritus maiestatem. Contestatur enim euangelicus sermo de ipso, quod cum loquenti angelo ad

Lnc. 1. uirginem & dicenti: Quia paries filiū, & uocabis nomē eius Iesum, hic enim saluum faciet populum suum à peccatis suis: illa respondisset: Quomodo fiet istud, quoniam uirum non cognosco? Dixit ei angelus Dei: Spiritus sanctus ueniet super te, & uirtus altissimi obumbrabit tibi. Et ideo quod nascetur ex te sanctum, uocabitur filius Dei. Vide ergo cooperantē simplicem trinitatem. Spiritus sanctus uenire dicitur, & uirtus altissimi obumbrare ei. Quæ est autem uirtus altissimi, nisi ipse Christus, qui est Dei uirtus, & Dei sapientia? Cuius hæc uirtus est? inquit, altissimi. Adest ergo altissimus, adest uirtus altissimi, adest Spiritus sanctus. Hæc est trinitas ubiq; latens; ubique apparens, uocabilis personisq; discreta, inseparabilis substantia deitatis. Quamuis solus filius nascatur ex uirgine, adest & altissimus, adest & spiritus sanctus, ut & conceptus uirginis sanctificetur & partus. Verū hæc quia ex scripturis

propheticiſſis aſſeruntur, poſſunt forte Iudeos quamuis ſint in-
 fideles & increduli conſutare. Sed pagani ſolent ridere nos,
 cum audiunt prædicari à nobis uirginis partum, propter quod
 paucis & eorū obtreſcationibus reſpōdendum eſt. Omnis par-
 tus, ut opinor, ex tribus conſtat. Si adultæ ætatis ſit ſœmina, ſi
 uirum adeat, ſi non ſit uitio ſterilitatis obcluſa. Ex his tribus
 in hoc partu quem prædicamus unum deſuit, uir, et hoc patet,
 quia qui naſcebatur non erat terrenus homo, ſed cœleſtis. Per
 cœleſtem ſpiritum dicimus, ſalua uirginis incorruptione, com-
 pleta. Et tamen quid mirum uidetur ſi uirgo conceperit, cum
 Orientis auem quam Phœnicem uocant, in tantum ſine coniu-
 ge naſci uel renaſci conſtet, ut ſemper et una ſit, & ſemper ſibi
 ipſa naſcendo uel renaſcendo ſuccedat? Apes certe neſcire con-
 iugia, nec foetus ſexibus edere, omnibus palàm eſt. Sed & alia
 nonnulla deprehenduntur in huiuſmodi ſorte naſcendi. Hoc er-
 go incredibile uidebitur diuina uirtute ad totius mundi redin-
 tegrationem factum, cuius exempla etiam in animalium nati-
 uitate cernuntur? Et tamen mirandum cur hoc gentilibus im-
 poſſibile uideatur, qui credunt Mineruam ſuam de cerebro Io-
 uis natum: quid ad credendum difficilius? aut quid magis con-
 tra naturam? Hic ſœmina eſt, hic naturæ ordo ſeruatur, hic cō-
 ceptus & partus temporibus ſuis editus. Ibi nuſquam ſœmi-
 neus ſexuſ, ſed uir ſolus, & partus. Qui illa credit, cur iſta mi-
 retur? Sed & Liberum de femore eius aſſerunt natum. Ecce il-
 lud portenti genus eſt, & creditur. Venerem quoque, quam
 Aphroditem uocant, de ſpuma maris (ſicut etiam nominis ip-
 ſius compoſitio oſtendit) credunt eſſe progenitam: de ouo na-
 tos Caſtorem Pollucemq; confirmant: ex formica Myrmido-
 nes, & alia mille ſunt, quæ contra rerum naturam uenientia,
 ipſis tamen uiſa ſunt credibilia: ut Deucalionis & Pyrrhae la-
 pides iactos, & hominum ex his ſegetem natam. Et cum hæc
 tot & talia figmenta crediderint, unum eis uerbū impoſſibile

uidetur, quòd adolescens foemina diuinum germen, non hominis uitio, sed Deo inspirante conceperit. Qui utiq; ad credendum difficiles sunt, illis tot & tan turpibus monstris fidem nequaquam commodare debuerant. Si uerò faciles sunt ad credendum, multo promptius hæc nostra tam honesta & tam sancta recipere, quàm illa tam indigna & tan foeda credere debuissent. Sed dicent fortassis, quia possibile quidem fuerit Deo ut uirgo conciperet, possibile etiam fuerit Deo ut pareretur: sed indignum uideri ut tanta illa maiestas per genitales foemine transiret excessus: ubi quamuis nulla fuerit ex uirili admisione commistio, fuit tamen ipsius puerperij obscenæ attrectationis iniuria: pro quo paulisper eis secundum sensum suum respondeamus: Siquis uideat paruulum in profundo cœni necari, & ipse cum sit uir magnus & potens, extremis (ut ita dixerim) plantis ingrediatur cœnum, & paruulum morientem liberet, pollutus ne à te accusabitur hic uir, quòd paruulum luti calcauerit? an ut misericors laudabitur, quòd uitam contulerit morituro? Sed hæc etiam de communi homine dicta sint. Redeamus nunc ad naturam eius qui natus est. Quantum putas natura Solis eo inferior est? quantum creatura sine dubio creatore. Intuere nunc Solis radios, si in cœni alicuius uoraginem dimittantur, nunquid iam aliquid inde pollutionis acquirunt? aut obscenorum illustratio Solis ducetur iniurijs? Ignis quoque natura quanto est inferior his de quibus sermo est? Et nulla materia uel obscena, uel turpis adhibita ei, ignem polluisse creditur. Cū ergo hæc ita esse in rebus materialibus constet, tu in illa supereminenti & incorporea natura quæ super omnem ignem & supra omne lumen est, pollutionis aliquid putas aut obscenitatis incidere? Tunc deinde etiam illud aduerte: Nos hominem à Deo creatum de terræ limo dicimus: qd' si obscenitas Deo reputatur opus suum requirenti, multo magis ei reputabitur opus illud

ab initio fabricanti, & superfluum est dicere cur per obscœna transferit, cur obscœna condiderit. Et ideo obscœna hæc esse non natura, sed obseruantia docuit. Ceterum omnia quæ sunt in corpore ex uno eodemq; luto formata, usibus tantum & officijs naturalibus distinguuntur. Sed nec illud quidem ab absolutione uacare huius quæstionis omittam, quod substantia Dei quæ per omnia incorporea est, inferi corporibus, uel capi ab eis principaliter non potest, nisi aliqua media sit substantia spiritalis, quæ capax esse diuini spiritus possit. Verbi gratia, ut si dicamus: Lux omnia quidem membra corporis illustrare potest, nullo tamen hoc nisi à solo oculo capi potest, solus enim oculus est qui capax sit lucis. Et filius ergo Dei nascitur ex uirgine, non principaliter soli carni sociatus, sed anima inter carnē Deūq; media generatus. Anima ergo media, et in secreta rationabilis spiritus arce uerbū Dei capiente, absq; ulla quam suspicaris iniuria Deus natus est ex uirgine. Et ideo nihil ibi turpe putandum est, ubi sanctificatio spiritus inerat, & anima quæ erat Dei capax, particeps fiebat etiam carnis. Nihil ibi ducas impossibile, ubi aderat uirtus altissimi. Nihil de humana fragilitate cogites, ubi plenitudo inerat deitatis. Crucifixus sub Pontio Pilato, descendit in inferna.) Docet et Ephes. 3. postolus Paulus illuminatos debere esse oculos cordis nostri ad intelligendum quæ sit altitudo, latitudo, & profundum. Crucis eam partem quæ in terram defixa est profundum apellauit. Altitudinem uerò illam quæ in aerem porrecta sublimis erigitur. Latitudinem quoque illam quæ distenta in dexteram leuamq; protenditur. Cum ergo tot species mortis sint, quibus de hac uita exitus dari hominibus solet, uult nos Apostolus illuminatos corde scire rationē, cur ex his omnibus crucis potius species ad mortem delecta sit salutaris. Vnde sciendum est, quod crux ista triumphus erat, triumphus enim insigne est trophæum, trophæum autē deuicti hostis indicium est.

Quia ergo adueniens Christus, sicut Apostolus dicit, tria pae
 Philipp. 2. riter regna subiecit, hoc enim dicit ubi ait. Quia in nomine
 Iesu omne genu flectatur coelestium, terrestrium, & inferno=
 rum, & hæc omnia sua morte uincebat, conueniens mysterio
 mors quæ sita est, ut in aerem sublimatus, & aerias subiugans
 potestates, uictoriam de his supernis & coelestibus traderet:
 Esa. 65. expansas autem manus tota die, sicut propheta dicit. Tendit
 manus ad populum incredibilem, qui est in terra, ut incredula
 los contestaretur & inuitaret credentes: eam uero partem quæ
 sub terrâ demergitur, q. inferna sibi regna subijceret. Etenim
 ut breuiter aliqua etiam de secretioribus perstringamus, ab
 initio Deus cum fecisset mundum, præfexit ei & præposuit
 quasdam uirtutum coelestium potestates, quibus regeretur, &
 dispensaretur mortalium genus. Quod ita factum Moyses in=
 dicat in Deuteronomij cantico ubi dicit. Cum diuideret excel=
 sus gentes, statuit terminos gentium secundum numerum an=
 gelorum Dei, sed horum nonnulli sicut & ipse qui princeps
 appellatus est mundi, datam sibi à Deo potestatem nō his qui=
 bus acceperant legibus temperarunt, nec humanum genus di=
 uinis obedire præceptis, sed suis parere præuaricationibus do=
 cuerunt. Et hinc aduersum nos peccatorum chirographa scri=
 pta sunt, quia ut propheta dicit, peccatis nostris uenundati su=
 mus. Pretium nanque animæ suæ unusquisq; consequitur cum
 concupiscentiæ satisfecerit. Istud ergo uniuscuiusq; chirogra=
 phum ab illis rectoribus pessimis tenebatur, quod Christus de
 traxit adueniens, & hac eos potestate nudauit, idq; sub ingen=
 Coloss. 2. ti mysterio Paulus indicat, cum dicit de eo: Delens quod aduer=
 sum nos erat chirographum, & affigens illud cruci suæ, tra=
 duxit principatus & potestates, triumphās eos in semetipso.
 Rectores ergo illi quos humano generi præfecerat in tyrannidis
 cōtumaciam uersi impugnare cōmissos sibi homines ag=
 Exech. 30. gressi sunt, & peccati prælijs debellare. Sicut Ezechiel pro=

pheta mysticis designat eloquijs, cū dicit: In illa die procedēt angeli festinantes exterminare Aethiopiam, eritq; inter eos perturbatio in die Aegypti, quoniam uenit. Rectē ergo eos omnipotentia nudatos Christus dicitur triumphasse, ablataq; ab eis potestatem hominibus tradidisse. Sicut ad discipulos suos dicit ipse in Euangelio: Ecce dedi uobis potestatem calcādi Luc. 10. super serpentes, & scorpiones, & super omnem uirtutem inimici. Illos itaque qui accepta potestate male abusi sunt subiectis, quosdam suis subiicit crux Christi. Nos uerò, hoc est, humanum genus edocet primo omnium usque ad mortem resistere aduersum peccatum, & libenter interitum pro pietate suscipere. Tum deinde & obedientiæ nobis in hac eadem cruce proponit exemplum, sicut illis qui aliquando rectores nostri fuerāt, posuit cōtumeliæ poenas. Audi ergo quomodo Apostolus uult per crucem Christi obediētiam nos docere: Hoc, Philip. 2. inquit; sentite in uobis quod & in Iesu Christo, qui cum in forma dei esset, nō rapinam arbitratus est se esse æqualē Deo, sed semetipsum exinaniuit, formam serui accipiens, in similitudinem hominum factus, & habitu repertus ut homo, factus est obediēs usque ad mortem, mortem autem crucis. Quia ergo ille magnus magister est qui fecerit & docuerit, ideo obedientiam quæ pijs morte etiam suscepta seruanda est, docuit ipse prius pro hac moriendo seruari. Sed fortasse terreatur aliquis in huiusmodi doctrina, quòd quē paulo antè cum Deo patre diximus sempiternum, ac de eius substantia esse progenitum, quēq; regno, æternitate & maiestate unum cum patre esse docuimus, nunc de eius morte tractemus. Sed nolo terrenus fidelis auditor, paulò post istum quem audis mortuum, rursum uidebis immortalem: mors enim ab eo mortem spoliatura suscipitur. Nam sacramentum illud susceptæ carnis, quod supra exposuimus, hanc habet causam, ut diuina filij Dei uirtus uelut hamus quidam erat habitu humanæ carnis obiectus. Et

Philp. 1. sicut antè Apostolus dixit, habitu repertus ut homo, principè ergo mundi ut inuitare posset ad agonè, cui ipse carnem suam uelut escam tradidit, ut hamo eum diuinitatis intrinsecus tene- ret insertū, & effusione immaculati sanguinis, qui peccati ma- culam nescit, omnium peccata deleret, eorū duntaxat qui cruo- re eius postes fidei signassent. Sicuti ergo hamum esca conse- ptum si piscis rapiat, non solum escam cum hamo non remo- uet, sed & ipse de profundo esca alijs futurus educitur: ita & is qui habebat mortis imperium, rapuit q̄dem in mortem cor- pus Iesu, non sentiens in eo hamum diuinitatis inclusum, sed ubi deuorauit, hæsit ipse continuò, & disruptis inferni clau- stris, uelut de profundo tractus traditur, ut esca cæteris fiat.

Ezech. 32. Quod ita futurum sub hac eadè figura & Ezechiel dudum si- gnauerat, dicens: Et extraham te in hamo meo, & extendam te super terram, campi implebuntur de te, & constituam su- per te omnes uolucres cœli, & saturabo ex te omnes bestias terræ. Sed & Dauid dicit: Tu cōfregisti capita draconis ma- gni, dedisti eum in escam populi Aethiopum. Et Iob de eodem mysterio similiter protestatur: ait enim ex persona Dei loquē- tis ad se: Aut adduces draconem in hamo, aut pone capistrum circa nares eius. Non ergo damno aliquo aut iniuria diuini- tatis Christus in carne passus est, sed ut per infirmitatē carnis operaretur salutem in medio terræ. Diuina natura in mortem per carnē descendit, nō ut lege mortaliū detineretur à morte, sed ut per se resurrekturus ianuam mortis aperiret: uelut si quis rex pergat ad gentē, in qua proprios habeat captiuitatis uin- culo alligatos, deuietq; carcerem intret, in qua uincti detine- bantur, soluat catenis uincula, & claustra cōminuat, & uin- ctos in remissionem educat, & eos qui sedēt in tenebris & in umbra mortis luci ac uitæ restituat. Ergo dicitur, rex fuisse quidem in carcere, non tamen ea conditione qua cæteri qui te- nebantur inclusi: sed illi quidem ut pœnas soluerent, hic uerò

ut absolueret poenas. Cautissime autem qui symbolum tradiderunt, etiam tempus quo hæc sub Pontio Pilato gesta sunt, designauerunt, ne ex aliqua parte uelut uaga et incerta gestorum traditio uacillaret. Sciendum sanè est quòd in ecclesiæ Romanæ symbolo non habetur additum, descendit ad inferna, sed neq; in Orientis ecclesijs habetur hic sermo, uis tamen uerbi eadem uidetur esse in eo quòd sepultus dicitur. Sed quoniam tibi erga scripturas diuinas amor et studiū subiacet, sine dubio dicis mihi oportere hæc magis euidentibus scripturæ diuinæ testimonijs approbari. Quanto enim magna sunt quæ credenda sunt, tanto idoneis et indubitatis testibus indigere uera est et consequens propositio. Sed nos tanquam scientibus legem loquentes, testimoniorum syluam breuitatis causa derelinquimus, pauca tamē ex multis, si etiā hoc requiritur, adhibemus, scientes studiosis quibusque in scripturis diuinis latissimum testimoniorum pelagus patere. Primò ergo omnium sciendum est, quòd ipsa ratio crucis non omnibus una eadēq; est, sed aliud gentibus, aliud Iudæis, aliud credentibus sapit, sicut Apostolus dicit: Nos autem prædicamus Christū crucifixum, Iudæis quidem scandalū, gentibus autem stultitiam, 1. Cor. 1. ipsis uerò uocatis Iudæis et Græcis Christū Dei uirtutē et Dei sapientiam. Et alibi: Verbum enim crucis pereūtibus quidem stultitia est, his uerò qui salui fiunt, uirtus Dei est. Iudæi ergo quibus ex lege traditum fuerat, Christū in æternū mansurum, scādalum patiebantur de cruce eius, quia resurrectionem eius recipere noluerunt. Gentibus autem stultitia uidebatur Deum mortem suscepisse, quia ignorabant mysteriū carnis assumptæ. Fideles uerò qui et natum et passum in carne receperant, et à mortuis surrexisset, meritò uirtutē Dei credebant esse, quæ uicerat mortem. Primò ergo hoc ipsum quòd Iudæi, quibus prophetæ hæc prædixerant, non essent credituri, sed illi qui non à prophetis audierat: audi quomodo pro-

phetico sermone signantur: Quibus non est, inquit, annuntiatum de eo, uidebunt: & qui non audierunt, intelligent. Quod autem his qui meditabantur legem dei à pueritia usq; ad senectutem non credentibus, ad gentes esset omne mysteriũ translaturum, Esaias hoc modo prædicit: Et faciet, inquit, dominus sabaoth omnibus gentibus in monte isto inueniri letitiam, bibent uinum, ungentur unguento. Trade hæc omnia gentibus. Hoc enim cõsiliũ Dei omnipotentis super omnes gẽtes. Sed dicet fortasse nobis illi qui se iactant in scientia legis: Blasphematis qui sic dicitis Dominũ corruptioni mortis subiectũ & passioni crucis fuisse. Legite ergo quod scriptum habetis in lætationibus Hieremiæ, ubi dicit: Spiritus uultus nostri Christus Dominus comprehensus est in corruptionibus nostris: in quo diximus, sub umbra eius uiuemus in gentibus. Audis quomodo propheta dicit Christum Dominum cõprehensum esse, & pro nobis, id est, pro peccatis nostris corruptioni traditũ. In cuius umbra quoniam populus ille qui permansit incredulus, abiectus est, dicit quia uiuemus non in Israel, sed in gentibus. Quod si operosum non uidetur, quàm possumus breuiter singula quæ in Euangelijs referuntur, qualiter in prophetis prædicta sunt designemus, ut hi qui prima fidei elementa sciipiunt, testimonia hæc habeant in corde scripta, ut nulla eis unquam de his quæ credunt ambiguitas inimica subrepat. Edocemus per Euangelium quod Iudas unus de amicis & cõuuiis Christi tradiderit eum, audi quomodo prænuntietur in psalmis. Qui manducat, inquit, panes meos, ampliabit aduersum me supplantationem. Et alibi: Amici mei & proximi mei aduersum me appropinquauerũt et steterunt. Et iterum: Molliti sunt sermones eius super oleum & ipsi sunt iacula. Vis uidere quomodo molliti sunt? Venit, inquit, Iudas ad Iesum & dixit ei: Aue rabbi: & osculatus est eum. Per molle ergo osculi blandimentum execrabile iaculum proditiõis infixit. Vn-

Thren. 4

Psalm. 40. &

37. & 54.

Matth. 26.

de & Dominus ad eum dixit: Iuda osculo filium hominis tradis? Triginta argenteis audis eum appretiatum esse cupiditate proditoris. Audi & de hoc prophetica uocem: Et dixi, inquit, ad eos: Si bonum est in conspectu uestro, date mercedem meam & abite. Et post hæc inquit: Accepit triginta argenteos, & misit eos in domum Domini in conflatorium. Nonne hoc est quod in Euangelij scribitur, quia Iudas poenitētia ductus reportauit pecuniam, & proiecit in templo & discessit? Bene autem mercedem suam dicit, uelut impugnantis & exprobrantis affectum. Etenim tam multa opera bona apud eos egerat. Cæcos eorū illuminauerat, claudis pedes, paralyticis gressum, mortuis quoque reddiderat uitam. Pro ijs ergo omnibus bonis mercedem restituit ei mortem triginta argenteorū existimatione pensatam. Refertur item in Euāgelij quod uinctus sit. Prædixit hoc sermo propheticus per Esaiam, dicens: Vae animæ ipsorum quia cogitauerunt cogitationē pessimam aduersum seipsos dicētes: Alligemus iustum, quia inutilis est nobis. Sed dicet aliquis. Nunquid hæc de domino intelligenda sunt? nunquid Dominus ab ominibus teneri poterat, & in iudicium protrahi? Et de hoc te idem propheta conuincet, dicit enim his uerbis: Ipse Dominus in iudicium ueniet cum senioribus & principibus populi. Iudicatur ergo ipse dominus secundum prophetae testimonium, & non solum iudicatur, sed & flagellis ceditur, & palmis in faciem uerberatur, & conspuitur, & omnem pro nobis perfert indignitatis iniuriā. Et quod hæc stupēda erant omnibus cum prædicarentur ab apostolis, idcirco etiam ex persona ipsorum propheta exclamat & dicit: Domine quis credidit auditui nostro? Incredibile enim est ut Deus dei filius ista pertulisse dicatur. Et ideo prædicantur per prophetas, nequa credituris dubitatio nasceretur. Ipse ergo ex sua persona Christus Dominus dicit: Dorsum meum dedi flagellis, & maxillas meas ad palmas, & faciem

Luc. 22.

Zach. 11.

Matth. 27.

Esa. 53.

Esa. 53.

Thren. 3.

meam non auerti à confusione sputorum. Scribitur etiam illud inter ceteras passionēs eius, quod alligantes eum duxerunt ad Pilatum: præsignauit etiam hoc propheta, ubi dicit: Et alligantes adduxerunt eum ad xenium regis Iarim: nisi si obijciat aliquis & dicat, sed Pilatus non erat rex. Audi ergo quid in sequentibus Euangelium refert: Audiens, inquit, Pilatus eum esse de Galilæa, misit eum ad Herodē, qui erat tūc rex in Israel. Et bene addidit nomen Iarim, quod est Syluester. Non enim erat Herodes de domo Israel, nec de illa uinea Israelitica, quā eduxit Dominus de Aegypto, & plantauerat in cornu in loco uberi, sed erat syluester, id est, ex sylua alienigenarū. Et ideo syluester appellatur, quasi qui de Israeliticæ uitis nequaquam palmitibus pullulasset. Sed & quod ait propheta, xenium, conuenienter aptauit. Tunc enim Herodes & Pilatus (ut Euangelium testatur) ex inimicis in concordiam reuocati sunt. Et uelut reconciliationis suæ xenium uinctum sibi inuicem mittebant Iesum. Quid interest dummodo Iesus ubique disidentes reconciliet, pacem reparet, concordiam reddat? Vnde etiam de hoc scriptum est in Iob: Dominus reconciliat corda principum terræ. Refertur item quod cum Pilatus uellet eum dimittere, omnis populus clamauerit: Crucifige, crucifige eum. Prænuntiat hoc Hieremias propheta, dicens ex persona Domini ipsius. Facta est, inquit, hæreditas mea mihi sicut leo in sylua. Dedit super me uocem suam, propterea exosus sum eam. Et propter hoc, inquit, dereliqui domum meam. Et iterum alibi dicit: Super quem aperuistis os uestrum, & aduersus quem relaxastis linguas uestras. Cum iudicaretur scribitur tacuisse. Multæ de hoc scripturæ testantur, in psalmis dicitur: Factus sum sicut homo non audiens, & non habens in ore suo increpationes. Et iterum: Ego autem sicut surdus nō audiebam, & sicut agnus corā tondente se, sic non aperuit os suum. In humilitate iudicium eius sublatum est. Imposita scribitur corona

Luc. 22.

Luc. 22.

Hier. 12.

Psal. 37.

spinea. Audite de hoc in Canticis canticorum super iniquitates Hierusalem mirantis de iniuria filij, patris uocem, & dicens: Exite & uidete filie Hierusalem coronam, qua coronauit eum mater sua. Sed & de spinis ita alius propheta commemorat: Et expectauit ut faceret uiam, fecit autem spinas, & non iustitiam, sed clamorem. Veruntamen ut mysterij secreta cognoscas, oportebat eum, inquit, qui peccata mundi uenit auferre, etiam terrae maledicta purgare, quae protoplasto peccante, sententiam praeuaricationis acceperat, dicente Domino: Maledicta terra in operibus tuis, spinas & tribulos producat tibi. Propterea ergo spinis coronatur Iesus, ut prima illa condemnationis sententia solueretur, ad crucem ducitur, & in ligno totius mundi uita suspenditur. Vis & de hoc prophetice testimonijs confirmari? audi Hieremian dicentem: Venite & iniiciamus lignum in pane eius, & coteramus eum de terra uiuentium. Et iterum Moyses uelut deflens eos dicit: Et erit uita tua suspensa ante oculos tuos, & timebis per diem & noctem, & non credes uitae tuae. Sed transcurrendum nobis est, iam enim propositae breuitatis excedimus modum, et breuiatum sermonem longa dissertatione distendimus, pauca tamen addemus, ne penitus quod coepimus praeterisse uideamur. Scribitur Iesus in latere percussus, aquam simul & sanguinem profudisse. Hoc quidem mysticum est, ipse enim dixerat, quia flumina de uentre eius procedent aquae uiae. Sed produxit & sanguinem, quem petierant Iudaei uenire super se & filios suos. Produxit ergo aquam, ut credentes diluat: produxit & sanguinem, qui condemnat incredulos. Potest tamen etiam intelligi quod duplicem gratiam baptismi figurauerit, unam quae datur per aquae baptismum: aliam quae per martyriam profusione sanguinis queritur, utrumque enim baptismum nominatur. Quod si & hoc queris, cur non ex alio membro, sed ex latere produxisse dicatur aquam & sanguinem. Videtur mihi

in latere per costam mulier indicari, quia fons peccati & mortis de muliere prima, quæ fuit primi Adam costa, producit. Scriptum est quòd in passione eius ab hora sexta usque ad horam nonam tenebræ factæ sunt. Accipe de hoc propheta

Amos. 8. testimonium dicentis: Occidet tibi sol meridie. Et iterum

Zach. 14. Zacharias propheta: In illa, inquit, die non erit lux, sed frigus & pruina erit uno die, & dies ille notus Deo, & neque dies neque nox, et ad uesperam erit lux. Quid tam euidentius à propheta dici potuit? Vt iam hæc non tam futura prædici, quàm narrari præterita uideantur, etiam pruinam & frigus prædi-

Mar. 14. xit. Propterea enim Petrus calefaciebat se ad ignem, quia frigus erat, & frigus patiebatur, non solum temporis, sed & fidei dei. Addidit etiam: Et dies illa nota Domino, neque dies neque

nox. Quid est, neque dies, neque nox? non ne aperte de infertis diei tenebris, & reuocata rursum luce differuit? Non fuit illa

dies, neque enim coepit ab ortu solis: neque integra nox fuit, non enim peracto diei cursu, spatia debita uel ab initio suscepit, uel ad ultimum terminata produxit, sed fugata per impiorum facinus lux reparatur ad uesperam. Post horam enim nonam depulsis tenebris sol redditur mundo. Et iterum aliud de hoc ipso

Matth. 27. testimonium dicit: Obscurabitur super terram in die lux. Docet euangelij prædicatio quòd etiam milites diuiserunt sibi uestimenta Iesu, & supra tunicam eius miserunt sortem. Hoc etiã curæ fuit spiritui sancto prophetarum uocibus protestari, cum

Psal. 21. dicit: Diuiserunt sibi uestimenta mea, et super uestem meam miserunt sortem. Sed nec de illa quidem ueste quam dicuntur milites illudentes induisse cum, id est, de ueste coccinea propheta

Esa. 63. filuerunt. Audi enim quid dicit Esaias: Quis est iste qui uenit de Edom: rubor uestimentorum eius ex Bosor? Quare rubicunda sunt uestimenta tua, & indumentum tuum tanquam à torculari calcato? Vnde & ipse respondit: Torcular calcaui solus filie Sion. Solus est enim qui peccatum non fecit, &

abstulit peccata mundi. Si enim per unum hominem mors in-
 troire, quanto magis per unum hominem qui et Deus erat, po-
 tuit uita restitui? Refertur etiam quod aceto potus sit, uel uino
 myrrhato, quod est amariius felle. Audi quid de hoc prophe-
 ta prädixerit: Et dederunt, inquit, in esca mea fel, et in siti Psal. 68.
 mea potauerunt me aceto. Atq; respondens iam tunc Moyses
 dicebat de populo illo: Ex uineis Sodomorum uitis eorum, et Deut. 32.
 palmes eorum Gomorra. Uua eorum uua fellis, botrus amari-
 tudinis ipsis. Et iterum exprobrans eos dicit: Populus stultus
 et non sapiens, Hec domino retribuisti? Sed et in Canticis can-
 ticorum eadem prænuntiantur, ubi etiam hortus in quo cruci-
 fixus est designatur, dicit ergo: Intraui in hortum meum, soror. Cantic. 5.
 mea sponsa, et uindemiaui myrrham meam. Vbi euidenter uinum
 myrrhatum quo potatus est, declarauit. Spiritum post hæc scri-
 bitur reddidisse, prænuntiatum fuerat et hoc per prophetam
 dicentem ex persona filij ad patrem: In manus tuas commendo
 spiritum meum. Sepultus quoq; perhibetur, et lapis magnus
 positus ad ostium monumenti. Accipe etiam de hoc quid pro-
 pheticus per Hieremiam sermo prädixerit: Mortificauerunt, Thren. 3.
 inquit, in lacu uitæ meam, et posuerunt lapidem super me.
 Euidentiſſima hæc sepulture eius indicia propheticiſ uocibus
 designata sunt, accipe tamen et alia: A cōſpectu, inquit, iniqui-
 tatis ablatus est iustus, et erit in pace locus eius. Et alibi: Et
 dabo malignos in sepultura eius. Item aliās. Recubans dormi-
 uit ut leo, et ut catulus leonis, quis suscitabit eum? Sed et quod
 in infernum deſcēdit, euidenter prænuntiat in psalmis, ubi di- Psal. 21. 29.
 cit: Et in puluerem mortis deduxisti me. Et iterum: Quæ uti- et. 68.
 litas in sanguine meo dum deſcēdo in corruptionē? Et iterum:
 Descendiſti in limum profundi, et non est substantia. Sed et
 Matthæus dicit, Tu es qui uenturus es, an alium expectamus? Matth. 11.
 Vnde et Petrus dixit, Quia Christus mortificatus carne, ui- 1. Petr. 3.
 uificatus autem spiritu. In ipso ait: Et eis qui in carcere inclusi.

erant in diebus Noë : in quo etiam quid operis egerit in inferno, declaratur. Sed & ipse Dominus per prophetam dicit, tanquam de futuro: *Quia non derelinques animam meam in inferno, nec dabis sanctum tuum uidere corruptionem: quod rursus propheticè nihilo minus ostendit impletum cum dicit: Domine eduxisti ab inferno animam meam, saluasti me à descendenti-*
bus in lacum, Sequitur post hæc: Tertia die resurrexit.) Resurrectionis gloria in Christo omne quod infirmum & fragile uidebatur, absoluit. Si tibi paulo ante non uidebatur esse possibile usq; ad mortem uenisse immortalem, aspice nunc quia qui deuicta morte resurrexisse dicitur, non potest esse mortalis, sed bonitatem in hoc intellige creatoris, quia eousq; ille miserando descendit, usquequo tu peccando deiectus es. Nec creatorẽ omnium de hoc impossibilitatis accuses, ut ibi putes opus eius caduco lapsu potuisse concludi, quò ille id reparaturus peruenire non posset, inferna & superna nobis dicuntur, qui certè corporis circumscriptione conclusi, intra præscriptæ nobis legis terminos continemur. Deo autẽ qui ubiq; est, & nusquam deest, quod infernum est, aut quod supernum, patet. Veruntamen in assumptione corporis etiam ista complentur. Resuscitatur caro quæ deposita erat in sepulchro, ut adimpleretur quod dictum est per prophetam: *Quia non dabis sanctum tuum uidere corruptionem. Redit ergo uictor à mortuis, inferni secum spolia trahens: eduxit enim eos qui tenebantur à morte, sicut ipse prædixerat, ubi ait: Cum exaltatus fuero à terra, omnia ad me traham. Attestatur autem euangelium de hoc,*
cum dicit: Quia monumenta aperta sunt, & multa corpora sanctorum dormientium resurrexerunt, & apparuerunt multis, & ingressi sunt sanctam ciuitatem illam de qua Aposto-
lus dicit: Quæ autem sursum est Hierusalem, libera est, quæ est mater omnium nostrum. Sicut ad Hebræos dicit: Decebat enim propter quem omnia, & per quem omnia, multos filios

Ioan. 12.

Matth. 27.

Galat. 4.

Hebræ. 2.

in gloriam adducentem, autorem salutis eorum per passionem consummari. Igitur consummatam passionibus carnem, atq; in eam protoplasti lapsum resurrectionis uirtute reparatum, in dextera sedis Dei altissimi collocauit. Vnde et Apostolus dicit: Qui simul confuscitauit nos, simulq; sedere fecit in cœlestibus: hic enim erat figulus qui, ut Hieremias docet propheta, Vas de manu sua collapsum et confractum, rursus eleuauit manibus suis, et reformauit sicut placuit in conspectu eius. Placuit autem ut corpus quod mortale et corruptibile suscepit, de sepulchri petra leuatum, et immortale atq; incorruptibile effectum, iam non in terrenis, sed in cœlestibus et in patris dextera collocaret. Plene sunt de his sacramentis scripturae ueteris testamēti. Nullus super his propheta, nullus legislator, aut psalmographus siluit, sed omnis penē sacra de his loquitur pagina: et ideo superfluum uidetur immorari nos ad congreganda testimonia: pauca tamen et admodum pauca ponemus, ad ipsos fontes diuinorum uoluminum remittentes eos qui potare abundantius cupiunt: dicit ergo statim in psalmis: Ego dormiui et somnum cepi, et resurrexi, quoniam Dominus suscepit me. Et iterum in alio loco: Propter miseriam inopum et gemitum pauperum nunc exurgam, dicit Dominus. Et alibi, sicut iam superius diximus: Domine, eduxisti de inferno animā meam: saluasti me à descendentibus in lacum. Et in alio: Quoniā cōuersus uiuificasti me, et de abyssō terrae iterum reduxisti me. Euidētissimē autem in octogesimo et septimo psalmo de eo dicitur: Et factus sum sicut homo sine adiutorio, inter mortuos liber. Non dixit homo, sed sicut homo. Sicut homo enim erat, quia etiā descenderat in infernum: sed inter mortuos liber erat, quia à morte teneri non poterat. Et ideo in uno natura humanæ fragilitatis, in alio diuinæ maiestatis ostenditur. Osee autē propheta etiam de tertia die manifestē prænūtiat, hoc modo: Sanabit nos, inquit, post biduum:

Ephes. 1.

Hiere. 18.

Psal. 3.

Osee. 6.

in die autem tertia resurgemus & uiuemus in conspectu eius. Hæc autem ex persona eorum dicit, qui cum ipso die tertia resurgentes, de morte reuocantur ad uitam: & ipsi sunt qui dicunt, die tertia resurgemus & uiuemus in conspectu eius.

Esa. 40. Esaias uerò aperte dicit, Qui educit de terra pastorem magnum ouium. Sed et mulieres quòd uisuræ essent resurrectionem eius, scribis et pharisæis et populo non credentibus, etiam

Esa. 32. hoc prædixit Esaias his uerbis, Mulieres quæ uenitis ab spectaculo uenite: non enim est populus habēs intellectum. Sed et de illis quæ post resurrectionem perrexisse dicuntur et quæsisse eum, et non inuenisse: sicut Maria refertur uenisse ante lucē,

Ioan. 20. & non inuento eo, flens dixisse ad angelos qui aderant, Quia tulerunt Dominum, et nescio ubi posuerunt eum: etiam hoc dicitur in Canticis canticorum,

Canti. 5. In cubili meo quæsiui, & non inueni eum. De illis quoque quæ inuenerunt eum, et tenuerunt pedes eius, prædicitur in Canticis canticorum, Tenebo eum, et non dimittam eum quem dilexerit anima mea. Hæc interim pauca de multis breuitati studentes posuimus, plura & relinquentes. Ascendit in cælos, sedet ad dexteram patris: inde uenturus est iudicare uiuos & mortuos.) Consequentia breuitatis in fine sermonis hæc continent, in quibus quod dicitur quidem palam est, sed requiritur quo sensu intelligi debeant quæ dicuntur.

Nam ascendisse, & sedisse, & uenturum esse, si secundum dignitatem diuinitatis intelligas, aliquid per hoc humanæ fragilitatis uidebitur indicari. Consummatis etenim his, quæ in terra gerebantur, & animabus de inferni captiuitate reuocatis, ascendere memoratur ad cælos: sicut propheta prædixerat. Ascendens in altum, captiuum duxit captiuitatem: dedit dona hominibus. Illa scilicet dona, quæ Petrus in Actibus Apo-

Ephef. 4. stolorū de spiritu sancto dicebat, Exaltatus ergo dextera Dei, effudit hoc donum quod uos auditis & uidetis. Donum ergo spiritus sancti hominibus dedit: quia captiuitatem, quam prius

Actu 2. effudit hoc donum quod uos auditis & uidetis. Donum ergo spiritus sancti hominibus dedit: quia captiuitatem, quam prius

diabolus per peccatum deduxerat in infernum, Christus per mortis suae resurrectionem reuocauit ad coelum. Ascendit ergo ad coelos, non ubi uerbum Deus antè non fuerat: quippe qui erat semper in coelis, et manebat in patre: sed ubi uerbum caro factum antè non sedebat. Deniq; quia nouus iste ingressus portarum coeli ædituis et principibus uidebatur, uidentes naturam carnis coelorum secreta penetrantem, dicunt ad inuicem, sicut Dauid plenus spiritu enuntiat, Tollite portas principes uestras, et eleuamini portæ æternales, et introibit rex gloriæ. *Psalm. 23.* Quis est iste rex gloriæ? Dominus fortis et potens, Dominus potens in prælio. Quæ uox utiq; non propter diuinitatis potentiam, sed propter nouitatem carnis ascendentis ad dexteram Dei ferebatur. Dicit et alibi idem Dauid, Ascendit Deus in iubilatiõe, Dominus in uoce tubæ. In uoce enim tubæ moris uictorum est redire de prælio. De ipso quoque et aliàs dicitur, Qui ædificat in coelo ascensum suum. Etiam alibi, Qui ascendit super cherubim et uolauit, uolauit super pennas uentorum. *Psalm. 17.* Sedere quoq; ad dexteram patris, carnis assumptæ mysterium est: neque enim incorporeæ illi naturæ conuenienter ista absq; assumptione carnis adduntur: neque sedis coelestis perfectum diuina natura, sed humana conquirat. Vnde et dicitur de eo, Parata sedes tua Domine ex tunc, à seculo tu es. Parata ergo à seculo sedes est, in qua sessurus erat is, in cuius nomine omne genu flectitur, coelestium, terrestrium et infernorum. Et omnis lingua confitebitur ei, quia dominus Iesus Christus in gloria Dei patris est: de quo et Dauid ita refert, Dixit dominus domino meo, sede à dextris meis, donec ponam inimicos tuos scabellum pedum duorum. Quæ tamen dicta dominus in euangelio differens dicebat ad phariseos: Si ergo Dauid in spiritu Dominum uocat, quomodo filius eius est? Per quod ostendit secundum spiritum Dominum, secundum carnem filium esse Dauid. Vnde et ipse Dominus iterum dicit, Veruntamen dico

*Matth. 22.**Matth. 26.*

uobis, amodo uidebitis filium hominis sedentem à dextris sicut
 1. Pet. 3. lii Dei. Et Petrus apostolus dicit de Christo: Qui est in dexte-
 Ephes. 3. ra Dei, sedens in cœlis. Sed et Paulus ad Ephesios scribens:
 Secundum operationem, inquit, potentiæ uirtutis eius, quam
 operatus est in Christo, suscitans eum à mortuis, et sedere fa-
 ciens in dextera sua. Quod autem ueniat iudicaturus uiuos
 et mortuos, multis quidem diuinarum scripturarum testimo-
 nijs edocetur: sed priusquam prophetici hæc eloquijs præ-
 dicta doceamus, illud necessario arbitror admonendum, quod
 ista fidei traditio quotidie nos uult de aduentu iudicis esse so-
 licitos, ut actus nostros ita præparemus, uelut reddituri im-
 minenti iudici rationem. Hoc enim erat quod et propheta
 dicebat de uiro beato: quia disponet sermones suos in iu-
 Psal. 111. dicio. Quid autem dicitur iudicare uiuos et mortuos, nisi
 quod alij uiui, alij mortui ad iudicium ueniant? sed animæ
 simul iudicabuntur et corpora, in quibus uiuos animas,
 corpora mortuos nominauit. Sicut et ipse Dominus in euan-
 gelio dicit: Nolite timere eos qui corpus possunt occidere,
 Math. 10. animæ autem nihil facere possunt: sed timete potius eum qui
 potest animam et corpus perdere in gehenna. Nunc iam
 paucis, si uidetur, etiam per prophetas hæc prædicta esse do-
 ceamus. Plura autem testimonia cum uolueris, ipse tibi de
 scripturarum latitudine congregabis: dicit ergo Malachias
 propheta: Ecce uenit Dominus omnipotens, et quis susti-
 nebit diem aduentus eius, aut quis sustinebit aspectum eius?
 quia ipse ingreditur sicut ignis conflatoris, et sicut spu-
 ma lauantium: et sedebit constans eos, et purgans sicut ar-
 gentum et sicut aurum. Vt autem euidentius agnoscas quis
 sit Dominus de quo hæc dicuntur, audi quid et Daniel pro-
 pheta prænuntiat: Videbam, inquit, in uisu, et ecce in nubi-
 bus cœli quasi filius hominis ueniens, et usque ad uetustum
 dierum perueniet, et in conspectu eius oblatus est: et ipsi da-
 tus

tus est principatus, & honor, & regnum, & omnis populus, tribus, & linguae ipsi seruiunt, & potestas eius potestas aeterna, quae non peribit: & regnum eius non corrumpetur. Ex his ergo edocemur, non solum de aduentu & iudicio, sed de potestate eius & regno: quia potestas eius aeterna sit, & sine corruptionis sine sit regnū: sicut in Euangelio dicitur. Regni eius non erit finis. Vnde ualde alienus à fide est, qui regnum Christi dicit aliquando finiendum. Scire tamen debemus quod salutarem huic Christi aduentum conabitur inimicus ad decipiendum fideles quosq; callida fraude simulare, & pro filio hominis qui expectatur uēturus in maiestate patris sui, filium perditionis in prodigijs & signis mendacibus preparare, ut pro Christo mūdo huic introducat Antichristum. De quo & ipse Dominus in Euangelij prædixit Iudeis: Quia ego ueni in nomine patris mei, & non recepistis me: alius ueniet in nomine suo, & ipsum recipietis. Et iterum dicit: Cum uidebitis abominationē desolationis in loco sancto, sicut dicit Daniel propheta: Qui legit, intelligat. Daniel ergo de aduentu erroris istius plenius & latius in suis uisionibus, edocet: ex quibus ualde operosum est exempla nunc ponere, quia satis amplis narrationibus dilatatur. Et ideo scire de his plenius delectantē ad ipsas magnas recēsendas remittimus uisiones. Sed & Apostolus de eo dicit: Ne quis uos seducat ullo modo: quoniam nisi discessio uenerit primum, & reuelatus fuerit homo peccati, filius perditionis, qui aduersatur & extollit se super omne quod dicitur Deus, ut quod colitur, ita ut in templo Dei sedeat, ostendens se tanquam sit Deus. Et paulò post: Et tunc reuelabitur, inquit, inimicus quē Dominus Iesus interficiet spiritu oris sui, & euacuabit illuminatione aduentus sui eum, cuius est aduentus secundum opera Satanae in omni uirtute, signis & prodigijs mendacibus. Et iterum paulò post: Et ideo mittet illis Deus operationem erroris, ut credant mendacio, ut iudicentur

Luc. 1.

Dan. 9.

Coloss. 2.
Ephess. 5.
1. Ioan. 3.

tur omnes qui non crediderunt ueritati. Propterea ergo prophetis & Euangelicis atque apostolicis uocibus nobis prænuntiatur hic error, ne quis pro aduentu Christi aduentum credat Antichristi. Sed & ipse Dominus dixit. Cum dixerint uobis ecce hic Christus, aut ecce illhic, nolite credere, uenient. n. multi pseudochristi & pseudoprophetae, & seducent multos. Sed quomodo demonstrabitur iudiciū ueri Christi, uideamus.

Matth. 13. Sicut fulgur, inquit, de Oriente resplendet usque ad occidentem, ita erit aduentus filij hominis. Cum enim aduenerit uerus Dominus Iesus Christus sedebit, & iudiciū statuēt. sicut Euangelium dicit. Et segregabit oues ab hœdis, & iustos ab iniustis. Sicut et Apostolus scribit. Quia omnes nos stare oportet ante tribunal Christi, ut recipiat unusquisque propria operis sui prout gessit, siue bona, siue mala, iudicabimur autem non solum pro gestis, sed & pro cogitatis, secundum quod & ipse

Matth. 25. **Rom. 14.** **2. Cor. 5** Apostolus dicit. Inter se inuicem cogitationibus accusantibus, aut etiam defendentibus in die quo iudicabit Deus occulta hominum, sed de his ista sufficiant. Post hoc ponitur in ordine fidei, & in spiritu sancto.) Ea quæ in superioribus paulò latius de Christo sunt tradita, ad incarnationis uel passionis eius mysterium pertinent. Quæ dum media intercedunt personæ ipsius coaptata, sancti spiritus commemorationem paulò longius reddiderunt. Cæterum si solius diuinitatis ratio habeatur eo modo quo in principio dicitur. Credo in Deo patre omnipotente, & post hæc in Iesu Christo filio eius unico, Domino nostro ita iungitur, & in spiritu sancto. Illa uerò omnia quæ de Christo memorantur ad dispensationem carnis, ut diximus, spectant: igitur sancti spiritus memoratiōe adimpletur mysterium trinitatis. Sicut enim dicitur pater, & alius non est pater, unus dicitur & unigenitus filius; & alius unigenitus non est, ita & spiritus sanctus unus est, & alius non potest esse spiritus sanctus. Vt ergo fiat distinctio personarum, affe-

tionis uocabula secernuntur, quibus ille pater intelligatur, ex quo omnia, & ipse non habeat patrem: filius uero tanquam qui ex patre natus sit, & spiritus sanctus tanquam de Dei ore procedens & cuncta sanctificans. Vt autem una eademque in trinitate diuinitas doceatur, sicut dictum est, in Deo patre credi adiecta prepositione, ita & in Christo filio eius, ita & in spiritu sancto memoratur. Sed ut manifestius fiat, quod dicimus, ex consequentibus approbabitur. Sequitur namque post hunc sermonem. Sanctam ecclesiam, remissionem peccatorum, huius carnis resurrectionem.) Nō dixit, in sanctam ecclesiam, nec in remissionem peccatorum, nec in carnis resurrectionem. Si enim addidisset in, prepositionem, una eademque uis fuisset cum superioribus. Ne autem in illis quidē uocabulis, ubi de diuinitate fides ordinatur, in Deo patre dicitur & in Iesu Christo filio eius, & in spiritu sancto: in ceteris uero ubi non de diuinitate, sed de creaturis ac mysterijs sermo est, in, prepositio non additur, ut dicatur, in sanctam ecclesiam, sed sanctam ecclesiam credendam esse, non ut in Deum, sed ut ecclesiam Deo congregatam: & remissionem peccatorum credendam esse, non in remissionem peccatorum: & resurrectionem carnis, nō in resurrectionem carnis. Hac itaque prepositionis syllaba creator a creaturis secernitur, & diuina separantur ab humanis. Is ergo spiritus sanctus est, qui in ueteri testamento legem & prophetas, in nouo uero Euangelia & apostolos inspirauit. Vnde & Apostolus dicit: Omnis scriptura diuinitus inspirata, utilis est ad docendum. Et ideo quæ sunt noui ac ueteris instrumenti uolumina, quæ secundum maiorum traditionem, per ipsum spiritum sanctum inspirata creduntur, & ecclesijs Christi tradita, competens uidetur in hoc loco euidenti numero, sicut ex patrum monumentis accepimus, designare: itaque ueteris instrumenti primo omnium Moyse quinque libri sunt traditi, Genesis, Exodus, Leuiticus, Numeri, Deuteronomium: 2. Tim 3.

post hoc Iesu Naue, Iudicium simul cum Ruth: quatuor post hæc Regum libri, quos Hebræi duos numerant, Paralipomenon, qui dierum dicitur liber: et Esdræ libri duo, qui apud illos singuli computantur, et Esther: prophetarum uero Esaias, Hieremias, Ezechiel, Daniel: præterea duodecim prophetarum liber unus: Iob quoque, et Psalmi David singuli sunt libri: Salomonis uero tres ecclesijs tradidit, Prouerbia, Ecclesiastes, Cantica canticorum. In his concluserunt librorum numerum ueteris testamenti. Noui uero, quatuor Euangelia, Matthæi, Marci, Lucæ, Ioannis: Actus Apostolorum, quos descripsit Lucas: Pauli apostoli epistolas quatuordecim: Petri apostoli epistolas duas: Iacobi fratris Domini et apostoli unam: Iudæ unam: Ioannis tres: Apocalypsin Ioannis. Hæc sunt quæ patres intra canonem concluserunt, ex quibus fidei nostræ assertiones constare uoluerunt. Sciendum tamen est, quod et alij libri sunt, qui non canonici, sed ecclesiastici à maioribus appellati sunt: ut est Sapientia Salomonis, et alia Sapientia quæ dicitur filij Sirach, qui liber apud Latinos hoc ipso generali uocabulo Ecclesiasticus appellatur. quo uocabulo non auctor libelli, sed scripturæ qualitas cognominata est. Eiusdem ordinis est libellus Tobie et Iudith et Machabæorum libri. In nouo uero testamento libellus qui dicitur Pastoris siue Hermatis, qui appellatur duæ uie, uel iudicium secundum Petrum: quæ omnia legi quidem in ecclesijs uoluerunt, non tamen poseri ad auctoritatem ex his fidei confirmandam. Cæteras uero scripturas apocryphas nominarunt quas in ecclesijs legi noluerunt. Hæc nobis à patribus, ut dixi, tradita opportunum uisum est hoc in loco designare ad instructionem eorum qui prima fidei elementa suscipiunt, ut scient ex quibus sibi fontibus uerbi Dei haurienda sint pocula. Tenet deinde traditio fidei sanctam ecclesiam. Causam iam superius diximus, cur non dixerit etiam in sanctam eccle-

Libellus pastoris.

siam, sed sanctam ecclesiam. Hi ergo qui suprà in uno Deo credere docti sunt sub mysterio trinitatis, credere etiam hoc debent, unam esse ecclesiam, sanctam, in qua una est fides, & unū baptisma, in quo unus Deus creditur pater, et unus Dominus Iesus Christus filius eius, & unus spiritus sanctus. Ista est ergo sancta ecclesia non habens maculam ac rugam. Multi enim & alij ecclesias congregarunt, ut Marcion, & Valentinus, ut Hebion, ut Manichæus, ut Arius & cæteri omnes hæretici. Sed illæ ecclesiæ non sunt sine macula aut ruga perfectæ. Et ideo dicebat de illis propheta. Odiū ecclesiā malignā Psal. 17. & cum impijs non sedeo. De hac autem ecclesia quæ fidem Christi integram seruat, audi quid dicit spiritus sanctus in Canticis canticorum: Vna est columba mea, una est perfecta genitricis suæ. Qui ergo hanc fidem in ecclesia susceperit, non declinet in concilio uanitatis, & cum iniqua gerentibus non introeat. Concilium nanque uanitatis est, quod ait Marcion, qui negat patrē Christi Deum esse creatorem, qui per filium suum fecerit mundum. Conciliū uanitatis quod Hebion docet, ita Christo credi debere, ut & circumcisio carnis, & obseruatio sabbati, & sacrificiorum sollemnitas, cæteræq; omnes obseruationes secundū literam legis teneantur. Conciliū est uanitatis quod Manichæus docet. Primum, quod se paracletum nominauit: tum deinde quod mundum à malo factum dicit, Deum creatorem negat: testamētum uetus repudiat: unā bonam, aliam malam naturam sibi inuicem aduersantes asserit: coæternas Deo animas hominum secundum Pythagoricos in pecudes & animalia & bestias redire per diuersos nascendi circulos adstruit: resurrectionē carnis nostræ negat: passionem Domini & natiuitatē non in ueritate carnis, sed in phantasijs fuisse confirmat. Concilium uanitatis est quod Paulus Samosatenus, & post eius successor Fotinus, qui asserit Christum nō fuisse ante secula natum ex patre, sed ex Maria coe-

Cant. 6.

piſſe, & non eam Deum hominē natum, ſed ex homine Deū
 exiſtimat factum. Concilium uanitatis eſt & quod Arius atq;
 Eunomius docuit, qui filium Dei non ex ipſa patris ſubſtantia
 natum, ſed ex nihilo creatū uolunt, & filium Dei habere ini-
 tium, & minorem eſſe patre: ſed & ſpiritum ſanctum non ſo-
 lum minorem eſſe, ſed & mittendarium aſſerunt. Conciliū ua-
 nitatis eſt & quod illi aiunt, qui filium quidem de ſubſtantia
 patris fatentur, ſanctum uerò ſpiritum ſeparāt & ſecernunt,
 cum utique unam eandemq; uirtutem & diuinitatem oſtende-
 rit trinitatis ſaluator in Euangelio, cum dicit. Baptizate gen-
 tes in nomine patris & filij & ſpiritus ſancti. Et eſt aperte
 impium ſeparari ab homine quod diuinitus iungitur. Conci-
 lium uanitatis eſt & hoc¹, quod olim cōgregauit pertinax &
 praua contentio, aſſerens quidem Chriſtum carnem humanam
 ſuſcepſiſſe, non tamen animam rationalem, cum utique & car-
 ni & anime & ſenſui, & menti una eandemq; ſalus à Chriſto
 collata ſit. Sed & illud concilium uanitatis eſt, quod Donatus
 per Aphricam traditionis eccleſiam criminando contraxit: &
 quod Nouatus ſolicitauit, lapſis pœnitentiam denegando, &
 ſecundas nuptias non iniri: eas etiam, ſi neceſſitas exigit, con-
 demnando. Has omnes ergo uelut congregationes malignan-
 tiū fuge, ſed & eos, ſiqui illi ſunt, qui dicuntur aſſerere, quòd
 filius Dei non ita uideat, uel nouerit patrem, ſicut ipſe noſci-
 tur, & uidetur à patre: uel regnum Chriſti eſſe finiendum: uel
 carnis reſurrectionem non integra naturæ ſuæ ſubſtantia re-
 parandam: futurum Dei iuſtum erga omnes negare iudicium,
 diabolum debita abſoluere damnatione pœnarum. Ab his, in-
 quam, omnibus fidelis declinet auditus: ſanctam uerò eccleſiā
 teneat, quæ Deum patrem omnipotentem, & unigenitum fi-
 lium eius leſum Chriſtum Dominum noſtrum, & ſpiritum
 ſanctum concordī & conſona ſubſtantie ratione proſitetur,
 filiumq; Dei natum ex uirgine, & paſſum pro ſalute humana,

Et resurrexisse à mortuis in eadem carne qua natus est cre-
 dit, eundemq; uenturum iudicem omnium sperat, in qua &
 remissio peccatorum, & carnis resurrectio prædicatur. Ve-
 rum de remissione peccatorum sufficere deberet sola credu-
 litas. Quis enim causas aut rationem requirat, ubi indul-
 gentia principalis est? Et tamen cum terreni regis liberalia-
 tas discussione non sit obnoxia, ab humana temeritate discu-
 titur diuina largitio. Solent enim cum irrisione dicere ad-
 uersum nos pagani, quòd ipsi nos decipiamus qui putamus
 crimina quæ opere commissa sunt, uerbis posse purgari, &
 aiunt. Nunquid potest qui homicidium commisit, homicida
 non esse: aut adulter non uideri, qui adulterium perpetra-
 uit? Quomodo huiuscemodi criminum reus, sanctus uobis
 effici uidetur & purus? Sed ad hæc, ut dixi, melius fide,
 quàm ratione respondeo. Rex enim est omnium qui pro-
 misit, terræ cæliq; Dominus est qui hæc pollicetur. Vis ut
 ei, qui me hominem ex terra fecit, non credam quòd ex cri-
 minoso me faciat innocentem, & qui me cum essem cæcus fe-
 cit uidere, uel cum essem surdus audire me fecit, qui mihi clau-
 do reddidit gressum, innocentiam mihi perditam non poterit
 reparare? Et tamen ueniamus ad ipsius naturæ testimonium.
 Occidere hominem non semper criminofum est: sed malitia,
 non legibus occidere, criminofum est. Non ergo factum me
 in talibus, quia interdum & recte fit, sed animus male con-
 sulens damnat. Si ergo animus in me, qui criminofus effe-
 ctus est, & in quo origo fuit uitij, corrigatur, cur tibi non
 uidear posse innocens effici, qui prius fueram criminofus? Si
 enim, ut supra ostendimus, constat quòd non in facto, sed in
 uoluntate sit crimen: sicut mala uoluntas autore malo demo-
 ne peccato me & morti fecit obnoxium, ita bona uoluntas mu-
 tata autore bono Deo, innocentiae me reddit & uitæ. Similis
 causa in cæteris criminibus. Et hoc modo fides nostra non in-

uenitur naturalibus rationibus aduersari, dum remissio peccatorum non gestis quæ mutari non possunt, sed animo quem de malo in bonum uerti posse certum deputatur. Sed ultimus iste sermo, qui resurrectionem prænuntiat, summā totius perfectionis succincta breuitate concludit. Quamuis etiam de hoc non solum à gentilibus, sed etiam ab hæreticis fides impugnetur ecclesiæ. Nam Valentinus resurrectionem carnis omnimodo negat, & Manichæus, sicut superius ostendimus. Sed & isti, qui Esaiam prophetam dicentem quidem, Resurgent mortui, & suscitabuntur qui in monumentis sunt, audire noluerunt, nec Danielem sapientissimum omnium prophetantem: quia tunc resurgent qui sunt in terræ puluere, hi quidem in uitam æternam, hi autem in opprobrium & confusione æternam. Inde uel in Euangelijs quæ recipere uidentur, discere debuerūt à Domino saluatore nostro Sadducæos docēte dictum: Quod autem resurgant mortui non legistis quomodo dicit Moyses in rubo. Deus Abraham, Deus Isaac et Deus Iacob? Deus autem non est mortuorum. In quo etiam quæ sit & quanta resurrectionis gloria in superioribus memorauit, cum dixit. In resurrectione autem mortuorum neque nubent neque nubentur, sed erunt sicut angeli Dei. Resurrectionis ergo uirtus angelicum hominibus confert statum, ut qui de terra resurrexerunt, non iterum in terra cum pedibus, sed in cælo cum angelis uiuant, quos tamen ad hoc ratio uitæ prioris admiserit, illos scilicet, qui iam non carni seruiunt, sed animæ suæ, carnem castis pudicitie frænis in obedientia sancti spiritus subiugauerunt, & omni eam uitiorum labe tenuatam, & ad spirituales gloriam sanctificationis uirtute mutatam, angelorum quoque meruerint consortijs misceri. Sed infideles reclamant, & dicunt. Quomodo potest caro quæ putrefacta dissoluitur, aut in puluerem uertitur, maris etiam quæ interdum profundo soluitur, fluctibusque dispergitur, recolligi-

Exod. 3.

Matth. 22.

Luc. 20.

gi rursum et reintegrari in unum, et corpus ex ea hominis reparari? Ad quos primam interim responsionem sermonibus Pauli faciamus, dicentes eis, Insipiens tu, quod seminas non uiuificabitur nisi prius moriatur. Et quod seminas, non corpus quod futurum est seminas, sed nudum granum tritici, aut alius cuius ceterorum seminum, Deus autem dat illi corpus prout uult. Quod ergo in seminibus quæ tu in terram iacis, per annos singulos fieri uides, hoc in tua carne, quæ Dei lege seminatur in terra, futurum esse nõ credis? Cur, quæso te, nunc angustus & inualidus diuinæ potentie existimator es, ut dispersum uniuscuiusq; carnis puluerem in suam rationem colligi et reparari posse non censeas, cum uideas quod etiam mortale ingenium demersas in profundum terræ metallorum uenas riamatur, & artificis oculus aurum uidet, in quo imperitus terram putet? Nec tantum quidem concedimus ei qui fecit hominem, quantum homo qui ab ipso factus est, assequi potest? Et cum auri esse propriam uenam, & argenti aliam, æris quoque longe disparem, ferri quoque et plumbi diuersas in terra species terræ latere, mortale deprehendat ingenium: diuina uirtus inuenire posse ac discernere non putabitur uniuscuiusque carnis proprium sensum, etiam si uideatur esse dispersum? Sed adhuc tentemus animas quæ deficiunt in fide, naturalibus rationibus adiuuare. Siquis diuersa semina in unum permisceat, & hæc indiscreta seminet, uel passim spargat in terrā, non ne uniuscuiusq; seminis quocunq; loco fuerit satio, cōpetenti tempore secundum naturæ suæ speciem germen producit, & culmum suæ formæ suiq; corporis reparat? ita ergo & uniuscuiusque carnis substantia quamuis uarie & diuerse dispersa sit, ratio tamen ipsa quæ inest unicuiq; carni, immortalis est. Tempore quo seminatis in terram corporibus primum uerbū Dei uoluntate cum arripserit, collectum de terra, & attractum substantiæ suæ sensum reddit ac reparat in illa specie quam mors

aliquando dissoluerat. Et ita fit ut unicuique animæ non confusum, aut extraneum corpus, sed suum quod habuerat reparetur: ut consequenter possit pro agonibus præsentis uitæ cum anima sua caro uel pudica coronari, uel impudica puniri. Et ideo satis cauta et prouida adiectione symboli ecclesia nostra docet, quæ in eo quod à cæteris traditur, carnis resurrectionē, uno addito pronomine tradit, huius carnis resurrectionē. Huius sine dubio quam is qui profitetur signaculo crucis fronti imposito contegit, quo sciat unusquisque fidelium carnē suam si mundam seruauerit à peccato, futuram uas esse honoris utile domino ad omne opus bonum paratum: si uerò cōtaminata fuerit in peccatis, futuram esse uas iræ ad interitum. Iam uerò de ipsa resurrectionis gloria, et de repromissionum magnitudine, si quis plenius scire desiderat, omnibus penè diuinis uoluminibus inueniet indicari, ex quibus nos commotionis tantummodo gratia pauca in præsentī loco memorantes, finē iniuncti à te opusculi faciemus. Igitur Apostolus Paulus quod

1. Cor. 15. resurgent mortui, talibus asserit argumentis, dicens. Quod si resurrectio mortuorum non est, ergo nec Christus resurrexit. Si autem Christus nō resurrexit, inanis est prædicatio nostra, uacua est et fides nostra. Et paulò post, Nunc autem Christus resurrexit à mortuis, primitiæ dormientium. Quoniam quidem per hominem mors, et per hominem resurrectio mortuorum. Sicut enim in Adam omnes moriuntur, ita in Christo omnes uiuantur: unusquisque autem in suo ordine, initium Christus, deinde hi qui sunt Christi in aduentu eius, deinde finis. Et in consequentibus addit etiam hæc: Ecce mysterium uobis dico: Omnes quidem resurgemus, sed non omnes immutabimur. In momento, in ictu oculi, in nouissima tuba. Canet enim tuba, et mortui resurgent incorrupti, et nos immutabimur. Sed et ad Thessalonicenses nihilominus scribens dicit: Nolo autem uos ignorare fratres de dormientibus, ut non contristemini sicut

Ibidem:

1. Thess. 4.

Et ceteri qui spem non habent. Nam et si credimus quia
 IESVS mortuus est et resurrexit, ita Deus eos qui dormie-
 runt per IESVM adducet cum illo. Hoc enim vobis dici-
 mus in uerbo Domini: quia nos qui uiuimus, qui relictum sumus
 in aduentu domini, non praeueniemus eos qui dormierunt. Quo-
 niam ipse Dominus in iussu, in uoce Archangeli, in tuba Dei
 descendet de caelo, et mortui qui in Christo sunt, resurgente
 primi: deinde nos qui uiuimus, qui relictum sumus, simul cum il-
 lis rapiemur in nubibus obuiam Christo in aëra, et ita semper
 cum domino erimus. Verum ne existimes hæc Pauli solius præ-
 dicatione nouella signari: audi quid etiam Ezechiel prophe-
 ta olim per spiritum prælocutus sit: ecce, inquit, ego apertam
 sepulchra uestra, et educam uos de sepulchris uestris. Ezech. 37.
 Iob quoque mysticis redundans totus eloquijs, audi quam eui-
 denter resurrectionem prædicet mortuorum. Est, inquit arboris
 spes: si enim abscissa fuerit, iterum pullulabit, et uirgultum
 eius nunquam deficit: quod si senuerit, in terra erit radix eius.
 Si autem in petra mortuus fuerit truncus eius, odore aquæ re-
 florebit, et faciet fruticem quasi nouella. Vir uero si mortuus
 fuerit, abiit: et mortalis si ceciderit, ultra iam non erit? Non ti-
 bi uidetur in his cum quodam pudore arguere homines et di-
 cere: Itane est stultum hominum genus, ut cum uideant abscissæ
 arbori uitam recipere, ipsi nec lignis simile aliquid de semet-
 ipsis, nec arboribus opinentur? Vt autem scias quod uelut inter-
 rogantis, quomodo legendum sit quod dixit: Mortalis autem
 cum ceciderit, non resurget: de consequentibus probat. Subiun-
 git namque statim: Si autem mortuus fuerit homo, uiuet. Et paulo
 post dicit: Expectabo usquequo nunc haurit. Hæc quidem di-
 cta sunt ad comprobationem professionis nostræ, qua cõfitemur
 in symbolo huius carnis resurrectionem. Quod enim adiunctum
 est, huius, uide quam consonum sit omnibus his, quæ de exem-
 plis diuinorum uoluminum memorabamus. Quid enim aliud

* alias, redire

indicatur in dictis Iob, quæ superius exposuimus, cum dicit: Quia suscitauit pellem meam quæ hæc nunc haurit, id est, quæ ista tormenta perpetitur. Non ne aperte huius carnis dicit resurrectionem futuram? Huius, inquam, quæ tribulationum et tentationum cruciamenta nunc sustinet. Sed et Apostolus cum

1. Cor. 15. dicit: Oportet enim corruptibile hoc induere incorruptionem, et mortale hoc induere immortalitatem: nunquid non corpus suum quodammodo contingentis, et digito palantis est uox? Hoc ergo quod nunc corruptibile corpus est, resurrectionis gratia incorruptibile erit. Et nunc quod mortale est, immorta-

1. Thess. 4. litatis uirtutibus induetur: ut sicut Christus resurrexit à mortuis, iam non moritur, neque mors ei ultra dominabitur: ita qui et in Christo resurgunt, nec corruptionem sentiant ultra, nec mortem, non natura carnis abiecta, sed de conditione eius et qualitate mutata. Erit ergo corpus quod resurget à mortuis, incorruptibile et immortale, non solum iustorum, sed etiam peccatorum. Iustorum quidem, ut semper possint permanere cum Christo: peccatorum uero, ut absque internectione sui debitas luant poenas. Quod autem iusti semper cum domino Christo permaneant, iam et in superioribus edocuimus, ubi ostendimus quia Apostolus dicit: Deinde nos qui uiuimus, qui relictī sumus, simul rapiemur cum illis in nubibus obuiam Christo in aëra, et ita semper cum domino erimus. Nec mora, sacrosancta sanctorum corpora in tantam gloriam resurrectionis mutabuntur, ut in occursum domini suspensa nubibus et aëre uectata rapiantur: cum ipse Apostolus exponēs quantum conferrat Deus his qui diligunt eum, dicat: Qui transformabit corpus humilitatis nostræ, conforme corporis filij claritatis suæ. Nihil ergo absurdum est, si sanctorum corpora dicantur nubibus in aëra sustolli, cum ad formam corporis Christi quod in dextera Dei sedet, dicantur esse reformanda. Sed hoc sanctus Apostolus uel de se, uel de cæteris sui loci, uel meriti addit et

Philip. 3.

dicit: Quia cōexcitauit nos cum Christo, simulq; scit sedere
 in cōlestibus. Vnde cum hæc & horum similia quā pluri=
 ma in repromissionibus habeat resurrectio iustorum, non erit
 iam difficile credere etiam illa quæ propheta prædixerunt:
 quòd iusti fulgebunt sicut sol, & sicut splendor firmamenti in Sapient. 3.
 regno Dei. Quid enim difficile uidebitur eos fulgorem Solis Matth. 13.
 habituros, et syderum ac firmamenti huius splendore decoran=
 dos: quibus uel uita & conuersatio Angelorum Dei paratur
 in cœlis: uel confirmandi dicuntur ad gloriam corporis Chri=
 sti: ad quam gloriam saluatoris ore promissam, respiciens san=
 ctus Apostolus dicit, Quia seminatur corpus animale, surget. 1. Cor. 15
 corpus spirituale. Si enim uerū est (sicut certe uerum est) quòd
 iustos quosq; & sanctos Angelorum consortijs sociabit diui=
 na dignatio, certum est quòd & corpora sanctorum in spiri=
 tualis corporis gloriam uertat. Nec hoc contra naturalem cor=
 poris rationem uideatur esse promissum. Si enim secundum ea Gen. 2.
 quæ scripta sunt, quòd accipiens Deus limum terræ plasmāuit,
 hominem, credimus, & hoc est natura corporis nostri, ut uo=
 luntate Dei terra uerteretur in carnem: quid tibi aut absurdum
 aut contrariū uidetur, si eisdem rationibus quibus lutum pro=
 fecisse dicitur in corpus animale, in corpus proficere spiritua=
 le credatur? hæc quidem atq; his similia multa inuenies in scri=
 pturis diuinis de resurrectione iustorum. Dabitur & peccato=
 ribus, ut suprà diximus, incorruptionis & immortalitatis de
 resurrectione conditio: ut sicut iustis ministrat ad perpetuitatē
 gloriæ, ita peccatoribus ad prolixitatem cōfusionis & pœnæ.
 Sic enim propheticum definit eloquium, cuius & paulò antè
 meminimus, ubi dicit, et multi resurgent de terræ puluere: hi
 quidem in uitam æternam, hi autem in cōfusionem & oppro=
 brium æternum. Si ergo intelleximus qua ueneratione Deus
 omnipotens pater dicatur, quòue sacramento Dominus noster
 IESVS Christus unicus filius eius habeatur, & qui perse=



Romiserant quidem uobis ante tempus epistolam filij charissimi, quæ omnium morum instituta de lege commendans, summam omnia etiam contineret, quæcunque uniuersis clericis generaliter ad dirigendum regulam competunt discipline. Sed quia nunc de fornicationum commoratione uulgariter inter uos quidam ignominiose deuoluti sunt, etiam de hac re specialiter uobis domini correctionem scribere compulsus sum: qui miserum me pro uestra negligentia cum seueritate conueniens, mandare præcepit, ne clerici cum fornicariis commoretur. Et licet hæc admonitio sola literarum mearum autoritate sufficeret, tamen ne me somniantorem irrideat quisquam, sicut Ioseph fratres irriserunt, scripturarum addimus firmitatem, ut omnes sciant hoc etiam modo per reuelationem dominum iubere, quod literis cognoscitur ante iussisse: nec nos esse adulterantes uerbum domini, aut uolentes iactanter de reuelationibus gloriari, sed sic ante conspectum domini refrendo non mentiri quod loquimur: sicut à domino confidimus nos non audisse mendacium, præsumentes uocem Apostoli Pauli protestantis: Non enim sumus, inquit, sicut plurimi adulterantes uerbum Dei, sed ex sinceritate sicut ex Deo coram ipso in Christo loquimur. In dolore itaque maximo constituti de quibusdam putrefactis membris corporis nostri, et in gemitu iacturam lamentantis ecclesiæ, quæ per seignitiem nostram redigitur per dies singulos ad nimiam paucitatem, credimus nos ex parte aliqua subleuari, quod diligentie nostræ negligentia quorundam obesse non possit, quibus nunquam nostræ literæ defuerunt, quæ per absentiam nostram frequentiam omnibus pensauerunt dissimulationis suæ: ut unusquisque contemptor reum semetipsum conscribat, nos autem libera fronte contemptoribus exclamemus, quod Salomon confidenter exprobrat: Quonia quidem uocabam, inquit, et non

Gene. 37.

2. Cor. 4.

Prouer. 16

obaudiebatis: & extendebam uerba mea, & non intendebatis: sed irrita faciebatis mea consilia, meis autem increpationibus non intendebatis. itaq; & ego uestre perditioni super ridebo. Gratulabor ergo aduersum uos, cum aduenerit uobis interitus, cum aduenerit uobis subito tumultus: euersio autem simul & procella, & cum aduenerit uobis pressura & expugnatio. Erit enim cum me inuocaueritis, ego autem non exaudiam uos. Quarent me mali, et non inuenient: oderunt enim sapientiam. Verbum autem Domini non assumpserunt, neq; uoluerunt meis consilijs intendere. Spreuerunt enim meas correptiones. Ideoq; edent uite sue fructus, & sua impietate satiabuntur. Ad uos nunc mea exhortatio conuertitur, quos nolumus experiri talia precipitia ruinarum. Metuite quantum potestis eiusmodi casus exitia. Et in ista subuersione labentium uos experimenta perterreant. Nimiū præceps est qui transire contendit, ubi alium conspexerit cecidisse: & uehementer infrænis est, cui non incutitur timor alio pereunte. Amator uerò est salutis sue, qui euitat alienæ mortis incursum. Et ipse est prouidus, qui sollicitus sit cladibus cæterorum: sicut Salomon approbat, dicens: Astutus uidens malum puniri, uehementer erudietur. Et iterum: Cadentibus impijs iusti uehementer terrebuntur. Aduersa est confidentia, quæ periculis uitam suam pro certo commendat. Et lubrica spes est, quæ inter fomenta peccati saluari se sperat. Incerta uictoria est, inter hostilia arma pugnare. Et impossibilis liberatio est, flammis circumdari, nec ardere: quod Salomon non negat, dicens: Quis alligabit in sinu suo ignem, uestimenta autem sua non comburet? Aut quis ambulabit super carbonēs ignis, pedes uerò non comburet? Sic qui introierit ad uxorem proximi sui, non erit immunis: neque omnis qui tangit eam. Credite quæso uos credite diuinæ fidei, quinimo plus quàm nostræ: quia omne quicquid pollicetur non potest fallere,

Astutus alio
no periculo
eruditur.

Prover. 6.

fallere, dicente domino. Facilius est, inquit, cœlum & terram Luc. 16.
 præterire, quàm de lege unum apicem cadere. Et iterum? Cœ-
 lum & terra transibunt, uerba autem mea non præteribunt. Matth. 24.
 Ipsi ergo nos fallimus, quoties inordinaliter credimus, æstima-
 ntes per fidem nostrā legis præcepta mutari: ut inter ma-
 sculos & foeminas speremus passim castitatem immobilem cu-
 stodiri. Difficile quis uenenum bibit, & uiuet. Verendum est
 dormienti in ripa ne cadat, cum dicat Apostolus. Qui se pu- I. Cor. 10.
 tat stare, uideat ne cadat. In hac parte expedit plus bene ti-
 mere, quàm male fidere. Et utilius est infirmum se homo co-
 gnoscat, ut fortis existat: quàm fortis uideri uelit, & infirmus
 emergat. De qua re præsumptores obiurgat Apostolus, dicēs:
 Siquis putat se aliquid esse, cum nihil sit, seipsum implanat. Galas. 6.
 Pro certo implinator proprius suam animam decipit, qui non
 cauendo contraria noxijs rebus semet ipse commiserit. Ille au-
 tem tutius sibi consulit, qui circa malos semper infidus species
 quasque noxias extimescit: quorum distantiam Salomon dis- Prouer. 14.
 seruit, dicens. Sapiens timendo declinabit ab omni malo: insti-
 piens autem confidens sui miscetur iniquo. Magnum sapien-
 tiæ diuinæ consilium inuentum est, ubi timoris auxilio libere-
 mur. Magna compendia prouidentiae, ut aliquando fiat uirtus
 & uictoria per timorem. Magna remedia dominus cōtulit ad
 salutem, ut habeat & timidus laudem: sicut Salomon repetit,
 dicens. Beatus uir qui ueretur omnia per metum. Inæstimabi- Ecc. 15.
 lis domini misericordia, quæ undique homini suo contulit glo-
 riam: & incomprehensibilis pietas, quæ scilicet pugnas dedit
 & palmas, ut confitendo masculorum seuitiam superemus, et
 timendo foeminarum blandimenta uincamus, dummodo & de
 uirtute et de infirmitate super nos dominus glorias operetur:
 ut in omnibus & per omnia omnipotentem semet ipse teste-
 tur: diuidens differentias triumphorum, ut tam consilijs quàm
 uiribus à nobis bella uincantur, ne si uicerimus solius fidei for-

Sapientie arma
sumenda.

Proverb. 2.

2. Cor. 12.

1. Tim. 6.

Aculeus peccati
est forma mulie-
ris.

Gen. 1.

titudine contra Salomonem uacua essent opera sapiētiæ. Nunc igitur sapientie arma gestanda, ubi foeminei & uirilis sexus certanē indicitur. Vnde Salomon sic instruit, dicens: Prudentiam, inquit, fac notam tibi, ut te seruet à muliere aliena & pessima. Videte nunc prudentiam in isto bello, non fidem nobis datam esse uictricē, quæ nos timiditatis remedio liberasset: & contemplamini quæ sunt modò arma sumenda, si uultis habere legis auxilia. Estote timidi, ut sitis intrepidi: & licet timor in certamine infirmitas esse uideatur, tamē secundum uerbum Apostoli, uirtus in infirmitate perficitur. Separamini deprecor separamini à contagione pestifera. Quantumcunque fuerit unusquisq; longius ab aduersis, tantum non sentit aduersa. Minus uoluptatibus stimuletur, qui non est ubi frequentia est uoluptatum. Et minus auaritiæ molestias patitur, qui diuitias non uidet. Si admittimus Apostolum dicentem: Qui uolunt, inquit, diuites fieri, incidunt in tentationem & in muscipulas diaboli, & desideria multa & inutilia & noxia, quæ mergunt hominem in perditionem & in interitum. Non aliter tentationibus subiacet, qui iunctus est foemina: in qua nihil est aliud nisi quod seriat proximantem. Aculeus peccati facta est forma foemineæ: & mortis conditio non aliunde surrexit, nisi de muliebri substantia. Quod Salomon ad nostram sollicitudinem memorat, dicens: A muliere factum est initium peccati, et propter hanc omnes morimur. Inde mortales tenemur, nec teneri timemus. Quid si iam immortales essemus? Per mulierem liberauit nos equidem Christus. Sed unde adhuc morimur, formidare debemus. Tunc liberatio ipsa constabit in foemina, si à nobis mors reuincatur, quæ per foeminam uenerat. Cæterum si adhuc per mulierem circa nos scandala dominantur, liberationes Christi fecimus pro certo dispendiū. Siquidē in futurū spes ista libertatis manet, quam fidei nostræ Christū credimus contulisse: ut tunc nobis omnino mulier non noceat,

cum & ipsa mors fuerit euacuata. Nam si modo putamus nos intentabiles esse muliebribus iaculis, quid ergo restat celestibus regnis? Non immerito tales sensus Apostolus increpat, dicens: Iam satiati estis, iam diuites facti estis: sine nobis regnatis, & utinam regnetis. Tempus ergo luctaminis adhuc geritur, & mors per sceminam adhuc usque grassatur. Mentior si non uidemus exinde interitus plurimorum. Quanti & quales episcopi & clerici simul & laici post confessionum uictoriarumq; calcata certamina, post magnalia & signa uel mirabilia, usquequaq; monstrata, noscuntur cum his omnibus naufragasse, cum uolunt in naui fragili nauigare? Quantos leones domuit una infirmitas delicata, quæ cum sit uilis & misera, de magnis efficit prædam? Quod Salomon loquitur, dicens: Pretium meretricis tantum est unius panis, mulier autem pretiosas animas capit. Ante nos ista tractantur, & nullis terroribus coercemur. Quid faceremus si opinionibus tantummodo gestas historias audiremus? Sed hæc est semper incredulitas humane duritiæ, ut non solum audiendo, sed etiam uidendo non credat alteros interisse, nisi & seipsam uiderit interire: nec sociorum mortibus quatitur, dum illos emeritos aut inuálidos opinatur. Se autem multum mereri, aut multum ualere fiducia liter putat, nesciēs præberi cunctis exempla, cum fuerint quibusdam irrogata supplicia: sicut Dominus in Euāgelio proponit, & dicit: Putatis quòd hi Galilei præ omnibus Galileis fuerint peccatores, qui talia passi sunt? Non, dico uobis: nisi pœnitentiā habueritis, similiter perietis: sicut illi supra quos cecidit turris in Siloe, & occidit eos. Putatis quoniam & ipsi debitores fuerunt præ omnibus hominibus habitantibus in Hierusalem? Non, dico uobis: si non pœnitueritis, similiter perietis. Miramur si Adam per Euam seductus est, quem nulla morientium exempla præcesserant, nisi iussio una constrinxerat, cum modo nos nec innumerabiles mortes, nec infinita iussa

1. Corint. 4.

Proverb. 6.

Luc. 13.

Adam seductus ab Eua.

sa compescant? Quibus conuenienter dicitur secundum increpationem domini: Si Adam uidisset mortes, quæ factæ sunt in uobis, olim in cilicio & cinere poenitentiam egisset. Dico autem uobis, quoniã Adæ tolerabilius erit in die iudicij, quàm uobis. Longe sit pestis ista et lues & clandestina perniciēs. O quàm inordinabilis foeminae propinquitās iaculatur, cuius iucinia est delictorum latrocinium. Non est in hac societate sinceritas ap-
 probabilis, quæ collisiones habet uelut quibusdam fluctibus turbulentas. In hac familiaritate non habitat amica cōcordia:

Mulier uiri ad
 interium.

quoniam non nisi discordantes inimicitias creat. Fecit equidem uiro Dominus mulierem adiutricem, sed serpentis inuidia personam sumpsit hostilem. Quod si illa de uiro suo nata usq; hodie ipsum cui iungitur tentat: quanto magis illa quæ copulatur nulla lege coniuncta? Et si illi qui duo sunt in carne una concreti tentationibus mutuis inuicem punguntur, quid faciet hi qui in una carne nec nati, nec iuncti sunt? Præsertim quia nec Deū iam inuocare permittitur, qui charitate alterius auocatur: nec sinitur cogitare diuina qui sibi quæsiuit, cui exhiberet domesticam curam. Propter quod sic Apostolus consulit,
 1. Cor. 7. dicens: Volo uos sine sollicitudine esse. Qui sine uxore est, sollicitus est quomodo placeat Deo: qui autem habet uxorem, cogitat quæ sunt huius mundi, quomodo placeat uxori. Quid est nūc quod in hac cōiunctione delectet, in qua sunt solæ pugnae? Aut quæ utilitas fauet, ubi non sunt officia coniugalia, quando nec ipsa possunt esse secura? Casuale est omne quod foeminae est, & copulatio eius semper infesta est, Fœdere suo magnas molestias præstat, & cui adhæserit contra fas, insanabilem ingerit plagam. De carbonibus scintillæ disiliunt, de ferro rubigo nutritur: morbos aspidēs sibilant, & mulier fundit concupiscentiæ pestilentiam: quam Salomon sic comparat, dicens: De uestimentis procedit tineā, & à muliere iniquitas uiri. Volo scire quæ sit affectio ista communis, quæ morbi dis-

Ecccl. 42.

sensio semper ambigua, quæ propositum suum nutantibus cõ
 filiis impugnando conturbat. Vt quid sibi adhibuit mulierem,
 qui ducere contempsit uxorem? Omnis qui non manducaue-
 rit carnem, ut quid habitationem suam carnis apparatus re-
 plet? Et qui non biberit uinum, quid uini oblectatione perfrui-
 tur? Quasi non aliquoties habendo nec gustando copia escu-
 lentis animus pascitur, & uini odoriferi sola fragrantia susci-
 tatur sepius animus, quid per hypocrisin uult ab hominibus
 abstines dici, & in secreto carnibus & ebrietate distendi? Ha-
 bent multi diuitias quas suis usibus negant, sed pro cupiditate
 conseruant: quibus si nulla cupiditas inhæsisset, nec cupiditatis
 insignia possideret. At uerò quia cupiditate possessi sunt, per-
 fruuntur animo quod usu non tangunt. Ita is qui despexit uin-
 culum nuptiarũ, & aliter uinculis foemineis obligatur, quam-
 uis nullo concubitu misceatur, desiderio tamẽ, uisu, colloquio,
 coniunctione semper oblectatur. Nam si desiderium foeminae
 non haberet, nõquam foeminam suis oblectamentis assumeret:
 Immo uerò insuper mihi suspectum placitum dedit, qui nõ legi-
 timam duxit, et legitimã recusauit, nisi fallor in publico argu-
 mentatus est hominibus promittere sanctitatem, & in oculo
 si ne uxore nõ esse. Duo argumẽta sanctitatis & libidinis hinc
 & inde miranda sunt, quæ utraq; inuicẽ tegunt & utraq; in-
 uicem produnt. Ingeniosus eunuchus & mœchus inuidet sibi
 dum cõsultat, & dum quærit utrunq;, neutrum facit, ut sanctus
 minime deputetur, qui non uera coniunctione perfruatur: cum
 Paulus Apostolus dicat: Alligatus es uxori: ne quæsieris solu-
 tionẽ. Solutus es ab uxore: ne quæsieris uxorem. Sed consensio
 non esse castitatis huius pudicitiam uiolatam. Suspiciosus tamẽ
 malan porrigit samam, & pudicitiaẽ bonum frustra intrinse-
 cus laborioso agone custodit, quod forinsecus efficit infamari,
 destruens magistrum Pauli prouidentis pariter & monen-
 tis: Vt quid, inquit, libertas mea iudicatur ab infideli conscien-

1. Corinth. 7.

- tia? Si ergo gratiæ participo, ut quid blasphemor pro eo quòd gratias ago? Peius est quàm mœchari cōtinentiam ducere criminofam, & infamem ferre ſanctimoniam. Blaphemiam ingerit religioni, quam cōtulit: qui quod cōfitetur, non ante omnes impleuerit, ne Chriſtianitas credatur eſſe fallacia, & mœchatio uideatur eſſe ſanctitatis uelamento uestita. Propter quod
- Matth. 5. Dominus in Euangelio ſic præmonet, dicens: Sic luceat lumen ueſtrum coràm hominibus, ut uidentes opera ueſtra bona magnificēt patrem ueſtrū qui in cœlis eſt. Hoc ſequitur & Paulus
- Rom. 14. Apoſtolus, dicens. Nō ergo blaſphemetur bonum ueſtrū. Et iterum: Prouidentes bona non tantum coràm Deo, ſed etiā
1. Cor. 10. corā hominibus. Et alio loco: Siue ergo manducatis, ſiue bibitis, ſiue aliud quid facitis, omnia in gloriā Dei facite. Et eſtote ſine ſcandalo Iudeis & Græcis & eccleſiæ Dei, ſicut & ego per omnia omnibus placeo. Sed opponitur forſitan, quid
- Obieſtio. eſt quod ipſe iterū dixerit? Si hominibus placere uellem, Chriſti ſeruus non eſſem. Nunquam ſe quæcunq; dicta legis excludunt, ſed certis locis reſponſa uniuerſa deſixa ſunt. Illhic placere hominibus non licet, ubi uoluntas hominum uō capit domini uoluntatē. Vbi uerò acceptāt homines, quod ad gloriam proficit Dei, innotescere omnibus ipſe Paulus Apoſtolus præcepit. Vnusquiſq;, inquit, noſtrum proximo ſuo placeat ad bonam ædificationē. Quale ergo præmium ſanctitatis expectat, qui non ſolum blaſphemiam ſanctitatis ab infidelibus prouocat, ſed etiam fidelibus pernicioſum præbet exemplar: ut infirmi ſub prætextu dilectionis ſubtiliter fornicentur, & pudicus impudiciſſimæ caſtitatis præbeat magiſterium, deſtruēs quod
5. Cor. 8. Paulus Apoſtolus comminatur. Perijt, inquit, frater infirmus in tua conſcientia, propter quem Chriſtus paſſus eſt? Sic autem peccantes in fratres & percutientes conſcientiam eorum infirmam in Chriſtum peccatis: & quidem non hoc iuuenibus tantum, ſed & ſenibus congruit, fratrum imbecillitati conſule-

re, ne senectus perire prouocet iuuentutem, ex qua debent omnia salutaria documenta procedere: sicut Eleazarus in libro Machabeorum proficitur, & dicit: Præmitti malo in infernum quàm patrias leges deferere: nō enim ætatem nostram dignum est fingere, ut multi adolescentium arbitrati Eleazarum nonaginta annorum transisse ad uitam alienigenarum: & ipsi propter meam simulationem, & propter modicum et corruptibile tempus uitæ per me seducantur: & odium ac maculam senectuti meæ acquiram. Ille maluit uitam suam tormentis obijcere, quàm cuiquam magister perditionis existere: & nos ubi nulla tormenta sunt, fluxibus solis nolumus saluandos fratres antepondere: nec contenti sumus sine ullis cruciatibus tamen nobis prodesse, quàm cæteris, cum ille noluit uiuere moriturus: sicut inferius prosecutus est, dicens: Quamobrem fortiter uita excedens, senectute dignus apparebo, adolescentibus autem exemplum forte relinquam, ut prompto animo ac fortiter pro grauib; & sanctis legibus honestæ morti succedant. Cum hoc etiam laicos deceat, ne aut extraneis occasionem blasphemandi, aut fraternitati opportunitatē fornicationis opponant, tum maxime clericos uehementer necessitas ista constringat, quibus aut religio blasphemata, aut fraternitas perditæ pœnas duplices irrogabit. Nec inuenient in iudicio domini ullum omnino solatium, qui alienigenis & fratribus peccandi fomitem ministrarūt. Propter quod sic Paulus Apostolus Titum instruit, dicens. Te ipsum bonorum factorū præbens exemplum in doctrina, in integritate, in grauitate, in uerbo sano atq; irreprehensibili: ut aduersarius reuereatur nihil habēs de nobis dicere mali. Et iterum: Omnibus, inquit, fidem bonam ostende, ut bonam doctrinam saluatoris Domini nostri præstent in omnibus. Sic & ad Timotheum scribit, dicens: Forma esto fidelibus in sermone, in cōuersatione, in charitate, in fide, in castitate. Quod & Petrus Apostolus hortatur, di-

2. Macha. 6.

Eleazari constantia.

1. Tim. 4.

1. Pet. 2. cens: Conuersatio, inquit, uestra in gentibus bona sit, ut in eo quod detrahunt de uobis tanquam de malefactoribus, de bonis operibus uestris glorificent Deum. Et iterum: Quoniam sic est, inquit, uoluntas Dei, ut beneficientes obmutescere faciatis stultorum hominum ignorantiam. Nec quisquam sibi proponat & dicat, habere uolo quod uincam: hoc est enim dicere, uiuere desidero sub ruina. Quis tam stultus, qui arctari cupiat ad laborem, cui offertur delicatus triumphus? neque enim duplex triumphus est sub scæminæ præsentia probari uictorem, quàm est in singularitate seruare integram sponsionem sanctimonie. Et cum sit unus titulus gloriarum, hoc loco unus fortis est, qui satis laborat, & cum illò qui parum laborando uicerit, pariter muneratur. Quid quòd ille qui minimo consummatus adscribitur, qui se omni tempore scæmineis affectibus ostentat abscissum? Quia eum Dominus in Euangelio perfectum uocat, qui totum suis usibus amputauerit patrimonium. Certe etiam cuicunq; quotidiani triumphi pro castitate non desunt, quia nunquàm desiderijs carnalibus spiritum cessat infestare corpus humanum, quod Apostolus affirmat, di-
- Gal. 5. cens. Caro, inquit, concupiscit aduersus spiritum, spiritus autem aduersus carnem, hæc enim inuicem aduersantur sibi, ut non quæcunque uultis, illa faciat. Habes nunc carnem tuam, quam superes semper. Quid tibi uis alteram uelle cōducere?
- Hemitriteus, febristertiana una & dimidia. Nemo super unā febrem cupit adhibere peiorem, ne incipiat hemitriteo insanabili laborare, cui nullus ualeat medicus subuenire. Neq; aliquis super onus proprium tollit insuper alienum, ne oneribus duobus oppressus usq; ad inferos demergatur. Vnde sic Hieremias propheta docet sanctitatis pōdus singulariter sustinendum. Bonum est, inquit, uiro cum portauerit iugum graue in iuuentute sua, sedebit singulariter & filebit, quoniam tulit super se iugum graue. Sed si quisquam malignus obsecutor ad dictum Apostoli Pauli confugiet dicentis:
- Thren. 3.

Onera uestra sustinete inuicem, & sic implebitis legem Christi. Non hæc sunt onera, quæ Paulus apostolus imperat subuehenda, sed ut tolerantes nosmetipsos discordia nulla discernat, & in tentationibus cõstitutis fratribus mutua præbeamus auxilia, non ut ipsi nobis tentamenta per sceminas procuremus, sed ut tentamentorum magis pondera subleuemus, cum sciat quale sit sanctitatis iugum, quod uix singulare portetur. De quo non solum ipse, sed & dominus noluit certũ definire præceptum, dicens: Non omnes capiunt uerbum istud, sed quibus datum est. Et iterum: Qui potest capere, capiat. Si ergo difficile singulariter magnitudo istius ponderis toleratur, quomodo tolerabitur si geminatis ponderibus prægrauetur? Et si singulares penè omnes uix durant carnales insidias sustinere, quid faciunt illi qui ex utroque latere gladijs impendentibus non contantur incumbere? plus dico: Si mariti & uxores desideria cõiugalia quotidie gerentes sibi non sufficiunt, quid egunt illi qui ad augendas impugnationes sceminis sociantur? Ex improuiso uel transcurter ad horam scemineus aspectus occurrens uelut sagittas alienis oculis iactat. Quando liberæ non est simplex reuerentia, quid illhic geritur, ubi libertatis sumit mulier in contubernaliitate constantiam? quando in domesticis negotijs nunc lacertos ac semora anificis operibus nudat, nunc æstuans detegit membra, nunc fatigata iactatur, aut in risum aliquando dissoluitur: nunc blanditias exhibet, & quod est uenenosius super cuncta, psallere delectatur, aut canere? Cuius cãtu tolerabilius est audire basiliscum sibilantem. Contra quam Salomon sic nos cautos efficit, dicens: Cum salatrice noli asiduus esse, nec audias illam, ne fortè dispereas in efficacia eius. Taceo reliqua, quæ magis pudenda sunt quàm dicenda: solum hoc dico, in dolore uel in ira mulierem * angustias. frangi.

dixerim, omnis inconueniens sodalitas mulierum gluten est delictorum, & uiscus toxicatum, quo diabolus aucupatur. Incongrua est sodalitas foeminarum: quarum sodalitatē ita nos rursum Salomon docet in omnibus praeuere: Cum aliena, inquit, muliere ne sed eas omnino, & ne alterceris cum illa in uino, ne forte declinet cor tuum in illam, & sanguine tuo labaris in perditionem. Postremò si animum nostrum cōfidimus in hac communitate durare semper, uel illud apud nos debet esse suspectum, ne ipsae quae nobiscum conueniunt in nosipso forsitan moueantur, aut in alteros amores prae rapida aetate incitamentis furialibus stimulentur: & erit nobis causa quod peius est sine causa, ut fornicatio nos maculet aliena, apud quos suggeritur ceteris occasio lupanaris, & crimine alieni reatus absorbebinur, cui nos ipsi subornamus immunditiae leuocinium. Propter quod apostolus Paulus de similibus ita nos

Rom. 14. instruit, dicens: Si propter escam frater tuus scandalizatur, iam non in charitate ambulas. Noli esca tua illum perdere, propter quem Christus mortuus est. Et iterum: Bonum est non manducare carnem, neque bibere uinum, neque ostendere in quo frater tuus offendit, aut scandalizatur, aut infirmatur. Et alio loco: Hoc, inquit, iudicate magis, ne ponatis offendiculum aut scandalum fratri. Et de semetipso sic ait: Propter quod si cibus scandalizat fratrem meum, iam non manduca-

1. Cor. 8. bo carnem in aeternum, ne fratrem scandalizem. Cum ergo nos pulsatur coniunctionis huius molestia detestabilis, & si adulteros non potest facere, facit tamen peiores adulteris & incestis. Quis enim cordis alterius scrutator qualitatem uniuscuiusque perpendat, & pro altera persona contra Satanam repugnator, circa Deum uerò idoneus fideiussor esse praesumat? De semetipso demens est, qui alipsum pollicetur, ne dicam si etiam pro foemina sponsonem ponere uideatur, cum Paulus apostolus Philip. 3. sic de se pronuntiet, dicēs: Non quia iam accepi, aut iam iustitiae

ficatus sum, aut iam perfectus sum: sequor autem siquo mo-
 do comprehendam, in quo & comprehēsus sum à Christo: fra-
 tres ego me non arbitror comprehendisse: unum tamen, poste-
 riora quidem obliuiscens ad ea quæ sunt ante pedes, ad regu-
 lam sequor, ad palmam supernæ uocationis domini nostri Iesu
 Christi. Quicūq; ergo perfecti sumus, hoc sentiamus: Mihi,
 inquit, pro minimo est, ut à uobis iudicer, aut ab humano 1. Cor. 4.
 die. sed neq; meipsum iudico, qui autem iudicat me, Dominus
 est. Et alio loco: Beatus, inquit, qui non iudicat semetipsum: Roma. 14.
 in quo probat alium. Quamuis ergo nos nec de nostra stabi-
 litate certum aliquid habeamus, qui sine cessatione concuti-
 mur inter fluctus seculi sustinentes procellosos incursumus: tamen
 si alicui tanta fiducia est de immobilitate propriæ firmitatis,
 saltem sollicitus reformidet, ne ipse sit scandalum uisibus alie-
 nis: sed terreatur uoce Domini comminantis: Væ, inquit, huic Matth. 17.
 mundo ab scandalis: ueruntamen uæ homini illi per quē scan-
 dalum uenit. Si has Domini cōminationes religioso corde me-
 tuimus & reueremur, plus de alijs quàm de nobis extimesca-
 mus periculum nostrum, qui mutuis (testante apostolo Paulo)
 utilitatibus obligamur: Non quæ sua sunt, inquit, singuli co- Philip. 2.
 gitantes, sed quæ aliorum. Et iterum: Nemo quod suam est 1. Cor. 10.
 quærat, sed quod alterius. Sed aliquis arripiens de ipso Paulo
 quod opponat: Vnusquisque, inquit, uestrūm pro se rationem Roma. 14.
 reddet Deo: & unusquisq; suam sarcinam portabit. Qui non
 uult ergo pro altero reddere rationem, nec causis eius, nec
 negotijs debet particeps illicitus interesse: & qui liber uel
 immunis circa sarcinas alienas conatur existere, nihil alienum
 contraria conditione teneat infra se. Nam necesse est ut ratio-
 ni alterius subijciatur, qui negotiū tractauerit alienum. Opor-
 tet eum damno perstringi, uel dispendio sarcinarū: apud quem
 sub intuta custodia fratris sarcinæ perierunt: quia quicquid
 in domo nostra sub minus idōnea tutela perditum fuerit, aut

- latrones effregerint, nostrum est: & à nobis exigetur quicquid per inertiam nostrā male commissum custoditur. Tunc uerò ab inuicem liberi sumus, si nihil apud nos de re alterius reseruatur. Forsitan aliquis dicat: Ergo nec ad domum orationis debemus pariter conuenire, ne aliquis aliquem scandalizet.
- Obiectio.** Hæreticæ professionis est ista contradictio calumniosa, quæ de bonis præscribit, ut asserat mala: & de sanctitate præiudicat, ut immunditiam subtiliter introducat. De licito calumnias facit, ut obtinere illicitum possit. Propter quod apostolus Paulus hæresi huic antè præscribit, dicens: Veruntamen neq; mulier sine uiro, neq; uir sine muliere in Domino. Absit, absit ut ubiq; foeminae præscribantur, aut ubique permissio tribuatur, Habent loca sua circa maritum, circa filios, circa fratres, circa parentes, circa seruos, & in domo orationis tantummodo iuxta cunctos clericos. In mansione autem una sine cognatione cōpetenter non habent socios. Hæc est libra quæ stat. Stare uerò non potest quicquid inclinauerit libra, dicente scriptura:
- Prouer. 4.** Non declinabis in dexteram, neq; in sinistram. Et Dominus in
- Matth. 5.** euangelio, Quod amplius est, à malo est. Disce nunc temperantie modum, qui per licentiam quæris excessum. Ama foeminas inter sacra solennia, & odio habe in communionem priuata, si uis Salomonis tenere doctrinam. Tempus, inquit, amandi, & tempus odiendi. Tunc ergo cauenda sunt foeminae participia, quando geritur carnalium curarum continua unanimiter frequentia: quoniam inter curas suas caro semper incitamenta cupidinis prouocat: & illic parit fomenta peccandi, ubi pertractans commoda sua temporalis uitæ cogitationibus senserit paululum relaxari: sicut Salomon asserit,
- Sap. 9.** dicens, Deprimit terrena cogitatio sensum multa cogitantem. In conuentu uerò sacrorum, ubi spiritus dominatur, ancilla semetipsam cognoscens, perdit suæ uoluptatis usum, perdit & luxum dum tractantur cœlestia, dum celebrantur sancta

mysteria, tota humanitas occupatur, ubi non humana, sed di-
 uina sunt omnia: ubi ueneratio uel tremor & terror incuti-
 tur, animis uniuersis sepulta est perfecte substantia carnalis.
 Inter ipsa frē carnis mercimonia multi uoluptatem corporis
 negligunt, scilicet quando à legionibus exercitia meditantur ar-
 morum, aut crepat litibus forum, aut resonant literis audito-
 ria, aut negotiatores commerciis instanter incumbunt, aut arti-
 fices in artificia ipsa propensi sunt: quanto magis ubi non car-
 nale opus hominum, sed spirituale geritur angelorum? Nihil
 illhic impugnationes possunt, ubi & ipsi demones cedunt, &
 nulla sexus alicuius permittitur considerari distantia, ubi nec
 ætas nec dignitas, sed sola æqualitas regnat, atque, ut plenius
 dicam, omnes illhic tales sensus accipiunt, & ut ipsa cōiugali-
 tas ignoretur, ubi Christus loquitur, auditur, attēditur, & per
 omnia, & in omnibus solus est totum: testante Apostolo &
 dicente: Vbi non est, inquit, Iudeus & Græcus, circuncisio & Coloss. 3.
 præputiū, Barbarus & Scythia, masculus & fœmina, seruus.
 & liber, sed omnia & in omnibus Christus. Hunc planè con-
 uentum gloria est celebrare cum fœminis, in quo nulla est di-
 scretio qualitatis, ubi tantum licet omnes æquare sine aliqua
 differentia: ut nec in ipso baptismo cuiusquam nuditas eru-
 bescat. Vbi Adæ & Eue renouatur infantia, nec exponit, sed
 potius accipit tunicam. Quòd si & illhic sit aliquis diabolo
 peior, qui fœminarū aspectibus friatur, de nullo tamen cōgre-
 gatio uestra culpatur, quæ propter cœlestia, non propter ter-
 rena colligitur. Veruntamen si quis illhic luxuriosis obtutibus
 fuerit, nullo modo alterum ledit, qui non ad hominem, sed ad
 Christum pro salute processit. Quinetiā de suis contradic-
 tionibus contradictores excludam, ut non meis, sed suis propo-
 sitionibus cedant. Si inter festa sancta potest communis conuen-
 tio scandalizari, ubi tentator ipse diabolus tremat, quis illhic
 stabilem se esse promittit, ubi tentator audenter occurrit? &

si illhic periclitamur, ubi Dei præcepta nos congregant, quid agimus ubi Dei iussa nos separant? & si turbamur illhic, ubi Dei uoluntate munimur: quanto magis ubi non solum diabolus, sed etiã Dominum habemus aduersum? Cur sacrosanctis enim & iustis nobis protectio ministratur, sicut Esaias ait:

Lex in adiutoriam lata. Legem, inquit, in adiutorium dedit: sine iussionibus uerò diuinis nullum potest esse præsidium. Aliud est quod Deus imperat facere, & aliud uoluntati eius obfistere. Cuius ita sunt mandata seruanda, ut si aliquid iusserit quod secundum homines iniustum esse uideatur, iustum credatur & fiat: & si iustum iusserit, iustum reputetur & fiat: cum sine iustitia non potest esse quod mandat, qui potens est iniustitiã iustificando uocare iustitiam, & iustitiã reprobando iniustitiam probare transuer-

Voluntas Dei iustitia. sam, cuius uolũtas est sola & uera iustitia. Si enim totum quod gerimus, ad hoc tantummodo gerimus, ut domino placeamus, profectò hoc solum erit iustum, quicquid uoluerit, & iusserit, et probauerit Deus, cui placere gestimus. Nam cum serui non possint à semetipsis scire quid suis dominis placeat, nisi dominorum sequantur imperia: & utiq; homines hominum similitum sibi nõ ualeant utilitates agnoscere, nisi acceperint quod obseruent: multò magis mortales nesciunt immortalis Dei iustitiam comprehendere, nisi ipse iustitiarum suarum dignetur iu-

Sapient. 9. dicia demonstrare: sicut Salomon approbat, dicens: Quis enim hominum poterit scire consiliũ Dei? Aut quis poterit cogitare quid uelit Deus? Cogitationes mortalium timide, & incerte prouidentie nostræ. Corpus enim quod corrumpitur, aggrauat animam, & deprimit terrena inhabitatio sensum multa cogitantem. Difficile æstimamus quæ in terra sunt, & quæ in prospectu sunt inuenimus cum labore: quæ in cœlis autem sunt, quis inuestigabit? Sensum autem tuum quis scit, nisi tu dederis ei sapientiam, & miseris spiritum sanctum de altissimis? Et si correctæ sunt semitæ eorum qui in terra sunt:

Et quæ tibi placent, didicerint homines, et per sapientiam
 sanati sunt, ambulantes in tenebris sibi metipsis lumen non
 possunt ostendere, nisi ultroneum seipsum non uidentibus offe-
 rat lumen. Ita humana cæcitas ad Deum non dirigit uiam, nisi
 ipse lucernam legis ostendat. Vnde David sic loquitur, dicens:
 Lucerna est, inquit, pedibus meis uerbum tuum, et lux semi- Psal. 112.
 tis meis. Et iterum: Præceptum Domini lucidum illuminans
 oculos. Hoc est ergo lucifrum, quodcunque fuerit à Deo inti-
 matum: et hoc Deo dignum, quod ipse Deus uoluntatis suæ fa-
 tetur acceptum, ut exerceat per omnia dominatum. Alioquin
 nec nos serui adscriberemur, nec ipse dominus haberetur, si se-
 cundum uoluntatem nostram permitteremur impendere ser-
 uitutem, et arbitrio nostro non Dei eligeremus exercitamen-
 ta iustitiæ. Tales Paulus apostolus uiuificat, dicens: Ignoran- Rom. 17.
 tes, inquit, Dei iustitiam, et suam uolentes statuere, iustitiæ
 Dei non sunt subiecti. Tollantur nunc è medio ambages istæ
 tan uanæ, et querimonie inaniter calumniosæ. Ad spiritua-
 les actus cum foeminis, Deo iuuante, non metiamus aduari,
 qui per Dei iussione[m] iustitiam nos credimus operari, ex qua
 nobis scimus munimenta supponi. Priuatim uerò continentia-
 bus quàm plurimum clericis et uirginibus hospitia separanda
 sunt: quia quod Deus iniquum iudicat, iustum esse non po-
 test. Contubernium tamen (etsi nulla in ipso contubernio
 turpis consuetudo nascatur) accendit: quia impossibile est in-
 tegritatem ad uictoriam peruenire, quæ contendit contra Dei
 iussa pugnare. Quantum enim lex obedientibus suggerit ad-
 lutorium, tantum inobedientibus incitat peccatum, dicente
 Apostolo: Virtus, inquit, peccati lex. Qui nos ergo iussit, ut 1. Cor. 15.
 in sacris suis cum foeminis triumphemus, ipse iubet ut priua-
 tim pugnas foemineas caueamus. Sunt equidem necessitates
 aliæ, quæ nos quoque priuatim foeminas uidere compellant,
 sed etiam ipsæ diuini operis uel præcepti impetrant efficacia[m]

cian, ut uisitemus, ut solatia præbeamus, ut hortanēta uitalia salubriter intinemus: nec tamen & in his officijs minor cura agenda est pro moribus nostris, ut clarescant in nostra operatione indicia puritatis. Seueritas nō desit, quæ cum clerico forminam possit astringere, ut ipsam consolationem nostram suscipiat cum tremore, & ita sentiat uisitationis affectum, ut clericum ueneretur. Ac ne tardius sit euagari per singula, totum quicquid agimus, honestum esse potest, si semper in nobis signa honestatis eluceant: sicut Paulus apostolus uniuerſa complexus est, dicens: Omnia uestra honestè fiant. Et iterum: Sic præcipimus, inquit, uobis ut honestè ambuletis. Non bene succedit quicquid agitur passim, & sanctum non est, quod geritur sanctum, nisi sanctè quod sanctum est peragatur: sicut Salomon asserit, dicens: Qui enim custodierint iustè iusta, iustificabuntur. Synceriter ergo synceritas ipsa seruanda est, & omne quod uoti est etiam in actu signandum est, ne aliud uota commendent, & aliud actus insinuent. Undique probanda est institutio uoluntatis, & undique consummandus est cursus uniuscuiusque certaminis, ne minus sit aliquid ad triumphum, si non plenius dimicetur. Hinc Paulus apostolus introducit documenta certaminum: Sed & qui in agone, inquit, certat, non coronabitur, nisi qui legitime certauerit. Et iterum: Nescitis, inquit, quoniam qui in studio currunt, omnes quidem currunt, sed unus accipit brachium: sic currite, ut comprehendatis. Omnis enim qui in agone contendit, ab omnibus se abstinet: et illi quidem ut corruptibilem coronam accipiant, nos autē incorruptam. Plenitudo est ergo sanctitatis & palma perfecta, ut ex omni parte secum non habeat quod recuset, ne quod profitetur odisse, tenendo uideatur amare. Quod si aliquis dicit: captiuum teneo aduersarium meum, cui semper insulam, uideat ne fortè aduersus eum captiuus incipiat præualere. Nunquàm securus cum thesauro latro tenetur inclusus, nec intra

intra unam caueam habitans cum lupo tutus est agnus. Ipse se uoluit superari, qui hostem proprium in suas portas induxit: & intestinum gladium sibi ipse supposuit, qui locum habitationis suæ aduersarij ingressibus reseruauit: & qui fretus est conuersari cum scādalo, sine causa dicit: Pacatus uolo esse cum diabolo, contra Apostolum dicentem. Nolite locum dare dia- Ephes. 4.
bolo. Omni ergo modo muniendus est locus, ubi fuerit thesaurus absconditus, ne per unam cauernam totum parietem latro suffodiat. Nam si deforis expugnans uix muris expellitur, quantum ualebit si intra muros acceperit habitaculum? & si illi qui contra eum claudunt, aliquoties ab eodem capiuntur, quanto magis ille qui ultroneus illi patefecerit ingressum, de- Proverb. 11.
cipitur? cum dicat Salomō. Si iustus uix saluus sit, iniustus ubi parebit? Omnes ergo rimæ ne dicam portæ claudendæ sunt, ne per unum foramen castra omnia penetrentur, & uniuersa componenda sunt munimenta, ne per modicam non munitum tota ciuitas ruat, sicut Salomon repetit, dicens. Qui spernit modica, paulatim cadit. Sic stupeo autem huius peruersitatis arbitrium, ut à clericis ad cōmunitatem scēmina magis quàm masculus eligatur. Nunquid tantum mulier utilior est commo- Eccles. 19.
dis clerici, quantum prodest masculus continens, uel puer masculo continenti? aut ipsa erit decens utilitas, quam indecens communitas facit? & ubi erit quod Salomon ait: Omne animal diligit simile sibi? Et iterum: Volatilia ad sibi similia conueniunt. Sed & si scēmina utilior existimatur, non oportebat carnalia emolumenta præponere utilitatibus spiritalium commodorum: & expediebat qualemcunque uirum inutilem suscinere pro existimatione munienda, quàm bonos affectus mulieris cum existimatione turpissima. Quod Salomon comparat, dicens: Melior est, inquit, iniquitas uiri, quàm benefaciens mulier. Artificialia sunt itaque semper diaboli ueneficia, quibus ingenium suæ calliditatis exercens sanctimonie deditos

dolosis commoditatibus iuuat ut perdat, & inter continentes quasi necessaria emolumenta mutuis adiuuaminibus subministrans, adjicit prius masculum & feminam pariter: ut postquam inseparabiles fecerit per alterutra solatia, possit occidere, dantes simplices animos ad castitatis uota seruanda, & impugnationis sue arma subducens interim quasi placidus fautor suggerit sanctitatis argumenta, donec diutius inter ambos inimicam nutriat concordiam. Facit affabiles sibi inuicem & deseruire, & assentator infestus impedimenta remouens uniuersa, commodis eorum gaudet efficaciam comodare, ut tota eos sibimetipsis necessitate commendans, exhibere eos possit in alterutrum solita consolatione pendere. Non uult eos in aliquo impedire, ne separet tam spiritualiter quam carnaliter. Inconcussos efficit uiuere, ne ipsa societatis initia immaturo tempore foedera coepta conturbent. Vsque adeo illos uidentibus cunctis ad perfectum sanctitatis inuitat, fouet, subleuat: ut Dei esse computet beneficia ipsa contraria, quibus inducuntur ut pereant, nescientes nunquam Deum iuuare quod uetat. Quibus intantum diabolus blandiens securitatem preparat sanctimoniae, ut coniunctos se magis aestiment quam disiunctos, immobiles circa libidinem perdurare, quos cum omni tranquillitate deducens nullis procellis aut fluctibus inquietat, & uelut in medio mari minus cautos inducit laxare uela, nec querere gubernacula, ut subita tempestate concitados naufragos ex insperata commotione submergat. Hanc primo exhibet lenitatem, ut duas naues oblectet adinuicem conuenire, quas cum fecerit iunctas, & repetinis turbinibus in semetipsas elidere possit et frangere, & his utitur blandimentis, ut subtractis omnibus iaculis compescens aduersa, suggerens prospera, tandiu sopitum ignem sine ullis flammis occultat, donec duas faculas iungens simul ambas accendat, & tandiu cessat seuitiae suae tela supponere, donec sicut peritus uenator quos occisurus est,

Laquei sui uinculis alliget. At ubi insolubili catena deuinctos adstrinxerit, uelut Lanista protinus duos gladiatores aduersus inuicem compellit armari, & subinde stimulus membra statim gladios aptat, statim succendit insaniam, & uulnificos amplexus impingens utrunque simul uno ictu mortificat. Sic explicat quod ante præstare uidetur, sic de simplici charitate amorem conflatur illicitum, sic per sanctitatem sibi inducit interitum, dum contentus est cedere, sic ualet fortius occupare, et summissus patitur semetipsum præbere deuictum, sic plenius deuincere gloriatur. Cuius uersutias Paulus apostolus sic intelligit, dicens: Non enim ignorans, inquit, astutias eius. Ma-
 2. Cor. 2.
 le itaque in hac participatione pacati sunt, qui ad bella pacificante diabolo perducuntur, & non bene in sanctitate proficiunt, quibus ad detrimentum prouectus ipse inimici artificio subornatur: nec recto cursu moliuntur continentie scalas ascendere, quos ut de alto præcipitet, elaborat ad culmen aduersarius protelare. Sed necesse est caducis lapsibus elidantur, qui uiam lubricam tenuerunt, de qua Salomon sic prædicat, dicens: Est uia quæ uidetur apud homines recta esse, nouissima autem eius ueniunt in profundum inferorum. Sed aiunt: Si de hac coniunctione clerici denotantur, notandi sunt etiam
 Prover. 14.
 sancti plerique nobiscum, sicut Helias, qui mansit apud uiduam: siue apostoli, qui mulieres secum comites circumducebant: ut Ioannes qui matrem Domini assumpsit, eodem Domino delegante: aut ipse Dominus, cui de suis facultatibus alimenta præstabant aliquæ mulieres religiose, cui etiam Martha ministrabat ad mensam, & qui singulariter locutus est ad puteum sedens cum alienigena muliere Samaritana, uel cui recumbenti scemina lacrymis pedes lauit, & capillis extersit. Callidi argumentatores & iurisperiti fallaces, qui dum cupiunt præuicari, controuersas actiones, quæ causarum etiam ipsa iura transuertunt, & cum nolunt competentibus coe-

- ri iussuionibus legum, ad illudendos iudices inconuenientibus exemplis uelut similes coniecturas iuris obijciunt, qui per Sa-
- Eccl. 32.** lomonem ipsius legis sagacitate prodūtur: Peccator, inquit, homo euitat correptionem, & ad uoluntatē suam inuenit comparationem. Tales ergo non per orationem, sed per correptionem potius reuincendi sunt, ut non antē interpretatis orationibus instruantur quā admiserint, quod ad defensionis solatium repererunt, sicut nos aduersus huiusmodi homines
- Proverb. 6.** Salomon edocet, dicens: Noli, inquit, respondere insipienti ad ipsius insipientiam, ne similis fias illi, sed responde insipienti contra ipsius insipientiam, ut non uideatur sibi sapiens esse. Reuera magni homines, qui se comparant sanctis, & eximia conuersatio nostra, quæ prophetis uel Apostolis uideatur æqualis, ad occasionem luxuriæ nostræ in peruersum sanctos uolumus imitari, & inter ceteros actus uestigia iustorum nolimus sequi. In quibusdam infirmos non excusamus ad imitanda facta maiorū, & in alijs nos æquales maioribus protestamur, cum Helias ipse in angustia constitutus, imparem se patribus suis ante Deum fateatur: Nunquid, inquit, melior sum patribus meis? Hoc Helias de antecessoribus suis in infirmitate sua cogitur exclamare: & nos Heliae uel prophetis, & apostolis, & domino uirtutē nostram non dubitamus æquare? Video planē non sic apud uos calcari auaritiā, sicut apostoli propria cuncta dimiserūt. Video crapulā & ebrietatem sic uestris conuiuijs non abesse, sicut apostoli nihil habentes frequenter coacti sunt esurire. Cognosco taliter nobis ieiunia, sitim, famem, nuditatem propter instantiam doctrinæ solius ubique pollere, sicut in apostolis legimus triumphasse, & approbantur apud nos eadem exercitia feruere uirtutum, quibus apostoli omnia uitia tremuerunt. Planē quadraginta dierum ieiunium Domini meditamur, & orationes excubiasq; quibus ille per solitudines etiam nocturna silentia rumpebat. Nunquid similes ago-

nes frequentamus contra luctamina uitiorum, & sic agimus
 rigore, autoritate, uigilijs, passionibus, labore, necessitate, affli-
 ctione, abstinencia, quibus peccata calcantur, ut nemo de no-
 bis mali aliquid suspicetur? per quæ Paulus Apostolus cōscien-
 tiam suam innotuisse omnibus gloriatur: In omnibus, inquit, 2. Cor. 2.
 commendantes nosmetipsos quasi Dei ministros, in sustentatione multa, in pressuris, in tētationibus, in tribulationibus,
 in angustijs, in plagis, in custodijs, in carceribus, in seditionibus,
 in inuocationibus, in laboribus, in uigilijs, in ieiunijs, in castitate, in sciētia, in longanimitate, in bonitate, in spiritu sancto, in charitate nō ficta, in uerbo ueritatis, in uirtute Dei per arma iustitiæ à dextris & à sinistris. Ad has imitationes infirmi sumus, & ad mulieres circunducendas possibilitatem nobis comparandæ imitationis adsciscimus: quòd si etiam cuncta illorum quisquam se implere iactasset, me tamen nullius suadela poterat inclinare, ut alios nunc Apostolos crederem, cōtra Apostoli Pauli professionem: Nunquid, inquit, omnes Apostoli 1. Cor. 12.
 li, nunquid omnes prophetae? Si Christus seipsum comparare non ausus est deo, qui ait: Pater maior me est: aut si Apostoli Io an. 14.
 coequare semetipsos non ausi sunt Christo: nos hodie Apostolis æquales faciet consimilis fortitudo? Misera humanitas, in hac æqualitate non times fulminari, quæ de filio Dei aut de filijs tonitruui, non contaris peccatis tuis exempla uelut similia mutuare? cum superbiæ sit elata iactantia etiam minimis ecclesiæ quenquam comparabilem uelle conscribi, cum Paulus moueat & dicat. Alter alterum superiorem sibi existimantes. Et Philip. 2.
 inferius addidit, dicēs. Hoc sentite de uobis quod & in Christo Iesu, qui cum in forma Dei esset constitutus, non rapinam arbitratus est esse se equalē Deo, semetipsum exinaniuit, formam serui accipiens. Minus itaq; de nostris uiribus sentiendū est, nec fortitudini sanctorum nostra infirmitas comparanda est, sicut nobis Apostolus Paulus de semetipso magistrū pro

2. Cor. 10. ponit, & dicit: Non enim audemus, inquit, comparare nos aut conferre quibusdam qui se ipsos commendant, sed ipsi in nobis ipsis nosmetipsos nobis commendantes: non supra mensuram gloriantes, sed ad mensuram gratiæ, quam nobis mensus est Deus. Etenim contemplantur quod ipse iterum dixit: Plus ab illis omnibus laboravi, nihil melius, nihil aptius mihi proponitur unde uincam, nisi ut de ipso de quo mihi præscribitur, ego ipse præscribam. Certe plus omnibus ipse laborauit, & tamen ad mulieres circumducendas collegas suos imitari contremuit, ne se ad interitum subijceret tentationi carnali. Vnde ipse rationem sic reddidit, dicens: Ego, inquit, sic curro, non quasi in incertum: sic pugno, non quasi aerem cædens, sed asfligo corpus meum & in seruitutē redigo, ne forte alijs prædicans, ipse reprobus inueniatur. Huic ergo te compara, qui te Apostolum iactas, & ex ipso disce quid metuas, qui clamat & dicit: Oro uos imitatores mei estote. Noluit, itaque de mulieribus circumducendis habere fiduciam, qui non ignorabat quantum aliæ uirtutes ab alijs uirtutibus differant, & aliam claritatem Solis, & aliā lunæ, aliam uerò stellarum: de charismatibus ecclesiasticis similitudinem comparans intimauerat. Sed nos contra de Apostolica nobis coæquatione blandimur, non intendentes penitus, quid apostoli & sancti omnes inuicta uirtute gesserunt, & difficilem rumpere quærimus uiam, cum per
1. Cor. 9. Eccl. 32. facilia planior sit nobis apposita, contra Salomonem dicentē: Non te credas, inquit, uie laboriosæ, ne ponas animæ tuæ scādum. Nec ullus considerat, quoniam unus securus in lubrico graditur, & alius qui impar est, labitur: unus per ripas cursu montes ascendit, alius si se coarctauerit, cadit. Vni continet per tempestates nauigia feliciter explicare, & alteri talis felicitas non potest euenire, quod Paulus Apostolus decernit: Vnusquisque, inquit, proprium donū habet ex Deo, unus quidem sic, alius uerò sic. Sed qui mihi de sanctorum ex=
1. Cor. 7.

emplo præiudicant, quid aliud exemplum uolunt contempla-
 ri quod metuant: & qui Apostolis coequari contendit, quare
 non magis presbyteros adulteros apud Danielelem ad formidi-
 nem sibi ipse proponit? Hæc autem non ideo propono, ut Daniel. 12.
 quasi Apostolorum imitatoribus contradicam, sed ut illos con-
 fundam, qui se sanctis exæquent. Nec nego ipsos esse sectan-
 dos, quos doctores accepimus cuncti, sed aduersus eos conten-
 do, qui cupientes ad mala sua bonorum historias deprauare,
 legem & sibi æstimant suffragari, sicut omnes qui perire festi-
 nant, & sub obtentu sanctorum dedecora sua uolunt esse ceta- alias. Dei
 ta, ut sub imitatione maiorum contraria quæque committant,
 quos Apostolus Paulus prodit & publicat, dicens: Quod au- 2. Cor. 11.
 tem facio, & factururus sum, ut anputem occasione eorum qui
 uolunt occasionem, ut in eo in quo gloriantur, tales inuenian-
 tur, quales & nos sumus. Nam & huiusmodi pseudapostoli
 sunt operarij dolosi, transfigurantes se in apostolos Christi,
 hoc addunt ad cumulum perditionis cumulandum, ut bonos
 infament, quorum exemplo utuntur ad malum, quibus utile
 esset satis & salubre, si cuiuscunq; historiæ se ipsos magis cre-
 derent non intellexisse rationem, quàm aliquid inhonestum
 arbitrarentur in lege: quos Apostolus Paulus corripit & con-
 fundit, dicens: Non intelligentes neq; de quibus dicunt, neq;
 de quibus affirmant. Et iterum: Siquis putat se scire aliquid: 1. Tim. 1.
 nondum cognouit quemadmodum eum oporteat scire. Va-
 cant itaq; præiudicia potulantium, quos ingenia suæ peruer- 1. Cor. 8.
 sitatis errabunda transducunt, & querunt competentes suis
 sensibus historias quas exponant, qui male agentes mutant
 legalia patrocinia. Bene agentibus bona sunt omnia quæ-
 cunq; scripta sunt, qui benedicta bene suscipiunt, sicut Pau-
 lus Apostolus pollicetur: Scimus quoniam bona est lex, si quis 1. Tim. 1.
 ea legitime utatur. Obtinuimus confundendo contradictores.
 Conuertamur subinde eosdem quos uicimus insuper erudire,

ne aut ut sanctos remanere patiamur in crimine, aut ignari deputemur in reddendo rationem, ut publicè uicti poenitentiam gerant: aut si noluerint, nos expunximus, quod ad nostram pertinet diligentiam, ut quomodo satisfacimus supradictæ sententiæ Salomonis, ita satisfaciamus Paulo apostolo con-

8. Tim. 2. cionanti: Seruum, inquit, Domini non oportet litigare, sed mihi tem esse ad omnes, docibilem, patientem, cum omni modestia corripientem eos qui resistunt ueritati, ne fortè det illis Deus poenitentiam ad cognoscendam ueritatem, & resipiscant à diaboli laqueis, à quo captiui tenentur secundum eius uoluntatem. Omne quicquid ab autoribus nostris gestum est, rationabiliter gerebatur, ut posteris nobis aduersus præuaticatores munita undiq; autoritas traderetur, propter hæresim amputandam quam superius taxauimus, de assumendis fornicis, quam siue per semetipsum, siue per seruos suos Dominus paululum relaxauit, ne nimio rigore in totum Domini fabrica damnaretur. Præuidebantur à Domino hæretici, qui nuptias auferunt, & quod Dominus iunxit, contra naturæ principium & contra Euangelium separare contendunt. Quibus interdicens iam tunc autoritas parabatur, ne maritatæ mulieres accedere uetarentur ad Christum, cui in præsentia seruiuerunt. Sed non sine moderamine fuit etiam ipsa promissio procurata quæ non sibi operabatur quod gerebat, sed cæteris. Nam

Ioan. 4. sic allocutus Dominus Samaritanam ad horam docuit & recessit, nec defensionem continuandis excessibus fecit. Ad ho-

Luc. 10. ram quoque Martham passus est ministrantem. Sed quid erat aliud Domino, nisi regni cœlestis prandia ministrare? Nunquid sub Domino non fuere conuiuia? aut sub maiestate eius erat alius cibus aut potus, quàm disciplina tantummodo quæ pascebat? testante ipso Domino ac dicente:

Ioan. 4. Meus cibus est, ut faciam uoluntatem eius qui misit me. Sic apostolos mulierum comitatus decebat, ut non perderent,

sed ut discerent reuerentiā, & propter humanitatis exhiben-
 dum ministerium sequebantur, sicut in euangelio de Domino
 & de ipsis pariter memoratur. Et factum est, inquit, post hæc Luc. 8.
 & ipse iter faciebat per ciuitates & castella, euangelizans re-
 gnū Dei, & duodecim cum illo, & mulieres quæ erant cu-
 ratæ à spiritibus immundis & infirmitatibus, Maria quæ uo-
 catur Magdalene, de qua demonia septem exierant, & Ioan-
 na uxor Chuzæ procuratoris Herodis, & Susanna, & aliæ
 multæ, quæ & ministrabant ei de facultatibus suis. Nunquid
 adhærebāt singularibus singulæ, aut indisciplinatæ cōmoran-
 tes, perseuerabant illecebroso cōsortio conuersantes? Vbi tota
 ecclesia propemodum uidebitur, ut non ad conuiuationes im-
 probas, sed ad discenda bonæ conuersationis studiū sequerentur?
 Ad ea non bene describitur quod nostris conuiuationibus
 coæquetur, non risus, nō iocus dicitur affuisse. Nec sicut apud
 quosdam nunc usq; assolet fieri, chorus psallentium uirginum
 aures uenenosis cantibus asseritur demulsiisse. Et ut de Apo-
 stolis breuiter probem, quantum illis fluxa familiaritas potuit
 displicere, qui compulsi sunt & de ipso domino loquente cum
 fœmina dubitare, nisi eos maiestatis notitia probata compesce-
 ret, sicut Euangelista refert dicens. Inter hæc, inquit, uenerunt Ioan. 4.
 discipuli eius, & mirabantur quòd cum muliere loqueretur.
 Nemo tamen dixit illi: quid quæris, aut quid loqueris cum ea?
 Quid autem loquar accessum fœminæ ad pedes Domini pro- Luc. 7.
 uolutæ, cuius luctus & planctus ad defensionem lasciuie suæ
 non erubescunt improbi flagitare? Vsque adeò illos propria
 cecitas rapit, ut nec de similibus causis audeant reluctari, de
 quibus Salomon, Excæcauit, inquit, eos malitia eorum, & ne Sapient. 2.
 scierunt sacramenta Dei. Ioannes autem matrem Domini su-
 scepisse uidetur, sed matrem cuius mores maternum indicat no-
 men. Tamen non possunt & alias Christi matres admittere,
 nec æquanda est mulieribus cunctis, quæ genuit maiestatem.

1. Reg. 17.

Helias quoque iussus est à Domino relinquere solitudinem & ingredi tabernaculum uiduæ. Pro imperio Domini laborauit, ut in domo maneret, cui solitudo solatium præstabat & requiem. Occasionem illi Dominus obtulit ad magnalia faciendâ, ut sanus tempore magis tan ipsi uiduæ quàm pupillis eius sufficientia tribueret alimenta, qui ieiunijs usquequaque afflictus tolerauerat indigentiam, & qui iussus uenerat pasci, passus quinimmo conferens miseris miserias egestatis sicut excludi. Et hoc non potest cuiusquam fauere luxuriæ, cum nulla fuerit opportunitas scandali, ubi transeunter (quod peius est) egestuosam habuerit mansionem, quam quicumque hospes effugeret. At hic apud quos hospitatus est impleuit & redijt, qui etiam si moraretur suspectus esse non potuit. Qualis illhic fuit communitatis effectus; ubi non erat uictus? Et qualem ad uiduam habuit Helias introitum, cui sanes dedit hospitium? Quisquis es qui te uis Helie de commoratione uiduæ uocari discipulum, prius solitudinis afflictiones & quadraginta dierum tolera ieiunij exitium, & aut non quæres foeminam, aut non erit qui cum foemina commoretur, & tamen si ualueris tibi serua. Nobis autem in spiritu & uirtute Helie non aliud quàm Ioannem solum angelus & dominus Christus insinuat. Proh dolor dolere cogimur, quòd docemur, qui usque ad hoc uenimus, ut in comparatione fluxorum de sanctorum tremendis uirtutibus disputemus. Parce iam parce proteruitas, nunquàm tibi sancti consentiunt, qui religiosa, modesta, ueneranda, pudica, pudorata cum foeminis negotia peregerunt. Aut si adhuc per sanctos cauillationis anfractus contendis exquirere, nos tamen amicos Dei non nouimus, nisi ad uenerationem tantummodo memorari, quod Dauid docuit, dicens: Mihi autem uehementer honorificati sunt amici tui Deus. Eant nunc prædones pudoris & plagiarij castitatis mulierculis suis exponere molestias querelarum. Apud sanctos nostros non ha-

Psal. 138.

bent omnino suffugiū, quibus misceri ecclesia auctoritate Pauli apostoli prohibetur: Et hos, inquit, deuota: ex his enim sunt 2. Tim. 2. qui repunt in domos, & captiuas ducunt mulierculas oneratas peccatis, quæ ducuntur uarijs desiderijs. Post hoc edictum utinam confidant sibi angelorum exempla conducere. Nos iam non ualent flectere, qui nouimus & angelos cum scæminis cecidisse. Ab ipsis equidem bene patrociniā mutuantur, sed nos nullum angelum audimus contra Paulum apostolum: Et si, inquit, ego aut angelus Dei aliter euangelizauerit uobis, præterquā quod euangelizauimus uobis, anathema sit. Galat. 1. Insaniunt prorsus, ardent desiderio scæminarum, quotquot huic interdictioni non cedunt, & obscœnitatibus inhiantes malant mori, quā contenti sint à lateribus mulierum aliqua disunctione diuelli, ut ad explendam suæ auaritiæ iniquitatem etiam puncto temporis non sint sine scæminæ uoluptate, & hunc habent in mulieribus fructum, ut in illis semper defixa intentione, desideria satient oculorum, ne uel momentum aliquod transeat, cum indigeant quod affectant. Sic inter eos integritas emoritur, ubi omnis commoratio siue conuiuendo, siue commanendo corruptis affectionibus inquinatur. Quos sanctus Petrus apostolus designauit, dicens: In conuiujs suis luxuriantes, oculos habentes plenos mœchationibus, & incessabilibus delictis capientes animas infirmas. Hos etiam ita Salomon denotat: Abominatio est, inquit, coram Domino defigens oculum. Eccles. 14. Planè contra purum oculum testatur se habere Iob, qui ait: Et si oculis consensit cor meum. Verum Iob. 31. enimuero ille potest suis oculis obnoxius non teneri, cui non lenti repentinus occursum mulieris, scandalum mouerit, quod protinus mens quod nolebat, expellit. Ille autem commotionem sui uisus non meretur euadere, qui apud se scandali materiam tenet, qui uult intentionis suæ affectibus frui, qui affectat habere quod oculis offensionem ingerat, quorum audia-

- tas inexplebilis inter offendicula continua nullo modo potest
 Prouerb. 27. omnino compesci, quod Salomon approbat, dicens, Infernus
 Ecclesiastes 1. & interitus non satiantur, similiter oculi hominum insatiabi-
 Eccl. 31. les sunt. Et in alio loco, Non satiatur oculus uidendo. Et ite-
 rum, Nequius oculo quid creatum est? Hac castigatione non
 compuncti, diuina interdicta nefandæ familiaritatis obstinatio-
 ne contemnunt, & adhuc insuper de charitate causantur, qui
 Esa. 5. secundum uerbum Esaie amaritudinem pro dulcedine deuorantes,
 nudam sceditatem uelamēto boni nominis tegunt, dum
 apud eos sub falsa dilectione, uera dilectio uiolatur. Sed excla-
 mat charitas & appellat: Tales ego non iunxi, falsa altera est,
 Charitatis querimonia. quæ me simulando confingit, Nunquā Dei præceptis ob-
 sto, nunquā fluxis faueo, per me sanctitatem nō opto culpa-
 ri. Calumnias mihi aduersa germanitas facit, pericula & ego
 inter falsos fratres incurri. Succurre meus præco, succurre
 Paule apostole, dic testimonium meum, ne quod de me annun-
 tiat, peruertatur. Finis autem præcepti est charitas de corde
 puro, & conscientia bona, & fide non ficta. Dilectio deputa-
 bitur, per quam sanctitatis iniuria criminationibus appetitur?
 Aut illorum erit sincera fraternitas æstimanda, de quibus fi-
 liæ matris ecclesiæ perducuntur in culpam? Si talis christia-
 na charitas aduocatur, indubitanter odia meliora sunt, quæ
 dum separant, neminem maculant. Hæc autem parricidialis
 dilectio fratres persecutores adunare consuevit, qui libenter
 patiuntur de suo consortio filias ecclesiæ fornicarias diffamari
 contra charitatem, quam Paulus apostolus docuit, dicens.
 Rom. 13. Dilectio proximi malum non operatur. Egregia probatio
 charitatis, quæ non tantum noxia germanitate officit pro-
 ximo, sed etiam subiecta non uult esse præscriptionibus apo-
 stolice iussionis. Confundantur assertores dilectionis huiusce-
 modi, quos iudicant illi qui pro communibus commodis etiam
 consanguineam deserunt charitatem. In omni mundo penè to-

tum iunctum est genus humanum, & ubiq; cognatio naturalis alterna peregrinatione discernitur. Possunt parentes, possunt filij, possunt fratres, possunt & ipsi (quod plus est) cōiuges à deo concessa sibi naturæ uincula disrumpere, & clerici deo non concedente insuper prohibente, mulierum nexibus ancillatam non ualent recusare charitatem? Optanda semper cognatis absentatur affinitas proximorum, & peregrinari ab extraneis foeminis clerici reluctantur? quibus faciendum fuerat etiam si peculiare aliquid uel inconsuetum dominus imperasset, qui ad explicanda impossibilia habet spiritum sanctum, quem mundani homines non habent. Vnde Ioannes apostolus sic admonet, dicēs: Filioli uincite illos, quoniā maior est, qui in uobis est, quā qui in hoc mundo. Nūc uerò possibile etiā gentibus, non dicam christianis, & leue prospicitur, & apud clericos sine ullis effectibus euacuatur, ut parum sit eis Dei mandata despicere, nisi aliud dedecus habeant, quod nec sectantur, non dicam uincūt, omnium gentium cōsuetudinem: quibus dominus per Ezechielem exprobrat & dicit: In legalibus meis non ambulastis, & iustificationes meas non fecistis. Sed neque secundum iustificationes gentium, quæ sunt in circuitu uestro fecistis. Pudendum nescio quid dilectio ista significat, quæ extorqueri contra naturam putatur. Adhuc habeo quod mirari non ualeo: cum uideam de christianis plerosque maritos pariter et uxores cōtinentiam destinantes domicilia singularia magis eligere, ut consensus communium uotorum sine irritatione presentiae, & concordante secessu ualeant obtinere, & cunuchi nostri dubitant sine foeminae sodalitate dormire? apud illos amor coniugalis continentiae amore pensatur, & apud spadones cohabitatio foeminae nunquā potest habere fastidium? Dicat eunuchorum charitas, dicat, ne fortē in hac secessione magis cōiugalis charitas peccet, ut apostoli Pauli cōsiliū uideatur coniugibus insinuasse diuortium: Tempus, inquit, quæ dret

1. IOAN. 4.

Ezech. 20.

Eunuchi.

Spadones.

1. Cor. 7.

stat, breue est. Reliquum est, ut & qui habent uxores sic sint quasi non habentes, & qui non habent quasi habentes esse gloriantur. De his ipse Apostolus ait: Gloria in turpitudine ipsorum. Dilectio est, inquiunt. O dilectio quæ inuidet sibi. O charitas quæ cupit se in uituperatione laudari. Grande miraculū, ut uirginum charitas uirgines faciat uelut coniuges credi, & coniugum charitas coniuges faciat uelut uirgines aestimari. Ecce uera dilectio, quæ in coniugalitate diuidit, ut in castitate coniugat. Ecce sancta dilectio, quæ coniugalibus ad communem laudem inducit absentiam. Hi pro certo sese inseparabiliter diligunt, qui, ut triumphos sibi inferant, a se ipsis discedunt, qui bus nec crimen, nec natura, nec lex, nec Dominus, nec Apostolus potestatem unius cōversationis interdixit aut tulit, sed pro tuendis paribus uotis semota unanimitate absentari charitas persuasit: Illi uerò uiderint quid sit charitas, quam nouerunt, qui nec crimini, nec naturæ, nec legi, nec domino, nec Apostolo, nec ipsi coniugalitati succumbunt, quos tantum uirginitas probrosa condemnat, quantum illos coniugalitas castrata glorificat, quibus sufficiat ad supplicium dedecorosum, quod ipsæ dones à coniugibus iudicantur. Ad quorum increpationem nō

1. Esdr. 10. tacendi sunt etiam filij Israël, qui apud Esdrā uxores, & filios contra diuina iura susceptos non contati sunt pellere, nec contra domini charitatem conati sunt excusare. Verum fateor si permittar. Qui nunc pro dimittendis scæminis alienis adhaerent, quid facerent si liberos, & uxores proijcere iubeantur? Aut quando ualebunt pro Christo renūtiare cognatis, qui mulierculas non suas præponunt Christi præceptis? Dico eos facile pro ijsdem mulierculis parentes proprios abnegare, quam propter Christum ipsas mulierculas relinquere posse, despiciētes quod in euangelio ipse dominus dixit: Siquis uenit ad me et non odit patrem suum, aut matrem, aut uxorem, aut filios, & fratres, & sorores, & animam suam, non potest meus esse discipulus.

Luc. 14.

scipulus? Si de abiiciendis parentibus dubitantes indigni sunt
 Christo, quid sibi permittunt, quos contemptores exhibet Christo
 non parentalis affectio? Ac per hoc illorum meritis euacuatur,
 quos uident contemplatione Christi nullas personas accipere
 cognatorum. Nec minis eos, sed poenis etiam illi confundunt,
 qui metuentes non tantum cum aliena, sed etiam cum sua carne
 luctari amputatis genitalibus abscedunt. De quibus modo exa-
 minationis suspendo sententiam, relinquens alia disputatione
 promedam. Sed in confusione spadonum non dubito meliores
 asserere, qui nec sibi parcant quidem, non dicam sceminis aut
 dent tentamenta porrigere. Respondeant spirituales eunuchi, Eunuchi. c. 10.
p. 111.
 quis furor sit in dilectione mulierum, uel quod sit in contuber-
 nalitate sceminae mysterium, ut in perniciem suam alienis mem-
 bris indulgeant, cum illi sua quoque incunctanter abscindant.
 Hi confirmatos in se artus abiiciunt, & illi aduersarijs artu-
 bus glutinantur. Hi pro integritate spirituali cum tormento
 non integri corporis dimicare non dubitant, & illi sine tor-
 mento integri esse, sine sceminarum dimidietate detrectant.
 Sed aduersus illos comparatio nulla est facienda de nostris, ne
 consolentur addicti quibuscunque iudicijs christianis. Peiores
 sunt & aliqui memorandi, ut maior poena sit à damnato dani-
 nari. Iudeos considerent usque hodie pro legis imperio car-
 nis suae partem circumcisione truncare, & sciunt quid mere-
 antur, qui euangelio iubente dissimulant circuncisi mulie-
 rum praesentia peragere domini uoluntatem, non intelligen-
 tes quod ipse dominus dixerit: Nisi abundauerit iustitia ue-
 stra plus, quam scribarum & phariseorum, non intrabitis in Matth. 23.
 regnum coelorum. Puto etiam de Gallis suis nobis idololatras Gall. sacerdo-
 exprobranter insultent, qui abscondentes semetipsos libenter tes Cybrius d.
 excruciant, dummodo cum damno status sui simulachrorum Gallo summo
 dissimulationibus pareant. Clerici autem nostri ad lucrum ma- Platigae.
 gis corporis proprii, damnum uolunt mulierum secum com-

morantium sustinere, quas etiam de substantia propria euellere oportebat, si cum illis nasci cōtingeret, ne comparati idololatri & sacrilegis erubescerent. De quibus & Dominus

Luc. 16. contemptores arguit, dicens: Prudentiores sunt filij seculi huius filijs lucis: Ergo nostris clericis talium profana deuotio est præponenda, quibus cum tantis exercitijs amabilia sunt turpia sacerdotia. Clerici uerò pro dignitate sacerdotij cœlestis non sanguinem fundunt, non tolerant ferrum, non est aliquod uulnus, non est aliquis cruciatus, sed solus contra Dominū foeminae terret aspectus. Sic in foeminas ruunt, sic foeminas amant, ut non sperent manifestari dilectionis suæ quandoq; posse pura mysteria, sicut per cōsimiles eorum turpiter publicata sunt

1. Tim. 5. & detecta, quos Paulus apostolus præuiderat iam tunc, dicens: Quorundam hominum peccata manifesta sunt præcedentia ad iudicium, quosdam autem & subsequuntur. Similiter autem & facta bona manifesta sunt, & quaecunque aliter se habent, abscondi nō possunt. At contra & ipsi dicunt, nonnulli de cōtemptoribus nostris similiter foeminas habentes in domibus martyrium secuti sunt, ut illorum innocens conscientia probaretur. Nolo mihi de martyrio quisquam moueat actionem, quia sæpius & mæchi, & sanguinarij, & ebriofi, & omnium scelerum rei, reperta pugnae occasione, conuersi meruerunt ad martyrij palmam peruenire. Ideo enim martyrium appellatur tam corona, quàm baptisma, quia baptizat pariter & coronat. Age nunc si licuerit quibusdam inuiolata foeminarum societate martyrium promereri, sine indulgentia quoq; illis martyrium ipsum non fuit, quos reatus prohibita contubernalitatis non absoluit. Nec innocentes in ipsa innocentia, potuit approbare, quibus contemptum legis, & conuersationis illicitæ sceditatē, & quod est grauius super omnia, crimen ecclesiæ cernitur ignouisse. Etenim noxia est innocentia, quæ sponse Christi officit famæ. Et cum Christus agnus innocens,

Martyrium
tam corona,
quàm baptisma.

Innocentia
noxia.

innocens, immo ipse cœlestis innocentia, quod est uerius, totū se contempserit pro ecclesia, ut eam sine macula ulla uel ruga redderet illibatam: qualis est clericus cui ad hoc sponsa Christi committitur, ut pro unius foeminae amore culpam totam ecclesiam patiat? Ausim dicere, à Deo patre missus est filius de sinu patris, & regno absens esse durauit, ut ecclesiam faceret innocentem, & clericus mulieris latus deserere non potest, ne Christi ecclesiam reddat infamē? Sed aiunt: In martyrio igno- Obiectio.
scitur nobis, sicut indultum est parentibus. Hoc ergo & nos omnes de peccatis nostris confidamus, ut qui agere bene laboramus, inter luxurias euagemur, & discurremus per semitas peccatorum, retinacula dimittamus, et fræna laxemus. Eamus nos quocunq; mundus abstulerit, & ubicunque nos diabolus inuitauerit, liberè fornicemur, inuideamus, rapiamus, fraudemus, omnia mala securi cōmittamus, martyrium subueniet, & euademus. Sic enim Paulus apostolus pollicetur. Rom. 3. Faciamus mala, ut ueniant bona. Quorum damnatio iusta est. Huic martyrio spem tradant, quos mathematici docuerunt habere de crastino præscientiam, & has coronas expectēt, qui super angelos, & Christum per astrologos didicerunt scire tempora, quæ pater in sua posuit potestate, ut uel tunc recordetur ante Act. 1. martyrij tempus bene agere debuisse, cum diem Domini senserint sicut furem. Sed credamus super illos martyriū iam iamq; pendere. Interim priusquam martyres fiant, legibus subiacent, ut iudicio subijciantur, nisi armis exarmentur. Audaciæ nefas est illis aduersus auctoritatem Domini parētum personas obijcere, quibus ipse Dominus contradictionis huius abstulit uocem. In legalibus, inquit, patrum uestrorum nolite ambulare, Ezech. 20. & iustificationes eorum nolite custodire, & studijs eorum nolite cōmisceri, et nolite inquinari. Ego Dominus Deus uester. In præceptis meis ambulate, & iustificationes meas custodite. Sciant nunc adempta sibi esse parentalia patrocinia, qui

- huc, atq; illuc recurrētes contradictionum latebras quærun-
 ne unquam sceminis careant: & quia undique defensionis sus-
 fragio deferuntur nouissimis cunctis argumētis exhaustis, sen-
 tentiam Pauli apostoli opitulari sibi opinantur, & dicunt:
- Rom. 14. Tu quis es, qui de seruo alieno iudices? Agnoscit equidē Pau-
 lus apostolus cōstitutionis suæ uerba prolata, sed constitutio-
 narios, & prolatores ipsos ignorat. Illis enim contulit defen-
 sionem, qui nullam partem legis impugnant, & ipsis tribuit
 patrocinium, qui ex uoto suo aliquid faciunt, nec quicquam
 ecclesiastici iuris impediunt. Ius tractat uiuendi, & non eden-
 di, arbitrium uniuscuiusq; confirmans. De similibus neminem
 iussit iudicari, quæ uoluntati singulorum autoritas diuina con-
 cedens in utraque parte faciendi, & non faciendi clementer
 indulgit. Illos autem ecclesiasticis tribunalibus subdidit, quos
 transgressores ordinariæ transgressionis nulla impunitas ex-
 cusauit, ut qui passim (Tu quis es, qui de seruo alieno iudi-
 ces?) aduersus nos ueluti libellum cōtradictorium proferunt,
 rationabile simul, & certum recognoscant, quod accepimus
2. Tbess. 3. ab eodem Paulo apostolo repulsorium. Præcipimus, inquit,
 uobis fratres in nomine Domini nostri Iesu Christi, ut separe-
 tis uos à fratribus ambulantibus inordinatè, & non secundum
 traditionem, quam accepistis à nobis. Euasimus, ut opinor, tā-
 ta ligamina quæstionū, quibus amatores eunuchos amplexus
 foeminei ligauerunt: qui peruersis interpretationibus decreta
 legalia demutare coguntur, & malunt audiri proponentes ua-
 na, & fabulosa commenta, quàm ipsi, quæ uera sunt, audiant:
2. Tim. 4. quos Paulus apostolus annuntiat, dicens. À ueritate quidem
 auditum auertent, ad fabulas autem conuertentur. Quicquid
 uolunt adhuc exquirant, ut obsistant pro mulieribus ueritati.
3. Esd. 4. Victoriā non habent apud quos contra Esdrā mulier po-
 tius, quàm ueritas uicit. Vos autem filij charissimi non tantum
 persuasione, sed potestate conuenio. Tale deliramentum de-

spicite, quorum quæstiones Paulum apostolum scitis ubique
 damnasse, sicut ad Romanos scripsit, dicens: Rogo uos fratres Rom. 16.
 diligenter obseruare eos, qui dissensiones, & offendicula præ-
 ter doctrinam, quam uos didicistis, aut dicunt, aut faciunt, &
 declinate ab ipsis. Sic & Timotheo delegat: Noli, inquit, uer- 2. Tim. 2.
 bis contendere: nihil enim utile est, nisi in subuersionem audiē-
 tium. Sollicitè cura te ipsum probabilem exhibere Deo opera-
 rium irreprehensibilem, recte tractantem uerbum ueritatis.
 Stulta autem, & inania eloquia deuota. Multum enim profi-
 ciunt ad impietatem, & sermo eorum sicut cancer serpit. Atq;
 ut ostenderet clericis disponendis, ad euacuandas quæstiones
 quæ sit doctrina conueniens, etiam Tito sic insinuat, dicens:
 Tu autem loquere, quæ conueniunt sanæ doctrinæ: maiores Titum 2.
 natu sobrios esse, prudentes, sanos in fide, in charitate, in pa-
 tientia sincera. Ergo auditiones simplices obedientia uestra
 suscipiat, & uersipellem contradictionum uitate fallaciã. Pu-
 rum iter uestris gressibus munda, & super spinas, & tribu-
 los nolite seminare uel calcare, ne bonum semen nõ possit uo-
 bis. ppter spinæ frutices sanctitatis fructus afferre. Vnde pro-
 pheta Hieremias seminantes sic cohortatur, & docet, dicens:
 Nolite, inquit, serere in spinis. Circūcidite uos Deo uestro, Hier. 4.
 cuncidite præputium cordis uestri. Abscindenda sunt ergo de
 agro nostro cuncta quæ pungere, & lacerare consueuerunt,
 ne animus agricultoris in possessione sua malignis sentibus in-
 feratur. Et amputanda sunt omnia nobis quæcunque ignisfri-
 fomitibus sulphurantibus flammis cādens fornax ebullientis car-
 nis exæstuat, ne uel tenuis quidem scintilla seruata maiora con-
 flet incendia. Quod Salomon manifestat, dicens: Ab scintilla Ecl. 11.
 una augetur ignis. Auertite occasiones impuras, quibus inte-
 riora pectoris penetrātur, ut liquida in uobis perspicuitas ho-
 noretur. Contenti estote singularitatem laboriosam pro pудо
 re seruando potius sustinere, quam sine labore ad dedecus

peruenire. Contemplamini quid sit populo sancto præesse, & considerate quale sit diuinis sacramentis insistere. Altaribus placere debent, qui de altaribus uiuunt: & talis conuenit cura synceritatis sacratis, qualia sunt sacra ipsa, quibus exhibent officia seruitutis, ne circa dominum offendant ipsi quod tractant, aut circa populum incipiant impedire quod prædicant.

1. Cor. 9. Propter quod Paulus apostolus sic testificatur: Et omnia, inquit, sustinemus, ne quod impedimentum demus euangelio Christi. Et iterum: Nemini dantes ullam offensionem, ut non uituperetur ministerium uestrum. Hac igitur institutione uobis, quam

2. Cor. 9.

Parilitatis incommoda.

alias, pluralitas
alias, pluralitatis

plurimum labor adun est, de ijs quibus ad manifestandum grauitatem singularitas magis, quam * parilitas testis uera est. Respicite quanta mala conuersatio * parilitatis huius acquirat, quæ non nisi corruptionem seminat, pullulat uitia, cupiditatem concipit, ignominiam parit, rabiem concitat, porrigit furiam, lasciuiam pascit, petulantiam nutrit, casus exaltat, ruinas ædificat, rapinas exigit, præcipitia instruit, periculis nauigat, naufragijs uelificat, perditione gaudet, interitum fouet, confusio nem mercatur, thesaurizat opprobrium, criminationes exag Gerard, accusationes inflammat, & cateruatim semel in fascem glomerans numerosas indagine captionum per infinita dedecorum simplices mortes inuehit in perniciem perditorum. Tot itaque & tantas strages calamitatis, & strages pessimæ conuersationis nemo proster nit, nemo calcat, nemo funestat, nisi singularis castitas, sola, quæ munimen inuictum est sanctimonie, & expugnatio fortis infamie. Fortitudinis firmitas, & lasciuie petulantis infirmitas, probitatis præsidium, & improbitatis excidium, animæ uictoria, & corporis prædilectio gloriarum, & captiuitas criminum, pronuba sanctitatis, & repudium turpitudinis, synceritatis indicium, & abolitio scandalorum, exercitium continentie, & euacuatio tota luxurie, pax secunda uirtutum, & debellatio inquieta bello

Castitatis commendatio.

rū, puritatis culmē, & libidinis carcer, honestatis portus, &
ignominie naufragalis locus, uirginitatis, mater, & hostis im-
munditię, lorica pudoris, & spoliū probrositatis, corruptio-
nis exitium, murus rigoris, & destructio uulgaritatis, seueri-
tatis gladius triūphator, & dissolutionis occisor, armatura uir-
rium, & exarmatura fluxarū, integritatis dignitas, & forni-
cationis abdicatio, claritatis fastigium, & dedecoris præcipi-
tium, uoluntas bonorum operum, & afflictio uitiorum, refri-
gerium pudicitie, pœna petulantie, acquisitio triumphorum,
& facinorum detrimentū, requies salutis, & perditionis exi-
lium, uita spiritus, & carnis interitus, status qualitatis angeli-
cę, summus humanę substantie. Huius retinaculis omnis ob-
scœnitas frænatur, & cōpedibus eius calces furentis libidinis
statuuntur. In hac uelut in scopulo franguntur impetus qua-
lescunq; sanguinis inundantis, & in illa sedatur spumans tu-
moris insania corporalis. Quę dum sibi subtrahit adminicula
concupiscentie, mortua membra sua cognoscitur baiulare: de
quibus apostolus Paulus præmonet, dicens: Mortificate ergo
membra, quę sunt super terram. fornicationē, immunditiam, li
bidinem, concupiscentiam malam, & auaritiam, quę est idolo
rum seruitus, propter quę uenit ira Dei. Ab his omnibus non
nisi splendido singularitatis cultro castratur humana natura,
ut illibatos spadones ad conuiuium sanctitatis dispensante cir-
cūcisione introducat. Cui sanctitas ita promisit annuli sui nu-
ptiale signaculū, ut sine ipsa uirginitas resignetur: quę se so-
la contenta Cupidinem domat, mentemq; rectificat, concupi-
scientiam subigit, desideria ardoris exstinguit, artus debilitat,
corpus ancillat, & ita carnalia crucifigit, ut tam masculus,
quā fœmina uideatur in conuersatione mentiri, dum illos
utriusq; sexus operatione abscondit: aut neutrum faciens de
duobus, tertiam formam conferre gloriatur ambobus, ut ante
resurrectionem resurrectionis imaginē ad instar anglorū me-

Coloss. 3.

Virginitatis
præconium.

Luc. 20. ditari noscatur. Quod promittens dominus futurum: Qui digni, inquit, habentur seculi illius, & resurrectionis à mortuis, non nubent, neque nubentur, neque enim moriuntur. Nam sunt similes angelis dei: quia resurrectionis filij sunt. Hoc exigit sancta singularitas & meritum, ut antequam transfigureretur, iam transfigurata cernatur in angelica claritatis aspectum. Quæ omnia sibi amputans concupiscentiæ certamina deprædatur. Cu

alias, clerico
sum,

Ecc. 16. ius laudes Salomō exequitur, dicens: Melius est esse sine filijs cū claritate. Immortalis est enim memoria illius: quia & apud deū nota est, & apud homines. Cum præsens est, imitantur illam, & desiderant eam cum se subduxerit, & in perpetuum coronata triumphat incoinquinatorum certaminum prælium uincens. Non est sine filijs cum claritate, nisi singularitas sola, quam non solum conscientia sua nullis sordibus maculat, sed etiā nullæ opiniones suspectæ & parilitatis infamant. Nam si castitas (quod est difficile) masculam & foemina pariter in uirginitate conseruet, non habet claritatem, quam communitas ipsa non potest, nisi quibusdam probrositatum tenebris obscurare. Singularitas uerò ita clara est omnibus, & exerta, ut cunctis splendore sui candoris pura manifestetur, & lucida.

alias, plurali-
tatis

Ephes. 5. Vnde sic nos Apostolus edocet, dicens: Sicut filij lucis ambulate: fructus enim luminis est, in omni bonitate, & iustitia, & ue
Philip. 2. ritate, probantes quod beneplacitum sit Deo. Et iterum: Omnia inquit, facite sine murmuratione, & hesitatione, ut sitis irreprehensibiles, & simplices, sicut filij Dei immaculati in medio nationis prauæ, & peruersæ, inter quos lucetis sicut luminaria in mundo. Sic ubiq; singularitas splendet, ut omnes pro illa spondere non dubitent: & ita sanctitatem in semetipsa clarificat, ut laudem sibi ab ipsis quoq; inimicis extorqueat, Quod maxime de præposito quocunque Paulus Apostolus mandat, dicens: Oportet autem eum & testimonium habere bonum ab his, qui foris sunt, ut non in opprobrium inci-

1. Timo. 3.

dat & laqueum diaboli. Hanc igitur amate, hanc tenete, quæ sola potest scæminas debellare: cum adhuc concupiscentia nulla pectus impulsat, & dum adhuc simplicitas incorrupta permanet uel quieta. Ad secretæ singularitatis tutelam citò concurrite, ne postmodum non ualeatis effugere. Præoccupadus est aditus cunctis insidijs, ne hostilitas prior obrepens occurrat improuidis. Salutare remediū est præuenire potius, quàm præueniri, & anticipare potius, quàm anticipari uiribus fortibus congruit. Vbicunq; fuerit prouidentia, frustrantur uniuersa Prouidentia. contraria. Vbi autem prouidentia negligitur, omnia contraria dominantur. Ante famem certamus, ante inopiam laborando satagimus. Sic per omnia calamitatibus cunctis tollimus locum, dum gerimus prouidentiam temporum futurorum. Quanto magis ante præuenienda est omni præuisione calamitas scæminarum, cuius cupido si admittitur incipere, nunquam prorsus accipit finem? Cuius cõparationem Salomon explicat, dicens: Infernus, & amor mulieris, & terra quæ non satiatur Prouerb. 30. aqua, & ignis non dicit, sufficit. Vnusquisq; itaq; qui securus est, quia necdum tentatur, timeat: quia nihil de illo dicitur, prospiciat, ne dicatur: homines sumus, fragilitatē nostram carne portamus. Sic eam undique nos circumspecta uiuacitate circūdare debemus, & cingere, ut non sit pars aliqua, quæ uacillet. Accipimus quidem fortitudinem spiritualem, per quā substantiæ nostræ fragilitas roboretur. Sed ita nobis spiritualis fortitudo collata est, ut prouidos nos non præcipientes tueatur: ut illos muniat, qui renuntiant importunitatibus delictorum, non eos qui se magis importunis delictis immergunt. Custos nobis datus est spiritus, sed ut contraria declinantibus assistendo subueniat, nō ut contraria eligentibus faueat, nec ut uoluntarios & pronos in aduersa confortet, sed ut ab aduersis nitentes separari confirmet. Nam quicumque perniciosi conatibus audet exercere uirtutem, iuuamē non habet spiritus sancti qui

neminem uult ultroneum uirum fortem ad fraudulentam uictoriam coarctari, nec protegit eum quinimmo, sed deserit quem periculis irruentem per illicitos euentus exquirere triumphos agnouerit: sicut ipse iam tunc per Salomonem locutus est, dicens. Amans periculum, in ipso periet. Ordine suo igitur, non nostro arbitrio uirtus sancti spiritus ministratur, & secundum institutum eius praelia prosperantur, nunquam nisi precipitatus exercitus cecidit, qui audax facere, ducis uel imperatoris sui dispositiones irrupit, multo magis per perituram erogat fortitudinem, qui sine armis doctrinae magistri spiritus presumpserit triumphare, cum dicat, uae qui per presumptionem suam aliquid faciunt, non per Deum. Siqua igitur in nobis est fiducia uirum spiritualium, quid spirituales deceat recordemur: & si creditis uos spiritualiter militare, agnoscite quod docemus non esse carnale, sicut Paulus apostolus loquitur, dicens: Siquis putat se prophetam esse, aut spirituale, cognoscat quae scribo uobis. Non est quod uobis in hac persuasionem deceptoriam blandiamini, ut quia spirituales estis, uelitis inter flagitiosorum armamenta uersari, nec uos inhabiles esse pro clericatus dignitate, quia maiores maioribus consueuerunt confectiones occurrere. Acrius diuitibus, quam pauperibus inuidetur, & non inopes, sed locupletes inquietat infestatio saeva latronum. Plus duces, & principes, quam milites ab hostibus appetuntur in pugna, & uiolentius propulsantur uentis, et turbinibus culmina quaecunque sunt altiora. Ideo magis magisque; quo plus ceteris unusquisque potest, sciat esse sibi metuendum, ne in aliquo minoretur: propter quod Salomon sic admonet, dicens: Qui gloriatur, inquit, in diuitijs, paupertatem uereatur. Rogo uos quantum ualeo, & ultra quam ualeo, haec sint studia omnia clericorum, ut singularitatis inaccessibilis successione fungantur: ne aut ipsi per foeminas, aut foeminae per illos ad ignominiosa ludibria prouocentur. Siquis

Eccl. 9.

Eccl. 10.

habet matrem, uel filiam, uel sororem, uel coniugem, uel congnatam, sic habeat, ut nulla ancilla intersit, neq; aliqua ingreditur extranea: ne ad hoc uideatur tenere proximas suas, ut ipsarum causa libere sibi adhibeat alienas: quòd si non possint ipsæ quæ sunt proximæ sine famularũ ministerio: uel sine amicarum esse solatio, expedit ut migrent ad aliud domicilium, quàm propter illas personæ contrariæ teneantur: humanum est enim ut nec clericus illas necessarijs scæminis fraudet, nec ipsæ clericum per importunas scæminas sordidèt. Assignari possunt sanctis mulieribus, cum quibus uiuant, dūmodo cū clerico scæmina nulla cōmaneant: non despecta, nō uetula sine affinitate peculiariter suscipienda ad domesticum obsequium: quia magis illhic citò delinquitur, ubi sine suspitione securum potest esse delictum: maxime quia Cupidini nulla deformitas, nulla despectio fastidij uel uilis existit, sed diabolus pingens speciosum efficit quicquid scædum uel horridum fuerit. Siquis autem uia perfectione cogente apud fratres uel apud extraneos hospitatur, ubi mulieres intersunt, omnino se arctet, ne passibilitate aliqua uitietur. Semotus ac secretus Deo uacet & sibi, ne intus capiatur à diabolo: & qui foris capi non potuit, apud suos cadat. Qui hostes effugit ad tempus pro salutaribus causis procedat ad faciem, & iterum citò discedere de cōspectu festinet. Vbiq; gustanda est cum mulieribus, non continuanda præsentia, sed quasi transeunter scæminis exhibenda est accessio quodammodo fugitiua. Proteruitas enim iam cœpta sinit representari semper in medium, & perditionis meditatio est frequentatuum inter mulieres celebrare processum. De qua re nobis Salomon moderamen imposuit, dicens: In medio mulierum non li assiduus esse. Sic igitur ambulate, sic agite, ut semper in clericis ecclesiæ senatus candidus constet. Seueritās in uobis circa scæminas uigeat, autoritas polleat, uigor teneatur, grauitas ueneretur. Vt semel omnia colligamus ad clausulam, breuiarium

Eccle. 42.

Philip. 4. relegendus uobis, qd' ad cōpēdiosam plenitudinē redigens Paulus aposto. insinuat: De cetero fratres quæcūq; sunt uera, quæcūq; pudica, quæcūq; iusta, quæcūq; sancta, quæcūq; amabilia, quæcūque bonæ famæ: si qua uirtus, si qua laus discipline, hæc cōgitate, quæ accepistis, & didicistis, & audistis, & uidistis in me. Hæc agite, & Deus pacis & dilectionis erit uobiscum. Amen.

AD DIUVM CORNELIUM PAPAM DE

cardinalibus operibus Christi usq;
ad eius ascensum ad patrem
Præfatio.

De titulis &
uominibus.



Olent matres infantulis nuper editis in ipso uitæ introitu aptare uocabula, & ex ali quibus præcedentibus uel circumstantibus causis, uel ex genere, uel ex euentibus imponere nomina, ut in ipsis primordialibus initijs quædam præfigerentur commonitoria ingredientibus uitam, ne nomen eis esset ad ignominiam, si originalis naturæ traductio à consueto limite deuiaret, et à uirtute patrum degenerans indigna successio monstri non hominis faciem exhiberet. Respicerent potius ad nomina uel officia sua, quorum inspectio honestæ conuersationis formam eis infunderet & doctrinam, ut honorificarent naturales causas & rationales disciplinas, nec in aliquo elementarias amarcarent dulcedines, uel primarias offenderent dignitates. Nam olim tu Gene. 2. multuariè uel inconsiderate nomina rebus imponebantur, sed ex quo ad Adam adducta sunt singula, ut uocaret ea & propria imponeret nomina, prouisum est in populo antiquo & institutum ut aliqua esset in uocabulis ratio, & interpretaren-

tur nomina uitam, & exprimerent aliquam personæ proprietatem, secundum quam uel differret à cæteris, uel etiam communicaret. Sic in nominibus patriarcharum Abraham, Isaac & Iacob magnarum rerum existere indicia, & præloquebantur uentura, nec deerat impositorum nominum secundum sensum suum effectuum certitudo. Apud gentiles etiam non in nominibus, sed in agnominibus postea à uiris illustribus obseruatum est, ut nobilitas generis uel uirtutis gloria posteros illustraret, Augusti uel Cæsaris titulo succedentem honorare progeniem, & imperatoris dignitatis hæres primæ originis irradiare fulgoribus. Sic & philosophi et doctores antiqui tractatibus suis nomina prætexere, breui titulo grandis materiæ latitudine prælibantes, & propriæ gloriæ præposito nomine suo prouidentes, ut integritatem operis & laborem auctoris tam styli, quam personæ in posterum autoritas conseruaret, & facile scripturæ subtilitas indicaret, si aliqua manus inuida elegantie tractatum eliminatorum pannum rudem insueret, uel nugis suis quasi sua essent quæ alius laudabiliter dictasset furtiua translatione infereret. Sic in capite libri sui quisque auctorum se posuit, ut & stylus auctori, & stylo auctor famularetur, & auctoritate altrinseca cõmunis gloria muniretur: hoc uirorum illustrium præclara meruerunt ingenia, & per hæc uiuax eorum fama & gloria indelebilis perseverat. Nos uerò qui uix intelligimus quæ ab eis dicta sunt, sensu & eloquentia omnino eis impares, siquid aliquando scribimus, indignum titulo iudicamus, ne fortè nobilis materia, cuius explanationi studium adhibemus, decoloratam se potius quam ornatam nostra præsumptione queratur. Verum quia solent aliquando patres nugis infantilibus arridere, & linguis balbutientibus delectari, indulgentiam meretur humilitas, quæ quo potest accessu sublimitatis uestre manibus se porrigit attrectandam, non gloriam mendicans, sed gratiam. Ego quidem nec à meipso neque ab

Nomina re-
bus consona

potest, quod omnem superat intellectum. Quicquid audiri uel uideri uel sciri potest, non conuenit maiestati: hebes est in hac consideratione omnis acies sensuum, & caligat aspectus: hanc inuisibilem lucem, & inaccessibilem naturam sex alis hinc & inde seraphim statu & uolatu circumuenit & abscondunt, statu æternitatis immobilitatē monstrantes, uolatu uerò altitudinem eius, sic in superioribus eleuatam, ut quantumlibet ad cor altius homo ascendat, exaltetur Deus, & cōprehensionis importunitatē euadat. Nec tamen alæ ille, quæ Dei uelant substantiam nostros conspectus diffugiunt, sed illæ puris mentibus se uisibiles exhibent, & operum Dei ratio, siue eorum quæ ex nihilo sunt, siue eorum quæ ex materia uel facta sunt uel fiunt, se intelligibilem exponit: & quæ circa Deū & quæ sub Deo sunt, mundi potest cordis quoquo modo sinceritas contemplari. Prima rerū conditio sex instituta diebus fatetur artificem, & proficitur opus autorem. Neq; enim suiipsius artifex esse aut potuit quis nouam creare materiam, nec potuerunt multa & diuersa rerum esse principia: quia nisi ad unum cuncta respuerent, discordia & infinitate cuncta turbata uoluerentur in chaos, & repugnarent & colliderentur in se discordes materie, nisi omnibus factoris autoritas imperaret, & unius monarchia potestatis, uniuersitatis causas et efficiētias ordinaret. Homo itaq; præposituram in inferiora accepit, sciēs quis hunc honorem cōtulerit: nec tamen ea scientiæ perfectione illustratus est, ut eo modo cognosceret conditorē, quo eius cognitioni reliquæ creaturæ subiectæ sunt: sed distantiam maximam exaperiretur inter summa & infima, et ex hoc ipso esset Deo accliuus & humilis, quo autori suo se in nullo posset cōferre, cuius effugere dominium nec penetrare cōsiliū, nec poterat uel ferre iudicium. Itaq; qui circa ipsum sunt angelici spiritus, licet inuisibilis naturæ sint, in legationibus tamen suis se auditu manifestant & uisu, & salutis nostræ ministeriales sæpiissime ex-

Vnum necessario est principium.

Homo non potest Deo con-

est, facilius uideo: & hoc sensui meo quasi esu incorporeo, principium autem illud uix remotissimo odoratu quasi pertransiens sentio. Illa quidem intellectualia per uisibiles creaturas, quantum fas est animæ uidere uel præuidere, diuina mente à longe prospicimus, in multis per opinionum & coniecturarum pelagus circumducti, in multis ueritati hærentes, in multis magnitudine rerum oppressi, exclamamus cum Apostolo: O altitudo diuitiarum sapientiæ & scientiæ Dei. Cordi igitur nostro se offert Deus, & aliquid sui luminis infundit inuitans & prouocans. Nisi enim aliquo modo sentiretur, nec appetendi, nec inquirendi spes esset aliqua uel facultas. Sed quia ex parte sentitur, admirationi est odor ille & sapor, nullam habens cum carnalibus dulcedinibus similitudinem, et per omnia suauitate diffrens, eoq; desideratur copiosius quò cætera delectamenta excedit. Desiderium autem inquirentes purificat, & purificatio exclusis enormitatibus ad formam Dei prouehit ascendentes: atque ita in opere suo imago & similitudo Dei multis laboriosisq; prouectibus propriam sibi demum indicat dignitatem. Ad hanc rerum adeò profundarum indaginem nisi incarnati uerbi magisterium accessisset, humana defecissent ingenia, & nescio si & aliqui auderent ad hæc tentanda conatus assurgere: sed associata carni diuinitas assumptam naturam ex parte suæ uoluit esse claritatis cõsortem, & apertis cœlis super doctorem & Dominum nostrum ad superiora nostrum introducere aspectum: & uidimus gloriam eius quasi unigeniti à patre: & de plenitudine gratiæ & ueritatis quæ in ipso est, instillata est nobis aliqua portio. Et cum Philippo audiuiimus. Qui uidet me, uidet & patrem. Nec tamē in hac uisione plena potest esse sufficientia donec in splendoribus sanctorum in die uirtutis suæ agnoscatur ratio generantis & geniti & procedentis: quam oculus non uidit: nec auris audiuit, nec in cor hominis ad liquidum hucusque

Roma. xii.

Ioan. i.

Ioan. i. 4.

Esa. 64.

1. Cor. 2.

ascēdit. In his omnibus quæ dicta sunt omnino sensum nostrum
 materiæ excedit sublimitas, & stylum repellit moles nimij pō-
 deris & ascensionis arduæ difficultas: sed præcepti uestri pa-
 ter excellentissime me coëgit necessitas, ut tentarem si fortē
 importunitate studij aliqua possem de sanctuarij supellectile
 uellicare, & reducto in partem uelamine arcto subtiliq; aditu
 propitiatorium intueri: presumpsit meditatio aspicere à lon-
 ge, & annos æternos inquirere, & quid ante tempora secu-
 laria esset, indagare: si tamen seculum uel tempus dici potest
 ante lucem & diem & solem: & quomodo ante causas ele-
 mentarias & materiales origines illa æternitatis infinitas se
 haberet, si illa omnipotentia apud se solitaria esset, & mini-
 steriales ei deessent spiritus, & maneret apud se illocaliter
 sempiterna diuinitas: & in quo esset sapientiæ regnum, cum
 non esset, quod regeretur, & usu specieq; careret illa inanis
 antiquitas. Ab his omnibus repulsus, ad secularia uisibilia
 compulsus sum redire, & utinam meipsum cognoscam &

Homo animā sciam. Quod si anime mee, quæ corporis mei obtinet princi-
 suam non co- patiam, nec originem scio, nec metior quantitatem, nec qualis
 gnoscens, pa- sit intueri sufficio: si ignota est mihi ratio quare ipsa delecte-
 tienter Deum tur in corpore persecutore suo: si nescio quis hanc legem mem-
 nō intelligit. bris insculpsit, ut tam uiolenta dominatione spiritum oppri-

mat, & melior digniorq; natura deteriori succumbat, patien-
 ter me ferre oportet, si operatorē uniuersitatis non intelligo,
 qui in minimis operationū suarum particulis meam profiteor
 cæcitatem. Insolubilis uidetur hæc quæstio, quare homo ratio-

Nititur in nabilis in negata nitatur & uetita, & semper illicitis delecte-
 uetitur. tur. Omnino rarum est & difficile fieri bonū, facile & pronū

Vir bonus est est esse malum, & hac sine magistro, sine exemplo doctrina
 animal rarū. statim à pubescentibus annis imbuimur & docemur. Vide in

Homo in ma- ipsis qui sanctimoniā profitentur, quæ religio manum claudat
 lum pronus. porrectis muneribus, quæ solitudo aures obferat oblati fa-

uoribus:

uoribus: quæ gula communibus est contenta saporibus. Quis non se habeat uilem, si uideat humilem? Quis nō putet opprobrium, si se sentit inglorium? Quis enumeret uoluptatum potius monstra quàm species? quæ per concupiscentiæ carnis uitam animam trahunt, clauem palanq; de conclauis ad forum, de lupanari ad theatrum? In primis abrafa uerecundia pudoreq; conuulso, non absconditur scelus, nec nutat ratio, nec discretio reluctatur carnis affectibus, captiuus spiritus consentaneam exhibet clientelam. Hoc ipsum quod dico, carnis affectus, im-
 propriè dico: quia hæc uitia propriè animæ sunt, quæ sentit et mouet et uiuit, cui imputatur peccatum: quia ipsi datum est arbitrium, et iudicium, et scientia, et potentia, per quæ possit improbare malum, et eligere bonum. Corpore autem sic iutitur anima, sicut faber malleo uel incude in qua format omnium turpitudinum idola, et fabricantur quælibet quarumcunque uoluptatum simulacra. Non est caro dictatrix peccati, nec inuentrix malitiæ, nec cogitatus format, nec disponit agenda, sed officina est spiritus, qui in eâ, et per eam, quæcunq; affectauerit, peragit et cõsummat. Quod autè ipsa insensibilis sit, spiritu recedente dignoscitur: post cuius discessum nulli apta usui superest putredinis massa, et paludis acerus.
 Quicquid enim sentit, à natura corporis alienum probatur. Quod uerò caro aduersus spiritum, et spiritus aduersus carnem cõtendere dicitur, et repugnare, impropriè arbitror dictum, quia solius animæ lis ista est, quæ secum rixatur, et cum proprio arbitrio litigat; certior in huiusmodi quæstionibus quid bonum sit, quid malum, quàm in aliarum rerum inquisitionibus quid uerum sit, quid falsum. Nam in abditarum causarum inspectionibus et secretis naturæ potest homo errare uel decipi: quia non per omnia à fine usq; ad finem intellectus humanus attingit: sed in his quæ oculis et manibus subiacent, nulla subtilitas iudicium impedit: quia fortentia à non fortentia

Spiritus capti

uus.

Arbitrium cui
que datum.

Corpus est a-
nime officina

Caro non re-
iustatur pro
priè spiritui,
sed spiritus si
bi.

tibus, decora à turpibus, anara à dulcibus, dura à suauibus, et à dissonis consonantia facile discernuntur. Sed desiderij sui ueneno mens ebria, corpus cōtumelijs applicat, et iunctis complexibus ambo in mortiferas suauitates elapsi, obdormiunt. Cumq; euigilauerint, serò poenitentiam adducit confusio, et inquinamentorum horror sœdatæ menti occurrit. Et in cæteris omnibus quæ maligne patrata sunt, huiusmodi ultio peccatorē persequitur, et ipse libidinum labe crapulatus se conuomit. Sed auaritiæ solius et questus ardor nec satiat cupidū, nec poenitet eum cumulasse, quod crescere optat, nō minui: et dyscola obstinatus semper quid idolo suo immolet sedulus coaceruat. Vnde hæc sitis diuitiarū miseris pectoribus astringit, et ambitionis salsugo bibulam animam occupat, ut per fas et nefas ad loca superiora etiam de latebris eremi nonnulli se ingerant: et de omni gradu ubi aliquis aditus patet, anhelant prodeant, discurrant ad iudices, blandiantur mediatoribus, conductant auxilios, et modis omnibus elaborent: ut sedeant cum principibus eo questu: ut maledicat Deus quod ipsi benedixerint, et benedicat quod maledixerint. Hæc lex peccati quare in his et similibus legem iustitiæ opprimat, et quare enervata ratio cum stare possit, tam miserabiliter ruat, difficile est assequi, maxime cum defectus iste à damnationis sententiā pendeat, et hanc ineuitabilem poenā antiqua transgressio sit sortita. Ego si meipsum nescio, si animæ meæ substantiam et naturam ignoro, si eorum quæ intra me sunt rationem non intelligo, qua audacia supra me erigam. oculos ut uideam principum sine principio, et finem sine fine attingam? A talibus ausibus desistendū excellentia maiestatis imperat, et ipsa impossibilitas omnes ingenij nostri conatus repellit. Ea igitur quæ licita sunt et cōcessa tangamus, et circa cunabula saluatoris prima infantie eius fercula degustemus, et circuncisi et loti uicto diabolo, sanctificatis affectibus in cœna cum domi-

Auaritiæ malum.

Ambitio.

Argumenta libri huius.

no recubamus, ubi pane Angelorū refecti, post illius cibi delicias surgamus ad transitum: ut de hoc mundo uehiculo crucis euehamur ad cœlum, spiritu sancto nos replente: qui deinceps nos doceat, & patefaciat quicquid in exilij huius peregrinatione moles corporis & imperfectionis lippitudo fecit obscurum. Libellum igitur quem de cardinalibus Christi Domini nostri operibus scripsi paternitati uestre (suppresso nomine nostro) misi, in quo fons sacramentorum & discipline huius in qua stamus origo, formam & exemplar recte uiuendi nobis proponens, ab humili aduentu usq; ad gloriosum eius reditum ad patrem gradatim conscendens, quem potius in mente nostra, quàm in pagina scribi desidero, & utinam in sanctitatis uestre conspectu memoriam & recordationem nostri supplex mereatur affectus.

Titulus operis

DE NATIVITATE CHRISTI.

Deest Christi multū desiderata & diu expectata natiuitas, adest solēnitas inclyta & in presentia saluatoris grates & laudes uisitatori suo per orbem terrarum sancta reddit ecclesia. Gaudia nobis cœlitus nuntiantur, letitia imperatur. Nox ista sacri partus conscia, nouis fulgoribus illustratur. Gloriantur in coelestibus superi, pax in terra bonæ uoluntatis hominibus confirmatur. Assunt Angeli, loquuntur pastoribus: non dedignantur loqui personis humilibus, & cum ipsi sublimes sint, infimos non aspernantur. Nec luce insolita, nec angelorum terrentur pastores presentia, sanæ & puræ fidei homines delectantur in eo quod audiunt consonas laudantium uoces cœlestes, gloriæ & gratiæ diuinæ præconia modulantes. Nec satis fuit superis arcana referre cœlestia, etiam hominibus pax reddita nuntiatur; & bonæ uoluntatis noui muneris largitate confectatur affectus. Oportuit bonum Dominum certificare & letificare in aduentu suo bonas expectantiū uoluntates: & mul-

Gaudia natalis dominici

tiplicatis te libus certa presentie sue dare indicia, ut iam non
 expectaretur quasi uenturus: sed qui uenerat uideretur, & es-
 sent Angeli quem sibi noua Christi infantia cōsecrarat, sancti
 ortus & loci indices. Vnus Gabriel uirginis obumbrationem
 uirtutis altissimi nuntiat, multitudo cōlestis exercitus gratu-
 labunda saluatorem mundi prędicat aduenisse, & recōciliata
 terrestria superis canit, & cōsiliū antiquum prodijt palam:
 nec iam secretum est, sed innotuit publice in cōspectu gentium
 reuelata Christi benignitas, & oblata mundo in nullo a nobis
 differēs, excepto quod peccati expers fuit saluatoris humani-
 tas. A supernis legationibus incipit Euangelium, cuius primi
 dictatores Angeli extiterunt. Nec iam in manibus propheta-
 rum similitudines & ænigmata inuoluuntur, sed Angelorum
 iubilo, & hominum stylo, & euidenti rerum iudicio constat:
 & consonāt simul promissa & data, umbrisq; remotis, lex et
 Euangelia sunt unita. Multiplicantur testes, militia cōlestis
 conclonat, credit pastorum cuneus & exultat. A sapientibus
 & prudentibus nō querit testimoniū, qui paruulis se reuelat.
 In huius doctrine initio statim fastus & ambitio condemna-
 tur. Non colores rhetorum, non inductiones persuasorię ad-
 ducuntur, ratio & miracula harū rerum ordinē complectun-
 tur. In primis signa se fidei miscuerūt, & maxima in hoc effi-
 cacia dogmatum fuit, cum simul uerbis & rebus actum est, ut
 nullum infidelium repugnantia inueniret diffugium. Nox illa
 omni luce clarior, sermones Angelici pacē hominibus nūcian-
 tes, designato loco Bethlehē, ad quærēdum puerum cohortan-
 tur: pastores illi amplius mēte quā oculis carnalibus illumi-
 nati, ad cōspiciendū Emmanuel festinant, & edocti intus in-
 uisibili magisterio spiritus sancti, quem paruulum uident con-
 fitentur immensum: et pię ei deuotionis affectum pręsentant.
 Electa adest humilium personarum simplicitas, ut poneretur
 regula & indissolubilis daretur forma: quod non nisi pau-

peribus spiritu Christi pateret humilitas; nec superbos ad intuitum sua posset admittere ueritas. Veniunt in Bethlehem, quæ prædixit Gabriel, inuenitur Emmanuel, ciuitas parua, domus paupercola, supellex exigua. Nulla domus ambitio, nisi reclinata natoriū in stabulo; mater in sceno; fillus in præsepio: tale elegit fabricator mundi hospitium, huiusmodi habuit delicias sacre uirginis puerperium. Panniculi pro purpura, pro bysso in ornatu regio laciniae congeruntur: genitrix est obstetrix, et deuotam dilectæ soboli exhibet clietelam: attrectat, amplectitur, iungit oscula, porrigit manum, totum negotium pleni gaudio, nullus dolus, nulla naturæ contumelia in puerperio. Pedissequas substantia familiaris non patitur, mancipiorum obsequia sumptus tenuis et inops mensa excludit. Nullum domus arcta diuersorium occultabat: nec secreti recessus erant illius casule, * incastraturam tectum, et soli parietes per circumcuium uestiebant. Nec locus ibi erat lacris, quæ solent puerperis preparari, quippe nec aliqua naturæ iniuria matrem domini leserat: quoniam sine tormento peperit, quæ in conceptione caruit uoluptate: et tamen consuetudinem sequens, ut legi satisfaceret, quasi cum alijs mulieribus esset ei in hoc opere ratio similis, diebus designatis recubuit, et depositi oneris lassitudinem professa oblate quieti paruuit: et in diebus separationis non se à toro Ioseph, qui eam nunquam tetigit, sed ab ingressu templi et cæteris quæ lex prohibebat, continuit. Ultro maturus ab arbore baiula fructus elapsus est: nec oportuit uellitari, quod sponte prodibat. Nihil in hac re petijt ultro: nec præcedens delectatio aliquam expetijt poenarum usuram, spiritu sancto obumbrante, incedium orinale extinctum est: ideoque innoxia affligi non decuit, nec sustinebat iustitiat ut illud uas electionis communibus lassaretur iniurijs: quoniam plurimum à cæteris differens, natura communicabat non culpa. Eratque ei proprium priuilegium, quod nulla mulierum

Casa domini

ca

* Alibi incu

staturam

laus Mariae.

Marie priuile

gium

nec antè, nec deinceps meruit obtinere, quòd erat simul ma-
 ter & uirgo singulis titulis insignita. Vnde & matri pleni-
 tudo gratiæ debebatur, & uirgini abundantior gloria, quæ
 carnis & mentis integritate insignis, spiritali & corporali
 intus & extrà Christi præsentia fruebatur. Ornamenta quæ
 decrant, etiamsi adessent, non haberent oculos inspectores,
 quia præsentia paruuli sic eorū qui aderant, Ioseph, & si quis
 fortè alius ibi erat, oculos occuparat, sic illuminauerat ani-
 mos, sic corda illexerat, ut in hoc summo bono omnium bono-
 rum unita collectio uideretur: nec opus esset euagari & men-
 dicari per partes, quod simul in se uno fidelibus omnipotens
 infantia præsentabat. Angelica sanè non est credendum ibi mi-
 nisteria defuisse, nec recesserat à uenerabili pectore matris
 spiritus sanctus ad uerbū Gabrielis elapsus. Possidebat domū
 suam, & templum, quod sibi consecrauerat, adornabat. Serua-
 bat sacrarium suum, & sanctimonie thalamum honorabat,
 letificabant consolationes huiusmodi animam benedictam, &
 tanti habitatoris reuerentia concupiscentiarum ludibria abige-
 bat: legem mentis lex carnis non infestabat: rebellio nulla qui-
 etem spiritus affligebat. Paruulus sugens ubera pura alimonia
 utebatur, & fons sacri pectoris defecatum edulium ori mun-
 disimo infundebat. Sed et cor matris quædam dulcedines quæ
 humanū superant intellectum imbuebant: eratq; utrinq; mira
 iucunditas, quam pia sanctæ matris & deuota humilitas, &
 sancti sanctorum immensa benignitas cõsæderatis affectibus
 mergerentur. Extrinsecus nuda erant & egena quæ uideban-
 tur, nihil in illa paupertate uidebatur diuinum: non his quibus
 reuelatum est desuper, quorū primi fuere suprà memorati pa-
 stores: quorū innocètia & simplicitas electa est, ut laus Chri-
 sti perficeretur, qui piscatores & pastores sequentibus tempo-
 ribus confunderent oratores, & à pauperibus & humilibus
 prædicatio paupertatis habet initium. Execrari solent Aegy-

Prædicatio à
 pauperib. ha-
 bet initium.

ptij hoc hominū genus, & abominabiles eis sunt oues & pe
 cora. Sed huiusmodi officium ab initio auctoritatem obtinuit,
 & Abel pastor munera de gregibus ouium obtulit, quæ in eo
 quòd cœlitus inflāri uisa sunt, quòd grata essent Deo, cun-
 ctis innotuit. Pastor Abraham, Isaac & Iacob uiri Deo fami-
 liares, pastores patriarchæ duodecim. Pastor ipse Moyses, qui
 in eremi recessu, dum sequitur pecudes, in rubo cōspicit Deū:
 & potestate signorum collata populi recipit principatum.
 Heliseus de aratro propheta constituitur. Dauid de postfœ-
 tantes accipitur, & in regni solio collocatur. Agnum quem
 abominatur Aegyptius, sacrificari sibi præcipit Deus, eiusq;
 sanguinis Israelitarum postibus illitus, exterminatorem Ange-
 lum repellit & abigit: nec timetur mortis periculum, ubi tan-
 tæ reuerentiæ cōspicitur signum. Ad umbram Petri languen-
 tes consurgunt, apostolis subiiciuntur demonia: cedit idiotis
 reproborum eloquentia, prædicante Paulo captiuas compli-
 cant manus gentes & regna: Pauperes electi, superbi negle-
 cti: nec fastus, nec altus circa Christi discipulatum aliquem ob-
 tinent locum, Christus pauper discipulos diuites aspernatur.
 Pauper mater, pauper filius, inops hospitium his qui in forma
 huius scholæ in ecclesia militant, præbent efficax documentū.
 Hunc in cunabulis adorauere pastores, & paruulum cōfiten-
 tes Deum simpliciter argumētosi in spiritu & ueritate, quem
 adorauerunt, nouerūt. Fuerat quidem miraculum, quòd aper-
 tis cœlis lux fulgoris insoliti nocte super eos fulserat, quòd
 auditi Angeli & conspecti, quòd ab ipsis fuerant edocti &
 instructi pastores. Sed licet hæc præcessissent, tamen circa in-
 fantiam pueri diuinitatis intimæ nulla humana ratio præbe-
 bat experimentū: nec circa illius præsepj angustias, uagiente
 inter alligaturas infantulo, aliquod maiestatis erat indicium,
 sed auditui fides obtēperans, nullū apud Deū impossibile uer-
 bum credidit: & per spiritum sanctum ad sacramentum hoc

Pastores Aegy-
 ptii abominā-
 biles.

Pastorum com-
 mendatio.

intelligendum subtilissimis est intelligentiarum accessibus introducta. Idemq; spiritus qui longe antè prophetas docuerat, etiam nunc humilium mentibus se infundens, dilatabat humani intellectus angustias, & aperiebat interiores oculos ut uiderentur inuisibilia, & intelligeretur ea ad quæ humanus non attigit sensus, nec rationis penetrat intellectus. Hinc est quod

Psa. 9. prædixerat Esaias: Paruulus natus est nobis, filius datus est nobis. Hoc potuit uideri, hic nullum fides meritum quærit. Quod autem sequitur, uocabitur nomen eius Emmanuel, admirabilis, cōsiliarius, Deus fortis, pater futuri seculi, princeps pacis, si clausi sint oculi mētis, exterioribus oculis nescia quid mereris. Qui necdum loquitur, quomodo consiliarius erit? Paruulus quomodo credetur omnipoteris Deus? omnino infirmus, in quo uidebitur fortis? nihil omnino possidens, ad apicem regni & principatus fastigium, quibus ascensionibus attinget? Sed si fidei mysterium prosequaris, in his omnibus subtilissimas & purissimas rationes inuenies, & quod omnino necesse fuit immensum fieri paruulum & filium Dei hominis filiū euidenter agnosces. Mirabitur etiam & dilatabitur cor tuū, quando intelliges profundissimum sacramentū in eo quod contemptibilis factus est admirabilis, & qui literas non didicit nec legibus instructus est, sufficiens sit diuinarum humanarumq; rerum consiliarius: quomodo diuinitas & humanitas in unam personam conuenerunt, & ubi æstimata est infirmitas, fortitudo inuenta est, & corpus humilitatis nostræ diuinæ claritati configuratū, non in hoc mundo, sed in cœlesti gloria perpetuum habeat principatum. Ad paruulos uenit Christus, & cum paruulis conuersatur, pauperes instruat, & creat, &

Luc. 4 facit. Ipse in synagoga Iudæorum in Esaiæ uolumine cum legisset in sabbato, cōplicato libro, prophetiam hanc in se completam edocuit, quod à spiritu sancto unctus sit, & ad euāgelizandum pauperibus pater cum miserit. Idem in Euangelio

arent, quædam uiuent, & quæ mortua modò uidentur, deinceps reuiuifcunt. Miror Deum in utero uirginis, miror omnipotentem in cunabulis: miror quomodo uerbo Dei caro adhæserit, quomodo incorporeus Deus corporis nostri tegumētum induerit. Miror in hac dispensatione tanti dispendia temporis, & tan lentos processus ad obedientiam saluatoris. In breui poterat patrari negotium, & poterat tantus labor abbreviari ad solum Christi uerbum, sicut factus mundus, et disposita cuncta ad eius imperium. Sed elementario mundo dignior est rationalis homo, quod ex eo quòd in eius seruitium facta sunt omnia, facile creditur. In cæteris quocunq; modo aliæ quæ satisfaciunt rationes, hic solus me complectitur stupor. Et cum Abacuc cano: Consideraui opera tua et expaui. Miror ieiunium, miror tétationes, miror omnipotentem in sepulchro iacentem, miror occisam et resurgentem, hæc sunt noua mira, quæ prædixerat Esaias: Nouum faciet Dominus super terram.

Esa. 28.

Mulier circundabit uirum. Opus suum faciet, et peregrinum opus eius ab eo. Iesus Christus heri et hodie ante Luciferum genitus, initium carnis sumpsit ex uirgine, et quem cœli cœlorum non capiunt, qui implens omnia cum sit in omnibus, ab his tamen non capitur nec tenetur. Nouum est et inauditum quòd in materni angustias uteri, circundedit intra se fragilis caro uirtutem altissimi, & ordinem rerum, cursumq; naturæ mutauit sapientia Dei, et ubiq; diuinitas dilatata, plenitudinē sui uasi infundens exiguo sic est circundata muliebri utero, ut cum uniuersa ambiret, implens omnia, excedens cuncta, intra se omnia continens, extrà uniuersa complectens. Quem nos paruulum, propheta nuncupat uirum, insinuans ei nūquam defuisse uirtutem, sed semper uirilis ætatis affuisse fortitudinem, quem infantilis infirmitas occultabat. Opus suum igitur fecit quod creauerat, saluansq; quod perierat, ad uitam reuocans quod mortuum erat. Sed peregrinū opus fuit in Deo,

Omnia homi-
nis gratia fa-
cta sunt.

Abacuc. 1.

dicitur.

Infans Chri-
stus uir dici-
tur.

quòd uerbum factum est caro, quòd factus est uisibilis et comprehensibilis, passibilis et mortalis, et peregrinum à maiestate puer sugens ubera, panniculis inuolutus & suslinens conuicia, filius Dei in patibulo constitutus. Consiliarius quoque dictus est paruulus iste, qui & alibi dictus magni consilij angelus, eò quòd secreta Dei quæ ab hominibus erāt abscondita, publice reuelauit: et cum nemo nosset patrem nisi filius, ipse arcanà Dei referās, indaginem trinitatis explicuit, loquēs patri, et à patre responsum accipiens, & spiritum sanctum infundens discipulis, generationis & processions intimans rationes, subtiliter asiruens personarum proprietates, et indissolubilis essentiae unitatem. Alia quoq; inferiora, sed tamen necessaria consilia edocens, ut beneficia collata homo intelligat, ut in eo quòd stat, gratias agat, et quòd possibile est ex Dei gratia, cū ceciderit, resurgat. De uirginibus, ait Apostolus, præceptum Domini non habeo: consilium autem do, tanquam misericordiam cōsecutus. Vult et laudat ex imperio Domini, ut quæ nupserint, sic permaneant: quæ uero uirgines sunt Dei, cumulatione castitatis integritatem exhibeant Christo: & in hunc modum quæcunq; autoritate diuina immobilia cōstant, sic maneant: quæ uero in alterutrum potest libertas arbitrij flectere, locum eligant priorem: quia etsi bona sunt, et à Deo instituta coniugia, melior tamen est continentia, et uirginitas excellentior, quam nō cogit necessitas aut mandatum, sed perfectionis suadet consilium. Quòd si diuinis cōsilijs obuauerint tentamenta, & liberas mentes ad carnales reuocauerint appetitus, adest Deus fortis, nec spem ponat homo in homine, nec in brachio carnis suæ confidat: quia qui mundum uicit, uictoriam suis promittit militibus, & qui uictores sunt sui, cœlo uim inferunt: quoniam sicut scriptum est: Regnum cœlorum uim patitur, & uiolenti rapiunt illud. In paruuli huius nomine cum hoste antiquo congredimur, & fortis armatus superueniente

id. 70. 12

1. Cor. 7.

Matth. 11.

fortiore de atrio antiquitus possesso, potenter expellitur, & presumpta infestationis audacia silentiū imperatur. Defectui carnis nostræ quæ à primitiuis sæcibus originalis mali infecta languerat, ex Christi carne redditur fortitudo: et sacramentariam communicatio, per quam illius corporis sinceritati unimur, nos in tantum corroborat, ut de mūdo & de diabolo, & de nobisipsis uictoria potiamur, & sacramentali gustu uiuificis mysterijs inherentes, una caro, & unus spiritus simus, dicente Apostulo: Qui adheret domino, unus spiritus est. Sic hæc ad quos sermo fit dicuntur dij, & filij excelsi, nominis, & hereditatis, & æternitatis participes, fortitudine societatis Christi subigentes tentamina, & cum homines sint ex indigniori materia, in captiuitatem redigunt et conspuunt ligantq; demonia. Et quidem in hoc tempore in stadio uitæ huius se exercet militia christiana, & præeunte Christi uexillo, quem & paruulum uidimus & cognouimus Deum, & quos spiritus consilij & fortitudinis munit, nec uinci, nec decipi possumus, quos eruditio, diuina scientia & potestate fecit insignes. Videtur autem in præsentī disciplina huiusmodi non esse gaudij, sed mœroris, eò quòd nō sine periculo certamina peraguntur. Bonum uerò certamen certantibus pacatissimū fructum in futuro exercitatis in iustitia dabit princeps pacis æternæ, consignans sibi in beatitudine, quorum cōmunicauit natura. Ipsi gloria & imperium amodo & usq; in sempiternum. Amen.

SERMO DE RATIONE CIRCVCNCISIONIS.



Inter omnia testamenti ueteris sacramenta nihil circūcisione solēnius antiqua celebrauit religio, nec tantū in Hebræos, sed etiam in Phœnices et Arabes hæc traditio inoleuit. Reliquæ gentes tam mādatum quàm factum irridet, & Deo minime asserunt con

uenire, ut saluatoris benignitas plagis infantium delectetur, et imeritos in ipso uitæ initio periculo mortis addicat. Hoc de bono domino sentire, qui neminem uult perire, absurdum, et irrationabile iudicant. Nec tamen eis omnia reliqua sacrificia sunt horri, sed in multis naturalem legem sequentes expiationum retinent instrumenta, et imolant uictimas, et incendunt adipēs, et cum odoramentis et libaminibus fundūt coram Deo uota et preces. Legimus Iob Dei testimonio approbatum, iugibus sacrificijs occupatum, nec legimus circumcissum. Et poterant esse eo temporum diuersis in locis multi uiri insignes, qui iustitiæ Dei subiecti, hoc signo carebant, licet filios Esau & Hismaël putandum sit huius traditionis non fuisse expertes: uerum cum opus istud et antiquitas cōmendat, et iubentis autoritas, inquirenda est tanti mysterij ratio, quæ Abraham specialiter & semini eius tanto pondere mandata est, ut quisquis in illa gente huius signi careret differentia, Ethnicus, nō Iudæus reputaretur, et à titulo filiorum Israël abraderetur, pscriptus. Hoc cum octaua die iussum sit celebrari, et nomen circumcisio aptari, intimatum est his qui digni sanctorum consortio censebantur, quod eorum nomina scriberentur in cœlis, et æternæ beatitudinis quam post uitæ huius septimanā octaua consequitur, hæredes fieret, et consortes quicumque uitæ innocentie et cœlibatus sanctimonia sese domino consecrassent. Tenera itaque infantia huiusmodi erat imbuenda doctrina, et ante cōcupiscibiles motus, quos peccatum meruerat, miserabili poenæ, et ineuitabili uindictæ etiam in paruulis adhibenda erat seueritas, et antequam ebulliret sartago libidinum, prouisum est uentilabrum, quo refrigerari posset, et extinguī depopulatricis flammæ uagus ardor, et uniuersa perlustrans incendiū. Ideo quod dolor uoluptati, et sanguini delectationis sanguis tormenti opponebatur, ut in primis elementis discerent paruuli semper propriæ memores sectionis contraria curare cōtrarijs, et ad cohibēdos, refrēnādosque turpitudi-

num appetitus necessarium esse sale corrosorio carnis perfri-
care prius, & semper recrudescentes desiccare putredines.
Ad hoc corpus suum mortificabat Apostolus, non tamen cir-
cuncidens illud seminariū membrum, sed totum se crucifigens,
& omnibus extraordinarijs motibus opponens cauterium,
usque adeo corpus suum redigens in seruitutem ut diceret: Vi-
uo autem iam non ego, uiuit uerò in me Christus. Cuius facti
emulatores erubescimus in pudendis, et detecto secto q̃; confu-
sionis operculo, quamuis conscientia testis semper nobis expo-
nat scaturientes intus peccati insidias, nec internum uitare
possimus iudicium, uiriliter tamen standum est, & rationis au-
toritate increpandi sunt titillatorij sensus, & summopere ui-
gilandum est, ne sequatur assensus. Intra nos pudor iste aboleri
omnino non potest; quia nec totum hoc membrum, sed ante-
rior eius portio iussa est circuncidi. Res sanè maxima est, si
non egrediatur foras huius contagio corruptelæ, & insaniens
bestia corrupti anhelitus catenis ferreis in ultimis animæ re-
cessibus alligetur, intusq̃; fractis dentibus seipsam concupiscen-
tia captiua mastice & corrodat. Manet itaque erubescencia
propter sensum, ut qui in agone cōtendit, sciens circuncisionis
mysterium, ab omnibus se abstineat quæ possunt huic flammæ
ministrare fomentum. Nec tamen peremptoria est contendenti-
bus, sed probatoria huius sensualitatis colluctatio tam uetera-
na: sed institutum est certamen inter spiritum & carnem, ut
uictor homo peccati et pœnæ, post triumphos solènes corone-
tur in gloria sine infestationibus deinceps liber à peccato &
pœna. Hanc uerecūdiam post præuarcationem uanitati subie-
cta, non uolens anima pertulit, & uim sustinet inquietudine
perurgente, & inuoluntarijs motibus fatigata infelicitatis suæ
deplorat miseriam, liberari de corpore mortis huius deside-
rans, & pacifici tranquilliq̃; status à Deo postulat libertatem.
Quotidiano sanè conflictu spiritus & caro luctantur, & cau-

satur ratio aduersus domesticū malum, quod ita intra se exer-
 ceat regnum quasi natura sit uitium, et secum traxerit creatio
 prima peccatum. Hoc utiq; prima non sentiū conditio, sed secu-
 tum est transgressorem supplicium, & adhæsit indiuidua pœ-
 na peccato, de quo erubescunt quicunq; mundo corde regem in
 decore suo uidere desiderant. Quis in tam assiduīs illusionibus
 non confundatur? quis non in tantis cōtumelijs erubescat? Fo-
 mes quippe huius mali intus in tenebrosis recessibus latitans,
 ut uiderit animam aliās occupatam, & minus ad sui circumspe-
 ctionem sollicitam, irruptionibus uehementibus erumpit, &
 blanditijs uenena supponēs pudicitie puritatem inopinatis in-
 uadit assultibus. Ideoq; pudibundus homo nuditatem suam ope-
 rit, & fœditatem confusus occultat. His rediuiuis uulneribus
 semper hac sanie illitis necessaria est per omnem huius uitæ
 septimanam iugis refectio putredinum, & continua circun-
 cisio cicatricum, & in cæteris quidem membra omnia impe-
 rio rationis obediunt, & arbitrij retinent libertatem. Hic ue-
 rò ubi Babylonie fornax exarserit, & quasi pice & nephtha
 conspersi libidinum ebullierint appetitus, inflammata caro li-
 bertatis priuatur honore, intantum ut rebellia membra uelit
 nolit in motus nefarios audacter exurgant. Præcedebant olim
 integumenta rerum significantia abolitionem peccati, & ad
 perfectionem inchoata tendebant. Nec hoc sacramentum con-
 suetudini antiquæ subtrahere uoluit Christus, & licet non es-
 set in hoc tempore necessarium, tamen ne antiqua religio pror-
 sus reprobata uideretur, in se uoluit circumcisionis aptari signa-
 culum. Sanè originale peccatum quod à primis patribus in
 totam generis huius successionem defluxit, omni tempore ali-
 quibus remedijs oportuit expiari, licet uim plenam significan-
 tia non habuerint, donec ad rem ipsam uentum est, quæ figura
 rum operiebatur uelamine. Et licet sacramentorum arcana om-
 nibus non pateret, uirtus tamen & effectus eorū ignorari non

poterat: quia ab Adam usq; ad Noë sacrificia Deo cōstat fuisse accepta; quæ usq; ad illud tempus sine legis distinctione diuinitus inspirata institutione primi hominis celebrarent. Illa uerò sacrificia aut in animalium sanguine, aut aliarum oblationum incensionibus agebantur, nō quod fumo aut mortibus peccidum delectaretur Deus, sed ut intelligeretur immutabile iudicium, & prolata ab initio sententia in peccatum. Immutabile decretum ab æterna lege exierat concupiscentia affligi, & morte peccatorum puniri, nec poterat plagis exterioribus remedium aliquod subuenire, quin stimulus carnis sine ulla exceptione colaphizaret infirmum, & usq; ad dissolutionē mors importuna persequeretur captiuū. Et mors quidem carnis concupiscentiarum intersecabat ludibria, nec poterat ultra peccare illud quod erat putredini ac dissolutioni prædestinatum & datum, sed supererat post mortem carnis animæ labor, & afflictio spiritus, nec poterat ulla ratione illa absolui damnatio, nisi morti omnium uita omnium subueniret, & pro generali morbo gratia Dei singulare propinaret antidotum. Hoc antiquum redemptionis nostræ consiliū sanctis patribus reuelauit Deus, uoluitq; ut paulatim assuescerent homines passioni, & morti necessariæ uoluntariæ mortis opponerent libamentum, & poenā in medelā, & supplicium in remedium cōmutaret. Huius oblationis doctrinam sacrificia continebant antiqua & incensiones, & mortes huius consummationis gratiam præsignabant. Propter hoc cum iam fidei tempora propinquarent, imperata est circuncisio, & pars illa corporis, in qua est uoluptatum seminarium & libidinis officina, iussa etiā in paruulis amputari, ut proprii primitias sanguinis ei qui totum sanguinem suam oblaturus erat, offerrent, & communia singulorum sacrificia singulare præcederēt holocaustum. Vbi uerò Christus

Ioan. 1. Dominus uenit, de quo in capite libri scriptū erat, ut in morte sua patris uoluntatē impleret, cessarūt sacrificia, nec iam truncationem

cationem præputij Euāgelium imperauit, sed circuncisionem cordis, & omnem tam membrorum quàm affectionū petulantiam gladio spiritus refecari, immutabili decreto mandauit. Et tantæ dignitatis illa una redemptoris nostri fuit oblatio, ut una ad tollenda mundi peccata sufficeret, qui tanta autoritate in sancta introiuit in sanguine proprio, ut deinceps nulla supplicantium postulatio sanguine indigeret alieno. A diebus igitur uisitationis nostræ regnum cœlorum uim patitur, nec iam in expoliatione carnis circuncisio agitur, sed spiritus sancti uirtute uetustatis antiquæ sanies expurgatur.

DE STELLA ET MAGIS

& Innocentium nece.



NATO in Bethlebem saluatore, audita est in Ephratha eius in terris præsentia, et usq; ad syluas camposq; gentium nouæ huius natiuitatis est fama porrecta, in Iudea à pastoribus & ægelis primò sunt hæc gaudia celebrata, nec multò post Arabum fines huius rei notitia penetrauit, & incolis Saba præclari stella luminis cœlestis numinis nouis splendoribus indicauit. Erāt in illis regionibus uiri syderū inspectionibus assueti, qui arte mathematica uim discursumq; nouerāt planetarū, qui ex elementorum natura rationem temporum metientes astrorum ministeria certis experimentis proprijs didicerant effectibus assignata. Hi ex uaticinijs Balaam olim audierant stellam oriri in Iacob, & hominem in Israel cuius fortitudo quasi rhinocerotis, ad quem in trieribus de Italia uenirent qui superarent Assyrios, & uastarent Hebræos, quo temporum nec in Iacob idolum, nec in Israel simulacrum esset. Diu homines illi huius prophetiæ prouentum expectauerant, & ubi uenit plenitudo temporis, orto repente nouo sydere, ad antiqua recurrentes uolumina tan testimonio muniti quàm signo, dromas

dis inuerti in Iudeam stella duce perueniunt. Nec potuere Pa-
 lestinae incolae latere tanti nominis personae, sed ubi auditum est
 quod stellam indicem nati in Bethlehēm paruuli sequeretur,
 Herodi noui regis inquisitio nuntiatur. Euocatis itaq; Magis
 rei huius ordinem cum omni diligētia sciscitatur. Audit natum
 in Bethlehēm esse paruulum, quem profites regem et Deū
 qui de Saba uenerant adorare et uenerari festinant: intimatū
 est ei quod ab antiquis temporibus Moabites propheta, licet
 gentilis, prædixerat: et contulit cum literis gentiū sanctorū u-
 ticia prophetarum, quorum scripta per omne sabbatum le-
 gebantur, de quibus nulla in populo Iudeorū ambiguitas erat
 quin rata essent, quæ illi uel asseruissent præterita, uel prædi-
 xissent futura: à fortitudine eius qui quasi unicornis obuios pe-
 netraret, in cuius obsequium ultrices de Italia trieres in Iudææ
 terminos aduentarent, et usq; ad finem mundi dilatarent im-
 perium, anxius expauit et timuit. Conturbabat quoq; aliud
 quod in Michæa scriptū est testimoniū: Quoniā de Bethlehēm
 quæ est Ephratha, egrederetur paruulus, qui dominator esset
 in Israel, cuius gressus esset ab initio à diebus æternitatis. Cūq;
 ea quæ domestici codices continebant, cum his quæ ab alienige-
 nis dicebantur, intelligeret conuenire, diuinis tentans reluctari
 cōsilijs, simulat perfidus religionis assensum, promittens Ma-
 gis sese ad adorandum paruulum cum omni deuotione illico
 affuturum, cum per reuertentes certitudinem de puero acce-
 pisset. Turbatur cum rege maligno Hierosolyma, non leta-
 tur, expāescit et tabescit, et negare erubescit quod scriptu-
 ra testatur. Nec minus horrendum scribarum sacrilegiū quā
 Herodis impietas, quia proprio Iudæi abutentes priuilegio
 cum uisitationi diuinæ inuenirentur ingrati, causam sibi cum
 Herode fecere cōmunem, cum hinc et inde impietas et infideli-
 tas aduersus Dominū et Christū eius fremerent, et pariter in
 eius odio cōsentirēt, Ecce alienigenæ à fluminibus Aethiopiæ

ad paruulum Christum supplices ueniunt, & filij disperforum
 deferunt munera, accedunt qui longè erant, & qui propè re-
 cedunt, in loco humili & supellectile uili rex regum & Do-
 minus dominantium inuenitur, cognoscitur, & ab alijs adora-
 tur. Quia uerò neminem in conspectu Dei apparere uacuum
 antiqua lex edocet, præuicatoribus legis abeuntibus uacuis
 primitiæ gentium sacramentalia munera proferunt de thesau-
 ris, & Dominio aurū & odoraamenta præsentant, profutentes
 ex ratione numerum de eo quem adorabant quid crederent,
 quid sentirent. In auro regem, in thure sacerdotem, in myr-
 rha incorruptibilem quamuis passibilem profutentur. Oblatio
 ista incarnati uerbi & exponit mysteria, & breui subtiliq;
 iudicio utriusque naturæ humanæ diuinæq; exprimit unitatē,
 quid & proprium est unicuique singulatim distinguens. Nam
 Deo patri, cuius regnum & imperium suis mundum replet
 splendoribus, in odorē suauitatis summus sacerdos & ponti-
 fex Christus se obtulit, cuius caro passionis clementa carboni-
 bus, incensionis suæ flagrantiam transmisit ad cœlos, & usque
 hodie odor ille suauissimus in terrestri cœlestiq; ecclesia inde-
 ficiens perseuerat. Quòd autē passibilitas quam obediēs Deo
 uoluntarie suscepit incorruptione firmata sit, uirtus myrrhæ
 obuians corruptele suo probat effectu, & uisibilibus ratione
 munerum immortalitatis solidæ constat euident argumentum.
 Adorato Domino magi hilares alio tramite in suam patriam
 reuertuntur, quia necesse est ut qui credunt ad iustitiam, ore
 etiam confessi sunt ad salutem, deinde uias eligant arctiores et
 se districtioribus mandatis obligent, quoniā per uias latas de-
 scensusq; præcipites itur ad inferos, per arctas uerò & diffici-
 les reditur ad superos. Propter uerba labiorum Dei religiosus
 quisq; uias duras ingreditur, & iugulator uoluptatum stantē
 ex diuerso hostē securus aggreditur. Arcta uia est castitas, tra-
 mes strictus humilitas: ieiunio affligi, & carnem in seruitutem

Exod 23.

*Via ad calu redigere, scopulosæ sunt semitæ, sed ad patriam superiorem
difficilis. non nisi per meatus difficiles armati milites reuertuntur. Non
est tutus ad Herodem regressus, nec expedit cum his qui ode-
runt deum fœdera iungere: nec de religione cum malignanti-
bus inire consilia, quorû familiaritas infantia Christi studiose
persequitur, & antequam formetur Christus in nobis in ipso
piæ conuersationis initio ut extinguatur spiritus & suffoce-
tur uita iustitiæ penitus elaborat. Delusum se Herodes conque-
ritur cum magos aliàs comperit diuertisse, quia molestissi-
mum est principi tenebrarum cum excogitatis laqueis têtatos
quoslibet nouerit euasisse, & acriori inflammatus rabie, in
neces inuocentium debacchatur. Sic sanctorum persecutioni-
bus tyrannus crudelis illuditur, qui dum putat perdere quos
occidit, melioris uitæ statum eis procurat: & quod ille in per-
ditionem molitur, hi utuntur pro beneficio, quibus lucra uitæ
perpetuæ per hæc momentanea damna celeri compendio ac-
quiruntur. Ecce paruuli isti, quos hostis naturæ, pietatis ini-
micus, bestialis sæuitiæ, inauditæ crudelitatis monstrum Hero-
des occidit, subito fiunt martyres, & dum uice Christi, &
pro Christo auulsi à matrum uberibus detruncantur, testimo-
niū quod nondū poterāt sermone, perhibent passione, et suffi-
cit causa testimonio, licet nondum eloquio distinguatur. Illico
spiritus infantilis uasculi receptaculum deferens, iam nō tenel-
li corpōris ætatisq; nouitiæ tēpore tenetur: sed ab illis infanti-
libus coagulibus anima expedita, adepta rationis & intellectus
plenitudinem in occursum Christi festinat: à quo militiæ suæ
querens stipendium, ad lucis & pacis æternæ præmittitur
gaudia, & Epiphaniæ solennia in cœlestibus celebrat, nec in
stellæ alicuius lumine, sed in ipsa claritate diuinæ præsentie
gloriatur. Acta est natiuitatis solēnitas sursum iubilanti-
bus angelis, deorsum ex ore infantium & lactentium laus est
perfecta resonantibus usq; ad cœlos uictoriæ tubis, & uersus.*

*Ex ore infan-
tium perfeci-
ti laudem.*

est paruulorum uagitus in gaudium, & luctus in iubilum, sequente nō stellam sed agnum exercitu innocentium, & baiulante glorioſissimi triumphī solēne uexillum. Nec potuit mundus inficere nuper agonem ingressum infantilem exercitū, & pedes qui nondum lutum calcauerant, ugens citatusq; transitus nō est passus ullis sordibus inquinari: sed in ipso uitæ initio tota illa innocuā phalanx sine uno integritatis detrimento ad solidioris uitæ translata est gloriā. Et quæ expectari poterat annorum elapsu rationis discretio, repente nullis iam ætate illa temporibus subiecta omnis consummationis reperit finem, & casuum accidentium mutabilitates euasit. Euigilauerunt sensus quos sopor infantie opprimebat, disſolſisq; palpebris intuiti lucem in momento assecuti sunt; quæ pacificis & mundo corde debetur, beatitudinem: & ascendentes per omnium uirtutū gradus sine doctrinæ humanæ exercitio cumulatam inuenere mensuram, ita ut in ordine sanctorum protomartyres primum habeant locum, & secretorum consocij diuīnorum propinquitate familiarissima clemētiā dei pro nostris exorēt laboribus, quos usq; hodie funestus Herodes persequitur, quorum sanguine & morte diabolus delectatur. Hi itaq; à cunabulis in cœlum translati, facti sunt superni Capitolijs senatores & iudices, nōnullis ueniam obtinentes immeritis: assistuntq; miserationibus & ultionibus diuinis, sed sæpius agni, quem quocunq; ierit prosequuntur, mansuetudine, quā ira uel furore uiuntur. Hi nuper cruore lacteo loti primitias baptismi martyrio consecrarunt, tradentes posteris formam, ubi necessitatis articulus excluserit moram, non minus ad lauacrum animæ sanguinem efficacē, quā sanctificatas uerbis solēnibus aquas, maxime cum nec sanguis hoc elemento careat. sed aquarum motu per totum corporis alueum fluat. Spiritus uerò sanctus & aquis & sanguini supersertur, qui subiectos sibi fouet & abluit, quo baptizante idem occisio quodmersio ope-

ratur, qua extinctam peccati uitam uirtutemq; emortuam utriusq; rei continet sacramentum. Ipse enim est qui uel hoc uel alio modo quicumq; est ille modus, baptizat, & ad idem refertur quod pura fide agitur per Christum dominum nostrum.

DE BAPTISMO CHRISTI ET

manifestatione trinitatis sermo.

Christus baptismo datum
 auctoritatem baptismi
 dat.
 Remittere, est
 spiritus sancti.

Non satis est quod angeli locuti sunt pastoribus, quod apparuit stella regibus; quod natiuitati & personae & loco consona prophetarum oracula, perfide gentis indicio Christo perhibentia testimonium, in unam conuenere sententiam: sublimius & perfectius testimonium profertur diuinitus, & ipse pater inuisibilis auditur, & aures humanas omnipotentis dei praeclara uox penetrat; & inaudita a seculo fidei species declaratur. Veniebat Christus ab baptismum, non egens lauacro, in quo peccatum non erat, sed ut sacramento perennis daretur autoritas, & tanti uirtutem operis nulla personarum acceptio commendaret, quoniam remissio peccatorum siue per baptismum, siue per alia sacramenta donetur, proprie spiritus sancti est, & ipsi soli huius efficientiae priuilegium manet. Verborum solenitas, & sacri inuocatio nominis, & signa institutionibus apostolicis sacerdotum ministris attributa, uisibile celebrant sacramentum: rem uero ipsam spiritus sanctus format & efficit, & consecrationibus uisibilibus inuisibiliter manum totius bonitatis autor apponit, & plenitudinem gratiae unctionis diuinae pinguedo satisfactionibus officialibus infundit, & rem sacramenti consummat & perficit. Si in Petri uel Pauli nomine baptismi gratia donaretur, posset alius alio uideri sublimior: & secundum ministrorum merita haec singularis gratia aestimari, ut melior esset baptismus eius qui sanctior uideretur, & indignior esset

qui ab eo acciperetur, quem non amplior æstimatio commen-
daret. Hæc & in alia sacramenta transferretur iniuria, ut non
in eis unitas, sed diuersitas haberetur, si censeretur à meliori-
bus fieri meliora, & minus haberet utilitatis & pōderis quæ
fierent ab indignis. Sic eucharistia una alia melior, & baptis-
mus pro ministerio uel melior, uel deterior crederetur. Absit
hoc à fide catholica, absit à religione Christiana tantæ corru-
ptionis fermentum. Vna nobis fides, unus dominus, unum ba-
ptisma: quod si ab indigno fortè fuerit consecratum, non audet
iustus iterare uel corrigere quod semel est factum: quia per
quæcunque fiat idem est. nec hoc priuilegium meritis est da-
tum sed gratiæ, & propriè sibi omnipotentia dei retinet hunc
effectum. Neq; enim Paulus pro nobis crucifixus est, aut nos
gloriamur in Paulo, sed in cruce Domini gloriamur, cuius
uirtus omnia peragit sacramenta, sine quo signo nihil est san-
ctum; neque aliqua consecratio meretur effectum. Hinc om-
nium sanctificationum exurgit sublimitas & profundum, & Fides omni-
bus una,
longe lateq; plenitudo diffunditur gratiarum. Quòd ne ulla
presumptio sibi doni huius in posterum gloriam uendicaret,
in hoc sicut & in alijs, domini nostri ecclesiæ suæ prouidit
benignitas, ut ipse baptizaretur à seruo, ne conserui conser-
uorum ministerium detrectarent, uel aliquis cuiquam in hoc
opere præferretur, quoniam siue Iudas siue Paulus baptizet,
Christus peccatum luit, absoluit, & delet. Sic Rachel
& Lia, Balam & Zelpham maritis accommodant & liberos
accipiunt ex uteris ancillarum. Scribæ & pharisæi in cathe-
dra Moysi sedentes, dum agunt quæ ad cathedram pertinent;
per omnia plenitudine potestatis utuntur, & officium non ui-
ta tantis effectibus honoratur. Obediunt demones exorcistis,
Christum, inquirunt, scimus, & Paulū nouimus, & in nomine
Christi quem Paulus prædicat adiurati egredimur, uos au-
tem penitus ignoramus. Ecce in nomine suo nihil quæstua-
 Baptismus se-
late extendit.
 Similitudo.

rij peragunt exorcistæ, nec se eis deferre ipsi demones profitentur, sed nomen Christi etiam per lucrorum sectatores sue gloriæ retinet potestatem: & fiunt in talibus causis ministri mercenarij sicut naues onerariæ quæ per pelagus euehunt insitiores, quarum rectores potius eorum, quos ducunt, peccatis inhiant quàm salutis. Et tamen mare seculi huius necessarios habet huiusmodi transuectores: alioquin cessabunt commercia, nec ex transmarinorum copia aliorum inopia habebit subsidium, nec occurrent sibi solatia regionum si uehicula tollantur de inuio, & pelagus immeabile relinquatur. Bonis quippe sepe malorum ministeria suffragantur. Supponit itaque ceruicem sanctam manibus hominis humilitas redemptoris, & licet plenam non habeat uirtutem, suscipit tamen Christus baptisma Ioannis. Præparabat uiam Domino Iannes lauando exterius corpora, ut præcederet exterius lauacrum secuturum baptismum, in quo conferretur animarum ablutio, & peccatorum remissio. Præcessit quod erat ex parte, ut consummatio sequeretur. Horret tamen Ioannes, & acclius sibi esse sacrum Christi caput non patitur, quia maiorem à minore, benedicti antiquis regulis refragatur, & criminalis ei uisa est usurpatio potestatis. De plenitudine Christi omnes accepisse, & seipsum cum ceteris prædicarat Baptista, ideoq; Deo et hominem manus imponere iudicabat temerariam, lauare eum in quo non erat peccatum, æstimabat superfluum. Sed ad soluendam calciamenti huius corrigiam confessus indignum, formidabat exhibere prælatum, si ipse in magistro sine causa tentaret hoc agere quod ab ipso suscipere necessarium dignoscebat. Ideoq; tremebundus humiliter satisfactione postulanti ministerium negat assensum, non quòd obedientiam detrahat imperanti, sed quòd iudicio suo seruo subdi, non competat maiestati: Tu, inquit, uenis Math. 3. ad me, & à te debeo baptizari. Cui Dominus: Sine modo.

Sic enim decet nos omnem complere iustitiam. Ioānis humilitas non arguitur, nec uituperabile uisum est Christo simplicitatis diffugum, quod reuerentia, non importunitas suggererat. In hoc igitur omnem impleri iustitiam asseuerat, si doctrina præcedat exemplum, & honore se inuicem præueniant, qui maiorem & qui minorem obtinent locum, & qui maior est fiat minor, & præcessor sicut ministrator: si in unitate sacramentorū omnes simul cōueniant, si pacis ecclesiasticæ fœdera non disrumpant. Baptizatur Christus, nec ultra Iordanis retrorsum cōuertitur, aruerunt unctiones Iudaicæ, ceremoniæ putruerunt, perpetuo lapsu baptismi gratia emanat ad posteros, nec ulla uetustate siccatur. Adesse se tantis mysterijs et præsentiam suam dignosci dignata est semipiterna diuinitas, cœlisq; apertis in specie cōlumbæ spiritus sanctus ibi seipsum ostendens, & intelligi uoluit & uideri, & quietissimo elapsu adueniens super Christū quieuit & mansit. Acceperat quippe familiare super hoc ab eodē spiritu Ioānes responsum, quia super quem spiritum sanctum sub hac specie uidere, ipse esset apud quē baptismi maneret autoritas, qui mundi peccata tollet, qui solus à nullo sanctificatus, & cuncta sanctificans non tam interesset sanctificationibus et sacramētis omnibus, quān patraret. Sed & uox patris audita est cœlitus: Hic est filius meus dilectus, in quo mihi bene complacui, ipsum audite. Hucusq; Domine sancte pater nō audiuius te loquentē, qui multis olim patribus locutus es in prophetis, & per angelos sanctos, quibus ad diuersa sæpe mysteria à te legatio est iniuncta. Te ipsum non ita ante hoc tempus locutum audiuius, ut personaliter tibi assignetur locutio quā proferres. Hanc uocem à paternitate tua delatan, nemo est qui ambigat, non est qui sibi hoc uerbū audeat arrogare, non est in cœlestibus agminibus qui Dominum Iesum suum audeat filium nominare. Certe tibi soli non est trinitas, & solus pater scit filium, patremq;

Matth. 27.

Marc. 9.

Trinitatis
unio.

nouit filius, nec à quoquam nisi eo reuelante est cognitus. In hac diuini magistris schola pater est qui docet & instruit, filius qui arcana Dei nobis reuelat & aperit, spiritus sanctus qui nos replet & inluit. A patre potentiam, à filio sapientiam, à spiritu sancto accipimus innocentiam. Pater eligit, filius diligit, spiritus sanctus coniungit & unit. A patre nobis datur eternitas, à filio imaginis eius conformitas, à spiritu sancto integritas & libertas. In patre sumus, in filio uiuimus, in spiritu sancto mouemur et proficimus. Conuenerunt simul sempiterna diuinitas & temporalis humanitas, & eo tenore utriusque naturæ facta est unitas, ut impossibile sit quod iunctum est ab inuicem separari, sed uerbum & caro sic sunt una essentia, ut perfectam & integram sincera coniunctio faciat unitatem. Nec iniuria est, sed gratia Dei si quod minus uidetur digniori iungatur: cum inferior natura contumeliā probriumq; peccati non contrahat, nec est minoratio maiestatis, prouectio paupertatis, nec altitudinem Dei in aliquo humilitas dispensatoria dehonestat: hoc testimonium auditum est, quia filius Dei est, quem Ioannes tenet in manibus, uerus homo, uerus Deus, unicus patris, in sua natura inuisibilis, in nostra uisibilis, ut fide & experimento fulciatur doctrina, dum & uisu et intellectu incarnati uerbi notitiam assequatur. Dilectus à patre merito nos dilexit, ultro uisitationis suæ nobis beneficium largitus est, ultro sanauit, ultro curauit, ultro libertate donauit. Etiam ingratos prosequitur hic amor & reuocat: neque tunc odit, cum corripit et flagellat: usq; ad mortem. Christum duxit dilectio, et resurgens à mortuis charos habet, quibus tantæ charitatis affectum ostendit. Duo grata uocabula filius et dilectus ipso Deo dictante nostris sensibus imprimuntur, ut cōmunio nominum nos associet collegio munerum, & tanta dulcedinis nomina nostrum emolliant animum, accendantq; deuotionis affectum: per omnia sibi pater in filio complacuit, nec ulla in eo

Dilectio Dei
immortalis.

serpentis sunt reperta uestigia; nec sacerdotij eius poenituit Deum, quoniam sacrificium quod in cruce obtulit, sic in beneficio Dei constat acceptabile & perpetua uirtute consistit, ut non minus hodie in conspectu patris oblatio illa sit efficax, quam ea die qua de saucio latere sanguis et aqua exiuit, et semper reſeruata in corpore plagæ salutis humanæ exigant pretium, & obedientiæ donatiuum requirant.

SERMO DE BAPTISMO CHRISTI.



Ivic dilecto filio tuo domine nos præcipis obedire. Loquere igitur dñe, quia audit seruus tuus. Auditui meo dabis gaudiū et letitiam, doctrinam tuam amplector: suauis est mihi eloquiū tuum, uiuus et efficax sermo tuus ancipiti gladio penetrabilior usq; ad diuisionem spiritus et animæ meæ attingens, carnales et spirituales intra me separat et sequestrat affectus, & à uilibus pretiosa distinguens quasi flagello de funiculis cōtexto, de meo interiori templo qđ tu inhabitas, omnem mundinationem expellit, nec patitur in atrijs tuis mercimonia colūbarum, sed à sanctuario gratiæ tuæ omnem uenalitatem excludit. Audio te cum irasceris, audio cū misereris, siue parcis, siue flagellas, iustum et bonū te prædico, in ira supplico, in clementia grās ago, nec sanctis sermonibus cōtradico. Loquere magister bone, libenter te audio, et cum aduersarius mihi, etiam in plagis et doloribus intelligo disciplinam: nec latet me, te docente, ad siccandas corruptionum mearum putredines prodesse cauterium, et munda re cicatrices ueteres sal discipline tuæ, Euangelio tuo medente infusam. Præcipis ut infundam corrupto pulmone hyssopum, & spiritus tui suauitate epota, totius malignitatis inflatio detumescat. A te Deus bone humilitatem discantes, quasi mansueta animalia quieto gressu te baiulamur sessorem, nequaquam sub hoc onere lassitudinem, sed quietem inuenturi: quia iugum

tuum non est graue, sed leue: & lex tua & testimonium iusti-
 tiæ & præcepta, timor & iudicia delectabilium in se rerum
 continent sacramenta. Lex tua docet uitare peccatum, & cor-
 ripit transgressores: & ut lotis mundisq; pedibus in uia imma-
 culata incedant, omnia præmonstrat offendicula, & insinuat
 diuertacula quibus periculosi transitus euitentur, nihil impos-
 sibile, nihil iubet austernm. In quibusdam per legem tuam pro-
 missa præmia nos inuitant: in multis pœnæ propositæ & sup-
 plicia uel damna territos animos à scelerum retrahunt appe-
 titu: neque lex tua scripta à lege naturali in aliquo dissonat,
 sed reprobatio mali & electio boni sic animæ rationali infixæ
 sunt diuinitus, ut de hoc nemo rectè causetur: quia nulli ad ha-
 rum rerum prosecutionem deest scientia siue potentia: quia
 & quod agendum est, scimus: & quod scimus, facere pos-
 sumus. Quod si impossibilia essent præcepta tua, uel tati-
 tis difficultatibus onerata, uel uoluntas tua sic abdita, ut
 non posset intelligi quid à nobis tua expeteret altitudo,
 licet inuitus nemo peccet, posset tamen ex multis excusare
 delictum, nisi nobis & moderatio mandati, & ueritatis co-
 gnitio, & agendorum distinctio autoritate cognoscibili pro-
 uidissent: & simul se complecterentur possibilitas & facilitas,
 & scientia & potestas. Præcipis mihi domine Deus, ut dili-
 gam te hic, & possum et debeo: & totum me interius & exte-
 rius tibi esse iubes obnoxium: & de proximo iubes, ut ad
 meam eum mensuram complectar. Gratias ago tibi clemen-
 tissime Deus, quia quod querit à me, prius ipse donasti: &
 quomodo tu me dilexeris, si linguis hominum & angelorum
 loquar, nec dignè possum eloqui, nec uniuersa complecti, quæ
 mihi gratiæ tuæ contulit amplitudo. Iustum est domine ut di-
 ligamus te, quia & ipse nos diligis: & iniquum omnino est,
 ut te in aliquo dilecti tui offendant. Verè hoc mandatum le-
 gem complectitur et prophetas, et in hoc uerbo omnium scri

pturarum uolumina coarctantur. Hoc natura, hoc ratio, hoc domine uerbi tui clamat autoritas: hoc ex ore tuo audiuius, hic inuenit consummationem omnis religio: primum est hoc *Diligere Deū* mandatum et ultimū, hoc in libro uitæ cōscriptum, indeficien *primum et ul* tem & hominibus & angelis exhibet lectionē. Legat hic unū *timum prae* uerbum, & in hoc mandato meditetur Christiana religio, & *pium.* inueniet ex hac scriptura omnium doctrinarum regulas emanasse, & hinc nasci et huc reuerti quicquid ecclesiastica continet disciplina, et in omnibus irritum esse & friuolū quicquid dilectio non confirmat. Non pertinet domine ad te, nec de tuis est qui te non diligit: nec diligit te, qui scienter offēdit. Dilectioni tuæ detrahit, qui terminos à te positos transiit, et euangelij tui decreta transgreditur & contemnit. Non amat te, qui pecuniam diligit, tibi & manumone nemo simul deseruit. Non pertinent ad te speciem pietatis habentes & negantes uirtutē, nec militant tibi negotiorum huius seculi traiectores: non audiunt te, sed sicut aspis aures suas obturant, ne eorū corda uerbum tuum penetret, quotquot peccato seruiunt uoluptati carnalium amatores. Lex tua Deus apostolorum et martyrum testimonio confirmata, paruulis tuis pauperibus spiritu quibus tibi regnum tuum dare complacuit. sapiētiā praestitit, et lætificauerunt animas eorum iustitiæ tuæ, in quibus per eandem legem edocti uixerunt: & hoc dilectionis præceptum ita fidelium mentes illuminauit, ut in pace et sanctimonia uiuentes pacificis et mundis cordibus te uiderent, et simul amor sanctus & timor castus perseverantibus tibi studijs obedirent, usque adeo tibi ascensionibus huiusmodi propinquantes, ut fierent iudiciorum tuorum conscij, et per ipsos tua et nunc & postmodum iudicia exerceres. Præcepisti domine ut audiamus dilectum filium tuum: gratias tibi agimus, quia nos eius magisterio commēdasti. Nos uerò ex præcepto tuo eius doctrinæ nos tradimus informandos, & inherentes ei libenter, cum duce

spiritu sancto omni tempore audiemus.

DE IEIUNIO ET TENTATIO-

NIBVS CHRISTI.



Anno tricesimo carnis assumptæ baptizato Dño in Iordane, postquam reuelatæ patre, q̃ filius Dei esset, innotuit, non iam conueniebat eũ putari filium Ioseph, uel esse subditum illi. Nec tñ repente ad signa et miracula et doctrinam usus est potestate, sed in-

terim auctoritatem cõtinuit: et antequàm notum se faceret mundo, exposuit se tentandum diabolo, non ut diuinitatis integritas probaretur, sed ut tentatoris confunderetur præsumptio, dum fame et lassitudine post ieiunium ueritas humanitatis pateret, quæ diuinitati associata omnino peccati sensu et consensu careret. Hac ætate tempus doctrinæ insinuatum est rationabile, nec ante has metas perperam inuadi magisterium, data est forma, quia nõ competit annis impubibus sedere in cathedra, et in primogenitis bouum lege aratio est interdicta. Iam uerò cum ætatis & temporis ratio conueniret, et ad obediendũ uerbo Christi mādātum cœlitus aduenisset: uoluit tamen sapientia Dei primò erudiendos informare exemplo, et contra tentamenta proponere documenta, ut audiret et uideret et sentiret humana rationabilitas, quàm insuperabilis sit uictrixq; peccati, si libertas arbitrij libero moderamine dirigatur. Igitur desertum Christus ingreditur, ibi suo, id est spiritu sancto duce et comite conuersatur. Locus secretus eligitur, quia solius Dei iudicio ieiunia sunt agenda, et singulariter inspectorem, adiutoremq; Deũ uolunt hæc habere certamina, neq; in agonibus aliquibus periculosis militatur. Nulli religionis exercitio fraudulētius inanis gloria adulatur, nulli uirtuti fauor ita blāditur. Ieiuniorum sudoribus laus importuna se ingerit, et subtilissimis aculeis penetrans animam, dum extollit, emollit: & pungit, cum ungit.

Cathedra ueritatis quibus competit.

Christus in deserto.

Virtutem in hypocrisim uertit, et simpliciter inchoata peruer-
 tit. Quasi tinea quod integrum erat, rodit & occupat, et san-
 ctitatis fundamenta euellit & dissipat. Subtilissimum malū pro-
 prio laqueo hypocritam iugulat, et proprijs armis sanctuatē
 impugnat. Castigatio carnis spiritum inflat, et macies corpo-
 ris extenuatum arrogantem impinguat. Contemptus uenera-
 tionem uenatur, fames et calamitas laudibus saturatur. Mens
 hoc ueneno imbuta in miserijs deliciatur, et occupata hac sca-
 bie in hulceribus gloriatur. Religio fit superstitio, et succedit
 ei ambitio subornata. Extincto spiritu quadriduano cadaueri
 sole supersint exuiæ, uirtutis species exanimis & simula-
 chrum sanctitatis. Tanta est hypocritarum dementia, ut sceto-
 ribus pro odoribus abutantur, & pretiosa uilia, et aspera sua-
 uia arbitrentur, & fauorum sapor omnium dulcedinem supe-
 ret condimenta, omnisq; delira sensualitas contrarijs delecte-
 tur. Propter hoc solitudo carens arbitris, & eremus assentato-
 rum satellitio uacua à ieiunante Christo eligitur, ut non cum
 carne & sanguine, sed cum spiritualibus nequitijs dimicetur,
 & amotis minarum occasionibus homo cum diabolo collucte-
 tur, & soli sint in palestra Christus & antichristus, spiritus
 & antispiritus. Neq; putet homo se euasisse pericula, cum in
 eremum uenerit: quia quantò subtilius, tantò difficilius à tenta-
 tore inuaditur, qui cogitationum foribus assidens omnia uirtu-
 tum genimina in ipso ortu strangulare molitur. Imaginem
 Christi delere cupiens, adulterinos colores naturali pulchritu-
 dini superducit, claritatem spiritus interpolat & obnubit.
 Verum liberius anima expedita obuiat impugnanti, ubi com-
 pedes impedimentorum desuerint, & aspectus irritamenta
 non nouerint: securiorq; est congressus, ubi singula non uelli-
 cant dimicantem, nec inebriant animum lenocinia uolupta-
 tum. Honestius cum spiritu quàm in carne luctamur: quia carnis
 complexus fœdus exhalans nebulas, eum qui sibi adhæserit

Hypocritarū
dementia.

Solitudinis pa-
lestra diffici-
lis.

Lucta spiri-
tus honestior
quàm carnis.

aliqua ex parte contaminat, nec libidinum morsus quisquam
 euasit illæsus. Flatus ille pestilens etiam longe positos inficit,
 & hoc certaninis genus fugam potius quam assultum requi-
 rit. Et quia solent oratione & ieiunio demones edomari,
 munitio eremi cum huiusmodi armatura exemplo magistri
 recipit Christianos: quos etsi omnes diuersorium non exci-
 piat loci, animi tamen omnino necessaria est solitudo, ubi crea-
 ta specula mens sibi insopita prouideat, & deteresa rubigine
 coruscantibus armis importunum hostem terreat & repela-
 lat. Ieiunijs uitiorum sentina siccatur, petulantia marcet, con-
 cupiscentiæ languent, fugitiuæ abeunt uoluptates. Extingui-
 tur ardentis Aetnæ incendium, & flammivomi fornax Vulca-
 ni extincta intrinsecus montes conterminos non adurit. Ieiunium
 si discretionem regatur, omnem carnis rebellionem edo-
 mat, & tyrannidem gulae spoliatur & exarmat. Ieiunium ex-
 traordinarios motus in cippo claudit & arctat, & appetitus
 uagos distrinxit & ligat, Ieiunium si humilitate ornetur, ser-
 uos Dei, mundi efficit contemptores. Ieiunium carnes azymas
 mundat & solidat: & putredines quæ ex adipe prodeunt,
 consumit & siccatur. Ieiunium scripturarum delicijs pascitur,
 contemplatione reficitur, gratia stabilitur, cœlesti pane nutri-
 tur. Danieli interpretatio somniorum reuelatur ieiunio, & tres
 pueri de Babylonio illæsi egrediuntur incendio. Moyses in
 monte quadraginta diebus cum Domino perseuerans, & Dei
 familiare colloquium, & legis ministerium ieiunio promere-
 tur. Helias quoque eodem dierum numero abstinens in eremo cō-
 uersatur. Utilitas ieiuniorum temporibus Christianis clarius
 patuit, et à multis frequētata in plurimos se effudit. Quotquot
 uiros uirtutum uidimus, sine ieiunio nō legimus ascendisse: nec
 aliquid magnum moliti sunt, nisi prius abstinencia præcesis-
 set. Quoties aliquid à Deo obtinere conati sunt, ieiunijs incu-
 buere & lacrymis, & pernoctantes in orationibus, cilicijs
 carni

Ieiuniorum
 uirtus.

carniherentibus supplices beneficia postularunt. Nec defuit
 prouentus, ubi ad pedes Dei sacrificium cōtriti cordis offerēs
 se prostrauit humilitas, sed propè suat inuocantibus se Deus,
 & porrexit manum naufragis, & subuenit afflictis. Si Moy-
 sen & Aaron & Sanuelem hodie haberet ecclesia, cum in-
 uocarent, exaudirentur: & orantibus Iob, & Noe, & Danie-
 le, populo parceretur. Rarus hodie Phinees, qui perfodiat im-
 pudicos: rarus Moyses, qui occidat sacrilegos: rarus Samuel, *Rarus bono-
rum.*
 qui inobedientes lugeat: rarus Iob, qui pro filiorum negligē-
 tia sacrificiū offerat: rarus Aaron, qui coram Pharaone com-
 minationes diuinas edicat: rarus Noe, qui his, quibus submer-
 sio imminet, arcam bituminē litam provideat. Elens cum Apo-
 stolo dico, Inimicos crucis qui terrena sapiunt magistratus,
 quorum Deus uenter est, qui in his quæ dicere nefas est impu-
 dentes letantur & gloriantur. Venerunt periculosa tempora
 quæ prædixit Apostolus, in quibus uoluptatum amatores ma-
 gis quàm Dei, speciem pietatis habentes, uirtutem uerò abne-
 gantes. Inueniuntur præpositi innumerabiles, qui ieiunia &
 orationes nec digito mouent, in quorum manibus iniquitates
 sunt, & muneribus eorū dextra oneratur: frustra ab his quæ-
 rantur miracula, frustra auxilia implorentur, non sunt idonei
 intercessores, Domini contemptores, nec conuenienter ad pla-
 candum eum accedunt, nec conciliant quem offendant. Effi-
 cax est oratio præcedente ieiunio, & sacris studijs anteceden-
 tibus non patitur postulatio deuota repulsam. Eligitur solitu-
 do, ut soli Deo uacans anima cum in se per continentiam ma-
 etauerit uoluptates, purgatis affectibus ad cœlestia euolet, &
 uidens Deum oret & adoret, et dulcedinis supernæ suauitatē
 prægustet. Forma igitur ieiuniorum proposita fixoq; exem-
 plo, postquā quadraginta dierū abstinentiam Dominus cōsum-
 mauit, Satan cum esurientē uideret, accessit. Retroactum tem-
 pus obtinuerat quies, & secum silentij sera opus illud eximium

*Rarus bono-
rum.*

Philip. 3.

*Oratio effi-
cax præceden-
te ieiunio.*

Luc. 4.

saluator exegerat, modò oblata famis occasione tumultuator de latebris prodiens foras egreditur, & subdola professione quasi compatiens ei subuenire periclitanti naturæ hortatur: Si filius Dei es, dic ut lapides isti panes fiant. Nec uult sateri, nec præsumit diabolus diffiteri Christum filiū Dei, sed dubie dispenſeq; consulens tendiculas blandis innectit sermonibus, ut obaudientem sibi reddat obnoxium, & se de compaſſionis specie reddat acceptum. Caro & lassitudo & cætera huiusmodi hominem testabantur, uirtutis integritas & uita carens omni peccato perfectius ei priuilegium adscribebant, & diuinitas potentiſſima ex ipsis effectibus negari non poterat. Fuerant & ante Christum uiri insignes, prophetæ, & sacerdotes, sed in peccatis concepti & nati, nec originali nec personali caruere delicto: & inuenta est in omnibus uel ignorantia, uel insufficientia, in quibus erronei peccauerunt, & egruerunt misericordia Dei, per quam edocti & restituti gratias egerunt Deo, & ad plenitudinem iustitiæ multum sibi deeſſe confessi sunt, & sperantes in Deo nullam sibi soliditatē attribuire præsumperunt. Non ita Christus in quo uerbi carnisq; sic conuenit natura, ut nulla alteri ex altero iniuria deueniret: quia in carne socia nullam diuinitas maculam reperit, nec secuta est, nec præceſſit. Hæc naturarum coniunctio diabolum excæcabat: quia impossibile ei uidebatur, uel quòd esurire posset diuinitas, uel quòd tantæ tolerantie posset esse, tantæq; potestatis corporalis humilitas. Duplicem itaque inquisitionem sinuosa calliditate orditur, ut de Christo utrū naturalis filius Dei sit, ipso respondente certitudinem habeat: ut cum Deum confessus se fuerit, absurdum uideatur quod Deus esuriat, & in quamcunque partem se responsio uerterit, necessitas conclusionis occurrat: Si filius Dei es tibi non competit esurire. Quòd si esuris, manifestum est filium Dei non esse, quem uiolentia necessitatis communibus indigētij intercludit. Succurre, inquit,

Te ntatio prima.

necessitati si potes, alioqui deficies, & presentes lapides in parus muta substantiam: sic enim fiet ut euadas periculum: & si hoc potueris, probes te Deum. Non erat digna responsione quæstio malignantis: neq; enim technas diaboli Dominus ignorabat, sed diuino cauillatori satisfecit eloquio, subtilissimo dogmate edocēs corporis & animæ uitæ proprijs alimonijs deberi subsidia, & cibum animæ, id est, uerbum Dei edulijs corporalibus præponendum, & citius attentiusq; menti prouidendum quàm uentri. Nec opus erat ut hoc facto insidiatori innotesceret: quia nullo signo eius poterat inuidia commutari, cuius incorrigibilem iniquitatem desperatio sugillauit. Superfluum igitur erat ad suggestionem eius ibi nulla profutura miracula operari, cum satis esset diligenter consideranti, quòd esurientem cibi non superabat appetitus, & desiderij motus defectio non esset, sed uirtus. In nullo Christum aliqua coegit aut dominata est ei necessitas, qui propriæ moderamine uoluntatis disposuit & persoluit quod exegit eumanitas. Sicut in ipsius uoluntate fuit consecrare ieiunium, ita & in potestate fuit tempore opportuno sumere cibum, quod utique nec ministerio, nec consilio diaboli fuerat ordinandum, quia & abstinentiæ & refectionis penes ipsum erat & arbitrium & facultas. Itaque nihil certitudinis seductor extorsit, sed dubius, incertusq; dimissus est, nec obtinuit ut se proderet Christus miraculo, uel intemperanter ad cibum properans obediret seductoris consilio, quasi tunc primum quid fieri oporteret data doctrina, acceptaq; sententia. Repulsus igitur autoritate scripturæ & propositi firmitate defecit scrutinio, nec tamen alia aggredi uia destitit, & falsatis argumētis prioribus alia subiiciens, quibus ab eo consentaneas sibi responsiones aliquas extorqueret, adiecit. Eo igitur supra templi pinaculum constituto, quem gula non potuit, uanagloria subuertere nititur. A multis ambigitur utrum fuerit hic transla-

Tentatio secunda.

tio corporalis: & si de loco ad locum se Christus transferri
 Dan. 14. permiserit, eo modo quo Abacuc de Iudæa in Chaldaeam dela-
 Act. 2. tus est, & Philippus de Azoto in occursum eunuchi, qui re-
 uertens de Hierusalem non intelligens Esaiam, codicem reuol-
 uebat. Sed quod corporaliter eum diabolus tulerit, uidetur in-
 cōueniens, quod humeris eius saluator infederit; & pro uehi-
 culo usus sit quem præcipitorem sciebat, uel ei ferendum se
 commiserit, cuius insidias agnoscebat. Suo itaq; spiritu eū cre-
 dendum est ductum, & in deserto, & super templum, ut utro-
 biq; eum diabolus assumeret ad tētandum. Et localiter quidem
 in deserto prima fuit tentatio, sed cæteras eo modo circumdu-
 xit tentatoris astutia, uel circumduci passa est patientia salua-
 toris, quomodo Ezechiel cum super fluuium Chobar sederet,
 Hierosolymam raptus in spiritu ciuitatem ædificat & meti-
 tur, & muros & templum instaurat. Hoc modo super culmen
 templi Christus erat in spiritu, sciens quid ante spiritus asse-
 ctaret, & hosti se de uana gloria pulsaturo opportunitatem
 parabat. Hac igitur occasione loci hortatur & consulit, ut in
 urbe sancta & frequentia populorum quasi nouus sumambu-
 lus in excelsis pendulus, se deorsum ad spectaculum uulgi ia-
 cteret intrepidus, addēs ex testimonio scripturæ, angelorum as-
 futura suffragia, quæ ruentem exciperent & conseruarent il-
 lesum. O execrabilis diaboli malitia ô stulta nequitia ô insen-
 sata uersutia ô præsumptio excæcata Putabat malignus quem
 gula non uicerat, uana gloria superari. Experientia quippe re-
 rû didicerat, & in multis probauerat uitiorum uictores sæpe
 nugis laudationû corruptos, & cognatû propinquûq; esse uir-
 tutibus malû adulationē: nec facile quēquā posse euadere, quin
 libetè asētatorû canticis porrigat aures, & laudatorû modula-
 tionibus delectetur. Et sicut rarus est, aut nullus qui de se mala
 dici æquanimiter ferat: ita rarus est, qui non bene de se uelit sen-
 tiri, & se, si recte uiuit, stantem in uitæ rectitudine non diligit

Ductus à spiri-
 tu qualiter in-
 telligitur.

Exer. 43.

Psal. 90.

Adulatio.

aestimari. Quòd si opera uirtutum foras exierint, rarus est qui
 hominum iudicia conspuat, & laudes humanas contemnat.
 Hoc generale malum in humano genere satan putabat ex præ-
 cedentis occasione uictoriæ suggerere saluatori, ut populari-
 bus laudibus uellet attolli, & facere sibi nomen iuxta nomen
 magnorū qui sunt in terra, si geminato miraculo ieiuniorum
 constantia innotesceret populo, & uectoribus angelis sine of-
 fendiculo sustentatus, se filiū Dei tam potētī abstinentia, quā
 angelorum obedientia comprobaret. Huiusmodi consilijs fi-
 lios hominum satan corrumpere consueuerat, & robustis ui-
 rilibusq; animis etiā huiusmodi cogitatus immittit: & si ab in-
 gressu mentis arceatur, renitente consensu, aliquid tamen de
 spurcitiā sua ibi euomens abominationum horrore nauseare
 compellit. Sic, ut aliquid poeticum inferam, temulentus Cy-
 clops illiciti coniugij appetitor, licet à Pallade repellatur, in
 gremio tamē eius Erichthoniū fundit, & incorrupta Miner-
 uā, superest tamē deformē monstrum, nec omnino affectata sce-
 lera in memoria moriūtū. Non tentabis, inquit, Dominū deū
 tuum. Hoc in Deuteronomio scriptum est: Ecce lex legi obijci
 tur, & satan autoritate scripturæ abutens, malus legis inter-
 pres præcipitium quasi ex ratione mandati hortatur, sed in-
 tellectus fallax & falsus ueritate syncera confunditur, & ge-
 nerali edicto interdictum ostenditur, ne dum patet in quibus-
 libet angustijs quilibet exitus, deus ulla præsumptione tente-
 tur. Alia explorator malignus argumenta conatur adducere,
 & ad summam cumulumq; nequitie suæ, continentem & hu-
 milem oblata egreditur potestate, & ostensa mundi huius sub-
 limitate & gloria quasi indignum sit tantæ autoritatis docto-
 rem, & insignium operum patratores, ignobili & contem-
 ptibili schemate obumbrari, & dominatione uniuersorum
 usuq; animum dignum honore sollicitat, & daturum se omnia
 pollicetur, si ei pro tanto munere gratias agat, & procidens

Oni. 2. Mat.

Luc. 4.

Deut. 6.

Tētatio tertia

adore tantæ culminis largitorem. Solent uiris uirtutum huiusmodi præstigia se offerre, & testimonium religionis, conscientia prohibente, cum ab alijs digni honoribus iudicentur, facile acquiescunt: & tam proprio quàm alieno fascinati iudicio à re Ætitudine corruunt, euersaq; cathedra mentis, humo fractis ceruicibus colliduntur: Repenteq; & subito quòd multis erat partum sudoribus, ambitione irruente oblitteratum est, & turbinis huius impetu auulsum est, quicquid antiquæ religionis labor meruerat. Malum hoc Adam in paradiso pulsauit & strauit, cum subiectionem quam deo debebat fastidians appetijt dominatum: & cum uellet esse sicut deus, sine Deo se uidit & nouit: & conspectam carnis Eue abhorruit foeditatem, quam licet operiret, manens tamen perpes ibi contumelia stetit & hæsit. Ad suasionem diaboli animam uanitati subiectam deiecit ambitio, poteratq; ex termino eius posteritas didicisse, quàm misera mutatio fuit de delicijs ad spinas & tribulos emigrasse, & rastris ligonibusq; auaritiâ condennatam. Hoc malo restitit, & resistere nos saluator edocuit, ut soli Deo subiectus sit homo quantuncunque profecerit, ut in ipso, immo ipse sit substantia nostra, & pateat nobis quòd sicut peremptoria est altitudo quæsitâ, ita & periculosissima est oblata: non quòd potestas quæ ex Deo est sit damnabilis, aut ordinatio diuina peccatorum sit obstetrix: sed quòd excellentiam, cuius spiritus sanctus autor est, ita debet complecti humilitas, ut qui uocatus est superius, nesciat se sublimem, & per omnia agnoscat conditio conditorem, & gratia largitorem. Gloriabantur aliquando discipuli, & complacebant sibi in miraculis, gratulabundi quòd eis etiam demonia obedirent: sed repressa est, increpante domino, simplicitatis eorum præsumptio: Videbam, inquit, satanam tanquàm fulgur descendentem de cælo. His uerbis eorum animis intimas, quia ante hoc tēporale initiū ipse in principio, imo ipse principium existens apud Deum, ante hominis

Ad causam

h

Luc. 10.

conditionem superbientis diaboli ruinam uidit, & affectatæ dominationis ambitionem deiectionis eius fuisse causam: nec in hoc gaudendum esse, si quis prærogatiua celsitudinis donaretur, sed hæc esse certam stabilemque ueri gaudij metam, si uocatio nostra iustificatione muniretur: & tunc demum ratum constare beatificationis prouentum, si huius ordinis scriptura in conspectu dei indelebilis seruaretur. Hoc igitur attendentes, quod non in nobis quasi ex nobis sufficientes sumus, sed ex domino sufficientia nostra est, & contentos solo Deo necesse est ei esse omnes accliuēs, cui totum debemus quod uiuimus, quod mouemur, quod sumus. Qui de plenitudine sua nobis interim prout cuique opus est, donationes partitur, donec ad cumulum perueniat copia consummata, usque adeo conferta, coagitataque mensura, ut nihil uel accedat amplius, uel recedat, sed in cognitione dei certum finem stabilemque metam omnes & animæ & corporis obtineant appetitus. Frustra itaque regna huius mundi transitoria & mutabilia immutabili & æterno regi ostendit uel promittit diabolus, cum ipse dicat regnum suum de hoc mundo non esse: non quod creationem suam remouens dæmonum subiecerit potestati, sed quia in his qui amorem mundi dei amorī præponunt, non dignetur diuinitas sibi facere mansionem: & impossibile sit eos à deo regi, qui se diabolo tradidit: quia Christi & Belial nulla est participatio, nec aliqua iustitiæ cum iniquitate potest esse communio. Regnum hoc est naturæ, sed malitiæ persecutio est, non defensio: & tota huius potestatis uirtus in mortem damnationemque eorum qui sub hoc principe militant, elaborat. Regnum hoc munitur uitij, ambitur flagitijs, turres eius sunt crimina, armaria quarumcunque turpitudinum molimina. Huius regis telonearij sunt pauperum oppressores, tribuni seductores, præfeti iudiciorum peruersores. Cubicularij eius sunt quæstum aduncatores, mercimonij traectores. ararij sacerdotes, nu-

Ioan. 18.

Regnū diaboli
li uitijis muni-
tur.

mularij doctores, conductitij defensores, lingue subdole uel consilij locatores, uenales auxiliarij, bilingues caufidici, concinnatores mendacij, fabricatores peccati, uestiti mollibus, amicti discoloribus. In domo huius regis sunt, qui paludamena-
lis talaribus pauimenta uerrentes, capillis muliebribus se in foe-
minas transfigurant, & dignitatem uirilem non sine naturæ

Regni diaboli
ci suuaces.

iniuria dehonestant. In hoc regno sunt quicunque ueritatem
Dei commutant in mendacium, quicunque quasi in taberna ui-
tiorum præcones uenales animas impurissimis demoniis cor-
rumpendas exponunt. Hic auaras manus cupidi muneribus
complicant, hic genu flexo concupiscentiæ suæ quisquæ ido-
lum colit, et propriæ libidinis adorat simulachrum. Non hæc
te Domine Iesu gloria mouet: non huius mundi tu tenes impe-
rium: non horum cupidine tu cadis, aut prosterieris: non ado-
ras malitiam. non peccato subijceris, qui seruis tuis demonia
subdis, & omnem huius mundi gloriationem destruis & con-

Apostrophe
in Satanam.

fundis. Insanissime Satan, qua fronte, qua lingua ausus es di-
cere Saluatori, ut ante, te, qui stat inflexibilis & immobilis,
caderet, ut te damnatum ipse qui te damnauerat, adoraret?
Quis ausus, quam impudens hæc fuit præsumptio? Quid
desperate sperasti? An filium Dei putabas posse tecum apo-
statam fieri? Si de mundo uisibili id est, cælo & terra, & de
his quæ in eo aguntur, te iactas habere dominium, nec cœ-
li nec terræ tu conditor, nec solem moues, nec cursum das sy-
deribus, nec per te uoluitur firmamentum, nec uides aut intel-
ligis Deum, nec ullum tibi est cum cœlesti militia consortium;
uel aliquem habes ad superioris mundi claritatem accessum.
Huius inferioris mundi tua est scabies, tua languentis sunt hul-
cera, hæc scalpis, hæc impurus ablingis. Si quid uitij est, si
quid corruptelæ, ut cadaueribus assides, tu contrectas putre-
dines, tu distemperas fæces, tu uersas foetores, tu spiritus
nequam, tu in pristino seculi huius fermentator immundus,

tu sanctuatis corruptor, & simplicium perturbator, tu incendiator libidinum, & omnium turpitudinum adiuventor: in his regnas, quos inquinās: & in his quos polluis, dominaris. Fornicatores et adulteri te habent suggestorem, te habebunt tortorem, te quoq; cum illis ultricia incendia concremabunt. Stultis uanisq; promissionibus nullus à corde Christiano dari debet accessus, sed primis titillationibus obuiare debet abigēs manu: nec foueri debet coluber, donec in draconē formetur. Mendax est diabolus, et his qui sibi obtemperant, multa se daturum promittit. Malum hoc in uniuersa ecclesia uagatur, & communis pestilentia innumerabiles occupat, ut pro gloria huius mundi qui liberi erunt, si uendāt in seruos, et per uitia ad seruitutem deputentur, & obligati pacto chirographum subiectionis conscribant diabolo. Per omne nefas uoluptates emuntur, & per omne scelus copiosæ libidines exquiruntur. Iudas ille proditor uenditurus magistrum, prætaxatum pretium à principibus exegit sacerdotum: Quid mihi, inquit, uultis dare, & ego eum uobis tradam? Vsq; ad mortem Domini amor lucri se ingerit, nec uitæ saluatoris quæstus desiderium parcat. Etiam in sinu sacerdotum ambitio dormit, ibi sub umbra recubat, in secreto thalami se fraudulenter occultat. Simon apostolorum temporibus uenalem putans spiritum sanctum, Petrum donis aggre-

Matth. 26.

Ambitio.

Actuum. 8.

ditur, et tentat emere potestatem, per quam plura lucretur. Hæc sacrilegij forma per omnia officia gradusq; discurret, & nihil intetatum ambitio prætermittit. Nec dubitet quisquam diaboli hæc esse negotia, & nundinatores eius quicumq; hæc exercent commercia, nec quicumquam huiusmodi ab eo, nisi præmissa apostasia, donari. Inuerecunde tentator ambitiosos aggreditur, & conditione perniciose præmissa talia pollicetur, ultra quæ extendi non possit cupiditas, regnorum scilicet omnium monarchiam, & uniuersitatis dominatum: ut in omnibus mandatis unus homo quasi Deus habeat potestatem, & uni omnia subie-

Apostophe
in cupidos:

Et sint, & generale uestigial excellentie principali cuncta persoluant. Quid ultra cupide quaeris? quid amplius auare desideras? nunquid & sic potest impleri ambitio tua, aut satiare potest fames tua, ossa huius mundi iniecta dentibus tuis, & faucibus tuis uniuersa rerum massa intrusa? Mundum habes, Deum non habes: mundus transibit, tu cum eo qui non stat, cades, transibis, & rues. Peremptoria sunt haec consilia, quae tibi talia pollicentur, in quibus te necesse est aut uomitu, aut ruptis interire uisceribus. Sed & pretium quod peitur, ut diabolum adores prostratus: & eum tibi Deum constituas, quem non dubitas seductorem, si consenseris ut concidas, casus tui te non potes excusare improuidum, cum ipse tibi casum & ruinam praenominet, et praecipitium exigat, qui tanti se facit nundinatore culminis, et tantae tibi promittit fastigia potestatis. Regnum Christi non est de hoc mundo: regnum coelorum tibi Deus promittit, ipsum solum adora, ipsi soli memento ut seruias, qui repulso tentatore, te quoque gloria & honore post uictoriam coronabit, si in iustitiae rectitudine steteris, nec falsis promissionibus obtemperans, ad uenerationem diaboli damnationis eius factus particeps incurueris.

SERMO DE COENA DOMINI ET
prima institutione consummati omnia sacramenta.



Vscitati Lazari Hierosolymis increbuerat rumor, & tam solenne miraculum ad uenerationem Christi excitauerat populum: unde & ei ciuitatem ingredienti, cum ramis palmarum obuiam processerunt, sedentemque super asinum resonantibus laudibus gratulabundi introduxerunt in urbem, regem Israel confitentes, & acclamantes, filium David in nomine Domini aduenisse, cuius aeternum imperium prophetarum uaticinia antiquitatis conclamarant. Nec latebat Dominum, qui sciebat omnia,

quòd in uia illius confinio de torrète passionis erat bibiturus, & ex ea ueneratione quæ impendebatur ei à plebe, inflammandam amplius inuidiam magistratum, & animos exacerbatos uehementiori insania perturbandos, & conspirationis malignæ non ultrà posse occultari cõsilia, nec differri amplius quæ de eius interitu cogitarāt. Sed uolebat pius magister cum iam damnationis suæ dictaretur sententia, & propè esset ut figeretur in cruce, suæ dare indicia potestatis: & qui animam Lazari reuocauerat ab inferis, & quatruiduano mortuo reddiderat uitam, dignosceretur uirtute diuina, non humana tantum opus patrasse: & impossibile esse suam animam ab inferno teneri, qui alienam potestatiuè extraxerat: nec se necessitate, sed obedientia urgeri ad mortem: & uitam quam alijs reddebat, ad se quoque ubi iuberet illico redituram. Finem igitur legalibus ceremonijs impositurus, parari sibi uoluit pascha, & ex consuetudine legis ea quæ sollemnitatis exigebat, agnum assum, panes azymos, & lactucas agrestes. Non oportet esse fermentarios noui testamenti ministros, puras syncerasq; mentes sanctum querit conuiuium, in ueru crucis boni odoris asfatio omnem excoquat carnalium sensuum cruditatem, & induret solidetq; mentis affectus, nec in ecclesiæ sanctæ sacrificio ulla sit macula, sed purā simplicitas & innocentia uitæ in una ecclesiæ catholicæ domo à fidelibus de Aegypto egredientibus transito mari rubro lotis Christi sanguine affectibus offeratur. Coena itaq; disposita inter sacramentales epulas obuiarunt sibi instituta antiqua & noua, & consumpto agno, quæ antiqua traditio proponebat, incõsumptibilem cibum magister apponit discipulis: nec iam ad elaborata impensis & arte conuiuia populi inuitantur, sed immortalitatis alimonia datur, à communibus cibis differens, corporalis substantiæ retinens speciem, sed uirtutis diuinæ inuisibili efficiëntia probans adesse præsentiam. Significata olim à tempore Melchisedech

Coena domini
ce apparatus

Matth. 26. prodeunt sacramenta, et filijs Abrahæ facientibus opera eius
 summus sacerdos panem profert et uinum: Hoc est, inquit, cor-
 pus meum. Manducauerant et biberant de eodem pane secun-
 Marc. 14. dum formā uisibilem, sed ante uerba illa cibus ille cōmunis tām-
 tum nutriendo corpori cōmodus erat, et uitæ corporalis sub-
 Luc. 22. sidium ministrabat. Sed ex quo à Domino dictum est: Hoc fa-
 cite in meam cōmemorationem, hæc est caro mea, et hic est san-
 guis meus, quotiescunq; his uerbis et hac fide actum est, panis
 iste substantialis et calix benedictione solenni sacratus, ad to-
 tius hominis uitam salutemq; proficit, simul medicamentum et
 holocaustū ad sanandas infirmitates et purgandas iniquitates
 existens. Manifestata est etiam spiritualis et corporalis cibi di-
 stantia, aliud fuisse quod prius est appositum et consumptum,
 aliud quod à magistro datum est et distributum. Quandiu cibi
 illi qui ad diem festum erant parati à cōuescentibus apostolis su-
 mebantur, ueteris paschæ agebatur memoria: nec dum Iudas
 ad ueterem uitā pertinens, diabolo inuadente et occupante ani-
 mum eius egredi cogebatur: sed ubi sacrū cibum mens perfida
 tetigit, et sceleratum os panis sanctificatus intrauit, parricida-
 lis animus uim tanti sacramenti non sustinens, quasi palea de
 area exufflatus est, et præcepit cucurrit ad proditionem et pre-
 tium, ad desperationē et laqueū. Orta fuerat aliquādo, sicut in
 euangelio Ioannis legitur, de nouitate uerbi huius quæstio: et
 ad doctrinam mysterij huius obstupuerant auditores, cum dice-
 ret Dominus: Nisi manducaueritis carnē filij hominis, et bibe-
 ritis eius sanguinē, non habebitis uitam in uobis. Quod qdam
 quia non credebant, nec poterant intelligere, abierunt retro:
 quia horredum eis et nescarium uidebatur uesci carne humana,
 existimantes hoc eo modo dici, ut carnem eius uel elixam, uel
 assam, sectamq; membratim edere docerentur, cum illius perso-
 nae caro si in frustra partiretur, nō omni humano generi posset
 sufficere: qua senec! consumpta, uideretur interisse religio, cui

Ioan. 6.

nequaquam ulterius uictima superesset. Sed in cogitationibus huiusmodi caro et sanguis non prodest quicquam: quia, sicut ipse magister exposuit, uerba hæc spiritus & uita sunt: nec carnalis sensus ad intellectum tantæ profunditatis penetrat, nisi si fides accedat. Panis est esca, sanguis uita, caro substantia, corpus ecclesiæ: corpus propter membrorum in unum conuenientiam: panis propter nutrimenti congruentiā: sanguis propter uiuificationis efficientiam: caro propter assumptæ humanitatis pprietatem. Hoc sacramentum aliquādo corpus suum, aliquando carnem & sanguinem, aliquando panem Christus appellat, portionem uitæ æternæ, cuius secundum hæc uisibilia corporali communicauit naturæ. Panis iste communis in carnem & sanguinem mutatus, procurat uitam & incrementum corporibus, ideoq; ex consueto rerum effectu fidei nostræ adiuta infirmitas, sensibili argumento edocta est uisibilibus sacramentis inesse uitæ æternæ effectum, & non tam corporali quàm spiritali transiitione Christo nos uniri. Ipse enim & panis, et caro, et sanguis idem cibus & substantia, & uita factus est ecclesiæ suæ, quam corpus suum appellat, dāns ei participationem. Et nos quidem cum caro essemus & sanguis, corrupta & infirma corporis animæq; natura reformari non poteramus, neq; ad similitudinem Dei reuerti, nisi morbo inueterato imponeretur malagma conueniens, & in curatione desperatæ infirmitatis contraria remouerentur contrarijs, & si milia similibus conuenirent. Panis iste quem dominus discipulis porrigebat non effigie, sed natura mutatus omnipotentia uerbi factus est caro, et sicut in persona Christi humanitas uidebatur & latebat diuinitas: ita sacramento uisibili ineffabiliter diuina se insudit essentia, ut esset religioni circa sacramenta deuotio, & ad ueritatem cuius corpus sacramenta sunt, syn- cerior pateret accessus usque ad participationem spiritus, non quòd usque ad consubstantialitatem Christi, sed usque adfectu-

Māducare car- nem & bibe- re sanguinem quomodo in- telligatur.

Transsubstan- tiatio.

talem germanissimam eius hæc unitas peruenisset. Solus quipa-
 pe filius patri consubstantialis est, nec diuisibilis est, nec par-
 tiabilis substantia trinitatis, nostra uerò & ipsius coniunctio
 nec miscet personas, nec unit substantias, sed affectus cōsociat,
 & confœderat uoluntates. Ita ecclesia corpus Christi effecta
 obsequitur capiti suo, & superius lumen in inferiora diffusum
 claritatis suæ plenitudine à fine usque ad finem attingens to-
 tum apud se manens, totum se omnibus commodat, & caloris
 illius identitas ita corpori asidet, ut à capite non recedat. Pa-
 nis itaq; hic æquus cibus uerus & sincerus per speciem &
 sacramentū nos tactu sanctificat, fide illuminat, ueritate Chri-
 sto cōformat. Et sicut panis communis quem quotidie edimus
 uita est corporis: ita panis iste supersubstantialis uita est ani-
 mæ & sanitas mentis. Panem angelorum sub sacramento man-
 ducamus in terris, eundem sine sacramēto manifestius edemus
 in coelis, non ministerio corporali, sæpe repetitis actionibus
 ad eadem reuertentes, sed consummato sacerdotio nostro, erit
 & permanebit perpetua & stabilis implens & reficiens nos
 sufficientia, qua profret se palam absque ullis integumentis,
 omnibus conspicabilis summi præsentia sacerdotis. Sacramēta
 quidem quantum in se est sine propria esse uirtute nō possunt,
 nec ullo modo diuina se absentat maiestas mysterijs, sed quan-
 uis ab indignis se sumi uel contingi sacramēta permittant, non
 possunt tamen spiritus esse participes, quorum infidelitas uel
 indignitas tantæ sanctitudini contradicit. Ideoq; alijs sunt hæc
 munera odor uitæ in uitam, alijs odor mortis in mortem: quia
 omnino iustum est ut tanto priuentur beneficio gratiæ con-
 temptores, nec in indignis tantæ gratiæ puritas sibi faciat
 mansionem. Noua est huius sacramenti doctrina, & scholæ
 euangelicæ hoc primum magisterium protulerunt, & docto-
 re Christo primum hæc mundo innotuit disciplina, ut biberent
 sanguinem Christiani, cuius esum legis antiquæ autoritas di-

strictissime interdicat. Lex quippe esum sanguinis prohibet,
 Euangelium præcipit ut bibatur: in quibus mandatis hoc ma-
 xime discernere debet Christiana religio, quòd sanguis ani-
 malium à sanguine Christi per omnia differens, temporalis tan-
 tum habeat uiuificationis effectum, & uita eorum finem ha-
 beat, & sine ulla reuocatione terminum constitutum. Ideoq;
 ad obtinendam æternitatem non potest perficere quod semel
 obrutum nõ surgat ulterius, nec aliqua ei superest uirtus, quod
 sine ulla spe præcisis radicibus mors penitus exiccavit. Vita Vita hominis
 uerò hominis licet aliquam habeat affinitatem cum sanguine, non solo san-
 non tamen solo sanguine regitur, sed anima sanguini dat calo- guine regitur.
 ris & nutrimenti effectum, sicut & cæteris quæ in corpore
 sunt, propria distribuit officia, & diuidit motus, & quasi ta-
 lenta partitur. Nec oportuit ut sanguini humano sanguis pe-
 cudum misceretur, quia uita rationalis hominis uitæ bestiali
 consociari non habet, sed omnino à fidelium animis quasi san-
 guis impurus detergenda est hæc carnalis opinio, ne putetur
 uita hominis eo modo transitoria quo uita pecudum inanescit,
 uel quòd sanguis consubstantialis sit animæ, & necesse sit
 utrunq; superueniente suffocatione dissolui. Carne quidem ani-
 malibus similes sumus, sed uita dissimiles, ideoq; quod commu-
 ne cum eis habemus nobis incorporare licèter possumus, quod
 uerò dignitati nostræ non conuenit, & ab æternitate alienum
 uidetur, à nobis subtilissimo legis iudicio separamus. Bibi-
 mus autem de sanguine Christi ipso iubente, uitæ æternæ cum
 ipso & per ipsum participes, animalis uitæ peccata, quasi san-
 guinem impurum horrentes & fatentes nos per peccati gu-
 stum à beatitudine priuatos & damnatos, nisi nos Christi
 clementia ad societatem uitæ æternæ suo sanguine reduxisset.
 Nobis itaque pro quibus sanguis Christi oblatus est in cruce,
 & quos reconciliauit Deo omnes excedens uictimas hoc sa-
 crificium singulare, ipse Christus pincerna porrexit hoc po-

Eſus carnis
Chriſti.

culum, & docuit, ut non tantum exterius hoc ſanguine liniremur, ſed & interius aſperſione omnipotenti anima muniremur, et penetrans omnia tanti medicamenti uirtus quicquid eſſet intus ibi durum effugaret, et renouaret, ſanaretq; quicquid morbi carni uel ſpiritus ueteris uitæ adlinierat corruptela. Dixerat ſanè huius traditionis magiſter, quòd niſi manducaremus & biberemus eius ſanguinem, non haberemus uitam in nobis: ſpiritali nos inſtruens documento, & aperiens ad rem adeò abditam intellectum, ut ſciremus quòd manſio noſtra in ipſo ſit manducatio, & potius quaſi quedam incorporatio, ſubiectis obſequijs, uoluntatibus iunctis, affectibus unitis. Eſus igitur carnis huius quedam auuiditas eſt, et quoddam deſiderium manendi in ipſo, per quod ſic imprimimus & eliquamus in nobis dulcedinem charitatis, ut hæreat palato noſtro & uiſceribus ſapor dilectionis inſuſus, penetrans & imbuens omnes animæ corporisq; reſceſſus. Potus et eſus ad eandem pertinent rationem, quibus ſicut corporea nutritur ſubſtantia & uiuit, & incolumis perſeuerat, ita uita ſpiritus hoc proprio alimento nutritur: & quod eſt eſca carni, hoc animæ eſt fides: quod cibus corpori, hoc uerbum ſpiritus: excellentiori uirtute peragens æternaliter, quod agunt alimenta carnalia temporaliter & finaliter. Celebrantes ſacramenta commonemur, quaſi ungulam findens & ruminans pecus reuocare ad fauces, et minutatim commolere dominicæ inſtitutionis exemplum, ut ſemper paſſio ſit in memoria, nec terreant crucifixi hæredes mortis ſupplicia, ſed paſcant & reſciant maturatæ reſurrectionis letabunda ſolennia. Quàm præclarus eſt calix iſte, quàm religioſa eſt huius potus ebrietas, per quam excedimus Deo, et quæ retro ſunt obliti ad anteriora extendimur, non habentes ſenſum huius mundi, ſed diuitis præparati delicias contemnentes, cruci hæremus, ſanguinem ſugimus, & intra ipſa redemptoris noſtri uulnera ſugimus

figmus linguam, quo interius exteriusq; rubricati, à sapientibus huius seculi iudicamur amentes, qui religionis huius abhorrentes mandatum usque hodie retro abeunt, & à secretis diuinis omnium intra se mysteriorum continentibus summam diffugiunt & recedunt. Qui manducat ex hoc pane, ultra non esurit: qui bibit: ultra non sitit, quoniam mysterij huius sic sufficit gratia, sic reficit intelligentia, ut cuicumque tantæ rei innotuerit plenitudo, omnis consummationis fine inuento Christi baiulus ipsum ferat in pectore, ipsum gerat in mente, & omni tempore habitatori suo dicta & facta iubilatione cõsona laudes resonent, & gratiarum actiones decantent. Hæc ebrietas non accendit, sed extinguit peccatum, in hoc uino non est luxuria, nec mouetur ad ludum post hunc potum lasciuiæ. Cum sopiuit obliuio cuncta carnis ludibria, mira sunt quæ sentit, magna quæ uidet, inaudita quæ loquitur, quin agnus iste paschalis inhabitat, cuius animam meri huius fortitudo hilaritate inexplicabili letificat & delectat. Inter dominicæ mensæ conuiuias animalis homo nõ admittitur, quicquid caro & sanguis dicat, ab hoc coetu excluditur, nihil sapit, nihil prodest quicquid humani sensus molitur subtilitas, omne quicquid à suis rationibus deuium uidetur, sapientes huius seculi ad dementiam referunt, & à ueritate reputant alienum. Sed ueritas ab erroneis hominibus comprehendere non potuit, & cum in sole uellet figere oculos, uim luminis non ferens, cæcata est non illuminata humana præsumptio, & aspectui eius lippitudo in hæsit. Vident hæc sacramenta pauperes spiritu, & hoc uno contenti serculo, omnes mundi huius delicias aspernantur, & possidentes Christum, aliquam huius mundi possidere supellectilem dedignantur. Esurientes & sitientes iusticiam, cum saturati fuerint, uide quid agant, intellige quæ loquatur, quam sancti odoris sit quicquid illa erucluat, plenitudo, uerbum bonum, mores compositos, affectus pudicos, sensus pacificos, illa

Veritas a der
roneis nõ com
prehenditur.

Manna panis
mystici typus

interior sinceritas ubiq; diffundit, ita ut post odoramenta ista gratiæ huius comparticipes discurrant, & mutuis sed ad inuicem affectibus complectantur, & quibus unus est panis, unum est corpus, & omnium unum cor & anima una, uni Christo adherens, cætera omnia quasi fermentata respiciens, in unius æmi sinceritate letatur. Perpes est hoc sacrificium & semper permansens holocaustum, nulla patrem hunc multitudo cõsumit, nulla antiquitate ueterascit. Vna est domus ecclesiæ, in qua agnus editur, nullus ei communicat, quem Isrælitici nominis generositas non commendat. Huius panis figura fuit manna quod in deserto pluit, sic ubi ad uerum panem in terra promissionis uentum est, cibus ille defecit. Per singula sabbata propositionis iam frigidi & duri mutari consueuerant, & calidi panes eiusdem numeri in mensa proponi. Iam nulla sit panis mutatio, unus est panis caloris continui, status integri, qui semel oblatus Deo in sapore dulcissimo, & candore purissimo perseverat. Nec solos sacerdotes ad panes huius dignitatis Leuiticæ prærogatiua admittit, uniuersa ecclesia ad has epulas inuitatur, æqua omnibus portio datur, integer erogatur, distributus non demembratur, incorporatur non iniuriatur, recipitur non includitur, cum infirmis habitans non infirmatur, nec pauperum ministerio indignatur, fides pura, mens sincera hunc habitatorem delectat, neq; immensi & omnipotentis dei magnitudinem paupercule domus nostræ angustia offendit uel arctat. Panis iste Angelorum omne delectamētum habens uirtute mirifica, omnibus qui digne & deuote sumunt, secundum suam desiderium sapit, & amplius quàm manna illud eremi implet & satiat edentium appetitus, & omnia carnalium saporum irritamenta, & omnium exuperat dulcedinum uoluptates. Vide quomodo his qui Christi commemorant passionem intra sacra officia quasi per quosdam canales de interioribus fontibus egrediantur torrentes, & super omnes

delicias lacrymis nectareis anima delectetur, quantam suauitatem animæ inquirenti ubi sit Deus suus, suspiria contemplationis eliciant. Non illos imbres procellosæ tempestates depouunt, ros matutinus est de cœlestibus stillans, et quasi unctio spiritus mentem deliniens. Gemitus illos pietas excitat, et inter diem et noctem retro et ante se affectio intuetur, inter data et condonata se diuidens, gratias agit tam uberis beneficii largitori, et se sanctam et sanctificatam agnoscens, fletibus se abluit, et lacrymis se baptizat. Verum his qui uerbo tenus corde sicci et mente aridi sacris intersunt, uel etiam participant donis, lambunt quidem petram, sed inde nec mel fugiunt, nec oleum, qui nec aliqua charitatis dulcedine, nec spiritus sancti pinguedine uegetantur, nec se iudicant, nec sacramenta diiudicant, sed sicut cibus communibus irreuerenter sacris utuntur muneribus, et dominicæ mensæ in ueste lutulenta se ingerunt impudenter, quibus melius erat mola asinaria collo alligata mergi in pelagus, quàm illota cōscientia de manu domini buccellam accipere, qui usque hodie hoc ueracissimum et sanctissimum corpus suum creat, et sanctificat, et benedicit, et pie sumentibus diuidit. In huius præsentia non superuacua mendicant lacrymæ ueniã, nec unquam patitur contriti cordis hoc locustum repulsam. Quoties te in cōspectu domini uideo suspirantem, spiritum sanctum non dubito aspirantem, cum intueor flentem, sentio ignoscetem. Tu si templum spiritus sancti uiolas, si intra te sacrarium Dei deturbas et fœdas, si cū calice Christi de calice dæmoniorum communicas, cōtumelia est, non religio: iniuria, non deuotio. Idolorum seruitus et horrenda abominatio, uelle simul Baal famulari et Christo. Abi retro cū saccellis tuis, qui lucris inhias, et mercedes sectaris, qui opulentus in Sion quotidie crapularis, qui in lectis eburneis recubas, et in stratis segmētatis lasciuis, qui uestiris molibus, et in terra suauiter uiuentium conuersaris, cuius ma-

2 Paral. 19.

uus plene sunt sanguine, cuius lumbi discincti sunt, & sine balthei discurris ligamine: Non est tibi pars in sermone isto, quia quod Dei est, aufers Deo & imaginem Dei consecras idolo. Pauperes quidem spiritu ad hoc mysterium eligit, & diligit spiritus sanctus, & eorum qui pompaticè & gloriose sacris se altaribus ingerunt, obsequia detestatur. Ozias licet rex ob præsumptionem lepra percussus, à sanctuarij ingressu repellitur, & eius oblatio quasi sordida refutatur. Incensi odor de immundorum manibus reputatus est pro facto-
re, & iram, non gratiam præsumptio meruit, quia contra fas rem usurpans illicitam, temerariè in sancta conscendit. Sed & propter malignantium insolentiam altare suum Deus repellit, & sanctificationibus maledicit, odit sabbata, abominatur solennia, odoramenta foetent, displicent holocausta. In his omnibus laborare se dicit Deus, nec esse uoluntatem suam in ministris impuris, indignatione districta testatur. Sed hierarcha pius quem spiritus sanctus compungit, excitat, inhabitat, & sanctificat, eleuatione manuum crucis mysterium representans, cōfidenter orat pro sua & populi ignorantia, recolens, pudibundi & cōtriti animi confessione, quòd aliquando præualente aduersum se peccato fuerit derelictus, iuxta il-
 Psal. 26. lud quod Dauid plorans ait: Auertisti faciem tuam à me, &
 Esa. 54. factus sum conturbatus. Et Dominus per Esaiam: Ad tempus in modico derelinquam te uerecundatur fateri, & tamen fate-
 tur iuuentutis delicta. Sed accusatrici conscientie necesse est coràm iudice respondere, nec potest ibi esse ullum diffugium, ubi ipsa testis est quæ accusat, & nihil ei potest esse occultum quia iudicat. Sed ubi cum iudice agit qui iudicatur, & ipse in partem accusatoris transiens, etiam in sua proscriptione sententiam approbat condemnantis, experitur clementiam sal-
 Psal. 26. uatoris, & letabundus canit: Domine in uoluntate tua præstitisti decori meo uirtutem. Et iterum per Esaiam audit:

In miserationibus magnis congregabo te. Sed & in eodem articulo temporis cum iam anima p̄siliet ad exitum, & egrediens ad labia expirantis emerferit, poenitentiam clementissimi Dei benignitas non aspernatur, nec serum est quod uerum, nec irremissibile quod uoluntarium, & quaecunque necessitas cogat ad poenitudinem, nec quantitas criminis, nec breuitas temporis, nec horæ extremitas, nec uitæ enormitas, si uera cōtritio, si pura fuerit uoluptatum mutatio, excludit a uenia, sed in amplitudine sinus sui mater charitas prodigos suscipit reueriētes, & uelit nolit Nouatus hæreticus, omni tempore Dei gratia recipit poenitentes. Ipse Dominus noster derelictorum personam gerēs in cruce, se queritur derelictum, & ne desperarent etiam in ultimis constituti, festinans in adiutorium illi-
co adest, & re in arcto posita non differt beneficium, sed repente indulgentiæ celeris documentū eiusdem statuit & exemplum, latroni inquit: Hodie mecum eris in paradiso. Latro-
cinium damnationem meruerat & supplicium, sed cor contritum poenam mutauit in martirium, & sanguinem in baptismum. In momento impietas religionem, crudelitas induit pietatem, & statim consummatus ciuis sanctorum & domesticus Dei permissus est in regnum reconciliationis humanæ, priuilegium secum ferens ad superos, quod Deo patri tantæ legationis fungens honore, in se ipso scripturæ huius experimentum continens, libero & securo aditu penetrans, præsentauit. Quid tu Domine amplius Stephano contulisti? quid amplius ille obtinuit dilectus tuus, qui supra pectus tuum in cœna recubuit? quid amplius Pauli meruere sudores? quid labores sanctorum? quid tot annorum tormenta? quid martyrum plagæ? Vna hora huic collatū est præmiū, ad quod illi per tot discrimina peruenerūt. Sic tu Domine armētarios statim facis prophetas, opiliones reges, telonearios apostolos, piscatores doctores. Neq; ab his quos sanas, lentē languor abscedit, sed illi-

Dei gratia &
charitas om-
nes respicit.

Luc. 23.

co quem restituitis, ex integro conualefcit, quia consummatum est quod facis, & perfectum quod largiris. Hanc Dei gratiam recolens, qui de sacro calice bibit amplius fuit, & ad Deum uiuum erigens desiderium, ita singulari fame illo uino appetitu tenetur, ut deinceps scilicet peccatorum horreat pocula, & omnis sapor delectamentorum carnalium sit ei quasi rancidum radensq; palatum acutæ mordacitatis acetum. Ad hæc inter sacra mysteria ad gratiarum actiones conuertitur, & inclinato capite, munditia cordis adepta, se intelligens consummatum, restitutus peccator sanctificatam Deo animam quasi depositum custoditum fideliter reddit, & deinceps cum Paulo gloriatur & letatur, dicens: Vino iam non ego, uiuit uero in me Christus. Hæc in Christi commemoratione retractantur à fidelibus, & defæcatis animis carnis eius edulium non est horro- rori, sed honori, potuq; sancti & sanctificantis sanguinis spiritus delectatur. Hæc quoties agimus, non dentes ad mordendum acuimus, sed fide sincera panem sanctum frangimus & partimur, dum quod diuinum, & quod humanum est distinguimus & separamus; itemq; simul separata iungentes unum Deum & hominem fatemur. Sed & nos ipsi corpus eius esse cæti, sacramento & re sacramenti capiti nostro cōnectimur & unimur, singuli alter alterius membra, ministerium dilectionis pro inuicem exhibentes, communicamus charitate, participamus solitudine, eundem cibum manducantes, & eundem potum bibentes qui de petra spiritali profluit & emanat, qui cibus & potus est Dominus noster IESVS Christus.

SERMO DE ABLVTIONE PEDVM.

Am sacramēta corporis sui Apostolis Dominus distribuērat, iam exierat Iudas, cum repente de mensa surgens, linteo se præcinxit, & ad genua Petri lauaturus pedes eius; ipse genibus flexis

dominus seruo cōsummatæ humilitatis obtulit famulatum. Et Christi humi-
 nequid consummationi doctrinæ deesset, inter fixa & immo-
 litas,
 bilia præcepta, & ea quæ moueri possunt & repeti, distin-
 ctionem posuit, ut cæteris immutabiliter semel statutus, ultima
 lauacri species, quotidianis expiationibus commodata com-
 mendaretur fidelibus. Et sicut lex per singulas offensiones
 propria sacrificia requirebat, unum figeretur fidei Christianæ
 remedium, ad quod curreret, quoties se cognosceret offendisse.
 Quod quidem Petro nondum fuerat reuelatū, quippe qui
 huius traditionis nondum audierat disciplinam. Docetur ergo
 quæ sit baptismi & aliorum sacramentorum stabilitas, &
 quantum ad expiationem proficiat humilis pietas & pia hu-
 militas, & quomodo omni tempore prosequenda & repeten-
 da sit ablutio pedum, per quam recte cognitam et intellectam,
 ad hærentes animæ sordes quotidiana satisfactione lauantur.
 Nam baptismum repeti, ecclesiastica prohibent regule, &
 semel sanctificatis nulla deinceps manus iterum cōsecrans præ-
 sumit accedere. Nemo sacros ordines semel datos iterum re-
 nouat, nemo sacro oleo lita iterum linit aut consecrat, nemo
 impositioni manuum uel ministerijs derogat sacerdotum, quia
 contumelia esset spiritus sancti, si euacuari posset quod ille
 sanctificat, uel aliena sanctificatio emendaret, quod ille semel
 statuit & confirmat. Ipse summus sacerdos sui est sacramenti
 institutor & autor: in cæteris homines spiritum sanctum ha-
 buere doctorem, & sicut par est spiritui sancto & Christo
 diuinitas, ita in suis institutis æqua est autoritas & potestas.
 nec minus ratū est quod dictante spiritu sancto Apostoli tra-
 diderunt, quàm quod ipse tradidit, & in sui commemoratio-
 nem fieri præcepit. Manet singulis propria dignitas, & uni-
 formis in suo genere stat actio omnium, nihil addi, nihil sub-
 trahi, nihil potest corrigi uel mutari. Ornata & honorata
 erat ecclesia quasi paradysus, in amplitudinis suæ umbilico

que nō iteran-
 tur.

Subindicat
 baptismi sacra-
 mentū à Chri-
 sto institutū
 et alia quedā
 ab apostolicis
 uiris.

fontem continens gratiæ singularis, flumina creans in uitam æternam salientia, uiuam habens originem & decursum perennem. Hinc egredientia quatuor Euangelij flumina per uniuersum mundum secum regenerationis euehunt lauacrum, & de abdito & secretissimo spiritus sancti munere huius gratiæ liquor emanat, sic lauans quos parentalis labes infecerat, ut nec actualis, nec originalis macula aliqua sui post ablutionem

Originalis illam uestigia derelinquat. Præteritis lotis uita deinceps arbitrio est proprio deducenda, ita tamen ut actualibus aliquando macula baptis-
ma abluitur. recrudescentibus iam non imputentur originalia, nec propter illa damnationi obnoxius sit cui semel illa sunt in baptismo indulta. In originalibus enim corruptio naturæ abiectæ & exterminari meruerat, sed quia non erat uoluntas in culpa, prouidit Deus generali damnationi remedium, & suæ sententiæ iustitiæ temperauit, hæreditariū onus à sobole remouens, & misericorditer ablutione & unctione medicinali corruptionis primitiue fermentum expurgans. Sed in eos qui post indulgentiæ huius gratiam uoluntarij per peccata euagati sunt, qui proprio abutuntur arbitrio, & uoluntate, non necessitate ducuntur, indignatio & ira non immerito redit, nec in morte Christi aliquis eis superest quæstus, sed iustissime eos beneficia contempta condemnant. Nunc contemptum suum non statim ulciscitur Deus, nec per singulas offensas iudicantis ira disciarnit, nec obstruxit fonti misericordiæ suæ ostia meatusq; multiplices, sed obuiat fugientibus & cogit regredi desperatos, ostendens eis poenitiæ uiam, qua nulla latior inuenitur, & reuersis dat ut iterum eis possint sacramenta iniuriata prodesse, quorum si poenitentia non subesset, nullo modo deinceps experiri possent effectum. Propter hoc benignissime domine pedes lauas discipulis, quia post baptismum & eucharistiæ quæ sui reuerentia non patitur iterari, aliud lauacrum procurasti quod nunquam debeat intermitteri, tamē ipse quod doces

facis, ut quanti quæstus hoc opus sit ex tua bonitate discamus, & inclinata ad pedes nostros altitudine tua, stans aduersus proximos & erigens se cōtra Deum cōfundatur superbia hominum, & ad humilitatē Dei nouerit de se humilia sapere lumen. Pauent discipuli, nec audent obloqui, & quasi ecstasis tenent eos, uel mens aliās rapta peregrinetur, nec magistro resistere, neq; quid hoc sit, uel cur fiat inquirunt. Solus Petrus sciens quia perhibuerat ei testimonium, quod filius Dei uiuisset, & quia uerba uitæ æternæ haberet, iudicans apud se indignum & inconueniens sanctum sanctorū flectere genua ad pedes peccatorum, Neutiquam, inquit, tu mihi pedes abluis: et huius humilitatis sustinere obsequium non est nostrū, qui adorare debemus in loco ubi stant pedes tui; & satis est nobis quod sicut catuli de mensæ tuæ reliquijs manducamus. hoc in muliere peccatrice aliquando passus es, nec dedignatus es in mensa solenni multis cōuescentibus insanis personæ suscipere sanulatū, cuius deuotio usa est ibi capillis pro linteo, oculis pro catino, lacrymis pro baptismo, tetigit, lauit, & unxit unguento. Mactata intrinsecus anima proprium in sancta sanguinem intulit, singula suum præbuere ministerium, cor contritū erupit in lacrymas, fides lauit, charitas unxit. Hæc multa in cōspectu tuo congerens holocausta, de fonte cordis fletus hausit quos protulit: de pœnitentiæ pixide unguenta quæ obtulit, caputq; pro suppedaneo strauit, crinibus circūfusus pedes sacros inuoluit & tersit. Nihil sibi de se retinens, totam se tibi deuouit, & tu affectum potius quàm factum attendens, ungebās ungentem, abluebas lauātem, tergebās intrinsecus pœnitentem. Superbo oculo Simon leprosus hanc clemētiæ tuæ diligentiam non poterat intueri, sed moleste ferebat, quod tangete se ab huiusmodi persona domini sustinebat. Qui si lepræ suæ te attenderet mundatorem, non dedignaretur si de plenitudine gratiæ tuæ alij accipiunt, si lauas immundos, si iustificas

Ioan. 6.

impios, si reuocas exules & abiectos: Honor tuus Deus iudicium diligit, & equum est, ut omnis terra adoret te, et in nomine tuo omne genu flectatur, uerum quod tu ante figmentum tuum curuaris, quod seruis pedes abluis, non cōpetit maiori. Habebat in excusatione sua zelum Dei Petrus, sed non secundum scientiam, & tolerabile aliquo modo uideretur quod humilitas suggererat, si non obstinatio resistere præceptori niteretur. Non lauabis, inquit, mihi pedes in æternum. Ego si oportuerit me mori tecum, paratus sum. Hoc enim debeo, hoc amplector. Pro te libenter ceruicem porrigo percussori. sed Deum meum, & Dominum meum ad pedes meos prostratum non patior, non audeo sustinere. Simili modo et Ioānes uenienti Domina ad baptismum tentauit resistere, sed mansuetius increpatus illico obediuit, & quia super hoc etiā responsum acceperat, licet territus acquieuit. Sed differentiam causæ huius Petrus intelligens, lauare magistrum, & obsequi ei tolerabile iudicabat. Lauari autem ab eo, & tantam humilitatis eius pati deiectionem, ita uidebatur indignū, ut omnino cogi nō posset, nisi interminatio periculosissima coarctaret. Ait ei Dominus: Nisi lauero te, non habebis partem mecum. Paulatim mysterij huius declaratur necessitas, quam cōditio proposita inuitabilem reddidit, & si cum Christo aliter partem habere nō possumus, nisi ipse pedes nostros abluat, quandoquidem sic arctatur cōsensus, lauet, & tergat, & sacramenti huius nobis uirtutem exponat. Suprà diximus semel lotos baptismate eodem lauacro ulterius nō egere, sed hoc lauacrum quotidianis est excessibus institutū, et lugis retractatio usq; ad nouissima ueniēs, omnia debet opera, & cogitatus singulos perscrutari, & affectus per uilia discurrentes, uagam instabilemq; animam per inania euehētes corrigere, & lauare, nec quicquā in uita pretermittere indiscussum, quod gemitibus & suspirijs non fuerit expiatum. Hoc cum Dominus suos usq; in finem discipulos di-

lexisset, in fine statuit, & dixit neminem posse habere perfectam abluionem, nisi hac solitudine muniatur. Mandatum igitur simul & exemplum complexus est, ut hoc exemplo instructi, non dedignantur in alterutrum agere, quod actum est à magistro, & mandato posteris religionis autoritas firmaretur. Vnde & subiungit: Si ego Dominus, & magister laui vestros pedes, & vos debetis alter alterius lauare pedes. Non erubescat seruus, si facere iubetur quod prius fecit Dominus: nec difficile nobis esse debet, si sicut ille nobis donauit, et nos inuicem condonamus, quia alter alterius onera comportantes sic legem Christi implemus. Quoties igitur cohortamur pusillanimes, & his qui Pharaoni in luto, & latere simulati sunt persuademus, ut exeant de Aegypto: quoties cum infirmis infirmamur, & cum his qui scandalum ferunt urimur: quoties cum afflictis gemimus, toties inherens lutum peccatorum qua possumus solitudine lauamus, non quod nostra ablutio ex nobis sufficiat, nisi ad lauandum omni tempore nos pius magister accedat. In hoc se periculo fluctuantem laborans anima in Canticis canticorum conqueritur: Laui, inquit, pedes meos, quomodo inquinabo illos? Quod ablutum est, timet iterum inquinare, sed in uia lutulenta uix aliquid solidum, ubi pedem figat, inuenit, & in quibus sæpe prouoluta est, paludum inquinamenta formidat. Clementissime magister quoties ego doctrinae tuae transgressus sum regulas, quoties edicta tua Domine sancte cōtempni: & cum diceres mihi, reuertere, non sum reuersus: cum minareris, non timui: cum bonus esses & lenis, exasperans fui, ultra septuagies septies in coelum, & coram te peccavi, quis tot sordes abluet? quis abradet stercora conglobata? Quicquid dicat Petrus, necesse est, ut ipse nos abluat: neque enim lauare nos possumus, sed in omnibus, quae agimus, indulgentiae tuae lauacro indigemus. Ad mensae tuae participationem Iudas proditor est admissus, sed ab hoc lauacro salutari exclusus, lauare

in fine non potuit, quia apostolatus sui honorem detestabili cupiditate scedauit. Quia uerò apud te fons uitæ est, et miserationū, quæ à seculo sunt, profunditas infinita, quos abluisi baptismo, quos lauasti sanguine tuo, quos semper lauas quotidiana peccata donando, transfer à paludibus seculi huius, et luto uitæ præsentis ad purgatissimum gloriæ tuæ regnum, ubi nec scabies ulla, nec lippitudo, ubi nemo fluxum sanguinis patiens, nemo imundus, ubi nullo amplius opus est lauacro, configura to corpori claritatis tuæ corpore nostro, secundum promissa tua, necesse est, ut impleas, et qui incepisti in nobis opus bonum, perficias solidusq; per Christum dominum nostrum.

DE V N C T I O N E C H R I S M A
tis et alijs sacramentis.



Ies ista multiplicibus mysterijs honoratur. Hac die primum commēdata est nobis fractio panis, et mensa ecclesiæ panem angelorum hominibus proposuit ad manducandum, Hodie Christus pedes lauit apostolis, et hoc solenni deuotione omni tempore agendum instituit. Hodie in ecclesia cum cæteris unctionibus ad populum acquisitionis sanctificandum, in participationem dignitatis, et nominis, sacrum chrisma conficitur, in quo mistum oleo balsamum regie, et sacerdotalis gloriæ exprimit unitatem, quibus dignitatibus initiandis, diuinitus est unctio instituta hodiæ reconciliantur ecclesiæ peccatores, et eiekti foras ad matris ubera reducuntur, et exclusi à coetu sanctorum, ad communionem qua caruerant reuertuntur. Hodie patent carceres, et damnati libertate donantur. Seueritate deposita hodie iudices mansuescunt, et undique coniugata pietatis negotia, quasi abortiuas traditiones antiquas sepeliunt, et Christianæ religionis parturiunt nouitatem. Mortuus quippe

est Moyses, & ueteris literæ putruerunt ænigmata, à facie no-
ui olei desiccata sunt unctiones antiquæ, tota ueteris instru-
menti incompacta est strues, tabernaculum demolitum, arca
ab Allophylis capta, totus templi decor ad Assyrios est trans-
latus. Neq; enim decebat ut Christiana religio ornamentis ui-
sibilibus occupata in manu factis delectaretur, sed ipsa taber-
naculi consumptio & templi ruina, & sancta in rapinam ex-
posita, excellentioris gloriæ intimarent stabilitatē, & manen-
tia in perpetuum sacramenta, cultores suos ad intuitum inuisi-
bilibium informarent, et abstractum à corporalibus desiderium
nostrum, cœlestis templi concupisceret & ambiret decorem,
cuius nec antiquatur, nec senescit religio, in quo lucerna inex-
tinguibilis sine fine coruscat, ubi sanguis animalium non infer-
tur in sancta, nec sunt hereditariæ successiones pontificum, uel
uni Leuiticæ tribui ministeria assignata, sed de omni tribu &
gente & lingua, quos dignos & idoneos diuina probat ele-
ctio secundum uitæ non generis meritum statuit sacerdotes,
quibus calicem sanguinis sui inexhaustæ plenitudinis abun-
dantia semper refertum, cōseruandum tradidit & erogādum,
cuius aspersione & communionē intus & extra corda &
corpora mundarentur. Hodie, ut diximus, unguentum ad san-
ctificationem paratur, cuius fragrantia adolescentulæ & no-
uellæ animæ accedentes ad fidem illectæ delectantur, & exi-
anitionis eius suauitate delibutæ diligunt, & sequuntur aro-
matum largitorem, & usq; ad regis accubitus spiramine illo
trahuntur, & post odorem illum ubiq; desiderio sancto per-
uigente sitibundæ discurrunt. Nihil hoc oleum commune ha-
bet cum liquoribus qui ex quorundam fructuum pinguedine
exprimuntur, nec uis eius est ex crassitudine penetratiua, quæ
secundū quasdam naturales rationes emollit & temperat spissas
menta humorum quos solet intrinsecus astringere siccitas ali-
qua, uel corruptio cōglobare. Non hæc medendis corporibus

est unctio instituta, quia sanctificationis elementis iam non propria natura præbet effectum, sed uirtus diuina potentius operatur, sed adest ueritas signo, et spiritus sacramento, ut et ipsis rerum efficientijs gratiæ dignitas pateat, et interiori homini quanta ex his detur autoritas deiformi conuersatione et cœlestibus moribus innotescat. Hoc oleo antiquitus sacerdotes sacrabantur et reges, et ipsi altarium lapides delibuti, spiritualem intelligi uolebant sacris mysterijs inesse pinguedinem.

*Fluitat, opi
nor.

Chrifti
necis.

Et sicut oleum * fluentis et humidis quibuslibet superfertur, ita excellentia sacerdotalis et regie dignitatis secundum formam Dei et Christi sub se omnia continens, regimē et munimē tam actiue, quam contemplatiue uitæ obtinet, et ex hoc humore constat descendere omnes gratiarum diuisiones, quas spiritus sanctus prout uult, singulis distribuit et largitur. Ex huius unctionis beneficio et sapientia nobis et intellectus diuinitus datur, consilium et fortitudo cœlitus illabitur, scientia, et pietas, et timor inspirationibus supernis infunditur. Hoc oleo uncti cum spiritualibus nequitijs colluctamur, nec scætoribus spuris imbui possumus, qui balsami spiritualis odore

4. Reg. 4. fragramus. Hoc oleum a creditorum usuris sub Heliseo propheta mulierem pauperculam liberauit. Hoc Helie tempore Sareptanum paut, nec lecythus trina effusione defecit. Hoc

Gen. 31. oleo Iacob lapidem quem supposuerat capiti, unxit, et familiari mandato eruditus inter sacramenta ascensionum et descensionum, et discursus angelicos innixum scale sublimi uidens Deum, quod uirtutis hæc haberet unctio, intellexit. Moyses hoc

Exod. 29. oleo tabernaculum et sacra uasa perunxit, et super caput Aaron tanta abundantia fudit, ut usque in barbam eius descende

1. Reg. 10. ret, et super oram uestimenti maneret. Samuel quoque ad reges initiandos sine oleo non accedit, et usque ad defectum et reprobationem carnalium ceremoniarum in populo illo huiusmodi perseuerauit traditio, sed uasis Iudæicis deficientibus defecit gra-

tia & stetit oleum. Impletis uasis propheticiis, & sanctis re-
 gibus ad patres appositis, in apostasiam, et dyscolatiū uersum
 instabile uulgus, in se non retinuit locum quem posset spiritus
 sanctus inhabitare, et uasa amurca plena non susceperunt liquo-
 rem, steteruntq; in summo fæces, quæ longo situ induruerunt, et
 ubi domicilium religionis fuerat, sterquilinum peccati compu-
 truit. Nec tamen cēssantibus his, quæ ritu antiquo inoleuerant,
 cum iam in populo Christiano circumcisio uideretur damna-
 bilis, & sacrificia idololatriæ imputarētur, unctionis mysterium
 Religio Christiana contempsit, sed cæteris generali sanctorum
 consensu damnatis non solū in regibus, et sacerdotibus unctio-
 nis honor permansit, sed in omnem populum catholicū effusa
 est huius gratiæ plenitudo. Et sicut Christus à chrismate di-
 ctus est, eo quod singularis excellentiæ oleo unxerit eū Deus,
 ita & participes eius quotquot sunt, consortes sint tam un-
 ctionis, quàm nominis, & dicantur à Christo christiani, ut
 sint sui Christo duce rectores & duces, & offerant Deo quo-
 tidianum sacrificium, ordinati à Deo sanctimonix sacerdotes.
 Nec immerito huic diei assignata est tanti operis causa, & ex
 hoc sacramenta hæc obtinere initium, quo hodie in sacramen-
 to calicis Christi & ecclesiæ unitas, in lauacro pedum cōcors
 societas, & donans inuicem charitas, et subiecta humilitas, in
 unctione Christiani nominis dignitas, & excellentiæ spiri-
 tualis propriè data est, & confirmata filijs adoptionis perpe-
 toritas, et dignitas perseverans. Dedit itaq; dominus noster in
 mensa, in qua ultimum cum apostolis participauit conuiuium,
 proprijs manibus panem & uinum, in cruce uerò manibus mi-
 litum corpus tradidit uulnerandū, ut in apostolis secretius im-
 pressa sincera ueritas, et uera sinceritas exponeret gentibus,
 quomodo uinum & panis caro esset et sanguis, et quibus
 rationibus causæ effectibus conuenirent, et diuersa nomina
 uel species ad unam reducerentur essentiam, et significantia et

Christus à
 chrismate di-
 ctus.

significata eisdem uocabulis censerentur. His gratiæ supernæ
 priuilegijs esu sanctificati panis reſecti, loti, & uncti non eam
 quam amiſerant, ſed ampliorem & digniorem recuperant li-
 bertatem: & eiecti de paradifo nudi, ad lignum uitæ hodie re-
 uertuntur uestiti, reddita ſtola, & annulo prolato in mediũ, &
 reconciliantur matri eccleſiæ, quos inobedienciæ malum foras
 expulerat, & cherubim flammeum gladium ab introitu tran-
 quilli ſtatus, & innocuæ conuerſationis amouit. Hodie in ter-
 ra maledicta relictis aſtris, & graui uomerum pondere, &
 ſtimulis fatigatorũ boni cruore perſuſis, deterſo ſudore uul-
 tus exuſti caloribus ad paternam domum exules reducantur,
 & egreſſus obuian reuertenti filio letabundus pater clemen-
 tiam improprio nō corrumpit, nec indulgentiam ſcedat cōui-
 cijs, ſed bonitatis ſuæ honorat magnificentiā, et hilaritate ma-
 gniſicat largitatem. Reſonant in ſuſceptione huius ſolēnis mu-
 ſica instrumenta, & communis iubilatione pari cōſonantia patri
 miſericordiarum gratias agit, cuius imperio antiquā prædam
 euomunt inferi, ligantur demones, & diſruptis ferreis nexibus
 diu quaſſati liberi reuertuntur. Hæc dies nocti illi contigua eſt,
 qua abſolutionis noſtræ negotium Dominus inchoauit: qua à
 principibus ſacerdotum ad Romanũ præſidem ductus iudex
 omnium ſuſtinuit iudicari: paſſus eſt rex illudi, & uita occidi,
 deſcēdensq; ad inferos captiuam ab antiquo captiuitatem re-
 duxit: hoc eccleſiæ ſuæ hodierna traditione exemplum relin-
 quens, ut fieret in eccleſia abſolutio peccatorum, & hæredi-
 tati redderentur eiecti, et præcedentibus beneficijs, quæ ſuprà
 enumerauimus libertate donarētur poenitentes, qui ſecundum
 merita, niſi gratia ſubueniret, fuerāt condemnati. Et omnino
 conuenit, ut eo tempore quo Chriſtus captiuos eduxit ab infe-
 ris, recōciliati peccatores ad eccleſiam reducantur: et quo con-
 fracta ſunt iſternalis repagula carceris, iudiciaria ſeueritas man-
 ſueſcat: & quo ab infernalibus tormētis ceſſatum eſt, humana
 ſupplicia

Supplicia crudelitatis horrorem deponant.

DE PASSIONE CHRISTI.



Omīne audiui auditū tuū et timui. Terruit Abac. 2.
me cū appropinquaret traditor Iudas, &
immineret passionis hora, quod dixisti ad
patrē: Pater si fieri potest, trāseat à me ca- Matth. 26.
lix iste. Et tristē te usq; ad mortē, præ ni-
mia anxietate sāguineo sudorē p̄susus corā

ap̄lis es, p̄fessus. Audiēs hęc ego expaui. Quis. n. nō timeat,
si timet ille, quē oīa timēt: si pauet ille, cui oē genu curuatur: si
ille q̄ mors est mortis, et morsus inferni morte propinquāte p̄
timefcit? Nōne ad hoc ueneras, & ita futurū ipse prædixeras?
Nōne hoc et signa & oracula & uaticinia prophetarū à mū
di initio cōclamarunt? Si uolūtarie obedisti patri, & nō te ut
patereris coegit necessitas, quid quereris, quid caufaris? Nō-
ne tu docueras & instruxeras fideles tuos, ut non timerēt eos
qui corpus occidunt: quia usq; ad animam tyrannica uiolē-
tia non attingit? Sed metus ille infirmitatis humanæ commu-
nem exprimebat affectum, & generalitatem omnium in carnē
uiuentium hoc dolore urgeri, & dissolutionem corporeæ spi-
ritualisq; naturæ hac molestia non posse carere, & hanc pœ-
nam uniuersæ succeſsioni Adam sine exceptione impositā, ut
difficultas extremi trāsitus timeretur. Et hęc quidem mole-
stia in eos, qui Dei iudicio rationem reddituri occurrunt, non
inmerito cadit: qui de eo quod beneficio uitæ & rationis, &
reliquorum largitate munerum abusi sunt, accusante conscien-
tia redarguti, examen illud in quo nullum est subterfugium
timent: & ipsa auulsio spiritus carnis teneritudinem dirumpit
& lēdit: hanc nemo anxietatem euasit, & nemo egrediente
anima sine am̄ritudine expirauit. Sed tu Domine, qui iudex
es omnium, qui potestatiue ponis animam tuam & potesta-
tiue resumis: nec pœna te ex necessitate persequitur, nec formi

dabilis patris tibi potest esse conspectus, quid anxius? quid
 tremebundus ad orationem discurre? Dormitantibus aposto-
 lis peruiat proditorem expectas, nec tamen te abscondis, sed
 obuius in aduentum eorum procedis, qui te ligare ueniunt,
 & trahere ad Pilati tribunal, quos Iudas signifer instructa
 malignitate præcedit. Audiui Domine auditum tuum & ex-
 paui, dum quæris à querentibus te quid quærant, cum noueris
 quod te quærant. Et dixisti eis te esse Iesum Nazarenum. In-
 uasit illico timor tuus eos, quos tu timueras, et prostrati solo
 iacuerunt exanimati, & armatam cohortem uox unius hominis
 terruit, & latens in humanitate omnipotentia te discipulis pa-
 uidum coram persecutoribus terribilem exhibebat. Sed ut fie-
 ret uoluntas patris, & sacrificium carnis à timore & tristi-
 tia inchoaret, suberant uictimæ desolatorij carbones, quos obe-
 dientiæ liquefactus adeps extinxit: & cum traheretur uin-
 ctus ad præsidem, non supplicauit apparitoribus, sed Petri com-
 pescuit zelum: nec gladiatorum passus est adhiberi suffragia, imo
 & Herodis & Pilati contempsit fastigia: nec potuit altitudo
 potestatum extorquere ad interrogata responsum. Iam post-
 posito timore quasi utēs potentiore auctoritate inter spūta-
 menta & colaphos & reliqua ludibria patientia & mansuetudi-
 ne uesanas persecutorum mentes conturbat, & in eo quod in-
 ter iniurias & conuicia se malitia Iudaica sentit contemptam,
 uehementius exacerbat: & de impietate & malitia suauitas
 pietasq; Christi triumphat. Frustra funestas iudex manus in
 prætorio abluis, à sanguine Domini te profitens innocentem.
 Tu ipse causam mortis cum diligenter inquisieris, te non in-
 uenisse in eo fateris, ipsa coniux tua nihil tibi & iusto huic
 esse mandauerat, quod utique per os eius demonia imminere
 sibi iudicium sententia testabantur: non excusas, sed accusas:
 causam tibi facis cum Iudæis communem. Illi se proditione,
 tu parricidio te condemnas. Illi lingua, tu ferro occidis, tam

te, quàm illos inaudite crudelitatis scelus inuoluit. Veniet anima tua in manus iudicis quem condemnas, fractisq; tribunali-
 bus tuis iudicaberis, & demergêris in profundum inferni,
 eruntq; tibi & Iudæ scelerato in tenebris, & gehennalibus
 flammis pœnæ irremediales, inconsumptibiles ignes, dolores
 perpetui, & tormenta æterna. Et quidem filius hominis, sicut
 scriptum est de illo, uadit: qui damnatus est, ut liberaret dâna-
 tos: doluit, ut sanaret infirmos: timuit, ut faceret securos: op-
 probria pertulit, ut impropria detrahentium non mouerent
 electos: deputatus inter impios, quorum alter assumptus, alter
 reprobatus est, ut daretur exemplum, & forma indissolubilis
 manens in posteros: quia nec in ultimis Dei clementia pœni-
 tentes excludit: nec ulla hora sera est, cui compunctio distri-
 cta occurrit: nec eos qui uitæ suæ quocunque articulo tempo-
 ris ueri sunt iudices iterum iudicari: quia cum iudicis, & tor-
 toris uices non parcens peccator assumit, semetipsum perse-
 quens dum confessionem confusione honorat: holocausti huius
 incensio in cōspectu Dei ueniam impetrat. Neque enim bis in
 idipsum iudicat Deus, sed impœnitentes ipse iudicat & dānat: *Impœnitentes*
 pœnitentes uerò, quia à seipsis suscipit iudicatos, absoluit: ne *inducantur, &*
 que iudicio quod pœnitentiæ humanæ seueritas protulit, *ali-*
 quid iustitia cœlestis apponit. Iudicati sunt Aegyptij, cum in
 redeuntibus super se maris fluctibus inuoluerentur: iudicati
 Sodomitæ, cum subuersis eorum urbibus flammis sulphureis
 cramarêtur: sed si in eisdem subuersionibus gerneret pœniten-
 tes, temporali pœnæ æternalis non succederet pœna, sed esset
 eis pro remedio supplicium, & pro absolutione tormentum:
 nec cōtritos corde æternū contereret, & aggrauaret iudiciū.
 Sic in cruce latro confitens non tantū indulgentiā meruit, sed
 Christi familiaris effectus, præmissus est in paradysum, et sa-
 ctus est particeps regni, p cōfessionē factus collega martyrij.
 Illi uerò blasphemo, quia de Domini desperauit potētia, nulla

potuit subuenire clementia: nec potuit illi crucis prodesse con-
 sortium, cuius malitia non expiabat poenitentiae lauacrum.
 Ascendisti domine palmam, qui illud crucis tuae lignum por-
 tebat triumphum de diabolo uel de principatibus & pote-
 statibus, & nequitijs spiritualibus uictoriam: erantq; in mani-
 bus tuis duo cornua, in quibus erat fortitudo tua abscondita:
 & imperium tuum super humerum tuum, tu ipse patibuli tui ba-
 iulus hærebas ligno quod tuleras, euectionis & passionis an-
 xietates sustinens & labores. Consideraui opera tua & expa-
 ui. Clauis sacros pedes terebrantibus fossisq; manibus, de uul-
 nerum anxietate non loqueris, de spinis sacrum caput pungen-
 tibus nõ quereris, sed satagis, ut innotescat posteris, quare de-
 relictus à Deo uidearis, expositus contumelijs & Iudeorum
 ludibrijs. Causam mortis in te non esse Pilatus ipse prædixe-
 rat, & Caiphas mortem tuam pro inimico populo satisfactu-
 ram, cum esset anni illius pontifex, prophetauerat. Tu de mor-
 te non agis, de opprobrijs non contendis: sed hoc uis intelligi,
 quæ sit causa mortis, quis questus: ut utraq; re cognita pecca-
 tum appareat & gratia, & quanti ponderis sit utrunq;, re-
 rum probet effectus, cum originali morti nullum nisi in Christi
 morte potuerit esse remedium: nec reconciliare deo potuit exu-
 les, & damnatos quælibet oblatio, nisi sanguinis huius singu-
 lare sacrificium. Et sine hoc holocausto poterat, deus tantum
 condonasse peccatum, sed facilitas ueniæ laxaret habenas pec-
 catis effrenibus, quæ etiã Christi uix cohibent passionem, quæ
 uix sceleratos animos à uoluptatum sæce auellunt. Vlneri sa-
 ni tã putrido, & antiquarum cicatricum foetori non inuenie-
 batur medicamentum conueniens, nisi unguento sanguinis hu-
 ius plaga uetus liniretur, & malagmate carnis in cruce exten-
 se siccaretur uenena, quæ calcaneo primi hominis, et omni po-
 steritati eius serpens ille seductor antiquus infuderat. Hæc una

medela corrofit illas quæ in immensum excreuerāt cicatrices:
 & uim suam concupiscentiarū perdidit corruptela, & deleta
 damnationis conscriptione nouis literis assignata est, restituta
 libertas, priuilegio dato charta indulgentiæ sigillo plagæ la-
 teralis firmata. Cōsidero opera tua, & admiror te cruci inter
 damnatos affixum, iam nec tristē, nec pavidum, sed supplicio
 rum uictorem eleuatis manibus triumphantem de Amalech,
 & quasi sanctificantem de excelsō plebem & eleuatum in su-
 blimi, & quasi cœlo proximam superioribus inferentem con-
 summati agonis uexillum, & inferioribus erexisse scalam in
 patris occursum. Ibi dolorum & conuiciorum immemor sub-
 tiliter inuestigas, & ipse exponis quare derelictus fueris, indi-
 cans anxietates illius querimoniæ uerba esse delictorum tuorū
 quorum personam & causam assumpseras, intantum ut
 per Moysen & per Apostolum sustineres uocari peccatum
 & maledictum pro similitudine pœnæ, non culpæ: quod pro
 eis uoluisti intelligi, qui deferi à deo propter peccata merue-
 rant: quorum reconciliationis agebas causam, in qua allegator
 subtilis pro seruis seruilem nō dedignaris accipere personam:
 & intantum infirmis cōpateris ut nec crucifigi, nec mori dum
 illi uiuant, & te patrocinate non pereant, nec erubescas, nec
 formides, altitudinem tuam derelinquens ad tempus gloriæ
 tuæ maiestatem euacuans, ut redeant dispersi & respirent de-
 relictī. Hæc est causa quare derelictus sis, ut colligeret & re-
 uocaret inanitio tua eos qui fuerant derelicti, & qui sine
 deo fuerant dum dominaretur eis peccatum, reducti ad iusti-
 tiam conformes Christi, & Christi efficerentur & dij. Vnde
 scriptum est: Ego dixi, dij estis. Considero domine te in illo pa-
 tibus, ubi uidebaris sine adiutorio, quomodo imperatoria po-
 testate latronem præmittis ad regnum: & cuius assumptione
 iam manifeste constat quantum apud derelictos profeceris,
 quorum primus iste gloria & honore coronatus, ipsa die pæ-

Psal. 91.

radisi ciuis & domesticus curiæ cœlestis efficitur. Impossibile quippe erat illam sanctam animam tuam teneri ab inferis, de qua ipse ad patrem dicit: Quia non derelinques animam meam in inferno, nec corrumpi carnem meam in sepulchro: quia ubi in præsentia illius effractis inferis est captiuata captiuitas, præsentata uictrice anima in conspectu patris, ad corpus suum sine dilatione reuersa est: & appropinquauerunt saluti, qui longe erant à salute, & inter mortuos liber morti obnoxios perpetua libertate donauit. Considero te in cruce de matre sollicitum, cui uolenti loqui tecum cum euangelizares, negaueras retroactis diebus colloquium, & prætuleras matri auditores uerbi, pauperes spiritu, dicens eos tibi esse pro matre & fratribus, qui uoluntati patris obtemperant. Nunc materno moueris affectu, & thalamum humanitatis tuæ cubiculario dilecto commendas, & prouides sedulo benedictæ inter mulieres apostolicam clientelam, & obsequium uirginis, uirgini discipulo tradis: ut iam non Ioseph tanti mystrii oneretur præpositura, sed Ioannes: quia iam exigebat ratio, ut coniugij remoueretur opinio: nec ultra pater Christi æstinnaretur, qui eatenus uicè patris & coniugis tenuerat. Habebat Ioseph in hac Christi dispositione rationabilem contradictionem, cum alteri commendaretur Maria, si se cognouisset carnalem maritum, sed quia in spiritu actum erat coniunctionis illius mysterium, passus est Ioseph æquanimiter sibi eum in hoc seruitio præponi, quem digniorem se iudicabat: & ideo maxime quia magistri electio sic negotium ordinabat. Adhæc sacerdotalis auiditas priuilegiū in medio proferēs, mediator inter nos & patrem oras pro his, qui ad dolorē uulnerū tuorum opprobria addiderūt, & pro inimicis impetras ueniā, supplicas & obsecras, ut hæc eis iniquitas dimittatur, & à morte tua habeantur innoxii ipsi, qui sanguinem tuū super se & super filios suos manere precantur: usque adeo excæcati, ut scelus suū non intelli-

Ioan. 19.

Matth. 27.

gant, nec odium Christi ipsa mors crucifixi extinguat. Sed
charitas tua interim suspendit iudicium, et reis ingratisq; pa-
tientia tua poenitentiae providet locum, tempusq; reservat, et
differt punire dignos exitio, haec orans, ut aperiatur oculi eo-
rum, et agnoscant quae sit uirtus crucis, quae efficientia san-
guinis, quae magnitudo delicti et doni, gratiae et peccati.
Tanta erat spissitudo uelominis, et crassitudo doctrinae, qua
erant Moyses scriptura imbuti: ita erant eorum sensus hebes-
tes, et ingenia tenebrosa, ut in uerbis legis nihil diuinum sape-
rent, nihil aliud quam exterioris umbraculi integumenta uide-
rent, neq; ad sacramentorum secreta aliqua intellectus inda-
guare penetrarent. Immo si quis eos uellet in sancta inducere et
introducere in arcana profundaq; mysteria, impium iudica-
bant et stultum, mel e petra sugere, et de saxo durissimo oleum
eliquare. Dimissum est ergo Christo orante peccatum, et ex
parte maxima cecitas illuminata est, et malignantium perfi-
dia demum credidit et intellexit: et de torculari crucis nu-
stum expressit, accepit et bibit: et in calice quod propinarat
Moyse, uinum merum a facibus segregauit. Ecce plus potuit
donum quam delictum, et gratia quam peccatum: quoniam
ex debito damnationis obnoxios gratis sine ullo merito gra-
tia beneficio pietatis absoluit, et iudicium imperante Christo
misericordiae dedit locum, et distractionis suae temperamentum
iustitia domino disponente modeste sustinuit. Iam uidet He-
braeus, et quicumq; de seruitute Aegyptia ad repromissae pa-
triae libertatem anhelat, quod sanguis Christi efficacius quam
sanguis agni illius, quem in Aegypto Israel immolauit, contra-
rias abigat potestates: cuius hodie tanta est autoritas et pote-
stas, ut non solum Israelitica limina munit, sed etiam ab his
qui Israeliticè non uiuunt, solum sacramenti signum repellat
demonia: et ubicumque conspecta fuerit, terribilis sit eis sacri
nominis uirtus et sanguinis nota. Deniq; quicumque sint sa-

cramentorum ministri, qualescunq; sint manus, quæ uel mera-
 gunt accedentes ad baptismum uel ungunt, qualescunq; pectus,
 de quo sacra exeunt uerba, operationis autoritas in figura cru-
 cis omnibus sacramentis largitur effectum, & cuncta peragit
 nomen, quod omnibus nominibus eminet, à sacramentorum ui-
 carijs inuocatum. Et licet indigni sint qui accipiunt, sacramen-
 torum tamen reuerentia, & propinquiorè ad Deum parat ac-
 cessum: & ubi redierint ad cor, cõstat ablutionis donum, & re-
 dit effectus munerum: neq; aliàs quæri, aut repeti necesse est sa-
 lutiferum sacramentum. Iam sanguis tuus Domine non quærit
 ultionem, sanguis tuus lauat crimina, peccata condonat. Clā-
 mat sanguis Abel, clamant Sodomorum peccata, & parricia-
 dium, & libido digna sunt ultione: tu olim ultionum Deus,
 modò misereris, & parcis his qui offenderunt: sanas contritos
 corde, & alligas uulneratos: filio prodigo reuertenti non im-
 properas luxum: mulieri adulteræ nõ opponis prostibulum,
 peccatricis publicæ non recusas seruitium, debenti pecuniã di-
 mittis depositum: Iudæis perfidis & dedisti gratiam, & di-
 misisti scelus scelerũ, & peccatorum peccatum, De latere tuo
 fons egreditur in uitam æternam profiliens, & de eadem con-
 substantialiq; origine diuisis limitibus aqua & sanguis ema-
 nant, ad complementum, perfectionemq; totius iustitiæ, sacra-
 menta in perpetuum duratura, & fontis illius ubertas perenni
 lapsu uniuersam ecclesiã irrigat, & fecundat. Ex hoc fonte
 non tantũ ablutionis primæ, qua initiãtur accedentes ad Chri-
 stum undas haurimus, sed & compunctionũ, & lacrymarum
 perennes effluunt riui, & misericordiarum suauitas, & totius
 pietatis affectus emanat. Tu Domine sacerdos sancte, qui in
 tempore iracundiæ factus es reconciliatio, sancti huius sangui-
 nis permanentem plenitudinem reliquisti, & beneficiũ huius
 sancti liquoris in perpetuum tradidisti, & constituisti nobis
 consumptibiliter potum uiuificum, crucis signum, & mortifi-

erationis exemplum. Tu consummatis omnibus uade ad patrē, et trahe nos post te: da nobis in uita presenti, ut simus sine angaria baiuli crucis tuæ, et comprehendamus cum omnibus sanctis quid latitudo, quid longitudo, quid sublimitas, quid presumendum huius ligni significet, quo conspecto non noceat nobis, neque mordeat coluber solitudinis, sed incolumes per omnia sequamur te, tecum paruuli simus, tecum circuncidamur, tecum baptizemur, tecum ieiunemus, tecum lotis pedibus panem angelorum edamus, tecum crucifixi mundo uiuamus, tecum spiritu sancto repleti, et corpore et spiritu in æternum maneamus. Qui uiuis et non ultra morieris in secula seculorum.

DE RESVRRECTIONE CHRISTI.



Vasitis aromatibus ad unguendum Dominum Iesum in monumento positum sacre mulieres communicato consilio conueniunt, et repertis ibi sine corpore sudarijs, quem non inuenere, putauere sublatum. Nam et lapis reuolutus, et uacuum monumentum simplicibus animis coniecturas huiusmodi opponerent, quod corpus strictum linteis nisi translatum esset, moueri loco non posset, nec lapis magni ponderis nisi ui humana nullatenus reuolui potuisset: unde et mane uenientes quomodo posset ab ostio monumenti lapis gyron anxiè causabantur. Sed Dominus qui inspirauerat ut uenirent, præuenerat uenientes, et egressus de sepulchro uacuum locum reliquerat, aperit quoque ostio ingredi uolentibus liberum dederat aditum: et quasi monebat se aliàs queri, qui illis angustijs non poterat occultari. Flebant igitur sacre foeminae, quæ eum cui obsequi uolebant, se perdidisse putabant, et obriguerant moeritudine, eò quod deuotio sua desiderato frustraretur effectu. Habuerat scilicet quidem eum sicut prophetam non inferiores fide illis discipulis, qui dicebant quod Iesus Nazarenus uir propheta fuerat po-

tens in opere & sermone. Et licet de resurrectione sua ipse tam apostolos quam reliquos discipulos, in quorum societate iste esse meruerant, magister prouidus instruxisset, incusserat tamen omnibus dubietatem & terrorem supplicium crucis & mortis atrocitas: nec tamen ab eorum cordibus auelli poterat dilectio, qua ei adhæserant, et recordatio signorum quæ uiderant; et admiratio doctrinæ quam audierant, et conuersationis piæ admirabilis sanctitudo qua fuerant informati. Necdum firmo gressu ibant, sed lababat pes dubitatum, sed querebant quem amabant, nec malignè desperabant: unde factum est, ut quæstum inuentionis, dilectionis perseuerantia mereretur. Illæ itaq; primæ uiderunt & cognouerunt, quæ ardentius dilexerunt, quæ deuotius quæsierunt, illæ sermocinatæ cum Christo, certificatæ quòd ipse esset qui à mortuis resurrexisset: nuntiant Petro & cæteris quòd Christus resurgens à mortuis iam non moritur. Euangelizarunt uiuentem, qui mortuus putabatur: nec iam sepulturæ eius odoramentis corporalibus deseruiunt, sed aromatibus firmæ fidei, & certæ spei, & charitatis synce-
ræ regnauit Domino famulantur, & uirtutū fragrantiam non iudicato præsentant, sed iudici. Lætantur apostoli, quos mundus quasi dehiscens terruerat, et quasi dissolutione elementorum quassaretur, omnia præcipiti ruina stermeret, minas horribiles intentarat, solidatisq; & compactis cœlestibus et terrenis æterna redemptione inuicta, gratulabundi adorant, quem reliquerant: credunt, nec in aliquo hæsitant: assistunt quantum possunt ei, à quo diffugerant. Quem nō fragor ille mundi terreret, quando terra tremuit, Sol expalluit, et radios lucis suæ Sol cõtenebratus abscondit: ipsa monumēta lapides sibi superpositos proiecerunt, & indignata superior & inferior plaga tenebris & motibus et scissuris, compaßionis suæ et uehementis angustię indicauerūt affectū: nec sustinuit intueri mundus perfidiæ Iudaicæ scelus, & uisa sunt insensata elementa sensi-

uti abundantiore, quàm homines, quibus secundum naturã ratio
 inerat: & crudeliores extitere fratribus abutentes intellectu, intan-
 tum Christi sanguinem sitientes, ut seipsos maledictione æter-
 na damnarent, et in paruulos suos anathematis illius reliquias
 immobili stabilimento firmarent. Sed ne in eorũ scelere diutius
 inmoremur, qui repulsi sunt & destructi in finem, quorũ par-
 ricidia uota seruitium & exterminium meruerunt, quos cum
 Dathan & Abiron, quos ob diffensionis flagitium terra dehi-
 scens uiuos absorbuit, cõstat in tenebris inferi sigillatos, ne tan-
 tarum abominationũ recordatio paschalem serenitatem inter-
 polet, circa solennitatis inclytæ gaudia deuotis & alacribus
 animis insijamus. Neq; enim fas est, ut à nobis aliqua his die-
 bus tristitia recitentur: sed sicut filijs Chore datum est ut sem-
 per leta canerent, & prophetarent, & omnes psalmi eorum
 attitulati, nominibus gaudia prædicant, nec aliqua minantur
 aduersa: ita nos ad Christum pertinentes, cuius sanguine con-
 spersa creditur Adam caluaria, qui sub loco quo crux Domini
 fixa est, humatus traditur ab antiquis, eiusdem sanguinis san-
 ctificati elapsu, letemur & delectemur in Domino, nec iam
 amatoribus crucis mors magistri sit horrori, neq; pœna sit do-
 lori, nec passio sit pudori, cum hæc omnia uite nostræ sint in-
 strumẽta: quia mors eius pro peccatis nostris sacrificium fuit, et
 pœna crucis excessibus pœna dignis occurrit, labor eius one-
 ra nostra deposuit, dolor eius nos sanauit, & damnatio inde-
 bita nos à damnatione æterna absoluit. Et siquid cõfusionis ui-
 sa est in tẽpore illo pati sancta eius humilitas, rerum hodie ma-
 nifestatur effectu, quod Apostolus ait: stultitiam huiuscemodi sapiẽ-
 tius esse hominibus, & infirmam fortius omni fortitudine, per
 quod reprobata sapientia huius mundi et de sapientibus et po-
 tentibus in nomine crucifixi pauperes spiritu potētissime triũ-
 pharũt. Cãtemus igitur Dño, gloriosè enim honorificatus est.
 Liber populus egreditur de Aegypto, Moyse duce, mare sit

Num. 16.

Hier. rides
hanc fabulã.

peruium, columna flammea nocte coruscans. Israëliticum antecedit exercitum: stat à dextera & leua mare suspensum, deficcato luto profundi, inoffensum abyssus dat transitum: & egresso populo Dei, Pharaonem cum populo suo repentina mole illapsum pelagus intercludit. Iam præcesserat agnus, quem Israël in Aegypto immolarat, cuius sanguine limina rubricata percussor angelus non est ausus attingere: nec exterminatoris gladium populus formidabat, cui et de spiritualibus nequitijis parabat uictoriam, illud sine macula sacrificium, et mare diuisum, et totum Aegypti robur extinctum. Primum illud antiquam pascha his miraculis coruscavit, & excluso fermento, præceptum est ut horum dierum celebritas ageretur in azymis: nec solennitatis huius gaudia seruilibus operibus fuscarentur, nec omnino aliqua tantæ sinceritatis gloriam malignitas inquinaret. Certa data est ex lege distinctio, quæ esset paschalis oblatio, et tempus, et locus, et modus, quando, uel ubi, uel quomodo sacra deberet hostia immolari. Victima, agnus: locus: una per singulas familias domus: caro non elixa, sed assa, hora uespertina. Hæc cum eo tempore fierent in figura, quod nos in ueritate agimus, typice loquebantur: & dirupto in Christi morte templi uelamine, uerus agnus solus inter filios hominum sine macula Christus ætate ultima, in qua mundi uesperascit conditio, ab una populi Christiani familia in unitate ecclesiæ assus in cruce, proiectis foras hæreticorum fermentis, sincerae fidei solidata compagne, inconsumptibiliter editur, creditur, et tenetur. Noua et uetera sub hoc nomine conuenerunt: egreditur Israël de seruitute Aegypti, exit populus Dei de regno diaboli: baptizantur in nube & mari Hebræi, & iam spiritu sancto et sanguine Christi munitur à peccatis populus Dei: ex diuersis familijs una fit domus, una fit tribus, unus est cibus, significantia et significata, res et signa, uirtus inuisibilis, et inuisibilia sacramenta

sic faciunt unum corpus, sicut caro et spiritus: & quod uideatur, et nomine & uirtute Christi corpus censetur. In hac rerum conuenientia honorificatus est Christus, et gloriose laudis triumphos letabunda hodie canit ecclesia, in lapide angulari confocians disiunctos olim parietes, quos in unum mirabilis artifex fuso sanguine glutinauit: et reprobato diu à malignis fidei fundamento, charitatis suæ nexibus diuisas copulauit macerías, et redegit partes in totum, & multa in unum: et facti sunt una domus confœderati parietes, & stabile fundamentum. Honorificatus est Christus resurgens à mortuis, uictor mortis, spolians inferos, et captiuos præmittens ad superos. Hucusq; per humilitatis gradus ascendens, modò gloria et honore coronatus nil mortale, nil passibile retinens, impassibilitatis & immortalitatis donauit nos gloria, et resurgentes in beatitudine constituit sempiterna. Resurrexerunt quidem ante Christum, sed in nomine et fide eius sub Helia uiuente in corpore, unus, et Heliseo uiuo & mortuo, duò qui obierant, sed ad mortem quam gustauerant, iterum redierunt: resurrexit & Lazarus, et alij nonnulli ad imperium Christi, et aliquo tēpore beneficio uitæ usi, iterum ad funera rediere. Res quidem ho-

*Resurrectio -
is primitiua
in Christo.*

norabilis et dominatio potestatiua fuit ad corpus exanime spiritum reuocare: sed resurrectionis huius, cuius sunt in Christo primitiæ, incōparabilis est dignitas, quam nec sequitur corruptela, nec dissoluit antiquitas, nec aliqua mutabilitas labefacta. Mirati sumus in transfiguratione, quæ facta est in monte presentibus apostolis Petro & Iacobo & Ioanne, quando sicut sol resplenduit facies saluatoris, et uestimenta eius candorē omnem exuperantia apostolorum hebetauere conspectum: sed momentaneus ille decor imaginem, non speciem: similitudinē, nō substantiam: partem, nō plenitudinem transformationis mirificè explicauit. Sed neq; eandem gloriam quam antè ostendit apostolis, resurgens illico ostendit: sed quod uidere consue-

rant, hoc uiderunt: et dilata est claritatis illius quam nobis pollicitus est, plenitudo quæ in se erat perfecta, & à nobis in nobis expectatur perficienda lucidior & syncerior, quam æstimari possit ab aliquo: uel quàm illa etiam claritas intimauerit, cuius primitias in Christo transformato accepimus. Agunt in coelestibus hæc paschalia gaudia ipsi angelici spiritus, & resurgentis domini gloriam admirantur, letantur, et delectantur in eo quòd forma serui reuersa sit in formam Dei, & exinanitio humilitatis ad depositæ altitudinis redierit maiestatem. Sed & in hoc multiplicata sunt gaudia, quòd ab his pro quibus se humiliauerat, tantæ excellentiæ beneficium dignatus esse commune, & partiri nobis suæ abundantiam uoluit claritatis: ut post resurrectionem corpus non aggrauet animam, sed sit caro sine mole & pondere, agilis & mobilis, nullis clausa obstaculis, uisu et auditu penetrans omnia, & attingens, quocumque uoluerit sine impedimento discurrens. Inerit resuscitatis corporibus nulli uanitati subiecta libertas: & quæ cogi non possit ad aliqd in nullo laborans, iam à spe educta, re ipsa perfruens, nulla expectatione suspensa, & in pace quietissima confirmata, omnis quæ expers formidinis in spiritualibus delicijs iugis illa permansio reflorescit. Quàm mirabilis est scientia tua Deus, confirmata est super nos, nec possumus ad eam attingere. Hæc sapientiæ tuæ altitudo qui mundum non ex precedente materia, sed solo uerbi tui condidisti imperio, creaturis uero corporalibus ex mundi essentia dedisti initium, suis incolis singula elementa adornans, hominem quem de mundo fecisti, cunctis in terra & aëre & aquis uiuentibus præficiens, ita ut suo præposito singula in suo genere ministrarent: tu alijs uitam temporalem, alijs procurasti perpetuam, admirabili ordine quedam mutans & renouans, & præfinito tempore metam irrationabilibus omnibus præfixisti, & terminum quem transire non possit, dissolutioni conditio destinata. Homo quia

Resuscitatoris
libertas.

ex cœlesti & terrena materia compactus est, uestitus extrinsecus pelle et carnibus, tempus accepit, quo te iubente, redderet terræ quod de terra assumpserat, & ad immaterialem originem reuerteretur spiritus: cuius natura dissolutionis non admittit iniuriam. Corpus putredine & caro uermibus consumenda, secundum naturæ suæ rationē æternitatis non poterat priuilegio perfrui: & quod sibi iure non competebat, à conditōre nequibat exigere: neq; ulla eorum interrogatio super hoc merebatur responsum. Sed tu optime domine ultro gratiā uolens dare spiritui, decreuisti clementius, ut ex societate et clientela quam reddiderat animæ caro, aliquid ei cōmodi proueniret, & quæ ei uehiculum fuerat & particeps studiorum in re cōpensatione ministerij iterum dilecto accolæ consociata pudica & pacifica rediret, nullas secum reuehens cōtumelias, quibus deinceps quietis internæ cōcuteret puritatem. Sed & hoc domine ad cumulum beneficij addidisti, ut inter legem carnis & spiritus nulla postmodum esset diuersitas: nec post initum fœdus ulla iterū inter eos recrudescat rebellio, sed per manum tuam reconciliatio ordinata stabilis in perpetuum perseueret. Te igitur iubente, terra fit caro, & expulsa de domo iterum coniugatur uiro, non iam ancilla, sed libera: & habitant unius moris in domo murmurationibus confopitis, quas olim compugnantes inter se concupiscentiæ concitabant. Quis domine Deus considerare hæc opera tua sufficit, & quis lutum coagulare potest in carnem, quis formare potest in hominem, quis in fundere animam, quis reddere uitam, quis dare æternitatem, quis addere felicitatem? Ad hunc prouentum humana laborat creatio: hæc semper fidelium expectatio fuit. Hoc optabat rex ille humilis, qui se nouerat imperfectum, ut adderes conditionitæ quod deerat, & perficeres & solidares opus tuum, quod corruptibilitas & mortalitas assidue conuicijs multis solebant affligere, & uarijs opprobrijs consueuerant infestare.

Tu morti imperas, et absorpta eliditur: inanescit corruptio, ubi ager, te medente, sanatur. Gustasti mortem pro filiis hominum, ut qui tecum mortui erant, tecum uiuerent, & participes Resurrectio tribulationum etiam consolatione gauderent. Resurrectio quæ communis. Resurrectio communis est, et ante tribunal Christi necesse est in corpore iustos stare et impios, Dei hoc dictante iustitia, ut pietas et impietas in operatoribus debitis stipendijs donarentur: & qui finem habere contempserunt in malis, infinita clauderentur ultione in pœnis: & qui gloriati sunt in cruce, cum crucifixo regnantes beatæ fierent perennitatis participes. Non sunt participes huius gaudij, quos damnat ambitio: non potest furtiuos habens loculos, paschalibus solennijs interesse. Nihil proditor et uenditor magistri, fermentator profanus commune habet cum azymis: omnis imundus in anima ad esum huius agni prohibetur accedere. Nulla ad hanc letitiam perfidia recipitur, omnis malignitas excluditur: calciatus pedibus ad euangelizandum peractus, accinctus renibus et sanctimonie destinatus, habens baculum in manibus, et festinans ut Aegypti deserat idolola, sequens Moysen, nec formidans uie discrimina, quisque purus & syncerus sine fraude homo uerus accedat et edat: et securus quod resurgat, mortem optet, ut attingat ad æterna gaudia, in quibus est uita nostra sursum manens, et nos trahens ad bona cœlestia. Qui uiuit.

SERMO DE ASCENSIONE CHRITI.



Elebrata in cruce solēni uictoria, cum iam templum corporis sui, quod persecutio ludeorum effoderat, Dominus reparasset, noluit statim ad patrem ascendere, et glorificati corporis præsentiam iſſerre cœlestibus: sed necessaria dispensatione discipulorum infirmitati cōsulens utiliter distulit, et quadraginta diebus in terra conuersatus, et uisus est sæpe et locutus cum apostolis, & manducauit

Et manducavit et bibit, et uulnera quæ ad dubietatem eorum
 tollendam, in corpore referuarat, et uidentia et palpanda ex- Ascensionis di-
 posuit, et impleta in se quæ in scripturis erant prædicta, cuius latio.
 dentia rerum edocuit. Ad hoc necessaria fuit huius temporis
 mora, ut recollectis quos in fugam timor impegerat, quos sup-
 plicium crucis terruerat, in multis argumētis apparēs, men-
 tes quæ diffidētia titubauerant, solidaret: nec esse phantasticū;
 sed uerū corpus quod surrexerat, tam comessationibus, quam
 contrectationibus probaret. Ad hoc dilata est ascensionis glō-
 ria, ut sub hoc dierum interstitio præcedens doctrina affecti-
 bus firmaretur, immo ut discipulorū desideria recessionē eius
 corporalē ambirent: quia spiritalis præsentie plenitudo quā
 diu conspectu carnis præsens aderat, aduētare nō poterat: et
 paulatim in hoc conducti sunt; ut libenter consuetudine con-
 uictus assueti carerent, cū inhabitator spiritus sanctus eorum
 animas possidens inuisibili accessu synceriores eis affectus in-
 funderet, et aperiret interiores oculos ad intuendum intelle-
 ctu puro patrem luminum, et substantia rerum sperandarum
 proposita apparentia sepeliret: nec incertitudinis scrupulus su-
 pereffet, cum Dominus et magister, quem uerum hominē pro-
 bauerant, eis uidentibus, cœlum ascenderet: sed iam securi se
 crederent secuturos, nec esse impossibile quin et ipsi in carnē
 et spiritu ad superos transferrentur: Omnibus itaque ad tam Ioan. 10.
 delectabile spectaculum aggregatis: Ascendo, inquit, ad patrē
 meum et patrem uestrū, Deum meum et Deum uestrum. Ho-
 rum uerborum autoritas cum iam eorum uirtutē spiritus san-
 ctus intimasset, omnem poterat excludere diffidentiam, et hi-
 larescebant animi eorum paternitatis diuinæ illustrati hono-
 re, et fraternitatis Christi honorati consortio; cum audirent
 et crederent se filios Dei et fratres Christi, in quo omnis ex-
 cellentie plenitudo et sufficientia inerat: nec iam quasi idio-
 tæ et hebetes huic uerbo applaudebant carnaliter: sed subti-

lissimè generationem & dignitatem creaturæ à uoluntate &
 nutu creatoris habuisse initiū, & imaginem & similitudinem
 Dei in interiori homine uidebāt: et dignoscebāt intellectu po-
 tius, quàm uisu, quam affinitatem habeant inter se pater & fi-
 lius: & quia substantiuo & naturali filio filij adoptiui confor-
 mes à prima origine multa habeant ex natura, & multa ex
 gratia. Sanè huius generositatis consortium, secundum quam
 simul cum Christo filij Dei sumus, nobilitatem existentie no-
 stræ exponit & intimat: in quo honore si manserimus non de-
 generes, cōstat omnino non posse patrem dissidere à filiis, sed
 deiformibus tutum esse ad paternitatem accessum: nec posse pa-
 ti ad hereditatem possidendam dispositos in petitionibus di-
 uinis repulsam, sed in quibuscunque filius filialiter genitorem
 appellauerit, necesse est bonitatem largitoris iuste supplican-
 tis prosequi uoluntatem: maximè cum ipse pater qui largiter
 iusta suggerat peti, quæ non differt benignè largiri. Et quidem
 paterna charitas bonis filiis et heredibus maximè delectatur:
 & hoc gloriæ Christi unigeniti dilecti accumulatur, quòd bea-
 titudinis suæ nō patitur esse solitariam magnitudinem, sed ad-
 dit fratres: non qui minuant quasi diuisam in plures excellen-
 tiam, sed qui altitudinem diuitiarum eius exornent participes
 & consortes. Quod cum ipsum qui pater est, cōstat esse Deū,
 & eum Deum nostrum sicut & suum, filius attestetur, in eo
 quòd filij sumus ipse nos possidet, in eo quòd nosler est Deus,
 quod nostrum est, ipsum cuius proprii sumus, propriè posside-
 mus. Dico igitur Domino meo, Deus meus es tu: et dicit mihi
 Dominus meus: Ego Dominus Deus tuus. Homo cuius Deus
 est, quid amplius querit? Si sufficis tu Deo, sufficiat tibi Deus.
 Bonorum tuorū Deus non indiget, nec conferre potes ei quip-
 piā, nec auferre. Si esurierit, nō dicet tibi. Eius est orbis & ple-
 nitudo eius, & magnitudinē eius cœli cœlorum non capiunt:
 non infirmatur, non eget indumēto uel cibo: omnia scit, omnia

potest, omnia continet: in ipso omnes uiuimus, mouemur & sumus. Quid tu ei quasi indigo cōferes? te solum bonitate, non necessitate desiderat. Scriptum est, & ipso iubente tabulis in-
Deut. 6.sculptum lapideis, ut diligas eum ex toto corde tuo, & ex to-
 ta anima tua, & ex tota mēte tua. Delige, & deligeris: propē
 est merces tua, in manibus porrigitur præmium: esto tu Dei,
 & erit tuus Deus tuus. Impar sanē commercium, pretium in-
 æquale: sed qui pro nobis triginta argenteis appretiat, intel-
 ligi uoluit, quanta fuerit in pretio, quod pro eo datum est, &
 in eo quod ipse dedit pro mundo, dissimilitudo, cum ipse exi-
 guo argento emptus & uenditus, tanto pretio damnatos rea-
 dimeret, ut dubium esse non possit, quin pretij magnitudo su-
 peraret negotium: nec æquari posset damnum, quod omnino
 damnatio iusta meruerat, obedientie Christi, quæ gratis usque
 ad mortem progressa est, & ultro soluit quod non debebat.
 His intellectis apostoli sicut filij prophetarum olim uerum He-
 liam ascensurum sciebant, & horam illam præstolabātur gau-
 dentes, nec iam anxiebantur parturientes, sed exorta lætitia
 parati erant prosequi recedentem, minime dubitantes quin &
 ipsi post modicum conuersationis huius, postquam de torren-
 te passionis in uia hac bibissent, exaltato capite & erecto, se
 ad cœlestia Dominum secuturos. Eleuatis igitur manibus hæ
 reditionem eis benedictionem relinquēs, non manufacto uehi-
 culo, nec auxiliariis carpentis euectus est Christus¹, sed natu-
 ræ diuinæ propria usus uirtute carnem cœlo intulit, et corpus
 glorificatum patris cōspectibus præsentauit. Non indiguit ue-
 ctoribus angelis, qui offēdicula tollentes è medio, ferret eum
 in manibus, sed præcedentes & subsequentes applaudebant ui-
 ctori, & concinnantes in iubilatione modulabantur canticum
 nouum, & implebat cœlos consonantiæ illius harmonia, thro-
 nis & dominationibus parantibus filio iuxta patrem confes-
 sum, cherubim & seraphim pedes pacificos ambiens, rā-

diantibus undique diuinis claritatibus & splendoribus super-
 coelestibus, quos nec ardor perseverans consumit, nec turbiniis
 alicuius afflatus extinguit, nec interpolatio caliginis ullius ab-
 scondit. Celebrat tanti triumphi magnificentiam letabundus
 coelestis exercitus, & qui descendentem coram pastoribus Beth-
 lemitis decantauerunt in sublimi praeconia, modò expressio-
 ribus conatibus & intensioribus iubilis reuertenti ad patrem
 solenniora obsequia impendebant, & festiuis affectibus uene-
 rabantur hominem supra se sublimatum: quem gloria et hono-
 re coronauerat pater, & ad dexteram suam collocatum, hoc
 dato ei priuilegio singulari, ut in nomine eius omne genu fle-
 cteretur, & super omne nomen eius nomē excellentius colere-
 tur. Quanta in eius susceptione in coelis iucunditas fuerit, ne-
 mo sufficit enarrare: rei huius magnificētia omnē superat in-
 tellectū. Si linguis hominum uel angelorū quis eloquatur, uel
 ad hoc cuiuslibet elaboret acumen ingenij, ut definire uelit
 quæ patris in reditu filij hilaritas fuerit: aut si fortē illud sema-
 piternum gaudium aliquod tunc admiserit incrementū, si sta-
 bilitatis æternæ se aliquo modo mutare possit immobilis ma-
 gnitudo: scrutator ille maiestatis opprimetur à gloria, & ue-
 rendum est ne dum uehementius exprimit uerba quàm opor-
 tet, sanguinem pro lacte emungat. Attamen inuisibilem deum
 uisibilem filium recepisse ad dexteram suam, manifestum est,
 & humilitatē carnis nostro throno iudiciario honoratam pa-
 ternæ cōplacuisse altitudini, duo genera gentium ciuitati su-
 pernae, de qua gloriosa dicta sunt, deinceps assignare, & esse
 supra māsionarios homines & angelos, & beatitudinis illius
 gloriam his duobus ordinibus in perpetuum frequentari. Hæc
 merces obedientiæ Christi, hæc crucis & mortis stipēdia, hic
 passionis labor promeruit ut corpus humilitatis nostræ fieret
 corpori claritatis Christi cōforme, et mortale hoc indueret im-
 mortalitatē, & corruptibile incorruptionē: & fieret homines

Christo obe-
 diētia merces.

cum Christo in coelestibus iudices, qui cum eo iudicia pertulerant malignorum, & extiterant usq; ad mortem tribulationū consortes. Hac die primum inuecta est cœlis hæc nouitas inaudita, & gauisus est pater hæreditate amplificata, sobole multiplicata, promissionibus, quas locutus fuerat in prophetis, redditis & completis. Solum ad hæc quæ prædicta sunt restat iudicium, & examinationi ultimæ adhuc reseruant antiqua oracula locū. De iudicio quippe & angustia Christo sublato, superest post misericordiæ tempora quæ ad finem festinant, ut iustitiam comitetur iudicium: & habeant singuli quod merentur, & honoretur honore dignus, & contemptor confundatur inglorius. Hoc & duo angeli Christo ascendente testati sunt, quia qui iudicatus abibat, iudex esset terribilis rediturus, & uideret collecta in unum generalitas hominum quas foderat manus, quod terebrauerat latus, faciem quam conspue rat, & prolata in medium inflexibili sententia, occurrentibus saluatori electis, remaneant impij infinitis deputati tormentis. Quanta illud edictum sequentur lamenta, illius ultimæ tubæ clangor quàm horribilis erit? continuus erit & superfluus illarum lacrymarum decursus, stridorem illum dentium flammæ inextinguibiles agitant. Immortales miseri uiuent inter incendia, & inconsumptibiles flammæ nudum corpus allambēt.

LUC. 16.

Ardebit purpuratus diues, nec erit qui æstuanti linguæ stillam aquæ infundat. In proprio adipe fixæ libidines bullient, & inter sartagine flammæas miserabilia corpora cremabuntur, & omni tormento atrocius desperatio condemnatos affliget. Non miserebitur ultra Deus, neq; tunc audiet poenitentes, se ra erit illa confessio, & cum clausa fuerit ianua, frustra carentes oleo acclamabunt exclusi. Nullum ibi refrigerium, nullum remedium: semel Christus descendit ad inferos, ulterius non descendet, non ultra uidebunt deum in tenebris sigillati, irregressibilis erit illa sententia, & immutabile iudicium, &

stabit damnationis huius immobile constitutum. Exultabunt sanè sancti in gloria, uidebunt deum & gaudebunt, letabuntur & delectabuntur, & fruuntur gloria, & in felicitate iocundabuntur æterna. Ibi non gustabunt quàm suavis sit deus, sed implebuntur & satiabuntur dulcedine mirifica: nihil eis deerit, nihil oberit, omne desiderium eorum Christus præsens implebit: non senescent, non tabescent, non putrescent amplius perpetua sanitas, felix æternitas, beatitudinis illis sufficientiâ confirmabunt. Non erit concupiscentia in membris, non ultra ulla exurget rebellio carnis, sed totus hominis status pudicus & pacificus, sana ex integro natura, sine omni macula & ruga deinceps permanebit. Erit deniq; Deus omnia in omnibus, & illius præsentia omnes animæ & corporis implebit appetitus, cessabuntq; de cætero cõsummatis omnibus ministratorij angelicarum uirtutum discursus: & impleta ordinataq; omnino ciuitate Dei, nec innouabitur, nec mutabitur ultra fixæ & consummatæ beatitudinis status. Ei igitur, ante cuius tribunal stabimus, qui nunc uultui dei apparet pro nobis, cui de nobis tanta cura fuit, ut pro nobis uellet nasci & mori, in præsentia quæsumus, ut sit cura curandi nos, & nobis auctoritatem et potestatem iudicandi nosmetipsos & corrigendi concedat, ut in illo terribili iudicio suo inter electos asciti & congregati, liberari à seruitute & captiuitate, coelestibus ciuibus coniungamur, & fruamur bonis, quæ ipse diligentibus se repromisit: quæ nec oculus uidit, nec auris audiuit.

SERMO DE SANCTO SPIRITU.

Deus sancte spiritus, & paraclesim tuam expectantibus illabere cœlitus, sanctifica tēplū corporis nostri, & consecra in habitaculum tuum: desiderantes te animas tua præsentia letifica: dignam te habitatore domum compone: adorna thalamū tuum,

Et quietis tuæ reclinatorium circunda uarietatibus uirtutum:
 sterne pauimenta pigmentis, niteat mansio tua carbūculis flam-
 meis, et gemmarum splendoribus, et omnium charismatum
 intrinsecus spirent odoramenta: affatim balsami liquor fragran-
 tia sua cubiculum tuum imbuat, et abigens inde quicquid tabi-
 dum est, quicquid corruptelæ seminariū, stabile et perpetuū
 hoc facias gaudium nostrum, et creationis tuæ renouationem
 in decore immarcescibili solides in æternū. Interfuimus sacræ
 uerbi infantie, et puerperio uirginis obsecuti sumus cum
 cœlesti militia, gloriam decantauimus paruulo: confessi su-
 mus omnipotentem, quem in cunabulis uidimus uagientem:
 circumcisionis celebrauimus sacramenta, et truncato præpu-
 tio uoluptatum sanctimoniæ didicimus mancipari. Interfui-
 mus baptismati saluatoris, et audita patris uoce de cœlis, ad
 obediendum Christo traditi sumus, et instructi cœlitus quo-
 modo patrem et filium dilectio iungat et uniat, ita ut in ipsis
 nominibus intimetur distinctio personarum, et naturæ unitas
 euidentissime innotescat. Sed et spiritum sanctum in specie co-
 lumbæ inter illa mysteria uidimus et intelleximus, ex illa spe-
 cie gemitus poenitentiae et desideria contemplationis diuinæ,
 ex simplicitate cordis et innocentia uitæ immaculatæ ince-
 santer prodire, et neminem nisi suspirijs huiusmodi præcedē-
 tibus, et inspiratione diuina monēte, posse ad cœlestia aspira-
 re: ut suspiratio, et inspiratio, et aspiratio à sancto spiritu
 et causam habeant, et effectum, et materiam, et prouen-
 tum. Secuti quoque sumus in æternum dominum ieiunā-
 tem, et repulsa potenter diaboli uidimus tentamenta. Inter-
 fuimus coenæ, et de calice Domini bibimus, pedes lauimus,
 mortui sumus cum Christo, et ecce uiuimus: prosequimur
 ascendentem, et præstolamur promissum nobis spiritum san-
 ctum, cuius unctio nos de omnibus doceat, qui inuisibili magi-
 sterio nos doceat, et cœlestibus instruat disciplinis: qui car-

nales hebetet sensus, & conterat appetitus. Hic spiritus sanctus ab ipso mundi initio aquis legitur superfusus, non materialibus aquis quasi uehiculo egens, quas potius ipse ferebat, & complectentibus firmamentum dabat congruum motum, & limitem præfinitum. Huius sempiterna uirtus & diuinitas cum in propria natura ab inquisitoribus mundi antiquis philosophis proprie inuestigari nõ posset, subtilissimis tamen intuiti sunt coniecturis compositionem mundi, compositis & distinctis elementorum affectibus præsentem omnibus animam affuisse, quæ secundum genus & ordinem singulorum uitam præberet & motum, & intransgressibiles figeret metas, & stabilitatem assignaret & usum. Hanc uitam, hunc motum, hanc rerum essentiam animam mundi philosophi uocauerunt: putantes cœlestia corpora, Solem dico & Lunam & Stellas, ipsumque firmamentum, huius animæ uirtute moueri & regi, & aquas, & terram, & aerem huius semine imprægnari: qui si spiritum & Dominum, & creatorem, & uiuificantem, & nutritorem crederent, omnium quæ sub ipso sunt, conuenientem haberent ad fidem accessum. Sed abscondita est, à sapientibus & prudentibus tantæ rei maiestas, nec potuit humani fastus ingenij secretis interesse cœlestibus & penetrare ad superessentialis naturæ altitudinem: & licet intelligerent quòd uere esset creatrix & gubernatrix rerum diuinitas, distinguere tamen nullo modo potuerunt quæ esset deitatis trinitas, uel quæ unitas, uel quæ personarum proprietas. Superferebatur quidem elemento purificatorio spiritus sanctificator, iam tunc baptismi uirtutem enuntians. Iam tunc illa præfigurabantur tempora, quibus arca Noe aquis inuecta diluuii uiri iusti familiam conseruauit illæsam, abolita generatione adultera, qui in filiabus hominū bestiali petulātia effrænes, impudenter se illis commiscuerant, nec diuinos, nec humanos in flagitijs publicis uerebantur aspectus. Arcam illam quæ typum gerebat eccle-

Spiritus anima mundi.

Arca Noe typus ecclesiæ.

*sic, spiritus sanctus & tunc regebat, & adhuc regit, extra quam quisquis perfidus euagatur, inuolutus fluctibus mergitur in profundum: & impossibile est eum uiuere, cui non su-
 perfertur spiritus uite, cuius uiuificus calor animat omnia, & fouet, & prouehit, & foecundat. Hic spiritus sanctus omnium uiuentium anima ita largitate sua se omnibus abundanter infundit, ut habeant omnia rationabilia & irrationabilia secundum genus suum ex eo quod sunt, & quod in suo ordine suae naturae competentia agunt, non quod ipse sit substantialis anima singulis, & in se singulariter manens: de plenitudine sua distributor magnificus, proprius efficientias singulis diuidit et largitur, et quasi Sol omnia calefaciens subiecta, omnia nutrit, & absq; ulla sui diminutione integritatem suam de inexhausta abundantia, quod satis est & sufficit omnibus, commodat & impartit. Hic spiritus rubri maris aquas siccauit, & suspensis hinc inde uehementibus fluctibus, ab ollis carniuum, et Aegypti pulmentarijs populum ad spiritualem eremi libertatē eduxit in columem, & alimonijs coelestibus pauit, manna quasi rorem matutinum infundens graminibus, quod colligi iussum est ad mensuram. Aderat plena mensura per totam hebdomadam, uacante sabbati die, cui sexta praecedens dies consueti uictus duplicans quantitatem octauae praefigurabat quietem, in qua absq; labore & solitudine in delicijs epulabuntur electi, & saturabuntur in terra sua duplicia possidentes, corporis & animae felici perennitate & perenni felicitate ditati. Hic est spiritus sanctus, quem magi in Aegypto tertij signi ostensione conuicti, cum sua defecisse praestigia faterentur, Dei digitum appellarunt, antiquis philosophis eius intimarunt praesentiam defuisse. Et licet de patre & filio aliqua sensissent Platonici, spiritus tamen timidus & humani appetitor fauoris sanctificationem intellectus diuini mereri non potuit, & ubi ad profunditatem sacramentorum uentum est, omnis eorum caligauit subtilitas,*

Dei digitus.

Lex Dei digi-
to scripta.

nec potuit infidelitas sanctitudini propinquare. Hic digitus Dei mundanæ iudex & uindex perfidiæ, noui tempore testamenti potenter expellit dæmonia: nec laborat agendo, sed solo nutu perficit omnia: quod dicit, facit: quod iubet: implet: secreta indicat, pandit occulta, reuelat ignota, hebetat acutos, et perspicaces confutat. Hoc digito in lapideis tabulis lex primum conscripta, quinquagesimo die post egressum Israël de Aegypto in monte Syna Moyse est commendata: sed populus nequam & gens duræ ceruicis, à quorum animis terror ille recesserat, quem mons ardens & flammæ iuga, et clangor buccinæ, & lampades corusce, & horrenda tonitrua nuper incusserant, in apostasiam conuersi, & de Moyse reditu desperantes, lege diuinitus missa indigni iudicati sunt: quia in oculis eorum Moyses frangens tabulas, tam uerba quàm instrumenta comminuit & deleuit. Quin etiam sceleris ultione pætrata, reuersus in montem ad Dominum, quadraginta diebus ieiunans, & colloquens, tandem obtinuit ut ipse alias de saxo ad instar priorum excideret tabulas, in quibus eandem quæ in primis fuerat scripturam insculperet & formaret. Factumq; est mirabili dispensatione superni iudicij, ut lex quam sanctus scripserat spiritus, deleteretur: & quam manus humana restituit, in posterum teneretur. Quod ea ratione credi potest sic actum, ut populus prior secundum carnem ambulans et uiuens, diuinis colloquijs et spiritualibus mandatis ostenderetur indignus: nec posse mentes perfidas sancta percipere, nec intelligere sacramenta, quæ exemplarium tegmine uelabantur. Porro testamenti noui quæ Christo euangelizante patuit ueritas uerbo Christi prolata, indissolubilis permansit, & solida deinde stabilitatis perpetuæ autoritate fulcita est, eò quòd oblatam gratiam humiles susceperunt, & quòd filius intar pauperes spiritu inuenit sibi domum, in qua caput reclinaret, & merito reprobatos uisibiles tabulæ inuisibilis Dei indicant con-

temptores, & ampliori dignos honore incarnati uerbi credulos auditores, & deuotos ueneratores. Lex igitur à paschalis agni immolatione die quinquagesimo datur, & pentecostes nomen tantæ rei solennitas ex lege accepit, in ipso dierum numero sacramenti magni complicans rationem. *Septenarius* quippe numerus septies reuolutus, quinquagesimum efficit, *numerus.* addito monade, qui præsentis seculi meta, & futuri initium, perpetuitatē sub octauæ nomine cōtinens, sic præsentia terminat, ut nos ad perpetua introducat. Sacratu hic septenarius numerus à conditione mūdi auctoritatem obtinuit: quoniam in sex diebus prima Dei opera patrata sunt, & septima cōsecrata quieti, quasi sancta & sanctificans solennitate uocationis honorata, & spiritui sanctificatori attituta. Vnde & cessanti à seruilibus operibus populo iubetur ut diem sabbati sanctificet, & spiritui rectitudinis, & sanctitudinis, & fortitudinis adscribat, quòd directe, quòd honeste, quòd uiriliter incedit: quia totum ex eius cōstat ducatu, quòd deuij diriguntur, quòd impij cōuertuntur, quòd debiles cōfirmantur. Spiritus rectus, spiritus sanctus, spiritus principalis regit, componit, consummat, & perficit quas inhabitat mētes, & corda quæ possidet: nec errare patitur, nec corrumpi, nec uinci, quos docuerit, quos possederit, quos gladio potentissimæ uirtutis accinxerit. Septenarius iste ex quaternario & ternario constans, cum in se propter prædictas causas honorabilis habeatur, habet ex partibus suis excellentiam maximam: quia artificis et materiæ uidetur exprimere & distinguere primarias substantias, ut ternarius creatorem, ppter trinitatem enūtiat, et quaternarius creaturam propter quatuor elemēta, quæ rerum omnium cause sunt & semina, sub huius numeri breuitate cōcludat. Spiritus sanctus à patre procedens, à patre et filio, quaternario superfertur, & conditor benignus opus suum amplectitur, & diligit quod plasmauit, & creaturam suam sanctus ipse sanctificat.

Et consociat sibi, et charitatis nexu statuit et conquadrat. His
 alijsq; secretioribus rationibus quas illustrium uirorum subti-
 liora ingenia indagarunt, septenarius numerus in scripturis san-
 ctis sæpe sacramentales causas complectitur, et simplex et mul-
 tiplicatus necessarios ad intelligentiam diuinorū operum par-
 turit intellectus. In hebdomadibus apud hebræos dies septi-
 sabbatum, mus sabbatū idem requies appellatur, qui numerus non tam in
 septimanis, sed etiam obseruatur in annis, et annorum hebdo-
 mada consummata, septimus annus requietionis est, et ipsi ter-
 ræ sabbatum imperatur: nec fas est cuiquam eo anno serere
 uel metere quippiam, sed quæ sponte siue in terra, siue in ui-
 neis, uel in arboribus nascuntur, alimonie pauperum deputan-
 tur. Annorum quoq; septimanæ apud Hebræos quinquagesi-
 mum annum faciunt, quem iubileum appellant, in quo decreto
 legis (ut suprā dictum est) fit terræ remissio, et seruorum liber-
 tas, et restitutio possessionum, quas eatenus distractio aliena-
 uerat, et cætera huiusmodi gratis ad hæreditatis ordinem re-
 uertuntur. De numero septenario cum multa dicta sint, plura
 supersunt quæ in lege & Euangelio præcipue commendan-
 tur. Quinquagesimus itaq; annus perficit iubileum, quinquæ-
 gesimus dies à pascha pentecosten facit, in quo uere spiritu
 sancto infuso apostolis, ad hæreditatem cœlestem à quo uenun-
 dati sub peccato exulabant, quos diabolo domino mendicitas
 et egestas subiecerat, reuertuntur. Septem sacerdotalibus clan-
 gentibus tubis, Hiericho corruit: septem petitionibus oran-
 dum patrem filius docuit. Remissio peccatorum duplicato se-
 pties septenario Petro mandatur. Leprosus septimi diei inspe-
 ctione à sacerdote iudicatur: summi sacerdotis in septem die-
 bus consecratio consummatur. Dominus Iesus Christus de se-
 ptem panibus quinque millia hominum reficit: & iustus quis-
 que Deo laudes per diem septies dicit. Ipse Dominus Iesus ab
 Adam secūdam generationes, quas Lucas cōmemorat, septua-

Leuit. 13.

Matt. 14.

Psal. 118.

Gene. 4.

Luc. 3.

gesimus septimus inuenitur, ut ultionem in Lamech septuagesimae septies promulgatam ueniens terminaret. Septem diebus in pascha editur azyma, septem diebus mense septimo tabernaculorum solennitas celebratur. In septem annis templum à Salomone construitur, septem brachijs et totidem luminibus candela adornatur. Celebramus tam nos quàm Iudei quinquagesimum diem, sed illi in typo: nos autem in ueritate, non tam significamus, quàm agimus. Pentecosten igitur celebrâtes commemorauimus, quæ olim sub Moysè in ueteri testamento sunt acta, et quæ sub Christo facta sunt, post cuius ascensionem in cœlos spiritus sanctus uisibiliter super apostolos in linguis igneis apparuit, et ad instar prioris seculi uniuersitatem fidelium unius labij esse uoluit: ut quorum erat cor unum et anima una, una esset et lingua: nec posset impedire intellectum credentium aliqua diuersitas uerborum, sed euangelica doctrina propria lingua prolata ad omnium auditum eandem efficientiam obtineret, ut Græcis et barbaris omnibusq; gentibus uerbum euangelij sic esset intelligibile, ac si in eorum auribus linguae in qua nati erant idiomata resonarent. Aderant Medi, et Elamitæ, Mesopotameni, et Arabes: hi omnes, dum Hebræa lingua apostoli prædicarent, locutio Iudaica enuntiationis suæ articulos cursu consueto euoluens nullo exponebatur interprete, sed uerbo eorum per spiritum sanctum inerat uirtus et gratia, ut habitantes Pontum et Asiam, suam esse dicerent linguam, quam audiebant: quasi primitiue linguae libertas ad antiquitatis reuersa originem confusionis contumeliam euassisset. Nec tantum apostolis collata est hæc gratia, sed multitudini credentium idem spiritus superfusus est, intus ardētibus extrâ loquentibus, et complectebantur se dilectio et uerbum, et de calore spiritus sermo fruebat ignitus. Iam omni timore excluso, obedire, sed Deo magis quàm hominibus publice profitebantur: et uidebatur eis gloria, si pro Christo iniuriam pa-

Exod. 12.

Leuit. 23.

Actuum. 2.

Nume. 11.

terentur. Ad hunc modum olim Moyſi iuſſum eſt, ut in uiros ſeptuaginta, quos ipſe preſbyteros iudicaret, de ſpiritu ſuo partiretur, ut in negotijs partem gererent ſolicitudinis: quibus cum impoſuiſſet Moyſes manus, requieuit in eis ſpiritus ſanctus, qui non Moyſi ablatus eſt, quaſi ipſe ſine ſpiritu remaneret, uel idem ſpiritus ſecaretur in paries, ſed ſecundum menſuram donationis diuinæ quæ erat in Moyſe, gratia ſingularis facta eſt multiplex & communis, & data eſt multis in eo poteſtas, quod prius ſolius Moyſi diſponebat autoritas.

4. Reg. 2.

Sic Helie ſpiritu duplicem recepit Eliſeus, nõ quòd in duas ſubſtantias idem ſpiritus ſit diuiſus, & duos propheta ſanctus habuerit ſpiritus, ſed quòd populo Chriſtiano, cuius typum Eliſeus gerebat, accepto ſpiritu ſancto, data ſit poteſtas in opere & ſermone, & aſcendentem Heliam, id eſt Chriſtum, pio deſiderio proſecutus fide claruerit & intellectu, & uita & ſignis & miraculis fulſerit & exemplis. Hic ſacrorum ordinum diſtributor reges creat & principes, ſacrat pontifices, eligit ſacerdotes. Hic ſapientia Salomonẽ, intellectu Danialem, Ioseph conſilio, Samſonem fortitudine, Moyſen ſcientia, Dauid pietate, Iob timore proſequitur, & ſanctorum animas omnimodis fœcundat uirtutibus, intantum aſſectus pacificos prouehens, ut iam in cœlis noſtra ſit conuerſatio, diſfuſa in nobis charitate per ſpiritu ſanctum, qui datus eſt nobis. Hic in pudicis mentibus ſibi ſtatuit manſionem. Hic humiles & cœlibes habet domeſticos, abominatur ærarios, falſarios

4. Reg. 5.

deſteſtatur. Hic Giezi mercenarium lepra cõdemnat, & Iero-

3. Reg. 13.

boam uedentem ſacerdotia cum apoſtatis locat. Hic Simonem

Actu. 8.

gratiæ Dei mundinatore a ſanctorum conſortio exheredat, cuius deſteſtabiles auſus ultrix ruina confundit & quaſſat. Hic

Num. 22.

Balaam ad maledicendum conducto ſilentiũ imponit, & per aſinam redargutum, collifo ad parietem pede, uacuum pecunia, contumelia oneratum, claudicantem ad propria remiſit

confusum. Hic omnibus ecclesiæ sacramentis interest, quæ ipse efficit & consummat. Hic peccata diluit, hic iustificat impios, & ad uitam reuocat mortuos. Hic discordes pacificat, & uinculo dilectionis astringit & ligat. Hic nos cælo inuehit, & à mundi huius uanitatibus auulsos superni regni constituit hæredes, cuius summa est felicitas, quod corpus istud spiritali effectum cum Angelis conuersabitur, nec ultra erit carnis et sanguis in aliquis appetitus, sed erit omnium plena sufficiëntia, cognoscibilis Deus, & inhabitator spiritus sanctus.

AD MOYSEN ET MAXIMUM ET CAETEROS CONFESSORES, De laude martyrij.



Etsi incongruens est fratres charissimi in hoc fauore dicendi aliquid trepidationis ad ferre, minimeq; deceat gloriam tantæ deuotionis infringere, ex eo quod fatear me cepisse dubitare: tamen identidem dico, ipsa animum deliberatione confringam: exequendæ laudis cupiditate succenditur, & ad loquendum magnitudine uirtutis inhibetur. Cum autem non deceat tacere, aut periculosum sit parum dicere, nisi quod hæc æstuanti res sola subuenit, quod uideatur ei facile ignosci posse, qui non timuit audere. Quam ob rem charissimi fratres, etsi potentia Dei oneratur facultas ingenij, ut quanto se in exprimenda martyrij dignitate protulerit, tanto ipso pondere laudis oppressa, atq; æstimatione rerum omnium, de quibus cum maxime loquitur, debilitata ac fracta, intra seipsa illaqueata oratione deficiat, nec habens liberis ac solutis in apertum sermonis eloquium uim tantæ laudis expromat. Tamen erit aliqua, nisi fallor, in eloquendo fides, quæ ipsius operis oratione munita uagè fundat, quod dicendo impar ingenij conscientia commoueat. Cum igitur fratres charissimi tot tantisq; rebus impli-

Cic. pro M^a lone.

citi, ad cōprobandos salutis eximios pulcherrimosq; proueni-
tus, omni studio ac labore nitamur, nequo ignauie metu ter-
ritus, uel reuocer, uel extinguar: cum si quis ad id uoluerit,
de quo agimus, intueri, se deuotionis expensa, atque ipsa eius
magnitudine ponderata, magis miretur audire potuisse, in quo
me positum & amplitudo rei premeret, & confusam gaudio
mentem in angustias animi uoti sui seruator urgeret. Nam &
quis est quem non ista res terreat? Quis non admirationis sue
pauore subuertat? Est etenim profecto, nisi fallor, & iam in
ipso conscientie rubore admiranda formido, quæ nos exagitet
pariter & inflammet. Cuius quanto penitus inspexeris pote-
statem, tanto ex ipso uenerande claritatis aspectu religionis
sue præmittat honorem. Considerare enim utiq; debetis, quan-
ta est gloriæ uita, qua licet maculam sordis & polluti corpo-
ris, licet modicè iniusta contagia, tantoq; temporis mundi cri-
men, exceptum unius ictu, remedijs expiare, quo & augeri
merces, & crimen possit excludi. Vnde omnis consummatio
& status uitæ in martyrio est collocatus. Hoc fundamentum
uitæ & fidei, hoc præsidium salutis, hoc uinculum libertatis
& honoris: & quauis sint & alia per quæ adipisci lux pos-
sit, tamē ad proximitatem muneris pœnis melius patrocina-
tibus peruenitur. Quantæ enim sit gloriæ ponderatè, huius
uitæ cupiditatibus, & quæ ab omni animo natura mundi, quæ
commercio segregatum contra aduersantes discrimen oppone-
re, nec sæuitiam torquentis horrere, animari hominem dolore
quo credatur extingui, & id sibi in augmentum uirtutis assu-
mere, quod cruciatui putat prodesse qui punit. Nam prædu-
rantibus licet guttis resultans ungula recurat in uulnus, exe-
untibus flagellis cum auulsa corporis parte rediens aliena du-
catur, stat immobilis tamen pœnis suis fortior: hoc solum se-
cum ipse conuoluens, quod in illa crudelitate carnificum plus
quàm pro qua patitur, Christus ipse patiatur. Nam quando
si

si negauerit dominum, pro eo crimem subeat, pro quo uicisse
 debebat, necesse est cum uiderit, cuncta tolerare, cui uictoria
 debetur & poena. Igitur quoniam res summa martyrium, tria
 sunt quæ ex eo nobis proposuimus esse dicenda: quid sit, quan-
 tum sit, cui rei prosit. Quid est ergo martyriū? delictorū finis,
 periculi terminus, dux salutis, iter, patientiæ magister, domus
 uitæ: quo profectò etiam ea occidunt, quæ in futuro discrimi-
 ne potuissent tormenta reputari. Per hoc & testimonium no-
 mini redditur, et maiestas nominis redampliatur: nō quod per
 ipsam noui possit, uel de scelere tractantes magnitudo eius in-
 fringi, sed quod redundet ad gloriæ cumulum, dum circūstre-
 pentis populi error impavidus animus dat doloris & minis
 frendentis inuidiæ ad Dei titulum. Quod quantum sibi mens
 crescat, in pugna, quantum se ille putauerit uincere per Chri-
 stum hominem uoluerit coronare. Tunc ergo omne fidei ro-
 bur expenditur, tunc credulitas comprobatur, cum in sermo-
 nes uulgi atq; in opprobrium ueneris: cumq; te inter illas po-
 pulares insanias religiosa mente firmaueris, conuincens scilla-
 cet ac repugnās, quicquid super persona tua in iniuriam Chri-
 sti profanus sermo iactauerit: ut cum ex aduerso mali moles
 opposita reluctatur, seriant scilicet fluctus, & reuolutū æquor
 identidem pulset, tamen hæret immobilis uirtus, nec undis cir-
 cumsputantibus adoperata succumbit, donec per scopulos uix
 digesta se supprimat, & superiacens in aperta littoris spatia
 ipsum æquor euadat. Quid enim in illis aliud quàm sermo uan-
 cuus, & inane colloquiū, & inanium uoluptas praua uerbosa
 rum? sicut scriptum est: Oculos habent & non uident, aures
 habent & non audiunt: Grauatum est cor insipiens eorum,
 ne quando conuertantur & sanem illos. Non enim dubium
 est, quin hoc de omnibus dixerit, quorum dura mens sem-
 per, et obstinata pectoris feritas, à deuotione uitali fugata dis-
 sentit, ducente dementia, furore rapiente, omni denique illos

Martyrium
 quid.

Psal. 115.
 Esa. 6.

immanitate uexante, qua instigantur pariter, ac feruntur: ut cum illis ad poenam suā facta sufficerent, poenam ipsam persecutionis agitatae, crimē onerare. Totum hoc in laude martyrij expectat, totum gloria passionis illuminat, in qua spes futuri temporis cernitur, in qua Christus operatur ipse, cuius aguntur exempla quae petimus: cuius et uirtus est qua repugnamus, et qua in hoc loco aliquid proferre suppetit. Summa nimirum est ista, atque admiranda dignatio, et quam nec mente concipere, nec uerbis ualeamus implere. Quid enim nobis amplius potuisset largiri, quam ut in se primus ostenderet, quid in alijs coronaret? mortalis factus est, ut immortales esse possemus: et humanae sortis exitū pertulit, per quē reguntur humana, ut nobis uideretur praestitisse quod passus est, confessionem tribuit martyrio subiectis: omnia denique quibus lux supprimi posset, in remedium salutare natiuitatis suae meritis religauit humanitate praecipua, uirtute diuina. Cuius rei quia qui digni esse meruerunt, caruerunt omni hac mundi teterrima labe, subactae mortis conditionem uicerunt. Non enim dubium est quantum a domino consequantur, qui saluti suae nomen Dei praetulerint, ut in illa iudicij die meliores cruor faceret, sanguis suus esse monstraret. Mors quippe integriorem facit uitam, mors magis deducit ad gloriam. Sic quotiescunque latentes stipulis distenta imbribus frumenta turgescunt, foecundae messes coguntur aestate. Sic quoties ferro uitis abscinditur.

Vergil. in Georgicis. erumpentibus pampinis, melius uita uestitur. Nam et in augumentum prouenturi temporis, quicquid iniuria sua proficit, flammās quippe plerūque agris iubet immittere, quo calore uigantis incēdij caeca terrae spiranēta laxare iubet stipulas, crepitanti igne torrere, ut se in altius grauida seges tolleret, paraturientibus culmis densior arista floreret. Igitur talis et martyrij primō casus. postmodū fructus est, qui morte uitam condemnat, ut uitam morte custodiat. Quid enim tam eximium atque

sublime est, quàm inter tot instrumenta carnificum deuotione robusta cunctam fidei reseruare uirtutem: Quid tam magnum atq; pulcherrimum, quàm inter tot circumstantium gladios libertatis suæ dominum, ac salutis autorem, repetita sæpius uoce protestari? & maxime si ante oculos tuos ponas, nihil de te stabilius esse dedecore, nihil foedius seruitute, nihil aliud te debere iam petere, aliud optare, quàm eripiendum esse cladibus seculi, exuendū malis mundi, nec inter ruinas orbis iam iamq; perituri, alienum à terrena cōtagione uersari? Quid enim tibi cum hac luce, cui lux æterna promissa est? Quid cum hoc uitæ naturæq; commercio, quem cæli amplitudo deposcit? An teneat cupiditas ista uiuendi? Sed post inexpiabile malum se uiuens ignis æterna scelerum ultione torquebit. Teneat cupiditas ista uiuendi, quibus & mori poena est, & durare tormentum? Tibi iam & mundus ipse succumbit, & terra cedit, qui morientibus cunctis ad hoc reseruatus es, ut martyr esse potuisses. An non quotidiana cernimus, nouos exitus diuturnos factis & seuientibus bis inexpers cuiusdam cladis exitia, ac strages populatarum urbium intuemur? ut possimus agnoscere quanta martyrij habenda sit dignitas, ad cuius gloriam nos cogere & iam salus coepit. Etenim charissimi fratres, respicite ad hoc, quæso uos plenius, in quo & salus uertitur, & sublimitas computatur, licet nō sim nescius, etiam uos iudicijs contineri: ne qui ignorarent hanc esse nobis traditam disciplinam, ut sine ullo terrore militiæ uim tanti nominis tueremur: quippe quos pridem à desiderio lucis istius cupiditas æterna memoria deduxerit, quos futurorū uota diu fefellerint, quosq; ab omnibus uitijs optanda Christi societas segregarit: nec si hic exitio succumbere morti animam dubitanus offerre. Nec iam retinenda sunt nobis, & amplectenda beneficia diuina: quorum ultra rerum ardorē, tanta sit ista merces, quantum in dicendo humana mediocritas, uix possit implere. Sanguini no-

stro patet cœlum : sanguini gehennæ, cœli tabernaculum . Et
 inferus omniũ glôria pulchrior sanguinis titulus & integrior
 corona : signatum sit quoties de hoste triumphabilis spolijs,
 onustus spolijs miles ingreditur , uulneribus suis gaudens . Sic
 quoties tempestatibus diu nauta fatigatus littora tuta contige-
 rit , felicitatem suam depresso periculo ducit . Est enim profectò,
 nisi fallor, labor lætus, per quem securitas inuenitur . Igitur
 toleranda sunt omnia , patienda cuncta , nec appetendum
 quomodo id gaudeas tempore, & perpetuo puniaris ardore.
 Meminisse enim debes, uelut quadam te fœderis pactione cõ-
 strictum , ex qua aut capeßendæ salutis sit iusta conditio , aut
 poenæ merita formido : stant inter aduersa pariter ac prospera
 arma & tela, hincq; te secularis ambitio, inde cœlestis admo-
 net magnitudo. Si salutē times perdere, scito mori posse. Por-
 rō autem contemnenda tibi mors est , cui Christus occisus est
 ante oculos , tibiq; cõcurrāt dominicæ promissionis exempla,
 concurrant oblata præmia & parata discrimina , quantamq;
 inter se habeant difficultatem , res utraq; conspicio . Pote-
 ris enim confiteri, nisi scias quantum noceat, si negaris. Cœlo
 martyres gaudēt, ueritatis uimicos ignis absument. Paradisum
 Dei testibus floret, negatoris gehēna æternus ignis inardescit.
 Et ut de cæteris taceam, hoc nos utique magis debet hortari,
 quòd confessio uocis unius Christi perpetua cõfessione serue-
 tur: sicut scriptum est: Qui me confessus fuerit in terris coràm
 hominibus, & ego cõfitebor eum corā patre meo, & coràm
 Angelis eius. Ad hoc accedit ad gloriæ cumulum , ornamenta
 uirtutum. Ait enim: Fulgebūt tanquam scintillæ in arundineto
 discurrentes: iudicabunt nationes , & dominabuntur populis.
 Magna est enim fratres charissimi uita salutis æternæ hone-
 ste passionis ornare, magna sublimitas ante ora domini, aspe-
 ctumq; Christi potestatis humanæ tormenta contemnere , nec
 horrere. Sic Daniel minas & leonum frementium rabiem per

constantiam fidei suæ uicit, dum adorandum nullum alium esse quam Deum credidit. Sic in camino pueris constitutis in se arsit incendium, dum ignes iussi tolerant, quod de gehenna domino credo metuebant. Vnde & retulere condigna non in posterum tracti, non salutis æternæ præmio reseruati. Fidem illorum Deus uidit, ut quod sibi post exitum promiserant, uterentur in corpore: nec enim poterit æstimari, quanta in præseuti tributa sit merces. Si seuitia fuit, cessit: si flamma consistit. Vna mens enim omnibus, quam nec uolentia frangeret, nec ira subuerteret, nec à deuotionis obsequio timor mortis inhiheret. Vnde per gratiā Dei factū est, ut sic in illis rex potius uideretur punitus esse, dum euadūt quos se crediderat occidere. Nunc iam ad eandem, fratres charissimi, ueniā, ex qua ostendere satis possum, quanta martyrij uirtus habeatur, quæ etiam etsi est omnibus nota, pro quingentis charitatis insignibus expetenda, tamen plus addidit necessitas temporis desiderio uoluptatis: Etenim est in numeris magnis, si eo tēpore quis coronetur, quo coronatum se putat si fortē moriatur. Igitur cum sit sublime excelsūq; martyrium, nunc magis est necessarium, quo mundus ipse subuertitur, partimq; orbe concusso natura deficiēs ultimi exitus monimēta testatur. Nam & cum cælo imber incumbit, pluuias & triste prætendit, & quoties atra tēpestas horrēti imminet pelago, per inter apertā fluminū noctē coruscantiū fulmina relucescunt: sed & cum magnis mare fluctibus uoluitur, paulatim unda se tollit, paulatimq; æquor albescit, donec certa sit postmodū ruere, ut in illis quibus retunditur saxis spumam altius iaciat, quam undam tumidum pelagus expuebat. Legis scriptum esse, usq; quadrantem nos ultimū reddere: sed hæc pars ablata martyribus. Etenim qui salutis æternæ cupiditatibus freti huiusce desideria uicerunt, hos expertes doloris uniuersi, domini propitiatio coronabit. Igitur hic primū, charissimi fratres, poterimus expone

re, quanta martyrij uirtus possit impleri. Atque ut transeam, nunc iam meminisse debemus, quanta sit gloria, ad Christum immaculatum uenire, cōsortem passionis existere, perpetuāq; cum domino eternitate regnare, carere exitijs imminentibus seculi, nec inter cruentam morborum populantium stragem in communi cū cæteris sorte misceri. Atq; ut sileam de cæteris, si tibi in his naturæ lubricis malis posito, uitæ promitteretur excessus, non ne omni mente gauderes? Si qua te in huius mūdi turbinibus fluctuātem uicina arceberit requies, non ne mortem pro remedio computares, positus inter arma carnificum, ac tela præliantium, quæ sit ista sublimis ac fortis, considerans quanta sit poena negare eo tempore, quo frui seculo nequeas, cuius caueis careas: quoniam quidem grauiora tormenta ac puniendi noxias artes in perniciem nostram dominus sciebat armari, quo fortes ad omnē tolerātiā faceret: Fili accedens ad seruitutem Dei sta in iustitia et timore, et præpara animā tuam ad tentationem. Sed et beatissimus Paulus exclamauit et dixit: Mihi uiuere Christus est, et mori lucrū. Quam ob rem, charissimi fratres, fide firma, deuotione robusta, contra omnes seculi atroces et asperos insequentiam fremitus aduersa uirtute resistendum, nec timendum, quorum spes eternitatis et iusta cœlestis est quorumq; ardor in cupidine lucis succenditur, et salus de promissa immortalitate letatur. Hoc uerò quod catenis arctantibus manus et circumacti graues ceruicibus nexus solido deprimunt pōdere, uel eculeo corpus extensum, candentes stridet ad laminas, non exempti sanguinis, sed tentationis est causa. Nam et ipsam martyrij dignitatem quemadmodum agnoscere possemus, nisi illam etiam cum damno corporis nostri cogereur optare? Sensi equidem, nec me ueritas fallit, cum sæuæ incumbentium manus membra diuellerent, artusq; lanitatos tortor seuiens exararet, nec tamen uinceret, circumstantium uerbis magnum usus est dici

Ecl. 2.

Philip. 1.

profecto, nescio quod non doloribus subigi, non pœnis agentibus frangi. Sed erant aliæ dicentium uoces, & puto liberos habet. Nam & illi societas in pœnis coniux, & tamen nec uinculo pignori cedit, nec obsequio pietatis abductus à proposito suo deficit. Noscenda res est, & uirtus penitus scrutanda uisceribus. nec enim leuis est ista quæcunque confessio, propter quam homo patitur et mori posse. Etenim charissimi fratres, uirtus est tanta martyrij, ut per illam credere etiâ ille cogatur qui te uult occidere. Scriptum est & legimus: In dolore sustine, & in humilitate tua habe patientiam, quoniam per ignem probatur aurum & argētum. Quoniam ergo nos terrenis tentationibus probat dominus, & his seculi malis scrutatur Christus, gratulandum nouis est, atque letandum, quod non nos perennibus reseruet exitijs, sed gaudeat ab omni contagione purgatos. Cæterum ab his quos hæreditatis participes adducit, & in regna cœlorum libenter adsumit, quid utique aliud quàm integritatis ambitum quæri ipse dixit, uniuerſa quæ iacentibus explicant campis, & quæ in obliquos se erigunt colles, & quos seculi magnitudo circummenit, & pelago circumfluente lubricum æquor includit? Quod si illi adiacent omnia, nec à nobis exposcit, nisi facta sincera, auro, ut ipse dixit, similes esse debemus. Aurum quippe cum reluctentibus, terris tremulo uideris splendere sub lumine, ros & liquidum flammis torrētibus resoluam. Nam & artificis grana, ferè sic est, caminis quoties sanè languētibus æstuans ignis euomit, aditu terrestri, carnali, angusto diues flammis eligatur, & refluentibus leuis arena retinetur. Vnde necesse est uniuerſa sufferre, quo possimus omni scelere carere, sicut per prophetam suum dixit: Et si coràm hominibus tormenta passi sunt, tamen spes illorum immortalitate plena est, & uexati in paucis, in multis bene disponentur, quoniam Deus tantum illos & inuenit illos dignos sibi, & quasi holocausti hostiam

accipit illos. Quod si te dignitas ambitiosa deterret & congesta in thesauris pecuniæ admonet magnitudo, quæ semper propositum bonæ mētis auertit, & deuotam pro Domino suo animam furiali elidit horrore, quæso repetas uerba cœlestia, nam id ipsum uox dicentis est Christi: Qui perdidit animam suam pro nomine meo, recipiet in hoc seculo cētuplum, & in futuro uitam æternā possidebit. Qua utique; qua nihil maius, nihil aptius, nihil utilius computare debemus. Nam licet pretiosarum uestium more purpuræ in imagines currat, & lentescentibus filis aurum erret ad speciem, nec de effosis grana, quibus incumbedi siue metalla thesaurus: uacua nisi fallor ista atque inania computabuntur, si adiacentibus tibi cunctis, sola salus tibi deesse uideatur, sicut spiritus sanctus loquitur, nihil nos in uicem animæ nostræ posse dare. Ait enim: Si totum orbem lucrificeris, & animā tuam perdidideris, quid proderit uobis? aut quam homo commutationem dabit pro anima sua? Vacua sunt enim uniuersa quæ cernimus, & quæ infirmis radicibus posita, soliditatis suæ uim nequeant sustinere. Nam quod & de seculo capitur, uetustate temporis frustratur, unde & quid esset dulce uel charum, uel quod salutis æternæ præferri cupiditatibus possit, dominicis amputata præceptis, iure proprio, ac lege priuata sunt. Ne in tormentis scilicet patrem filius frangeret, ne obstrictum durati roboris peccatus in aliam uoluntatem affectus forte mutaret. Solam ueritatem, salutemq; solam inter magnos complectendam esse cruciatu, suo Christus iure constituit. In quo coniux & liberi & nepotes, in quo omnis uiscerum soboles relicta, usurpanda uictoria est. Nam & Abraham sic Deo placuit, qui tentatus à Deo, & filio non pepercit, pro quo ignosci forsitan posset, si illum dubitasset occidere. Armauit manus religiosa deuotio, nec domini iubentis imperium pietas paterna neglexit. Nec horruit quod nati sunderet sanguinem, nec intremuit ad

uocem, & adhuc pro eo Christus non fuerat occisus. Quid enim charius eo, quàm qui ne quid inuitus hodie sustinueris, prius est quod doceret? Quid eo dulcius, qui cū ipse est Deus noster & dominus, tamen patientē pro se hominē regni coelestis efficit coheredem? O grande nescio quid sibi quàm illud conscientiae ratio uix sustinet carcere, quin magna semper miretur ad munera, siue quia tam large maiestas Dei, ut insperantibus cunctis etiam ea offerat, quae nobis contemplatione factorum nefas fuerat optare. Etenim si tantum salus daretur aeterna, pro ipsa perpetuitate uiuendi haberemur in gratia. At nunc cum coelum, & iudicandi de cæteris facultatem perenni seculo largiatur: quid est in quo spem remissis omnibus possit humana mediocritas experiri? Si iniurijs agris, prior actus est ille. Si cōtumelijs premeris, Dei munus imitaris. Unde & parū est, quicquid pertuleris pro eo, qui nihil amplius potes, nisi quòd in hoc salus uniuersa cōsistit. Quin martyrio totum ille promisit. Deniq; Apostolus cui cordi fuerunt semper uniuersa, cum instar numerum promissorum penitus miraremur: Aestimo, inquit, non esse condignas passionēs huius temporis ad superuenturam claritatem, quae reuelatur in nobis. Etenim secum ipse uoluebat quantae merces existerent, ut ei cui sufficeret morte carere, non tantum salutis daretur praemium, sed & conscendere coelum, coelum quod nec fugata lux cogit in noctem, nec alternis uicibus dies aperit in lucem, sed aëris liquidi serena temperies, per sudum igneo fulgore rutilantem puram explicat claritatem. Iam superest charissimī fratres, ut debeamus ostendere cui rei martyrium profit. Atq; illud profectò doceamus, quod nos ad hunc gloriae titulum metus excitet futurorum. Etenim quibus magna promissa sunt, magis magna sunt quae metuenda esse illis uideantur: Nam in arma miles ascendit priusquam se inimica hostis tela cōmouerint: Nec nauem aliquis statione subducit, nisi animum pelagi

Roma. 8.

pauor strinxerit. Sed & in tentatis suis opibus scrutator agricola non antè felici terram suscitatur uomere, quàm in puluerem, imbre concepto putris gleba soluat. Ita est omnis naturalis usus, nescire quid prosit, nisi agnoueris quod accidit. Vnde datur sanctis omnibus præmium, dum infliguntur iniustis tormenta factorum. Igitur quæ suis promiserit Dominus nemini qui nesciat dubium, sed nec quantis minetur ignarum. Et quoniam ita se attulerit sermo, ut de utrisque afferatur ratio: paucis quæ dixi, breuiter exponam. Sæuiens locus, gehenna cui nomen est magno plangentium murmure, & gemitu, & eruantibus flammis perhorrenda, spissæ caliginis nocte sæua semper incendia camini fumantis expirant. Globus ignium arctatus obstruitur, & in uarios pœna exitus relaxatur. Tunc sæuendo plurimo glomeratum in se ipse conuoluit quicquid ardoris emissi edax flamma cruciarit. Hic quibus recusata uox Domini & imperia fœre contempta disparibus coërcet exitijs, proq; merito salutis exactæ uires suas suggerit dum pars sceleris crimen imponit. Et alios quidem moles intolerabilis curuat, alios per abruptum cliuosi tramitis collem uis sæua præcipitat, & catenarum stridentium nexum graue pondus inclinat. Hic sunt & quos agens strictim rota & indefessa uertigo, & quos tenaci inter se densitate constrictos adhærens corpori corpus includat: ut & absumat incendium, & grauet ferrum, & se cruciet turba multorum, quibus aut inquisitus fuit semper Deus aut notus. Nunquam excidit locus ubi iacet gratia, ubi uiuentibus campis terra luxurians alumno se induit gramine & redolens pascitur flore, ubi altum nemora tolluntur in uerticem, & ubi arbor densior eamam uestit, quicquid curuantibus ramis scena deorsum iacens inumbratur. Omnia illhic non frigoris, nec ardoris, nec cū autumno arua requiescant, aut uere nouo tellus fecunda parturiat unius pœna feruntur æstate. Quippe cum nec mensibus suis tunc Lu

na deseruiat, nec per terrarum Sol montenta decurrat, aut in noctem lux fugata cōcedat. Habet populos quies leta senescens placida, ubi fons scaturiens medio sinu alvei prorumpentis emergit, & pauco per intervalla circuitu sinuosus flexibus labitur, ut in ora nascentium sibi fluminū diuidatur. Hinc ergo magna laus martyrum, hinc nobis corona uictorum, quibus maiora his repromissa sunt præmia. Quod uerò uel feris corpus obijciatur, uel imminens gladius non timetur, dignationis ostenditur ratio, manifestatur electio. Etenim incongruens fuerat, ut cum tanti muneris iudicasset in terrena uitia cordis, quærit, mœret. Merito enim nihil uobis ô boni martyres. denegatum: quos spes æternitatis, & salus lucis, quorumq; deuotio uniuersa coelestis, & mens dedita cernitur seruitutis. Merito, inquam, merito uobis nihil uelle non licitum, quorum animo despectus hic mundus, & alienata seculi facies, uelut confusa tenebrarum inhorruit cæcitate. Cui semper hic mundus loco carceris, tectum pro claustris, inuito semper habitus comineatus. Sic quippe triumphatibus uictoria, de his malis rapitur, quæ non pompatico congressu uana subiecit ambitio, aut popularis extulit magnitudo, sed quam coelesti cupiditate flagrantem suo Christus addidit regno. Nihil itaq; tam magnum atq; uenerandum, quàm quod liberat morte & facit uiuere, & dat perpetuò regnare sanctis. Hoc diuitibus aptum, miseris necessarium, omnibus gratum, quo letantur boni, releuantur abiecti, coronantur electi. Etenim omnium cultor uelut quoddam martyrio remedium uitæ dedit, quando alijs aliud pro merito eorum & tribuit, alijs pro misericordia sua tradidit. Vidimus quippe ad hunc nominis titulum fide nobiles uenisse plerosq;, ut deuotionis obsequium mors honestaret. Sed & alios frequenter aspeximus inter iustos astitisse, ut admissa peccata redimentes, cruore suo loti haberentur in sanguine, & reuiuiscerent interempti, qui uiuentes computabantur occisi. Mors

quippe integriorem facit uitam. Mors amissam inuenit gloriam. Nam hoc spes iam amissa percipitur, hoc salus cuncta reparatur. Sic cum ardentius aestuarit, supinis è collibus fluuii iubent elicere, & scaturientibus riuis aqua sitientia temperare, quo se in uberes culmos uicta agri ieiunitas funderet, pluuia imbre mentita seges densior inhorreret. Quid igitur, fratres charissimi, potissimum refram, quid uel dicam, sic in unum conuenientibus titulis dignitatis turbatur animus, deducitur sensus, & ipso conatu nitentis eloquii impar sermo euanescit? Quid enim dici satis esse possit, cum si uim æternæ salutis expresserit, occurrat ambitio, si ambitum dixeris, præueniat magnitudo? tres simul quæ congruunt, necesse est, quod dignum præferendum esse uideatur. Ita impetus orationis audentis uelut implicat os, quæ obuian ex aduerso martyrij exempla tenuerunt. Quæ uox, quæ litera, quæ uires instar muneris tanti capiant? sustinere confessionem uocis unius, aduersa succumbunt, læta proueniunt, parent regna, parantur imperia, deuincitur poena, mors subigitur, uita profertur, & instantis inimici repugnantia arma resoluuntur. Si delictum est, occidit: si mendacium, absistit. Vnde, quæso uos, hoc uestris mentibus ponderate, tantumque de nostra oratione percipite, quantum sciatis uos posse sentire. Veniat ante oculos uestros, qui dies ille sit, cum spectante populo, atque intuentibus cunctis contra terrenas cruces, & minas seculi inconcussa deuotione reluctetur, quam suspensi animi mentes, quæ solícite de ancipiti trepidatione gratulante formidine, puido quatiantur horrore, quæ illhic anxietas, quæ optatio precum, quæ uota memorentur, cum adhuc nutante uictoria, atque in incertos exitus casu meretrix capiti corona dependeat. Cumque illa pestilens ac suribunda consensio accendatur, ira inflammetur in insaniam, omnium denique pectoris rabie ac minis frendentibus terreatur. Etenim quantum hoc sit quis ignorat, ut præ doloribus uulnerum, non

ictibus quæstionum, uelut despecta nostra fragilitas, & humane uirtutis inopinata mendacia, stare hominem nec moueri, torqueri, nec tamen uinci, sed poena ipsa potius, qua cruciatur armari. Considerate quid sit, charissimi fratres, omnem martyrij firmitatem sensibus uestris animisq; proponite. Ecce animi cuiuslibet passione uocati gaudent iam pridem acciti è seculo martyres, gaudent bonorum omnium nuntij, gaudent pariter electi, ibi letatur milite suo dominus, letatur teste nominis sui Christus. Parum est quod dico, fratres charissimi, parum est, ita mihi magna ratio in hoc genere dicendi, ac moles admiranda suscepta: sed arbitrij, quæso uos, grauitas ab intentione propria non desit, sciens tantum de martyrio posse dici, quantum potuerit æstimari. Vnde & hæc sola exequendæ laudis fuit causa, non quo parem me gloriæ, atq; idoneum iudicarem, sed quòd tantam in illis cernerem esse uirtutem, ut & si pariam de eo dicerem, plurimum me dixisse profiterer. Nam præferatur licet bono fidei custodita iustitia, melioremq; se inter omnium laudes uirginitas immaculata cognoscat: cedat ita, ne sanguis summittatur cruori, illi elegerunt bonum, imitati sunt Christum. Nunc uerò, charissimi fratres, nequis me arbitretur omnem salutem, non alijs tantum quàm in martyrio collocasse: hoc profectò respiciat, neq; me tantum esse, qui loqui uideor, neq; ita, sed habere ordinem rerum, ut immortalitatis spes repromissa unius partis latere nitatur. Sed quoniam ita suo ore testatur esse habitacula penes patrem multa: mihi maius credidi eam gloriam, qua probantur hic homines, qui seculari indigni sunt uita. Igitur charissimi fratres, æmula religione certantes, uelut incentiuo quodam mercedis agitati, omnem uirium copiam tolerantiamq; subeamus. Non enim mouere nos debent caduca, quæ semper, & quæ iam euerisionem suam non modò lege proposita, sed & iam ipso fine temporis arguunt. Exclamat Iohannes & dicit: Iam quidem securis ad radicem arboris posita Math. 3.

- est, monstrans scilicet et ostendēs ultimam esse rerum omnium senectutem. Sed et ipse dominus: Ambulate, inquit, dum lucem habetis, ne uos tenebræ comprehendant. Quòd si illo tempore ambulandum nobis esse prædixit, quæ ut nos magis ambulare mus ostendit, atq; ut ad laudem martyrij redeam, uox est beatissimi Pauli dicentis: Quoniam qui in agone currunt, multi certant, unus autem accipit palmam: uos autem sic currite, ut omnes coronemini. Sed & alibi quo ad martyrium possit hortari, coheredes nos Christi uocauit, quin etiam nec omitteret:
- Rom. 8.** Si cum Christo, inquit, commortui estis, quid tanquam uiuentes in hoc mundo decernitis? Etenim charissimi fratres, qui resurrectionis præmia sustinamus, qui iudicij diem quærimus, qui denique cum Christo regnaturi sumus, seculo mortui esse debemus. Nec poteris optare martyrium, nisi ante oderis seculum, nec peruenire ad Dei præmium, nisi amaueris Christum. Non amat seculum, Christus enim abiectus est seculo, sicut &
- Gala. 6.** seculum Christo. Ita ut scriptum est: Mundus mihi crucifixus est, & ego mundo. Nemini amabilis fuit mundus, quem non ante damnauerit dominus, nec salute potuit frui æterna, qui
- Mat. 14.** mundi gloriatus est uita, uox est ista Christi dicentis: Qui in hoc seculo amauerit animam suam, in futuro perdet illam: qui autem in seculo oderit illam, in futuro inueniet illam. Sed &
- 1. Cor. 4.** apostolus Paulus: Imitatores, inquit, mei estote, sicut & ego Christi. Et alibi ipse: Volo uos omnes, ait, si fieri potest, imitatores meos esse. Dixit hoc ille qui passus est, & quod passus est, ad hoc passus est, ut imitaretur dominum, utiq; & nos ad hoc uoluit pati, ut per ipsum imitaremur Christum. Si iustus es et Deo credis, quid pro eo sanguinem fundere metuis, quem pro te toties passum esse cognoscis? In Esaia sectus, in Abel occisus, in Isaac immolatus, in Ioseph uenundatus, in homine crucifixus est, & de cæteris quidem taceo, quæ nec oratio potest dicere, nec animus sustinere: ulncitur conscientia humilita-

tis exemplo, & quanta considerat quæ dum pateretur accide-
 rint, miratur passum propter quem cuncta trepidarint. Dies
 fugit in noctem, in tenebras lux cuncta concessit, atq; inclinato
 per alternas uices pondere, omnis terra commota dissoluitur,
 turbati manes, monumēta nudata sunt, et sepulchris hiatu de-
 hiscentibus terræ, reddita luci corpora restituerunt, fluxu san-
 guinis mundus intremuit, scissa quæ foribus depēdebant uela,
 templum omne fugit qui moriēdo arguit seculum. Igitur cum
 ad exemplum dominicæ passionis, atq; ad omne testimonium
 Christi animam tuam ponas, nec fundere sanguinem metuas;
 martyrio totum necesse est cedat, martyrii inestimabilis glo-
 ria, infinita mēsurā, immaculata uictoria, nobilis uirtus, inesti-
 mabilis titulus, triumphus immensus. Quippe quo & propria
 confitentis laude præfertur, uelut socio Christi cruore decora-
 tus. Itaq; charissimi fratres licet sit hoc totum dominicæ pro-
 missionis & muneris, licetq; tribuatur ex alto, nec capiatur,
 nisi eius imperio, sed nec alimēto concipi aut exprimi uerbis,
 aut oratione percurri, aut quibuslibet eloquentiæ uiribus pos-
 sit impleri: tamen erit hoc beneuolentiæ uestræ, erit charitatis
 & amoris, si uolueritis nostri memores esse, cum in uobis do-
 minus martyrium cœperit honorare: uos intra summum illud
 altare, uos intra se magna illa uenerandi nominis sedes, ueluti
 sinu quodam gremij amplectentis includit, uos imperia perem-
 nis temporis sustinent, & illhic regnaturi semper & uicturi,
 O beati quibus uerè sint diuissa peccata, si tamen qui Christi
 compares estis aliquando peccatis. O beati quos à primordio
 mundi domini sanguis infecit, & quos merito splendore iste
 niueus amictus induerit, & candor stolæ ambientis ornarit.
 Videor denique ipse mihi iam cernere, proq; arbitrio men-
 tis humanæ ante oculos & aspectum diuinum illud mihi
 & insigne concurrit. Videor, inquam, mihi iam cernere, ut il-
 le uirorum nobilis numerus Christi sui gloriam iterq; comitea

tur. Ibit ante ora eius felix caterua uictorum, & densantibus turmis, uelut Solis exortu totum illuminatum agmen inferet potestatem. Et utinam per abiectio mihi istud uidere contingeret, sed hoc Dominus poterit efficere, quod nobis petentibus creditur non negare. Finis.

DE DISCIPLINA ET BONO PV

dicitur libellus, incerto autore, doctus tamen.



Liquas officiorum meorum partes nō estimo praterisse, diu semper enitor uel maxime quotidianis Euangeliorum tractatibus, aliquando uobis fidei, et sententiæ per Dominum incrementa præstare. Quid enim aliud in ecclesia Domini utilius geri, quid accommodatius officio episcopi potest inueniri, quàm ut doctrina diuinorum per ipsum insinuata collataq; uerborum, possint credentes ad repromissum regnum peruenire cœlorum? Hoc mei & operis & muneris, quotidianum uotuum negotium, absens licet obtinere conitor, & per literas præsentiam meam uobis reddere conor, dum uos solito more allocutionibus missis in fide interpello. Ideo conuenio, ut Euangelicæ radices firmitate solidati, aduersus omnia diaboli prælia stetis semper armati, absentem me non credo, si fuero securus. Veruntamen omnia quæ utiliter proferunt, & æternæ uitæ statum tractantibus, uel diffiniunt, uel promittunt, ita demum fructuosa sunt, si ad emolumentum operis diuine indulgentiæ uiribus adiuentur. Non solum proferimus uerba quæ de scripturarum sacris fontibus ueniunt, sed cum ipsis uerbis preces ad Dominum & uota sociamus, ut tam nobis quàm uobis, et sacramentorum suorum thesauros aperiat, & uires ad implenda quæ cognoscimus, tribuat. Periculum enim maius est, uoluntatem Domini cognouisse, & in Dei uoluntatis opere cessasse. Quamuis ergo ad multa uos negotia,
ad

ad diuinæ monitionis præcepta, semp ut scitis exhorter, quid mihi aliud uotiuum aut maius potest esse, quàm ut per omnia perfecti stetis in Domino? Tamen ut præcipue pudicitie claustra teneatis, quod & facitis, admoneo, scientes templum esse uos Domini, membra Christi, habitationem spiritus sancti, electos ad spem, consecratos ad fidem, destinatos ad salutem, filios Dei, fratres Christi, cōsortes spiritus sancti, nihil iam carni debentes, qua renatos ex pudicitia præter uolūtatem, quam uelle debemus, & nostra sit, præstetur etiam propter redemptionem, ut corrumpi non possit, quæ à Christo consecrata sit. Nam si Apostolus ecclesiam sponfam Christi pronuntiat, oro uos quantà pudicitia exigitur, ubi ecclesia inter matrimonia sponsa uirgo præstetur? Et ego quidē, nisi quod breuiter uos admonere proposui, latissimas satis puto, & locupletes pudicitie laudes proferre potui, sed superuacuum duxi laudare eam diutius apud colentes. Vos enim illam ornatis dum geritis, & plures eius laudes exercendo profertis, facti eius ornamētum, dum & illa uestrum est, modulo decore inuicem facerando, Illa uobis disciplinam bonorum suggerit morum, uos illi ministerium præstatis operum sanctorum. Nam & illa quātum, & quid possit, per uos apparuit, & quid uos uelitis ipsa demonstrauit, & docuit, copulatis in unum duobus bonis mantedatorum & rerum, ne quid inutile uideretur, si præceptis ministeria defuissent. Pudicitia est honor corporum, ornamētum morum, sanctitas sexuū, uinculum pudoris, fons castitatis, pax domus, concordie caput. Pudicitia sollicita non est cui placeat nisi sibi, pudicitia semper uerecunda, dum innocentie mater est, pudicitia semper ornatur solo pudore, bene sibi conscia de pulchritudine, si improbis displicet, pudicitia nihil ornamētum querit, decus suum ipsa est. Hæc nos commēdat Domino, connectit Christo, hæc expugnat omnia de membris illicita desideriorum prælia, pacem nostris corporibus inducit,

beata ipsa & beatos efficiens, apud quoscunque habitare dignatur, quam nunquam accusare possunt, nec qui eam non habent: uenerabilis etiam hostibus suis, dum illam multo magis mirantur, qui expugnare non possunt. Sed ut natura & in uiris probata semper & à sceminis appetenda, sic inimica eius impudicitia semper est detestanda, obscœnum ludibrium reddens ministris suis, nec corporibus parcens nec animis. De bellatis enim proprijs moribus, totum hominem suum sub triumphum libidinis mittit: blāda prius, ut plus noceat dum placeat, exhausti rem cum pudore, hostis continentie frequenter perueniens ad sanguinem: cupiditatum infesta rabies, incendium conscientie bonæ, mater impœnitentie, ruina melioris ætatis, contumelia generis, expugnans sanguinis & familie fidem, alienis affectibus suos inferens filios, in aliena testamenta sobolem ignoti & corrupti generis inducens. Quæ plerunque extra sexum ardens, dum se non continet intra concessa, parum sibi putat satisfactum, nisi in uiroꝝ quoque corporibus non uoluptatem nouam quærat, sed extraordinaria & portentuosæ contra ipsam naturam ex uiris per uiros monstra conquirat. Sed enim pudicitia locum primum in uirginibus tenet, secundum in continentibus, tertium in matrimonijs. Verum in omnibus gloriosa est cum gradibus suis: nam & matrimoniorum fidē tenere, laus est, inter tot corporis bella: & matrimonio de continentia modum statuisse, maioris uirtutis est, dum etiam licita reiiciuntur. Certe ex utero sanctitatem custodisse, & infantem se usq; in senectutem in sua ætate tota tenuisse, admirandæ utiq; potentie est, nisi quod blandas corporis leges non nosse, magis felicitatis est, notas iam uicisse, uirtutis est, sic tamen ut & uirtus ista de dono Dei ueniat, licet se in membris hominibus ostendat. B. Pudicitie, fratres, antiqua præcepta sunt. Quare antiqua dico? quia cum ipsis hominibus instituta sunt. Nam & ideo uir suus sceminæ est, ut præter

eundem alterū nesciat, & ideo uiro reddita est mulier, ut sub-
 iecto quod fuerat ei proprium, nihil requirat alienum. Sic &
 duo, inquit, erunt in carne una, ut in unum redeat, quod unum
 fuerat, ne separatio sine reditu occasionem præstet alterius.
 Inde & Apostolus Caput mulieris pronuntiauit uirum, ut
 coniunctione duorum pudicitiam probaret. Nam ut alterius
 caput membris aptum non potest esse, ita & alieno capiti mē-
 bra non sua: caput enim suis conuenit membris, & membra ca-
 piti suo, utraque naturali fibula in cōcordia mutua coherent,
 ne oriente discordia, de diuisione membrorum pactum diuini
 fœderis rumperetur. Addit tamē & dicit: Quoniam qui uxo-
 rem suam diligit, seipsum diligit. Nemo enim carnem suā odio
 habet, sed nutrit & fouet eam, sicut & Christus ecclesiā. Cha-
 ritatis cum pudicitia ex hoc magna præscriptio, si uxores di-
 ligendæ sunt à uiris suis, sicut & Christus dilexit ecclesiam,
 & ita uxores maritos debent diligere ut ecclesia Christum.
 Hanc sententiam Christus quando uxorem dimitti non nisi ob
 adulterium dixit, interrogatus tantum honorem pudicitiae de-
 dit. Hinc nata est illa sententia, Adulteras non sinetis uiuere.
 Hinc Apostolus dicit: Hec est uoluntas Dei, ut abstineatis uos
 à fornicatione. Hinc & illud dicit: Membra Christi, membris
 meretricis non esse iungenda. Hinc traditur Satanae in interitū
 carnis, qui proculcato iure pudicitiae, uitia carnis exercet:
 Hinc merito regnū cœlorū non tenent adulterii hinc est, omne
 peccatū extra corpus esse, solū adulterum peccare in suum cor-
 pus: hinc ceteræ præceptorum auctoritates, quas nūc recolere
 omnes non est necesse, apud uos præsertim qui illas nostis fre-
 quenter & facitis, quæ licet descripta nō sint, queruli tamē de
 his nō potestis esse. Adulter enim nō habet excusationem, aut
 habere potuit, quia ducere licebat uxore. Sed sicut matronis
 iura præscripta sunt, quæ ita sunt nexæ, ut diuelli inde non pos-
 sint: uirginitas uerò & cōtinētia extra ius omne sunt, nihil ad

Gen. 2.

Ephes. 5.

1. Thes. 4.

1. Cor. 5.

uirginitatem de matrimoniorum legibus pertinet, alitudine sua transcendit omnes, si ulla praua hominum leges ausa supergredi conatur. Virginitas æquat se angelis, si uerum exquiramus, etiam excedit, dum in carne luctata, uictoriam et contra naturam refert, quam non habent angeli. Virginitas quid aliud est quam futura uitæ gloriosa meditatio? uirginitas neutri sexus est: uirginitas est perseverans infantia: uirginitas est uoluptatum triumphus: uirginitas filios non habet, sed quod plus est, filiorum contemptum habet: non habet fecunditatem, sed non habet orbitatem: felix quod est extra partus dolorem, felicius autem quod est extra funerum filiorum calamitatem. Virginitas quid aliud est, quam soluta libertas? maritum non habet dominum, uirginitas affectionibus omnibus soluta est. Non matrimonij est dicata, non seculo, non liberis. Persecutionem non potest timere, dum illam de securitate potest prouocare. Sed quia pudicitie nobis breuiter sunt exposita præcepta, iam pudicitie ponamus exemplum. Plus enim proficitur cum in rem præsentem uenitur, nec de uirtute dubitatur, quando quod præcipitur, exemplis etiam sanatur. Exemplum pudicitie à Ioseph coepit. Adolescens Hebræus generosus de patre, generosior de innocentia, ob inuidiam reuelationum distractus à fratribus Israhelitis, in domum deuenerat hominis Aegyptij, obsequio et innocentia et tota seruitutis fide facilem et beneuolam in se animum sui prouocauerat domini, cuius faciem tam sermo liberalis, quam ætas omnibus commendauerat. Sed ista generositas ab uxore domini aliter quam decebat accepta est, in domus parte secreta, et sine arbitris allata, et facinorosis accommodata putauit se pudicitiam adolescentis incontinens mulieris impudicitia nunc promissis, nunc minis posse superare. Et cum retentus est uestibus, eo quod moliretur fugam, propter tanti facinoris audaciam, ipsas uestes relinquens, et corporis nudi sinceritatem habituus innocentie

Gen. 39.

testem, ad crimen impudicitiae suae impudens mulier adjicere non dubitauit calumniam: & cæteris & marito squallida & fruens, spreto desiderio suo, conqueſta eſt dolore ſimulato, quòd Hebræus adoleſcens uim ſibi molitus fuiſſet inferre, quã ipſa conata fuerat irrogare: Maritalis ardor rerum inſcius, & uxoris accuſatione grauiter inflammatus incenditur. Pudicus uerò iuuenis, quia delicto conſcientiam non miſcuit, in inum carceris truditur. Sed ſola non eſt in carcere pudicitia, nam eſt cum Joſeph deus, & nocentes dantur in manu eius, quia inno cens fuerat. Somniorum præterea obſcura diſſoluit, quia ſpiri tus in tentatione uigilabat, & per dominum liberatur à uin culis, qui in domo minore cum periculo fuerat, regiæ domus ſine periculo dominus effectus eſt, generoſitati ſuæ redditus fructum pudicitiae & innocentiae, deo iudice, à quo meruerat, accepit. Sed non minus ex parte diuerſa, aliud nobis pudicitiae ſimile, de continentia fœminarum exoritur exemplum. Fuit, ut legimus, Suſanna filia Helciae, uxor Ioachim pulcherrima, pulchrior moribus. Hanc nullum ad decorem commendabat ſpecies, ſimplex enim erat. Excoluerat pudicitia, & cum pudi citia ſola natura, In hanc ex ſenioribus duo coeperant deperi re, nihil memores nec diuini timoris, ſed nec ſuæ annis iã mar ceſcentis ætatis: ita illos in flagrantia tranſactæ iuuentutis in cendia, rediuiuæ libidinis flamma reuocabat, pudicitiae latro nes amorem profitentur, ſed oderant. Reſiſtenti minantur ca lumnias, adulterij ſe dicunt accuſatores, uoto adulteri. Inter duos libidinis ſcopulos auxilium de domino petebat, quia ui ribus corporis repugnare non ualebat. Et exaudiuit de cœlo clamantem ad ſe pudicitiam dominus, & cum iniquitate op preſſa duceretur ad pœnam, uidit inimicorum iberata uindi ctam. Bis uictrix, & in periculo ſuo tã funeſtè toties cõcepta & libidinem euasit & mortem. Inſinitũ erit, ſi exẽpla proſe quar plura, his duobus contentus ſum, præſertim cũ omnibus

sit uiribus per ista pudicitia defensata. Non illos emollire po-
 tuit in uita generosi sanguinis memoria, quæ in quosdam licen-
 tia lasciuia est ministra, non decor corporis & apte positorum
 figura membrorum, quæ suggerit plerumque quasi flos quidam,
 properans uelociter transire ætatis porrecta uoluptatis occa-
 sione pascatur: non anni primi uirentis, sed maioris ætatis, cum
 rudis adhuc sanguis æstuans, naturæ flammam accendat, & in
 medullis uersata cæca incendia ad remedium, uerum etiam per
 periculum pudoris itura, non ulla latebrarum, & sine ullo con-
 scio, quæ tuta quibusdā putatur occasio, quæ maxima uis est
 admittendi sceleris cum deliberationibus occurrit impunitas.
 Non posita necessitas de autoritate iubentium, & in temerita-
 te participum atque sociorum, quo genere franguntur etiam
 sæpe recta consilia. Non præmia ipsa & bonitas, non accusa-
 tiones, non minæ, non pœnæ, non mors, nihil tam sæuum, tam
 durum, tam triste, quàm cecidisse de alto pudicitia gradu. Di-
 gni tanto iudicis diuini præmio, quorum alter regio penè thro-
 no illustraretur, altera cōcordia mariti dotata inimicorum mor-
 tibus redderetur. Hæc sunt et his similia semper nobis ante o-
 culos exempla ponenda, his paria diebus noctibusque meditanda.
 D. Nihil animum fidelem sic delectat, quàm integra, immacu-
 lata pudoris conscientia. Vo'uptatē uicisse, uoluptas est maxi-
 ma: nec ulla maior est uictoria, quàm ea quæ cupiditatibus re-
 fertur. Qui hostem uicit, fortior fuit, sed altero: qui libidinē re-
 pressit, seipso fortior fuit: qui inimicum prostrauit, externum
 hostem percussit: qui cupiditatem depresso, hostem domesticū
 superauit. Malum omne facilius uincitur quàm uoluptas, quia
 illud quicquid est, horridum est, hoc blādum est. Nihil tam
 difficile opprimitur, quàm quod per illud armatur. Qui cupi-
 ditates tollit, & metus sustulit, nā ex cupiditatibus metus ue-
 niunt: qui cupiditates uincit, de peccato triumphat: qui cupi-
 ditates uincit, malum generis humani sub pedibus suis iacere.

ostendit: qui cupiditates uicit, pacem sibi perpetuam dedit: qui cupiditates uicit, libertatem sibi, quod est etiam ingenuis difficillimum, reddidit. Meditāda ergo nobis fratres, ut res docēt, semper pudicitia, quò facilius sit nullis artibus constat. Quæ enim illa consummata uoluntas, quæ nisi impediretur longe est, sed nostra est, ita non est acquirenda, sed fouenda quæ nostra est. Quid est enim aliud pudicitia, quam mens honesta ad custodiam corporis data, ut sexibus redditus pudor seueritate signatus, fidem honoris de incorrupta sobole seruaret? Pudicitie autem fratres competunt & cogniti sunt in primis diuinus pudor & præceptorum sancta meditatio, & animus propensus ad fidem, & mens attonita ad sacram religionem: deinde uidere, ne quid in se ultra modum sculptum, ultra honestatem productum, nequid proditum, ne quid arte fucatum, ne quid ad irritandos aut redintegrandos dolos lenocinatum. Non est pudica quæ affectat animum alterius mouere, etiam salua corporis castitate. Longe absint quibus pulchritudo non ornatur, sed prostituitur. Nam sollicitudo de pulchritudine, & male mentis indicium & deformitatis est. Sit natura corporis libera, nec diuinis operibus inferatur uis. Semper est misera, quæ sibi non placet qualis est. Quid capillorum mutatur color? Quid oculorum extremitates suffuscantur? quid facies artibus in diuersam formam conuertitur? quid postremo speculum consulitur, nisi quia ne ipsa sit timetur? Cultus etiam mulieris pudicæ pudicus sit; adulterium fidelis nec in coloribus nouerit. Vestibus aurum intexere, quasi pretio est uestes corrumpere. Quid inter fila staminum delicata, rigida faciunt metalla? non ut fluentes humeros premant, & luxuriam feliciter se animi iactantis, ostendant? Quid cum ceruices peregrinis lapidibus urgentur, & absconduntur? quorum pretia etiam sine artibus calendarium cuiusuis excedunt? Non ornatur mulier, sed uitia ostenduntur. Quid cum digitali auro or-

nerati, nec intrare possunt, nec egredi: utrum usus exposcitur, an patrimoniorum inanis pompa monstratur? Mirum negotium, mulieres ad omnia delicatæ, ad uiliorum sarcinas fortiores sunt uiris. Sed ut repetam quæ cœperam, colenda semper pudicitia uiris & scēminis, omni custodia seruanda est intra limites suos. Cito natura corporis periclitatur in corpore, dum rapit illam secum caro, quæ semper in lapsu est. Sub prætextu quippe naturæ quæ homines semper urget ad effectus, quibus ruinæ collapsi generis resarciuntur, blandimento uoluptatis fallentes, non ducit ad conscientiam legitimæ cōiunctionis sobolem, sed iactat in crimen. Ergo contra has carnis insidias, quibus se diabolus & socium miseriæ & ducem facit, oblectandum est omni genere uirtutis. Assumantur secundum Apostolum Christi opera, & à consortio carnis quantum potest animus colligatur, separetur cōsensus à corpore, uitia semper castigentur ut odiātur. Antè oculus obseruetur. Deformis est atque deiectus peccati pudor. Pœnitentia ipsa cum luctibus suis commissorum criminum inhonesta contestatio est. Nihil confideretur curiose in alienis uultibus, sermo & breuis sit, & sobrius risus, signum est enim animi facilis & remissimam contactus recedat etiam honestus, nihil corpori liceat, ubi uitandum est corporis uitium. Cogitetur quàm honestum sit uicisse dedecus, quàm inhonestum uictum esse dedecore. Dicendum etiam, quòd adulterium uoluptas non est, sed mutua contumelia: nec delectari potest, quod & animam interficiat & pudorem. Coerceat animus stimulos carnis, refrænet impetum corporis. Accepit enim hanc potestatem, ut illi ad impetum eius membra seruirent, & quasi legitimus ac perfectus auriga, ultra concessas corporis metas extollentes se carnis impetus, cœlestium præceptorum habenis reflectat, ne ultra terminos suos ciarrus iste corporis raptus in periculum suum secum & ipsum rapiat aurigam. Sed inter hæc immo

ante hæc contra turbas & uitia omnia de diuinis castris auxilium petendum est. solus enim potens est Deus, qui homines dignatus est facere, & plena hominibus auxilia præstare. Ego pauca dictaui, quoniam non est propositum uolumen scribere, sed allocutionem transmittere. Vos scripturas aspiciite, exempla uobis de ipsis præceptis huius rei maiora conquirite. Fratres charissimi bene ualete.

AD NOVATIANVM HAERETICVM

quòd lapsis spes uenire non est deneganda.



Ogtanti mihi et intolerabiliter aîo aestuanti quidnam agere deberem de miserâdis fratribus, qui uulnerati non propria uoluntate, sed diaboli fauientis irruptione, adhuc usq; hoc est, per longam temporû seriem agentes, poenas darent, ecce ab aduerso ob-

Iuxta facundus ac doctus libellus planeq; Cypriano dignus.

ortus est alius hostis et ipsius paternæ pietatis aduersarius hæreticus Nouatianus, qui non tantû ut in euangelio significatum est, sicut sacerdos uel Leuites iacentem uulneratû præteriret, sed ingeniosa ac noua crudelitate fauciatû potius occideret adimendo spem salutis, denegando misericordiâ patris, respuendo pñiam fratris. Mirum quot acerba, quot aspera, quot peruersa sunt. Sed facilius quis in alieno oculo festucâ perspicit, quàm in suo trabem. Nos aut fratres dilectissimi nō moueat, aut turbet hæretici istius perfidi abrupta dementia, qui cû in tam ingenti dissensionis et schismatis crimine cōstitutus, et ab ecclesia separatus sit, sacrilega temeritate non dubitet in nos sua crimina retorquere. Cum sit enim à semetipso nunc factus immundus, sordibus sacrilegis inquinatus, hoc nunc nos esse contendit. Et cum scriptum sit, canes foris remansuros, & Apostolus hos eosdem canes docuerit esse uitâdos, sicut legimus, ait enim: Vi-

Philip. 3.

detes canes, uidete malos operarios: rabiem suâ non cessat latratibus excitare luporum more, tenebrosam caliginē optare, qua

facile possit ferina sua crudelitate, oues à pastore direptas, spelunca tenebrosa laniare: aurum certe se suosq; quos colliguit, esse pronuntiat. Nec nos dubitamus desertores ecclesie apostatas factos, in aurum nunc facile potuisse conuerti, sed illud aurum in quo prima delicta populi Israël denotata sunt. Cæterum uasa aurea & argentea quæ ab Aegyptijs excussa sunt in dominica potestate, id est, Christi ecclesia, perseuerant, in qua si perseuerasses Nouatiane, uas forsitan & pretiosum fuisses, sed nunc te in paleas & in stipulam conuersum, nec intelligis, nec plāgis. Quid igitur uanis rebus extolleris? Damna potius quam lucra consequeris. Quid te ex quo pauperior factus es, diutem credis? Audi in Apocalypsi dominicam uocem iustis obiurgationibus increpantem: Dicis, inquit, diues sum, & ditatus sum, & nullius rei ego, & nescis quoniam tu es miser, & miserabilis, & cæcus, & pauper, & nudus. Has opes, has diuitias paupertatis pro certo possidere se credat, quisquis Christi ecclesia derelicta, ratione cæca, apud temerarios illos schismaticum daces, et dissensionis autores conuerti non trepidat, quos Ioannes antichristos appellat, quos euangelista paleis simulat, quos Dominus Christus fures & latrones designat, sicut ipse in euangelio declarat, dicens: Quia qui non introiit per ostium in ouile ouium, sed descendit per alteram partem, ille fur & latro est. Item in eodem quoq; ait: Omnes qui uenerunt fures sunt & latrones: Qui isti sunt, non desertores fidei, & transgressores ecclesie Dei, qui cōtra ordinē Dei nituntur? Quos meritò spiritus sanctus per prophetam increpat, dicens: Fecistis consilium non per me, & cogitationem nō per spiritum meum, adijcere peccata super peccata. Quid ad ista respondeāt peruersissimi Nouatiani, uel nunc infelicissimi pauci, qui ad tantam dementiam proruperunt, ut nec Deo, nec homini reuerentiam habuerint? Illic impudenter & sine ulla ordinationis lege episcopatus appetitur, hic autem proprijs

Apoc. 3.

Ioan. 10.

Esa. 30.

sedibus, & cathedra sibi tradita, à Deo renuntiatur illhic ueritas, aspernantur me, ut sacrificent mihi, nec offerunt oblationes sanctas filiorum Israël, nec accedunt offerre sancta sanctorum, sed accipiens ignominiam suam in errore, quo errauerunt: satis sit paucis probasse quidnam sint. B. Audite igitur Nouatiani, apud quos scripturae coelestes leguntur potius quam intelliguntur, parum si non & interpolentur. Sunt enim uestrae praeclusae aures, & corda cecata, qui nullum de spiritualibus ac salutaribus monitis lumen admittitis. Sicut Esaias ait: Excæcati sunt serui Dei, & merito excæcati, quia uoluntas schismaticorum non est in lege, quæ lex unam uobis & singularem designat ecclesiam, in illa scilicet quæ sub Noë ante diluuium Dei prouidentia fabricata est arca, in qua non tantum munda animalia, sed & imunda, ut tibi cito respödeatur Nouatiane, inuenimus esse reclusa. Quæ arca cum his quæ secum fuerant liberata est, in qua & cætera quæ in ea inuenta non sunt, diluuiio perierunt. Ex illa igitur arca remittuntur duæ aues, corax & columba. Qui corax uere hominum imundorum, & in tenebris perpetuis futurorum per seculi latam uiam, & imunda uescientium apostatarum futurorum, & ad ecclesiam se ultra non uertentium, figuram portabat, quem sicut legentes inuenimus emissum, et non amplius reuersum. Huic ergo aui, id est, imundo spiritui, quique fuerint similes inuenti, ad ecclesiam amplius reuerti non poterunt, qui & si uoluerint, Dominus prohibebit, qui Moyse præcepit. dicens: Omne uariū & imundum eijce foras extra castra. Columba autem emissa incōtinenti significatur reuersa, eo quod requiem non haberet pedibus suis, quam Noë recepit in arcam, & post septimū diem iterato emissam, recepit eā portantē suo ora oliuæ foliū. Et ego quidem fratres dilectissimi mi, non temere ista cogitas, nec humana sapiētia cōspirans, sed ut coelestis Domini dignatione necessarie, & pertinenter mētibus nostris concipere permittitur, dicā illā, id est, columbā dupli-

Esa. 6.

Esa. 6.

Gen. 6.

Leuit. 7.

Gen. 8.

cem nobis per semetipsum significare figuram: primā quidem & principalē suam, hoc est, spirituale, olim, id est, ab initio, diuinæ administrationis insistit, & sacramentum baptismatis, quod in salutem generis humani prouisum, et soli ecclesiæ cœlesti ratione celebrare, per os suū præostendit. Ter enim emissa ex arca, uolitans per aërem super aquam, significabat iam tunc ecclesiæ nostræ sacramenta. Vnde & dominus Christus

- Mat. 28.** Petro, sed et cæteris discipulis suis mādāt, dicēs: Euntes euangelizate gentibus, baptizantes eos in nomine patris & filij & spiritus sancti, hoc est, ut ternitas illa quæ sub Noë per columban figurā operata est, hæc nunc in ecclesia per nos spiritualiter operetur. Sumamus iam nunc & secundum personam columbæ ex arca emissæ, diluuij scilicet tempore, quando omnes abyssi proruperunt, quando cataractæ cœli patefactæ sunt super terram propter facinora hominum, quæ quotidie exercebant corā domino, sicut Moyses dixit: Et uidit dominus Deus redundare nequitias hominum super terram, & quòd omnes in malum recordarentur à principio dierum suorum, & dixit: Perdam hominem quem feci à facie terræ ab homine usque ad pecus, & à reptili usque ad uolatilia cœli. Emitteretur ergo tempore cataclysmi columba ex arca, aquis uiolenter toto orbe terrarum instantibus. Illa arca figuram ecclesiæ, sicut superius diximus, portabat, quæ uerberabatur hinc atque inde aquis insurgentibus tantum, Cataclysmus ergo ille, qui sub Noë factus est, figuram persecutionis, quæ per totum orbem nunc nuper supereffusa est, ostendit. Aquis autem, disruptis cataractis, undiq; conuenientibus & excrescentibus significabantur gentes, quæ ad uastandam ecclesiam excreuerunt. Sicut Apocalypsis docet, dicens: Aquas quas uidi sibi populi sunt, & gentes, & regna: columba autem quæ pedibus suis requiem habere non poterat, lapforum imaginem portabat, qui inmemores diuinarum prædicationum, uel sim-

pliciter ignorantes, uel audacter dissimulantes ceciderunt.
 Quorum dominus ruinam in Euangelio futuram his uerbis si-
 gnificauerat, dicens: Qui audit uerba mea, & non facit ea, si-
 milabo eum uiro stulto qui ædificauit domum suam super are-
 nam, uenerunt tempestates, & impegerunt in domum illam,
 & cecidit, & facta est ruina eius magna. Et ne temere compa-
 rasse uideamur, columbam illam lapsorum imaginem portare,
 Propheta ciuitatem ut columbam, hoc est, lapsorum personam
 increpat, dicens: Columba non exaudit uocem, id est, præclara
 & redempta ciuitas non recipit doctrinam, & in dominum fi-
 dens nō fuit. Quòd autem requiem pedibus columba illa, sicut
 superius dicimus, inuenire non poterat, hoc significabat uesti-
 gia negantium, hoc est, sacrificatorum, lubrici ueneno serpen-
 tis sauciata in lapsum conuersa, qui ulterius non possent super
 aspidem & basiliscum cōscendere, & draconem et leonem cal-
 care. Quam potestatem tradidit dominus discipulis suis, sicut
 in euangelio ait: Ecce do uobis potestatem calcandi super om-
 nem potestatem inimici, & super serpentes & scorpiones, &
 non nocebunt uos. Istis ergo tot & tantis malignis spiritibus
 instantibus, & in lapsorum necem insurgentibus, prouisa est
 uulneratis salutis uia, ut quibuscūq; uiribus possent toto se cor-
 pore protrahere, castris suis recipere, quibus recepti medelis
 spiritualibus uulnera sua curare. Recepta igitur columba, pau-
 cis etiam diebus interiectis, iterato emittitur ex arca, quæ re-
 uersa, non tantum firma uestigia, sed & insignia suæ pacis atq;
 uictoriæ, per illa oleæ folia, quæ suo ore portabat, ostendit. Du-
 plex ergo illa emissio, duplicem nobis persecutionis tentatio-
 nē ostendit: prima in qua, qui lapsi sunt, uicti ceciderunt: secun-
 da in qua hi qui ceciderunt, uictores extiterunt. Nulli enim
 nostrum dubium uel incertum est fratres dilectissimi, illos qui
 prima acie, id est, Deciana persecutione uulnerati fuerunt, hos
 postea, id est, secundo prælio ita fortiter perseuerasse, ut con-

Math. 7.

Sopho. 3.

Luc. 10.

temnentes edicta secularium principum, hoc inuictum haberent, quod & meruerunt exemplo boni pastoris, animam suam tradere, & sanguinem fundere, nec ullam insanientis tyranni seuitiam recusare. C. Ecce quam gloriosos, quam domino charos, schismatici isti ligna, scærum, stipulam appellare non dubitant: quorum pares, hoc est, in eodem crimine lapsos seu adhuc usq; constitutos, nec ad poenitentiam admittendos esse præsumunt, ex illa domini pronuntiatione, qua ait: Qui me negauerit coram hominibus, negabo eum coram patre meo, qui in coelis est. Proh dolor quid contra dominica præcepta contendunt, ut ea quæ Christus iudicij sui tempore sit acturus, hæc nunc stirps Nouatiani, patris sui exemplum diaboli secuta, nunc exercere conetur? dicente scriptura: Mihi uindictam, & ego retribuam, dicit dominus. Respōdebimus eis ad istam pronuntiationem domini, quam male intelligant, & male sibi interpreten-
 tur. Quod enim ait: Qui me negauerit coram hominibus, & ego negabo eum coram patre meo qui in coelis est: utiq; futuri temporis significatio est, quo tempore incipiet dominus secreta hominū iudicare, quo tempore tribunali Christi omnes nos oportet astare, quo tempore multi incipient dicere: Dñe domine, non ne in tuo nomine pphetauimus, & in nomine tuo demonia exclusimus, & in tuo nomine uirtutes multas fecimus? Et tamen audient uocem Dñi dicentis: Discedite à me omnes qui operati estis iniquitatem: nō noui uos. ibi adimplebitur qd' ait: Negabo et ego illos. Quos autē maxime negabit dominus Christus, nisi uos omnes hæreticos, & schismaticos, & nominis sui alienos? Qui enim aliquando Christiani, nunc Nouatiani, iam non Christiani, primam fidem uestram perfidia posteriore per nominis mutastis uelut, nūc propositioni uestræ respondeatis: Legite & docete, quem Dominus de his qui se dereliquerant uel negauerant, cum adhuc ipse hic esset, negauit: atqui & cæteris qui secum remanserant de discipulis ait:

Nunquid & uos uultis abire? Petrum etiam quem negaturum ante prædixerat, cum negasset, ipse non negauit, sed sustinuit, Ioan. 6. Luc. 22.
 & amare illam suam negationem flentem ipse postmodum lenit. Quenam est tua Nouatiane dementia, ut illa quæ ad exitum salutis pertineant, tantum legas: & quæ ad misericordiam, prætereas? clamante scriptura & dicente: Conuertimini ad me in toto corde uestro, in ieiunio, & ploratione, & planctu: & scindite corda uestra & nõ uestimenta, & conuertimini ad dominum Deum uestrum: quoniã misericors est, Ioh. 5.
 miserator et multæ miserationis. Ideo quia multæ miserationis est dominus, audiuius, audiamus quid per Dauid contestatur spiritus sanctus: Si dereliquerint filij eius legem meam, & in mandatis meis non ambulauerint, & si iustificationes meas profanauerint, & præcepta mea non custodierint, uisitabo in uirga facinora eorum, & in flagellis delicta eorum: misericordiam autem meam non dispergam ab eis. His similia et per Ezechielẽ legimus dixisse Dominũ: Fili hominis domus Israël habitauit super terram suam, & coinquinauerunt facinoribus suis. Sicut mulieris menstruata facta est imunditia eorum ante faciem meam, effudi iram meam super eos, & disseminaui eos inter gentes, & secundum peccata eorum iudicaui eos: quia coinquinauerunt sanctum nomen meum: & quia dictum est de his. Hic est populus Dñi, peperci eis propter uomen sanctum meum, quod spreuit domus Israël inter gentes: & coniungens ait. Propterea dic populo Israël. Hæc dicit Dominus. Non uobis parco domus Israël, sed propter nomen sanctum meum, parcam, quod coinquinaastis inter gentes: & scietis quia ego Dominus, cum sanctificatus fuero in uobis. Item Dominus ad eundem. Fili hominis dic populo Israël. Quare locuti estis, Psalm. 28.
 dicentes. Erroribus nostris tabescimus, & quomodo salui esse poterimus? dic eis, Viuo ego, dicit Dominus: quia nõ desidero mortem peccatoris, sed desidero, ut auertatur peccator à uia Ex. 33.

sua pessima, & uiuat. Redite ergo à uia uestra pessima. Quid morti uos traditis domus Israël? Sic per Esaiam prophetam:

Esa. 57: Non in æternum indignabor uobis, neq; semper non defendam uos. Et quoniam Hieremias propheta in persona populi peccatoris deprecatur Dominum, dicens: Emenda nos Domine,

Hic. 29. et. 42 sed in iudicio, & non in ira, ne paucos facias nos. Adiecit &

Esa. 57. dicit Esaias: Propter peccatū modice contristauī eum, & percussi eum, & auerti faciem meam ab eo, & contristatus est, et abiit tristis in uīs suis: & quia operatur, adiecit & dixit: Vias eius uidi & curauī eum, & dedi ei exhortationem, uerā pacem super pacem, pœnitentibus, deprecantibus, & operantibus restitui posse: quòd male perierunt, quodq; à Christo de-

Luc. 7. clinauerunt: deniq; hoc in Euangelio comprobatur, ubi illa mulier peccatrix describitur, quæ uenit ad domum cuiusdam Pharisei, ubi erat Dominus uocatus cum discipulis, portās uas unguenti, quæ stetit ad pedes Domini, & lacrymis suis lauit pedes Domini, & capillis extersit, osculis infixis, ut excitaretur ille Phariseus, & diceret: Hic si esset propheta, sciret quæ & qualis esset ista mulier, quæ eum tangit, quia peccatrix est. Vnde incōtinenti Dominus peccatorū remissor, et pœnitentiæ receptor ait: Simon, habeo tibi aliquid dicere. At ille respōdit, dicens: Magister, dic. Et Dominus: Duo debitores erant cuiusdam foeneratori: unus qui debebat denarios quingentos, & alius quinquaginta: & cum non haberent unde soluerent, amobus donauit. Et interrogauit, quis illorum plus diligeret. Et respondit Simon: Vtiq; ille cui plus donauit. Et adiecit, dicēs: Vides istam mulierem? Intraui in domum tuam, osculum mihi nō dedisti, hæc autem nō cessauit osculando pedes meos: pedes meos nō lauasti, hæc autem lacrymis suis lauit, & capillis extersit: oleo pedes meos non unxisti, hæc autem unxit: propter quod dico tibi Simon, quia remittuntur illi peccata eius. Ecce Dominus utrisq; debitoribus larga sua pietate debitū cōcedit.

Ecce

Ecce mulierem peccatricem poenitentem, flentem, deprecantem, & remissam peccatorum accipientem. D. Erubescere iam nunc si fieri potest Nouatiane, desine argumentis tuis impijs incautos decipere, desine unius capituli praescriptione terrere. Legimus et adoramus, nec praetermittimus coelestem Domini sententiam, qua ait negaturum se negantem, nunquid & poenitentem? Et quid ego tam diu miserationibus probare singula gestiam? quandoquidem Niniuitis, Allophylis, & longe à lege hominibus constitutis, propter ciuitatis suae annuntiatae euersionem deprecantibus misericordia Dei non denegatur? Ipsi illi Pharaoni sacrilega temeritate repugnanti, cum quondam coelestibus plagis uerberaretur, & conuersus Moyse dixisset. Orate pro me ad Dominum, quia peccaui, incontinenti ab eo suspendebatur ira Dei. Et tu iam Nouatiane iudicas, et nullam spem pacis ac misericordiae habere lapsos praedicas: nec increpanti te Apostolo aurem accommodas dicenti: Tu quis es, qui iudicas seruum alienum? domino suo stat aut cadit. Stabit autem, potens est Deus stabilire eum. Vnde pertinenter & necessarie ex persona eorundem lapsorum increpat uos spiritus sanctus, dum dicit: Noli gratulari amica mea mihi, quoniam si cecidi, & exurgam: & si in tenebris ambulauero, Dominus lumen est mihi. Iram Domini tolerabo, quoniam peccaui illi usque dum iustificet causam meam, & faciat iudicium & iustitiam, & producat me ad lucem. Videbo iustitiam illius, & ui debet me inimica mea, & cooperiet se confusione. Oro, non legisti? Nolite gloriari, & nolite loqui excelsa, & ne exeat maliloquentia ex ore uestro, quoniam erigit à terra pauperem, & à sterquilinio inopem, & sedere eum facit cum potentibus populi. Non legisti: Tu qui stas, uide ne cadas? Non legisti: Quia Dominus superbis resistit, humilibus autem dat gratiam? Non legisti: Qui se exaltat humiliabitur? Non legisti: Quia Deus perdit memoriam superborum, & non relinquit memo-

Rom. 14.

riam humilium? Non legisti. Quia quo iudicio quis iudicaue-
 rit, eum iudicari necesse est? Non legisti. Quia qui odit fratrem
 suum, in tenebris est, & in tenebris ambulat, & non scit quod
 eat, quia tenebrae excæcauerunt oculos eius? Vnde igitur &
 tam sceleratus, & tam perditus, tam discordiæ furore uesanus
 extiterit iste Nouatianus, inuenire non possum, qui semper in
 domo una, id est, Christi ecclesia, proximorum delicta ut pro-
 pria fleuerit, onera fratrum, sicut Apostolus hortatur, sustinue-
 rit, lubricos in fide cœlesti allocutiōe corroborauerit. At nunc
 ex quo Cainam illam hæresim, quæ non nisi tantum occidere
 gestit, exercere coepit, nec sibi nouissime parcit. Caterum si le-
 gisset, quia iustitia iusti non liberabit eum in die qua erraue-
 rit, & iniquitas impij non nocebit ei ex qua die conuersus fue-
 rit, iam olim in cinere poeniteret ille, qui semper poenitentibus
 aduersatur, qui in ruina facilius ædificatorum stantium ope-
 ratur, quam instructione iacentium ruinarum, qui multos ex
 fratribus nostris miserrimos falsis suis aduersationibus perter-
 ritos, iterum fecit Ethnicos, dicendo quod poenitentia lapso-
 rum sit uana, nec possit eis proficere ad salutem, clamante scriptu-
 ra, & dicente: Memento unde excideris & age poenitentiam, si
 quo minus, ueniam tibi, nisi poenitentiam egeris. Et quidem ad
 septem ecclesias scribens, singulis sua quoque facinora, & deli-
 cta ingerens, poenitemini dicebat, quibus? nisi illis scilicet, quos
 pretio magno sui sanguinis redemerat? O te impij scelestumque
 hæretice Nouatiane, qui post tot & tanta in ecclesia, à qui-
 busdam retro uoluntarie commissa crimina, quæ & tu ipse in
 domo Dei priusquam apostata esses, cognoueras: & hæc pos-
 se aboleri de memoria succedente bono, utique docueras, secun-
 dum fidem scripturæ, dicentis. Quia si conuersus fuerit fa-
 cinorosus ab omnibus facinoribus suis quæ commisit, & iusti-
 tiam fecerit, uita æterna uiuet, & non morietur in facinore suo.
 Delicta enim quæ commisit, abolebuntur de memoria succeden-

tibus bonis factis. Tu hodie retractas, an debeant lapsorum curari uulnera, qui nudati à diabolo ceciderunt uiolentia aquæ, quam suo ore serpens emisit post mulierem. Sed quid dicam? ait Apostolus: Laudo uos? in hoc non laudo, quia non in melius, sed in peius uenistis. Vbi enim sunt emulationes & dissensiones in uobis, nonne carnales estis, & secundum hominē ambulatis? Nec nos quidem mirari oportet, cur iste Nouatianus tam nefanda, tam graui in personam lapsorum exerce re nunc audeat: quandoquidem habemus exempla præuicationis huius præcedētia. Saul ille bonus, præter cætera, postea liuore euertitur, & contra Dauid omnia aduersa & inimica agere molitur. Iudas ille inter apostolos electus, qui semper in domo Dei unanims & fidelis, ipse postmodū Deum tradidit. E. Prædixerat quidem & Dominus multos esse uenturos sub pellibus ouium, rapaces lupos. Qui sunt isti rapaces lupi, nisi sensu subdolo conspirantes ad infestandum gregem Christi? sicut legimus ad Zachariam positum. Ecce ego suscito pastorem in terra, qui quod auersum est, non uisitabit, & carnes electorum manducabit, & talos illorum torquebit. Similiter & per Ezechielem increpat huiusmodi pastores, scilicet prædones & laniones dicam, ut æstimauerat, dicens. O pastores quare lac ebibitis, & coagulatum comeditis, & forte ad nihilū perduxistis, & infirmū non uisitastis, & claudicantē nō curastis, & erratē nō reuocastis, & permisistis populū meū errare inter spinas & tribulos? Propterea hæc dicit Dominus. Ecce ego ueniam aduersus pastores, & exquirā oues meas, & repellam eos, ut non pascant oues meas, & nō erunt eis amplius oues meæ in deuorationē, & exquiram eas sicut pastor gregē suum in die qua fuerit caligo & nebula: sic exquiram oues meas, & exquiram eas in omni loco, quocūq; disperse sunt: et quod perierat, requirā: & quod errauerat, reuocabo: & quod claudicauerat, curabo: & quod infirmū est, custodiam: & pa-

1. Cor. 11.

Matt. 7.

Zach. 11.

Ezech. 34.

scā oues meas cū iudicio. Quis ista loquitur? utiq; ille, q̄ relictis
 Luc. 15. nonagintanouem ouibus, quæsiuit illam quæ de suo errauerat
 Psal. 118. grege, sicut David dicit: Erraui uelut ouis quæ perijt: quā inuē
 tam Christus redit humero suo portās peccatricē delicatā, qui
 gaudens & exultās, uocatis amicis & domesticis ait: Congra
 tulamini mihi, quoniā inuenta est ouis mea, quæ perierat: Di
 co, inquit, uobis, quia tale gaudiū erit in cælo super uno pecca
 tore pœnitentiā agēte. Et subiungēs ait: Aut quæ mulier habēs
 denarios decem, & cum perdiderit ex denarijs unum, non ne
 accendit lucernam, & tota die domum suam emundat, quærēs
 donec inueniat? Et cum inuenerit, conuocat amicas & uicinas,
 dicens: Congratulamini mihi, quoniam inueni denariam quem
 perdideram. Dico uobis, quia gaudium erit in conspectu an
 gelorum dei super uno peccatore pœnitentiam agente. F. Ecō
 trario autem non agentes facinorum suorum pœnitentiā, quæ
 eos maneat, ex ipsius domini responso cognoscant. Legimus
 Luc. 13. enim in Euangelio, q̄ quidam uenerunt de Galileis ad domi
 num, annuntiantes ei de eis, quorū sanguinem miscuit Pilatus
 cum sacrificijs ipsorum: quibus respondit dominus, dicens: Pu
 tatis quia illi Galilei super cæteros Galileos peccatores fue
 rāt, quia passi sunt talia? non. Dico enim uobis, nisi pœnitentiā
 egeritis, omnes similiter peribitis. Aut illi decem & octo, su
 per quos cecidit turris in Siloa, putatis quia debitores fuerunt
 morti super omnes homines qui habitabāt in Hierusalē? non.
 Dico uobis, inquit, quia nisi pœnitentiā egeritis, oēs similiter
 peribitis. Excitemus itaq; nos quātū possumus fratres dilecti
 ssimi, & abrupto inertie et securitatis somno ad obseruāda
 domini præcepta uigilemus. Quæramus tota mēte q̄ perdid
 mus, ut inuenire possimus. Quia quærēti, ait scriptura, dabitur,
 Luc. 11. et pulsanti aperietur. Mūdēmus domū nostrā mūditiā spiritalia
 li, ut secreta quæq; abdita pectoris nostri, uero Euāgelij lumi
 ne radiata, dicāt: Tibi soli deliqui, et nequissimū in conspectu

tuo feci. Quia mors peccatorū mala, et apud inferos poenitētia nulla: habētes in cōtemplatione, maxime diē iudicij et retributionis, & quod ab omnibus nobis credēdū et firmiter est tenēdū, quia acceptio personarū nō est apud deū, cum praeceperit in Deuteronomio, nō accipiendā personam in iudicio: Non accipies, ait, personam, nec secundū minimum, nec secundū maximum iudicabis. His similia et per Ezechielem dixit: Omnes, inquit, animae meae sunt, sicut anima patris et anima filij. Anima quae peccauerit, ipsa morietur. Hic erit igitur à nobis uenerandus, hic tenendus, hic per plenā & dignā nostram confessionē propitiandus, qui habet potestātē animā & corpus mittendi in gehennam ignis, sicut scriptum est: Ecce uenit cum multis millibus nuntiorum suorum facere iudicium de omnibus, & perdere omnes impios, & arguere omnē carnem de omnibus uerbis impijs, quae de Deo locuti sunt peccatores. His similia & Daniel: Vidi, inquit, thronum positum, & uetusus die riam sedebat super eum, & uestitus eius erat tanquam nix, & capilli capitis eius tanquam lana alba: thronus illius flamma ignis, rotae illius ignis ardens. Flumē ignis prodibat ante eum. millia millium seruiebant ei, & millia millium assistebāt ei: ad iudicium sedit, & libri aperti sunt. Ioannes autem manifestus & de die iudicij & consummatione seculi declarat. dicens: Et cum aperuisset, inquit, sigillum sextū, ecce terrae motus factus est magnus, et factus est sol niger, ut saccus cilicinus, & luna tota sanguinea facta est, & stellae ceciderunt in terram, quō factus à uento magno agitata, mittit grossos suos, & coelum recessit ut liber cum inuoluatur, & omnis mons, & insulae de locis suis motae sunt: & reges terrae, & maximi quique, & tribuni, & diuites, & fortes, & omnis seruus, & liber absconderunt se in spelūcis petrarum, & in cauernis montium, dicentes montibus & petris, cadite super nos à conspectu patris sedentis super thronum, et ab ira agni: quoniam uenit dies inte-

Dent. 10.

Ezech. 18.

Dan. 7.

Apoc. 6.

- ritionis, et quis poterit stare? Item in eadem Apocalypsi hoc
 Apoc. 20. quoq; Ioannes dicit sibi reuelatum: Vidi, inquit, thronum ma-
 gnum, et candidum sedentē super eum à cuius facie fugit cœlū
 et terra, et locus eorum inuentus nō est: Et uidi mortuos ma-
 gnos Et pupillos stantes ante conspectum throni Dñi, Et li-
 bri aperti sunt, et alius similiter apertus est, qui est uitæ: Et iu-
 dicati sunt singuli secundum ea quæ scripta erant in libro secu-
 Ephes. 5. dum opera ipsorū. Sed Et Apostolus bonum cōsulens sic hor-
 tatur nos, dicēs: Nemo uos decipiat inanibus uerbis, propter-
 ea enim uenit ira dei super filios cōtumaciæ, nolite esse partici-
 pes eorū. Demus igitur totis uirib. fidei nostræ Deo laudē: de-
 mus plenā confessionē, qñquidem super pœnitentia nostra gau-
 deant uirtutes cœlorū, gaudeant angeli oēs, gaudeat Et Chri-
 stus, qui nos denuo peccatis oneratos, delictis obrutos, plena
 Et clementi moderatione cessare à facinore hortatur, dicens:
 Ezech. 18. Cōuertite uos Et redite ab impietatibus uestris, et nō erūt uo-
 bis iniquitates uestre ad pœnā. Proijcite à uobis oēs impieta-
 tes uestras, quas fecistis aduersum me, Et facite uobis cor nou-
 um, Et spiritū nouū. Et ut quid uos morti traditis domus Is-
 Esai. 43. rael? Nō enim desidero mortē peccatoris. Ego sum, ego sum q.
 deleo facinora tua, Et cōmemorabor te, tu aut in mente habe-
 et iudicemur. Dic tu facinora tua prius, ut iustificeris. Dū pa-
 tet fratres indulgētiæ aditus, deum plenīs satisfactionibus de-
 precemur. Humiliemus nos, ut exaltari possimus. Acquiesca-
 mus diuinæ exhortationi, qua euadere liceat diem domini, Et
 irā: dicit enim sic. Respice fili nationes hominū Et scito. Quis
 sperauit in domino, Et cōfusus est? permāsit in mādatis illius,
 Et derelictus est? aut inuocauit eū, Et despexit illū? quoniam
 pius Et misericors dominus, et remittēs in tēpore tribulatiōis
 peccata omnibus inquirentibus se in ueritate. Ait ergo, Dic tu
 facinora tua prius, ut iustificeris. Præ manu sit nobis oratio il-
 la exomologeseos plena.

beati Cypriani martyris.



AGIOS, hagos, hagos, sancte san-
ctorum pater patrum nostrorum, Deus
Abraham, Deus Isaac, Deus Iacob, Deus
apostolorum, Deus prophetarū, Deus uir-
ginum, Deus credentium, Deus & pater
domini nostri Iesu Christi filij tui, te inuo-

Hec uidetur
oratio quā in
dicat in fine
superioris li-
belli.

canus supplices pariter & deprecamur, qui ex ore altissimi
procreatus es ante mūdi dispositionē, & ex Mariæ sanctæ uir-
ginis utero p̄ mysterium editus, orantib. nobis desiderium ani-
mæ & integritatē cordis præstare dignare, ut lauacro salutari
recreatum pectus delictis carnalibus incolume persistat. Peti-
mus fide illibata, mēte incorrupta, deuotione robusta, opera-
tione, seu dilectione cōtinua, ut in ecclesia sancta tua nos flore-
re permittas, quoniā tibi flectimus genua, & curuamus cerui-
ces, cui angeli & archangeli, millia millium martyrū, chorus
apostolorum, & prophetarū gloria exultant: cui oēs aues can-
tant laudes: lingue confitentur cœlestium, terrestrium & in-
fernorum. Tibi omnes aquæ in cœlo sub cœlo confitentur, te
insensibilia sentiunt: tu es solus, et præter te nemo. Te quesu-
mus domine pater omnipotens, qui soli filio conspicabilis es,
cui angeli & archangeli obtemperant, & tibi domine pater:
te oramus, ut tribuas nobis mentem, integram innocētiam, syn-
ceritatem deuotam, conscientiam sanctam, puram, sobriam, ca-
stam, contra omnes insidias seculi gloriosa fide degentem, con-
tra diaboli minas, & carnales illecebras munitum pectus con-
cedas, nec uiolenti & cruenti letalibus laqueis implicemur, ut
signum salutis æternæ incolume perframus. Pelle à nobis
omnem seculi illuuiem, omnemq; diaboli persuasionem. La-
queetur, concidat, & separetur à nobis, & amoueat, sicut
à Sara famula tua Asmodeus demon nequissimus, extinctus
per angelum tuum sanctum Raphael. Et sicut Tobie affuisti,

ita mihi adesse digneris. Et ut tribus pueris in camino, & Dauieli misericordiam præstitisti: sic circa nos famulos tuos facere digneris. Qui mortuos suscitasti, et cæcos illuminasti, surdis auditum, mutis eloquia, claudis gressum, leprosis sanitatē dedisti: ita & da famulis tuis, qui te tota uirtute mentis credimus natum, passum, uenturū iudicare uiuos & mortuos. Assiste nobis, sicut apostolis in uinculis, Teclæ in ignibus, Paulo in persecutionibus, Petro in fluctibus. Qui sedes super septem thronos ad dexteram patris, respice nos & libera nos de æternæ mortis interitu: unus in uno, pater in filio, filius in patre, spiritus sanctus, per quem, & cum quo est tibi in sancta ecclesia honor, uirtus, claritas, maiestas, potestas, benedictio, immortalitas, & nunc in æternum, semper & in omnia secula seculorum. Amen.

O R A T I O BEATI CYPRIANI MARTYRIS,

quam sub die passionis suæ dixit.

d Omne sancte pater huius, Deus huius, & huius Deus meus, quis enim maior te? tibi gratias & laudem gero Deus Abraham, & Deus Isaac, & Deus Iacob, Deus patrū nostrorū, deus apostolorum, & Deus prophetarum, & Deus martyrorū, qui fuisti ante mūdi dispositionē, Deus uiuorū, uenturus iudicare uiuos & mortuos: qui es Deus uerax, qui sedes super Cherubim & Seraphim, & prospicis abyssos, qui uides cuncta prius quā nascantur, qui habes potestātē & rursus restituere, qui habes potestatem de arido uiride facere. Tu omnium Dominus dominator, libera me ab hoc seculo, & exaudi me orātem, sicut exaudisti filios Israel de terra Aegypti, et nō tibi crediderūt, nec famulo tuo Moyse. Væ peccatis meis. Cū te leuaueris confringere terram, sub qua fissura petrarum me absconditurus sum ab ante uirtutem tuam? Cui monti dicturus sum, cade super me: & cui colli, tege me ab ante metū Domini, cum te leuaue-

ris confringere terram? Rogo Dñe subueni mihi, noli secundū actum meū me iudicare: nihil. n. in præceptis tuis parui. Exaudi me orantem: sicut exaudisti Ionam de uentre ceti, sic exaudias me, & eijcias me de morte ad uitam, sicut Niniuite induerunt cinerem & cilicium, & pñiam egerunt. Exomologesin facienti ante cōspectum tuum pro uniuersis peccatis meis, qui es amator pñiæ, miserere mei. Sed & Dauid dicit. Dñe, ppter nomen tuum dele peccatum meum. Et ego deprecans maiestatem tuam, dele uniuersa peccata mea, & exaudi me orantem, sicut audisti tres pueros de camino ignis, Ananiam, Azariam, Misaelem, & misisti angelum tuū cum nimbo roris, et confusus est Nabucho donosor pæpositus regni, quoniā tu es rex regnantium & Dñs dominantium, qui solus habes immortalitē, et lucem habitas inaccessibilem, quam nemo hoīum uidet, nec uidere pōt. Exaudi me orantem, sicut exaudisti Daniele de Dan. 14. lacu leonum, & misisti Abacuc prophetam, & attulit ei prandium, & dixit. Prande prandium, qd' tibi misit Deus. Et dixit Daniel. Non relinquet Dñs quærentes se. Exaudi me orātem, sicut exaudisti Tobiam & Saram, dum orarent in atrio domus sue, tunc obtulit pro eis Raphael angelus orationes eorū, Tob. 6. sic & tu exaudias preces meas, & admittas ad aulam sanctam tuam orationes meas, et cōtinenter mittas angelum tuū qui deleat uniuersa delicta mea, sicut delesti spūm imundum à Sara filia Raguel, & illianines cor meum, sicut illuminasti oculos Tobie. Exaudi me orantem, sicut exaudisti Susannā inter mat- Dan. 13. nus seniorū, sic me libera ab hoc seculo, qā tu es amator puræ cōscientiæ. Exaudi me orantē, sicut exaudisti Ezechiam regem 4. Reg. 20. Iudæ, et delesti ab eo infirmitatem, sic et à me auferas infirmitatem carnis, et augeas mihi ad fidem, sicut illi auxisti annos quādecim ad uitā. Libera me de medio seculi huius, sicut liberaisti Teclam de medio amphitheatro, libera me ab omni infirmitate carnis meæ. Te deprecor pater maiestatis, qui in fine tempo-

rum misertus es nostri, mittens nobis Iesum Christum filiū tuum Dñm Deum saluatorem nostrū, natū ex Maria uirgine de spiritu sancto, annuntiante Gabriele angelo, per quem nos liberaſti de periculo mortis iminentis. Et te deprecor filiū Dei uiui, qui feciſti tanta mirabilia, qui in Cana Galilææ de aqua uinum feciſti, ppter Israel, qui cæcis oculos aperuiſti, qui ſurdos audire feciſti, qui paralyticos ad ſua mēbra reuocaſti, qui ſoluſti linguas bleſorū, dæmonio uexatos ſanaſti, claudos currentes feciſti, uelut ceruos, mulierē de pfluuiio ſanguinis liberaſti, mortuos ſuſcitaſti, ſup aquam pedibus ambulaſti, qui Petro labenti manū tradidiſti, qui mare fundaſti, & terminum ei poſuiſti, et dixiſti. Hucusq; uenies, & hic te confringes in uirtute tua. Te deprecor filium Dei uiui ppter uniuerſa cōmiſſa mea, qui es in coelis filius in patre, et pater in te in ſempiternū, qui ſedes ſuper Cherubim et Seraphim honoris tui. Tibi aſſiſtunt angeli, archangeli, numerus innumerabilis, timentes & pauentes honorē, et uirtutem tuā, clamantes uoce magna et dicētes, Sanctus, ſanctus, ſanctus dominus Deus ſabaoth. Tu ipſe nobis teſtamentū feciſti. Petite, et accipietis, pulſate, et aperietur uobis. Quodcūq; à patre meo petieritis in noīe meo, ego à patre peto, ut accipiatis. Ego peto, ut accipiam, quæro, ut inueniā, ego pulſo, ut aperiat ſibi, ego in tuo noīe peto, ut tu à patre petas, et detur mihi. Paratus ſum pp nomen tuum uictimam ſanguinis fundere, et quodcūq; tormentū ſuſtinere. Tu es Dñe adiutor meus et deſeſor, deſede me ab aduerſario meo. Angelus tuus lucis ptegat me, quoniā tu dixiſti, qd' credentes petieritis per orationē, dabitur uobis. Oīs homo mēdax, tu es uerax. Sicut tu repromiſiſti, ptātem habes Dñe dare mihi omne ſacm cœleſte, ut dignus ſim faciē ſanctorū tuorum uidere. Spūs in me opetur, uoluntas tua in me fiat, quoniam tibi ſponđi oībus diebus uite meæ, qui paſſus es ſub Pontio Pilato, bonam cōfeſſionem, qui crucifixus deſcendiſti, & conculcaſti

aculeum mortis. Deuicta est mors, deuictus est inimicus diabolus. Tu resurrexisti à mortuis, et apparuisti apostolis tuis, sedes ad dexteram patris: qui uenturus es iudicare uiuos & mortuos. Tu dominaberis, libera me de manu querētis animam meam. Per nomen tuum libera me ab aduersaria potestate, ut opem des uincendi inimicum meum, quoniam tu es potens assertor, et aduocatus precum, et petitionum nostrarum animarum. Die ac nocte interpellas pro peccatis meis, orationem meam perferas ad patrem tuum. Et tu Domine sancte pater digneris respicere super preces meas, sicut respexisti super munera Abel. Digneris me liberare ab igne & pena perenni, & ab omni tormento quod parasti iniquis: per bonam et benedictum Iesum Christum saluatorem nostrum, per quem ibi laus, honor, uirtus, et gloria in secula seculorum. Amen.

SERMO AVGVSTINI DE SAN-

cto Cypriano martyre, pius ac lectu dignus.



Sermonem à nobis debitum auribus et cordibus uestris exigit tam grata, et religiosa solennitas, qua passionem beati martyris celebramus. Tristis procul dubio tunc ecclesia fuit, et non dāno cadentis, sed desiderio recedentis, semper cupiens uidere presentem tam bonum rectorem, atque doctorem. Sed quo affixerat sollicitudo certaminis consolata est corona uictoris, & nunc non solum sine ulla tristitia, uerumetiam cum ingenti letitia, cuncta quae tunc gesta sunt legendo recolimus, dieque isto nobis gaudere concessum est, non timere. Neque enim formidamus terribiliter uenientem, sed expectamus hilariter redeuntē. Placet ita uniuersam illam fidelissimam, & fortissimam et gloriosissimam martyris passionem cum exultatione recordari praeteritum, quam tunc fratres sustinuerunt futuram. Primum itaque quod pro fide confessionis Christi in exilium Turibin missus est, non sancto Cypriano aliquid nocitum, sed multum illi praestitum ciuitati. Quod enim ipse mitteretur, ubi ille non esset, pro cuius testi-

Matth. 28. monium mittebatur? Christus ergo, qui ait. Ecce ego uobiscum
 sum oībus diebus usq; ad cōsummationem seculi, in omni loco
 membrū suum accipiebat, quocunq; furor inimici pellebat. O
 stulta infidelitas psequētis. Si quæris exilium quò christianus
 iubeatur ire: prius si potes, iueni unde Christus cogatur exire.
 De patria sua, in alienā te arbitraris excludere hoīem Dei, in
 Christo nusquā exulem, in carne ubiq; peregrinū. Sed iam me
 morare, et cōsiderare delectat post illud, qd' Cyprianus nō sen
 serat, sed inimicus putabat exilium, qd ex ordine passionis ip
 sum consecutū sit. Cum. n. Cyprianus sanctus martyr electus à
 Deo de ciuitate * Turibitana, in qua exilio præcepto Aspasij
 Pīni pconsulis missus fuerat, regrederetur, in hortis suis ma
 nebat. Et inde quotidie sperabat uenire ad se, sicut ostensum
 erat illi. Quid iam fremeret psecutoris impetus aduersus cor
 semp paratū, accedente ēt Dñi reuelatione formatum? Qñ. n.
 defereret patientem, qui nō est passus præoccupari nesciētem?
 Iam ergo q; ad eum passioni exhibendum duo missi sunt, qui
 eum ēt secum in circulum leuauerunt, in medioq; posuerunt, et
 hoc diuinæ ammonitionis fuit, ut gaudens recoleret ad eius se
 corpus p̄tinere, qui inter iniquos reputatus est. Christus nanq;
 inter duos latrones ligno suspensus, ad exēplū patientiæ præbe
 batur. Cyprianus aut inter apparitores ad passionē currū por
 tatus, Christi uestigia sequebatur. Quid illud q; cum in alium
 diem dilatus apud custodes esset, atq; illhuc se multitudo fratrū
 ac sororū congregans pro fratribus pnoctaret, custodiri puel
 las præcepit, quāta intentione considerandū, quanta laude præ
 dicandum, quanto præconio cōmendandum est? Vicina corpo
 ris morte, nō moriebatur in aīo pastoris uigilantia pastoralis,
 & cura tuendi dominici gregis, usq; ad extremum uitæ huius
 diem mente sobria tenebatur. Nec excutiebat ab aīo diligen
 tiam fidelissimi dispensatoris, manus iam p̄xima cruenti carni
 ficis. Ita se martyre cogitabat futurū, ut esse non obliuisceretur.

alias, Curibu
 tana.

episcopum, magis curans, quam rōnem pastorum principi de
 cōmissis sibi ouibus redderet, q̄ quid infideli proconsuli de fide
 ppria rñderet. Amabat quippe eum, qui Petro dixerat. Amas Matth. 16.
 me? Pasce oues meas. Et pascebat oues eius, pro qbus sanguinē
 fundere illum imitans properabat. Custodiri puellas praecepit,
 sciens se non solum habere simplicem dominū, sed et uersipel-
 lem aduersarium. Itaq; aduersus leonem aperte frementem in
 confessione uirile pectus armabat, aduersus insidiantem lupum
 in gregem sexum foemineū muniebat. Ita uere sibi consulit, qui
 Deum iudicem cogitat, apud quem cām gestae huius uitae, atq;
 ab illo sibi muneris iniuncti qsq; dicturus est. Vbi oīs homo re 2. Cor. 5.
 cipit, sicut testatur Apostolus, quae per corpus gessit, siue in bo-
 num, siue in malum. Ita sibi cōsulit, qui ex fide uiuens, et sata-
 gēs, ne ab extremo praecoccupetur die, extremum cōputat oēm
 diem, et sic deus placidos mores pducit usq; ad extremum diē.
 Ita sibi beatus Cyprianus episcopus misericordissimus, et mar-
 tyr fidelissimus cōsulebat, et non sicut eum lingua subdola dia-
 boli per os possessi aīe impij iudicis monere uidebatur, dicēs.
 Consule tibi. Cum. n. eius immobilem mentem uideret, qñ ei di-
 xit. Iusserunt te principes ceremoniari. Rñditq; ille, non facio:
 adiecit et ait. Consule tibi: ipsa est lingua subdola diaboli, et si
 non huius qui nesciebat qd loqueretur, illius tñ qui per eum lo-
 quebatur. Loquebatur. n. proconsul non tam secundum princi-
 pes hoīes, quorum iussa sibimet iniuncta iactabat, q̄ secundum
 principes potestatis aēris, de quo Apostolus dicit. Qui opera- Ephes. 2.
 tur in filios diffidentiae. Quem per huius quoq; linguam ope-
 rari Cyprianus nouerat, qd' ipse non nouerat. Nouerat, inquā
 Cyprianus, cum à proconsule audiret. Consule tibi: qd' caro et
 sanguis dicebat stolidē, hoc diabolus dicere subdole: atq; intue-
 batur in uno corpore duos, istum oculis, illū fide. Volebat eum
 iste mori, uolebat ille coronari. Proinde circa istum placidus,
 circa illum cautus, hic aperte rñdebat, et illum uincebat. Fac,

inquit, quod tibi præceptum est. In re tam iusta nulla est consul-
tatio. Dixerat quippe ille. Consule tibi. Consulit enim qui con-
siliū, uel impertit, uel quærit. Sed consul non à Cypriano con-
siliū accipere uolebat, sed eum potius, ut à se acciperet, an-
monebat. At ille, in re, inquit, tam iusta nulla est consultatio.
Non adhuc consulo, quia non adhuc dubito. Abstulit. n. mihi
dubitationē ipsa iustitia. Iustus aut, ut securus moriatur in car-
ne, certus uiuit in fide. Præcesserunt Cyprianum multi marty-
res, quos flagrantibus exhortationibus suis ad uincendum dia-
bolum accenderat. Et erat utiq; iustū, ut quos ueridicus loquē-
do præmiserat, patiēdo intrepidus sequeretur. Ergo in re tā in-
sta nulla est cōsultatio. Quid ad hæc dicamus, yd ad hæc exul-
temus tanta conceptione gaudiorū? In quid erūpat cor nostrū,
et os nostrū, nisi in ipsam uenerabilis martyris ultimam uocē?
Cum. n. Galerius Maximus decretū ex libello recitasset: Tha-
cium Cyprianum gladio aīaduerti placet, rñdit ille: Deo gr̃as.
Habentes igitur de rei tantæ memoria præsentis loci, festiuitatē
solenniſsimi diei propositionem saluberrimi exempli, om-
nibus medullis nostris et nos dicamus. Deo gratias.

F I N I S.

D. CAECILI CYPRIANI

MARTYRIS AD FORTV

natum de duplici Martyrio.



Vltisariā multisq; modis ago gratias For-
tunate mihi in domino charissime, diuinæ
benignitati, q, et tuam pietatem excitauit
ad extimulandum officium meum, ut unico
libello cōmilitonibus nostris materiā sub-
ministrarem, unde sibi gratia spiritus opi-
tulante, minimēta telaq; fabricarentur, aduersus persecutionū
incurfus: et mihi qd' petebas conanti, non dedignata est adesse,

et qd' utriusq; nostrum opam nō passa est esse sterilem, hoc est, quod mei Fortunati pium desiderium bene fortunauit, et mini stri sui officiū uoluit esse gregis sui beneficium. Scribis. n. ex eo libro multum roboris et alacritatis accēssisse strenuis, timidioribus aut et infirmis tantum animorum esse additum, ut ex his quoq; per Dei grām certam uictoriam nobis pmittere debeamus: eoq; libētius obtēperauī posterioribus tuis literis, quibus orat tua charitas, ut quoniā hoc auspicijs Dñi nostri Iesu Christi bene successit, addam uolumen alterū de duplici martyrij genere: quorū unum exhibetur, quam seuit tortorum immanitas: alterum occultius qdem est, sed nihilo minus fortem aīum postulat, multaq; diuinitus armatura cōmunitum. Vtinam et hoc munus Christi spūs per me fratribus, et cōmilitonibus nostris largiri dignetur, et quod dederit bene pspere, quēadmodum enim nihil sanctum, nisi illo sanctificante, nihil potens, nisi illo corroborante: ita nihil felix, nihil auspicatum, nisi illo pspere te. Sanē et urīs precibus et domini bonitate fretus, aggrediar. Martyr, ut ijs quoq; notum est, qui Græcē nesciunt, testem sonat. Quāquā aut post exortā euangelicæ ueritatis lucem, ecclesiastica cōsuetudo cognominis huius honorem, pprie tribuere coepit ijs, qui in tormentis usq; ad mortem perdurarunt in professione noīs Iesu Christi, & euangelicum instēm sanguine suo uelut obfignarunt apud incredulos: oīs tñ piorum uita testimonium reddit Deo: nō q̄ ille cuiusquam egeat testimonio, qui ex se fons est æternæ gloriæ, ut nec ullis hominum honoribus fieri possit honoratior, nec ullis mortalium ignominijs obscurior. Sed tñ ita uisum est æterno illius diuinoq; cōsilio, ut suam bonitatem, sapientiam, potētiam apud hoīes per hoīes uelit illustrari: sicut mundum gubernari uoluit per Angelos, cum Angelorum ministerio non egeat, multaq; hoībus per hoīes largiatur, quæ per se dare poterat, qui quicqd uult nutu potest, et cui uoluisse fecisse est. Et quāquā, ut dixi, ad illā ineffabilem

maiestatem nulla pertingit ignominia, tñ in scripturis ita loquitur, quasi per nos uel honoretur, uel ignominia afficiat. Nam in Deuteronomio cum Moyse expostulat, q̄ apud populū ob laticis penuriam murmurantem in Cades deserti Sin, ad aquas contradictionis non significarit ipsam inter filios Israel, & ob hanc offensam non est illi nec Aaroni datum ingredi terrā promissam, ac tot annis expeſtatam, sed tantū ē mōtis uertice procul aspicere licuit. Porro quod dictum est sãctificare pro glorificare, qui literas Hebræorum callent, affirmant esse sermonis illius proprietatem, qd' ipsam tñ ex alijs scripturarum locis liquere potest, si minus illorum testimonio fidimus, qñquidem et in oratione dominica, Sanctificetur nomen tuum, dictum est pro glorificetur siue clarificetur nomen tuum. Sic & Corinthios exhortatur, ut glorificent ac baiulent Deum in corpore suo. Sicut. n. nomen Dei glorificatur uita piorum hominum, in quibus ipse per sp̄m suum operatur, quicquid faciūt boni: ita e diuerso polluitur & infamatur malefactis eorum, qui se Dei cultores profitentur. Quemadmodum et militis uirtus, aut serui probitas redundat in gloriam ducis aut heri, ita militis ignauia, aut serui nequitia dedecori est duci aut hero, propterea q̄ horum mores magna ex parte pendent ab illorum moribus in quorum potestate sunt. Qui etiansi prorsus absunt ab omni culpa, tamen popularis exislimatio solet dominorum mores ex seruorū moribus æstimare. Vnde etiam hic uidemus diuinam scripturam frequenter iuxta mortalium affectus loquentem, uelut in Leuitico de eo qui de senine suo dedisset idōlo Moloch, dicit. Quia polluit nomen sanctum meum. At quod ab hominibus sanctificatum est, pollui potest: Dei uerò nomē in se semper est gloriosum, apud homines tantum contaminatur, quemadmodum mendax infamia non polluit uirum integrū. Sic & apud Ezechielem clamat nomen suum fuisse pollutū inter gentes impijs moribus Israelitarum. Quin & beatissimus Paulus scribens

scribens Romanis ex autoritate prophetæ dicit, appellans Iudeos legem profitentes, sed ea quæ lex uetat facientes, nomen Dei per uos blasphematur inter gentes. Et in oratione dñica, sicut attigi mō, ex autoritate redemptoris oramus, ut sanctificetur nomen Dei patris, hoc est, ut inclarescat, & illustretur apud homines, utiq; per hoīes, uel potius in hominib. Illustratur autem, si spiritus illius regnet in nobis, & si illius uoluntati obtemperetur in terris, quemadmodum in cælis nulla est rebellio. Quoniam autē hoīes ex sese nihil habent uirtutis, quicquid per nos rectē geritur, cedit in gloriam Dei, et ideo thesaurum diuinæ potētie promittit interdum ex uasis fictilibus, ut sublimitas sit uirtutis Dei, et nō ex nobis. Ergo quāquam omnis piorum uita martyrio suo glorificat Deum & Christum filiū eius, nullum tñ est illustrius testimonium apud hoīes, quā sanguinis, hoc est, uitæ propter Deum cōtemptæ, & mortis fortiter toleratæ. Reddiderunt & miracula testimonium diuinæ potentie, præsertim apud incredulos: nam his proprie data sunt signa, quemadmodum scribit beatus Apostolus, sed semper efficacius fuit sanguinis profusi testimonium. Quot morbos insanabiles uerbo sanarat dñs? Quot cecos illustrarat? Quot mancos, paralyticos ac debiles restituerat? Quot exanimis ad uitam reuocarat? Et tñ pauci credebant in eum, et audiebat, In Beelzebub eijcit dæmonia. Cæterum ubi uentum est ad sanguinē, ibi deiectum est Satanae regnum, ibi subactus est mundus. Cōmemorat & Ioan. Euangelista triplex in terra testimoniū, Spiritus, aquæ & sanguinis, quod efficacissimum est postremo recensens loco. Spiritum in columbæ specie descendentem super Iesum uidere meruit Ioannes Baptista, an alij uiderint incertū. Certē hoc testimonium Ioanni datum est, quo desinere dubitare de dño Iesu, an ille esset qui baptizaret spiritu et igni. Aquæ testimonium uidit Ioan. Euangelista, nec satis cōstat, solus ne uiderit, an cum multis. Erat quidē hoc ingens mysteriū

sacri lauacri, quo delentur peccata, sed uidit aquā simul effluere cum sanguine, qui nisi adfuisset, inefficax erat aqua. Quid enim pdest aboleri peccata, nisi succedat uita iustitiæ, quā confert sanguis? Quanquam hi tres unū sunt: unus enim Deus est, qui p spiritū, aquam et sanguinē declarat hoīum generi uirtutē ac bonitatē suam: aut ideo dicuntur unum esse, quoniam undiq; sibi cōstat testimonium, nec ulla ex parte dissonat: quē admodum quos arētissima iungat amicitia, pp summum aliorum cōsensum, unus aīus esse dicuntur. Ac iuxta sensum crassio rem hęc tria præcipua sunt in hoīe uitæ argumēta, atq; etiā instrumēta. Quādiu enim pulmonis officio attrahitur uicissim ac redditur halitus, certū uitæ indicium est: unde loquendi cōsuetudine, spirare dicūtur, qui uiuunt, & expirasse, qui uitam finierunt. Quin & aīa Latinis flatus dicitur, ad Græcæ uocis imitationē, qui uentum anemon uocant. Sup hęc, sunt in ipso hoīe subtilissimi spiritus, à corde ubi fontē habent sparsi p uni uersum corpus, sed præcipue p arterias cōmeātes, licet et alijs partib. oībus misti: hi si subito euolent, mortē præsentem adferunt: sin includantur, lenta ægrotatiōe cōsumunt hoīem. Adest & humor quidam naturalis, quē, ut arbitror, medici phlegma uocant, sparsus & ipse p uni uersum corpus. Huius usum nusquā sentimus euidentius, quā in sensu gustus. nisi enim hic admistus sit inter linguam & palatū, nullum erit palati iudiciū. Et tñ hęc sic mista sunt in hoīe, ut nō sit sanguis absq; spiritu & phlegmate, et pariter ad tuendam uitam cōferunt oīa. Videmus quoduis animal mori simul atq; sanguis effluxerit, et cōsumpto humore, quē medici radicalem uocant, nō aliter moritur homo, quā extinguitur lucerna cōsumpto oleo. Sed nimīū diu moramur in cōtemplatione naturæ, quod tamē nō inutiliter factum opinor à nobis, ut dilucidius fiat charitati uestræ mysterium, in cuius cōtemplatione ideo uersamur lubētius, quā salubrius. Nam iuxta naturæ cōsiderationem tunc ista magnā

uim habent, cum ī uiuo corpore sua munia peragunt: ac iuxta mysticam philosophiam, tunc demum plurimum ualent, cum corpus relinquunt. Nemo miratus est dominum humano more spirantē ac respirantē, sed cum in cruce clamore ualido emisset spiritum, simul intellectum est, illum & uerum fuisse hominē, & uerum deum: hominē, q̄ iuxta naturę ordinem, ubi uitalem flatum emisisset, desijt uiuere: Deum, q̄ simul cum ingenti clamore mortuus est, declarans se uolentē ac spontaneum deponere uitam, quod humanarum uirium nemo nescit nō esse. Sensit efficax testimonium spiritus uicinus Centurio: sic enim narrat beatus Marcus: Videns autē Cēturio qui ex aduerso stabat, quia sic expirasset, ait: Vere hic homo filius Dei erat. Quid morte abiectus iuxta carnem? sed nihil morte potētius iuxta spiritum. Erat & illud pręter naturę cursum, q̄ ē latere exanimati corporis, sanguis & aqua profluxit, ut absolueretur triplex testimonium. Totum effudit spiritū, ut nos respiraremus: quicquid erat humoris aquei reliquum, expressit, ut nos ablueremur: quicquid resederat in corde sanguinis emisit, ut nos cōfirmaremur. Atq; haud scio an perperā faciam hæc tria inter se conferens, cum sint unū, nō natura, sed in mysterio. Siqua tamen est discretio, sanguis in testimonij ratione potissimum celebratur, q̄ in hoc scriptura testatur esse uitam animantis, & ob id à cibis submouebatur edicto legis: præterea magis est expositus hominum oculis sanguis, quā spiritus aut aqua. Vita domini qui summus fuit martyr, quiq; & hodie pugnat & uincit in martyribus, plurimis fuit offendiculo, non iam loquor de Phariseis & Scribis, ipsis etiam cognatis ac fratribus fuit detestabilis, cum dicerent illum in furorem uersum: sed mors illius non solum pijs, sed impijs etiam fuit admirabilis, nec alibi magis uerum fuit, quod Dei uirtus in infirmitate perficitur. Ibi fracta est Satanae tyrannis, ibi deuicti sunt inferi, ibi triumphatum est de zabelo, ibi deiectus

orcus, cœlum aptum. Nimirum hoc erat quod instante mortis
 tpe deprecabatur dñs: Pater clarifica filiū tuum, ut filius tuus
 clarificet te. Quid hoīe mortuo cōtemptus? Quis enim uel
 Cēsare mortuū metuat? Sed Christi morte quid efficacius? Ve-
 lum tēpli scissum est à summo usq; ad imum: terra cōcussa est,
 saxa discissa sunt, apta sunt monumenta, reuixerunt sepultorū
 corpora, sol medio die obtexit faciem suā. Nunquam p oēm ui-
 tam magis declarauit potentiam suam, mox refractis omni-
 bus mortis repagulis uiuum se discipulis exhibuit. Nimirum hoc
 est, efficax illud sacrosancti sanguinis testimoniū, qui solus po-
 tuit dirimere maceriē, quæ Deum ab hominum genere separa-
 bat, solus potuit unica litura delere totum illud chirographū,
 quod erat cōtra nos, et Satane in nos ius uindicabat. Neq; n.
 sanguis hircorum, aut uitulorum potuit abolere peccatum, um-
 bræ erant illa typi futurorum. Nec ullus hoīs sanguis poterat
 tollere peccatum mundi, præter unici agni sanguinem, cui Ba-
 ptista tribuit testimoniū, dicens: Ecce agnus Dei, ecce qui tol-
 lit peccatum mundi. Plus est tollere peccatum, quàm peccata:
 & peccatum nō huius, aut illius, sed mundi: corpus enim pec-
 cati mundum uniuersum occuparat, hoc p Christum esse subla-
 tum, sanguis ipsius pro nobis effusus reddit euidentis testimo-
 nium: melius pro nobis loquens, ut inquit Apostolus, quā san-
 guis Abel. Siquidē ille clamans de terra loquebatur uindictā,
 at Christi sanguis de cruce clamans pacem loquitur, & recon-
 ciliationem. Quin idē sanguis quoniam à nobis bibitur, si mo-
 dō dignē bibitur, clamat in cordib. nostris uerba pacifica et so-
 latij plena. Et illhic triplex testimoniū, licet spiritali quodā
 modo. Clamat spiritus, qui nobis arabis loco datus ē, Ab-
 ba pater, testificans q sumus filij Dei. Clamat aqua, per quam
 renati sumus, q condonata sunt nobis oīa peccata: & si quis
 adhuc dubitat, accedit sanguinis testimoniū, clamantis, Quid
 adhuc hæsitās, quid adhuc pauitas tyrannum Satanam? ecce

Hebr. 12.

pretiū quo te redemit dei filius. Nisi te saluum uoluisset Deus, nō tradidisset unigenitum suum in mortē. Nemo maiore charitatē habet, quā ut aīam suam ponat pro amicis suis. Si nō est maius exiniæ beneuolentiæ testimoniū, quā si quis uitam im-
 partiat amico, grauius est dñici sanguinis testimoniū, qui pro inimicis effusus est. Effusus pro inimicis, fecit amicos et filios Dei, atq; ut cōsideremus hanc fore ppetuā amicitiam, reliquit nobis edendam carnem suam, reliquit bibendum sanguinē, ut p eadem aleremur, per quæ sumus redempti. Sanguinis aspersione cōfirmatū est uetus testamētum, quēadmodum Hebræis scribēs præclare docet beatiſs. Paulus: Christi sanguine cōsignatū, et corroboratum est nouum testamentum, hoc est, testamētum et pactum gratiæ, et remissionis peccatorum p sanguinē agni immaculati, qui in se recipere dignatus est totius mūdi peccatum, quod oēs ex Adam cōtrahunt qui prodeunt in hanc uitam, et cuius cōtagio peccant quicunq; peccant. Tanta autē est Christi sublimitas, ut fortasse nō oporteat quēquam cæterorum hoīum cum illo conferre, nisi ipse nobis tantam fiduciam præbuiſſet, qui nō dedignatus sit discipulos suos uocare amicos, seruulos suos uocare fratres et cohæredes. Quēadmodū igitur ille suo mirabili testimonio clarificauit patrē in hoc mūdo, atq; etiam in coelis, ita testimonium illius quodam mō consummatur testimonio sanctorum, quasi sit una passio domini et seruorum. Id nequis existimet parum religiose dictum, beatus Paulus nobis patrocinator, ita scribens Coloss. Qui nunc gaudeo in passionib. pro uobis, et adimpleo ea, quæ desunt passionum Christi in carne mea pro corpore eius, quod est ecclesia. Quis enim nescit fratres, quā uberē prouentum effudit ecclesiæ seges, apostolorum ac cæterorum martyrum sanguine irrigata? Quò plus sanguinis effusum est, hōc magis ac magis effloruit multitudo fidelium, hōc latius sparsit suas propages illa beata uitis, à Christo stirpe surgens, et occupans

orbem uniuersum, quacunq; patet ab oriente ad occidentē, ab aquilone usq; ad austrū. Ecce fratres dilectiſſi. à dñi redemptoris t̃pibus anni fluxerūt plus minus ducēti quadraginta, iamq; huius uitis palmites penē latius se sparserunt, quā Romanum imperium, efferas etiam nationes musto spiritus inebriantes, & quos nulla ferri uis domare potuit, emollit sanguis illius agni candidi. Qui naturæ causas scrutantur, narrant adamantē nulli chalybis duritiei cedentē, hircino sanguine maceratum, ictu malleorum disilire: nullus autē adamas corde saxeo peccatorū durior. Hoc igitur cor ferreum, cor saxeum, cor plus quā adamantinum emollit sanguis Christi, et huius martyrum, qui supplerunt, quod illius passionib. deerat. Hoc argumento summus ille pastor, & ut Petrus ait, princeps pastorum testificatus est se esse pastore bonum, quia aīam suam posuit pro ouib. nobis exēplum præbens, ut qui pro nostra qualicunq; portione uices illius gerimus, parati simus, et ipsi pro grege dominico sanguinē fundere, nisi malumus uideri mercenarij, quā pastores. Domini uerbis cōgruunt uerba discipuli. Cum enim dixisset se gaudere in passionibus quibus cōsummaret passionēs Christi, p̃petiēs et ipse pro corpore Christi, quod est ecclesia, qualia passus erat Dominus, causam adiecit cur ea libenter pateretur. Cuius, inquit, factus sum ego minister secundum dispensationē dei, quæ data est mihi in uobis, ut impleam uerbum dei. Et alio quodam in loco scribit se repleuisse Euangelium. Sicut ergo mortibus martyrum cōsummantur passionēs Christi, ita sanguine pastorum cōfirmantur promissa Christi. Nullum. n. instrumentum indubitabilius, quā quod tot martyrum sanguine signatum est. Hoc nimirum est implere uerbum dei, hoc est replere Euangelium. Sed interim grauissimus dolor oboritur aīo meo dilecti, dum mecū reputo, cum adhuc recēs ille Christi sanguis frueri debeat in cordib. fidelium, tam multos esse ī quib. refrixit charitas: atq; hoc grauius discredior, q̃ tales nō

paucos pastores habeat ecclesia, qui nō solū nō opponunt corpora sua aduersus luporum incursum, uerumetiā ipsi lupos agunt, dum mactant ac perdunt aīas simpliciū, ipsi uentri suo, quæstui, & ambitioni seruiētes: adeoq; non implent uerbum dei, ut illud cauponētur potius & impijs dogmatib. adulterēt: nec cogitant q. ille pastorum princeps seuerissimo iudicio repositet singulas oues, pro quib. redimendis sanguinē suum suaderat, de manibus eorū. Sed illos suum manet supplicium: nūc melius est, ut omīsis querelis nos inuicem ad officium quod Christo debemus, exhortemur. Triplex à Christo testimoniū accepimus, triplex illi testimonium reddamus oportet. Rudimenta fideliter tradamus baptizandis, perfectiora baptizatis. Cōfirmemus illos fructib. spiritus, ad cōlestem uitam prouocantes, & si res postulet, libenter etiam uitam cōmisso nobis gregi impēdamus, nostraq; morte uicissim deum clarificemus. Et necui uideatur mirum morte hoīum glorificari Deum, audi beatum Ioan. in Euangelio de Petro, cui dominus prædixerat fore, ut, ubi senuisset, ab alio cingeretur & duceretur quod nollet: ita loquentem, significans qua morte esset glorificaturus Deū. Quotquot igitur ab orbe cōdito propter Deū, propter iustitiā ac pietatē mortui sunt, morte sua glorificauerunt Deum. Nam eleemosynas, ieiunia, preces, aliaq; pietatis exercitia, simulant etiā hypocritæ: mortē nemo suscepit a lacriter, nisi qui certō persuasum haberet, nihil aduersi posse accidere ijs, qui psistunt in charitate Dei. Neq; tñ statim martyr est, qui occiditur: occiduntur & sicarij, & piratæ: nō supplicium facit martyrē, sed causa. Quod si qui leguntur sibi fortiter cōsciuisse necem, aut infirmitas erat, morte quærens dolum finē, aut ambitio, aut demētia: nec hoc est testimoniū præbere Deo, id facere, quod et Deo displicet, et gentiū etiam legibus prohibetur. Plurimū interest inter barbaricam immanitatē, et martyrium modestissimam cōstantiam, i se imbecillem, in

Christo fortē. Sunt qui certis artib. corpus stupefaciūt, ne sentiāt cruciatus, hoc mō se quidā malefici muniūt aduersus carnificū manus. Sūt et affectus impotētes, qui sensum adimūt aīo, ita ut uel mortē impauidi perferāt. Sed placidum illud ac mansuetum, illud humiliter sublime, & sublimiter humile nō uidemus nisi in Christi martyrib. Nō obtuentur trucib. oculis carnisficē, nō minitantur tyrāno: magis dolent de illorū cecitate, quā de suis afflictionib. Silicet clamat et in illis Christus, Pater ignosce illis: quia nesciunt quid faciunt. Nō aliud spectant quā in coelum, ubi spem oēm habent repositam. Sic ipse dñs uelut agnus sine uoce ad mactationem ductus est: et si quā edidit uocē, ea magis declarauit animū mitē ac placidū, quā ullum potuisset silentium. Quā blanda oratione cōpellat Iudam proditorē? quā placidē respōdit cæsus alapa? quā nihil ferocius loquitur Annæ & Caiphæ? quā tranquille respōdit Pilato? Deniq; cum Pharisei ueluti uictores mouerent capita sua, amarissimis cōiicijs in illū debacchantes, ille mitissimus clamat, Pater ignosce illis, quia nesciūt quid faciunt. Nō igitur mori per se testimonium est, sed sic mori est testimoniū præbere deo. Stephanus iuuenis inter homicidas, agnus inter lupos, stabat placido angelicoq; uultu, & ad dñi exēplum orat pro lapidantib. nec alibi habet oculos quā in coelum. Illic uidere meruit, cuius præsidio superior erat psequentiū. Qui uerō timet deum, non metuit hoīum sæuitias. Qui ex aīo diligit uitam coelestē, facile uilem habet animam, atq; illi cum B. Paulo, Viuere Christus est, mori lucrum. An non ingens lucrum est, hanc & breuem & innumeris malis cōtaminatam uitam cum sempiterna felicitate cōmutare? Hic dominus quēadmodum & in cæteris omnibus sese formam nobis exhibuit. Cum enim instaret extremus actus martyrij, quem aiunt in fabulis oportere esse optimum, secessit, abiecit sese in terram, prolixē atq; etiam frequenter, ac sanguineo sudore madescens nostræ naturæ in se ex-

preſſit imbecillitatem, ante teſtatus animi tædium, ac triſtitiam uſq; ad mortē, ne nos in deſperationem caderemus, ſi cum oīa mortem pñtem intentant, horrorē naturæ ſenſerimus. Niſi. n. adſeſſet ſenſus dolorū, nihil haberet admirabile martyrium: ſed ſuperare dolorem, corona dignum eſt. Horrere mortē, naturæ eſt: uincere naturam animi fortitudine, gr̃a eſt. Oīa poteſt Paulus, ſed in eo qui ipſum corrobora. Sed qbus præſidijs uincitur naturæ infirmitas? ſi nos totos humi pſternamus, hoc eſt, ſi nihil oīno tribuamus uiribus noſtris, ſi uigilemus et oremus inſtanter, ſi noſtrā uoluntatem diuinæ uoluntati ſubmittamus, dicamusq; illa ex aīo, ex toto corde. Tranſeat hic calix ſi fieri pōt, ſed fiat non ſicut ego uolo, ſed ſicut tu uiſ. Noui ego ac fleui quosdam magna animi fortitudine præditos, qui iam coronæ pximi deſcenderunt, et quem diu proſeſſi fuerāt, abnegarūt. Quid fuit in cauſa? Dimouerant oculos ſuos ab eo qui ſolus robur dat infirmis: intermiſerant orationē, ac cœperunt ad humanæ præſidia reſpicere. Cōtemplabantur ſuæ naturæ uiriculas, cōſiderabant aculeos, ungulas, candentes laminas, ferrū, et ignem, reliquumq; carnificinæ apparatus, etiā aſpectu horrēdum, et cruciatuū atrocitatem cum ſuis uiribus cōſcrebant, et ideo uictoriam amiſerunt ē manibus. Vbi qs ita cogitat, hoc poſſum, illud perpeti nō poſſum, nūquam feliciter peraget martyrium. Sed qui ſe totum tradit diuinæ uoluntati, non aliō ſpectās, quā ad illius opem, is demū firmus eſt et inuictus. Hoc aut fieri non pōt, niſi adſit uera ac uiuida fides, nihil hæſitans, nihil diſquirens: ne cogitaris quanta ſit tyranni ſcuitia, quanta hominis imbecillitas, ſed quāta ſit domini uirtus, qui certat ac uincit in membris ſuis. Ergo ut à digreſſione reſpectamus ad id qd' erat inſtitutum, quemadmodū domini mors potētior erat, quā uita, ita uoluit martyr ſuorū mortem eſſe potentem. Quid. n. infirmius quā uinciri, dannari, cedi, cruciari, occidi, et ad carnificis arbitrium præbere corpus? Hæc ſpecies in-

terdum misericordiam mouet etiam seuiſſimis tyrānis. Verum ubi iam ad monumenta martyrum pelluntur morbi, rugiūt demones, terrentur monarchæ, coruscant miracula, cōcidunt idola, tam apparet q̄ sit efficax ac potens martyriū sanguis. Præſentia infirma, epiſtolæ graues, audiuit beatiſſimus gentium doctor: hoc & ad martyres rectè accōmodabitur, uita infirma et cōtempta, mors grauis ac potēs. Iam non est par oīum martyrum in tormentis alacritas, quemadmodum nec oēs eodem genere mortis defunguntur. Tres illi beati pueri in medijs flammis inuenere refrigerium, et ſepti innocuo elemento uelut in cōclauī canebāt hymnum dño. Daniel item circa noxam leonum ſodalitio eſt uſus. Beatus Andreas, ut habet humana quidem hiſtoria, ſed ſatis probatæ fidei, gaudens ſibiq; gratulans ibat ad crucem. Alij diutinis ac uarijs cruciatibus ſubinde moriuntur, nec tñ morte datur finire dolorē. Eſt igitur & illud ueri martyris, hoc quoq; totum arbitrio Dei cōmittere. Nouit ille quid expediat nobis, et quid ad ipſius gloriam maxime conducibile ſit. Tantum illud aſidue cogitandū eſt, ſiue uiuimus, ſiue morimur, dñi ſumus. Nec ſibi quiſquam diſpliceat, ſi corpore pariter & aīo ſentiat grauem ac diutinam moleſtiam, tantum fidat ei cui certat, is nō patietur quenquam tentari ſupra id quod poteſt, ſed faciet etiā cum tentatione prouentum. Quosdam electos interdum patitur in tormētis deficere, ut agnoſcant imbecillitatem ſuam, atq; eoſdem poſt fortiſſimos reddit in certamine. Hac diſpōſitione Petrus ter abnegauit dominū, ut edoctus quān nihil poſſet ſuis uiribus, confirmaret fratres ſuos. Quō aut confirmaret? ut ſibi diſſiſi, fiducia oēm collocarēt in Dño. Sed iam tēpus eſt, ut de altero martyrij genere diſſeramus charitati tuæ, de quo hoc etiam accuratius eſt diſputandum, qd' oecultum ſit & oīum temporum cōmune. Neq; .n. ſemp ſeuiunt. Nerones, Diocletiani, Decij, ac Maximiani, nunquā tñ ceſſat diabolus exercere Chriſti militiā pfeſſos. Et fortāſis erūt poſt

hac donante Christo tempora, quibus nulla tyrannorum persecutiones affligent ecclesiam, nunquā tñ defutura sunt certamina: nunquā martyria quibus hoīes pij glorificent Deum. Ecclesia qdem adhuc in hoc exilio militans, peculiaribus gaudijs applaudit ijs, qui in p̄fessione noīis Iesu aīas suas fideliter deposuerunt, & ad horum memorias magna cum alacritate concurrunt: sed coeleste theatrum, angelorū myriades et iustorum cum Christo regnantium innumerabilis populus applaudunt omnibus qui sincerā fidem, & charitatem inuictam, quam hñt erga dominum Iesum, integritate et innocentia uitae testificantur: nec solum professione fidei quae, iuxta Paulū, ore fit ad salutē, glorificatur Deus, uerū etiam confessione cōmissorum. Hæc ne temere ex nobis ipsis loqui uideamur, adducēda sunt scripturarum testimonia. Ergo nisi piorum uita cederet in gloriā Dei, Christus non diceret in euangelio, Vt uideant opera uestra bona et glorificent patrem uestrū qui in cœlis est. Nec Paulus apostolus scriberet Corinthijs, Et in me clarificabant Deum. Confirmatur hoc et per repugnantiam ex his quæ diximus. Etenim si nomen Dei polluitur ac dehonestatur impia uita sui populi, uti quæ bona illius uita cohonestatur. Dānatur apud Apostolum et philosophorum impia sapientia, qui cum Deum cognouissent, non tñ eum ut Deum glorificauerunt. Sapientiam p̄fitebātur, & summam exhibebant stultitiā. Itaq; cum Deum esse profiterentur, tñ turpiter uiuentes & idōlis sacrificantes, falso testimonio quodāmodo obscurabant Dei gloriam, quasi nec iustus esset nec uerax, aut quasi non unus esset sed multi, aut quasi falsus esset adsimilis. Id autē euidentius etiā testatur beatis. Paulus scribens ad Corinthios: Empti, inquit, estis pretio magno, glorificate et portate Deū in corpore uestro. Ideo Deus redemit nos pretio sanguinis sui, ut semel à peccatis expurgati, deinceps uitam ipso dignā ageremus. Ac symbolum imperatoris gestamus impressum frontibus nostris. Quod si gerens signum

Christi, præstet opera Belial, non ne dedecoratur ille cuius insignia gerimus? Cōtrā sicut imperator sibi placet de milite præ strenuo, sic existimans, illius uirtutem ipsi decori et ornamento esse: sic Deus gloriatur in his quos redemit, quos lauit, quos sanctificauit, quos spūs donatiuo dignatus est, si uite sanctimoniam declararint Dñi grā in ipsis non fuisse uacua. Si Paulus gloriatur in discipulorū pietate, gaudium et coronā suam illos appellans, qui nihil erat nisi dispensator alieni muneris, an non Dñs magis gloriatur, super his pro quibus mortuus est? Iam quod in libro Iob ad hunc modum Satana loquitur dominus, Num animaduertisti seruum meū Iob, quō non sit ei similis super terram, homo simplex et rectus ac timens Deum, et recedens à malitia: non ne sermonem perfert de suo cultore gloriantis? Beatus autē Paulus splendidiore etiam uerbo usus est scribens secundam ad Corinthios epistolam, Deo autem gratia, qui semper triumphat nos in Christo Iesu, et odorem notitiæ suæ manifestat per nos, in omni loco, quia Christi bonus odor sumus Deo. Melius est nomen bonum super unguenta pretiosa. Scriptura gloriosam famam appellare solet odor anēta. Nō tñ Deus gloriatur hominū more, sibi placens ac gestiens, sed nostrā salutem suam ducit gloriam: et ideo subiecit Apostolus, In his qui salui sūt, et in his qui pereunt. Quō glorificatur Deus in his qui salui sunt? Quoniam in illis illustratur illius misericordia. Quō in his qui pereunt? Quoniam in his declaratur illius iustitia. Nunc ipse sermonis cursus nos eō deduxit ut doceamus et peccatorū confessione glorificari Deū. Hic occurrat protinus ex libro Iesu Naue Achan, qui quoniā contra diuinum edictū sustulerat ex anathemate pallium coccineū insigne, ac ducetos siclos argenti, ac linguam aureā siclorū quinquaginta, populus Israel terga uertit hostibus: itaq; Iosue dixit Achan, Fili mi da gloriā dño Deo Israel et confitere, atq; indica mihi qd feceris, ne abscondas. Cōfessus dedit pœnas, et auera

sus est furor Dñi. Ea cōfessio clarificauit Dei iustitiā ac sapien-
 tiam: Sapiētiam, q̄ illius oculis nihil esset abstrusum: iustitiā,
 q̄ non sine causa passus esset hostes aduersus Israelē inuale-
 re, quodq̄ leges ipsius nullus hoīum impune uiolat. Nihil erat
 magni qd' suffuratus erat Achan, magnum tñ erat documentū
 uniuerso populo, quātūm periculū sit Dei iussa negligere, eiq̄
 uelle imponere, quasi quicquā illum fūgeret, aut quasi faueret
 prauaricatoribus. Atq̄ ille quidem cum esset Iudeus ob uniciā
 peccatū, qd' ipsi leue uidebatur, seuerissimas poenas dedit lapi-
 datus ab uniuerso populo, corporis interitu salutem aīe redi-
 mens. Non. n. iudicat Deus bis in idipsam. Sed quæ poenā ma-
 net illos, qui post tantam euāgelij lucem & grām. posteaquam
 semel illuminati sunt, gustauerunt etiam bonum coeleste, et par-
 ticipes facti sunt spūs sancti, gustauerunt æque bonum Dei uer-
 bum, uirtutesq̄; seculi uenturi, in multa atq̄ imania crimina re-
 labuntur, crucifigentes sibi metipsis filium Dei, & ostentui ha-
 bentes. Qui hoc sunt et miserabiliores, q̄ cum tales sint, asper-
 nantur tñ pñe salutaris remedium, cōtemnunt ecclesiam, ma-
 ternum gremium offerentem, & ad sanitatis instaurationem
 inuitatē. Eiusmodi defectio, quantā putas ignominiam inuirit
 ecclesie? nec ea ignominia non pōt pertinere ad Christum, qui
 est caput ecclesie, & per oīa suum esse ducit, qd' est corporis
 ac membrorū ipsius. E diuerso, quanta totius ecclesie exulta-
 tio, cum qui lapsus est, per pñiam ecclesie reconciliatur? Ac ne
 putemus hoc gaudium apud nos tantum esse, Dñm audiamus
 in euangelio κατὰ Lucam loquentem: Ita dico uobis, q̄ gaudiū
 erit in cœlo, super uno peccatore pñiam agente, q̄ super nona-
 gintanouem iustis, qui non indigent pñia. Nam hac clausula fi-
 nit parabolam de pastore, qui relictis nonagintanouē ouibus,
 unam, quæ à grege aberrauerat, multo labore quæsitam ac tan-
 dem inuentam, imposuit humeris suis, et caule restituit. Simili
 sentētia claudit parabolam de muliere, quæ drachmā perditam

inuenerat: Ita dico uobis, gaudium erit coram angelis Dei super uno peccatore penitentem agente. Nec tamen hoc sic accipiendum est, quasi Deo et eius angelis gratius sit post lapsum redire ad pietatem, quam citra lapsum perseuerare in innocentia: Sed scriptura suo more loquitur secundum affectus humanos, illud testatur esse uolens, Deo gratissimam esse peccatorum conuersionem. Non enim querit mortem peccatoris, sed magis ut conuertatur et uiuat. Atque interdum piorum hominum lapsus quamuis enormes diuina dispensatione uertuntur in summum ecclesie profectum. Sic lapsus est apostolorum princeps, sic Paulus gentium doctor, sic Maria Magdalene, quibus nunc ecclesia precipue gloriatur, quorum lapsus cefferunt in stabilimentum ac solatium domus Dei. Præterea non hic loquitur de uere iustis, sed de iustitia Pharisæica, quemadmodum alibi dicit, Non est opus sanis medico, sed male habentibus. At non erant sani, quibus hoc dicebat Dominus, sed legis qualicumque obseruatione tumidi, sibi uidebantur sani, et ideo non desiderabant medicum. Hæc cum ad hunc habeant modum, desiderate frater, conemur assiduus exhortationibus excitare fidelium animos, ut tota etiam uita martyrii, hoc est, testimonium reddat Deo, quod adeo negligendum non est, ut nisi ea præcesserit, martyrium quod sanguine perhibetur, non sit martyrium. Frustra enim. ceruicem præbueris carnifici, nisi prius occideris membra quæ sunt super terram, hoc est, affectus qui militant aduersus spiritum, odium, inuidiam, auaritiam, superbiam, libidinem, quibus quicumque seruit, Deum quodam modo abnegauit, et Christum ore profitens, uita Satana Deum confitetur. Nec hic sermo debet cuiquam uideri durior, cum sit uerax ac salutaris. Quicquid homo qui uis Deo anteponit, sibi Deum facit, nec possumus duobus seruire dominis. unus enim est Deus ex toto corde, ex tota anima, ex totis uiribus diligendus. Quisquis igitur ore dicit, credo in unum Deum, et seruit auaritiæ, aut libidini, aut luxui, sibi mentitur, sibi quoque repugnat, aliud lingua sonans, aliud

animo celans, uoce tantum testimonium perhibens Deo, cū ui-
 ta Satanam colat. Efficacius autē est uitæ, quā linguæ testimo-
 niū. Non oīs qui dicit, Dñe Dñe, intrabit in regnum, sed qui fa-
 cit uoluntatē patris coelestis. Hñt & opera suam linguam, hñt
 suam facundiā, et tacentē lingua. Ideo Dñs in euangelio κατὰ
 Ioānem ita loquitur: Opa quæ dedit mihi pater ut pficiam ea,
 ipsa opa quæ ego facio testimoniū perhibent de me. Quemad-
 modū igitur bona opera pfitentur Deum: ita mala quodāmo-
 do loquuntur, Non est deus, nec est sciētia in excelsis. Quis nō
 cōtremiscat, q̄s non inhorrescat, q̄s non laceret uestimēta sua,
 q̄s non obturet aures suas, si tales uoces audiat ex christianos.
 Quantus horror, quātus dolor occupat aīos n̄ros, cum q̄s ui-
 ctus tormentis iussus abnegare Christum, abnegat, et ad Iouis
 statuā thus adolet. Quā trepidamus metuentes ne deus ira-
 tus fulmen in nos uibret iræ suæ, ne terra dehiscens nos absor-
 beat. Vt interdū unius impietas, supplicij cōsortio multos in-
 uoluat, et sunt scelera tam immania, ut uidisse quoq; aut audisse
 sit detestabile. Sed cur aliās in simili crimine tam sumus commi-
 uentes? Cur et nobis adeo blādimur et alijs? At uide qd de tali-
 bus loquitur Apostolus scribēs Tito: Profitentur se nosse deū, fa-
 ctis autē negant. Idē in priore ad Timotheū de uidua quæ negli-
 git familiā: Siqua autē suorū maxime domesticorū curā non ha-
 bet, fidē negauit, et est infideli deterior. Si fidē negauit, quæ ne-
 gligentius habet suā familiā, qd dicturum putas de his qui se to-
 tos dederunt Māmonæ et uētri? De Christianis utiq; loquitur
 Paulus scribēs Philippēsis, cū ait: Quorū finis iteritus, quo-
 rū deus uenter est. Quos eosdē taxat scribēs Romanis: Hmōi
 Christo domino nostro nō seruiūt, sed suo uētri. Seruire, iuxta
 scripturarū consuetudinem dixit pro colere. Ventrem colunt,
 eum quem hñt pro deo. Iam de auaritia manifestius etiam pro-
 nuntiat scribens ad Coloss. Mortificate, inquit, mēbra uestra
 quæ sunt sup̄ terram, fornicationem, imunditiam, libidinē, con-

cupiscentiam malam auaritiam, quæ est simulachrorum seruitus. Execramur eos, qui p̄cumbūt ad Dianæ simulachrū: quanto iustius eos execramur, qui toto pectore seruiunt Māmone, qui illi quotidie sacrificant? Et si auarus est idololatra, qui pecunie studio tenetur, qui quod hæreditate obuenit, aut industria partum est recondit, nec erogat in egenos: quid censendū est de his qui lenocinio, qui scœnore, qui raptō, qui fraude, qui calumnijs, qui opprimendis pauperibus rem accumulānt? Atq; hæc idolorū seruitus non solū inuenitur inter christianos, uerūetiā, qd' gemendum est, inter episcopos. Porro temulentia ad eō cōmunis est Africæ nostræ, ut propemodum nō habeatur pro crimine. An non uidemus ad martyrum memorias christianum à christiano cogi ad ebrietatem? An hoc leuius crimen esse ducimus, q̄ hircum immolare Baccho? Mihi uidetur multo grauius si recta rōne uelimus expendere. Cum tyrannus dicit, Abnega Christum, et immola Ioui, et esto amicus noster, aut morere: sepe lingua negat corde reclamante, et manus adolet thus, cū animus intus adoret Christum: quanquā hoc quoq; grauius est crimen, tñ aliquan impietatis culpam eleuat humane nature imbecillitas. Ibi Satanas tibi loquitur uoce tyranni: at quid tibi dicit idem per tuam concupiscentiā? Abnega Christum et esto diues, Sacrifica Māmone, et Christo nūtiū remittito. Quid est qd' pollicetur? aurū et argentum, inutilem materiam, nisi exerceas. Nec dicit morere, sed obiecta oculos, immo potius hoc dicit, Lucrare pecuniam ad breue tempus habiturus, et perde in æternum animā tuā. Et tñ hic sponte submittis gēua Satane, et abnegato Christo, te totum illi m̄cipas. Quid aut Christus? Meus esto, et uiue in æternum: cōtemne diuitias istas temporarias, et ego tibi centuplum reponam in hoc seculo, et uitā æternā in futuro. Relinque terrā, et accipe cœlū. Ac Deus ista pollicens deferitur, et tabulus tam nihili res easq; falsō p̄mittens adoratur. O scdam defectionem. O turpem idololatriā. O ini-

quam

quam permutationem. Quo præmio sollicitavit humani generis primos autores? Ostendit pomum, & dedit mortem. Mendacio fessit. Non moriemini, sed eritis sicut dii sciētes bonum & malum. Atque illi delusi, qualem dominum deseruerunt, et ad quem desererunt? A qua felicitate exciderunt, & in quas ærumnas semet coniecerūt? Sed idem ille tenebrarum princeps, qui Eue locutus est per serpentem, nobis loquitur per satellites suos ac ministros, p lenas & lenones, per eos qui pelliciūt ad amorem pecuniæ, ad ambitionem, ad uoluptatem, auocantes à sinceritate quæ est in Christo Iesu. Idem ille loquitur nobis p concupiscentias nostras quæ uiuunt in membris nostris. Nec dicit quod homo tyrānus, aut mihi obtēpera aut morere, nec ostēdat carceres, catenas, uncinos, sartagnes, aut caminos incensos, non cruces, laqueos aut gladios, sed tantum cōtemne deum, renuntia uitæ cœlestis hæreditati, et cōmitte adulteriū, & capies uoluptatē. Sed qualem? Momentaneam, et corporis tantum, quot autem amaritudinib. conditam? Insania, periculo, super omnia uerò secreto cōscientiæ cruciatu. Hæc est esca zabuli, hoc autoramentum. Stipendium porrò quale est? Dicat maiore cum fide beatus Apostolus: Stipendium peccati, mors est. Quæ mors? Corporis, quam solam minuitur et inferre potest tyrannus homo? Non, sed mors gehennæ, quæ finē nescit. Plus potest homo tyrannus quā zabulus. Ille quodā modo cogit hominis naturam, hic nihil aliud potest quā sollicitare, deijcere nō potest, nisi assentiaris, contempsisse uicisse est. Maior itaq; uenia debetur, Christum in tormentis abneganti, quā spōte assentienti zabulo, cui credidisse est Christū abnegasse. Ille mendax est & omnis mendacij pater, & illius promissa, quæ tuncunque fronte blandiantur, nihil aliud sunt, quā præstigiæ pellicientes in exitiū. Ne qs itaq; sic sibi blandiatur, Sum peccator, amo pecuniam, seruiο libidini, studeo honoribus, indulgeo uindictæ, deditus sian uoluptatibus, sed Christum nō

abnegauī. At reclamation tibi Paulus, factis abnegasti: reclamation tibi Dñs ipse, Nō potes duos dominos colere. Et interim horres abominandum thurificati aut libellati cognomen, ipse fortasse thurificatis ac libellatis deterior. Illos humanus metus violentior quā ut hoīs natura possit uincere, eō compulit, ut impias uoces promat lingua, reclamante conscientia: tu tam uili mercedula sollicitatus sponte deficis ad eū, à cuius tyrannide te Christus suo sanguine redemit: cuius iā totus es factus, quemadmodum ait Apostolus: Empti estis pretio magno, et iam nō estis uestri. Huius militiam professus es ad salutare la-uacrum, huic dedisti nomen, huius sacramenti initiatus es, acceperisti donatiuū et pignus spiritus, ne quid dubitares de promisso stipendio, simulq; Zabulo denuntiasti perpetuas inimicitias, renuntiasti omnibus illius pompis ac uoluptatibus, exsufflasti, exsibilasti, iurasti in uerba redemptoris, cumq; tot uitij seruias, tibi places quod nondum sis thurificatus aut libellatus. Siquis miles iuratus in uerba Caesaris profugeret ad Turcam, et ex illius arbitrio faceret ea, quæ sciret ingratissima Caesari, nōne comprehensus ad supplicium raperetur, ut desertor, ut periurus, ut perfuga? Quis autem audiret eum ita se defendentem, nō sum desertor, non abnegauī Caesarem? An non mox audiret, quid refert, si lingua tacuit, re ipsa abnegasti, et plus quā abnegasti, qui non solum deserueris militiam, uerum etiā ad tyrannū et hostem imperatoris tui irreconciliabilē transfugeris? Merito fidelium aures abominantur apostatæ uocabulum, uerum hoc non ibi tantum execrandum est, cum incenso thusculo aut inscripto libello renuntiatur professioni nominis Christi, sed ubicunq; contēptis Christi legibus, obtemperatur Satanae. Nec enim refert quid sonet lingua, quæ si sonet Christum, cum animus sit deditus criminibus, non est professio, sed hypocrisis, abnegatura Christum si metus urgeat, qui premit thurificatos aut libellatos. Atq;

in his rebus quæ sic inter se pugnant, ut neutra ferat alterius confortiũ, quoties hanc amplectimur, illam abdicauimus, quoties unam reiecimus, alteram agnoscimus: Cuiusmodi sunt lux & tenebræ, bellum & pax, mors & uita, deus & Belial, quæ admodũ testatur et B. Paulus in secunda ad Corinth. Quæ. n. participatio iustitiæ cum iniquitate? aut quæ societas luci ad tenebras? Quæ autem conuentio Christi ad Belial? Adhæsisse Belial, est abnegasse Christũ, utcunq; lingua aut habitu Christũ profitearis. De hoc si quis simpliciorum dubitarit, dabo argumētum crassum & euident. Fingamus tyrannũ ita loqui Christiano, incende thus Ioui, nihil addentẽ nec exigentẽ, ut Christum abneget, si adoleuerit, nõne cunētis manifestum erit illi hoc ipso Christum abnegasse, quod Ioui fecerit thymiana, etiã si nihil proferat impium in Christum? Quẽadmodum qui magicis artib. utuntur, à quo malo nos domini misericordia liberauit, sicut à cæteris omnibus, quibus iuxta ueterem hominẽ quondam ambulantes tenebamur, tacitẽ Christum abnegant, dum cum dæmonibus habet fœdus. Iam si Macchabæi fratres unã cum matre maluerunt tot cruciatib. exanimari, quã carne suilla uesti, sic existimantes eum deum legis autorem negare, quisquis sciens ac uolens legis præcepta uiolat: quo pacto sibi blandiuntur, qui in luxu, temulentia, auaritia, rapinis, adulterijs, alijsq; criminibus confesescunt, quæ gentium etiam leges noluerunt esse impunita? Et cum tot modis Christum abnegent, cum toties immolent dæmonibus, pro Christianis haberi possulant? Atq; in his sunt, qui palam ista committunt, ac prope modum etiam gloriantur in rebus pessimis, adeo non pudet aut piget admissorum, & tamen audent uenire in ecclesiam sanctorum, audent nisci gregi dominico. Tales interdum tolerat ecclesia, ne prouocati magis etiam perturbent populum dei. sed quid prodest non eijci coetu piorum, si merueris eijci? Nam eijci remedium est, & gradus ad recuperandam sanitatẽ

tem, eiectionē meruisse summa malorum est. Ac frustra misceatur cœtui sanctorū in tēplo manufacto, si submotus est à consortio dei et ab uniuerso corpore mystico Christi. Oportet autē & illud cōsiderare, quātopere christiani ab idolothytis, & ab ingressu sanorū, atq; ab ipsis etiam simulachris, cum B. Paulus clamet neq; idōlū esse aliquid neq; idolothytū, multo minus fanum ex lapidib. constructum, est aliquid: & tñ plurimorum animus ea religione tenetur, ut mortem oppetāt citius quā gylēt idōlis immolatum, & inexpiabile piaculū esse ducant, si ingrediantur fanum Iouis aut Apollinis aut Dianæ, se' que putent cōtactu simulachri uehementer cōtaminari. Equidem probo taliū religionem, si sibi cōstet in omnib. Nūc proh dolor uidere est quosdā in his penē supstitiose trepidos, in alijs ubi grauior erat metuendi causa nimium esse securos. Per se nō inquinat animam contactus idōli, nec ingressus fani, nec esus idolothyti, sed per se polluit conscientiam amor pecuniæ, incestus, rapina, hypocrisis, et his similia mōstra. Quā uerò congruit, horrere fani ingressum, nec horrere in tēplo sancto spiritui consecrato uictimas immolare demonijs? Clamat sanctus Paulus scribens Corinthijs: Nescitis quia tēplum Dei estis, & spiritus dei habitat in uobis? Siquis autem tēplum dei uiolauerit disperdet illum deus. Rursus in eadem epistola: An nescitis quoniam membra uestra tēplum sunt sancti spiritus, qui in uobis est, quem habetis à deo, & non estis uestri? Quòd si Christianorum pectora sibi consecrauit deus, ut in illis inhabitet per spiritum suum, illhic deliciatur & inambulatur, illhic amat sibi offerri uictimam puram ī omni loco. Et qui in hoc tēplum Deo sacrum, eiecto sancto spiritu, inducit abominationes quas in mystica uisione conspexit Ezechiel, qui illhic sedē facit, Māmonæ, Veneri, Como, Baccho, alijsq; portentis, qui ibi dæmonibus immolat spurcissimas hostias, ueretur ingredi fanum gentium ne contaminetur? Proius

de nemo sibi frustra blandiatur, Deus nō irridetur, constet sibi nostra religio, nec alios detestemur, ipsi grauiorib. obnoxij criminib. nec alibi simus religiose timidi, alibi impudēter impij. Sed Christum semel p̄fessi tota uita reddamus illi testimoniū, & undiq; glorificemus illum, obediētes illius pr̄ceptis, ut in hoc cognoscant homines q̄ uere fidimus illi, q̄ ex animo diligimus illum, & q̄ non simulatē ad sacrū lauacrum addiximus nos illius militiæ. Beatus Apostolus pr̄dixit, nulli piē uiuere uolenti in Christo Iesu defuturam persecutionē. Si deest tyrannus, si tortor, si spoliator, nō deerit cōcupiscētia, martyrij materiam quotidianam nobis exhibens. Postremò hæc ipsa mala quæ secum defert uita mortalium, quæq; pijs cum impijs communia sunt, martyrij coronam nobis parabunt, si placidē, si cum gratiarum actione pertulerimus. Neq; priuati sunt martyrij gloria, quicunq; uiolenta morte cōsummati non sunt. Quis autem ausit Abraham patriarcham, uel huius filium Isaac, uel beatū Iob eximere ē martyriū numero? Quæ carnisficinæ grauius torserunt corpus, quā patriarchæ mentem torquebant naturæ affectus, cum incunctatē ad dei iussu appareret immolare filium unicum et unicē charū, in quo tota spes erat illi posteritatis? Quid defuit Isaac martyrio, qui nihil obmurmurās passus est se colligari & imponi busto? nec expauit in ceruicem uibratam machæram? Cuius autem martyriū audebimus conferre cum his quæ passus est Iob? Quod si quis adhuc diffidit sermoni nostro, certe beati Pauli uerbis non poterit diffidere. Is scribens ad Hebræos orsus ab Abel usque ad Gedeonem, ingentem sanctorum catalogum recenset, in quo plures sunt, qui non defuncti sunt morte uiolenta, immo pauci sunt qui sic mortui sunt, & tamen de omnibus pronuntiat: & hi testimonio fidei probati inuenti sunt, perspicuē declarans etiam uita bona peragi martyrium fidei. Ecclesiæ quidem usus discernit illos cognominibus, martyres appellans eos, qui ui-

lenta morte decesserunt, confessores, qui constanter in cruciatibus ac minis mortis professi sunt nomen domini Iesu, parati mortem oppetere, uel potius martyrij supremam coronam ambiens: apud deum tamen quicumque carnem suam crucifixerunt cum uitijs & concupiscentijs, quicumque Christo uerè commortui sunt, eique in baptismo conscripti sunt, ut iam non sibi uiuant, neque mundo, cui semel mortui sunt, sed ei qui pro ipsis est mortuus, martyres sunt, nec martyrum corona fraudabuntur: in primis autem monachi, qui uerè monachi sunt ac uirgines, quæ uerè uirgines sunt. Neque enim locus desertus, saccus pro ueste, legumen pro cibo, neque ieiunia neque chameunice monachum absoluunt: sub his inuolucris interdum latet animus ualde mundanus, quod ita deprehenditur, si ad munus aliquod ecclesiasticum uocetur: ibi uideas quosdam ex illis facillimè uinci delicijs, impatientiores iniuriarum, appetentiores uindictæ quàm quiuis alius sit ex media plebe. Quid causæ est? Quoniam corpus exercuerunt magis, quàm animum, cum beatus Paulus doceat, quod exercitatio corporalis ad modicum utilis sit, pietas ad omnia ualeat. Non hæc dixerim quod improbandi sint, qui talibus modis castigant corpus suum & in seruitutem redigunt, sed quod Satanas mille instructus artibus, nonnunquam illudit incautis, transfigurans se in angelum lucis, & ex huiusmodi corporum exercitamentis inducit illis falsam sanctimonie persuasionem, cum quæ intus madeant spiritualibus uitijs, & sibi & alijs habentur pij. Talis erat iustitia Phariseorum, cui prælata est iudice Christo publicani iniustitia. Ita sunt & uirgines fatuæ, quæ solidam existimant pietatem corpus habere uiro intactum, cum animus auaritia, superbia, inuidia & obreptione sit corruptissimus. Sunt & falsò uiduæ, quæ dum uiuunt in delicijs, Christo mortuæ sunt. In summa tamen quisquis uerè Christianus, cuiusque status aut ordinis, habet certamina sua, habet crucem suam: quam si patienter tollit, si constanter sustinet, te-

timonio suo glorificat dominū, tantum ne sibi uindictē laudē
 bonorum operum. hoc enim non est glorificare deum, sed cla-
 rificare seipsam. Habet unusquisq; fidelium agones suos, habet
 aduersarium zabulum, habet agonotheam deum, habet thea-
 trū nō solam ecclesię & angelorū, sed & infidelium, quēadmo-
 dum dicit Paulus ad Corin. Spectaculum facti sumus mūdo et
 angelis & hominib. Si uincimus, gloriantur angeli, gloriatur
 et fidelium ecclesię, gloriatur & ipse Christus in mēbris suis.
 Sin uincimur ignauia nostra, triūphat satanas cū angelis suis,
 insultant nobis increduli, ac deum contumelijs afficiunt, dicen-
 tes: Ecce qui iactant se redemptos à tyrannide satanę, qui præ-
 dicant se mortuos mundo, nihilo minus uincuntur à cupiditati-
 bus suis quā nos, quos dicūt adhuc teneri sub regno satanę.
 Quid prodest illis baptismus? quo dicunt exui ueterem hoīem
 cum actibus suis, & indui nouum qui secundum deum creatus
 est. Quid prodest illis spiritus sanctus, cuius arbitrio dicūt se
 temperari? Cur semper in ore habent, Euangelium, cū tota ui-
 ta discrepet ab Euangelij præceptis? Quanto creditis pudore
 suffunditur ecclesia, cum hæc ingeruntur ab hostibus, nec ha-
 bet quo refellat opprobria? Nōne uidemus totum ecclesię cœ-
 tū dimittere uultus atq; erubescere, quoties aliqua uirgo quę
 Christo nupserat, dilapsa ex angelico contubernio deficit ad
 stuprum aut coniugium? Quantus mœror occupat omnium
 nostrū animos, sed præcipuē pastorum, si quando Christi
 miles tormentis inferior, renuntiavit imperatori suo? Quan-
 tus autem ex aduerso Satanę triumphus? Itaque fratres dilec-
 tissimi, si uere diligimus Deū, si quotidie petimus ex animo,
 Sanctificetur nomen tuum, summo studio aduigilemus, necu-
 bi polluamus nomen illius, sed et morte & uita glorificemus
 illum, iuxta beati Pauli monita, uiuentes sine querela, ut sim-
 plices filij Dei, sine reprehensione in medio nationis prauę
 & peruersę, inter quos luceamus sicut luminaria in mundo,

uerbum uitæ continentes ad gloriam Christi Iesu regis & ago
nothetæ nostri, qui suum esse ducit quicquid in membris ipsius
geritur. Patiamur cum illo, ut cum illo glorificemur in die dñi.
Nos hic illū clarificemus apud homines, ut ille nos clarificet
claritate sua corā angelis suis: Cum, ut inquit B. Petrus, uene-
rit glorificari in sanctis suis: Nemo coronatur nisi legitime cer-
tauerit: & hi qui corruptibilem coronam ambiunt, ab omnib.
se abinent, nihil nō facientes quod ad uictoriā conducit: quid
nos facere conuenit, ut assequamur illam immortalis uitæ coro-
nam incorruptibilem & immarcescibilem in cœlis? Hic si quis
roget, quo pacto quis possit esse martyr sine sanguinis effusio-
ne? quisquis hoc animo sequitur iustitiam, ut mortē citius ad-
missurus sit, quā uelit à iustitia deflectere, huic prompta uo-
luntas pro martyrio deputabitur. Deus enim nō æstimat quæ-
quam ex euentu rerum, sed ex affectu. Cur enim ille fraudetur
martyrij gloria, p̄ quem nō stetit, quò minus martyriū pere-
gerit? ut contrā mercedē apostatæ feret, quisquis hoc animo ui-
uit, ut Christum negaturus sit, si iactura bonorum, aut corpo-
ris cruciatus, aut mors sit accipienda. Qui ob paululum pecu-
niæ peierat, an is uerebitur abnegare Christū, si tota res pe-
riclitetur, si intentetur insania, carcer & mors? Qui ob febri-
culā ad incantatricum remedia confugit, an is malit cruciatus
morte tristiores perferre quā Christo renuntiare? Immo qui
toties ob breuem carnis delectatiunculam, ob momentaneam
gloriam deficit à Christo, uitam habebit uilem pro Christo?
Nec hunc tyrannus fecit apostatam, sed ad tyrannum accessit
apostata. Vt autem est similis certandi ratio, ita iisdem armis
fratrum animi cōmuniendi sunt ad has pugnas, quibus osten-
dimus confirmandos ad martyrium. Fides est quæ pugnat
& superat in martyribus, nec quisquam deficit in tormentis
nisi fidei defectu. Orandus igitur assidue Deus, ut fidem in no-

bis augeat. est enim Dei donum, et illi debetur omnis uictorie gloria. Ingeramus illorum animis et infigamus, quam horrendum crimē sit omnis idololatria, quam seuerē punita sit à Deo sub lege uetere, quot millia trucidarit Moyses ob uitulū aureū. Deinde proponatur cōparatio manifeste idololatrie, cum immolatur simulachris: et occulte, cum contempto Deo obediatur per cōcupiscentiā Satanae. Deinde cōferantur iter se Deus fons oīs boni, et tabulus oīs malitiæ princeps, ostendatur et inaequalitas cōtubernij: in altera parte sunt filij Dei, cōciues angelorum et heredes beatæ immortalitatis: in altera, filij Belial, societas omniū dæmonum et heredes gehennæ. Cōfratur et impar militiæ genus, cōparentur diuersa stipēdia. Hæc si prius fuerint persuasa, et intimis infixæ uisceribus, facilis erit uictoria. Nūc fides multis natat in labijs, cum in corde aut nulla sit, aut uehemēter langueat. Quis. n. non pfitetur qd' in Deuteronomio legimus? Audi, dominus Deus tuus, dominus unus est. Et, dominū Deum tuum adorabis, et illi soli seruiēs. Quis non quotidie recitat ore, Credo in Deum patrem oīpotentem? At non credit in Deum, qui non in eo solo collocat totius felicitatis suæ fiduciam: nec uuum habet Deum ac Dñm, qui per scortationem, per luxum et auaritiā Satanae facit imperata: nec illi soli seruit, qui seruit uentri, qui deditus est huic mundo, qui totus in prauo positus est. Ethnici putant plures esse deos, et hoc tibi uideris perfectus christianus q. persuasum habes unū esse Deum? quid magni facis? Idem credunt Iudæi, qui quotidie blasphemāt filium Dei in synagogis suis, idem credunt dæmones et cōtremiscunt. Si uere credis in deum, crede iustum et ueracem: iustum in remunerandis pijs, et puniendis impijs: ueracem in promissis. Crede nō esse spem salutis, nisi per filiū eius, quem pro nobis oībus tradidit in mortem: crede nihil accidere mali posse ijs, qui se toto illius uoluntati tradiderunt et in illo perseverant. Hoc est credere in deum patrem, hoc est credere

in filium eius, hoc est credere in spiritum sanctum, unum Deū,
et ecclesiam sanctam mysticum Christi corpus, extra quā non
est salus, et in qua non est perniciēs. Quisquis in tali petra pe-
des animi fixerit, aduersus omnes tentationum incurſus stabit
immobilis. Exempli gratia, Lacesitus es conuicio, suggerit ti-
bi caro uindictę cupiditatem, priusquā respondeas, sic cogi-
ta tecum. Hunc maledicum hominem subornauit Zabulus, ut
me deiciat, ac deiectum perdat: sed ausculta quid suadeat
imperator tuus cui militas: Beati, inquit, mites, quoniam
ipsi possidebunt terram. Et, Mea est uindicta, et ego retribuā.
quid suadeat fortissimus ille Christi dux Paulus, Non uosmet-
ipsos uindicantes charissimi, sed date locum irę. Zabulus di-
cit, Fruere uindicta, et perde uitam æternam. Deus dicit, Vin-
ce in bono malum, et noli resistere malo, et accipe cum filio
meo possessionē regni coelestis. Mox dispice, utri potius expe-
diat obtemperare. Dicit tibi per concupiscentiam tuam Zabulus,
Mœchare et fruiere temporaria corporis uoluptate, et esto
meus seruus, et cohæres gehennę. Audi potius quid dicat tibi
Deus, Sperne temporariā uoluptatē, et accipe centuplum bo-
næ conscientię gaudium in hoc seculo, et uitam æternam in
futuro, et expende utri potius sit auscultandum. Suggestit tibi
per carnis affectum ueluti per Euam Satanas, Viue geniali-
ter: ex aduerso dicit Christus, Beati qui lugent, quoniā ipsi con-
solationem accipient. Ad eundem modum de cæteris tentatio-
nibus, obijce tentatori clypeum scripturarum in quibus tibi lo-
quitur Deus, non minore fide, quā si tibi corā ore ad os lo-
queretur. Ex his torrentibus sume tibi lapides, quibus deicias
superbum Goliath. Habes exēplum à domino tuo: sic ille pro-
strauit Zabulum, nec deicias animum si sæpius inuadat, ac sub-
inde maioribus machinis aggrediatur, nihil potest aduersus eū
qui tecū est. Dic illud Ioannis, Maior est qui in nobis est, quā
qui in isto mundo. Succurrat illud domini dictum. Confidite

quoniam ego uici mundum. His rationibus si Christi miles fuerit exercitatus ad conflictum, in dies comperiet suum antagonistam debiliorem. Nec tamē remittendæ sunt excubiæ, si quando hostis simulabit tranquillitatem, sed obseruans illius insidias dicat cum beato Abacuc: Super custodiam meam stabo, et gradum figam super petram, omni custodia seruans cor meum, ne quā pateat aditus obambulantī quærentīq; quem deuoret. Tūtissimum autem cordis munimentum est sobrietas, cum instanti oratione, iugiq; scripturarum meditatione. Omnis enim scriptura diuinitus inspirata, utilis est ad docendum, ad arguendū, ad corripiendum, ad erudiendum in iustitia, ut perfectus sit homo Dei, ad omne opus bonum instructus. Ex hac igitur colligendæ sunt sententiæ, quas ad manum et uelut in procinctu habeas, ut his protinus serpentem caput erigentem deijcias: nullus est enim animorum morbus, cui non presens remedium diuina scriptura suppeditet: hinc comparanda sunt exempla piorum, sed præcipue Christi, quibus se quisq; uel animet uel consoletur. Venio nunc ad illa mala quæ uel ipsam naturam hominis comitantur, uel fortuito uidentur inferri. Hæc quoq; pius animus et ad pugnandum instructus, sibi uertet in materiam coronæ. Exemplo faciam quod dico clarius. Excutitur aliquis facultatibus suis, siue bello, siue naufragio, siue rapina. Ne protinus hic cogitet laqueum, aut rationem malis artibus sarciendi quod perijt, sed ita secum loquatur, Dominus est qui tentat me an diligam ipsum ex toto corde. Ipse dedit, ipse abstulit, sit nomen domini benedictum. Gratiās agat quod acceperit ex Domini benignitate, agat gratias quod amiserit ad probationem fidei. Si hæc dixerit eo animo, quo dixit sanctus Iob, cum illo mercedem accipiet. Nec enim Dominus æstimat, quantum quis perdat, sed quā patienter: quemadmodum non respicit, quantum aliquis largiatur egentibus, sed quo animo. Habes aliquis filium unicū charum, eo te mors orbat

præmatura, pestilentia spoliat te charissimis, sponsa, liberis, amicis, ferto patienter, & dic, Domino ita uisum, & sic fortassis et nobis expediebat, & nostris, sit nomen domini benedictum. Sunt & morbi qui non minus atroces habent cruciatus, quam ulla potest inferre tortorū seuitia, ueluti pleuresis, ischia sis, podagra, paraly sis, calculus, renum et uesicæ exulceratio. Tale siquid acciderit, ne mens exasperetur ad impatiētiam, ne lingua erumpat in uoces blasphemias, sed cum beato David et Heli sacerdote dicat, Dominus est, faciat quod bonū est in oculis ipsius: ita mala quæ non inferuntur ob Christi professionem, uertemus nobis in coronam, & Christo in gloriam. Ac fiet fortasse ut dominus nostra tolerantia propitiatus, aut auferat afflictiones, aut mitiget: qd' si non fit, tamen hac ratione faciemus, ut quod animo impatienti fuisset intolerabile, fiat patientia mitius. His atq; huiusmodi argumentis non desinemus nos inuicem exhortari ad illustrandam domini gloriam, cuius titulum et insignia gerimus. Præstemus illi martyrium in suo quisq; statu & ordine, nō solum in aduersis, uerūetiam in prosperis. In aduersis agnoscamus amorem patris flagellantis nos ad correctionem, & gratias agamus charitati qua diligit nos ut filios, quos abdicare non uult, sed emendatos recipere. In prosperis æquè gratias agamus illius bonitati qua consolatur nos ut tentationum pondus possimus sustinere: ita fiet ut tota uita nostra nihil aliud sit, quam testimonium, declarans apud credentes et incredulos, sapiētiam, bonitatem, misericordiam ac ueritatem Dei patris, & filij illius, & spiritus sancti. Amen.

F I N I S.

CARMEN DE CRUCE RE-

demptoris, Romæ scriptum per

D. Cyprianum.



Visquis ades medijsq; subis iam limina tem-
pli,

Siste parum: infontemq; tuo pro crimine
passum

Aspice me: me conde animo, me pectore
serua.

Ille ego qui casus hominum, miseratus acerbos,
Huc ueni, pacis promissæ interpretes, et ampla
Communis culpæ uenia, hic clarissima ab alto,
Reddita lux terris, hic alma salutis imago.
Hic tibi sum requies, uia recta, redemptio, ueræ
Vexillum fidei, et signum memorabile uitæ,
Te propter, uitamq; tuam sum Virginis aluum
Ingressusq; et factus homo, atq; horrentia passus
Funera, nec requiem terrarum in finibus unquam,
Inueni. sed ubiq; minas, et ubiq; labores,
Sordida prima mihi in terris magalia uide
Hospitia in partu, sociæq; suere parenti.
Hic mihi fusa dedit, bruta inter inertia primum
Arida in angustis præsepibus, herba cubile:
Primos in pharijs uixi regionibus annos
Herodis regno profugus reliquosq; reuersus
Inuidia, semper ieiunia semper et ipsam
Pauperiem extremam et uerum inferiora secutus
Semper agens monitis humana salubribus alma
Ingenia ad studium probitatis, aperta salubris
Plurima doctrinæ iniungens miracula. Quare
Impia Hierusalem, rabidis exercita curis

Inuidiæ, seuisq; odijs, & cæca furore
 Infonti, est pœnis letalibus ausa cruenti
 In cruce terribili, mortem mihi quærere? *Quæsi*
 Latius ipse uelis distinguere: Siq; per omnes
 Ire iuuat gemitus, & mecum sentire labores,
 Collige consilia, insidias ue, mei ue nephandum
 Sanguinis innocui pretium, & simulata clientis
 Oscula, & insultus, & seuæ iurgia turbæ,
 Verbera prætentæ, & promptas ad crimina linguas
 Fige animo & testes, & cæci nephanda Pilati
 Iudicia, ingentemq; humeros, & sessa prementē
 Terga crucem, atq; graues, horrenda ad funera gressus.
 Nunc me, nunc uero desertum extrema secutum
 Supplicia, & dulci procul à genitrice leuatum
 Vertice ad usq; pedem me lustra. Ecce aspice crines
 Sanguine concretos, & sanguinolenta sub ipsis
 Colla comis, spinisq; caput crudelibus haustum
 Vndiq; diua pluens uiuum * sub ora cruorem.
 Compressos speculari oculos, & luce carentes
 Afflictasq; genas, & arentem * aspice linguam
 Felle uenenatam, & pallentes funere uultus.
 Carne manus clauis fixas, tractosq; lacertos,
 Atq; ingens lateris uulnus. Cerne inde fluentam
 Sanguineam, fossosq; pedes, artusq; cruentos.
 Flecte genu, lignumq; crucis uenerabile adora,
 Flebilis, innocuo terramq; cruore madentem,
 Et me nonnunquam, deuoto in corde, meosq;
 Fer monitus: sectare meæ uestigia uitæ.
 Ipsaq; supplicia inspiciens, mortemq; seueram
 Corporis, & uarios memorans animiq; labores,
 Disce pati aduersa, & propriæ uigilare saluti.
 Hæc monumenta tibi, siquando in mente iunabit

alias, super

alias, conspice

Voluere, si qua fides animo, tibi forte meorum,
 Debita, si pietas, & gratia digna laborum
 Surget, erunt ueræ sinuuli uirtutis. Eruntq;
 Hostis in insidias rhypei, quibus acer in omni
 Tutus eris, uictorq; frēs certamine palmarum.
 Hæc monumenta, tuos, si * labilis sensus amantes *alias, subdis*
 Auertent sensus, fugiente decoris ab umbra,
 Mundani iijq; struent, ne spe captatus inani
 Mobilis occiduis, fortunæ fidere rebus;
 Auferis: & uitæ sperare fugacibus annis.
 Et te nimirum, sic ista caduca uidentem
 Secula, & exutum, patrie melioris amore
 Orbis opes: rerumq; usus: & uota priorum
 Moribus elicient sacris, uitæq; beatæ,
 Spesq; graues inter pœnas, & rore fouebunt
 Cœlesti: pactiq; boni dulcedine pascent
 Purpuream donec animam, expectata relicto
 Corpore, sublimes cœli reuocabit ad oras
 Gratia, ubi curas, omnemq; exuta laborem
 Angelicos ubi læta choros aciesq; beatas
 Sanctorum associans, æternæ pacis amœna
 Perpetuo, felix mecum regnabit in aula. *Amen.*

EIVSDEM AD CRVCIFIXI
 XVM ELEGIA.

Cur sic despectus rigula super arbore pendes?
 Tam diram pateris cur bone Christe necem?
 Cur tenerum tanto maceravit uerbere corpus?
 Transfixitq; tuas gens maledicta manus?
 Cur sic horrendo laceravit cuspide plantas?
 Cur cerebrum traxit spina cruenta tuum?
 Quid fuit erroris in te, quid criminis unquam?

Qui sic afflictus, sic laceratus obis?
 Cur pateris tantos sanctorum sancte dolores?
 Quos neq; sanosus sur tolerare solet?
 Proh dolor infelix ego sum cui congruit ignis,
 Qui mereor stygias uiuus adire domos:
 Has ego proteruius debeo persolvere pœnas:
 Hæc me sanguineum mors furibunda decet.
 Tu uero innocuus, quo nunquam purior alter,
 Cur geris immeritam agne benigne crucem?
 Pro me cuncta quidem suffers, mea crimina portas:
 In cruce tu moreris, ne crucifigar ego.
 Quas tibi pro tantis referam dulcissime grates
 Saluator? meritis nil satis esse potest.
 Ut tamen exiguum uel saltem in parte rependam,
 Quæ potero tota munera mente seram.
 Omne igitur toto mihi quod contingit in orbe,
 Atq; animus iuncto corpore semper habe.

RESPONSIO CRUCIFIXI.

Huc me sydereo descendere iussit olympo,
 Hic me crudeli uulnere fixit amor.
 Languet, nec quisquam nostro succurrit amori,
 Quem nequeunt duræ frangere iura crucis.
 Pungentem capiti dominum portare coronam
 Fortis amor docuit, uerbera tanta pati.
 Felle sitim magni Regis satiauit amaro:
 Pectus ut hauriret lancea fecit amor.
 De me solus amor potuit proferre triumphum:
 Ille pedes clauis fixit, & ille manus.
 Si cupis ergo animi mihi signa rependere grati,
 Dilige: pro tantis sat mihi solus amor.

FINIS.

INDEX RERVM AC SEN-

tentiarum, quæ sunt notatū dignæ.

in hoc opere.

A Arō filij extincti. 259	Antipapa 138
Ab altioribus abstinēdū imperiis est. 636	Apes regem habent. 210
Abrahā interpretatio. 533	Apibus rex unus, gregibus dux unus. 268
Abrahami obediētia. 196	Apollo. 265
Abel primus martyriū au- tor. 196	ἀπολογεῖσθαι. 160
Abstinere p amouere. 59	Apostata. 49
Acca. 265	Apostoli. 197
Aculeus pēti forā mlieris 594	Apostoli Petro pares. 248
Adam causa mali. 678	Apostolis oīa cōia. 287
Adā seductus ab Eua. 595	Apostrophe i cupidos. 682
Adam terra interpretat. 532	Apostrophe in Satanā. 680
Ad pro apud. 122	Arca Noe. 249
Adam impatiens. 311	Arma Christianorum. 199
Aduersarios singulos ag- greditur. 2	Arbitrium cuiq; datū. 641
Adulter peior libellatico. 130.	Arca Noe, typus ecclesiæ. 728
Adulatio. 676	Ascensio Christi. 270
Aequanimitas. 303	Ascensionis xpi dilatio. 721
Aesculapius. 265	Affidua lectio uel oratio 78
Alexander. 265	Asylum. 266
Amalech figura diaboli 382	Astutus alieno piculo eru- ditur. 592
Ambitio 642. 681	Auaritia sacerdotum. 220
Aīal rarū est uir bonus. 640	Auaritiam taxat. 263
Ananias, Azarias, Misahel. 164. 196	Auaritiæ malum. 642
Anceps temporum palpa- tor 75	Augustinus tracta. 9. & 10. i expositione Euāgelij Ioā nis 2. 532
Angusta bonorum uia. 187	Aura popularis. 75
Animarum ratio cōis. 218	Aurelius exēplar ecclesiasti- cæ disciplinæ. 93
Animi expiati potentia. 71	Aurelij agon. 93
Anna, typus ecclesiæ. 353	Aurelij commendatio. 93
	Auro alligant diuites. 76

I N D E X

Basilides episcopatu ex-	31	relabor irritus.	215
turbatus.	31	Cæsar.	266
Baptisma.	374	Cæcus illuminatur.	546
Baptisma unum.	253	Celebrandum an sit uespe-	
Baptismus nemini denegā-		re, an mane.	87
dus.	128	Celerina, auia Celerini.	191
Baptismus nō nisi ab habē		Celerini constantia.	190
te potestātē percipitur.	43	Celerini cum Aurelio colla	
Baptism⁹ se latē extēdit.	663	tio.	192
Baptismo daturus autorita		Celerini martyrio suadet	
tē baptizat Christus.	662	cōgratulandum.	190
Baptizandi institutio.	126	Certantibus præest dñs.	97
Beatorum præmia.	243	Ceremoniæ in suscipiēdo	
Bellū, multorū homicid.	71	capite Ioannis.	544
Beneficia tyrannorum.	267	χαλεπα.	257
Bonis ac malis sol exori-		Charitas.	90.308
tur.	301	Christus passus, ut nos re-	
Bonos & malos habet una		dimeret.	197
domus.	225	Christus sacerdotum pro-	
Bonorum raritas.	673	tector.	14
Caduca oīa fucata.	77	Christus quomodo salutis	
Cain impatiens.	311	autor.	268
Carne hic æquamur, sepa-		Christi exēplo primum fa-	
ramur spiritu.	318	cere, postea docere opor-	
Carnis monilia.	236	tet.	195
Castor, Pollux.	264	Christi imortalis bñfi.	271
Catasta, id est, cōpes lignea		Christi milites mortis con	
qua uinciuntur serui.	94	temptores.	2
Caro nō reluctat ppriē spi-		Christi natiuitas.	197
ritui, sed spiritus sibi.	641	Christi patientia.	303
Casa dominica.	645	Christiana fortitudo.	10
Castitatis cōmendatio.	628	Christian⁹ dici non meret q	
Cathedra ueritatis quibus		Christo nō credit.	278
competit.	670	Christianus nō est, q in xpī	
Cæcitas diuitum.	76	ecclesia non est.	178
Cæco lumen, surdo sermo-		Christiani spe firmanē.	226
nem, sapientiā bruto offer		Christianorum arma præ	

INDEX

cepta Dei.	374	Confirmatio episcopi.	170
Christianorū p̄secutor De-		Confundi ponit pro erube-	
metrianus.	221	scere.	87
Christianorū spes ī ligno	158	Consulatus.	266
Christianos inuitat paradī		Consulendum salutē.	287
sus.	226	Cōtagium uenenati sermo	
Charitatis q̄rimonia.	620	nis exuendum.	26
Chrismatis beneficia.	702	Continentiā suadet Deus,	
Christus à chrismate, id est		nō iubet.	244
unctiōe appellat.	554. 703	Cōsiderādū qd scribam⁹	19
Christus baptismo datur⁹		Consolatio martyrum.	158
autoritatē, baptizat.	662	Cōsolatur incarceratos.	191
Christus in deserto.	670	Confus.	265
Christus īfans uir dicit.	650	Contagio malorum.	41
Christus p̄ris speculū.	538	Conuictiō cedendum.	16
Christ⁹ regiū nomē est.	555	Cornelius centurio.	369
Christi humilitas.	695	Cornelius gradatim ad epī	
Xpī obediētē merces.	624	scopatum euectus.	169
Christi titulus.	536	Coronē xpianorū uariē.	298
Circuncisionis dies.	128	Corpus nō animus in mar	
Cloacina.	265	tyrio deficit.	337
Cœlestis muneris nulla mē		Corpus est aīę officina.	641
fura.	70	Corporū materia silis.	218
Cœnæ dñicæ apparat⁹.	683	Cothurni tragici mala.	72
Cogitatio carnalis ab̄scien		Credendum non esse cuiq̄	
da.	368	spiritui.	171
Colluctatio carnis & sp̄ri		Criminis particeps est qui	
tus.	360	consentit.	100
Columba ecclesia.	251	Crocodilus colitur.	221
Colūba Felici appuit.	543	Cupiditas malorum radix.	
Cōmendatio martyru.	95	278. 336. 362	
Concordia.	248	Cyprianus increpat Deme	
Concordia inuicta.	2	trianum.	218
Confessio beatos facit.	90	Cypr. insultat Pupiano.	211
Cōfessio glorię exordiū	260	Cyprianus Nouatiano in-	
Confessor.	260	sultat.	178
Confessorū cōmēdatio.	322	Cyprianus se purgat.	166

INDEX

Deformis usq; sine Dei	mitur.	240	
decere.	347	Diaboli insidiæ.	53-247
Defuncti etiam orant pro	Diaboli uersutia.	289	
uiuis.	4	Diaconus accipit confessio	
Delicta redimenda.	20	nē in necessitate.	149
Delinquimus quotidie.	357	Diana.	266
Demetrianus Christianor;	Digni ordinandi.	30	
persecutor.	221	Dñ Romanorum.	265
Demetrianum increpat Cy-	Dilectione & spiritu absen-		
prianus.	218	tes coniunguntur.	157
Deprecationes sine ope par	Disciplina.	231	
ui sunt momenti.	274	Disciplina gubernaculū in	
Deus à morte liberare po-	tempestate.	99	
test.	196	Discipul⁹ ut discit, faciat	198
Deus differt uindictam.	301	Dissimulādū nōnunq;.	142
Deus homo Christus præ-	Diuites discruciat sollicitu-		
nuntiatus.	269	do.	75
Deus misericors.	349	Diuturnum exprobratio.	280
Deus placādus nō uoce tã	Diabolici regni sequaces.		
tum, sed lacrymis, ieiun-	680		
nijs, &c.	185	Digitus Dei.	729
Deus sua dona coronat in	Dilectio dei ī mortales	666	
nobis.	160	Diligere Deum, primum &	
Deus unus.	267	ultimum præceptum.	669
Deus unus est ubiq;.	268	Diuinitas <u>definiri neq;.</u>	636
Dei est quod possumus.	70	Dñs cordis scrutator.	98
Dei nutu cuncta regunt.	13	Dominus orandus.	339
Dei uoluntas.	359	Dona sua coronat in nobis	
Deo omnia manifesta.	345	Deus.	160
Deo proprium <u>misereri.</u>	339	Ducis cōfessio subditorum	
Deo proximus nihil terre-	76	est conuersio.	1
num appetit.	76	Ductus à spiritu qualiter ī-	
Decollationis Ioannis inti-	telligitur.	676	
tura sollemnitas.	541	Ecclesia nulli claudēda.	24
Dei gratia & charitas om-	Ecclesia pulsantibus apertē		
nes recipit.	693	da.	5
Diabolus baptismo oppri-	Ecclesia una.	39-179	

I N D E X

Ecclesię unitatē seruari gau-	117	sio à uerbo ἐξομολογέομαι,	182
det.		id est, confiteor.	
Eleazarus.	391	Ex ore infantium perfecisti	
Eleazari constantia.	599	laudem.	660
Eleemosynę fructus.	284	Faciem uidemus, cor ue-	
Emmanuel.	418	ro nō.	7
Enoch Deo placuit.	326	Febbris.	265
Enoch interpretatio.	533	Felicissimi factio.	50
Epiphonema.	72	Felicissimo pseudepiscopo	
Episcopus plebe p̄sente eli-		insultat.	23
gendus.	30	Felix	17
Episcopus seipsum ordina-		Felicis oratio.	542
re non potest.	40	Fides dormiens cēsurā cō-	
Ep̄i uirtus adunatio frater-		lesti erigitur.	232
nitatis.	2	Fides rara.	263
Episcopum designabat po-		Fide omnibus una.	663
pulus.	121	Fidei & perfidię nulla socie-	
Episcopatus unus. 179. 242		tas.	27
Epistola scholastico stylo		Fidei unitas congratulatio	
elaboratur.	68	nīa causa.	1
Esau impatiens.	311	Figura dñicę passionis.	79
Esus carnis Christi.	688	Figura sacramenti baptis-	
Euaristus relicto episcopa-		malis.	82
tu uagus.	105	Filię numer⁹ liberalitatē	
Euari. schismatis autor.	137	et eleemosyn. minuit.	282
Eucharistia accipiētibus tu-		Finis mūdi ī p̄ximo est.	228
tela.	6	Flēdi gehēnē īmemores.	26
Eucharistia sūpra erigit.	7	Flora.	265
Eunuchi.	621	Fori mala.	74
Eunuchorū petulātia.	623	Fortunatianus.	46
Execratio in fidei detracto-		Fortunatus pseudēps.	16
res.	52	Fructus eleemosynę.	284
Exercitus unitus disperso		Gaudendū morte poti⁹	
fortior.	2	q̄ flendum.	325
Exhortatio ad patiētīā.	318	Gaudium properat.	94
Exhortatur ad patiētīā.	91	Galli, sacerdotes Cybeles	
Exomologesis, id est, cōfēs-		à gallo flumīe Phrygię	623

I N D E X

Gaudia natalis Dñici.	643	Humilitas sanctitatis fun-	
Gladius spiritualis.	60	damentum.	ibidem.
Gradus felicitatis.	20	Hypocritarū dementia.	671
Gradus uictoriæ.	330	Ianus bifrons	265
Gratia Dei æqualiter distri-		Ieiuniorū uirtus.	672
buitur.	203	Idea.	276
Gratia nulli denegāda.	128	Idololatriæ origo.	264
Gratulatur Cyprianus re-		Ignatius.	191
uerfis ad fidem.	118	Ignauia mentis qualiter cō-	
Gregibus dux unus, apib⁹		primenda.	305
rex unus.	268	Ignorantiæ bona opinata.	75
Hereses unde ortę.	13	Imaginis dei portatores.	
Helias typus Christi.	282		245.
Hercules.	265	Immortalitas perseueranti	
Hemitritæus febris tertia-		datur.	244
na una & dimidia.	600	Immo pro poti⁹ sæpe usur-	
Herodes delusus conqueri		pat.	270
cur.	660	Impatiens Adam.	311
Herodis truculentia.	ibidē	Impatiēs Esau, & Cain.	311
Histrionicis gestibus inqui		Impatentia.	310
nantur omnia.	72	Imperij uicissitudo.	266
Homo cinis.	306	Impœnites iudicātur &	
Hō creatoris sui oblit⁹.	241	damnantur.	707
Homines pares.	127	Incisæ leges negligunt.	174
Honoris iacturā facere de-		Infelix loliū & steriles do-	
decorosum.	99	minantur auenæ.	228
Hortatur ad martyriū.	97	Innocens nemo.	353
Hostes hominis.	317	Insidiæ diaboli.	247
Homo animam suam non		Inuehiť ī Demetrianū.	219
cognoscens patiēter Deū		Inuidia radix omnium ma-	
non intelligit.	640	lorum.	292
Hō in malū pronus.	ibidē	Inuidia sine termino.	293
Homo non potest Deo con-		Inuidia uitanda.	290
ferri.	637	Inuidia uuln⁹ occultū.	293
Hoīs gratia facta oīa.	650	Inuidiæ origo.	290
Humanæ naturæ per Chri		Infans Christi⁹ uir diciť.	650
stū perfectio.	649	Innocentia noxia.	624

INDEX

Iouinus.	17	Lucius episcopatu restitutus.	115
Ioannes truncatus.	540	Lucta spirit ⁹ honestior quā	
Ioannis caput inuentū.	541	carnis.	671
Iob interpretatio.	533	Maccabæi.	197
Iob patientiā p̄batus.	310	Maledici.	12
Υποσώσεις.	686	Mala à diabolo.	181
Iubileus	732	Mali suo semper ferunt ma	
Iudæi uagabundi.	269	lo.	106
Iudas proditor.	261	Malitia paucorū ceteros in	
Iudicamur tales, quales in-		ficit.	134
uenimur.	4	Mancinus.	266
Iudicij dies bonis gaudio,		Mane orandum.	371
malis gehēnæ futuris.	200	Mappalicus martyr.	96
Iudex uenalis	74	Mars.	265
Iuno.	266	Martialis hæreticus & ido	
Iupiter.	265	lolastra.	32
Lachrymæ legati dolo-		Martyr cōmemoratio.	124
rum.	103	Martyrū commēdatio.	183
Laicus ex sacerdote.	171	Martyrum laus.	157
Lapsis cōicanda pax.	168	Martyrū uincula apud de-	
Lapsis medicina danda.	138	um ornamenta.	158
Latium.	265	Matrix Roma.	206
Laurentius,	191	Mauri regum suorum cul-	
Latro blasphemus.	535	tores.	265
Latro confessor.	ibidē	Maximus.	17
Laus Marię.	645	Maximus presbyter.	16
Legibus nullus honor.	74	Macheronta.	540
Leucothea, Melicertes.	264	Manducare carnem, & bi-	
Leuitę diuinis tm̄ uacēt.	55	bere sanguinē quomodo	
Lex Dei digito scripta.	730	intelligatur.	685
Lex in adiutoriū lata.	606	Manna, panis mystici ty ⁹	
Libellati.	100.122	pus.	690
Libellati & sacrificati.	17	Marię priuileg. & laus.	645
Libellaticus.	172	Martyrium quid.	737
Liberum arbitrium.	15	Martyrium tam corona q̄	
Libellus pastoris.	580	baptismus.	624
Locus deprauatus.	489		

INDEX

Medicus imperitus.	337	Nemo dat qđ nō habet.	62
Melchisedech typus domi-		Nemo extra ecclesiam ba-	
nici sacramenti.	74	ptizandus.	62
Melicertes, Leucothea.	264	Nemo innocens.	253
Melior ē un⁹ timēs deū.	23	Neptunus.	265
Mēdaciū bonis īfidiā.	171	Nicostratus desertor eccle-	
Mēdacia nō diu fallunt.	18	siæ.	105
Miles īexercitatus bello in		Nicostrat⁹ re⁹ criminū.	137
utilis.	373	Nitimur in uetitum.	640
Milites Christi nullo uin-		Nouatian⁹ ecclē hostis.	18
cuntur tormento.	95	Nouatianus fidei hostis.	3
Miraculum.	344	Nouat. uenenata faciūdia.	3
Miracula xpī p̄dicta.	269	Nouatiano īsultat Cypria-	
Misereri deo propriū.	332	nus.	178
Misericors deus.	349	Nouatus nouarum rerū cu-	
Modestix tela sumenda.	103	pidus.	105
Monilia carnis.	235	Nouati cura in circūueniē-	
Moriendum cuiq; <u>semel. 11</u>		do.	105
Mors omnibus æqua tar-		Nouati parricidium.	106
dior, citior.	195	Nomina nascētibus conso-	
Mors quibus timenda.	321	na dabanē.	531
Mors sanctorū <u>pretiosa. 96</u>		Noīa rebus cōsona.	635
Mortuis per mortuum red-		Nulla cum malis commer-	
dita uita.	545	cia	27
Mos uetus.	428	Numidicus presbyter.	213
Mundus nutat.	327	Oblatio pro alijs.	148
Mundus senuit.	215	Oblatio pro defunctis.	55
Mutati consilij ratio.	166	Obtēperandū p̄ceptis.	145
Mulier uiri adiutoriū.	596	Odium ante notitiam.	257
Mulierū īfidię & laq̄i.	601	Omnia orta cadunt.	216
Mysterium.	59	Oīa hoīs grā facta.	650
Naturæ uis & consuetu-		Opera Dei perfecta.	127
dinis.	69	Operantibus p̄miū, otio-	
Ne nos inducas in tentatio-		sis supplicium.	285
nem.	355	Orādi adorādiq; mod⁹.	353
Necessitas p̄texitur turpi-		Orandum manē.	371
rudini.	65	Orandum pro inimicis.	25

I N D E X

Orādum pro omnibus.	189	Pax dantib⁹ periculosa.	338
Orandum quid.	354	Pax fortibus necessaria.	6
Orandum uesperī.	371	Pax negatur morienti.	178
Orandus dominus.	339	Pax poenitētibus morte da-	
Oratio dñica cæteris ante-		tur.	5
ferenda.	351	Pax quærenda.	262
Oratio sit cōmunis & pu-		Pax uigilantibus datur.	6
blica.	354	Parilitatis incōmoda.	628
Oratio unanimis.	186	Pastores Aegyptijs abomi-	
Oñoni instādū monet.	102	nabiles.	647
Ordinis ecclesiast. series.	131	Pastorū cōmendatio. ibidē	
Origo idololatrię.	264	Patripassiana hæresis.	554
Oratio efficax præcedente		Peccata nostra meruere ea,	
ieiunio.	673	q̄ patimur mala, 185. et	218
Originalis macula baptis-		Peccata separant à Deo.	221
mo abluitur.	696	Peccatorum remedia.	274
Os homini sublime dedit,		Pecuniæ mancipati.	336
coelūq; uidere iussit.	223	Pecuniæ seruus.	274
Ossa Ioannis collecta.	540	Perfundunt apud nos, mer-	
Panem nostrū quotidiana-		guntur apud Anglos ba-	
nū: interpretatio.	361	ptizandi.	201
πανοπλίαν.	199	Peripatetici ab ambulādo	
Paradisus Christianos inui-		dicuntur, Clinici lecto af-	
rat.	226	fixi sunt. Huc alludit io-	
Patiētia aduersis pbat.	225	cus.	204
Patientia Christi.	303	Persecutio fidelium corona	
Patientiæ commēdatio.	311	tio.	195
Přimoniū deo credēdū.	282	Pertinaces nouatianistę.	44
Patronus prauaricator.	74	Philosophi Deo displicen-	
Paucorum malitia cæteros		tes.	301
inficit.	134	Philosophorū rōnes xp̄iano	
Paulus.	266	rū rōnib⁹ dissimiles.	173
Pauor.	265	Phoenix.	559
Pauperi non cuius subue-		Picus.	265
niendum.	133	Pipinus uictor.	543
Pauperes commendat.	124	Pipinus Vuandalis occur-	
Pauperum comendatio.	156	rit.	ibidem

I N D E X

Patiētia oīb⁹ necessaria.	309	Radī multi, sol un⁹.	245
Patientīæ origo à Deo.	301	Raphael angelus.	369.274
Plato.	267	Ratio reddenda.	22
Pœna brevis quam manet merces æterna.	159	Raritas bonorum.	673
Pœnitentia agenda.	181	Rector qualis, talis subdi- tus.	18
Pœnitētia agitur seruando dei mandata.	150	Refellit Demetriani fufur- ros.	215
Pœnitētia nulla fera est.	230	Regib⁹ anxietas & met⁹.	76
Pœnitētiæ nullus post mor- tem locus.	229	Regnū coeleste, terreſtre.	358
Pollux, Caſtor.	264	Regulus.	266
Popul⁹ designabat ep̄m.	121	Remedia peccatorum.	274
Præcepta dei arma Chriſtia- norum.	374	Remitte nobis debita no- ſtra.	303
Præceptis obtēperādū.	140	Renasci poſſe miratus Cy- prius.	69
Præmia beatorum.	243	Renatus Cyprianus nubē exuit.	69
Præpoſit⁹ iter p̄dones.	210	Reſurrectio Chriſti.	270
Præpoſiti uita ſubditorum		Reuelatio.	212
Pregula.	157	Regnum diaboli uīſiſ mu- nitur.	679
Priuatus.	17	Regni diabolici ſequaces.	680
Prophanus eſt, qui eccleſiæ unitati derogat.	170	Reſurrectio cōmunis.	720
Prophetæ.	197	Reſurrectionis primitiæ in Chriſto.	717
Prædicatio à pauperib⁹ ha- bet initium.	646	Reſuſcitatoræ libertas.	718
Prouidentia.	631	Romulus.	265
Pſeudepiſcopi.	17	Sacerdos ab altari nō re- cedat.	55
Puella à dæmone poſſeſſa.	343	Sacerdos dign⁹ eligēdus.	28
Puerorum ore nonnunquā deus loquitur.	144	Sacerdotes humiles.	208
Pugna longior coronā dat ſublimiorem.	92	Sacerdotes ueri qui.	45
Pupiano inſultat Cypr.	211	Sacerdotum corpus cur co- pioſum.	139
Querimonia charitatis.	620.	Sacerdotum puritas.	28


INDEX


Sacrificati.	100	Sina quid mysticè.	533
Sacrificia p martyrib.	191	Sion & Sina montes distin	
Saluti cōsulendum.	287	cti.	530
Sanctificet nomen tuū.	357	Socrates dē mone	usus. 267
Satisfactio longa.	50	Sol æqualiter radios diffun	
Saturnus falcifer.	265	dit. 203.	(301
Sabbatum.	732	Sol exoritur bonis ac malis	
Sacramēta q̄ nō iterāt.	695	Softhenes.	267
Sapiētīæ arma	lumēda. 594	Solitudinis palæstra diffici	
Sæpe fit expulsa nocte fere-		lis.	671
na dies.	189	Spes xp̄ianorū in ligno.	158
Scelus uindicta sequit̄.	224	Spe firmanē	Christiani. 226
Schismatica molimina nō		Spūs sine mēsurā dat̄.	202
durant.	179	Sportula.	55
Scrutator cordium	Deus. 7	Sportulæ.	192
Scalæ Iacob innitendū.	659	Spadones.	621
Secessus studiosis	ap̄tus. 68	Spiritus anima	mundi. 728
Securitati cōsulendum.	229	Spiritus captiuus.	641
Sed libera nos à malo.	266	Stabulū pro diuersorio.	139
Serenitas discussa nube re-		Statutum.	22
fulget.	329	Stellæ quatuor cardinibus	
Sermo malorum sicut can-		mundi constitutæ Adami	
cer.	349	componunt.	532
Serpēs dictus diabol⁹.	246	Superstitiōe subuertitur re	
Senes prudentes.	544	ligio.	221
Septenarius numerus.	731	Sursum corda.	368
Sequaces regni diabol.	680	Subindicat baptisimi sacra-	
Sicut in cœlo et in terra.	359	mentum à Christo institu-	
Similitudinibus ostēdit ue-		tum & alia quædā ab apo-	
niam pœnitentibus nō de-		stolicis uiris.	695
negandam.	181	Symbolum quid.	547
Similitudinibus unitatem		Taciturnitas nimia no-	
ecclesiæ probat.	249	cer.	142
Simplex de deo sermo non		Temperāda seueritas, ne ue-	
fucatus.	69	niatur ad deteriora.	173
Similitudo pulcherrima.	663	Tēpestas oñdit p̄batos.	115
Similitudines pulchræ.	608	Tp̄e multiplicāt mala.	217

I N D E X

Testis in propria causa ne- mo idoneus.	207	Virginibus etiam sacris p- mittit nubere.	59
Tentatio prima.	674	Virginū & masculorū peri- culosa cohabitatio.	58
Tentatio secunda.	675	Virginitas flos ecclesiæ.	173
Tentatio tertia.	677	Virtus incōcussa contra in- curfus.	10
Thomæ fides incredulū.	126	Visio.	324
Timere cogit q̄ timetur.	121	Vitæ breuitas.	216
Titulus Christi.	76	Vitæ uia arcta.	243
Tituli & nomina.	536	Vitea porticus.	68
Tobias cecitatem ptulit.	634	Via ad cœlū difficilis.	660
Tobiæ p̄cepta ad filiū.	310	Vir bon⁹ est aīal rarū.	640
Tormētis p̄mia crescūt.	283	Virginitatis præconiū.	629
Trismegistus.	157	Vita hominis nō solo san- guine regitur.	687
Trophim⁹ eccl. restitur⁹.	267	Vltima semp̄ expectāda di- es homini, diciq̄ beat⁹ an- te obitū nemo supremāq̄ funera debet.	316
Transubstantiatio.	171	Vnanimitati plurimum tri- buendum.	254
Trinitatis unio.	685	Vnitas.	262
Tyberinus.	666	Vnitas à deo & ap̄lis data successorib. seruāda.	110
Tyrannorū beneficia.	265	Vnitas ecclesiæ figuris defi- gnata.	40
Venire uia oīb⁹ patet.	267	Vnitatē ecclesiæ seruari gau- det.	113
Veritatis ratio habenda.	155	Vnusquisque rationem sui actus redditurus.	67
Vesperis orandum.	331	Vnū necessariō ē p̄cip.	637
Veritas ab erroneis nō cō- prehenditur.	371	Voluntas Dei.	359
Vicissitudo imperij.	689	Votū sacerdote dignū.	132
Victoriæ gradus.	266	Voluntas Dei iustitia.	606
Vigilandum est.	330	Vox ad Pipinum.	544
Vincula martyrum ornamen- ta apud deum.	263	Vuādali i Agta. deiecti.	543
Vindices legis diuinæ, Ma- thathias, Helias, daniel.	158		
Vindictā differt Deus.	32		
Virgo Deo dicata.	301		
Virgines exhortatur.	59		
Virginibus aduersus carnē colluctatio.	242		
	234		

F I N I S.









126

